



EX BIBLIOTHECA
DOMINICANORUM
MONTIS POLITIANI
1786.

2.3.136

13

2 L¹3

THEOLOGIA

CHRISTIANA

DOGMATICO-MORALIS


AUCTORE

F. DANIELE CONCINA

ORDINIS PRAEDICATORUM.

TOMUS TERTIUS

IN DECALOGUM.



ROMAE, MDCCXLIX.

SUPERIORUM PERMISSU.

PROSTANT VENALES VENETIIS

APUD SIMONEM OCCHI.



I N D E X

*Librorum, dissertationum, capitum, paragraphorum,
& questionum quæ in hoc Tomo continentur.*

LIBER TERTIUS

IN DECALOGUM.

D I S S E R T A T I O I.

De adoratione, & cultu quo Deus, & Sancti
colendi sunt.

P R O O E M I U M.

pag. 1.

C A P U T I.

Quid sit adoratio, eiusque partitio, atque præceptum exponitur.

2.

Quæst. I. Datur ne præceptum divinum, & naturale colendi Deum adibus tum
internis, tum externis?

3.

Quæst. II. Quandoquidam hoc præceptum per se obligat?

4.

Quæst. III. Est ne locus determinatus in quo colendus Deus sit?

ibid.

C A P U T II.

Cultus latriæ soli Deo uni trinoque, atque Christo Domino debetur.

5.

Quæst. I. Christus Dominus, ut homo, adorari ne potest adoratione latriæ?

ibid.

Quæst. I. Humanitas Christi, ut a Verbo divino abstracta, est ne cultu latriæ ad-
oranda?

6.

Quæst. III. Licet ne prædicte adorare humanitatem Christi adoratione dulci propter
creatas perfectiones quibus splendet?

ibid.

Quæst. IV. Corpus Christi in triduo mortis erat ne cultu latriæ adorandum?

ibid.

Quæst. V. Adoranda ne est hostia a Sacerdote in Missa elevata absolute, aut con-
ditione adiecta?

7.

Quæst. VI. Adoranda ne est latriæ cultu caro, vel sanguis, qui interdum in hostia
consecrata per miraculum apparet?

ibid.

C A P U T III.

*De cultu quo Crux Christi, & cetera eiusdem sacratissima passionis instrumenta coli
possunt, & debent.*

8.

Quæst. I. Crux Christi adoranda ne est latriæ cultu?

ibid.

Quæst. II. Cetera sacratissima passionis Christi instrumenta inanimata, ut clavi,
lancea, funes, flagella, corona, arundo, spongia, sunt ne latriæ cultu adorand-
a?

ibid.

C A P U T IV.

De adoratione debita B. Virgini Mariæ, Angelis, & Sanctis?

10.

a ij

CA.

CAPUT V.

De cultu quo colendæ sunt imagines sanctissimæ Trinitatis, Christi Domini, & Sanctorum. 16.

Quæst. I. Sint ne eiusmodi imagines adorandæ? 16.

Quæst. II. Adeß ne præceptum aliquod præcipiens sacrarum imaginum usum? 20.

Quæst. III. Adeß ne præceptum easdem imagines adorandi? ibid.

CAPUT VI.

De cultu Reliquiarum. 21.

Quæst. I. Quid nomine Reliquiarum intelligitur? 22.

Quæst. II. Licitum ne est adorare vermes in quos Sanctorum corpora resolvuntur? ibid.

Quæst. III. Quæ certitudo requiritur, ut Reliquiæ colantur, tamquam particule aliquius Sancti? 23.

Quæst. IV. Quas Reliquias approbare valet Episcopus, ut eadem publico cultui exponantur? 24.

Quæst. V. Licitum ne est authenticas Reliquias collo suspensas secum deferre? ibid.

Quæst. VI. Peccat ne qui sacras Reliquias furatur devotionis causa? ibid.

Quæst. VII. Licitum ne est Principi in bello iusto ex urbibus illis a se expugnatis Reliquias extrahere, & alio transferre? 25.

Quæst. VIII. Licitum ne est venditio, & emptio Reliquiarum? ibid.

Quæst. IX. Est ne simonie peccatum exponere sacras Reliquias videndas, ut inde largiores elemosinæ offerantur? ibid.

Quæst. X. Est ne aliqua pœna constituta contra Reliquiarum fures? 26.

Quæst. XI. Licitum ne est cereos agnos venerari? 27.

Quæst. XII. Velitum ne est præfatos agnos sub excommunicationis pœna pingere, vendere, & tangere? ibid.

Quæst. XIII. Quæ veneratio vestibus sacerdotibus, vasis sacris, & templis debetur? 28.

Quæst. XIV. Quomodo calices, corporalia, & aliæ res sacræ tangi a laicis possunt? ibid.

Quæst. XV. Res sacræ converti ne licite possunt in usus profanos? 29.

Quæst. XVI. An vasa sacra, postquam fracta sunt, vendi valeant? 30.

Quæst. XVII. Res profanæ converti ne in usum sacrum possunt? 31.

DISSERTATIO II.

De vitis oppositis religioni, seu de superstitione, eiusque speciebus.

CAPUT I.

Definitio, ac divisio superstitionis. 32.

Quæst. I. Quoddam peccatum sit superstitio ex modo indebito colendi Deum? 34.

Quæst. II. Est ne peccatum grave profana, & turpia divino officio immicere? ibid.

Quæst. III. Quæ falsas Reliquias adorandas proponit, quæ miracula commenticiis prædicat, peccat ne lealiter? ibid.

Quæst. IV. Est ne mortale peccatum die dominico a carnibus abstinere, atque ieiunare? ibid.

Index.

v

C A P U T II.

Sub examen inducuntur plures casus, in quibus latet ne superstitione declaratur. 35.

C A P U T III.

De idololatria, cuius notio, & malitiæ gravitas exponitur. 38.

C A P U T IV.

- Quid sit divinatio, quotque illius species.. 41.
 Quæst. I. Quæ futura demones prædicere valeant? ibid.
 Quæst. II. Qua ratione demones divinos suos doceant? 42.
 Quæst. III. Divinatores invocant ne semper expresso pacto demonum opem? ibid.
 Quæst. IV. Sunt ne omnes relatæ divinationis species moraliter diversæ, & in confessione explicandæ? 44.
 Quæst. V. Divinatio cum pacto expresso cum demone differt ne moralis specie ab ea quæ tacito pacto peragitur? ibid.
 Quæst. VI. Est ne mortale crimen divinatio cum pacto sive expresso, sive tacito? 46.

C A P U T V.

- De astrologia iudiciaria, seu de divinatione per astra. 47.
 Quæst. I. Superstitiosum ne est futura libera variolari, non certo, sed probabiliter? 48.
 Quæst. II. Prædictio tantum coniecturalis est ne a superstitione immunis? ibid.
 Quæst. III. Licite ne valent astrologi ex signo nativitatis temperamentum, inclinationem, corporisque proprietates prædicere? 50.
 Quæst. IV. Licitum ne est petere ut oculi thesauri, aquæ subterraneæ, cadavera sub sarcophagis latentia manifestentur ab iis qui istorum cognitionem iurant? 51.
 Quæst. V. Divinatores tenentur ne restituere pretium pro divinatione acceptum? ibid.

C A P U T VI.

- De divinatione per somnia. 53.
 Quæst. I. Licitum ne est per somnia divinare futura? 54.
 Quæst. II. Licite ne est naturalium somniorum observatio? ibid.
 Quæst. III. Licitum ne est ex somniis futura libera divinare? ibid.
 Quæst. IV. Peccat ne qui somniorum occasione mores suos, & negotia moderatur? 55.
 Quæst. V. Quando somnia eventibus comprobantur, sunt ne tunc observanda? ibid.

C A P U T VII.

- De divinatione quæ fit per auguria, & omina, & alias eiusmodi observationes exteriorum rerum. 56.
 Quæst. I. Licet ne ex cantu, volatu, motuque avium futura portendere? ibid.
 Quæst. II. Licitum ne est ex vocibus humanis casu prolatis, aut ex aliis fortuitis eventis futura prædicere? 57.
 Quæst. III. Superstitio ne est futura prædicere ex corporis humani membris? ibid.
 Quæst. IV. Peccant ne graviter qui Aegyptios, vulgo Cingaros, consulunt, ut ex manuum ostensione bonam aut malam sortem sibi cauant? 58.

C A P U T VIII.

- De divinatione quæ fit sortium usu. ibid.
 Quæst. 59.

- Quæst. I. *Licitum ne est sortibus uti divinis in electione ad dignitates secularis?* 59.
 Quæst. II. *Licitum ne est sortium usus in electione ad ecclesiastica beneficia?* ibid.
 Quæst. III. *Electio ad beneficia ecclesiastica, sortitione peracta, est ne nulla, nedum illicita?* 60.
 Quæst. IV. *Licita ne sortitio est ad dirimendas lites super rebus, & beneficiis ecclesiasticis?* ibid.
 Quæst. V. *Licita ne est sortitio consultoria?* 62.
 Quæst. VI. *Cur dormientes præ vigilantibus divinent?* 63.
 Quæst. VII. *Cur fatui, & stupidi facilius divinant quam sana præditi mentes?* ibid.
 Quæst. VIII. *Cur homines morti proximi sepe futura divinant?* 64.

CAPUT IX.

De vana observantia.

- Quæst. I. *Licita ne est ars notoria?* 65.
 Quæst. II. *Licita ne est sanitarum observantia?* ibid. 66.

CAPUT X.

De magia naturali, eiusque effectibus.

- Quæst. I. *Est ne licita magia naturalis?* 68.
 Quæst. II. *Qua ratione & via magia naturalis a superstitione secerni valet?* ibid. 69.
 Quæst. III. *Quando dubium est, procedat ne effectus a causa naturali, vel arte superstitione, quid presumendum?* ibid.
 Quæst. IV. *Quid dicendum de iis qui salutatores nuncupantur?* 71.
 Quæst. V. *Licitum ne reputari ensalmus debet?* 75.
 Quæst. VI. *Datur ne virtus naturalis qua aliquis valeat solo aspectu fascinare?* 72.

CAPUT XI.

De magia superstitiosa, seu de maleficio.

- Quæst. I. *Licet ne maleficium alio maleficio curare?* 76.
 Quæst. II. *Licitum ne est petere a malefico ut maleficium auferat, cum tibi constet, illum posse mediis licitis eiusmodi maleficium tollere?* 77.
 Quæst. III. *Licet ne maleficii signa destruere?* 78.
 Quæst. IV. *Maleficus qui demoni chirographum proprio sanguine subscriptum tradidit, debet ne illud redimere, ut veram peragere penitentiam valeat?* 80. 81.

CAPUT XII.

De lamiis, sagis, & strigibus.

- Quæst. I. *Cur femina præ viris maleficiis sint deditæ?* 82.
 Quæst. II. *Cur vetule præ iunioribus feminis præstigiis, maleficiisque dent operam?* ibid. 83.
 Quæst. III. *Cur Deus permittat ut lamie, seu striges infantibus & iuvenibus potius quam adultis noceant?* ibid.
 Quæst. IV. *Transferuntur ne reapse striges de loco ad locum; an vero phantastica tantum illusionem motus iste contingit?* ibid.
 Quæst. V. *Potest ne demon mulieres sagas, sive viros in selem, mustelam, leporem, aliasque bestias mutare?* 85.
 Quæst. VI. *Possunt ne demones ianuis clausis introducere sagas in domos, & cubicula dilectorum?* 86.
 Quæst. VII. *Quo in loco conventus sagarum cum demonibus celebrentur; quidque in eiusmodi conventiculis peragant?* 87.

CAPUT XIII.

De pœnis constitutis in sagas, maleficos, eosque omnes qui pactum aliquod expressum, aut tacitum cum demonibus ineunt. 82.

DISSERTATIO III.

De tentatione Dei, de sacrilegio, & blasphemia.

CAPUT I.

Quid sit tentatio Dei?

21.

Quæst. I. Sit ne levis culpa tentare Deum, cum materia levis est?

21.

Quæst. II. Utrum tentet Deum ille qui probatione ferri candentis, aut aquæ ferventis suam innocentiam manifestare contendit?

23.

Quæst. III. Tentat ne Deum ille qui, ut hæreticum convertat, miraculum a Deo patrandum in confirmationem veritatis catholicæ offert?

24.

CAPUT II.

De sacrilegio, eiusque speciebus.

25.

CAPUT III.

De blasphemia. Quid, & quotuplex sit.

22.

Quæst. unic. Differt ne species blasphemia in Deum ab ea quæ est in Sanctos?

100.

CAPUT IV.

De gravitate blasphemie, & de blasphemis ex habitu, & ira.

101.

Quæst. I. Est ne blasphemia genere suo peccatum mortale?

ibid.

Quæst. II. Est ne blasphemia peccatum omnium maximum?

102.

Quæst. III. Peccat ne qui ex inveterata consuetudine, & habitu pravo blasphemat?

103.

Quæst. IV. Peccat ne mortaliter qui inadvertenter blasphemat, quique ita habitualiter dispositus est, ut, etiam si adverteret, blasphemaret?

ibid.

Quæst. V. Blasphemia ioco prolata est ne peccatum mortiferum?

104.

CAPUT V.

De variis blasphemandi formulis in Deum, & Sanctos.

105.

Quæst. I. Sumi ne blasphemie eiusmodi locutiones: Non credo Deum, Nego Deum, Crucem, Evangelia, sacramenta, si ita non est?

106.

Quæst. II. Qui falsum iurat, est ne blasphemus?

107.

Quæst. III. Qui eodem impetu iracundia profert plures blasphemias, unum ne, an multiplex peccatum committit?

ibid.

CAPUT VI.

De pœnis in blasphemos constitutis, & de eorum iudiciis.

ibid.

Quæst. I. Qui blasphemos audit, astringitur ne eisdem ad iudicem deferre?

108.

Quæst. II. Quomodo se gerere debeat Confessorius cum blasphemis?

ibid.

Quæst. III. Quam pœnam imponere Confessorius blasphemis pœnitentibus debeat?

109.

Quæst. IV. Qui consuetudine blasphemandi tenentur, debent ne absolvi, an: equam a consuetudine prava recesserint?

ibid.

LIBER QUARTUS

IN DECALOGUM.

DISSERTATIO I.

De voto.

PROOEMIUM.

114.

CAPUT I.

Hæreticorum errores adversus vota.

112.

CAPUT II.

Recensentur opiniones damnatæ, & lexiores nonnullorum recentiorum.

115.

CAPUT III.

Voti notio. Quæ illius conditiones, ut licitum, & validum sit?

117.

Quæst. I. Quanam deliberatio requiratur ad votum?

119.

Quæst. II. An vota repentina debeant impleri?

ibid.

Quæst. III. An quandoque mortale peccatum committat qui præcipitanter votum magni momenti edit; & an votum sic cum peccato commissum validum sit?

120.

Quæst. IV. An, quando votum est de re levi, & obligat solum sub veniali, sufficiat semiplena deliberatio?

121.

Quæst. V. An ad votum sufficiat deliberatio seu libertas virtualis?

ibid.

Quæst. VI. An propositum primum sit votum, vel aliquam inducat obligationem?

122.

Quæst. VII. An in promissione natura voti sita sit? & quomodo a proposito promissio hæc differat?

123.

Quæst. VIII. Quodnam propositum requiratur ut votum validum sit?

ibid.

CAPUT IV.

Explicatur ultima definitio voti particula, promissio facta Deo, ut palam fiat, quo sensu dicatur, vota Sanctis fieri, & Prælati.

126.

CAPUT V.

De materia voto subiecta. Vera intelligentia illius particula, de bono meliori, exponitur. Votum non nubendi validum declaratur. Opinio Leandri, & aliorum, docentium votum castitatis fieri nullum ob supervenientes tentationes, & lapsus, refutatur ut laxa, & improbabilis.

129.

Quæst. I. An ea quæ sunt lege sive humana, sive divina præscripta, possint esse materia voti?

ibid.

Quæst. II. An promissio quæ fit in baptismatis susceptione, renuntiandi diabolo, & pompis eius sit votum?

130.

Quæst. III. Quomodo intelligenda sit illa particula, de meliori bono?

ibid.

Quæst. IV. An validum sit votum de materia opposita consensui?

131.

Quæst. V. An votum contrahendi matrimonium sit validum?

132.

Quæst. VI. An qui concupiscentiæ stimulis exiguatur vocet matrimonium se contrahendum, ut fornicationes, aliosque libidinis actus vitet, valde vocetur?

ibid.

Quæst. VII. An coniugatus, impeditus a petitione debiti ob votum, aut incestum, aut

aut

- aut cognationem spirituales, possit petere, quoties vehemensibus carnis stimulus agitur, ne periculo exponatur in gravia luxuria peccata labendi? 135.
- Quæst. VIII. An votum castitatis, religionis, vel non nubendi, cui salubrius est matrimonium ob incontinentiam, sit validum, impediaturque matrimonium licite iniri? Item an nulla evadant eiusmodi vota semel emissâ ob supervenientes libidinis vexationes? 136.
- Quæst. IX. An validum sit votum de non vivendo? 140.
- Quæst. X. An votum non petendi dispensationem, commutationem, aut irritationem sit validum? ibid.
- Quæst. XI. An qui votum edunt non petendi commutationem, possint petere dispensationem, aut irritationem? 142.

CAPUT VI.

Res indifferentes, inutiles, vitiosæ, impossibiles, non sunt voti materia. Varia quasiuncle explicantur.

- Quæst. I. An votum alicuius rei cuius executio peccatum est, validum sit? ibid.
- Quæst. II. An votum agnandi tauros in honorem alicuius Sancti sit validum? 152.
- Quæst. III. An validum sit votum quo mulieres vocent non petere capillos tali aut tali die? 154.
- Quæst. IV. An votum nocturnarum vigiliarum, et non ingrediendi mare, validum sit? ibid.
- Quæst. V. An votum emissum de re bona ob finem prævum validum sit? ibid.
- Quæst. VI. An votum offerendi Deo munus bonum ob effectum malum iam obtentum, vel obtinendum, validum sit? V. g. Voveo me tot Missas celebraturum, tot elemosinas erogaturum, si ex lite, bello, aut ludo iniusto victor evaserò; si beneficium simoniace obtinuerò; si fratrem occiderò, ut illius hereditatem acquiram; si in furto, aut homicidio non fuero comprehensus; si filium ex adulterio, aut concubinato suscepero. 158.
- Quæst. VII. An votum rei bonæ ob finem indifferentem, et ob finem assequendi res temporales sit validum? 162.
- Quæst. VIII. Quodnam peccatum committat qui quod inale est, Deo votis promittit? 164.
- Quæst. IX. An qui votum faceret peccandi mortaliter sine animo implendi, peccaret mortaliter? ibid.
- Quæst. X. An res impossibilis sit voti materia? 165.
- Quæst. XI. An votum partim de re impossibili, partim de possibili, seu de materia partim apta, et partim inepta, validum sit? ibid.
- Quæst. XII. An qui vovet edificare Ecclesiam, si nequeat totam, ad partem teneatur, aut in alia Ecclesia capellam construere, vel quodpiam aliud Ecclesie offerre? ibid.
- Quæst. XIII. Quando votum est de materia mixta, partim bona, et partim mala, ad quid votens teneatur? 168.
- Quæst. XIV. An votum disjunctivè factum, cuius altera pars apta, altera inepta sit; puta, dum voves aut Religionem, aut furtum, validum sit? ibid.
- Quæst. XV. An votum gaudi Romam nudum valeat? 169.
- Quæst. XVI. An votum non ludendi validum sit? ibid.
- Quæst. XVII. An validum sit votum nunquam peccandi? 171.
- Quæst. XVIII. An validum sit votum vitandi omnia peccata venialia? 172.
- Quæst. XIX. Quid dicendum de his duobus votis? 174.

CAPUT VII.

De votorum distinctione, et multitudine.

175.

DISSERTATIO II.

Quanta sit voti obligatio. De voto dubio, indeterminato, metu, vel errore extorto, conditionali; & pœnali.

CAPUT I.

Obligatio voti exponitur. Cuiusnam virtutis sit, religionis, an alterius? Detur ne materie parvitas; & an hæc obligatio ad alios transire valeat?

Quæst. I. An voti obligatio pertineat ad virtutem fidelitatis, seu religionis; an etiam ad illam virtutem ad quam attinet materia promissa? 179.

Quæst. II. Maioris ne meriti sit opus aliquod voti lege sibi exequendum sumere, an sine voto? 180.

Quæst. III. An parvitas materie in voto detur? 182.

Quæst. IV. An transgressio voti sit mortalis, quando tota illius materia, licet absolute parva, omittitur? 183.

Quæst. V. An votens possit graviter se obligare in materia levi, aut leviter in materia gravi? 184.

Quæst. VI. An votum vitandi peccatum veniale obliget sub mortali? 186.

Quæst. VII. An qui violat plura vota in materia levi eodem die, peccet mortaliter? 190.

Quæst. VIII. An qui votis recitare per plures annos quotidie unum Pater, Ave, peccet mortaliter, si per plures annos quotidie omittat talem presem? ibid.

CAPUT II.

An voti obligatio impleri possit per alios, & transeat ad heredes? 191.

Quæst. I. An vota parentum filios obligent; & an vota facta per procuratorem teneant? ibid.

Quæst. II. An votens possit, vel teneatur per alium implere votum personale, quod per seipsum implere nequit? 196.

Quæst. III. An votens qui sua culpa factus est impotens ad observandum votum personale, teneatur per alium implere? ibid.

Quæst. IV. An vota realia impleri possint per alium, etiam inscio, & invito votente? 197.

Quæst. V. An votens factus pauper, ut impleat votum reale, teneatur ab amicis pecunias petere, aut artem suscipere quæ suum dedecet statum, aut pecuniam sibi dono oblatam acceptare, ut voto faciat satis? 198.

Quæst. VI. An satisfaciatur voto qui rem promissam alteri exhibet, si hic rem acceptam emittat offerre? ibid.

Quæst. VII. An votum mixtum, constans ex personali & reali, per alium impleri valeat? 199.

Quæst. VIII. An factus impotens ad votum solvendum teneatur adhibere compensationem? ibid.

Quæst. IX. An heredes teneantur ad vota personalia testatorum? ibid.

Quæst. X. An heres teneatur ad solvenda vota personalia defuncti, posito quod testator id ei præcipiat? ibid.

Quæst. XI. An heres, sive voluntarius, sive necessarius, cogi possit sub pœna privationis hereditatis, & excommunicationis ad solvenda vota realia testatoris? 200.

Quæst. XII. An si testator non imponat heredi onus solvendi vota sua realia? ibid.

- aut si expresse dicat, se nolle heredem suum ad eadem realia vota obligare, teneatur nihilominus heres ad illa solvenda? 201.
- Quæst. XIII. An heres teneatur solvere vota realia ante aditam hereditatem, vel ultra vires hereditatis in casu quo inventarium non fecerit, & per iudicis sententiam declaratus sit obnoxius solutioni, & ad eandem condemnatus? ibid.
- Quæst. XIV. An heres cum detrimento sua legitima solvere teneatur vota realia testatoris? 203.
- Quæst. XV. An heres possit, & debeat, si non possit per se, implere per alium vota realia testatoris; & an possit impetrare commutationem a Confessario? 204.
- Quæst. XVI. An Monasterium, iure hereditario succedens in bona Religiosi professi, teneatur solvere vota realia quæ professus in sæculo emiserat, & non solverat? ibid.
- Quæst. XVII. Quo ordine solvenda sunt ab herede vota realia comparata ad debita, & legata? 206.
- Quæst. XVIII. Si testator pluribus votis sit obstrictus, & hereditas omnibus solvendis sit impar, quenam heres solvere debeat? 207.
- Quæst. XIX. An, quando plures sint heredes, quisque in solidum teneatur vota defuncti solvere? 208.
- Quæst. XX. An donatarius teneatur vota donantis exequi? ibid.
- Quæst. XXI. An legatarius teneatur implere vota realia legantis? 209.
- Quæst. XXII. Quando Princeps ob perduellionis crimen mortis pœna plectitur votentem, eiusque bona fisco addicit, tenetur ne Princeps, seu fiscus vota realia votentis solvere? 210.

CAPUT II.

- De tempore quo votum implendum est. ibid.
- Quæst. I. Quando votens tempus non assignavit pro voti executione, quo tempore illud implere debeat? ibid.
- Quæst. II. An votum non impletum tempore designato, desinat obligare? 211.
- Quæst. III. An votens teneatur prævenire tempus designatum pro voti obligatione? 213.
- Quæst. IV. An qui votis Deo, dare hospitali servum, si illum occiderit, teneatur alium substituere? 214.

CAPUT IV.

- De voto dubio. Quando votens dubius de voto implere illud debeat. 215.
- Quæst. I. An certus de voto, & dubius de executione, teneatur ad executionem? 218.
- Quæst. II. An dubitans de quantitate rei promissæ, scilicet centum ne, an quinquaginta voverit, teneatur reddere centum? 219.
- Quæst. III. An qui vovit dare Ecclesiæ calicem, dubitat vero, cuius materie, argenteæ ne, an aureæ calicem promiserit, teneatur dare aureum calicem, vel argenteum? ibid.
- Quæst. IV. An qui vovit se non accessurum ad feminam, dubitat vero de accessu fornicario, an coniugali, teneatur solum abstinere a fornicario concubitu? 220.
- Quæst. V. An qui dubitat utrum emiseric votum ante septennium, seu perfectum usum rationis, teneatur votum servare? ibid.
- Quæst. VI. An certus de promissione, & dubius de animo se obligandi, teneatur ad votum implendum? ibid.
- Quæst. VII. An qui votum metu extortum emisit, præsumi debeat in casu dubio non habuisse intentionem se se obligandi? ibid.
- Quæst. VIII. An, si votens dubiet utrum in præfato eventu verborum amphi-

- solia*, aut mentis restrictione usus fuerit, obnoxius sit voto, vel iuramento? 221.
- Quæst. IX. *An qui dubitat, num votum emiserit tempore somni, aut ebrietas, aut phrenesis, præsumendus sit tempore sanae mentis votum suum edidisset?* ibid.
- Quæst. X. *An iratus, vel perturbatus emittens votum, si postea dubitet se habuisse necessarium usum rationis, teneatur voto, potissimum si, sedata iracundia, ipsum, emissi voti penituerit?* 222.
- Quæst. XI. *An, dum quis dubitat, materiam voti esse inhonestam, aut malam, teneatur servare votum?* ibid.
- Quæst. XII. *An in voto conditionalis dubitans de conditione teneatur votum implere?* 223.

CAPUT V.

- Quomodo interpretanda sunt vota indeterminata?* ibid.
- Quæst. unic. *An votum indefinitum tum quoad quantitatem, tum quoad qualitatem, validum sit?* 224.

CAPUT VI.

- Plures casus de votis indeterminatis quantum ad materiam quantitatem, vel qualitatem resolvuntur.* 226.
- Quæst. I. *Qui votit abstinence a vino, tenetur ne abstinere a cervisia, aliisque liquoribus e vino expressis?* ibid.
- Quæst. II. *Qui votit abstinence a vino ob finem temperantiae, & ut se voluptate illius potus privet, peccaret ne mortaliter, si aliquid vini potaret?* 227.
- Quæst. III. *An qui votit ieiunare, astingatur ieiunio ecclesiastico?* 229.
- Quæst. IV. *An vi præfati voti tenearis abstinere a laticiniis saltem in quadragesima?* ibid.
- Quæst. V. *An votens ieiunare, nullo præfinito dierum numero, satisfaciat voto unico ieiunio?* 230.
- Quæst. VI. *An qui votit plura ieiunia, satisfaciat bis ieiunando?* ibid.
- Quæst. VII. *An qui votit ieiunare per mensem integrum, teneatur etiam diebus dominicis servare ieiunium?* ibid.
- Quæst. VIII. *An, si quis voveret ieiunare die dominico, votum esset validum?* ibid.
- Quæst. IX. *An qui votit ieiunium in pane & aqua peragendum, votum violaret semel bibendo vinum; & an post unicum vini potum valeat absque voti transgressione vinum saepius bibere?* 231.
- Quæst. X. *An qui votit ieiunare in pane, & aqua, possit comedere passillos, vulgo maccharones?* ibid.
- Quæst. XI. *An qui votum edixit ieiunandi omnibus festis feriis, aut sabbatis per annum, teneatur etiam ieiunare, quando his diebus festum occurrit Nativitatis Domini?* 232.
- Quæst. XII. *Quomodo obligetur qui fecit duo vota contraria, puta comedendi tantum panem die veneris, & non comedendi panem in vigilia alicuius Sancti, quæ quandoque incidit in eandem sextam feriam?* 233.
- Quæst. XIII. *An qui votit recitare Rosarium, teneatur illud integrum recitare; & an satisfaciat, si mutaliter tantum illud percurrat?* ibid.
- Quæst. XIV. *An qui votit audire Missam quotidie, satisfaciat diebus festis unam audiendo?* ibid.
- Quæst. XV. *An puella quæ votit virginitatem, teneatur eam servare post perpetratum primum actum turpem?* 234.

Quæst.

Quæst. XVI. *An qui vovit peregrinationem absolute, satisfaciatur peregrinatione equestri?* 235.

Quæst. XVII. *An satisfaciatur præfato voto, si mercede conductus, vel timore coactus, aut alterius negotii, vel curiositatis causa peregrinationem suscipiat?* ibid.

Quæst. XVIII. *An qui vovet Religionem, aut suscipere ordines sacros, teneatur servare castitatem?* ibid.

Quæst. XIX. *An qui vovit eleemosynam non determinando quantitatem, vel qualitatem, teneatur ad magnam, aut parvam quantitatem?* 236.

Quæst. XX. *Qui unum ex suis vasis argenteis, vel servis, vel animalibus Deo vovit, quid reddere obstringitur?* ibid.

Quæst. XXI. *Si promiseris rem determinatam uni ex duabus Ecclesiis, cuiam debeas tradere in casu quo ignores cuiam promiseris?* 237.

CAPUT VII.

De votis errore, aut metu extortis. 238.

Quæst. I. *An error circa substantiam voti reddat votum invalidum?* ibid.

Quæst. II. *Unde colligendum sit, circumstantias esse causam tantum impellentem, non principalem voti; seu redundare, aut non redundare in substantiam obiecti voto promissi?* 240.

Quæst. III. *An votum metu extortum sit validum?* 241.

CAPUT VIII.

De voto conditionali, & pœnali. 244.

Quæst. I. *Quenam sint conditiones generales quæ in quocunque voto absolute reperuntur, quæque particulares quæ votum efficiunt conditionatum?* ibid.

Quæst. II. *Quid sit votum conditionatum, & an particula si efficiat semper votum conditionatum?* ibid.

Quæst. III. *An votum sub conditione de præfenti, præterito, aut futuro necessario, vel impossibili sit validum?* 245.

Quæst. IV. *An conditio turpis contra substantiam voti illud irritet?* ibid.

Quæst. V. *Quando votum sub conditione futura contingenti honesta, & possibili obliget: & an sufficiat pars conditionis impleri: & num aliqua conditio adici possit post emissum votum?* 246.

Quæst. VI. *An satis sit conditiones impleri æquivalenter, ut votum obliget; vel necesse sit ut implantur in specifica forma?* ibid.

Quæst. VII. *An peccet contra votum qui conditionem sub qua votum emisit, impedit ne eveniat: & an debeat eventum illius expectare?* 247.

Quæst. VIII. *An, si votens sua malitia impediat recensitas conditiones ab aliena voluntate pendentes, teneatur voto, vel liber ab eodem remaneat?* 248.

Quæst. IX. *Quid sit votum conditionatum pœnale; & an sit validum?* 249.

Quæst. X. *An, quando transgressio voti pœnalis culpa vacat ex invincibili ignorantia, obligetur votens subire pœnam transgressionis appositam?* 250.

Quæst. XI. *An qui mortale peccatum committit contra votum, si immemor voti sit, obligetur ad pœnam?* ibid.

Quæst. XII. *An in voto duplici pœnali, si quis absolvatur a voto, absolvatur quoque a pœna, quam nondum incurrit?* ibid.

Quæst. XIII. *An absolutus a voto, censeatur absolutus etiam a pœna contracta in transgressione primi voti; & an in petitione dispensationis explicandum sit utrumque votum?* ibid.

Quæst. XIV. *An qui vovit vitare aliquid, puta ludum, sub tali pœna, toties teneatur ad pœnam, quoties luserit?* 251.

De voto assumendi statum religiosum .

ibid.

§. I.

Quomodo interpretanda sint sequentia vota .

253.

Quæst. I. Quid dicendum de hoc voto : Promitto me ingressurum Religionem, nisi Deus aliter de me statuerit ?

ibid.

Quæst. II. Quomodo explicandum est votum istud : Voveo me ingressurum hanc Religionem, si quam intravero ?

ibid.

Quæst. III. Validum ne sit hoc votum : Voveo nullam personam obstaculo mihi futuram, quominus Religionem ingrediari, vel aliquid aliud faciam ?

254.

Quæst. IV. An teneatur ad Religionis ingressum qui votum emisit volendi Religionis ingressum ?

ibid.

Quæst. V. An votum moriendi in Religione sit votum Religionis ?

255.

Quæst. VI. An votum vitæ eremiticæ, & solitariae obligationem inducat ?

ibid.

§. II.

De obligatione voti assumendi statum religiosum .

ibid.

Quæst. I. An qui vovit absolute Religionem, votum impleat, si habitum assumat equitum D. Iacobi, Calatravæ, Alcantaræ, & Montie ?

ibid.

Quæst. II. An saltem impleatur votum Religionis, si habitus assumatur equitum D. Ioannis ?

256.

Quæst. III. An saltem eiusmodi votum impleatur per ingressum in Religionem Clericorum ordinum militarium ?

ibid.

Quæst. IV. An vovens Religionem voto satisfaciatur, si ingrediatur Religionem relaxatam ?

ibid.

Quæst. V. An qui vovit ingredi Religionem strictiorem, satisfaciatur suæ obligationi laxiorem ingrediendo ?

257.

Quæst. VI. An qui vovit Religionem strictiorem, & profectus fuit in laxiori, licite in hac perseverare valeat ?

ibid.

Quæst. VII. Utrum satisfaciatur voto ingrediendi Religionem strictiorem, si ingrediatur laxiorem, quæ privilegium pontificium habeat recipiendi eos qui voverunt strictiorem ?

259.

Quæst. VIII. Quid præstare tenetur qui indefinite Religionem vovit ?

ibid.

Quæst. IX. Qui vovit ingredi hunc singulatim Conventum, si repulsam ferat, tenetur ne alia adire Cœnobia ?

260.

Quæst. X. Vovens semel legitime reiectus a Monasterio, vel Religione, tenetur ne ad illam amplectendam, si postea ab eadem Religione, vel Monasterio inviteatur ?

ibid.

Quæst. XI. Prælati regularis repellere ne licite volet eadem facilitate eum qui voto Religionis obstrictus est, ac eum qui nullo devincitur voto ?

261.

Quæst. XII. Qui vovit Religionem, ut in eadem Clericus esset, liber ne a voto est, si Religio nolit eum admittere nisi ut laicum ?

ibid.

Quæst. XIII. Spurius ignorans constitutionem Sixti V. qua spurii a gradibus, & dignitatibus repelluntur, vovet Religionem : cognita constitutione, tenetur ne votum implere ?

262.

Quæst. XIV. Qui vovit Religionem in statu sacerdotali, tenetur ne grammaticam addiscere, cum ob illius ignorantem non admittatur ?

ibid.

Quæst. XV. Qui, voto Religionis emissio, contrahit matrimonium, vel contracto, & consummato matrimonio, vovet Religionem, quid peragere debet ?

263.

Quæst. XVI. Implet ne votum Religionis qui Episcopatum suscipit ?

264.

§. III.

- De debito quo astringitur perseverare in Religione qui illam vovit.* ibid.
 Quæst. I. Qui intravit Religionem animo exeundi, satisfacit ne voto? ibid.
 Quæst. II. Qui Religionem intraret animo exeundi, simulque cum proposito Deum orandi ut illius cor immutaret, satisfaceret ne voto? 265.
 Quæst. III. Qui votum emisit ingrediendi, & statim exeundi, vel cum expressa intentione fruendi libertate a iure Novitii concessa, ad quid tenetur? ibid.
 Quæst. IV. Qui vovit Religionem absolute, nihil sine de perseverantia, sive de egressu cogitans, satisfacit ne voto, si ingreditur Religionem, & factis experimento, absque ulla causa, sed sola libertate, ceteris candidatis voto solutis concessa, egrediatur? 266.
 Quæst. V. Quanam sunt iustæ causæ resiliendi a Religione? 267.
 Quæst. VI. Qui ultra votum Religionis vovit quoque perseverantiam in eadem, tenetur ne ita perseverare, ut si ex iustis causis eum recedere contingat, debeat denuo eam ingredi? ibid.
 Quæst. VII. Qui voto perseverandi in Religione ligatus expulsus est, tenetur ne in sæculo remanens castitatem servare? 268.

§. IV.

- De tempore quo urget necessitas implendi votum Religionis.* ibid.
 Quæst. I. Qui voto Religionis obstrictus est, peccat ne mortaliter, si ingressum suum per annum integrum differat? 269.
 Quæst. II. Qui tempus definit pro voti sui executione, tenetur ne intra præfinitum temporis intervallum suum votum implere? ibid.
 Quæst. III. Quomodo se gerere debet votens in executione voti, si tempus definitum latitudinem excipiat? ibid.
 Quæst. IV. Qui tempore designato votum non implevit, tenetur ne elapso tempore illud implere? ibid.
 Quæst. V. Qui vovit Religionem ob aliquem peculiarem finem, vel dependenter ab aliqua conditione, est ne a voti obligatione absolutus, cessante voti fine, vel conditione? 271.
 Quæst. VI. Qui voto conditionali ligatus sponte impedimenta apponit ne conditio eveniat, liber ne a voto evadit? ibid.

D I S S E R T A T I O III.

De iis qui vovere possunt. De votorum cessatione ob cessationem causæ finalis, rerumque mutationem; atque de eorundem irritatione, dispensatione, & commutatione.

C A P U T I

De iis qui vota edere valent.

- Quæst. I. Vota Religiosorum sine Prælati licentia emissa de materia honesta, quæ nec iriuditionem, nec ordinem ullo modo perturbat, sunt ne valida? 274.
 Quæst. II. Valida ne essent vota quæ Religiosi ederent de rebus, sive a Regula, & constitutionibus, sive superiorum præcepto vetitis? 275.
 Quæst. III. Validum ne votum est editum a Prælati Regularium elargiendi elemosinam? 277.
 Quæst. IV. Valida ne sunt vota subditorum Regularium edita sine licentia Prælatorum elargiendi in elemosinam quidquam de bonis, ipsi ad usum concessi? 278.
 Quæst.

- Quæst. V. *An Ecclesia valeat leges ferre, quibus aliquæ personæ ad votendum inhabiles declarentur?* 279.
 Quæst. VI. *An Episcopi votere possint abdicationem Episcopatus, vel ingressum Religionis, summo Pontifice inconsulto?* ibid.
 Quæst. VII. *Possunt ne Episcopi, inconsulto summo Pontifice, peregrinationem votere?* 280.
 Quæst. VIII. *An Parochi, vel Beneficiarii residentie vinculo adstricti, possint Religionem votere, camque ingredi, proprio Episcopo inconsulto?* 281.
Quæri solet, an Deus, Christus Dominus, & Angeli vota elicere valeant? ibid.

CAPUT II.

- De cessatione votorum ob causæ finalis cessationem, rerumque mutationem.* 282.
 Quæst. I. *An, cessante causâ movente, cesset votum, & iuramentum?* ibid.
 Quæst. II. *Cessat ne votum, cessante causâ finali movente proxima ob culpam ipsius votantis?* 283.
 Quæst. III. *An notabilis rerum mutatio, quæ materiam promissam vel in se, aut iuxta communem existimationem, diversam efficiat, satis sit ad votum irritandum?* 284.
 Quæst. IV. *Quænam materiæ mutatio dicenda sit notabilis, adeo ut valeat votum vinculum solvere?* ibid.
 Quæst. V. *Irritat ne votum ea rei promissæ mutatio quam si votans tempore quo votum edidit, cognovisset, a voto abstinuisse?* 285.
 Quæst. VI. *Religiosus, professione emissâ, ius ad regiam coronam acquirit; liber ne a voti vinculo evadit?* 286.

CAPUT III.

- De votorum irritatione, atque de iis quibus inest eadem irritandi facultas.* 287.
 Quæst. I. *An pro licita votorum irritatione causâ aliqua requiratur?* ibid.
 Quæst. II. *An facultas vota irritandi iuris sit positivi, vel naturalis?* 289.
 Quæst. III. *Quibus conveniat potestas irritandi vota?* 290.
 Quæst. IV. *Teneatur ne superior vota irritanda in specie cognoscere?* 291.
 Quæst. V. *Potest ne superior vota irritare, subditis repugnantibus?* ibid.

CAPUT IV.

- De potestate quam habent Prælati Regularium ad irritanda subditorum vota.* 292.
 Quæst. I. *Vota interna Regularium, quæ regimen nullo modo perturbant, nec Religionis observantiam, irritari ne queunt a Prælatibus eorundem?* ibid.
 Quæst. II. *Qui sunt Prælati qui hæc subditorum Regularium vota irritare valent?* 294.
 Quæst. III. *An Legati a latere, & Congregationes Cardinalium vota Religiosorum irritare valeant?* ibid.
 Quæst. IV. *An Prælati, seu Superiores secundarii, quos Supprieores, Vicarios, Prorectores, & penes Monachos Priores, alisque nominibus vocare solent, hanc habeant potestatem vota irritandi?* ibid.
 Quæst. V. *An Abbatissa, seu Priorissa suarum Monialium vota irritare valeant?* 295.
 Quæst. VI. *Prælati Regularium valent ne Novitiorum vota irritare?* ibid.

CAPUT V.

- Quæ vota filiorum possint parentes, tutores, & curatores irritare?* 296.
 Quæst. I. *An vota filiorum impuberum irritare parentes valeant?* 297.
 Quæst. II. *An parentes irritare vota possint personalia filiorum qui pubertatem sunt effecuti?* ibid.
 Quæst. III. *An parentes irritare vota possint realia filiorum qui pubertatem sunt effecuti?* ibid.

- Quæst. III. *An vota impuberum, semel confirmata a patre, possint deinceps a patre irritari?* 298.
 Quæst. IV. *An vota realia filiorum puberum paternæ irritationi subiecta sint?* 299.
 Quæst. V. *An pater irritare possit vota realia filiorum quæ sunt de bonis castrensibus?* ibid.
 Quæst. VI. *An idem dicendum de votis editis circa bona adventitia?* 300.
 Quæst. VII. *Tutores, & curatores possunt ne impuberum, & minorum vota irritare eo modo quo patres possunt irritare vota filiorum?* ibid.
 Quæst. VIII. *An curator, datus maiori ob culpam prodigalitatis, eiusdem vota realia irritare valeat?* 301.
 Quæst. IX. *An mater potestatem habeat filiorum, aut filiarum irritandi vota?* ibid.
 Quæst. X. *Mortuo, aut procul distans patre, potest ne mater filiorum vota dirimere, etiamsi avus existat tutor, aut curator filiorum?* 302.
 Quæst. XI. *An mater, mortuo patre, & deficientibus avo, ac tutore, possit filiorum impuberum vota irritare?* 303.
 Quæst. XII. *An deficientibus parentibus, tutore, & curatore, valeant avi, avie, ceterique ascendentes vota filiorum impuberum, vel minorum irritare?* ibid.
 Quæst. XIII. *An tutor, curator, vel mater vota filiorum impuberum possint, transacta pubertate etiam post multos annos, quemadmodum potest pater, irritare?* 304.
 Quæst. XIV. *An magistri discipulorum, domini servorum, veri famulorum vota personalia in impuberitate emissa irritare queant?* ibid.

CAPUT VI.

De votis uxorum.

- Quæst. I. *An maritus possit omnia uxoris vota matrimonio contracto emissa irritare?* ibid.
 Quæst. II. *Potest ne maritus vota, & iuramenta uxoris de operibus præceptis irritare?* ibid.
 Quæst. III. *An maritus valeat irritare votum non petendi debitum, emissum ab uxore absque suo consensu?* 307.
 Quæst. IV. *An maritus irritare valeat castitatis votum quod uxor ex illius consensu emisit?* ibid.
 Quæst. V. *Quando uterque coniux mutuo consensu vovet, vel iurat castitatem, valet ne maritus uxoris votum irritare?* ibid.
 Quæst. VI. *Si post castitatis votum, deliberato, mutuoque consensu emissum, rei conjugali sacrilegam navaverint operam, poterit ne maritus votum uxoris irritare?* ibid.
 Quæst. VII. *Quando uterque coniux mutuo consensu Religionem vovet, potest ne alter tantum, aut uterque consensu mutuo votum istud irritare?* 308.
 Quæst. VIII. *Vota quæ uxor ante contractum matrimonium emisit, implenda tamen matrimonio inito, valet ne maritus irritare?* ibid.
 Quæst. IX. *Vota quæ implenda post dissolutum matrimonium uxor edit, valet ne maritus irritare?* ibid.
 Quæst. X. *An uxor queat aliqua mariti vota irritare?* 309.
 Quæst. XI. *Votum emissum a marito non petendi debitum valet ne uxor irritare?* ibid.
 Quæst. XII. *Præfatum mariti votum sicutum ne foret, ac prudens?* ibid.
 Quæst. XIII. *An uxor possit irritare votum quod maritus emisit, ferendi habitum Eremitæ, vel alicuius Religionis?* 310.
 Quæst. XIV. *Valet ne uxor irritare mariti vota erogandi amplas elemosynas, prolixas preces fundendi, crebra ieiunia peragendi?* ibid.

Quæst. XV. *Potest ne uxor votum longæ peregrinationis a marito emissum irritare?* ibid.

CAPUT VII.

De potestate dominorum in vota servorum. 311.

CAPUT VIII.

De votorum relaxatione vi dispensationis. 313.

Quæst. I. *An in Ecclesia sit facultas dispensandi ab obligatione votorum, & iuramentorum?* ibid.

Quæst. II. *Penes quos resideat hæc facultas dispensandi ab obligatione votorum?* 314.

Quæst. III. *Quid sit dispensatio voti?* ibid.

Quæst. IV. *Quomodo hæc vinculi ablatio efficiatur?* ibid.

Quæst. V. *Qui facultate dispensandi vota potitur, valet ne quoque eadem commutare?* 315.

CAPUT IX.

Quibus iure ordinario potestas dispensandi in votis conveniat? 316.

Quæst. unic. *An qui aliis dispensationem valet a voto concedere, possit quoque sibi ipsi idem applicare privilegium?* 317.

CAPUT X.

De potestate Prælatorum regularium in dispensandis votis subditorum. 318.

Quæst. I. *An Prælati regulares dispensare valeant in subditorum votis emissis cum licentia maiorum Prælatorum?* ibid.

Quæst. II. *An Prælati regulares cum suis Novitiis in votis dispensare valeant?* ibid.

Quæst. III. *An Prælati regulares dispensare valeant cum suis subditis in transcendi ad arctiorem Religionem?* ibid.

CAPUT XL.

De potestate Confessoriorum regularium in dispensandis votis hominum secularium. 320.

CONCLUSIO

Falsa est sententia quæ privilegium concedit Regularibus dispensandi in votis omnibus non reservatis summo Pontifici. 325.

CAPUT XII.

De votis summo Pontifici reservatis. Vera istius reservationis interpretatio. 328.

Quæst. I. *An iuramenta Deo facta, castitatis, Religionis, & trine peregrinationis, sint eodem modo ac vota, summo Pontifici reservata?* 330.

Quæst. II. *An Episcopi, & Prælati habentes iurisdictionem quasi episcopalem, necessitate urgente, valeant in quinque præfatis votis dispensare?* ibid.

Quæst. III. *An hæc votorum reservatio late, vel stricte sit interpretanda?* 331.

Quæst. IV. *An qui ederet vota castitatis, aut Religionis expressa intentione se se obligandi tantum sub veniali culpa, essent reservata Pontifici?* ibid.

Quæst. V. *An, si præfata vota essent edita ex metu etiam levi, reservata dicenda forent?* 332.

Quæst. VI. *An, si dubium sit aliquod eiusmodi votum, vel eius reservatio, iudicandum sit vota non esse reservata?* ibid.

Quæst. VII. *An votum non contrahendi matrimoniam sit reservatum?* ibid.

Quæst.

- Quæst. VIII. *An Episcopus vi consuetudinis possit facultatem concedere petendi debitum coniugale ei qui voto castitatis devinctus matrimonium contraxit?* ibid.
- Quæst. IX. *An votum castitatis coniugalis sit reservatum?* ibid.
- Quæst. X. *An votum Religionis non approbatæ sit reservatum?* 333.
- Quæst. XI. *Quomodo intelliguntur reservata vota triplicis peregrinationis?* ibid.
- Quæst. XII. *An votum emissum cum aliqua circumstantia sit reservatum, quod omissa circumstantia, remanet integrum?* ibid.
- Quæst. XIII. *An votum disjunctivum sit reservatum?* ibid.
- Quæst. XIV. *An sequentia vota sint reservata: Si lusero, si in peccatum lapsus fuero, voveo castitatem. Si pater meus obierit, ingrediar Religionem?* 334.
- Quæst. XV. *Quando summus Pontifex votum reservatum, puta castitatis, commutat in aliud pium opus, puta ieiunium, opus illud est ne reservatum?* 336.
- Quæst. XVI. *An, quando præfata quinque vota non sunt reservata, quia ex aliqua parte vel consensu, vel conditionis, vel materiæ non integræ, claudicant, sint subiecta potestati Confessariorum regularium?* ibid.
- Quæst. XVII. *Qui recipit facultatem per bullam, aut iubilæum dispensandi, aut commutandi omnia vota, potest ne relaxare etiam reservata?* ibid.

CAPUT XIII.

Ad validam, licitamque dispensationem causa rationabilis necessaria est. ibid.

- Quæst. I. *An quando causa dispensandi dubia est, Prælati valeat dispensare?* 338.
- Quæst. II. *An valida sit dispensatio bona fide tam ex parte postulantis petita, quam ex parte concedentis concessa, quando postea deprehenditur, causam quam utraque parti legitimam existimabat tempore petitionis, ac concessionis, reipsa falsam esse, & nullam?* 339.
- Quæst. III. *Quenam sint causæ legitimæ dispensationem impetrandi?* 340.
- Quæst. IV. *An sola imperfecta deliberatio votantis causa sufficiens sit ad dispensationem ei concedendam?* 341.
- Quæst. V. *An imperfecta deliberatio orta ex timore mortis, naufragii, alteriusve gravis periculi, sufficiens regulariter sit ad voti dispensationem?* 342.
- Quæst. VI. *An difficultas executionis voti sufficiat pro concedenda voti dispensatione?* ibid.
- Quæst. VII. *An dubium de voto emisso iusta causa sit obtinendæ dispensationis?* 343.

CAPUT XIV.

De votorum commutatione, ac de illis qui vota commutandi facultatem habent. 344.

- Quæst. I. *An quis propria auctoritate valeat suum votum commutare in bonum evidenter melius?* 345.
- Quæst. II. *An qui vovit unam ingredi Religionem, valeat propria auctoritate aliam æque bonam intrare?* 350.
- Quæst. III. *An in rebus quæ usu consumuntur, possit una pro alia voto promissa substitui?* 351.
- Quæst. IV. *An qui vovit tradere filium determinatum Religioni, possit alterum propria auctoritate offerre?* ibid.
- Quæst. V. *An laicus, vel Clericus coniugatus capax sit iurisdictionis commutandi vota?* ibid.

CAPUT XV.

Quam equalitatem servare debeant legitimi votorum commutatores; & quæ causæ requirantur, ut legitima fiat commutatio. 352.

- Quæst. I. *An in mera votorum commutatione equalitas materiæ servanda sit?* ibid.

- Quæst. II. *Quæ causa requiritur ad licitam, validamque commutationem?* 354.
 Quæst. III. *Quenam causa requiritur, quando votum commutatur in æquale bonum?* 355.
 Quæst. IV. *An commutatio in rem æqualem sine causa facta sit invalida?* ibid.
 Quæst. V. *An commutatio voti in minus bonum absque rationabili causa sit invalida?* 356.
 Quæst. VI. *Quodnam peccatum committat Prælati absque causa legitima votum commutans in minus, aut æquale bonum?* 357.
 Quæst. VII. *An præsumenda sit dispensatio permixta commutationi, cum commutatio apparet illegitima, utpote manifeste in rem minorem?* ibid.

CAPUT XVI.

- De commutatione votorum vi iubilæi, aut bullæ cruciatæ.* 358.
 Quæst. I. *An hac commutatio fieri debeat intra, aut extra confessionem?* 359.
 Quæst. II. *An vi iubilæi, vel bullæ fieri in minus commutatio possit?* ibid.
 Quæst. III. *An vi iubilæi, vel bullæ possint commutari vota Religionis, & castitatis, necessitate urgente?* ibid.
 Quæst. IV. *An votum, sive iuramentum erogandi eleemosynam Ecclesiæ, aut pauperi determinato, possit post illius acceptationem commutari virtute iubilæi, aut bullæ cruciatæ?* ibid.
 Quæst. V. *An qui semel lucratus est iubilæum, possit post illud commutationem votorum obtinere?* 360.
 Quæst. VI. *Si quis principio hebdomadæ publicati iubilæi commutari sibi vota curaverit animo lucrandi iubilæum, sed postea aut negligentia, aut oblivione opera pro suscipiendo iubilæo necessaria omiserit, atque adco illud minime adeptus fuerit, consistit ne talis commutatio?* ibid.
 Quæst. VII. *Peccat ne Confessarius qui postulatus renuit tempore iubilæi vota commutare?* 361.

CAPUT XVII.

- De regressu ad priorem materiam post voti commutationem factam, & acceptatam a votante?* ibid.
 Quæst. I. *An quando votum commutatur in aliam materiam, extinguatur prior obligatio?* 362.
 Quæst. II. *An, facta voti commutatione, teneatur votans exequi priorem materiam, si materia substituta facta sit impossibilis, vel ipse sua culpa eam præstare omiserit?* ibid.
 Quæst. III. *Facta voti commutatione, & a votante acceptata, liberum ne illi est ad priorem redire materiam?* 362.

CAPUT XVIII.

- Regule servandæ in votorum commutatione.* 363

LIBER QUINTUS

IN DECALOGUM.

PRAELOQUIUM.

370.

D I S S E R T A T I O L

De iuramento.

CAPUT L

Quæ Deus præcipiat, quæve prohibeat hoc secundo Decalogi præcepto, exponuntur.

372.

CAPUT II.

Hæretici plures sacrum iniurandum, tamquam illicitum, improbant. Eorum errores recensentur. Iuramentum autem honestum, & licitum Christianis, virtutisque religionis, seu patriæ fructum esse, ostenditur.

374.

CAPUT III.

Recensentur propositiones quæ iuramentum spectant, ab Ecclesia proscriptæ.

377.

CAPUT IV.

Recensentur propositiones laxæ, seu improbabiles, quas non pauci Casuistæ docent.

378.

CAPUT V.

Quid sit iuramentum. Variæ iurandi formulæ exponuntur.

383.

CAPUT VI.

Nonnullæ aliæ quasiuncula circa iuramentorum formulas, potissimum circa hæc; Per Deum, resolvuntur. Regule quoque pro iuramentis discernendis assignantur.

389.

Quæst. I. An iurent homines passim aientes, Par Dios que si, ut Hispani; Par Dieu, ut Foroiulenses; Per Dio, ut Itali; Par Dio, ut Siculi: quæ omnia idem sonant ac per Deum?

ibid.

Quæst. II. An qui passim nomen Dei assumunt in vanum, licet nihil adferunt, vel negent, peccent mortaliter?

391.

Quæst. III. An maiorem vim habeat hæc formula, Per meam animam, per meam conscientiam, præ ista, In mea anima, in mea conscientia?

ibid.

Quæst. IV. An iuret qui dicit, Iuro per meam conscientiam, vel in mea conscientia?

392.

Quæst. V. An iuraret qui diceret, Per vitam mei equi, per conservationem huius arboris, aut alterius rei inanimatæ?

ibid.

Quæst. VI. An, si quis interrogaret hoc modo, Iuras mihi per Deum, rem ita se habere? & interrogatus responderet, Ita res se habet, iuramentum ederet sic respondendo?

393.

Quæst. VII. An iuret qui his expressionibus utitur: Volo dictum meum iura-

men-

mentum esse : tam certum esto dictum , & promissum meum , ac si foret iuramentum? ibid.

Quæst. VIII. *An eiusmodi formulæ, quas familiares habent Foro iulienfes, Al Seugnuli si, Seugnuli si, hve Seugnuli* 400 : *Al Seugnuli sagri, iust, e potent, præferant veram iuramenti rationem?* ibid.

Quæst. IX. *An licitum sit iurare per falsos deos; & an iuramentum per eosdem factum a Christianis obliget?* 324

Quæst. X. *Quid dicendum de sequentibus formulis? Hæc faciat mihi Deus: Hæc addat: Numquam Deus mihi parcat, nec me salvet, nec me defendat: Mala morte obeam: Non vivam usque in crastinum: Malum, pascha super me veniat: ardeam in inferno: Diabolus me ad infernum deportet, si ita non est.* 321

Quæst. XI. *An hæc aliæ formulæ contineant iuramentum execratorium? Ampudentur mihi aures, abscindatur nasus, caput, brachium, si ita non est.* ibid.

Regulæ nonnullæ pro praxi. ibid.

C A P U T VII.

Iuramentorum divisiones traduntur: & an omnia iuramenta sint eiusdem speciei; explicatur. 198.

C A P U T VIII.

Ut iuramentum licitum sit, tres conditiones sunt necessariae, veritas, iustitia, & iudicium. Alias plures regulas iurandi D. Thomas assignat. 405.

C A P U T IX.

Quæ veritas requiratur in iuramento assertorio. Defectus cuiusque minime veritatis in hoc iuramento peccatum mortale est. Nonnullæ quasiuncule de peritio iuramenti assertorii? 408.

Quæst. I. *An qui in re levissima falsum iurat, peccet mortaliter?* ibid.

Quæst. II. *An qui rem dubiam ut certam, aut contra, iurat, peccet mortaliter?* 409.

Quæst. III. *An peccet mortaliter qui per hyperbolem aliquid iurat, quod, ut sonat, verum non est?* ibid.

Quæst. IV. *An licitum sit iurare rem quam probabiliter tantum iudicas esse veram?* 410.

Quæst. V. *Quenam certitudo requiratur, ut quis licite iurare possit?* 411.

Quæst. VI. *Quæ certitudo requiritur ad iuramentum præstandum in iudicio?* 413.

Quæst. VII. *Quæ diligentia requiritur in inquirenda veritate necessaria ad iuramentum?* 414.

Quæst. VIII. *An qui notabiliter negligens est in inquirenda veritate rei quam iurat, peccet mortaliter; tamen contingat rem quam iurat, esse veram?* ibid.

Quæst. IX. *An, ut scholastici possint licite iurare, aliquem socium ad scholas accessisse tempore ab universitate requisito pro cursu conficiendo, sufficiat quod illum viderint communiter scholas frequentasse?* ibid.

Quæst. X. *An licitum sit persuadere alicui ut iuret veritatem quam ipse ignorat?* ibid.

C A P U T X.

De iustitiæ, & iudicii defectu in iuramento assertorio. Nonnullæ quasiuncule resolvuntur. 416.

Quæst. I. *An defectus iustitiæ in iuramento assertorio sit peccatum mortale?* ibid.

Quæst. II. *An defectus iudicii in iuramento assertorio sit peccatum mortale?* 417.

DISSERTATIO II.

De iuramento promissorio.

CAPUT I.

De veritate, & iudicio necessariis in iuramento promissorio. Quæstionculæ non parvi momenti examinantur.

Quæst. I. An defectus veritatis de presenti in iuramento promissorio semper sit peccatum mortale? 419. ibid.

Quæst. II. An dictus secundæ veritatis gravis sit iudicandus; seu an qui rem promissam iuramento firmatam in materia gravi non implet, peccet mortaliter? 420.

Quæst. III. An peccet mortaliter qui rem promissam iuramento firmatam in materia levi non implet? 420. ibid.

Quæst. IV. An peccaret mortaliter qui sub iuramento rem promitteret animo dubio implendi illam? 427.

Quæst. V. Quomodo sint interpretanda illa iuramenta quibus communiter homines iurant se primos non ingressuros per ianuam, non sessuros &c.? 427. ibid.

CAPUT II.

De iustitia necessaria ad iuramentum promissorium. 428.

Quæst. I. An peccet mortaliter adversus virtutem religionis qui iurat se fornicaturum, seu quodlibet aliud grave delictum perpetraturum? 428. ibid.

Quæst. II. An qui iurat se commissurum aliquod peccatum veniale, peccet mortaliter? 428. ibid.

Quæst. III. An qui iurat aliquid adversus consilia evangelica se facturum, puta non acceptaturum Prælationem, non ingressurum Religionem, aliaque id genus, peccet mortaliter? 429.

CAPUT III.

De materia iuramenti promissorii, quæ obligationem inducit. 430.

CAPUT IV.

Quenam sit iuramenti promissorii obligatio. Comparatur cum obligatione voti. Quæ intentio, seu animus requiratur in iuramento promissorio. Iurare sine animo iurandi semper est peccatum mortale. 433.

Quæst. I. Quenam intentio, seu animus requiratur ad hoc ut iuramentum promissorium obligationem inducat? 433.

Quæst. II. An licitum sit iurare sine animo iurandi? 436.

Quæst. III. An qui iurat falsum in materia gravi sine animo iurandi, peccet mortaliter? 437.

Quæst. IV. An qui iurat falsum in materia levi sine animo iurandi, peccet mortaliter? 437. ibid.

Quæst. V. An qui iurat verum sine animo iurandi, peccet mortaliter? 438.

Quæst. VI. An qui deliberate iurat sine animo iurandi, verum proferat iuramentum? 439.

Quæst. VII. An qui ex consideratione falsum iurat, sit reus periurii, & peccet mortaliter? 441.

Quæst. VIII. An qui iurat sine animo se obligandi, recipi obligetur? 441. ibid.

D I S S E R T A T I O III.

De iuramento doloſo , æquivoco , & amphibologico :
de reſtrictionibus mentalibus , & mendacio.

P R A E L O Q U I U M .

443.

C A P U T I.

Platonis, Origenis, Hilarii, Ioannis Chryſoſtomi, Caſſiani, Ioannis Chymaci, & Martini Dumienſis errores de mendacii licito uſu in extrema neceſſitate recenſentur.

445.

C A P U T II.

Recenſentur Auſtores qui ante Auguſtini tempora mendacio bellum indixerunt . Poſt Auguſtinum Catholicorum nemo ſavit mendacio.

449.

C A P U T III.

Compendiaria narratio eorum omnium quæ S. Auguſtinus ſcribit in Libro de mendacio.

451.

C A P U T IV.

Compendium Libri contra mendacium , quem D. Auguſtinus ſcripſit ad Conſentium.

453.

C A P U T V.

Quam opportuna ſit Auguſtiniana doctrina ad controverſiam de iuramento doloſo dirimendam, ex quibuſdam propoſitionibus palam ſit.

464.

C A P U T VI.

Hiſtorica narratio doctrinæ quam recentiores plures excogitarunt ad occultandam veritatem. Recenſentur reſtrictiones pure mentales , non pure mentales , æquivocationes , amphibolæ , & locutiones materiales.

467.

C A P U T VII.

Summus Pontifex Innocentius XI. principia præfatarum propoſitionum damnavit. Poſteriores Theologi nova excogitarunt inventa, quibus veritatem occultarent . Iſtorum doctrinæ variæ : variorumque principiorum ſynopſis textitur.

472.

C A P U T VIII.

Comparatio doctrinæ quorundam recentiorum cum doctrina & Caſſiani, cui in extrema neceſſitate licita erant mendacia , & Auguſtini in omni eventu mendacia damnantis . Caſus iidem ab Auguſtino , & recentibus propoſiti , & contraria doctrina reſoluti.

477.

C A P U T IX.

Doctrina recentiorum de reſtrictionibus pure mentalibus falſa eſt, & iure ab Eccleſia damnata.

481.

C A P U T X.

Reſellitur, tamquam omnino improbabilis & falſa, opinio quæ aſſerit, verba ex communi

mun

muni Reipublicæ humanæ consensu nihil significare, cum adhibentur ad occultandam veritatem quæ manifestari nequit absque gravi damno. 485.

C A P U T XI.

Refellitur responsio Tamburini, cuius assertio laxior omnino videtur ipsa propositione damnata de restrictionibus mentis. 489.

C A P U T XII.

Opinio P. Cattanei, & P. La Croix, aliorumque paucorum, qui comparant mendacium furto in extrema necessitate commissum, non videtur consentanea doctrinæ Ecclesiæ. 492.

C A P U T XIII.

Communis plurium recentiorum opinio, quæ restrictiones non pure mentales defendit beneficio notitiæ communicabilis, & incommunicabilis, utilis, & non utilis ad dicendum, sub examen inducitur. Non differt a sententia Auctorum propugnantium restrictiones pure mentales. 499.

C A P U T XIV.

Causæ cur recentiores plurimi reipsa defendant restrictiones pure mentales proscripias. P. Sanchez improbat in antecessum posteriorum Casuistarum sententiam. Periculoso sunt plurium recentiorum opiniones de restrictionibus iuramento firmatis quam antiquorum doctrina de mendacii licito usu. D. Augustini invecivæ adversus restrictiones iuramento confirmatas. 506.

C A P U T XV.

Aliæ causæ cur recentiores plurimi reipsa doceant restrictiones pure mentales, & consequenter mendacia. Refellitur explicatio quæ P. La Croix interpretatur propositiones damnatas. Eius iudicium in P. Cardenas approbatur, atque in alios extenditur Auctores. 515.

C A P U T XVI.

P. Didacus de la Fuente Hurtado propugnat restrictiones pure mentales esse licitas ex causa honesta, etiam postquam INNOCENTIUS XI. has restrictiones damnavit. P. Carolus Antonius Calnedi docet restrictiones pure mentales non esse damnatas. 522.

C A P U T XVII.

Quæ vera nobis videtur, sententia proponitur. Licita est amphibolia quæ aut vi verborum, aut vi circumstantiarum duplicem patitur sensum, utrumque ab audire intelligibilem. Non omnes veritates possunt semper amphiboliis occultari. Error recentiorum plurium hac de re manifestatur. Variæ regule pro plena quæstionis intelligentia, & pro praxi assignantur. 526.

C A P U T XVIII.

Sacre Scripturæ textus quas antiqui pro tuendis mendaciis, & recentes pro defendendis mentis restrictionibus opponunt, exponuntur. 533.

C A P U T XIX.

Aliqui textus evangelici adducuntur, qui afferri solent in favorem restrictionum mentalium, & explicantur. 536.

C A P U T XX.

Aliquæ obiectiones tum a ratione, tum ab exemplis & doctrina Sanctorum, potissimum S. Raymundi, & ex opere Annibaldi, vulgo adscripto D. Thome, petitiæ, resolvuntur. 543.

F I N I S.

Errata

corrigé sic.

pag.	2.	lin.	20.	<i>ensibili</i>	<i>sensibili.</i>
	8.		1.	Adfirmant omnes	Adfirmant pene omnes.
	28.		4.	latræ cultu	adde respectivo.
107.			6.	offerunt	adde & invocative proferuntur.
125.			3.	D. Thomas ait, quod Obi-	Obiicies. D. Thomas ait, quod.
				cies	
180.			1.	<i>san religionis</i>	<i>& religionis.</i>
184.			4.	vaide	valde.
203.			32.	nec ulla debita testatoris	adde quæ non sint ex iustitia contracta.
ibid.			35.	Nec verum est debita	adde ex voto.
218.			2.	mortiferum illud... virus	mortiferum illud... abusum.
243.			23.	aut de sponfalibus, & matri-	aut de matrimonio.
				monio	
412.			18.	haudquaquam	haud semper.
446.			24.	<i>dele</i> cuius Psalmos e Græco in	Latinum transtulit,
473.				ult. amen	tamen.
499.				ult. utriusque opinion-	utriusque opinionis,
506.			4.	ultro	ultra.
524.			31.	<i>num.</i> 75.	<i>num.</i> 79.
526.				in tit, cap, XVII, lin, 6, <i>manifestatur</i>	<i>manifestatur.</i>

LIBER TERTIUS

IN DECALOGUM.

DISSERTATIO PRIMA

DE ADORATIONE, ET CULTU

QUO DEUS,

ET SANCTI COLENDI SUNT.

PROÖEMIUM.



Actenus de actibus fidei, spei, & caritatis, quibus potissimum Deus colitur, atque de oratione, quæ religionis peculiare officium est, disputavimus. In præsens de altero religionis officio, quod adoratio nuncupatur, sermo instituendus. Plura dispicienda occurrent, non modo pro Catholicorum moribus formandis, sed etiam pro hæreticorum erroribus refellendis:

Verum intra instituti nostri cancellos pedem figemus, & quæ hæreticorum vana commenta, seu deliria, ut verius dixerim, spectant, obiter tantum, & per transfennam attingam. In id serius incumbam, ut nostram catholicam doctrinam de cultu Sanctorum, imaginum, & reliquiarum pressius, & clarius edisseram. Hæc quippe perspicua explanatio satis est ad profliganda novatorum sophismata, quæ fere omnia imposturæ sunt, atque calumniæ ex falsâ Catholicorum doctrinæ expositione compactæ. Actum agerem, si vellem ea persequi quæ innumeri pene Theologi catholici strenue præstitere, & a præstituto mihi scopo prorsus declinare. Ad rem ergo accedamus.

CAPUT I.

Quid sit adoratio, eiusdemque partitio, atque præceptum exponitur.

I. **A**doratio generatim accepta actus est quo quis se alteri subiicit in eiusdem excellentiæ testimonium. Ratio potissima adorationis est excellentia, seu dignitas personæ adoratæ. Tot ergo sunt adorationes, quot sunt dignitatum genera. Duæ porro sunt dignitates, increata una, creata altera. Dividitur itaque primo adoratio in eam quæ increatæ maiestati, seu Deo debetur, & appellatur *latria*; & in eam quæ creaturis exhibetur ob excellentiam ordinis supernaturalis a Deo participatam, puta gratiæ, sanctitatis, beatitudinis, & hæc vocatur *dulia*, qua coluntur Sancti. Quia vero mirum in modum supra omnes Sanctos, cælestesque spiritus eminet B. V. Maria Christi Domini Mater, idcirco peculiari adoratur cultu, qui dicitur *hyperdulia*, seu supra cultum *duliæ* Sanctis exhibendum, & infra cultum *latriæ* Deo debitum.

II. Tribuitur rursus adoratio in internam, & externam. Illa interior actus est quo spiritus Deo subiicitur, tamquam supremo rerum omnium conditori. Hac ratione Angeli, animæque beatæ Deum adorant. Hæc foras erumpit, seque manifestat actionibus externis, puta demissione capitis, corporis prostratione, osculis, genuflexionibus, idque genus similibus signis. Interna consistit sine externa; secus hæc absque illa. Quin exterior interiore destituta non adoratio, sed adulatio, fictio, & irrisio est. Utramque Deo exhibere astringimur, ut optime docet D. Thomas 2.2. quæst. lxxxiv. art. 2. *Quia ex duplici natura compositi sumus, intellectuuali scilicet, & in sensibili, duplicem adorationem Deo offerimus, scilicet spiritualem, quæ consistit in interiori mentis devotione, & corporalem, quæ consistit in exteriori corporis humilitatione. Et quia in omnibus actibus latriæ, id quod est exterius, refertur ad id quod est interius, sicut ad principalius; ideo ipsa exterior adoratio fit propter interiorem, ut videlicet per signa humilitatis, quæ corporaliter exhibemus, excitetur noster affectus ad subiiciendum se Deo: quia connaturale est nobis ut per sensibilia ad intelligibilia procedamus.*

III. Dividitur tertio adoratio in absolutam, & respectivam. Absoluta est, inquit cum ceteris recentioribus Salmanticenses *tract. xxi. cap. x. punct. 1. num. 3.* quæ exhibetur creaturis quæ ex se sunt capaces excellentiæ, & sanctitatis, & gratiæ. Porro solæ creaturæ rationales sunt harum dotum capaces; atque adeo istis solum adoratio absoluta debetur. Hæc descriptio iuxta communem Theologorum mentem sano gaudere sensu potest. Verum, ut calumniandi ansa heterodo-

doxis penitus eripiat, dicendum est, omnem cultum religiosum Deum respicere, in Deum resolvi, atque in Deo sistere, & quiescere. Quare, si exacte loqui velimus, sola adoratio Deo exhibita absoluta omnino est; cultus autem quem Sanctis offerimus, in Deum refertur tamquam in verum, primumque principium: quippe Sanctos propter Deum, propter intimam cum Deo coniunctionem, propter dignitatem, gratiam, & sanctitatem ab eo participatam colimus. Quare & istorum cultus semper relationem in Deum exprimit. Dicitur vero a Theologis absoluta adoratio Sanctis exhibita relate ad imagines, reliquiasque, quæ, cum sint res inanimes, intima excellentia destitutæ sunt; cultusque qui illis offertur, spectat personas quas repræsentant: idcirco relativus est cultus eidem exhibitus.

IV. Adoratio quæ creaturis exhibetur ob naturales dotes, & dignitates, *observantia* nuncupari solet, & potest iisdem externis signis fieri quibus Deus colitur. Externæ quippe corporis actiones adiaphoræ sunt, seu indifferentes, quæ tum ad Deum colendum, tum ad honorandos homines insurpari valent. Genuflexione, corporis prostratione Deus adoratur: & tamen his quoque signis Iudith *visu Holferne adoravit eum, prosteruens se super terram*: cap. x. Genuflexione quoque Pontifices summos adoramus. Manus ad cælum extendimus, ut Deum adoremus: *Expandi manus meas ad Dominum Deum meum*: Eisdæ I. cap. ix. & Propheta Regius *Psal. cxl.* inquit: *Elevatio manuum mearum sacrificium vespertinum*. Et tamen hoc quoque signo utimur ad hominum auxilium postulandum. Pectoris tunso etiam de se indifferens est; quamvis enim iuxta communem usum ad impetrandam a Deo peccatorum veniam magis proprie determinata sit; nihil tamen impedit quominus hominem a nobis offensum eadem placemus, & offensæ irrogatæ remissionem postulemus. Sed hoc signum magis ad virtutem pœnitentiæ quam religionis pertinet. Adoratio ergo externa privata, ut fiat divina, ab intentione adorantis pendet; nisi aliqua peculiari lege, usu, aut consuetudine ad Deum adorandum destinata iam sit. Hinc est quod, dum privati publice actiones tales externas exercent, non satis est eos bonam habere intentionem, sed circumstantiæ loci, temporis, personarum, & consuetudinis spectandæ sunt. Omnium huiusce generis externarum actionum excellentissima, quæque soli Deo debetur, est sacrificium, de quo suo loco.

V. Quæst. I. *Datur ne præceptum divinum, & naturale colendi Deum adibus tum internis, tum externis?* Resp. Conclusio affirmans certa est de fide. Et quod datur præceptum divinum, constat ex pluribus Scripturæ textibus, potissimum ex cap. xx. Exod. & cap. v. Deut. *Ego Dominus Deus tuus...* *Non habebis Deos alienos in conspectu meo.* *Non facies tibi sculpsit.* Quod mandatum affirmans est, quatenus cultum præcipit; & negans, quatenus vetat aliorum deorum cultum. Congruentius verbis negantibus exprimitur, quia homo naturali instinctu ita in Dei cul-

tum fertur, ut potius indigeat prohibitionis freno cohiberi, ne in superstitionem labatur, quam stimulis urgeri, ut Creatorem suum adoret. Quod porro mandatum istud naturale sit, etiam patet. Quid enim nobis magis infitum a natura est quam eum venerari a quo omnia accepimus? Cum vero duplicem a Deo naturam susceperimus, spiritalem, & corpoream; consequitur utriusque naturæ actibus, seu adoratione interna, vel interna & externa mixta colendum illum a nobis esse. Quæ omnia certiora sunt quam probatione egeant.

VI. Quæst. II. *Quandonam hoc præceptum per se obligat?* Resp. Præceptum hoc, ut negans, obligat semper, & pro semper, quemadmodum omnia præcepta negativa, quæ vetant actiones suapte natura malas; ut autem adfirmans est, obligat statim temporibus. Recentiores quidam Probabilistæ P. Thomas Tamburinus *Lib. II. in Decal. cap. IV. §. 2. num. 4.* Fagundez *Lib. I. in Decal. cap. XXXI.* Rocafull. *Lib. III. in Decal. cap. V. dub. 2.* aliique, quos citat Leander, docent nullo tempore hoc præceptum per se & directe adorationem imponere; sed tantum indirecte, & per accidens. Quam sit laxa opinio hæc, opus haud est verbis ostendere. Ipsa siquidem ex se suam prodit laxitatem, ne dicam horrorem. Communis Theologorum sententia docet, præceptum istud per se & directe adorationem imponere. Quo tempore, & quoties exercenda sit, vide quæ dicta sunt de actibus fidei, spei, & caritatis: eadem enim est utriusque præcepti ratio. Ideo enim in lucem editi sumus, ut Deum nostrum fide, spe, caritate, & religionis actibus colamus: adeoque vita moralis nostra, & christiana his actionibus vivere debet. Ea ergo frequentia repetere hæc religionis officia debemus quæ ad vitam moralem, & christianam nutriendam, fovendamque satis sit. Præter præceptum naturale, & divinum datur etiam mandatum ecclesiasticum, quo iubemur omnibus diebus festis Deum colere. Hunc enim Dei cultum spectant festa omnia, omnesque fideles his diebus una cum Sacerdote sacrificium Deo offerunt.

VII. Quæst. III. *Est ne locus determinatus in quo colendus Deus sit?* Resp. Si sermo sit de loco iure naturali, aut divino præscripto, certum est nullum designatum locum esse; sed, cum Deus ubique præsens sit, ubique eum adorare possumus, & debemus. Ecclesia vero, Deo ipso præscribente, templa erexit, in quibus sacrificia, solemnesque divini cultus celebrarentur. Tres congruentes rationes adfert Angelicus, quibus evincit convenientem, atque decentem templorum institutionem, 2. 2. quæst. lxxxiv. art. 3. ad 2. *Determinatus locus eligitur ad orandum, non propter Deum qui adoratur, quasi loco concludatur; sed propter ipsos adorantes. Et hoc triplici ratione. Primo quidem propter loci consecrationem, ex qua specialem devotionem concipiunt orantes, ut magis exaudiantur; sicut patet ex adoratione Salomonis III. Reg. viii. Secundo propter sacra mysteria, & alia sanctitatis signa quæ ibi continentur. Tercio propter concursum multorum adorantium, ex quo fit oratio magis.*

gxan-

enandibils. Subdit ibidem ad 3. Angelicus, convenientius nos adorare Deum vultu, & templi facie ad orientem versa, tum propter Christum, qui lux mundi, & oriens nominatur; tum propter paradysum in oriente constitutum, quasi quæramus ad paradysum redire, dum illuc conversi oramus.

CAPUT II.

Cultus latriæ soli Deo uni trinoque, atque Christo Domino debetur.

IS Olus Deus est dignitatis infinitæ, quæ nulli creaturæ communicari potest. Hæc porro infinita dignitas omnibus tribus personis communis est. Ergo cultus latriæ soli Deo uni trinoque debetur, iuxta illud *Math. iv. Dominum Deum tuum adorabis, & illi soli servies*. Latria enim servitus est quam soli Deo adstringimur exhibere. Hinc sequitur singulas personas seorsim adorari posse cultu latriæ, cum singulæ sint Deus; dummodo tamen nulla explicite excludatur: quælibet enim sine altera concipi valet. Quapropter Ecclesia singulis seorsim diem festum dicavit, ut nos distincte easdem adorare possimus.

II. Quoniam vero adoratio externa generatim considerata adiaphora est, necesse est aliquod signum designare quo cultum soli Deo debitum manifestemus. Hoc porro est sacrificium, quod absque superstitione nulli creaturæ, quantumvis excellenti, offerre licitum est. *Quis vero* (inquit Angelicus 2. 2. quæst. lxxxiv. art. 1) *sacrificandum censuit, nisi ei quem Deum aut scivit, aut putavit, aut finxit?* quod prius docuerat Augustinus *Lib. X. de Civ. Dei cap. iv.* Certum itaque est penes omnes & Deum unum, & singulas tres personas, & coniunctim, & seorsim adorari a nobis posse, & debere.

III. Quæst. I. *Christus Dominus, ut homo, adorari ne potest adoratione latriæ?* Resp. Quod Christus, ut secunda Trinitatis persona, debeat cultu latriæ coli, ex dictis constat. Id dumtaxat in controversiam vertitur, debeat ne ut homo eodem cultu adorari. Adfirmant Theologi omnes cum D. Thoma III. *Part. quæst. xxv. art. 1.* ubi hanc præbet rationem. *Cum in Christo sit tantum una persona divina, & humana natura, & etiam una hypostasis, & unum suppositum, est quidem eius una adoratio, & unus honor ex parte eius qui adoratur; sed ex parte causæ quæ honoratur, possunt dici esse plures adorationes, ut scilicet alio honore honoretur propter sapientiam increatam, & alio propter sapientiam creatam.* Christus specificæ acceperit utramque naturam divinam, & humanam comprehendit; ergo in ipso splendet infinita dignitas, quæ cultum latriæ sibi vendicat. Nam, ut aliquod totum alorems, & eiusdem partes illud constituentes, haud est necesse, quod ratio adorationis insit

Tom. III.

A iij

cui-

cuique parti ; sed satis est quod ratio adorationis in aliqua parte resideat . Cultu latriæ adoramus Eucharistiam , quia ibi reperitur Deus , qui est ratio adorationis . Et dum aliquam personam sanctam colimus , omnes illius partes veneramur ; quamquam sanctitas quæ est adorationis causa , non omnibus inest . Igitur , ut Christum adoremus adoratione latriæ , etiam ut hominem specificatiue consideratum , satis est quod illius humanitas terminata sit substantia divina , quæ est formalis adorationis ratio .

IV. Quæst. II. *Humanitas Christi, ut a Verbo divino abstracta, est ne cultu latriæ adoranda?* Resp. Negant Theologi cum eodem D. Thoma : quia humanitas ut præcisa a Verbo considerata solam prodit dignitatem creatam , & limitatam . Ergo secundum hanc rationem non latriæ , sed dulciæ cultus eidem debetur . En verba Angelici III. Part. quæst. xxv. art. 2. *Honor adorationis propria debetur hypostasi subsistenti ; tamen ratio honoris potest esse aliquid non subsistens , propter quod honoratur persona cui illud inest . Adoratio igitur humanitatis Christi dupliciter potest intelligi . Uno modo , ut sit eius , sicut rei adorati ; & sic adorare carnem Christi , nihil aliud est quam adorare Verbum Dei incarnatum ; sicut adorare vestem Regis , nihil aliud est quam adorare Regem vestitum ; & secundum hoc adoratio humanitatis Christi est adoratio latriæ . Alio modo potest intelligi adoratio humanitatis Christi , quæ sit ratione humanitatis Christi perfecta omni munere gratiarum ; & sic adoratio humanitatis Christi non est adoratio latriæ , sed dulciæ .*

V. Quæst. III. *Licet ne prædicet adorare humanitatem Christi adoratione dulci propter creatas perfectiones quibus splendet?* Resp. Negant plures , ut Vasquez , Sylvius , & alii . Adfirmat contraria sententia auctoritate nixa D. Thomæ inquisitis : *Una & eadem persona Christi adoratur adoratione latriæ propter suam divinitatem , & adoratione dulci propter perfectionem humanitatis .* loc. cit. Quod eiusmodi duæ adorationes possint Christo Domino exhiberi propter duas naturas , iam constat ex iis quæ dicta sunt . Quod autem in praxi offerri possint , & debeant reapse eiusmodi duæ diversæ adorationes , non est quæstio tanti momenti , ut severius dispendiendum sit . Dum cultu latriæ Christum adoramus , supremo & excellentiori cultu honoramus tum divinitatem eius , tum humanitatem eidem coniunctam . Si quis seorsim meditari vellet Christi humanitatem , & peculiari veneratione colere eam vellet ob creatas perfectiones , verum religionis officium ageret . Tamen , ut mihi videtur , satius est , missis his præcisionibus , Christum Dominum cultu latriæ iuxta communem , obviæque modum adorare .

VI. Quæst. IV. *Corpus Christi in triduo mortis erat ne cultu latriæ adorandum?* Resp. Adfirmat communis sententia , quia erat unitum Verbo divino . Idemque asserendum de sanguine naturali in illius passione effuso , quoniam hic nunquam a Verbo diuissus fuit . Idem quoque dicendum de sacramento Eucharistiæ , in quo

cor-

corpus Christi divinæ personæ hypostatice copulatum ineffabili modo existit. Et hoc definitivè Tridentinum Concilium adversus Lutherum, & Calvinum.

VII. Quæst. V. *Adoranda ne est hostia a Sacerdote in Missa elevata absoluta, quæ conditionem adiecit?* Resp. Hæc est responsio D. Thomæ. Dicendum, quod qui adorât hostiam non consecratam, adorare eam potest sub conditione, scilicet si est consecrata. Non tamen oportet quod hæc conditio semper sit actu explicita; sed sufficit quod habitus teneat illam. Unde non peccat adorans eam, quia non adorat puram creaturam, sed Christum secundum intentionem. Sacerdos autem, quantum est in se, facit populum idolatrare, quia offert ei puram creaturam. Non est necesse ut hæc conditio expresse apponatur, sed ac is est eam in habitu, & implicite adesse. Licitum est absolute eam adorare, quia nulla prudens ratio suspicandi occurrit, Sacerdotem eam consecrare noluisse. Sufficit ergo ut Catholicus ea sit affectus dispositione, ut, si sciret eam non esse consecratam, se ab adoratione abtineret. Qui tamen adorât hostiam reipsa non consecratam; non exercet actum virtutis religionis, sed actum idololatriæ, qui ad culpam illi non imputatur ob invincibilem errorem.

VIII. Quæst. VI. *Adoranda ne est latræ cultu caro, vel sanguis, qui interdum in hostia consecrata per miraculum apparet?* Resp. Communis sententia affirmat. Quia caro illa, vel sanguis, aut est Christi, aut quid divinitus creatum Christum referens. Si sit Christi, nemo ambigit latræ cultu adorandam esse; si quid divinitus productum, ipsum Christum representat. Omnis autem Christi imago latræ adoratione colenda est. Et sane in omnibus his apparitionibus quæ divinitus factæ narrantur, Christus Dominus representatur: immo ad hunc representandum sunt institutæ, ut fides, & devotio mirum in modum augeantur. In hanc sententiam concedit D. Thomas III. Part. quæst. lxxvi. art. 3. ubi quærit, Utrum quando in Eucharistia miraculose apparet caro, vel puer, sit ibi verè corpus Christi. Cui quæsito sic respondet in argumento. Sed contra est, quod tali apparitione facta eadem reverentia exhibetur ei quod apparet quæ etiam primo exhibebatur: quod quidem non feret, si verè non esset ibi Christus, cui reverentiam latræ exhibemus. Si omnes sciantur hostiam consecratam sub speciebus panis nobis propositam latræ cultu adorandam esse; potiori iure talem cultum eidem debemus miraculosa apparitione peracta. Ideo ne Deum insigne prodigium patrabit, ut cultum imminuat augustissimo sacramento? Supponimus enim apparitionem virtutis divina peragere ob maiorem Dei gloriam, fidei confirmationem, populi que devotionem.

CAPUT III.

*De cultu quo Crux Christi, & cetera eiusdem
sacratissimæ passionis instrumenta coli possunt,
& debent.*

I. **Q**UÆST. I. *Crux Christi adoranda ne est latræ cultu?* Resp. Adfirmant omnes Catholici. Quoniam Crux Christi imago Christi est. Imago autem Christi eodem ac ipse Christus cultu adoratur. Quod autem Crux sit signum speciale, seu symbolum referens Christi personam, patet ex illo Matth. xxiv. *Tunc apparebit signum Filii hominis*: quo ex textu omnes Interpretes Crucem Christi exprimi docent. Rem hanc optime explicat Angelicus. Dicendum est, quod imagini Christi, inquantum est res quadam (puta lignum sculptum, vel pictum) nulla reverentia exhibetur: quia reverentia nonnisi rationali naturæ debetur. Relinquitur ergo quod exhibeatur ei reverentia solum inquantum est imago: & sic sequitur quod eadem reverentia exhibeatur imagini Christi, & ipsi Christo. Cum ergo Christus adoretur adoratione latræ, consequens est quod eius imago sit adoratione latræ adoranda. III. Part. quæst. xxv. art. 3. Accedit quod Crux illa cui incarnatum Verbum affixum fuit, non solum adorari debet, eo quod sit imago eiusdem Christi; sed etiam ob physicum contactum cum eiusdem membris, & ob sanguinem illum pretiosum quo fuit aspersa, ut docet idem Angelicus loc. cit. art. 4. *Si ergo loquamur de ipsa Cruce in qua Christus crucifixus est, utroque modo est a nobis veneranda: uno scilicet modo, inquantum repræsentat nobis figuram Christi extensæ in ea; alio modo ex contactu ad membra Christi, & ex hoc quod eius sanguine est perfusa. Unde utroque modo adoratur eadem adoratione cum Christo, scilicet adoratione latræ.*

II. QUÆST. II. *Cetera sacratissimæ passionis Christi instrumenta inanimata, ut clavi, lancea, funes, flagella, corona, arundo, spongia, & similia, sunt ne latræ cultu adoranda?* Resp. Adfirmant Catholici omnes ob physicum contactum cum Christi corpore. Ex hoc quippe contactu insignes evadunt reliquæ, relationemque peculiarem habent ad ipsum Christum, ut explicat D. Thomas loc. cit. ad 3. *Pretiosum lignum, ut sanctificatum tactu sancti corporis & sanguinis decenter adorandum, clavos, indumenta, lanceam, & huiusmodi. Ista tamen non repræsentant imaginem Christi, sicut Crux, quæ dicitur signum Filii hominis, quod apparebit in celo.* Contactus ergo sacratissimi Christi corporis efficit ut instrumenta inanimata eodem ac Christum colamus cultu, quia eadem omnino propter Christum adoramus: neque enim hæc capacia sunt alienius intrinsecæ adorationis, cum nullam intimam habeant dignitatem. Hac ratione animata instrumenta, ut manus crucisgenicium, labia

olcu-

ofculantium eundem Christum non sunt adoranda ob scelus ab eiusmodi membris patratum. Animæ quippe flagitia etiam externa membra inquinant. Quare licet ob contactum essent adoratione digna, tamen ob crimen perpetratum non adoratione, sed detestatione digna sunt.

III. Azorius adfert auctoritatem D. Augustini ex *ser. lvi. de verbis Domini* desumptam, ut evincat; Augustinum docuisse instrumenta inanimata non esse cultu latræ, sed dulcè adoranda: quam auctoritatem obtrudit quoque Leander, qui aliorum Casuistarum vel minima menda censoria virga designat. Verum sermo ille suppositicius est, atque inter opera apocrypha repositus, ut videre est in *Appendice Tom. X.* Quin nec in præfato sermone reperiuntur verba quæ opponunt Azorius, & Leander, ut animadvertunt Salinanticenses *tract. xxi. cap. x. punct. 3. num. 20.*

IV. Argumenta quæ ab heterodoxis opponi solent, nos nempe colere ligna, & metalla, putida mendacia sunt, toties profligata. Nam in his symbolis, & figuris Christum ipsum colimus, hæcque signa veneramur unico titulo, quod nobis in memoriam reducunt exemplar quod referunt. Nullius quoque momenti est aliud commentum, quo effutiant, neminem filiorum colere patibulum, seu laqueum quo pater suspensus fuit. Cui argumento respondet D. Thomas, quod in *Cruce Christi quantum ad intentionem, vel opinionem infidelium consideratur opprobrium Christi; sed quantum ad effectum nostræ salutis, consideratur virtus divina ipsius, qua de hostibus triumphavit.* Colitur ergo Crux Christi, non ut infame supplicium a Iudeis electum, ut morte turpissima Christum plecterent; sed ut vexillum victoriæ, quam de hoste humani generis Christus tulit, & ut triumphale nostræ salutis monumentum. Denique ad id quod obiiciunt, manus B. Virginis, Sponsi Ioseph, & discipulorum, quæ tetigerunt Christi corpus, adorandas fore latræ cultu; respondetur disparem esse rationem. Nam instrumenta anima destituta non sunt cultus capacia, prout in se considerantur; ideo totus prorsus cultus quem illis exhibemus, in Christum omnino referimus. B. Virgo, illius Sponsus, & discipuli sunt intima excellentia ornati, atque adeo cultu digni; tamen & cultum ipsam quem Sanctis exhibemus, in Deum referamus. En D. Thomæ responsum. *Crux non est capax venerationis, prout in se consideratur... Sed Beata Virgo secundum se ipsam est venerationis capax: & ideo non est similis ratio.* III. Part. quæst. xxv. art. 3. ad 3. Idque fusius explicat in corpore articuli.

V. Ad Crucem quod attinet, distinguenda est Crux illa in qua Christus pependit, ab aliis crucibus quæ ad eiusdem similitudinem compinguntur. Duplici titulo illa colitur, & ratione imaginis, quam Christi in semetipsa extensis præfert, & ratione contactus eiusdem sanctissimi corporis. Quare, etiamsi Crux illa scindatur in partes, figuramque Crucis amittat, adhuc adoranda est latræ cultu ob dictum

con-

contactum. Ceteræ cruces omnes quæ sunt ad primam illam representandam, solo titulo imaginis adorantur: ideo, si rationem imaginis, & figuræ Christum representantis amittant, nullo modo sunt colendæ. Denique, ut Crux Christi colatur, oportet ut data opera instituta sit ad sacrum referendum mysterium. Quapropter ceteræ cruces quæ casu ex lignis, paleis, aliisque rebus fortuito transver-
sis confurgunt, non sunt colendæ; sed, ut cetera ligna, negligi vel adhiberi va-
lent ad usum communem. Nomina Dei, Iesu Christi, & Deiparæ eodem cultu
veneranda sunt quo eorum significata. Hæc quippe nomina produnt personas
quæ veneratione dignæ sunt. Ergo, sicut imagines quæ personas sanctitate illu-
stres referunt, coluntur, ut tales personas representantes; sic talia nomina, pro-
ut significant Deum, Christum, & B. Virginem, coli debent. Ita communiter
Theologi.

C A P U T I V.

*De adoratione debita B. Virgini Mariæ, Angelis,
& Sanctis.*

I. S Olus Deus est qui cultu religioso latriæ a nobis adorari debet. Hoc tamen
non impedit quominus alio interiore cultu alias personas creatas venerari
possimus ob illarum peculiarem conjunctionem cum Deo ipso, & ob dona cele-
stia quæ illis Deus communicavit. B. Virgo Maria super omnes creaturas emi-
net: ideo cultu peculiari adoranda est, quem cultum *hyperdulia* vocamus. In-
numeri Doctores catholici adversus recentes novatores sacræ antiquitatis monu-
menta promunt, quibus vetustissimam Marianæ cultus traditionem evincunt. Pa-
trum cuiusque sæculi testimonia asserit Natalis ab Alexandro *differt. xxy. in
hist. sæculi V.* Luculenta sunt encomia quibus Irenæus, Tertullianus, & Origenes
Virginis excellentiam & dignitatem extollunt. S. Gregorius Neocæsariensis *homil.
xii. de Annuntiatione B. V.* his verbis exprimit cultum eidem debitum. *Tibi o-
mnis celestium, terrestrium, & infernorum natura convenientem cultum, ac venera-
tionem adhibet. Tu enim vere thronus cherubicus facta es. &c.* Sanctus Ephrem Sy-
rus *serm. de B. V. laudibus* eam invocatur hunc in modum. *Sub tuum præsidium
confugimus, o sancta Dei Genitrix, sub alis pietatis, atque misericordiæ tuæ prote-
ge, & custodi nos. Miserece nostri, qui sordibus peccatorum conspurcati sumus, qui
sceleribus, atque delictis quamplurimis Creatorem Deum nostrum, & iudicem uni-
versorum offendimus. Mira sunt elogia quæ eidem pangit Epiphanius pluribus in
locis, potissimum in oratione de laudib. eiusdem B. M. Quid quod vel ipsi hæretici*
sa

starentur, elapso quarto redemptionis sæculo obtinuisse in Ecclesia catholica cultum in Deiparam, & in Sanctos omnes in cælis degentes?

II. Igitur de fide est & Virginem; Sanctosque in cælo cum Christo regnantes aliqua adoratione colendos esse. Id enim definitum est tum in Concilio Nicæno II. *añ. 325. & 381.* tum in Tridentino *sess. xxv. de invocatione Sanctorum*. Prætereo sacra Scripturae textus, qui hanc veritatem confirmant, eo quod penes innumeros Theologos Polemicos obvii sunt. Ratio quoque naturalis præsto adest. Ratio quippe adorationis est dignitas, & excellentiæ personæ adorandæ. Hac ratione, quia Deus infinitæ maiestatis, & dignitatis est, supremo *latrice* cultu illum veneramur. Porro Angeli, Beati, ac Sancti in cælo regnantes singulari gratia & dignitate fulgent. Cur ergo illis denegandus est cultus? An quia soli Deo cultus debetur? Soli Deo debetur utique cultus *latrice*, seu solus Deus adorandus est ut Deus, atque adeo *latrice* cultu. Hic cultus nulli creaturarum offerri absque idololatriæ flagitio potest. Sed cur denegandus est Sanctis cultus inferior, quem *dulcis* appellamus, qui eorum creatæ dignitati, & limitatæ excellentiæ respondeat; quique in Deum ipsam in Sanctis suis misericordem, & donorum largitorem tandem refertur, ac in eodem quiescit? Cur per summam calumniam idololatriæ labe hunc cultum criminantur hæretici, si nos voce, & scriptis testamur, nos venerari & colere Sanctos ob amicitiam quam cum Deo habent, ob dona, & excellentiam a Deo illis communicatam: si testamur nos cultu distinguo; & longe maxime inferiore illo quo Deum colimus, Sanctos venerari?

III. Obiiciunt heterodoxi. Angelus *Apocal. xxi.* prohibuit se adorari; sicut & D. Paulus *act. x.* & D. Petrus. Ut hæc, & similia plenius intelligantur, lubet transcribere quæ docet D. Thomas 2. 2. quæst. lxxxiv. art. 1. ad 1. *Alia veneratione veneramur Deum, quod pertinet ad latricam; & alia veneratione quasdam excellentes creaturas, quod pertinet ad dulcem.... Secundum reverentiam ergo quæ creatura excellenti debetur, Nathan adoravit David; secundum autem reverentiam quæ debetur Deo, Mardocheus noluit adorare Aman, timens ne honorem Dei transferret ad hominem; ut dicitur Esther xxi.* Et similiter secundum reverentiam debitam creatura excellenti, Abraham adoravit Angelos, & etiam Iosue, ut legitur Iosue v. quomodo possit intelligi, quod adoraverint adoratione *latrice* Deum, qui in persona Angelî apparebat, & loquebatur; secundum autem reverentiam quæ debetur Deo, prohibetur est Ioannes Angelum adorare, *Apoc. ult. tum ad ostendendam dignitatem hominis, quam adeptus est per Christum, ut Angelis æquetur: unde ibi subditur: Conservus tuus sum, & fratrum tuorum: tum etiam ad excludingum idololatriæ occasionem: unde subditur: Deum adora.* Hæc angelica doctrina profligantur omnia hæreticorum in hac materia sophismata.

IV. Hinc quoque inferitur, adorationem quæ colimus Sanctos, alterius a religio-

gione virtutis esse. Cuius diversitatis rationem prodit idem Angelicus. Nam, ubi est diversa debiti ratio, diversa requiritur virtus ad illud solvendum. Sed alio titulo debetur Deo adoratio, & alio Sanctis: Deus quippe colendus a nobis est, quod omnium Creator sit, & ob illius increatam, & eminentem maiestatem; hominibus vero cultus debetur ob creatam, finitam, & a Deo acceptam dignitatem: hæ autem duæ rationes sunt omnino diversæ. Ergo virtutes distinctæ illis respondere debent. Sed Angelici verba asseramus. *Ubi est alia ratio debiti, ibi necesse est quod sit alia virtus qua debitum reddat. Alia autem ratione debetur servitus Deo, & homini; sicut & alia ratione dominium competit Deo, & homini. Nam Deus plenarium & principale dominium habet respectu totius, & cuiuslibet creature, quæ totaliter eius subiicitur potestati; homo autem participat quamdam similitudinem divini domini, secundum quod habet particularem potestatem super aliquem hominem, vel super aliquam creaturam. Et ideo dulcia, quæ debitam servitutem exhibet homini dominanti, alia virtus est a latvia, quæ exhibet debitam servitutem divino dominio.* 2. 2. quæst. ciii. art. 3. Plura alia huc spectantia legi possunt apud eundem Angelicum, ubi ostendit quod licet eadem caritate diligatur Deus, & proximus, quia eadem est diligendi ratio, nempe bonitas divina; diversa tamen virtute colitur Deus ab ea qua adorantur Sancti, ob diversam cultus rationem.

V. Cultus itaque debitus creaturis quibuslibet, non est *latvia*, sed *dulcia*. Quia vero B. V. Maria creaturis omnibus, Angelis, & Sanctis quibusque gloria, gratia, & dignitate antecellit; ideo perfectissimo *dulcia* cultu, quem *hyperduliam* vocamus, colitur. Hoc quoque docet Angelicus III. Part. quæst. xlv. art. 5. *Cum igitur Beata Virgo sit pura creatura rationalis, non debetur ei adoratio latvia, sed solum veneratio dulcia; eminentius tamen quam ceteris creaturis, inquantum ipsa est mater Dei. Et ideo dicitur, quod debetur ei non qualiscumque dulcia, sed hyperdulcia. Quare merito proscripta est propositio sequens ab Alex. VIII. Laus qua deferretur Mariæ, ut Mariæ, vana est.*

VI. Obiiciunt hæretici, hanc distinctionem cultus *latvia*; & *dulcia* commentitiam esse, nullibi in Scripturis indicari, incognitamque fuisse primis Ecclesiæ sacculis. Verum est equidem in Scripturis hanc verbalem distinctionem non haberi; sed habetur res ipsa, nempe cultus Deo, & Sanctis præstandus. Quid ergo interest de vocibus iurgari, cum res ipsas teneamus? Scriptura, & præsci Patres cultum Deo, & sanctis Angelis, hominibusque exhibitum approbant. Non ergo improbanda, sed laudanda distinctio, quam magister usus invehit maioris claritatis gratia. Nec verum est quod obtrudunt Lutherani, & Calvinistæ, a Pontificibus recenter hanc distinctionem inventam. Nam illius meminit Augustinus *Lib. X. de Civit. Dei cap. 1. & Lib. XX. cont. Faustum cap. xxi.* ubi inquit: *Colimus*

mus

mus ergo Martyres eo cultu dilectionis, & societatis quo & in hac vita coluntur sancti homines Dei, quorum cor ad talem pro evangelica veritate passionem paratum esse sentimus; sed illos tanto devotius, quanto securius post certamina superata; quanto etiam fidentiore laude prædicamus iam in vita feliciore viatores, quam in ista adhuc usque pugnantes. At vero illo cultu qui græce latría dicitur, latine uno verbo dici non potest, cum sit quædam proprie Divinitati debita servitus, nec colimus; nec colendum docemus, nisi unum Deum.

VII. Alteram calumniam, qua imponunt hæretici, nos Sanctis altaria, & templa erigere, illisque sacrificia offerre, repellit Augustinus eodem Lib. XX. cont. Faustum cap. xxi. Nam quod etiam hinc nobis calumniatur Faustus, quod Martyrum memorias honoramus, in hoc dicens nos idola convertisse, non tam me movet, ut huic calumnie respondeam, quam ut ipsum Faustum ostendam studio calumniantis, etiam ab ipsis Manichei vanitatibus exorbitare voluisse... Populus autem christianus memorias Martyrum religiosa solemnitate concelebrat & ad excitandam imitationem, & ut meritis eorum consocietur, atque orationibus adiuvetur; ita tamen ut nulli Martyrum, sed ipsi Deo Martyrum, quamvis in memorias Martyrum constituamus altaria. Quis enim Antistitem in locis sanctorum corporum assistens altari aliquando dixit: Offerimus tibi, Petre, aut Paule, aut Cypriane? Sed quod offertur, offertur Deo, qui Martyres coronavit, apud memorias eorum quos coronavit: ut ex ipsorum locorum admonitione maior affectus exarcat ad acuendam caritatem, & in illos quos imitari possumus, & in illum quo adiuvante possumus. Plurima possem isthuc transcribere ex aliis Patribus; sed non est istius instituti.

VIII. Illud nunc est reliquum ut declaremus, quibus Sanctis cultus dulciæ debeat. Cui quæsito breviter respondemus, primum Sanctis ab Ecclesia canonizatis dulciæ cultum deferendum esse. Nam canonizatio publicum Ecclesiæ testimonium est de vera sanctitate alicuius hominis iam defuncti: simul enim ac Sancti aliqui in catalogo Sanctorum recensiti sunt, invocantur in publicis Ecclesiæ precibus, in eorum memoriam Deo templa, & altaria dicantur, & preces, seu officia recitantur, eorum imagines, atque reliquiæ publico cultui exponuntur: quæ omnia, non præcepto urgente, sed lege permittente & adprobante, fieri possunt.

IX. Iudicium Ecclesiæ, seu summi Pontificis in Sanctorum canonizatione nulli errori obnoxium esse, docent Catholici omnes adversus recentiores hæreticos, infallibilitatis pontificiæ insensissimos ofores. Missis plurimis quæ in hanc rem Theologi congerunt, referam prudentissimam D. Thomæ sententiam. Canonizatio Sanctorum medium est inter iudicium Papæ de rebus fidei definiens, & de particulis factis.... Quia tamen honor quem Sanctis exhibemus, quædam confessio fidei

est,

est, qua Sanctorum gloriam credimus, pie credendum est quod nec etiam in his iudicium Ecclesie errare possit. Quodlib. ix. artic. 16. Opponent heterodoxi auctoritatem Augustini iniquitatis: *Multorum corpora honorantur in terris quorum animæ torquentur in gehenna*: qui textus, etsi inveniretur in Augustino, quod negat Bellarminus, nihil officeret sententiæ nostræ; sed quadraret in Lutheranos, & Calvinistas, quorum corpora magnis, ac sculptis lapidibus, tumulisque superbis honorantur in terris, & animæ eorum in Lutherana fide defunctæ torquentur in gehenna. Non loquitur Augustinus de animabus quæ catholicæ Ecclesiæ iudicio in cælis regnant; sed de aliis quæ vulgi opinione adorantur. Plura alia disputant Theologi de Sanctorum canonizatione, quæ, ut ab instituto nostro aliena, missa facio. De beatificatione quoque Sanctorum, de istius a canonizatione distinctione, de cultu deferendo Sancto beatificato, fusius disputant. Paucis hæc omnia expediam.

X. Beatificationem accidentaliter tantum distinctam communiter asserunt a canonizatione, & ut quid imperfectum a perfecto. Beatificatio enim proxima via est ad canonizationem. Non est ultimum Ecclesiæ iudicium, quo definiat Beati cultum, sed illum dumtaxat approbat. Eodem cælesti lumine illustratur Ecclesia, & Pontifex in beatificatione, ac in canonizatione Sanctorum. Nihil impedit, Beatum ab Ecclesia declaratum vocari Sanctum, ut communis fere consuetudo. Cultus deferendus Beatis exprimitur in Bulla beatificationis, nec alius exhibendus est. Quemadmodum sub nomine Beatorum offertur Deo sacrificium, ita templa, & altaria sub illorum memoria erigi Deo valent. Num liceat in processibus Beatorum deferre reliquias, eosdem in publicis litanis invocare, consulenda est consuetudo Romanæ Ecclesiæ, quidque usus communis ferat Ecclesiarum in his & similibus rebus.

XI. Prolixam quoque disputationem instituunt Theologi de cultu qui offerri viris, aut feminis cum sanctitatis fama demortuis possit. Qua in re sicuti certum est nullum publicum cultum offerri posse sive viris, sive feminis, nondum ab Ecclesia in Sanctorum, aut Beatorum censu perscriptis; ita certum est licite offerri illis posse cultum privatum: idque constat ex universali populi christiani vetustissima consuetudine. Quin prima, ut ita dicam, ianua, quæ viam aperit ad beatificationem, & canonizationem, est populi devotio, & concursus ad istorum defunctorum sepulcra, & invocatio eorundem in infirmitatibus. Et, si dum in terris degunt, licitum est privatim illos rogare, ut pro nobis intercedant; quidni licebit idem cum illis peragere post illorum mortem? Cultus dumtaxat publicus, qui sit Ecclesiæ decreto declaratus, deferri illis nequit. Quare neque officia divina recitari, neque altaria erigi, nec sacrificia sub illorum nomine offerri, neque eorundem imagines radiis, & splendoribus depingi valent. Quia hi cultus au-

Auctoritate Ecclesiæ sunt pro Sanctis, vel Beatis designati. Illis igitur nec publice, nec privatim præfati cultus possunt offerri: hæc quippe omnia vetita sunt. Neque ergo in Ecclesiis, neque in privatis Oratoriis retineri possunt præfate tabellæ cum radiis, & splendoribus pictæ, neque ad illorum sepulcra luminaria, lampades accendi valent, ut habetur in Decreto Urbani VIII. quo hæc, & plura alia vetantur. Quod praxim tamen spectat, in appendendis tabellis, in quibus favores, & prodigia defuncti alicuius intercessione obtenta exprimuntur, locorum Ordinarii sunt consulendi, quibus cura commissæ est invigilandi adversus abusus qui irrepere valent. Vetitum quoque est vocare Sanctos, vel Beatos eos qui nondum in censum Sanctorum, vel Beatorum redacti sunt. Vetitum tamen non est cum addito dicere hanc esse sanctum virum: quæ phrasis non aliud prodit, nisi integros, immaculatosque mores eius fuisse. Sanctum ergo, vel Beatum absolute, & sine addito aliquem appellare vetitum est. Licitum quoque est vestes, capillos, & alias similes reliquias defunctorum piorum servare, & privatim venerari, illorum pedes, manusque exosculari. Id confirmat Ecclesiæ consuetudo. Siquidem statim ac Martyres occisi erant, vel ipsis primis Ecclesiæ sæculis eorumdem reliquiæ arripiebantur a fidelibus, & colebantur: quamvis adhuc ab Episcopis, ut mos tum ferebat, publico cultu Martyres donati non essent. Licitum ergo est illos venerari, aliis etiam videntibus, dummodo scandalum absit. Licet quoque corpora illorum qui cum publica sanctitatis fama obierunt, honestiori in loco, etiam a terra elevato, recondere. Vetitum tamen est eadem corpora sub altari, aut gradibus eiusdem reponere. Praxis etiam Ecclesiæ licitum esse ostendit, eiusmodi defunctorum corpora insepulta servare diebus aliquot, ut fidelium devotioni fiat satis: & ex historiis habetur, plurima miracula a Deo patrata fuisse in ostensionem sanctitatis alicuius defuncti. Item ieiunare, vota privata Deo offerre, fideles licite valent in istorum defunctorum memoriam: quia hi cultus privati sunt, ut Bellarminus *Lib. 1. de beatif. cap. x.* cum aliis Theologis docet. Verum spartam hanc mirum in modum præ ceteris omnibus exornavit, illustravitque, & nodos omnes dissolvit, omnesque difficultates penitus exhaustit doctissimus Cardinalis Lambertinus in suo immortali Opere quatuor ingentis molis voluminibus comprehenso, & primum in lucem edito, dum Bononiæ Archiepiscopatus munereungebatur: qui nunc BENEDICTI XIV. nomine universam Ecclesiam sapientissime regit. Opus istud auro cedroque dignum consule, si quid tibi difficultatis occurrat.

CAPUT V.

De cultu quo colendæ sunt imagines sanctissimæ Trinitatis, Christi Domini, & Sanctorum.

I. **L**icitum, piumque esse sacrarum imaginum usum, definit Synodus Tridentina, rationemque eandem colendi declarat his verbis sess. xxv. decret. 2. *Imagines porro Christi, Deiparæ Virginis, & aliorum Sanctorum in templis præsertim habendas, & retinendas, eisdemque debitum honorem, & venerationem impertiendam; non quod credatur inesse aliqua in eis divinitas, vel virtus propter quam sint colendæ; vel quod ab eis sit aliquid petendum; vel quod fiducia in imaginibus sit figenda; veluti olim fiebat a gentibus, quæ in idolis spem suam collocabant: sed quoniam bonis qui eis exhibetur, refertur ad prototypa quæ illæ repræsentant; ita ut per imagines; quas osculamur, & coram quibus caput aperimus, & procumbimus, Christum adoremus, & Sanctos, quorum illæ similitudinem gerunt, veneremur.* Ad istius decreti conspectum evanescunt omnium hæreticorum imposturæ. Honorem qui imaginibus exhibetur, in prototypa referimus. Respectiva est omnis imaginum adoratio nostra: respicit siquidem prototypa quæ repræsentant. Nulla ergo isthic idololatriz labes. Ceterum plurima ex hoc usu proficiuntur bona. Et primum icones istæ referunt potissimum imperitis maiorum nostrorum gesta, & de hoste triumphos. Scio quidem (inquit Calvinus Lib. I. instit. cap. xi. §. 5.) *illud vulgo esse plusquam tritum, libros idiotarum esse imagines.* Dixit hoc Gregorius. *At longe aliter pronuntiat Spiritus Dei.* Fatetur Calvinus, & post ipsum Dallæus, ceterique novatores, quarto & quinto sæculo obtinuisse sacrarum imaginum usum. At effutire non erubescunt, idololatriz labe pollutos fuisse omnes Ecclesiæ Patres. Impotens Protestantium audacia, qua se supra totam sacram antiquitatem erigunt, non leve argumentum est commentitiæ eorumdem religionis. Melius ne isti post duodecim sæcula mores, consuetudinesque primorum Christianorum, quam Patres, qui proximi iidem fuerunt, intelligent? Longe aliter ac Gregorius, alique Patres, pronuntiat Spiritus Dei? At non ne Deus Moysi præcepit Exod. xxv. *Duos quoque Cherubim aureos, & productiles facies ex utraque parte oraculi?* Non ne, Num. xxi. confici serpentem æneum mandavit? Nonne Salomon Cherubim, boves, & leones formavit? III. Reg. vi. Sed quid textus congero ad confutandum inane commentum toties contritum?

II. Licitum itaque est ipsius Dei Patris, & cuiusque sanctissimæ Trinitatis personæ imaginem formare. Quare merito Alexander Papa VIII. proscripsit sequentem propositionem. *Dei Patris sedentis simulacrum nefas est christiano in templo colo-*
lo: a

Acere. Ratio vero cur liceat talis imago, est, quod nemo Catholicorum intendat in eiusmodi imaginibus Dei naturam exprimere. Quis enim taliter obbrutescit, ut sibi suadeat, depingi humana industria posse aliquam Trinitatis personam? Has picturas fingimus, ut quibusdam veluti sacris symbolis mens nostra excitetur ad Deum adorandum. Nonne invisibilia Dei per ea quæ facta sunt, conspiciuntur? Depingimus Patrem æternum sub senis effigie, ut primam esse Triadis personam ostendamus. In pectore Patris Verbum pingitur, ut indicemus a Patre illum esse genitum. Sub columbæ specie Spiritus sancti imago formatur, quia sub hoc symbolo ipse apparere dignatus est. Angelos quoque alatos, ceu pulcherrimos iuvenes, depingimus, quia sub hac forma sæpius ipsi apparuere. Testamur in his imaginibus nullam inesse virtutem, nullam a nobis in ipsis reponi fiduciam. Tota spes nostra in Deo est ex meritis Christi. Sanctorum intercessionem imploramus, ut facilius a Deo obineamus quæ tantis intercessoribus petimus. Quid itaque vesana temeritate obgannit Calvinus, nos imaginari vim aliquam Divinitatis in eiusmodi iconibus inhabitare; cum palam semper id a Catholicis negatum sit? Quid obtrudit, neque Ethnicos idola sua deorum loco habuisse, sed deos in idolis adorasse? Bene habet. Sed falsos ipsi deos colebant, eorumque simulacra putidissima numina referebant. Dum Iudæi simulacra ædificabant, non Deum verum in iisdem, sed falsa gentium numina venerabantur. Quare apertum mendacium Calvinus est, asserentis, Iudæos Deum æternum, unum, verumque cæli, & terre Dominum sub talibus simulacris persuasos fuisse se colere. Hebræi siquidem, dum simulacra compingebant, ad gentium colenda numina declinabant. Quod toties illis exprobrant Prophetæ: *Abierunt post deos alienos: secutus est deos alienos: servieruntque diis alienis: auferite deos alienos.* Passim occurrunt in Scriptura eiusmodi exprobrationes Iudæis a viris sanctis factæ. Non ergo idololatriæ rei habitum sunt, quod in imaginibus verum, æternumque Deum colerent, quemadmodum comminiscitur Calvinus; sed quod deos gentium in idolis venerarentur. Quod vero improprie Calvinus, plures imagines obscenitatis esse exemplaria, quodque lupanaria pudicius, & modestius cultas meretrices ostendunt, quam templorum imagines quæ ad virgines repræsentandas institutæ visuntur, imposturæ, & diæteria sunt Calvinus odio in Romanam Ecclesiam coniecta. Si quid in hoc abusus accidit, ex pictorum vitio ortum ducit. Ceterum, ut eiusmodi corruptelæ ab Ecclesiis nostris exulcent, Tridentinum ipsum, & plura alia Concilia vigilare Episcopos iubent adversus eiusmodi sacrilega profanationis portenta. Sed quid ultra provehor ad retundendam Calvinus audaciam, qui solis conviciis, & calumniis desperatam causam agit?

III. Pauca ergo rem expediamus. Deus vetuit Israelitis: *Non facies tibi sculptile, nec omnem similitudinem quæ est in cælo desuper, nec in terra deorsum, nec in aquis.*

Tom. III.

B

aquis

aquis sub terra. Exod. xx. Item D. Paulus Ad. xvii. *Genus ergo cum finis Dei, non debemus estimare auro, aut argento, aut lapidi sculptura artis, & cogitationis hominis, divinum esse simile.* Sensus horum, & similium textuum ex iis quæ dicta sunt, perspicuus efficitur. Eiusmodi simulacra vetita illis fuerunt: ad representanda falsa Ethnicorum numina: hocque adeo evidens est, ut solus effrons Calvinus negare audeat. Ibidem siquidem habetur: *Dei aureas, & argenteas non facietis mecum: non habebis deos alienos: abiecit deos alienos.* Quando populus in idololatriam lapsus est in deserto, deos sibi ab Aarone, nedum simulacra, fieri postulavit. *Fac nobis deos, qui nos precedant:* Exod. xxxii. Sed hæc omnia nimis sunt explorata atque comperta.

IV. Quæst. I. *Sint ne eiusmodi imagines adorandæ?* Resp. Licitum esse sacrarum imaginum usum, paucis ostensum est. Nunc licitam, utilemque esse eandem adorationem, evincendum. Splendidam, atque efficacem: istius adorationis rationem exhibet D. Thomas III. P. quæst. xxv. art. 3. *Duplex est motus animæ in imaginem. Unus quidem in ipsam imaginem, secundum quod res quædam est; alio modo in imaginem, inquantum est imago alterius.* Et inter hos duos motus est hæc differentia: quia primus motus, quo quis movetur in imaginem, ut est res quædam, est alius a motu qui est in rem; secundus autem motus, qui est in imaginem, inquantum est imago, est unus & idem cum illo qui est in rem. Sic ergo dicendum est, quod imagini Christi, inquantum est res quædam [puta lignum sculptum, vel pictum] nulla reverentia exhibetur: quia reverentia non nisi rationali naturæ debetur. Relinquitur ergo quod exhibetur ei reverentia, SOLUM inquantum est imago; & sic sequitur quod eadem reverentia exhibetur imagini Christi; & ipsi Christo. Cum ergo Christus adoretur adoratione latria, consequens est quod eius imago sit adoratione latria adoranda. Hinc consequitur minus nobis probari sententiam Bellarmini, & aliorum, eorum aliquem distinctum ab illo qui exhibetur prototypo, imaginibus deferentium. Nam D. Thomas conceptis verbis docet, *solum adorandam esse imaginem ut imago est, seu ut refert prototypum:* atque adeo cultus imaginis totus respectivus est, & in prototypum fertur.

V. Obiciunt Calviniani, & Lutherani solita sophismata, nempe Scripturam & Exodi xx. & Deut. xv. & ad Rom. i. & sexcentis aliis in locis prohibere simulacrorum, & idolorum cultus. Porro nec Iudæi, nec Gentiles adeo hebetes erant, ac stupidi, ut crederent lapides, ligna, & hominum opificia deos esse. Quamquam commentum istud convulsam iam sit, lubet nihilofecius solutionem, quam tribus sæculis, antequam e tenebris in lucem erumperet huiusmodi hæreticorum pestis, exhibuit S. Thomas, transcribere. *Dicendum, quod non prohibetur illo precepto facere quancumque sculpturam, vel similitudinem, sed facere ad adorandum. Unde subdit: Non adorabis ea, neque coles. Et quia, sicut dictum est, idem est motus*

in imaginem, & in rem, eo modo prohibetur adoratio imaginis quo prohibetur adoratio rei cuius imago est. Unde ibi intelligitur prohiberi adoratio imaginum, quas Gentiles faciebant in venerationem deorum suorum, idest demonum. Et ideo præmittitur. Non habebis deos alienos coram me. Ipsi autem vero Deo, cum sit incorporeus, nulla imago corporalis poterat poni: quia, ut Damascenus dicit, insipientia summa est, & impietatis figurare quod est divinum. Sed quia in novo testamento Deus factus est homo, potest in sui imagine corporali adorari. III. Part. quæst. xxv. art. 3. ad 1. Legatur integer articulus, cuius doctrina omnes hæreticorum nugæ, & sophistica argumentationes profigantur. Quin omnia quæ Theologi catholici fulsissimo calamo congerunt, ac erudite differunt, prius, paucis, ac significantissimis verbis Angelicus comprehendit, & mira perspicuitate explicavit.

VI. Angelica doctrina nixa est perpetua Ecclesiæ traditione, & Conciliorum Nicæni II. Florentini, & Tridentini auctoritate. Quare de fide est, dignas adoratione esse imagines sacras. Plura alia documenta quæ tum ex præfatis, aliisque Conciliis, tum ex Patribus adferre possem, missa facio, quod obvia apud Auctores sint: & quia ex iis quæ dicta sunt, veritas hæc manet satis comperta.

VII. Audiamus dumtaxat aliud Calvini commentum. Cur, inquit, inter eiusdem Dei simulacra tantum discrimen, ut, altero neglecto, aut vulgariter honorato, alterum omni solemoni honore Catholici prosequantur? Cur ad visenda simulacra quibus similia domi suæ habet, votivis peregrinationibus se fatigant? Cur pro illis hodie, tamquam pro aris & focis, ad cedes usque, & strages digladiantur? Hæc & similia obiicit Calvinus *Lib. I. Instit. cap. xvi. §. 10.* Quod deliramentum se ipso concidit ex solo angelicæ doctrinæ conspectu. Si enim nullum nos cultum imaginibus deferimus, nisi illum quo colimus Deum, quem referunt; evidens est, omnes imagines Deum repræsentantes eodem quo Deum colimus, apud nos cultu adorari. Quod autem aliquæ frequentiore adoratorum concursu colantur, non inde proficiscitur quod eisdem aliqua inesse credatur peculiaris virtus, aut maior cultus ratio; sed quod Deus ob sua miranda arcana velit potius istius quam alterius imaginis usu miracula patrare, & beneficia conferre. Aliquæ etiam imagines depictæ a sanctis viris, ut a D. Luca, a Nicodemo, vel ab Angelis, perhibentur. Quare in memoriam talium pictorum, quorum etiam intercessione adiuvari apud Deum confidunt fideles, peculiari devotione unam præ altera imaginem homines colunt. Nemo tamen Catholicorum credit, imaginem aliquam singulari præditam esse excellentia; aut alteri antecellere; sed cum omnes æqualiter prototypum repræsentent, omnes eodem omnino cultu respectivo adorantur.

VIII. Argumenta Bellarmini *Lib. I. de imaginibus cap. xxiv.* Suarez *III. P. Tom. I. Diss. lxx. scilicet 5.* & aliorum contententium, imagines Dei, & Christi Domini.

non esse adorandas adoratione *latræ*, sed cultu inferiori, quia imagines sunt inferiores prototypis quæ repræsentant, nullius sunt roboris. Tunc enim evincerent intentum illorum argumenta, si peculiari cultu imagines coleremus, & ut sunt res quædam; verum, cum illas adoremus ut *imagines* sunt, seu ut repræsentant prototypa, consequitur eodem omnino cultu ac prototypa colendas esse. Quin, si exactius loqui velimus, non imagines, sed prototypa repræsentata in imaginibus, colimus. Imagines signa sunt, & symbola, quæ mentem nostram excitant ad colenda prototypa. In cruce osculamur Christum, in libro Evangeliorum æternam veritatem, in imaginibus Martyrum, & Sanctorum, Sanctos ipsos colimus. Sic docet Tridentinum, Pontificale Romanum, & optime advertit celebris Bosuetus in expositione doctrinæ catholicæ Ecclesiæ *cap. v.* & prius luculenter docuerat D. Thomas. Dum Concilia Moguntinum, Senonense, alique Scriptores asserunt imagines Christi adorandas non esse *latræ* cultu, loquuntur de cultu absoluto ipsis imaginibus exhibendo.

IX. *Quæst. II. Adest ne præceptum aliquod præcipiens sacrarum imaginum usum?* Resp. Certum est nullum dari præceptum naturale, aut divinum: quia nullibi in sacra Scriptura istius præcepti vestigium, nec ratio aliqua occurrit quæ præstatum usum præcipiat. Ad præceptum ecclesiasticum quod attinet, adfirmat dari P. Paulus Nazarius in *III. P. quæst. xxv. art. 3. controver. 2.* Quæ sententia absolute vera est, si intelligatur de communi usu respectu omnium fidelium. Quamvis enim hoc mandatum verbis expressum latum non sit, consuetudine tamen vim legis obtinente invecum est. Tempia, & altaria sacris imaginibus ornare adstringimur. Vetitum est sacrificium in altari, in quo imago Crucifixi non sit, offerre. Grave paterentur fideles scandalum, si templa, & altaria quibusque imaginibus spoliata essent. Quare non est ambigendum, dari eiusmodi præceptum respectu communis fidelium. Hoc tamen præceptum non videtur obligare singulos fideles, ita ut quisque vi præcepti adstringatur imaginibus uti. Vix tamen a culpa excusandus videretur Catholicus qui ab omni imaginum usu abstineret. Nam, si eas negligeret ut superfluas & inutiles, in hæresim incideret: si expeditius censeret eisdem non uti, superstitione non vacaret, scandalum ingereret, & ab erroris suspicione haud esset immunis. Si ex quadam vero socordia, & negligentia, vel etiam avaritia imagines non adhiberet privatim, non esset, ut mea præsert opinio, alicuius præcepti violator. Præceptum tamen utendi his imaginibus urgere per accidens singulos valet, puta confitendæ catholicæ fidei necessitate cogente. Huic sententiæ accedunt Suarez *Tom. I. in III. Part. disp. lxxv. sec. 7.* Leander *disp. v. quæst. 111.* Salmanticenses *trad. xxi. cap. x. punct. 3. num. 98.*

X. *Quæst. III. Adest ne præceptum easdem imagines adorandi?* Resp. Adfirmat communis sententia duplex dari mandatum. Alterum negans est, quod semper

&

& ubique prohibet eisdem iniuriam, aut irreverentiam inferre. Alterum est adfirmans, quod statim temporibus obligat cultum ipsis impendere, puta cum caussa consistendæ fidei occurrit, aut occasio cultum una cum aliis fidelibus simul exercendi erga imaginem publicæ adorationi expositam, aut cum accidit aliqua actio exercenda erga sacras imagines, quæ venerationem exigeret. Vix tamen, ut ego quidem arbitror, contingit quod Catholicus præceptum hoc adfirmans infringat, quin negativum simul violet easdem imagines contemnendo. In praxi enim aut adorat, aut contemnit. Non nego utrumque extremum declinari posse absolute; sed in praxi vix accidit.

C A P U T VI.

De cultu reliquiarum.

I. Q Uemadmodum sacras imagines, ita & Sanctorum reliquias dignas adoratione esse, definitum fuit in pluribus Conciliis, Nicæno II. *act.* 111. Carthaginensi V. *can.* v. Lateranensi II. *cap.* lxii. Tridentino *sess.* xxv. *decr.* 2. aliisque permultis. Cultus iste perspicue ex Scriptura colligitur. Ex contactu ossium Elisæi homo revixit *IV. Reg.* xii. Quis dixerit, ossa Prophetæ, per quæ Deus tam insigne patravit miraculum, veneratione digna non esse? Christi sepulcrum gloriosum prædicatur ab Isaia *cap.* 11. Quis traditionem fidelium, iam inde usque ab Ecclesiæ primordiis perennem, venerandi sacrum Christi monumentum superstitionis postulaverit, nisi hæreticus? Non ne mulier hemorrhoisâ simbriam vestis Christi contingens sanitatem consecuta est, cuius fidem, & adorationem Christus commendavit? Nonne fideles *sudaria*, & *femina* D. Pauli adhibebant ad infirmos sanandos? *Act.* xix. Numquid maiore in pretio, & veneratione hæc Pauli *sudaria* non habebant ac cetera communia aliorum hominum?

II. Dum Christus *Matth.* xxi. redarguit Phariseos, Scribasque, quod ornarent monumenta iustorum, hypocrisim in iisdem damnat, non cultum; & quod rem bonam pravo ac subdolo animo peragerent, ut Ambrosius, & Hieronymus in præfatum Matthæi locum exponunt. Moysis quoque sepulcrum Deus abscondit Iudæis, eo quod essent ad idololatriam, & superstitionem nimium propensi: quod periculum abest a Christianis.

III. Sacrarum cultum reliquiarum a primis Ecclesiæ sæculis obtinuisse, luculentissimis monumentis evincunt Theologi catholici. Secundo Ecclesiæ sæculo, ut refert Eusebius *Lib. IV. hist. eccles.* *cap.* xv. Ecclesia Smyrnenfis sancti Polycarpi Martyris, qui passus est circa annum Christi 167. reliquias venerata est. Christiani quoque Hierosolymitani cathedram S. Iacobi Apostoli venerati sunt, ut narrat

idem Eusebius *Lib. VII. cap. xix.* Quarto autem Ecclesiæ sæculo cultum hunc videri in universa Ecclesia, ultro fatentur vel ipsi Lutherani, & Calvinistæ. Porro stupenda, ac supra modum omnem miranda est istorum hæreticorum vesana audacia, dum blaterant, Episcopos, & Patres tertio Ecclesiæ sæculo a maiorum fide descivisse, & in idololatriam lapsos. Si ab eis quætas tantæ mutationis momenta, non alia produnt, præter quam quod ipsi non legant, primis tribus sæculis reliquiarum cultum in usu fuisse. Calvinus ergo, & Lutherus, illorumque gregales melius perceperunt post tredecim & amplius sæcula disciplinam primæ ætatis quam sancti Episcopi, quam universa Christianorum Ecclesia, quæ iisdem primis sæculis proxima fuit? Quis, nisi demens, id dixerit? Verum nostri instituti non est persequi quæ uberrima eruditione tractarunt Natalis Alexander, Bellarminus, Gotti, & innumeri alii.

IV. Ea autem adoratione colendæ sunt reliquæ sacræ qua coluntur personæ quarum sunt: quoniam reliquæ istæ personas quarum corporis sunt partes, referunt. Quare sicut imagines adoramus ob prototypa, ita & reliquias propter personas. Audiamus Angelicum, qui *III. Part. quæst. xxv. art. 6.* hæc scribit. *Dicendum, quod, sicut Augustinus dicit in Lib. I. de Civ. Dei cap. xlii. si paterna vestis, & annulus, ac si quid est huiusmodi, tanto carius est posteris, quanto erga parentes est maior affectus, nullo modo ipsa spernenda sunt corpora, quæ utique familiaris, atque coniunctius quam qualibet indumenta gestamus.... Manifestum est autem quod Sanctas Dei in veneratione habere debemus tamquam membra Christi, Dei filios, & amicos, & nostros intercessores. Et ideo eorum reliquias qualescumque honore congruo in eorum memoriam venerari debemus, & præcipue eorum corpora, quæ fuerunt templa, & organa Spiritus sancti in eis habitantis, & operantis, & sunt corpori Christi configuranda per gloriosam resurrectionem. Unde & ipse Deus huiusmodi reliquias convenienter honorat in earum præsentia miracula faciendo.*

V. Quæst. I. Quid nomine reliquiarum intelligitur? Resp. Sacræ reliquæ sunt sanctorum corporum particulæ, ut capilli, ossa, carnes, ungues, sanguis, dentes, cineres, vestes, vela, panni, & alia quæ ipsorum corpora tetigerunt, aut quibus Sancti usi sunt.

VI. Quæst. II. Licitum ne est adorare vermes in quos Sanctorum corpora resolvuntur? Resp. Adfirmant Vasquez *de adorat. Lib. III. disp. 111. cap. viii. num. 114.* Sanchez *Lib. II. cap. xlii. num. 2.* Castropalaus *disp. 1. punct. 6. num. 1.* dummodo, inquiunt præfati Auctores, recta intentione colantur: quoniam eadem ratio viget pro adoratione pulveris, & vermis. Pulvis, & cineres, in quos resolvuntur Sanctorum corpora, coli valent: quidni ergo & vermes?

VII. Hæc opinio communiter reicitur. Et, si sermo sit de publica adoratione, vel ipsi citati Auctores concedunt, eam minime licere. Verum nulla adoratio sive

publica, sive privata talium vermium licita est. Quia licet eiusmodi vermes generentur ex Sanctorum corporibus, attamen indecentiam secum adferunt, quæ impedit ne sint colendi. Indecens enim est Sanctos in rebus putidis colere. Putidæ autem bestię sunt vermes isti: & cum vita fruuntur, viderentur propter se adorari. Quare tamquam imprudens superstitio reiicienda est horum vermium adoratio, sive publica, sive privata. Et revera, si privata liceret; quidni & publica? Et si publica indigna reputatur; cur non & privata?

VIII. Ut sacrę reliquię cultu publico adorari possint, debent esse alicuius Sancti vel canonizati, vel beatificati ab Ecclesia. Quia, si nullus coli publice ut Sanctus potest, quin prius sit ritu solemniori in Sanctorum censum ab Ecclesia scriptus; potiori iure nequeunt eorundem reliquię coli, cum reliquię propter Sanctos, quorum sunt, colantur.

IX. Quæst. III. Quæ certitudo requiritur, ut reliquię colantur tamquam particularē alicuius Sancti? Resp. Ut prudenter reliquijs colamus, scire debemus, quod sint reipsa reliquię, seu aliquę portiones, seu res ad aliquem Sanctum, vel Beatum pertinentes. Prudens enim sit oportet cultus noster, ne res profanas pro sacris colamus. Hęc autem certitudo debet esse moralis. In rebus enim moralibus non nisi certitudo moralis requirenda est. Hęc sufficit ad prudentem operationem, ut omnes fatentur Theologi. Quę autem testimonia requirantur, ut hęc moralis certitudo habeatur, non potest facile definiri. Distinguendus primum est cultus publicus a privato. Ut cultus publicus deferatur sacris reliquijs, debent defunctorum animę in censum Sanctorum, aut Beatorum esse perscriptę a Romano Pontifice. Insuper debent sacrę reliquię esse ab Episcopo recognitę, antequam publico cultui exponantur. Ut tibi vero constet, hanc reliquam esse Sancti ab Ecclesia canonizati, satis est ab Episcopo eandem ut talem declaratam esse. Pro cultu vero privato satis est virum probum, & gravem testari hanc reliquam esse alicuius Sancti; dummodo tamen contraria argumenta non occurrant. In hoc genere extrema cavenda sunt, videlicet & facilis credulitas, & severior critica. Quoties adfuit coniecturę fraudis, & imposturę, quę non tam raro accidunt, difficiliorem in adhibenda fide te exhibeto. Si prudens suspicio doli, fraudisque non occurrit, non est cur fidem deneges. Cur testimonium viri gravis, & probi reiicere debes, nisi æquale, vel quasi æquale dubitandi fundamentum habeas? Plures, inquis, doli & fraudes ab impostoribus avaritię, & quęstus causis perpetrantur. Verum habet. Sed hinc solum consequitur, caute prudenterque te habere opus esse, antequam assensum prębeas. In omni commerciorum genere fraudes, & doli accidunt veteratorum hominum iniquitate. Propterea ne ab omni societate, & contractu abstinendum? Eam ergo in colendis reliquijs prudentiam adhibe qua in alijs gravibus negotiis uteris.

X. Quæst. IV. *Quas reliquias approbare valet Episcopus, ut eadem publico cultus exponantur?* Resp. Ut iam indicatum est, eas tantum Episcopi reliquias recognoscere, & approbare pro cultu publico valent quæ sunt alicuius vel Beati, vel Sancti a Romano Pontifice canonizati, ut habetur ex cap. Fin. de reliq. & venerat. Sancti. Quod verum habet de reliquiis recenter inventis. Siquidem antiquorum Sanctorum reliquie, quæ populi christiani universali consuetudine adoratæ semper fuerunt, non est cur Episcopi eas approbare non debeant; tametsi Sancti illi non fuerint consueto solemnî ritu in Sanctorum albo a Romano Pontifice recensiti. Quoniam hæc perennis & universalis traditio pro solemnî canonizatione habetur. Si dubium aliquod grave occurrat super reliquiarum abusu, hæc decernit Concilium Tridentinum, *Si aliquis dubius, aut difficilis abusus sit extirpandus, vel omnino aliqua gravis questio de his rebus incidat, Episcopus, antequam controversiam dirimat, Metropolitanus, & comprovincialium Episcoporum in Concilio provinciali sententiam expectet: ita tamen ut nihil inconsulto sanctissimo Romano Pontifice, novum, aut in Ecclesia hactenus inusitatum decernatur.* Sess. xxv. de invocat. Sancti.

XI. Quæst. V. *Licetum ne est authenticas reliquias collo. suspensas secum deferre?* Resp. Omnes fatentur licitam esse eiusmodi delationem: quia hæc cedit in cultum & venerationem Sanctorum quorum sunt reliquie istæ. Ut tamen licita sit delatio isthæc, abesse oportet periculum obscænitatis, pollutionis, & indecentiæ, prout communiter abest. Neque enim quocumque ipsius delatoris peccato hæc reliquie polluantur, aut indecentiam patiuntur; sed tunc indecentia, aut pollutio reliquiarum contingit, cum in ipsam aliqua irreverentia, derisio, vel contemptus exercetur. Hinc qui fornicatur, furatur, aliudve crimen perpetrat, non est dicendus sacrilegus in reliquiis quas cultus causa secum deferret, quia hæc peccata cultui reliquiarum directe non opponuntur: nihilque prohibet furem, mæchum, aliosque flagitiosos Catholicos colere reliquias suas, quamvis plura exercent scelera. Aliquam tamen irreverentiam adesse, Christianum his sacris ornatum symbolis Deum offendere, nemo est qui inficias ire valeat; sed quod grave sacrilegium dici debeat, nullum adest solidum fundamentum.

XII. Quæst. VI. *Peccat ne qui sacras reliquias furatur devotionis causa?* Resp. Sententia communis est, nullum perpetraturum peccatum Christianum illum qui ab infideli sacras reliquias surriperet: quia illas irreverentiæ & pollutionis periculo subduceret, & ab iniusto possessore illas vindicaret: iniuste quippe infideles sacra hæc pignora possident. Qui vero ab alio Catholico reliquias furatur, dubio procul sacrilegum furtum perpetrat. Quandoquidem, licet temporali pretio reliquie sacre non sint subiectæ; tantæ tamen apud fideles æstimationis sunt, ut grave spirituale damnum patiatur possessor qui invitatus tanto thesauro spoliatur. Quid, si reliquia parva sit, erit ne eiusdem furtum grave sacrilegium? Furti malitia non

pon-

ponderatur magnitudine, aut parvitate, sed raritate, & æstimatione reliquiarum. Minima crucis sacrosanctæ, spinæ coronæ, aut alterius raræ reliquiarum particula maximo in pretio habetur; & qui invitus eadem spoliatur, magna afficitur tristitia, gravique incommodo. Quare similibus reliquiarum furtum, etiam in minima quantitate, grave sacrilegium est. Neque hinc tricandi ansam arripias; non omnes Sanctorum reliquias esse eiusdem valoris: quoniam nunc furti quantitatem metimur, non ex valore quem habent reliquiarum sacræ absolute, & per se acceptæ; sed ex offensa possessori irrogata tali furto. Omnes enim sacræ reliquiarum cuiusque terreni pretii limites transiliunt. Verum quia una præ alia difficilius, aut facilius acquiri potest; ideo maiori, vel minori turbatione, & iniuria afficitur qui eadem spoliatur.

XIII. Quæst. VII. *Licetum ne est Principi in bello iusto ex urbibus illis a se expugnatis reliquias extrahere, & alio transferre?* Resp. Adfirmat P. Ioannes Ferrandus in *disq. Reliq. Lib. I. cap. v. 111. art. 3.* eo quod bona etiam inter Christianos iusto bello parta ad victores pertinent: Verum hæc opinio merito a Theologis communiter reprobatur. Siquidem reliquiarum sunt bona Ecclesiæ, quæ ob delictum civitatis occupari nequeunt: suntque a laicali iurisdictione exemptæ, & huic Ecclesiæ affixæ, & in Dei cultum destinatæ. Consuetudo quoque id confirmat: ipsi enim Principes ab eiusmodi sacrariis expoliandis abstinere etiam in civitatibus iure belli captis. Bellum siquidem iustum iura temporalia, secus spiritualia, spectat.

XIV. Quæst. VIII. *Licetum ne est venditio, & emptio reliquiarum?* Resp. Negans sententia ex illis quæ dicta sunt, constat. Res enim spirituales nullo temporali pretio sublacent: & qui spiritualia temporali pretio comparat, simoniæ labe inquinatur. Quin in reliquiarum usu, & donatione omnis turpis quæstus suspicio absit oportet. Quare Concilium Tridentinum *sess. xxy. decr. de invoc. Sancti* hæc præcipit. *In reliquiarum veneratione omnis turpis quæstus eliminetur.* Hinc tamen minime sequitur, vetitum esse ab infidelibus, soluto pretio, sacras reliquias comparare: quia tunc pretium non solvitur pro valore reliquiarum; sed ut reliquiarum subtrahatur irreverentiæ, & profanationi infidelium. Vexatio redimitur, non res sacra emitur. Neque illicitum videtur custodi reliquiarum pecuniam aliquam dare, ut reliquias sacras visendas præbeat; dummodo pecunia hæc solvatur absque ullo pacto, & ob incommodum, ac laborem corporeum, cui succumbit custos, & in grati animi testimonium. Ceterum illicitum foret pacto inito expressio vel tacito inducere custodem ad ostendendas reliquias pretio constituto.

XV. Quæst. IX. *Est ne simoniæ peccatum exponere sacras reliquias videndas, ut inde largiores elemosinæ offerantur?* Resp. Duplicem aliqui Theologi intentionem distinguunt in exponente reliquias: magis principalem unam, minus principalem

capalem alteram. Si intentio eleemosynarum sit minus principalis, nullam contingere culpam asserunt; peccari vero, si intentio hæc principalis sit. Alii absolute illicitum hoc esse contendunt. E contrario Caltropalaus *tradi. viii. disput. 1. puncti. 6. num. 18.* Leander *disput. iv. quæst. xxxiii.* Salmanticenses *tradi. xxi. cap. x. puncti. 9. num. 115.* defendunt, non peccatum mortaliter eum qui etiam principaliter in reliquiarum ostensione intenderet eleemosynarum acquisitionem; dummodo nullum interveniret pactum: quia, inquit, ostensione reliquiarum intendere acquisitionem eleemosynarum non est eas venales exponere; nec turpis quæstus committitur, quia non intervenit pactum, vel conventio. Qui hac intentione reliquias ostendunt, movere fideles dumtaxat intendunt ad eleemosynas erogandas; secus vero eos ad id obligare. Sed intendere liberalem eleemosynarum largitionem ostensione reliquiarum non est simonia. Ergo licitum id erit; aut saltem non culpa mortalis: quia (inquiunt Salmanticenses) *saltem venialis abesse in hac intentione nequit; cum detur deordinatio aliqua a virtutis religionis fine.*

XVI. Hæc opinio mihi non probatur, eo quod Concilium Tridentinum præcipit ut in reliquiarum veneratione omnis turpis quæstus eliminetur. Porro qui principaliter quæstum in hac veneratione intendit, eliminat ne omnem turpem quæstum? Vir quippe iste quæstum reapse assequitur in eleemosynarum ampla largitione, quarum intuitu potissimum, atque ob hunc potissimum finem reliquias vendendas exponit. Homo iste pravam habet intentionem. Quid ergo ad sacrilegam simoniam deest? Pactum, & conventio, respondent Salmanticenses. At hoc non aliud concludit quam quod non interveniat simonia realis extrinseca ex utraque parte. Hoc tantum evincit, largientes eleemosynas immunes esse a culpa: quia absque ulla prava intentione Deo offerunt sua bona in Sanctorum memoriam. At numquid absque hoc pacto, & conventionem peccare nequit ille qui ob meritum putumque quæstum reliquias exponeret vendendas? Numquid simonia mentalis peccatum non est? Qui vero mente intendit temporale emolumentum ex re spirituali, & hac principali intentione reliquias exhibet vendendas; qua ratione excusari a simonia mentali valet? Quod non intendat eleemosynas tamquam pretium, sed tamquam liberalem largitionem? Verum hæc præcisio parum confert ad purgandam a simoniæ labe præfatam intentionem. Quoties enim principaliter quis intendit temporale pro re spirituali, is sane simoniæ reus est. Quid plura? Nonne ipsi Salmanticenses fateantur, præfatam intentionem inordinatam esse, & venialis culpa non carere? Porro, si fateantur hanc intentionem a recto religionis fine & ordine descedere; cur venialis, non autem letalis erit intentio isthæc; cum sit in materia gravi? Quæstus temporalis pro re sacra suapte natura vitiosus est. Ergo qui illum principaliter intendit, graviter peccat.

XVII. Quæst. X. *Est ne aliqua pena constituta contra reliquiarum fures?* Resp.

Iure

Iure communi nullam latam esse poenam contendit Suarez *Tom. V. in III. Part. disp. xxii. sed. 2. num. 9.* Sanchez *Lib. II. cap. xlii. num. 14.* Castropalaus *disp. 11. p. 6. num. 21.* Adfirmant vero communiter latam esse excommunicationem a Gregorio XIII. in constitutione quæ incipit *Pontificia sollicitudinis*, potissimum adversus eos qui ex cœmeteriis, cryptis, vel catacumbis Romanis sacras furantur reliquias : quam poenam extendit præfatus Pontifex adversus eos omnes qui ex quibuscvis locis sacris reliquias surripiunt. Huic poenæ subiectos esse Prælatos Regularium docent, dum hi particulas corporum beatorum in Ecclesiis propriis quiescentium recidunt, ut easdem donent, alienentque : quoniam præfatæ reliquæ inter bona Conventuum pretiosa computantur : quod tamen intelligendum est de reliquiis insignibus thecis inclusis.

XVIII. Quæst. XI. *Licetum ne est cerceos agnos venerari ?* Resp. Omnes Catholici adfirmant, eiusmodi sacros agnos dignos esse veneratione, ut veteres res sacras : sunt enim a summis Pontificibus solemnî ritu destinati in cultum sacrum, suntque imagines Dei, qui eorundem venerationem toties confirmavit pluribus miraculis.

XIX. Quæst. XII. *Petitum ne est præfatos agnos sub excommunicationis pena pingere, vendere, & tangere ?* Resp. Gregorius XIII. sub poena excommunicationis latæ sententiæ prohibuit eiusmodi sacros agnos coloribus, minioque depingere, aurum, vel colorem aliquem eisdem addere : cuius constitutionis initium est *Omni certo studio*. Minime tamen vetitum est eosdem thecis includere etiam præiosis; dummodo albi, & nitidi, nullo adiecto colore, miniove ferventur. Ad venditionem quod attinet, certum est penes omnes Catholicos, res sacras venditioni, vel emptioni subiectas non esse. Licitum vero est pretium accipere, & dare pro materia ex qua cerei isti confecti sunt; sicuti & calices, aliæque res sacræ ratione materiæ venduntur. Cavendum tamen ne sub hoc materiæ velo avaritia, & simonia latitet. Nam si quis prætextu materiæ, aut thecæ, in qua agnus includitur, pretium ultra limites iustos auget, præscius quod emptor pretium soluturus sit, ut cereum sacrum assequatur, non evaderet sacrilegæ avaritiæ, & simoniæ labem. An postea licitum sit laicis eiusmodi cerceos agnos tangere, negant aliqui. Sed mihi videtur, nullam perpetraturus culpam viros illos, aut mulieres, quæ reverenter, & devotionis, aut necessitatis causa eosdem tangerent : idemque assero de veteris sacris reliquiis quas fideles secum deferunt, & ad manus quotidie habent. Nimis profecto absonum videtur, Catholicos, qui cultum reliquiarum foventes easdem collo suspensas deferunt, ob solum reverentem contactum culpæ reos damnare. Quid, si theca in qua inclusus est agnus, frangatur? Abstineant ergo sive laici, sive Ecclesiastici a contactu profano, minusque decenti. Ceterum eos osculentur, tangerentque, devotione, aut necessitate urgentibus.

XX. Quæst. XIII. *Quæ veneratio vestibus sacerdotibus, vasis sacris, & sem-
plis debetur?* Resp. Quod vasa sacra, templa, & ornamenta in Dei cultum de-
stinata, digna sint veneratione, Catholicorum nemo inficiatur. Porro, cum hæc
omnia ad Deum colendum sint instituta, planum est latræ cultu esse adoran-
da, quia Deus in iisdem adoratur: idque definitum est in Concilio generali VII.
aët. vi. ubi hæc habentur. *Domine, præter te neminem novimus, nomen tuum vo-
camus. Testis est ipse beatorum Angelorum exercitus: testis Apostolorum, Prophe-
tarum, Martyrum, & sanctorum Patrum cætus. Ad recordationem autem sensio-
rii nostri, ad tuam gloriam, quo ad magnificentiam, & figuram divinæ crucis tuæ
adducamur, evangelicam narrationem, & imaginum picturam habemus: habemus
item & alia plurima consecrata vasa: hæc, quia in nomine tuo facta sunt, &
consecrata, exosculamur.* En quomodo paucis verbis Concilium omne idololatriæ
periculum amoliat, dicens, quod Catholici neminem præter Deum, unum, tri-
numque adorent: quod imagines adhibeamus ad sensus nostros in Dei cultum
erigendos excitandosque: in hunc finem sacros Evangelii codices, vasa sacra, &
alia ornamenta habemus. Quemadmodum ergo cultu latræ Dei imagines adora-
mus, sic quoque eadem adoratione templa, vasa sacra, & cetera ornamenta di-
vino servitio addicta colimus. Idque clarius docet Epiphanius nomine Concilii lo-
quens aët. cit. §. Hæreticis proprium. *Hæc igitur nos, qui Deo soli & uni la-
triam exhibemus in spiritu & veritate, scientes, quæcumque illi offeruntur, aut
consecrantur; sive divina fuerit crucis venerandæ figura, sive sacer Evangelii co-
dex, sive venerandæ imagines, sive sacra vasa, ea amplectimur, & veneramur;
ut qui spem habeamus sanctificationis ab ipsis reddendæ, & illis ob id adorationem
honorificam exhibemus. Adorant enim, ait [Psalm. lxxxviii.] scabellum pedum
eius, quia sanctus est ipse. Quam ob causam Gregorius Theologus in sermone Na-
taliurn Domini sic inquit: Bethlehem honore affice, & præsepe adora, & contem-
platione sancta sunt.* Consule, si lubet, etiam D. Thomam 2. 2. quæst. lxxxix. ar-
tic. 3. Ratio obvia est. Nam ideo sacræ imagines Dei, & Christi Domini adora-
tione latræ coluntur, quia sacra symbola sunt, quæ nobis ad Deum, divinaque
mysteria repræsentanda sunt instituta: eo ergo cultu quo colitur Deus, adoranda
sunt. Hæreticorum nugæ iam supra repulsæ sunt.

XXI. Quæst. XIV. *Quomodo calices, corporalia, & alia res sacra tangi a lai-
cis possunt?* Resp. Plura extant decreta quæ laicis vetant tangere vasa sacra, ut
calices, pallas, corporalia, casulas, & alia ornamenta ab Episcopo benedicta,
præsertim cap. *Sacratas diss.* xxiii. item cap. *Sancta hæc apostolica.* Quæ tamen
decreta quantum ad omnia vim modo non habent. Nam communi usu rece-
ptum est tam viros, quam mulieres licite tangere casulam, & alias sacras vestes
ab Episcopo benedictas; maxime cum adest iusta causa easdem lavandi, reficien-

di &c. Vasa quoque non consecrata reverenter tangi a laicis valent, secus post consecrationem. Quare absque veniali culpa nequeunt laici tangere calicem consecratum, etiam vacuum; patenam, & corporalia. Idque probat Suarez: quia summi Pontifices privilegium impertiti sunt Religiosis laicis Minorum, & Societatis Iesu, ut possint vacuos calices, patenam, & alia vasa consecrata immediate tangere, maxime dum Ecclesiis inserviunt: quod argumento est, eosdem communi iure contrectare illa minime posse. Qui tamen prima tonsura initiati sunt, ab hoc contactu non prohibentur. Calix vero continens sanguinem Christi, necessitate sublati a solo Sacerdote, vel Diacono tangi licite valet. Necessitate vero urgente, etiam ipsum corpus Christi a laicis tangi valet; ut si hostia consecrata in terram caderet, absente Sacerdote, a quoquam elevari summa cum reverentia deberet, & Sacerdoti quamprimum tradi in sacratio reponenda. Similiter, si Sacerdoti communicanti caderet particula consecrata in sinum mulieris, ab hac reverenter, non a Sacerdote, elevari deberet. Nec enim Dominus qui corpus suum sacratissimum tangendum præbet linguae, ori, faucibusque mulieris, se tangi digitis eiusdem designatur, necessitate urgente servandæ modestiæ, atque periculum, scandalumque amoliendi causa.

XXII. Corporalia, & purificatoria tangi diximus posse a laicis Regularium vi privilegii, dum sacrificiis inserviunt. Numquid etiam eadem lavare poterunt? Distinguunt communiter Auctores tres lotiones. Plura referri privilegia solent vi quorum Fratres laici Ordinum regularium, & Moniales possint corporalia, & purificatoria tangere, ac lavare. Verum his omnibus missis, standum est consuetudini ubique obtinenti, videlicet primam lotionem a Sacerdotibus, vel Diaconis esse faciendam. Ex privilegiis quæ in favorem laicorum Fratrum adducuntur, non aliud eruitur, quam quod valeant præfata tangere, dum sacrificiis inserviunt; secus quod valeant eadem lavare. Porro iura quæ vetant eiusmodi lotionem, sunt valde manifesta, quæque ipsa praxi, & consuetudine iam dicta fortiora evadunt: ideo pro certo habendum, primam corporaliū, & purificatoriorum lotionem Sacerdotibus, & Diaconis servatam esse: & hæc est communior Theologorum opinio.

XXIII. Quæst. XV. *Res sacre conversi ne licite possunt in usus profanos?* Resp. Primum certum est, grave scelus esse uti rebus sacris, usquedum retineant suam formam, in profanos usus; ut si quis calicem in communi mensa ad bibendum adhiberet: Quoniam talis usus esset manifestus contemptus. Rex Balthassar morte a Deo plexus fuit, quod vasa domus Dei adhibuerit ad mensam: quia, ut habetur Levit. xxvii. *quidquid semel fuerit consecratum, sanctum sanctorum erit Domino*. Legatur D. Thomas 2. 2. quæst. lxxxviii. art. 11. quoniam in re exploratissima non vacat prolixius immorari.

XXIV. Quare reicienda est absolute spectata sententia Ioannis Dicaſtillo, qui

ex Henriquez docet tract. v. de sacrif. Miss. disp. iv. num. 231. *non videri mortale, sed morem esse pro comœdiis benefis* (quod ego intelligerem pro comœdiis sacris) & intra Ecclesiam, uti illis vestimentis; & mihi placet, maxime ad representandum aliquem sanctum Presbyterum, aut Diaconum, aut aliquod simile, iudicio prudentis determinandum. Hunc quem Dicastillus morem vocat sibi tantum notum, ceteris autem omnibus incognitum, sacrilegum esse abusum, omni circumstantia sublata, adeo compertum est, ut nulla opus sit probatione. Vestes igitur sacras, vasa Deo dicata licebit in scenas inducere? Legatur Tridentinum sess. iv. de cr. de edit. lib. Quid quod dum hæc excusare Dicastillus contendit, scelestiora efficit? Scenarum turpitudinem templorum sanctitate obtegere ille credit. Qui sacras vestes in profanum theatrum induceret, sacrilegium perpetraret, Qui vero templa in theatra, altaria in scenas convertit: qui templa una cum vestibus sacris profanat: qui comicorum, & histrionum impudentem artem exercent in sacris locis, hi sunt ab iniquitate immunes! Horrent hæc pie aures, & magis detestatione quam impugnatione reiici illa debent. Res sacræ ritu sacro, & ab Ecclesia probato, non comico, & theatræali, representandæ sunt.

XXV. Quamquam res sacræ scissione, & fractione benedictionem, & consecrationem amittant; non inde tamen sequitur licitum esse earundem usum in profanum convertere. Idque probat Angelicus canonum auctoritate inducitur III. Par. quæst. lxxxiii. artic. 3. ad 3. *Propter hoc etiam quod aliquam spiritualem virtutem adipiscuntur per consecrationem in eadem dissindione* (dist. 1. de consecr. cap. xxxvi. Ligna Ecclesiæ) statum legitur: *Ligna Ecclesiæ dedicata non debent ad aliud opus iungi, nisi ad aliam Ecclesiam, vel igni comburenda, vel ad proscellum in Monasterio Evatribus; in laicorum autem opera non debent admitti. Et ibidem legitur* (cap. xxxix.) *Altaris palla, cathedra, candelabrum, & velum, si fuerint vetustate consumpta, incendio dentur: cineres quoque eorum in baptisterium inferantur, aut in pariete, aut in fossis pavimentorum iacentur, ne introeuntium pedibus inquinentur.* Addendum, ligna Ecclesiæ dirutæ applicanda non esse neque in Monasteriorum communes usus, ut ad coquinæ ignem, vel ad repastinandas vineas; sed vel ad capitulum, dormitorium, aliave religiosa loca, ut reverentia sacris rebus debita servetur. Quod in laudato capite de consecratione statuitur pro altaris palla, & cathedra; idem de sacerdotalibus vestimentis, aliisque Ecclesiæ ornamentis dicendum. Quin addit Sylvester verb. Benedicchio quæst. vii. lapides Ecclesiæ dirutæ in Monasteriorum ædificia convertendos esse. Consule Suarez III. Part. dispus. lxxx. sect. 8. Salmanticenses tract. xxi. cap. x. punct. 11. §. 2. Azorium Tom. II. inst. Lib. IX. cap. ix. quæst. vii.

XXVI. Quæst. XVI. *An vasa sacra, postquam fracta sunt, vendi valeant?* Resp. Ut eiusmodi vasa in profanum usum converti, & venalia exponi valeant, debent igne

igne, vel ferro ita amittere priorem formam, ut nihil ejusdem remaneat, itaut auri, argentique communis materia appareat. Tunc enim, cum nil sacri in iis conspiciatur, nihil quoque est quod profanetur. Quare non caret irreverentia, & sacrilegio calices vendere, oppignorari etiam ad usus sacros sub prætextu quod vendantur non ut consecrati, sed ut constant materia venali. Spectanda tamen sunt circumstantiæ, & potissimum finis, ac necessitas. Vestimenta sacra, etiam concisa, non debent in usus profanos converti, aut vendi: quia istorum materia nequit, sicut illa calicis, aliorumque vasorum, penitus transmutari. Quare vel comburenda, aut ad refarcienda alia sacra vestimenta adhibenda sunt. Quando nam calix, aliaque sacra vasa, & ornamenta Ecclesiis deputata benedictionem, & consecrationem amittant, consule Barbosam *de offic. & potest. Episcopi* par. 11. alleg. 27.

XXVII. Quæst. XVII. *Rex profana converti ne in usum sacrum possunt?* Resp. Adfirmant communiter Theologi, dummodo, deleta artificiosa forma, ad formam reducantur aptam & consuetam pro muneribus sacris obeundis. Neque aliqua difficultas in oppositum urget: immo omnia ornamenta sacra ex communi materia conficiuntur. Accedit praxis communis, qua pretiosa matronarum, viduarumque vestes in Sacerdotum casulas, & alia Ecclesiæ ornamenta tandem convertuntur. Sacra enim benedictione quolibet profana macula deletur. Quid quod vel ipsas laicorum domos in templa sacra aliquando Pontifices summi commutarunt: Sic Marcellus Papa S. Lucinæ; & Urbanus S. Cæcilie domos in Ecclesias Deo consecratas dicarunt; & Bonifacius IV. amplum illud, & magnificentissimum Pantheon, Ethnicorum olim templum, in Ecclesiam convertit forma immutata, & benedictione, atque consecratione adiecta.

DISSERTATIO II.

DE VITIIS OPPOSITIS RELIGIONI, SEU
DE SUPERSTITIONE, EIUSQUE
SPECIEBUS.

CAPUT I.

Definitio, ac divisio superstitionis.

I. **S**uperstitio describitur a D.Thoma 2.2. *quæst.* xciii. *art.* 1. his verbis. *Superstitio est vitium religioni oppositum secundum excessum, non quia plus exhibeat in cultum divinum quam vera religio, sed quia exhibet cultum divinum vel cui non debet, vel eo modo quo non debet.* Perspicua sunt omnia.

II. Superstitionem primum in duas species Angelicus tribuit *loc. cit. art.* 2. Altera nuncupatur *en modo indebito colendi Deum*; altera *en parte obiecti quod colitur*. Prima cultum debitum Deo offert, sed modo indebito: secunda cultum Deo debitum creaturæ exhibet. *Diversificantur ergo superstitionis species primo quidem en parte modi; secundo ex parte obiecti.* Potest enim divinus cultus exhiberi vel cui exhibendus est, scilicet Deo vero, modo tamen indebito; & hæc est prima superstitionis species: vel cui non debet exhiberi, scilicet cuiusque creatura; & hoc est aliud superstitionis genus, quod in multas species dividitur secundum diversos fines divini cultus. Primam superstitionem modi indebiti dividit Angelicus *quæst.* xciii. *art.* 1. in alias superstitiones: quarum prima in eo est sita quod Deo tribuatur cultus falsus, seu perniciosus, qui falsus esse potest ob rem significatam; ut si quis ludæorum cæremoniis nunc Deum adoraret; vel si falsis miraculis quis intenderet fidem catholicam confirmare; aut divinis officiis turpia misceret. Potest item esse falsus, atque perniciosus ex intentione colentis; ut si quis se fingeret Ecclesiæ Sacerdotem, & sacrificia offerret: qui cultus falsus ex parte colentis non modo in publico, sed etiam in privato contingere potest. Exemplum adducit Caietanus in *Comment. ad hunc artic.* in ieiunio, & oratione: ut si quis contra modum Ecclesiæ ieiunaret in dominica; aut oraret sic in propria persona, ut nullum haberet respectum ad Ecclesiam, cum præceptum orandi in persona Ecclesiæ a Domino impositum sit. *Orabitis: Pater noster: Panem nostrum: Dimitte nobis.* Quare qui hanc precem pro se tantum Deo offerret, cultu falsio Deum coleret. Quæ tamen hoc in sensu intelligenda sunt, dum quis positive vellet a participatione istius precis

ce-

heteros fideles excludere; aut vellet die dominico ieiunare, nulla habita ecclesiastica disciplinæ ratione, sed ut ipse peculiarem ritum institueret. Nullius vero superstitionis reus esset qui spiritu pœnitentiæ actus diebus dominicis ieiunaret, non ut singularem disciplinam inveheret, sed ut carnem fortius spiritui subiceret, pœnasque peccatis debitas persolveret: similiter qui dominicam precem Deo offerret pro semetipso, absque intentione excludendi alios fratres.

III. Altera superstitionis species ex parte modi indebiti colendi Deum est, quando superfluous cultus Deo tribuitur, ut subdit idem Angelicus. *Si autem aliquid sit quod, quantum est de se, non pertinet ad Dei gloriam, neque ad hoc quod mens hominis feratur in Deum, aut quod carnis concupiscentiæ inordinata refrenentur, aut etiam si sit præter Dei, & Ecclesiæ institutionem, vel contra consuetudinem communem, quæ secundum Augustinum pro lege habenda est, totum hoc reputandum est superfluum, & supersticiosum: quia in exterioribus solum consistens, ad interiorem Dei cultum non pertinet. Unde Augustinus in Lib. de vera Relig. inducit quod dicitur Luc. xvii. Regnum Dei intra vos est, contra supersticiosos, qui scilicet exterioribus principalem curam impendant.* 2. 2. quæst. xciii. art. 2. Itaque qui aliquos precandi modos sibi ex arbitrio præstitueret, ut si vellet tantum post solis ortum orare, aut Missam Sacerdotis qui vocetur Antonius, & non alio nomine, aut cum tot candelis, & non pluribus, nec paucioribus, aut istius, & non alterius coloris, audire; aut si, missis cæremoniis ab Ecclesiâ constitutis, ex arbitrio alias sibi fingeret; reus esset superstitionis: nec illi proficeret intentio hæc omnia dirigendi in proprium profectum: quoniam exterior cultus contra Ecclesiæ statuta vitiosus est: ergo nulla purgari intentione valet a culpa superstitionis. Ignorantia tamen, potissimum in levioribus, iuncta bonæ intentioni, a culpa, ut ego quidem arbitror, excusare potest.

IV. Secunda superstitionis species ex parte rei cultæ, est, cum exhibetur cultus, inquit D. Thom. 2. 2. quæst. xcii. art. 2. *cui non debet exhiberi, scilicet cuiusque creature: & hoc est aliud superstitionis genus, quod in multas species dividitur secundum diversos fines divini cultus.* Quoniam, si cultus in divinam reverentiam institutus creaturæ offertur, appellatur idololatria. Alio modo cultus divinus institutus est, ut homo instruatur a Deo, quem colit. Porro si; Deo spreto, demones consulit, aliquo inito tacite, vel expresse pacto; tunc contingit secunda superstitionis species ex parte rei cultæ, quæ asseritur divinatio. Tertia tandem superstitionis species ex parte rei cultæ est, cum divinus cultus, qui ordinatur ad directionem actuum humanorum secundum instituta Dei, qui colitur, offertur dæmoni, a quo petitur auxilium: & dicitur vana observantia. Hæc tria, inquit Angelicus, tangit Augustinus in Lib. II. de Doctr. Christi. dicens; *supersticiosum esse quicquid institutum est ab hominibus ad faciendum, & colenda idola pertinens: & hoc*

hoc pertinet ad primum : & postea subdit : Vel ad consultationes , & postea quædam significationum cum demonibus placita , atque federata ; quod pertinet ad secundum : & post pauca subdit : Ad hoc genus pertinent omnes ligaturæ , & cetera huiusmodi ; quod pertinet ad tertium .

V. Quæst. I. *Quædam peccatum sit superstitione ex modo indebito colendi Deum ?* Resp. Ut ex dictis constat, duo sunt superstitionis genera ; alterum ex parte modi Deum colendi ; alterum ex parte rei cultæ. De primo superstitionis genere in præsens quaerimus. Et primum dicimus, quod exhibere Deo cultum falsum , sive ratione rei significatæ, sive ratione colentis, natura sua peccatum est mortale : siquidem mendacium perniciosum in re gravi peccatum letale est . Porro superstitione est mendacium perniciosum in re gravi, in materia nempe religionis , cui gravem infert iniuriam. Ergo genere suo peccatum grave est. Ita Caietanus in 2. 2. quæst. xciii. art. 1. Suarez *Tem. I. de Relig. tract. 111. Lib. II. cap. 11. Salmanticenses tract. xxi. cap. xi. punct. 1. Leander tract. ix. disp. 1. quæst. iv.* Hinc peccarent mortaliter qui vitulum Deo sacrificarent, sabbatæ custodirent, se circumciderent iuxta ritum mosaicæ legis.

VI. Quæst. II. *Est ne peccatum grave profana , & turpia divinis officio immiscere ?* Resp. Omnes adfirmant, peccatum esse superstitionis indebiti cultus, qui falsus est respectu colentis, & divini cultus fini omnino contrarius. Eo quippe spectat divinus cultus, ut ad cœlestia corda erigat, moveatque : turpia vero, & profana incitant ad carnalia. Advertendum tamen, quod si ea quæ admiscuntur, nihil turpitudinis præferant, sed tantum vana sint, & non sacra, non sunt statim mortalis culpæ damnanda ; tamen vegiali culpa numquam carent . Quin addo, non in levi periculo eos versari qui divinas laudes, vel ipsam sacratissimam passionem cantu quodam musicali, & profano in Ecclesiis in ipsa sacrosancta dominicæ passionis hebdomada e suggestu recitant, plausumque infantientis turbæ concitant, & conquirunt. Vah sacrilegum morem ! Eo ne res religionis nostræ devenit, ut sacratoria mysteria nostra profano ritu ad demulcendas aures, & titillandos popelli sensus celebrentur ? Quid namque Ecclesiæ est cum theatris, & cum histrionibus ? Sed de hoc alibi.

VII. Quæst. III. *Qui falsas reliquias adorandas proponit, qui miracula commentitiis prædicat, peccat ne letaliter ?* Resp. Gravissimum superstitionis flagitium hunc perpetrare, fatentur omnes : quoniam gravem irrogat iniuriam religioni ; quæ fictitiis sive miraculis, sive reliquiis confirmari non indiget. Nec pia intentio augendæ devotionis criminis reatum aufert. Diminuitur enim, non augetur, religionis cultus his figmentis.

VIII. Quæst. IV. *Est ne mortale peccatum die dominico a carnibus abstinere , atque ieiunare ?* Resp. Superstitionis damnandos esse qui diebus Paschæ a carnibus ab-

sti-

finent, qui votum edunt eiusmodi diebus ieiunandi, defendit nulla adiecta distinctione Leander *tract. ix. disp. 1. quest. 12.* aliosque huius sententiae patronos laudat. Ieiunare vero die dominico nullum esse peccatum docet. Verum prior Leandri sententia falsa absolute est: idque constat experientia plurium sacrorum Ordinum, qui perpetuo a carnibus abstinere. Quem poenitentiae ritum tantum adest ut superstitionis damnet Ecclesia; quin potius illum approbat & commendat. Intentio ergo ieiunantium spectanda est. Superstitioque pollutum fuit Manichaeorum ieiunium diebus dominicis destinatum, quod in contemptum resurrectionis Christi Domini institutum erat. Qui vero ieiunant, ut, carnem, sensusque effrenes cohibeant, non contemnunt, sed colunt Ecclesiae disciplinam. Quare nec mortaliter, nec venialiter peccaret qui hoc animo carnis assidendam dominicos dies ieiunio transigeret: eo vel maxime quod extincta nunc sit Manichaeorum haereticus; atque adeo nulla sit scandali occasio. Consultius tamen est se se ad Ecclesiae ritum conformare, hisque diebus ieiunio abstinere, nisi aliqua peculiaris ratio urgeat; quemadmodum urget debitum abstinendi etiam praefatis diebus a carnibus respectu illorum qui voto, aut lege ad id tenentur. Hinc colligas, quod superstitio cultus superflui potest esse mortalis, vel venialis iuxta gravitatem materiae, & colentis intentionem. Quando enim pio animo superflui cultus exhibetur vero Deo, gravis cultui religioso non fit iniuria, scandalo sublato. Quare culpae magnitudo ex his circumstantiis colligenda est.

C. A. P. U. T. II.

Sub examen inducuntur plures casus, in quibus latet ne superstitio declaratur.

PRO certa omnium quae dicturi sumus, resolutione, illud semper praecipuum habendum est, quod tunc superstitio in aliquo opere contingit, quando ad aliquem producendum effectum causa adhibetur quae nec vi sua, neque institutione divina ullo modo influere in talem effectum valet. Spectanda est ergo connexio causae cum effectu; & cum nulla appareat, sed extrema prorsus disparata sit, tunc superstitionis crimen serpit. Porro claritatis gratia nonnulla exempla subiiciam, quibus allata doctrina confirmetur.

II. Superstitionis rei sunt qui zona praegnantis campanam pulsant, ut prosper eveniat partus: quia nulla causam inter & effectum connexio intercedit. Superstitiosa quoque est prociectio imaginis alicuius Sancti in flumen, aut eiusdem ad ripam suspensio pro pluvia obtinenda, ob allatam rationem. Nulla vero effectus superstitio, si in fluvium, vel ignem res sacra proiceretur ea spe, ut Deus inter-

effusione talis Sancti moveatur ad extinguendum ignem, aut intumescendo fluvium intra ripas cohibendum. Superstitiosæ vero sunt preces quibus sagæ benedicunt rosaria pro parturientibus. Superstitio itidem est aliquos definitos alicuius psalmi versus recitare ad compescendos canum latratus, ad impediendum fluxum sanguinis, aliundeve morbum cum vana infallibilis eventus credulitate; secus, si devote eos recitet aliquis ad divinam opem implorandam. Superstitiosa pariter sunt verba quæ in equorum aures insufflari ad expellendos dolores intestinos solent.

III. Qui ieiunant pane & aqua die S. Stephani Protomartyris ea certa credulitate, ut, etiam si gravibus ictibus percutiantur, non sint morituri; quive certas preces recitant ea firma persuasione, ut morte subitanea non sint occubituri, superstitione non carent: quia plus iusto talibus precibus fidunt: si tamen Deo preces fundant, ut a funesta morte liberentur, nullam perpetrant superstitionis culpam; quin cultum Deo offerunt, opusque bonum exercent.

IV. Superstitio manifesta est observare dies faustos, vel infaustos, ut declarat Apostolus ad Galat. iv. *Dies observatis, & tempora, & menses, & annos: imco vos, ne forte sine causa laboraverim in vobis.* Quod autem talis fiat dierum observatio, experientia satis constat: nam Hebræis infaustus est dies Lunæ, quod putent ea die natum fuisse Cain; Atheniensibus vero infaustus est dies Martis, Medis dies Mercurii, Phrygiis dies Iovis, Troianis dies Veneris, Persis dies Saturni: Quisque vero horum dierum faustus est ceteris nationibus. Iidem ergo dies fausti essent, & infausti. Dies omnes eiusdem naturæ sunt, nostraque vel ignavia, vel industria boni, aut mali evadunt. Quid de illis qui dies conversionis D. Pauli, Urbani, & Vincentii observant, ut futuros anni eventus hauriantur? Totum hoc verbis istis exprimitur:

Clara dies Pauli bona tempora denotat anni:

Si nix, aut pluvia, designat tempora cara:

Si fuerint venti, designant prælia genti:

Si fuerint nebula, pereunt animalia quæque.

Nulla in his verbis contineri superstitionem, docet communis opinio; nec qui illos observant, superstitiosi sunt; dummodo ex illorum observatione certum colligere eventum non audeant. Sunt enim hæc vanæ populorum observationes minime curandæ, sed omnino contemnendæ. Quid enim cum die Pauli, aut Urbani ceteri dies? Tales tamen astrorum occursum contingere præsentis temporibus queunt, ut nubilum, aut serenum cælum evadat.

V. Observantia dierum quos criticos vocant, nulla est superstitio, quia nittur causis naturalibus. Dies criticos medici vocant, in quibus de morbi qualitate iudicium ferre solent; suntque quintus, septimus, undecimus. Si his diebus febris inar-

inardescat, mortem prædicunt; si deferbeat, sanitatem. Superstitio vero esset, si hi dies observarentur pro adeunda hereditate.

VI. Observatio dierum lunæ pro rerum naturalium conservatione, omni caret superstitione. Neque etenim vana est, ut quidam recentiores Philosophi contendunt: quoniam experientia constat, ligna abscissa tali die lunæ cito corrodi; diu vero sana consistere alio die recisa. Alii plures effectus recenseri possent, nisi omnibus comperti essent. Fatentur præfati Philosophi hos effectus; sed in alias causas eos revocant. Dum olim in quodam libello legerem, pestem ex contactu nullo modo contrahi, vanamque esse hominum diligentiam in segregandis sanis ab ægrotis lue inquinatis; non aliam impugnationem adhibendam adversus hunc Auctorem censui, nisi illum inter ægrotos peste immani infectos constituere, ut sui corporis periculo suam confirmaret doctrinam quam in aliorum perniciem evulgavit. Similem confutationem mererentur illi qui negant lunam in causas has inferiores quidquam influxus habere: scilicet ad lunæ conspectum integram noctem damnandi essent, ut inde colligerent, influat ne, an secus luna in hæc inferiora.

VII. Licita similiter est dierum canicularium pro sanguinis diminutione, sicut & anni climaterici, observantia, quod hæc naturalibus causis nitatur. Anni climaterici dicuntur singuli septenarii, in quibus corpus humanum mutationem peculiarem patitur, ut medici contendunt. Quare observatio horum annorum per se superstitiosa non est: vana vero, falsa, & inanis esse potest, quod fortassis verum habet, ut ego quidem arbitror.

VIII. Superstitiosa est collectio herbarum die S. Ioannis Baptistæ, si ea credulitate fiat, ut existimetur plus virtutis, & efficaciz has herbas habere, quod die istius Sancti sint collectæ. Sanctitas quippe talis diei nullam vim confert herbis illis. Si vero credatur quod herbæ eo tempore collectæ maiore sint virtute præditæ, nulla erit superstitio. Consultius tamen erit vetare populo, ad superstitionem prono, tali die herbarum collectionem. Idem dicendum de rore eodem S. Ioannis Baptistæ die collecto. Superstitiosa quoque est illusio illa qua feminæ credunt, & ova gallinæ orta die Parasceves peculiari vi pollere ad extinguendum ignem in eundem proiecta; & olera certis diebus tacta scopis, a vermibus præservari. Superstitionem pariter redolet nolle ungues die veneris abscindere, neque die sabbati nere; vel die S. Ioannis Baptistæ arborem scindere, per quam pueri læsi ter transeant, ut sanitatem recipiant; vel anulum conficere ex pecunia oblata Crucifixo die Parasceves ad sanandum morbum contractionis membrorum.

IX. Qui ad convivium invitati nolunt sedere, si tredecim sint, timentes ne unus ex discumbentibus eo anno sit moriturus, superstitionis rei sunt: quoniam impar hic numerus nullo modo influere in mortem valet. Quid? Damnabis ne eiusmodi

vanos observatores letalis culpæ? Si certo non crederent eventurum effectum, sed vano quodam timore ducti id peragerent; forte ignorantia illos a gravi noxa excusaret, potissimum si discumbentes rudes sint, & idiotæ. Verum, si homines graves forent, peculiari debito obstricti ad vanas has observantias tollendas, vix a crimine eos excusarem. Criminis magnitudo non semper definiri valet: proinde malo citra limites consistere quam eos transilire.

X. Superstitionis rei sunt qui gladium quo hostem læserunt, medicamentis fovant, ut ille qui læsus est, sanitatem recipiat: item qui utuntur filo digitis appenso, a quo pendeat anulus intra vas vitreum, vel amphoram ad pulsandas, & internoscendas horas: tum ii qui certo credunt sibi quidquam mali imminere, eo quod audiunt garrire aves, ululare lupos, bovesque mugire. Superstitio tamen, saltem gravis, non videtur, si quis, populari rumore præventus, levi tantum timore ductus, eiusmodi eventus præcaveret absque ulla certa credulitate, sed potius ut cuidam innatæ levitati indulgeret.

XI. Superstitiosæ sunt preces determinatæ quæ a quibusdam fundi solent eo sine expresse, certa que credulitate, ut sibi appareat in mortis articulo B. Virgo: tum quod audax præsumptio est talis petitio; tum quod dæmon in Angelum lucis se se transformare valet, & sub specie Christi Domini, vel eius matris illos decipere. Superstitionem quoque manifestam committunt qui incantant pecus certa verborum prolatione, ne a lupis lædatur: quia eventus huiusmodi accidere nequit, nisi dæmonis arte.

C A P U T III.

De idololatria, cuius notio, & malitiæ gravitas exponitur.

I. **D**. Paulus omnes peccatores, potissimum voluptuosos, quorum Deus venter est, & avaros, qui pecuniarum idolo inserviunt, idololatriæ reos arguit. Hæc tamen idololatria generatim accepta, quæ per omnia mortalia crimina divagatur, eo quod omnis letaliter peccans in creatura ultimum finem constituit, haud est peculiare peccatum distinctum ab eo quod perpetratur. Idololatria, quæ est peculiaris superstitionis species, describitur a D. Thoma 2. 2. *quæst. xciv. art. 1.* quod sit cultus divinus exhibitus creaturæ. *Et ideo cuicumque creatura divinus cultus exhibetur, supersticiosum est.* Ad idololatriæ facinus perpetrandum opus est ut cultus exhibitus creaturæ divinus sit: quia, si creaturæ honor inferior, soli que Deo non debitus, offeratur, non erit idololatria. Nomine autem *creatura* intelligitur creatura absolute talis: Quod si creatura accipiat pro imagine Creatoris, & ut Deum

Deum unice representat, nulla est superstitio eidem cultum divinum exhibere; quia tum Deus in sua imagine colitur, ut dictum est alias.

II. Quinque perpetrandæ idololatriæ modos D. Thomas assignat. Primus adoratio simulacrorum: secundus adoratio creaturarum, puta cæli, terræ &c. tum adoratio hominum mortuorum: quartus adoratio creaturarum immaterialium, ut dæmoniorum: postremus adoratio mundi ut animati. Ad has quinque veluti species revocari omnis idololatria hæcenus adinventæ potest. Legatur D. Thomas, qui fæse hæc omnia describit, laudatque D. Augustinum, qui *Lib. VII. de Civ. Dei* pluribus capitibus rem hanc discussit.

III. Duplicem idololatriæ causam D. Thomas *loc. cit. art. 4.* assignat: unam ex parte hominis, ex parte dæmonia alteram. Primam ex parte hominis triplicem esse docet. *Primo quidem*, inquit, *ex inordinatione affectus, prout scilicet homines aliquem hominem vel nimis amantes, vel nimis venerantes, honorem divinum ei impenderunt. Et hæc causa assignatur Sapientis xiv.* Acerbo luctu dolens pater cito sibi rapti filii fecit imaginem, & illum qui tunc quasi homo mortuus fuerat, nunc tamquam Deum colere cœpit: & ibidem etiam subditur, quod homines aut affectui, aut Regibus deservientes, incommunicabile nomen, scilicet divinitatis, lignis, & lapidibus imposuerunt. Secundo propter hoc quod homo naturaliter de representatione delectatur, ut Philosophus dicit in *Poetica sua*. Et ideo homines rudes a principio videntes per diligentiam artificum imagines hominum expresse factas, divinitatis cultus eis impenderunt.... Tertio propter ignorantiam veri Dei, cuius excellentiam homines non considerantes, quibusdam creaturis propter pulchritudinem, seu virtutem, divinitatis cultum exhibuerunt.... Alia autem causa idololatria consummativa fuit ex parte dæmonum, qui se colendos hominibus errantibus exhibuerunt, in idolis dando responsa, & aliqua, quæ videbantur hominibus mirabilia, faciendo. De tempore autem quo idololatriæ crimen ortum in mundo sit, non una est omnium Interpretum sententia. D. Thomas in laudati articuli argumento secundo recenset varias opiniones, & tandem sic respondet. *In prima ætate non fuit idololatria propter recentem memoriam creationis mundi, ex qua adhuc vigebat cognitio unius Dei in mente hominum. In sexta autem ætate idololatria est exclusa per virtutem, & doctrinam Christi, qui de diabolo triumphavit.*

IV. Gravissimum esse idololatriæ flagitium, probat idem D. Thomas *loc. cit. art. 3.* eo quod natura sua sit contra Deum, cui debitus cultus surripitur, atque creaturæ tribuitur. Porro qui cultum Deo debitum creaturæ tribuit, creaturam pro Deo habet. Audiamus Angelicum ipsum, qui peccati istius gravitatem colligit tum ex natura ipsius peccati, tum ex affectu peccantis. *Gravitas alicuius peccati potest attendi dupliciter. Uno modo ex parte ipsius peccati; & sic peccatum idololatriæ gravissimum est. Sicut enim in terrena republica gravissimum esse videtur quod ali-*

quis honorem regum alteri impendat quam vero Regi : quia , quantum in se est , totum reipublica perturbat ordinem : ita in peccatis quæ contra Deum committuntur ; quæ tamen sunt maxima , gravissimum esse videtur quod aliquis honorem divinum creaturæ impendat : quia , quantum in se est , facit alium Deum in mundo , minuens principatum divinum . Alio modo potest attendi gravitas peccati ex parte ipsius peccantis ; sicut dicitur gravius esse peccatum eius qui peccat scienter quam eius qui peccat ignoranter . Et secundum hoc nihil prohibet gravius peccare hæreticos , qui scienter corrumpunt fidem quam acceperunt , quam idololatrias ignoranter peccantes . Et similiter etiam aliqua alia peccata possunt esse maiora propter maiorem contemptum peccantis .

V. Itaque idololatria est omnium scelerum quæ religioni opponuntur , gravissimum ; cum sit læsæ maiestatis divinæ crimen . Advertendum tamen , triplicem esse idololatriæ gradum . Primus est , quando idololatria cum infidelitate coniuncta est ; dum quis putat creaturam esse Deum , divinoque honore dignam : hicque ex parte peccati supremum malitiæ gradum importat . Secundus est , dum quis absque infidelitate cultum Deo debitum offert creaturæ , puta dæmoni , quem scit non esse Deum ; nihilominus , ut illum sibi propitium reddat , eidem cultum divinum impendit . Hoc etiam enorme scelus est . Postremus est , cum quis ob mortis , alteriusve gravis damni periculum vitandum cultu exteriori divino creaturam colit , & adorat absque ulla interna infidelitate . Hoc quoque grave flagitium est ; siquæ tamen , non vera idololatria . Hinc colliges , idololatriam malitia antecellere quidem omnibus aliis criminibus religioni , virtutibusque moralibus oppositis ; secus vitiis virtutibus theologicis contrariis . Et , cum Angelicus citato loco indicare videtur idololatriam esse gravissimum peccatum inter omnia quæ contra Deum committuntur , idololatriam considerat , ut infidelitati , Deique odio , a quibus proficiscitur , coniunctam ; & ut est omnium aliorum criminum scaturigo . Ceterum aperte Angelicus docet 2. 2. quæst. x. art. 3. odium Dei , hæresim , infidelitatem , & desperationem , omnium flagitiorum gravissima esse , utpote theologicis virtutibus , quæ moralibus longe præstant , opposita . Si postea idololatria ex parte peccantis spectetur ; in secundo , & tertio gradu maior malitia elucere potest quam in primo , cui ignorantia culpabilis veri Dei annexa est . Quam ob causam peccat gravius qui scienter quam qui ignoranter delinquit .

CAPUT IV.

Quid sit divinatio, quotque illius species.

I. **D**uos integros libros de divinatione Marcus Tullius scripsit. Sub initium primi sic eam describit. *Vetus opinio est, iam usque ab heroicis ducta temporibus, eaque populi R. & omnium gentium firmata consensu, versari quamdam inter homines divinationem.... idest præsensionem, & scientiam rerum futurarum.* De hac quoque octo instituit articulos D. Thomas 2. 2. quæst. xcvi. & illam ipsam quam Cicero definitionem tradit, dicens, quod sit *prænuntiatio futurorum*: quæ quidem futura duobus, inquit, modis prænoscitur: uno modo in suis causis, altero modo in seipsis. Causarum alie sunt naturales quæ necessario effectus producant, ut orbium cælestium motus, & eclipses. Alie sunt quæ licet non necessario edant effectus, tamen raro deficiunt; sicut stellarum aspectus, atque conjunctio pluvias, vel siccitatem inducunt. Porro qui cognoscit causas necessarias, prænoscere certo quoque valet effectus inde necessario proficiscentes. Qui vero cognoscit causas quæ non necessario producant effectus, nec semper, sed ut plurimum, raroque deficiunt, non valet certo, sed probabili tantum coniectura, istarum effectus divinare: hoc pacto astrologi ex stellarum consideratione pluviam, aut ariditatem portendere valent, & medicis sanitatem, vel mortem. Causarum autem liberarum effectus præsentis cognosci a creata mente possunt; futuros vero solus Deus cognoscit. Quare Isaias præsensionem futurorum contingentium soli Deo adscribit cap. xli. *Annuntiate quæ ventura sunt in futurum, & sciemus quia die istis.*

II. Prædictio futurorum ex divina revelatione nuncupatur *prophetia*. Prov. xvi. *Divinatio in labiis Regis: in iudicio non errabit cor eius.* Prædictio futurorum vi causarum naturalium vocatur *divinatio naturalis*. Prænuntiatio vero futurorum quæ nec Deo revelante, nec vi causarum naturalium, sed sola dæmonis ope fit, proprie dicitur *divinatio*, quæ est superstitionis species. Ideo concludit D. Thomas, divinationem fere semper in malam partem accipi. Porro de hac divinatione nunc sermo nobis est, quæ sic communiter definitur a Theologis cum D. Thoma 2. 2. quæst. xcvi. art. 1. *Divinatio est futurorum præsensio ope dæmonis*. Dicitur *præsensio*, seu prænuntiatio, quæ verbis, aut signis fieri valet. Additur, *ope dæmonis*, ut intelligatur, superstitionis reum illum non fore qui a Deo, non a dæmone futurorum cognitionem exposceret. Dicitur *futurorum*, quia potissimum futura prædicat, tamen & circa præterita versari valeat.

III. Quæst. I. *Quæ dæmones possint futura prædicere?* Resp. Omnia quæ a causis

sis

sis naturalibus necessario pendent, ut astrorum coniunctiones, cælorum motus; lunæ, ac solis eclipses. Coniectare vero dumtaxat probabiliter valent ea quæ a causis naturalibus contingenter producuntur, ut pluviz, siccitates, pestes, tempestates, idque genus similia. Quæ vero pendent solum a divina voluntate, aut libero hominum arbitrio, cognoscere nequeunt, ut cogitationes humani cordis, & futura contingentia, quemadmodum docet D. Thomas *L. Part. quæst. lvi. art. 3.* Qui tamen intellectus acumine causas naturales comprehendunt, & hominum nativas affectiones, genios, propensiones penetrant, multa prædicere valent, etiam eorum quæ ex libera hominum voluntate proficiuntur. Ordo libertatis prætergreditur utique limites naturalium causarum, aciemque fugit, subtilissimi licet, dæmonum intellectus; verum ob connexionem ordinis liberi cum ordine naturali plura dæmones per suos divinos prædicere solent eorum quæ pertinent ad humanam libertatem. Valent quoque ex divina revelatione futura cognoscere. Prænuntiare queunt quæ in diffitis regionibus accidunt, ob motus celeritatem. Hæc tantum divinos suos edocere valent.

IV. Quæst. II. *Qua ratione dæmones divinos suos doceant?* Resp. Multifariam dæmones divinatores suos instruunt, nempe aut verbis expressis, sese eis visibiles præbendo, aut sine ullo sensibili aspectu verba in aere proferendo, vel in somno eadem excitando. Quandoque scriptis, aut animalium voce eisdem instruunt, erudiuntque. Divini vero variis viis ad hæc consequenda sese præparant, nunc sacrificia offerendo, nunc thus adolendo, quandoque signis, & instrumentis iuxta illorum diversas conventiones præmissis.

V. Quæst. III. *Divinatores invocant ne semper expresso pacto dæmonum opem?* Resp. Hæc invocatio interdum expressa est, & solemnis, qua mutuum contractum ineunt divinatores cum dæmone sub aspectu regio apparente, ac veluti in solio sedente. Isti divinatores divinam religionem, sacramenta, ac mysteria cetera abnegant, & dæmoni cultum adpromittunt, cuiusque vota se impleturos spondent: quod sacrilegum sœdus schedula proprio sanguine signata munire solent. Quandoque pactum ineunt hac missa solemnitate; sed dæmon præscribit quasdam formulas, quibus a divinatoribus positis, promittit se eisdem opem, auxiliumque laturum. Alterutro modo fiat, pactum expressum nuncupatur. Dum vero quis scire pertentat ea quæ humanæ mentis aciem fugiunt, & ut id assequatur, mediis vanis, atque incongruis, & a Deo vetitis utitur; quamvis nolit sibi a dæmone opem ferri, eo ipso tamen quod ad eiusmodi insanias respiciat, easque adhibeat, vult reapse a dæmone edoceri: dæmon quippe eiusmodi vanis signis, & observationibus sese, ultra immiscet præter intentionem hominis: & hoc vocatur pactum implicitum. Totum paucis verbis sic explicat D. Thomas *2. 2. quæst. xcvi. art. 3.* *Dæmonum consilium, vel auxilium vel expresse imploratur, vel præter inten-*

tionem hominis se occulte dæmon ingerit ad prænuntiandum futura quædam quæ hominibus sunt ignota.

VI. Porro D. Thomas *loc. cit.* recenset varias species istius divinationis, in qua pactum expressum cum dæmone intervenit. Clarius has species prodere nequeo quam eiusdem Angelici verba referendo. *Dæmones*, inquit, *expresse invocati solent futura prænuntiare multipliciter. Quandoque quidem præstigiis quibusdam apparitionibus sese aspectui, & auditui hominum ingerentes ad prænuntiandum futura & hæc species vocatur præstigium, ex eo quod oculi hominum perfringuntur.* Hæc autem corpora quæ divinatoribus obiciuntur, vera corpora humana non sunt, quæ veram carnem habeant, ut peroptime explicat Caietanus in commentariis ad hunc articulum. In duobus, inquit ille, a veris corporibus deficiunt æiusmodi simulacra. Primo in temperamento carnis. Nam confessus est ipse pater mendacii, cum eius caro quasi glacialis molesta esset tactui, humanam carnem se non posse melius compingere. Non enim potest sic commiscere naturalia absque vera generatione hominis, ut veram carnem humanam efficiat: & simili ratione non potest humanum semen efficere, sed tantum transferre. Et ex hoc patet verissimum esse quod Christus post resurrectionem dixit: *Palpate, & videte, quia spiritus*, seu dæmon, *carnem, & ossa non habet.* Secundo in delectatione tactus, & concubitus. Est enim tanto personarum humanarum commixtio naturalis delectabilior, quanto verum superexcedit verisimile. Hactenus Caietanus paucis demptis. Subdit vero D. Thomas, quod secunda divinationis species fit per *somnia*; & hæc vocatur *divinatio somniorum*. Tertia species est per mortuorum aliquorum apparitionem, vel locutionem; & hæc species vocatur *necromantia*. Quarta est quæ futura prænuntiat per homines vivos, ut per arreptitios; & hæc est divinatio per *pythones* a Pythio Apolline nuncupatos, qui dicebatur esse divinandi auctor. Quinta divinationis species est, cum dæmon utitur signis, vel figuris corporum inanimatorum, ut ligno, ferro, lapide ad futura prænuntianda; & dicitur *geomantia*. Si vero utatur aqua, est sexta species, quæ appellatur *hydromantia*: si adhibeat aerem, confurgit septima species, quæ vocatur *aeromantia*: si ignem, est octava species dicta *pyromantia*. Nona tandem vocatur *aruspicium*, dum futura prænuntiantur per signa quæ in visceribus animalium dæmonibus immolatorum apparent.

VII. Divinatio autem quæ fit absque expressa dæmonis invocatione, in duo genera dividitur. Primum est, quando ad præcognoscenda futura aliquid consideramus in dispositionibus aliquarum rerum quæ nulla vi pollent ad inducendam eorum cognitionem: quod divinandi genus sex sub se continet species. Prima est *genethliologia*, quæ pertinet ad astrologos genethliacos nuncupatos, cum ex siderum motu natales hominum, & quæ iisdem ventura sunt, portendunt. Secunda

da est *augurium*, quod fit ex avium garritu. Tertia *auspicium*, quo ex avium volatu, vel aliorum animalium motu futura prædicuntur. *Omen* appellatur quarta, quæ est prædictio ex hominum verbis præter intentionem prolatis. Quinta est *elyromantia* ex lineamentis manuum. Sexta tandem *spatulamantia* dicitur, cum divinatio fit ex aliquibus signis in spatulis alicuius animalis apparentibus.

VIII. Ad secundum divinationis genus, sine expressa dæmonis invocatione, pertinet ea qua prædicuntur futura ex consideratione eorum quæ homines serio peragunt ad occultum aliquid inquirendum, ut cum futura prænuntiantur ex punctorum protractione; & dicitur *geomantia*, estque prima species. Altera vero nuncupatur *sortilegium*, cum futura investigantur sive per considerationem figurarum quæ confurgunt ex plumbo liquefacto in aquam proiecto; sive ex quibusdam schedulis scriptis, vel non scriptis, in occulto repositis, & consideratur quam quisque accipiat; vel etiam ex festucis inæqualibus propositis, & quis maiorem vel minorem accipiat, attenditur; vel taxillorum proiectione, dum colligitur, quis plura puncta proiciat; vel tandem, dum mente perpenditur, quid aperiendi librum occurrat. Quæ omnia *fortium* nomen habent.

IX. Hæc totidem fere verbis, paucis mutatis, docet D. Thomas *loc. laud.* ubi sic concludit. *Sic ergo patet triplex esse divinationis genus: quorum primum est per manifestam dæmonum invocationem; quod pertinet ad necromanticos: secundum autem est per solam considerationem dispositionis, vel motus alterius rei; quod pertinet ad augures: tertium est, dum facimus aliquid, ut nobis manifestetur aliquid occultum; quod pertinet ad sortes. Sub quolibet autem horum multa continentur, ut patet ex dictis.*

X. Quæst. IV. *Sunt ne omnes relatæ divinationis species moraliter diversæ, & in confessione explicandæ?* Resp. Ex iis quæ dicta sunt, responsio patet. Siquidem D. Thomas ad tria genera divinationes revocat, nempe ad *necromantiam*, *augurium*, & *sortilegium*. Et sane non omnes recensitas divinationis species esse in genere moris diversas, ex eo constat quod, quocumque modo divinationes peragantur, sive astrorum, sive ignis, sive aquæ, sive somniorum usu, eodem modo cultui Deo debito, religionisque fini opponuntur. Ergo diversitas hæc materialis est, & physica, secus moralis; si sermo sit de omnibus recensitis speciebus.

XI. Quæst. V. *Divinatio cum pacto expresso cum dæmone differt ne morali specie ab ea qua tacito pacto peragitur?* Resp. Communior sententia docet, physica, non morali specie has divinationes differre: quia pactum tacitum, & expressum specie non differunt. Hinc inferunt non pauci, circumstantiam pacti expliciti non esse in confessione aperiendam, eo quod circumstantiæ aggravantes necessario explicandæ non sint. Verum, missa severiori discussione de rigorosa diversitate specifica morali, dico, pactum expresse initum cum dæmone aperiendum esse

se in confessione. Hæc quippe expressa conventio, ac solemne fœdus mutuo hominem inter & dæmonem peractum, tantam prodit malitiam distinctam ab ea quæ inest pacto tacito, ut vel ipse communis sensus illam percipiat. Quare minime nobis probatur sententiæ Salmanticensium, qui *trist. xxi. cap. xi. punct. 3. §. 2. num. 30.* cum aliis docent, hoc explicitum pactum haud esse in confessione exprimendum absolute inspectum, quia est dumtaxat circumstantia aggravans. Primum, etiamsi esset circumstantia aggravans dumtaxat, non inde sequeretur silendum in confessione esse iuxta sententiam quam probabiliorum reputo. Deinde adeo exploratum non est, specie morali hæc duo pacta non differre, ut inferri absolute queat non esse in confessione manifestandam talem diversitatem. Siquidem D. Thomas satis indicare videtur verbis *num. 2. allegatis*, *specificam moralem*, nedum physicam distinctionem: & *ibidem ad 1. hæc subdit* *In omnibus prædictis est eadem generalis ratio peccandi; sed non eadem specialis*. Multo enim gravius est *dæmones invocare* quam aliqua facere quibus dignum sit ut *se dæmones ingerant*. Respondent Salmanticenses, Angelicum loqui de diversitate specifica physica, secus de morali: quod quam sit putidum commentum, nemo non videt. Non ergo morum Theologiam, sed physicas controversias hic versat D. Thomas. Subdunt, intelligendum esse de maiori malitia intra eandem speciem: quæ responsio non videtur præcedenti melior. Angelicus basilice dicit, quod non sit *eadem ratio specialis* peccandi. Si ratio peccandi non est eadem; ergo est diversa. Porro, ubi sunt rationes formales peccandi diversæ, ibi est specifica moralis distinctio, & non tantum materialis, quæ semper est sub eadem ratione. Accedit quod si sit distinctio specifica, siue non, quando Confessarius audit expressum, & solemne fœdus, diversum omnino iudicium concipit, & severius in poenitentem animadvertit. Parum refert hoc iudicium distinctum, inquit Salmanticenses. Quibus ego respondeo, multum, non parum, illorum responsionem ablutere a vero. Hanc iudicii diversitatem magni faciunt vel ipsi Sanchez, Castropalaus, aliique Probabilistæ plurimi.

XII. Fatentur tamen vel ipsi Salmanticenses cum ceteris Theologis manifestandum esse in praxi Confessario hoc explicitum pactum, ob hoc scilicet quod, communiter alia peccata pactum istud comitentur: occurrit enim grave periculum perniciosæ deceptionis & invocantis, & aliorum. Porro se se exponere gravi periculo deceptionis propriæ, vel alienæ gravem adversus caritatem malitiam præfert. Item frequenter idololatriæ crimen perpetratur in expressa invocatione dæmonis ob cultum eidem oblatum. Hæresis etiam contrahitur, dum vel eidem certa fides adhibetur, vel vera fides, religio, & sacramenta abnegantur: & tandem non raro accidit in hac invocatione rerum sacrarum abusus. Ob hæc crimina, quorum saltem aliqua fere semper comitantur pactum expressum, fatentur

omnes.

omnes, eiusmodi pactum esse in confessione manifestandum. Ego vero addo, iuxta probabiliorem sententiam pactum hoc explicitam absolute detegendum in confessione esse, etiam aliis criminibus sublati.

XIII. Quæst. VI. *Est ne mortale crimen divinatio cum pacto, siue expresso, siue tacito?* Resp. Sententia adfirmans certa est apud omnes, & perspicue colligitur tum ex Deuter. xviii. *Non inveniatur in te qui variolos sciscitetur, neque qui pythones consulat* : tum ex Isai. cap. xxviii. *Dixistis : Percussimus fedus cum morte, & cum inferno fecimus pactum.* Omnes quoque adfirmant, nullam umquam dari posse invincibilem ignorantiam pacti expliciti. Quis namque ignorare valet, foedus initum cum hoste esse perfidiam, prodicionem, immanemque perduellionem? Taciti vero pacti ignorantiam invincibilem contingere posse, adfirmant plures. Nec ipse renno. Sed inquit, perraro id accidere; potissimum postquam audierat, præfatis signis uti superstitione non carere. Quid autem de illis dicendum qui ioci causa adhibent sortes, numerorum supputationem, quam vulgo *cabalam* vocant, aliaque id genus media incongrua ad divinanda futura, absque ulla tamen superstitionis intentione, quin expresse proficentes, nullam se his vanis signis adhibere fidem? Salmanticenses *loc. cit. num. 33.* cum Sanchez, Bonacina, Navarro, Delrio, aliisque docent excusari a mortali, dum *semel*, vel iterum id peragunt. Nec ego letalis culpæ hos damnare ausim. Qua loquendi formula gravioris culpæ postulare illos videntur qui frequenter his nugis vacant. Videant ergo cui se exponant periculo qui non *semel*, vel *iterum*, sed sæpiusculum *Indo cabale* indulgent. Vel semel ludendo venialiter peccant, omnibus latentibus. Quid quod nemo eos a mortali noxa securos efficit? Quid est ergo quod vanam, periculique plenam curiositatem cohibere non debeant, ut certæ levi culpæ, periculoque gravioris se se subducant?

XIV. Abstinendum quoque docent communiter Theologi a pacto illo quo duo convenire solent, ut qui prior obierit, appareat viventi, illique statim salutis suæ manifestet. Quamvis enim pactum istud, cum debita subiectione ad divinam permissionem initum, licitum absolute sit; attamen ob periculum illusionis, qua demon, cognito hoc pacto, decipere potest, consultius est inutilem curiositatem compescere.

CAPUT V.

De astrologia iudiciaria, seu de divinatione per astra.

I. Duplicem distinguunt Theologi astrologiam: *naturalem* unam, qua homines ex situ, motu, ortu, & occasu astrorum ea quæ naturaliter contingunt, ut pluviam, tempestates, eclipses, portendunt. Hanc licitam esse fatentur omnes cum D. Thoma 2. 2. *quæst.* lxxxv. *artic.* 5. ubi, relatis variis divinandi modis, hæc concludit. Si vero aliquis utatur *consideratione astrorum ad præcognitionem futura quæ ex calidibus causantur corporibus, puta siccitates, & pluvias, & alia huiusmodi, non erit illicita divinatio, nec superstitiosa.* Quamvis tamen absolute hoc verum sit de iis effectis quæ necessariò consequuntur astrorùm, planetarumque situm, & aspectum; ad tempestates tamen quod attinet, grandines, siccitates, pluvias, serenitatem, & alia id genus prædicenda, vanà plerumque est, & inutilis eiusmodi astrologia, licet non sit noxia: tum ob incognitam astrorum vim, tum propter obstacula ventorum, vaporum, aliorumque, quæ impediunt sæpe astrorum influxus. Idque experientia compertum, ac exploratum est. Nec ephemerides in annos singulos evulgatæ aliùm eventum certo prædicunt præter emunctas illotiarum, insipientiarumque crumenas, ut laudati Salmaticenses advertunt. Ridere sæpe soleo nonnullos qui tempus terunt, pecuniasque prodigunt, ut nugaces hos libellos conquirant, quosque tanta curiositate, & aviditate legunt, releguntque, ut certum illis adhibere fidem videantur. Quare isti levitatis, temeritatis, & curiositatis levem culpam non evadunt, non ob id præcise quod eiusmodi libellos consulant, sed ob excessum, nimiamque credulitatem.

II. Altera astrologia iudiciaria est qua hominès ex stellarum motu, planetarum aspectu, astrorumque cursu quedam futura, contingentes scilicet, fortuitosque casus ex sola humana voluntate, & arbitrio pendentes divinant. Hanc quadruplicem esse Theologi docent. Una est qua ex astrorum aspectibus terræ sterilitas, mercium abundantia, animalium, hominumque morbi, & obitus prædicuntur: quæ tamen superstitiosa non est, si non ut certo, sed ut probabiliter tantum, futura hæc prædicantur. Secunda appellatur *genealogica*, qua hominibus prænuntiantur dignitates, gradus, uxoris duondæ pulchritudo, aut deformitas. Tertia *electionum*, quæ in omni negotio divinatur quid agendum sit, quid omittendum, quando domo egrediendum, ut fausti eventus respondeant. Quarta *imaginum fabricatarum*, qua astrologi figuras, numeros, characteres efficiunt, quos

quos cum figuris, quas in cælis reperiri comminiscuntur, conferunt; & ex collatione, ac mutua sympathia fortuitos casus prædicunt. De his omnibus fusc scribit D. Thomas 2. 2. *quæst.* lxxxvi. *art.* 2. quem consulere potes.

III. Has tres divinationes recensitas vetitas esse docent omnes Catholici, immo omnes præditi mente sana: quoniam corpora cælestia nulla vi pollent in humanam voluntatem, quæ spiritualis est, cuius liberos actus, sive noxios, sive honestos, meritoque dignos, nequeunt modo aliquo in corporeas causas revocari. Si quidem astra vel influerent in voluntatem vi sua naturali, quæ cum necessaria sit, libertatem læderet; vel ut signa quædam, quæ cum disparata omnino sint, nullo modo concurrere ad hos effectus valent. Hæc omnia docet Angelicus 2. 2. *quæst.* xcv. *art.* 5. Et omisiss plurimis sacre Scripturæ prohibitionibus istius astrologiæ, satis sit referre verba constitutionis Sixti V. editæ anno 1586. cuius initium est, *Cæli, & terræ Creator Deus*, ubi inter alia hæc habentur. *Statuimus, & mandamus, ut...* contra facientes iudicia, & natiuitates hominum, quibus de futuris contingentibus, successibus, fortuitisque casibus, aut actionibus ex humana voluntate pendentibus aliquid eventuum affirmare audent, etiam si id non certo affirmare afferant, aut præstentur &c. inquirant, & procedant, & in eos fortius canonice punis, & aliis eorum arbitrio animadvertant. Quæ opponere astrologi solent, nimis futilia sunt, & confutatione indigna.

IV. *Quæst.* I. *Superstitiosum ne est futura libera variolari, non certo, sed probabiliter?* Resp. Sententia adfirmans communis, & vera est: Ratio, quia assensus probabilis determinatus est; licet admittat formidinem oppositæ partis. At nullus determinatus influxus astrorum in voluntatem vel probabiliter dari potest. Ergo hæc probabilis præsensio futurorum ex astris superstitiosa est: Quare, sive certo, sive probabiliter astrologi prædicant futura libera, semper superstitiosi sunt: quia nulla probabilis connexio astrorum est cum humana libertate.

V. *Quæst.* II. *Prædictio tantum coniecturalis est ne a superstitione immunis?* Resp. Adfirmantem sententiam docet P. Castropalaus *tract.* xvi. *disp.* i. *punct.* 4. *num.* 8. pro qua sententia citat Valentiam, & Delrium: eam evincere conatur primum; quod Sixtus V. non prohibuit hanc coniecturalem, tenuissimamque prædictionem; siquidem Pontifex eam tantum futurorum præsensioem prohibuit quæ iure divino, & canonico vetita prius erat, ut ex proximo constitutionis colligitur. Secundo addit, quod hæc coniecturalis, & dubia prædictio futuri eventus non est prædictio absoluta; sed solum est prædictio illius contingentis ianixa quadam tenuissima coniectura: quod potius est prædictio contingentie quam effectus.

VI. Adversus hanc opinionem posset quis obicere; quod in constitutione Sixtina prædictio vetatur, *etiamsi id non certo affirmare afferant; aut præstentur.* Ergo præsensio etiam coniecturalis prohibita videtur. Quid quod hæc coniecturalis di-

vina.

vinatio æque pernicioſa Reipublicæ, & divino cultui eſt, ac probabilis? Quin vix ab hac diſtinguitur, niſi penes maiorem aut minorem gradum probabilitatis. Admiſſo enim licito uſu iſtius coniecturalis divinationis, homines in occultorum notitiam propenſi vanæ huic ſcientiæ darent operam, ac ſi certa eſſet. Siquidem ex coniecturis ultra progredi, & ad conſinia probabilitatis accedere, & ex his ad certitudinis culmen pervenire poſſe ſibi blandirentur: atque adeo ſub hoc tenuiſſimo coniecturalis prædictionis velo crimen ſuperſtitioſæ divinationis occulceretur, & ſoveretur. Quid quod Caſtopalaus ipſe concedit, in foro externo puniendos eſſe eiufmodi divinatores? Cur puniri deberent, ſi ſemel aliqua prædictio futuro- rum contingentium ex aſtris licita eſſet? Immo vix quiſquam puniri poſſet, admiſſa ſententia Caſtopalai: quia quiſque ſe ſe excuſare poſſet prætextu coniecturalis prædictionis. Ideo Pontifex Sixtus, ut vidimus, vetat ſive certam, ſive coniecturalem divinationem: quæ coniecturalis prædictio ſemper iure tum divino, tum naturali prohibita fuit ob rationes allatas.

VII. Hæc quæ narravi obiecta non adeo urgent, ut in quocumque ſenſu falſa ſit opinio Caſtopalai. Nam S. Thomas docet, aſtologos poſſe in communi coniecturaliter bella, alioſque fortuitos caſus prædicere: quia corpora cæleſtia, tametiſi non agant in intellectum, & voluntatem, influunt tamen in paſſiones, quibus cum pauci reſiſtant, ideo in communi poſſunt aſtologi coniectare quædam futura, ſecus in particulari reſpectu huius, vel iſtius. Inquit enim Angelicus I. P. quæſt. cxv. art. 4. ad 3. *Plures hominum ſequuntur paſſiones, quæ ſunt motus ſenſitivi appetitus, ad quas cooperari poſſunt corpora cæleſtia: pauci autem ſunt ſapientes qui huiusmodi paſſionibus reſiſtant. Et ideo aſtologi ut in pluribus vera poſſunt prædicere, & maxime in communi, non autem in ſpeciali: quia nihil prohibet aliquem hominem per liberum arbitrium paſſionibus reſiſtere. Unde & ipſi aſtologi dicunt, quod ſapiens homo dominabitur aſtris, inquantum ſcilicet dominatur ſuis paſſionibus.* Igitur, ſi rerum naturæ ſpectentur, videlicet corpora cæleſtia, & corporeæ, ſeu ſenſiles paſſiones, datur inter hæc connexio, quia illa in hæc reapse influunt: & licet omnes homines valeant paſſiones ſuas compeſcere; pauci tamen ſunt qui eiſdem bellum indicant: ideo, ſi hæc ſpectentur, poſſunt aſtologi ex influxu aſtrorum in appetitus corporeos coniecturaliter in communi prædicere plures eventus iuxta diverſos paſſionum motus. Nihil vero in particulari prædicere, vel coniecturaliter, valent eorum quæ a libero arbitrio pendent: quia quilibet homo reſiſtere motibus appetitus poteſt. Quin nec in communi aſtologorum prædictio, quæ licita eſſe poteſt, curanda, ſed proſus contemnenda eſt: quia futura libera ex tot circumſtantiis pendent, ut nec in communi valeant aſtologi quidquam coniectare. Quippe licet ex motu, aſpectu, & ſitu ſtellarum, & aſtrorum, eorumque in paſſiones influxu poſſent quidquam divinare; quia tamen ab innumeris

accidentibus possunt & influxus impediri, & passiones reprimi; ideo omnis divinationo, sive in communi, sive in particulari, sive probabilis, sive coniecturalis, respectu eorum quæ ex libero arbitrio pendent, spernenda est omnino, ut dicit Hieremias cap. x. *A signis celi nolite metuerè, quæ timent gentes: quia leges populorum vana sunt.*

VIII. Quæst. III. *Licite ne valent astrologi ex signo nativitatis temperamentum, inclinationem, corporisque proprietates prædicere?* Resp. Plura de hoc Theologi disputant: ego paucis me expediam. Iam ex dictis constat non posse astrologos ullo modo, sive probabiliter, sive coniecturaliter, futura libera prædicere. Insuper quod astrologi nequeant ex nativitatis horoscopo certe prædicere infantis temperamentum, & inclinationes, etiam patet. Siquidem rapidissimus cælorum motus, stellarum aspectus, earum retrogradationes, oppositionesque fugiunt mentis aciem, ut vel ipsi peritissimi Mathematici docent. Accedit quod punctum temporis nativitatis cognitu difficillimum est propter rapidissimam cælorum conversionem. Quid quod ad temperamentum, & hominum inclinationes plus conferunt cælorum influxus tempore conceptionis, quam nativitatis? Hoc porro punctum ignotum prorsus astrologis est. Tandem hominum temperamenta ex alimentis, ex educatione, plurimisque aliis mutantur. Quæ omnia, & plura alia quæ prætereo, simul collecta impediunt ne astrologi vel probabiliter queant puerorum temperamenta, & inclinationes prædicere.

IX. Ostensa inutili astrologorum divinatione, reliquum est ut dicamus, superstitiosa ne sit eiusmodi divinatio. Statutum est supra, astrologiam naturalem licitam esse respectu eorum eventuum qui necessario consequuntur astrorum motus, & aspectus. Hæc vero astrologia quæ ex nativitatis horoscopo futuram complexionem, temperamentum, & inclinationem hæriolatur, ineptam esse contendimus, atque adeo illicitam propugnamus. *Salmanticenses* referunt *Fillium*, & *Trullenchum*, asserentes hanc divinationem suapte natura esse peccatum mortale; ipsi vero cum *Suarez*, *Laymano*, *Fagundez*, & *Palao* negant, aiuntque genere suo esse dumtaxat mendacium, erroremque temerarium, non superstitionem. Porro mentiri absolute non est peccatum mortale, sed tantum veniale. Erit ergo culpa venialis tantum, contra prudentiam, & veritatem divinare ex horoscopo nativitatis futurum temperamentum. Adduntque *loc. cit. num. 53.* hanc divinationem licitam esse, si tantum probabiliter, & coniecturaliter astrologus prædicat futuras inclinationes. Verum, semel admissio quod nulla occurrant fundamenta vi quorum possit fieri iudicium probabile de futuro temperamento, & inclinatione; consequitur statim inutilem omnino esse, & mendacem hanc divinationem, quemadmodum ultro laudati Theologi fatentur. Porro, si inutilis, & mendax est eiusmodi divinatio; non video cur a superstitione immunis dicendus sit qui illa e-

tatur. An postea sit semper peccatum mortale, non ausim decernere. Pro praxi admonendi sunt Christiani ut abstineant a petendis eiusmodi divinationibus, & ab audiendis illis astrologis qui in publicis plateis mendacia, & fabulas in aures idiotarum, & stultorum per tubos insufflant, pecuniaque reportant. Quamvis enim testentur ore nullam se illis adhibere fidem, facto tamen oppositum indicant: quippe difficile creditu est illos velle suas pecunias expendere ob solam curiositatem audiendi ea quæ fabularum loco habent. Suas ergo retineant pecunias, & ignorantissimam, vilissimamque gentem litterarum, & astrologicæ artis omnino expertem derideant.

X. Qui consulunt astrologos, ut sibi aliquod occultum delictum revelent, puta furtum, homicidium, aliave crimina, sive facta, peccant gravissime: quia hæc detegi absque dæmonis arte nequeunt. Atque adeo consulentes inducunt astrologos ad superstitionem exercendam. Quid quod neque licitum est inducere hominem qui reipsa scit delictum omnino occultum, ad illud revelandum, ordine iuris prætermisso?

XI. Quæst. IV. *Licetum ne est petere, ut occulti thesauri, aque subterraneæ, cada- vera sub sarcophagis latentia manifestentur ab iis qui istorum cognitionem iactant?* Resp. Quod aquæ discurrentes intra terræ meatus naturalibus signis, puta vaporibus, aliisque emissis effluviis, dignosci queant, nemo est qui neget. Metalla quoque in fodinis extantia vi naturali cognosci valent pluribus signis, potissimum ex herbarum qualitate quæ ibi nasci solent. Utriusque ergo cognitio peti potest sine superstitione: quia utriusque cognitio valet sine superstitionis culpa præberi. Theauri vero, vel cadavera sub sarcophagis abscondita absque dæmonis pacto cognosci nequeunt. Quare qui istorum manifestationem postulant, & graviter peccant, quia ad superstitionem perpetrandam inducunt divinos, & spe frustrantur. Quam sunt altæ stultitiæ stirpes! Si divinis hominibus comperti essent occulti thesauri, sibi acciperent, non aliis manifestarent. Quid quod raro dæmon hæc manifestat, Deo sic disponente, ut infinita mala quæ divitiarum copia instructi homines scelerati solent perpetrare, impediantur.

XII. Quæst. V. *Divinatores tenentur ne restituere pretium pro divinatione acceptum?* Singularis opinio P. Sanchez refutatur. Resp. Quando divinatores ea prædicunt quæ naturalem cognitionem effugiunt, ut cum prænuntiant ea quæ a solo libero arbitrio pendent, tenentur restituere pretium pro tali prædictione acceptum. Si alios falsa hac doctrina imbuerunt, eos dedocere astringuntur. Si damna passi sunt imperiti ob stultam credulitatem præstitam talibus imposturis, eadem compensare debent: quia isti fuerunt iniusta eiusmodi damnorum causa.

XIII. P. Thomas Sanchez *Lib. II. in Decal. cap. xxxviii. num. 96.* singularem hac de re opinionem habet. Ne ipsi imponere videar, propriis illius verbis eam-

dem transcribo. Inquit ergo., Quod si loquamur de pretio accepto pro hoc iudicio ferendo, Gratianus *cap. Qui habetis xiv. quæst. v.* docet pauperibus restituendum tamquam turpe lucrum. Sed distinguendum est sic. Si nullam operam apposuit, *ut arte diaboli* sciret astrologus ille quod nullo alio pacto sciri potuit, sive effectus evenit, sive non, tenetur pretium restituere danti: quia nullam diligentiam adhibuit, sed casu effectus evenit, aut non evenit. At pecunia datur propter operam ab illo impensam, & quidem utilem ad effectum consequendum. Sicut si medicinæ prorsus ignarus, aut inutilia ægro applicaret, teneretur pretium curationis ægro restituere, quamvis casu liber à morbo evaserit. Et quamvis consulens astrologum in ea re deliquerit, offerens pretium pro re turpi, verior sententia habet restituendum ipsi, donec per sententiam condemnatur, ut id pretium amittat. *Si vero astrologus ille, vel divinator, operam suam apposuit, & arte DIABOLI res ita evenit, non tenetur pretium restituere: quia ipse suam operam, etsi turpem, apposuit: & acceptum pro opere turpi non est obnoxium restitutioni, iuxta veriore sententiam.* Atque hæc omnia docet Nav. ibidem num. 163. & 164. & Manuel i. Summæ 2. editione cap. vii. num. 4. Salas 1. 2. quæst. ix. art. 5. tract. v. disp. 11. sec. 8. num. 79. in fine. Adduntque indistincte teneri pretium restituere, quando res non ita evenit. *Sed id non credo, quando ipse diligentiam adhibuit arte DIABOLI ad eum effectum necessariam, sicut medicus quando iuxta artis præcepta medicatus est, non tenetur pretium restituere ægro pereunti: quia ea diligentia a mago illo apposta [N. B.] est pretio æstimabilis.* Nec in hoc casu tenetur damna, & expensas consulenti restituere; sed quando nullam operam impendit, aut eius *DIABOLICÆ* artis ignarus erat.

XIV. Pretio itaque æstimabilis est ars diabolica: Si divinatores nullum cum diabolo commercium habeant, tum restituere acceptum pro divinatione pretium, sive contingat effectus, sive secus, tenentur: quia tum ignari astrologi sunt divinatoriæ artis, decipiuntque clientes suos, quibus nullam impendunt operam, nullamque perferunt molestiam in discendis a diabolo artis suæ arcanis. Contra si diabolum consulant, si tanto magistro secreta artis addiscant, tunc ceu periti divinatoriæ artis ab opere restitutionis liberi sunt, acceptumque retinere pretium iure valent, sive effectus prænuntiatus succedat, sive non. Quemadmodum medicus qui iuxta artis suæ regulas infirmum curat, sive convalescat, sive pereat, acceptum pretium restituere non astringitur. Hæc mihi monstruosa videntur paradoxa, quæ communi sensui repugnant. Inventa tandem opinio est quæ utile, & lucrosum esse docet cum diabolo commercium; & quod lucrum ex tali diabolico commercio acquisitum retineri possit. Vah erronea commenta.

CAPUT VI.

De divinatione per somnia.

I. **V**aria sunt somniorum genera, quæ dividi solent in oraculum, visionem, somnium, insomnium, & phantasma. *Oraculum* est, cum Deus Sanctorum, Angelorumve ministerio cuiusdam in somno revelat aliquod futurum: & eiusmodi fuit somnium Abimelech *Gen. xx.* Abraham *Gen. xxviii.* Samuelis *II Reg. cap. iiii.* & sancti Iosephi, ac Magorum *Matth. cap. i.* *Viso* est, quando id quod quis videt in somnio, eo quo vidit modo evenit. Eiusmodi fuit somnium antiqui Iosephi *Gen. xxxviii.* Iacobi *Gen. xlv.* & Gedeonis *Judic. vii.* *Somnium* dicitur id quod figuris rectum apparet, indigetque interpretatione, ut cognoscatur: quale fuit somnium Nabuchodonosoris, ut habetur *Danielis ii.* pincernæ, & pistoris *Gen. xl.* *Insomnium* est id quod postquam fatigavit vigilantem, eidem dormienti sese ingerit. Quare dicit Ecclesiasticus *cap. v.* quod *multas curas sequuntur somnia.* *Phantasma* est, dum quis, vix somno capto, & vigilare se reputans, figuras varias, & discrepantes sibi spectare videtur. Hæc tamen somniorum genera, oraculo excepto, in idem sepe recidunt.

II. Quatuor somniorum assignari causæ solent; quarum duæ sunt intimæ, extrinsecæ aliæ. Causa somniorum intrinseca alia dicitur animalis, quæ ex internis passionibus nascitur; qua de causa etiam animalia somniare solent: alia est corporalis, quia ex varia corporis dispositione somnia proficiunt, ut explicat Angelicus 2. 2. quæst. xcvi. art. 6. *Interior somniorum causa est duplex. Una quidem animalis, inquantum scilicet ea occurrunt hominis phantasia in dormiendo circa quæ eius cogitatio, & affectio fuit immorata in vigilando. . . Quandoque vero causa intrinseca somniorum est corporalis. Nam ex interiori dispositione corporis formatur aliquis motus in phantasia conveniens tali dispositioni; sicut homini in quo abundant frigidi humores, occurrunt insomnia quod sit in aqua, vel nive. Et propter hoc medici dicunt esse intendendum somniis ad cognoscendum interiores dispositiones.* Experientia quippe constat quod qui sanguine abundant, ea somniant quæ lætificare apta sunt, ut thesauros, convivia, viridaria: qui bili vexantur, in somniis moliantur cædes, rixas, aggressiones, bellicosque conflictus: obnoxii melancholiz plangunt, tenebræ, submersiones apparent: illi vero qui viscidis humoribus pleni sunt, se comprimi & suffocari in somniis sentiunt. Quoties etiam corporis humores perturbati sunt, somnia gravia esse solent, & tristitia; quæ indicia sunt corporis male valentis.

III. Causa somniorum extrinseca duplex similiter est. Altera corporalis, inquantum

Tom. III.

D iij

tum,

rum, inquit Angelicus, imaginatio dormientis immutatur vel ab aere continenti, vel ex impressione caelestis corporis; ut sic dormienti aliqua phantasia appareant conformes caelestium dispositioni. Altera spiritualis, quae, ut subdit D. Thomas, quandoque est a Deo, qui ministerio Angelorum aliqua hominibus revelat in somniis, secundum illud Num. xxi. Si quis fuerit inter vos Propheta Domini, in visione apparebo ei, vel per somnium loquar ad illum. Interdum etiam, persequitur Angelicus, operatione demonum aliqua phantasia dormientibus apparent, ex quibus quandoque aliqua futura revelant his qui cum eis habent pacta illicita. Quibus positus sit.

IV. Quaest. I. *Licetum ne est per somnia divinare futura?* Resp. Huic quaestio sic respondet D. Thomas loc. cit. Dicendum, quod si quis utatur somniis ad praecognoscenda futura, secundum quod somnia procedunt ex revelatione divina, vel ex causa naturali intrinseca, sive extrinseca, quantum potest se virtus talis causa extendere, non erit illicita divinatio. Si autem huiusmodi divinatio causetur ex revelatione demonum cum quibus pacta habentur expressa, quia ad hoc invocantur, vel tacita, quia huiusmodi divinatio extenditur ad quod se non potest extendere; erit divinatio illicita, & superstitiosa. Licetum ergo est somnia a Deo immissa observare, atque per ea divinare futura. Sed videndum prius est, sint ne a Deo, vel a demone immissa: & hoc opus, hic labor est. Regula quippe certa, & infallibilis vix designari potest. Coniecturae vero probabiles plures praesto adsunt. Praecipua haec est. Si somnia sint honesta, & ad bonum spirituale animum inclinent, a Deo immitti credendum est, ut dicit D. Iacobus cap. iij. Quae autem desuper est sapientia, primum quidem pudica est, deinde pacifica, modesta, suavis, bonis consentiens, plena misericordia, & fructibus bonis, non iudicans, sine simulatione. Si animus turbent, si ad malum incedant, ut a demone suggesta credi debent. Si post sufficientem diligentiam dubia apparent, spernenda sunt; & id quod tutius videtur, amplectendum. Mores, vitaeque integritas illius cui somnia accidunt, plurimam conferunt ad internoscendum, sint ne a Deo, an demone immissa. Qui haec somnia experiuntur, prudenti Confessario manifestare ea debent, & precibus ad Deum effusis implorare ab eodem veram notitiam debent, qui non permittet decipi nolentes decipi.

V. Quaest. II. *Licetum ne est naturalium somniorum observatio?* Resp. Adfirmant communiter Theologi: quoniam haec somnia ex causis naturalibus proficiuntur; nempe ex humorum copia, ex qualitate temperamenti. Porro medicum est ex causis naturalibus venari effectus qui inde profluunt. Quapropter medici somnia licite observant, ut colligant causas morborum, easque auferant.

VI. Quaest. III. *Licetum ne est ex somniis futura libera divinare?* Resp. Omnes docent, hoc esse grave scelus: quoniam futura libera a sola voluntate pendent, nul-

nullamque cum somniis connexionem habent. Accedit quod somniorum origo, non una, sed multiplex est: atque adeo nihil certi, vel ipsorum effectuum naturalium, sed tantum coniecturis quidpiam assequi possumus. Nihil ergo conferre somnia valent ad ea quae libera omnino sunt, divinanda. Quare superstitiosi illi sunt qui certa positura, & situ in lecto se collocant, ut in somniis futura eventa eis revelentur; sicut & alii, qui infirmorum pulvinaribus cornua animalium subiiciunt, ut tranquillum somnum capiant. Nulla quippe connexio inter somnum quietum & haec instrumenta relucet.

VII. Quæst. IV. *Peccat ne qui somniorum occasione mores suos, & negotia moderatur?* Resp. Extrema hic, sicut in aliis rebus, cavenda sunt. Qui somniorum observator est, & iisdem passim utitur, veluti regalis ad sua peragenda negotia, vel omittenda, procul dubio superstitionem committit. Ceterum, si quis interdum somniorum occasione aliquid omittit, vel suscipit, non ob fidem certam somniis præstitam, sed ex iisdem occasionem accipiens serius negotium aliquod perpendendi, moresque suos reformandi, nulla polluitur superstitionis labe. Fac aliquem peccatorem in somnio mortem subitanam imminentem sibi videre, nisi mores suos corrigat, statimque pœniteat; superstitiosus minime hic esset; quin prudenter ageret, si continuo confiteretur, moresque suos reformaret. Credere enim, prudenter, posset, a Deo somnia eiusmodi sibi esse insula, somniorumque ministerio admoneri ut ad meliorem frugem se se recipiat. Iam innuimus, somnia quae bonum suadent, probabilius a Deo proficisci. Prudentia tamen opus est, qua bonum ipsum internoscatur, utrum videlicet sit bonum certum, necessarium, nullumque inferens malum. Nam angelus malus quandoque bonum proponit, ut inde majus malum deducat. Hoc tamen facile discerni valet. In exemplo allato nullum malum timeri suapte natura potest: peccatorem quippe peccata desistere, pœnitentia eadem ablueri, & in Deum se convertere, ita bonum est, ut nihil insidiarum pertimescendum includat.

VIII. Quæst. V. *Quando somnia eventibus comprobantur, sunt ne tunc observanda?* Resp. Non raro accidit ut quis videat eventa respondere somniis quae habuit. Hinc movetur ut ea observet, fidemque iisdem adhibeat. Dicendus ne iste superstitionis labe aspersus? Respondet. D. Thomas 2. 2. quæst. xcvi. art. 3. ad 2. *Hoc quod a principio in istis observationibus aliquid veri homines experti sunt, accidit casu; sed postmodum, cum homines incipiunt suum animum huiusmodi observationis implicare, multa secundum huiusmodi observationes eveniunt per deceptionem demonum: ut in his observationibus homines implicati curiosiores fiant, & se magis inferant multiplicibus laqueis perniciosi erroris.* Cavenda igitur levitas est in fide somniis adhibenda; & prudentia, ac veritate, quæ ex certis aliis, tuncque principiis nobis comperta est, mores, & negotia nostra dirigere debemus. Somniis ne

indigemus ut mores corrigamus, ut egregia facinora, & opera bona aggrediamur? Illud præ oculis semper habendum, quod Scriptura vetat somniis fidem dare. *Nisi ab Altissimo fueris emissæ visitatio, ne dederis in somniis cor tuum: Eccli. xxxiv.* Illud etiam animadvertendum, quod, dum Deus somnium immittit, signum una præstat quo dignoscatur, reapse illud divinitus esse immisum. Quare, nisi certa, aut valde probabilia signa occurrant, desurtum somnium descendere, contemnendum est.

C A P U T VII.

De divinatione quæ fit per auguria, & omina, & alias eiusmodi observationes exteriorum rerum.

I. **Q**uestionem hanc proponit D. Thomas 2. 2. *quest. xiv. art. 7.* Augurium communiter pro avium garritu accipi solet. Triplex est. Quando ex voce, cantu, numeroque garrivum futura prædicuntur, dicitur absolute *augurium*. Si hæc prædictio fiat ex volatu, pastu, alitu, vel motibus, appellatur *auspicium*. Si vero divinatio fiat ex immolatarum, aut cæsarum avium extis, seu intestinis, fibris &c. tum nuncupatur *aruspicium*. Quando vero divinatio fit ex verbis hominum, absque ulla intentione ad futura prolatis, dicitur *omen*. Plurima hoc de argumento scribit M. Tullius in suis de divinatione libris, Etruscoque extollit, ceu istius artis callentissimos; quos etiam a Romanis sæpius vocatos asserit, ut eiusmodi arte illos instruerent. Plura isthuc transcribere possem ad eruditionem; sed melius existimo quam brevissime ea dumtaxat perstringere quæ ad mores populos formandos pertinent.

II. *Quæst. I. Licet ne ex cantu, volatu, motuque avium futura portendere?* Resp. Si sermo sit de quibusdam futuris effectibus qui a causis naturalibus pendent, ut sunt pluvie, tempestates, siccitates &c. licitum est ex avium cantu, & volatu eiusmodi coniectare. Quia præfati avium cantus, & motus signa sunt naturalia istorum effectuum. Siquidem sensus istorum animalium ab aeris mutatione, ab astrorum influxibus fortius præ hominibus afficiuntur; & propterea animalia isthæc in usu habent aut canere, aut volare celerius his temporum mutationibus imminuentibus. Nulla ergo superstitio, sed prudens observatio est, ex avium cantu, garritu, volatu &c. pluvias, serenitatem, tempestatesque colligere: Hæc omnia explicat Angelicus loc. cit. *Causa operationum brutorum animalium est instinctus quidam, quo moventur motu naturali: non enim habent dominium sui actus. Hic autem instinctus potest ex duplici causa procedere. Uno quidem modo ex causa corporali. Cum enim bruta animalia non habeant nisi animam sensitivam, cuius omnes*

potentia sunt adus corporalium organorum, subiacti eorum anima dispositioni continentium corporum, & primordialiter celestium. Et ideo nihil prohibet aliquas eorum operationes esse futurorum signa, inquantum conformantur dispositionibus corporum celestium, & aeris continentis, ex quibus proveniunt aliqui futuri eventus. Hinc est, subdit Angelicus, quod; quando cornicula frequenter crocitat, indicat proximam futuram pluviam. Aves aliæ sua signa edant ad similes eiusmodi effectus prænantandos.

III. Superstitio vero aperta est, futura contingentia libera ex præfatis avium, & quorumque animalium signis prædicere. Ratio sæpius iam data est, quod nempe futura libera a voluntate pendeant. Hinc est quod Deus *Deuter. xvi.* præcipit: *Non inveniatur in te qui observes auguria.* Nonnullas auctoritates Scripturarum quæ afferri in oppositum solent, interpretatur D. Thomas *loc. cit.* ut quando Ioseph dixit: *An ignoratis quod non sit similis mei in scientia augurandi?* Respondet ioci causa hoc a Iosepho dictum fuisse, ut Augustinus etiam docet.

IV. Quæst. II. *Licetum ne est ex vocibus humanis casu prolatis, aut ex aliis fortuitis eventis futura prædicere?* Resp. Negans conclusio certa, & communi est. Hominum quippe verba sunt signa ad libitum, quæ nullam relationem habent, nullumque influxum in quæcumque futura. Nihil ergo ex fortuita eiusmodi verborum prolatione prædicere iure licet. Quod Eliezer verba puellæ observaverit, ex peculiari Dei revelatione fuit, ut & de Gedeone tradit D. Thomas *loc. cit. ad 3.* Superstitione itaque laborant similes observationes: puta, in malam partem interpretari, si prima hebdomadæ die eleemosynæ petantur; si primo mane canis, aut feles obviam occurrat; si mane sternutaveris; si vestes a foricibus corrodantur; si caput ad ianuam alliseris; & sexcentæ aliæ similes observationes, a Paganis in Christianos idiotas, ignorantisque derivatæ. Quia enim aliquando casu quidpiam triste infaustumque accidit, præviis similibus signis; homines ad superstitionem proni, deceptique a dæmone, confestim pro malo augurio talia signa constituerunt.

V. Quæst. III. *Superstitio ne est futura prædicere ex corporis humani membris?* Resp. Tria sunt præcipua corporis membra quæ in divinatione observari solent, manus, caput, & pedes. Divinatio quæ ex manuum lineis prædicetur homini futurum eventum, vocatur *chiromantia*: quæ ex pedum lineis aliquid prænuntiatur, dicitur *podomania*: quæ vero coniectatur ex frontis lineis, & vultus qualitate, vocatur *metoposcopia*: quæ denique ex universo corpore, eiusque membris auguria capiuntur, dicitur *physiognomia*. Quælibet istarum est duplex: altera naturalis, altera astrologica. Hæc ex membrorum lineamentis futuros liberos, & omnino contingentes effectus prædicat; illa vero ex corporis dispositione, manusque amplitudine sanitatem, temperamentum, & morbos coniectat. Quibus prælibatis, dici-

mus,

mus, *physiognomiam* naturalem, quæ videlicet ex corporis habitudine coniecturas colligit infirmitatis, sanitatis, fortitudinis, licitam esse. Quare dicitur Eccli. xix. *Ex visu cognoscitur vir*, & ab *occurfu faciei cognoscitur sensatus*. *Amicus corporis*, & *visus dentium*, & *gressus hominis enuntiant de illo*. Quemadmodum ceterorum animantium, puta equorum, boum &c. fortitudo, agilitas, velocitas ad cursum colligitur ex optima corporis dispositione; sic hominum inclinationes naturales, temperamenta &c. dignoscuntur ex vultuum, aliorumque membrorum directitate. Et hoc licitum esse a nemine revocatur in dubium. Divinare autem ex *physiognomia* astrologica futura contingentia, fortuita, & libera superstitiosum est, ut omnes fatentur ob rationem sæpius datam, quod nempe corporis, partiumque positura, & dispositio nihil influere in futura contingentia & libera; quæ a sola voluntate pendent, valeat. Quod dictum de *physiognomia* est; idem dico de *chiromantia* naturali, & astrologica, ac de aliis duabus. Quamquam quod docere Auctores solent de manuum lineis, contentitum puto; nullamque inde colligi probabilem coniecturam ad inclinationes naturales, ad vitam longiorem, vel brevioris dignoscendam existimo.

VI. Quæst. IV. *Peccant ne graviter qui Aegyptios, vulgo Cingaros, consulunt, ut ex manuum ostensione bonam, aut malam sortem sibi enuntient?* Resp. Si id serio peragant, dubio procul letaliter peccant: quia, ut sæpius diximus, id superstitiosum est, cum nulla causa naturalis designari possit quæ tales pariat effectus. Si ioci causa fiat, peccatum veniale curiositatis contingere Auctores docent. Verum in praxi vix id agitur absque gravi culpa, tum ob scandalum, tum ob credulitatem quam idiotæ, & potissimum mulieres, adhibent eiusmodi circulatoribus. Quare cogendi omnes sunt ut ab his consultationibus prorsus abstineant. Dum enim tales prædictiones postulant, foveant iniquam artem, malique hominibus occasionem præbent peccandi.

C A P U T VIII

De divinatione quæ fit sortium usu.

I. **S**ors definitur a D. Thoma 2. 2. quæst. xcvi. art. 8. quod sit actio aliqua quæ ideo fit, ut eius eventu considerato, aliquod occultum innoteat. Hanc assentit triplicem esse. Prima est *divisoria*, cum ex eius eventu decernitur quid cuique sit tribuendum, puta munus, honor, dignitas &c. Secunda est *consultoria*, cum nempe divina voluntas consultitur, ut sciamus quid cavere, quid aggredi, quid in hoc, aut in illo negotio agere debeamus. Tertia est *divinatoria*, cum a dæmone tacite, vel expresse aliquod futurum occultum revelari postulat. *Sortes*

pro-

proprie dicuntur (inquit Angelicus) cum aliquid sit, ut eius eventus consideratus aliquid occultum innoscat. Et quidem si quaratur iudicio sortium, quid cui sit exhibendum, sive illud sit res possessa, sive sit honor, sive dignitas, seu pena, aut alio aliquid, vocatur fors divinatoria. Si autem inquiretur quid agere oporteat, vocatur fors consultoria. Si vero quaratur quid sit futurum, vocatur fors divinatoria.... Unde si quis ea intentione sortibus utatur, quasi huiusmodi alius humani, qui requiruntur ad sortes, secundum dispositionem stellarum sortiantur effectum, vana, & falsa est opinio, & per consequens non caretur a demonum ingessione. Ex quo talis divinatio erit superstitiosa, & illicita.

II. Sortes divinatorie licite sunt, quod nil aliud sint quam mutuum pactum quo homines conveniunt, ut ex sortium eventu decidatur, cui res, honor, dignitas &c. debeant applicari. Nullum hic sive expressum, sive tacitum cum demone pactum. Harum sortium exempla plura ex Scriptura divina cum veteri, tum nova. Ex veteri quidem I. Reg. cap. x. Et applicuit Samuel omnes tribus Israel, & cecidit fors super Beniamin: Item Deuter. cap. 1. Ipse sorte terram dividet Israel. Ex novo testamento: Dederunt sortes, & cecidit fors super Marthiam: Actum Apost. cap. 1. Super vestem meam miserunt sortem: Matth. cap. xxvii.

III. Quæst. I. Licitum ne est sortibus uti divinatoriis in electione ad dignitates seculares? Resp. Sententia affirmativa communis est, respectu electionis ad officia laicalia: quia talis sortitio nullo iure vetita est, & aliis suapte natura nullam redolet superstitionem. Ad hoc tamen ut licita sit, in æqualiter idoneos, atque emeritos fors mitti debet: nam si, ob sortes adhibitas, idoneis neglectis, minus idoneis contingant præmia: tum peccatum erit contra distributivam iustitiam. Tunc ergo licita sortitio est, cum plures idonei occurrunt, & tot non suppetant præmia: atque excessus meritum nequit discerni, ut sciatur quis sit præferendus.

IV. Quæst. II. Licitum ne est sortium usus in electione ad ecclesiastica beneficia? Resp. Sententia negans communis est: quia lege ecclesiastica id caveatur cap. Ecclesia extra de sortilegiis, ubi hæc habentur: Sortis usum in electionibus perpetua prohibitionem damnamus. Nullæ ergo electiones sive ad dignitates, sive ad beneficia, sive ad officia ecclesiastica licite fieri possunt sortium usu: quod verum habet etiam in eligendis compromissariis ad dictas electiones. Hanc sententiam expresse docet Angelicus, qui licet admittat sortitionem licitam ad lites dirimendas, negat tamen licitum eiusdem primum in electionibus ad beneficia ecclesiastica. Potest tamen (inquit loc. cit.) in hoc quadrupliciter peccatum incidere. Primo quidem, si absque ulla necessitate ad sortes recurratur: hoc enim videtur ad Dei tentationem pertinere. Unde Ambrosius dicit super Lucam: Qui sorte eligitur, humano iudicio non comprehenditur. Secundo, si quis etiam in necessitate absque reverentia Dei sortibus utatur, Unde

Unde super *Actus Apostolorum* dicit Beda : Sed si qui necessitate aliqua compulsi, Deum putant sortibus exemplo Apostolorum esse consulendum, videant hoc ipsos Apostolos, nonnisi collecto fratrū cœtu, & precibus ad Deum factis egisse. *Tertio*, si divina oracula ad terrena negotia convertantur. Unde *Augustinus* dicit ad *inquisitiones Januarii* : Qui de paginis evangelicis sortes legunt, etsi optandum sit ut id potius faciant quam ad dæmonia consulenda concurrant; tamen etiam ista mihi displicet consuetudo ad negotia secularia, & ad vitæ huius vanitates divina oracula, velle convertere. *Quarto*, si in electionibus ecclesiasticis, quæ Spiritus sancti inspiratione fieri debent, aliqui sortibus utantur. Unde, sicut dicit Beda super *Actus Apostolorum*, *Matthias* ante Pentecostem ordinatus sorte quaeritur, quia scilicet nondum erat plenitudo Spiritus sancti in Ecclesia effusa : septem autem *Diaconi* postea non sorte, sed electione discipulorum sunt ordinati. Secus autem est in temporalibus dignitatibus, quæ ad terrena disponenda ordinantur; in quarum electione plerumque homines sortibus utuntur. Si vero necessitas imminet, licitum est cum debita reverentia sortibus divinum iudicium implorare. Unde *Augustinus* dicit in epistola ad *Honoratum* : Si inter Dei ministros sit disceptatio, qui eorum persecutionis tempore maneant, ne fuga fiat omnium, & qui eorum fugiant, ne morte omnium deseratur Ecclesia : si hæc disceptatio aliter non potueris terminari, quantum mihi videtur, qui maneant, & qui fugiant, sorte legendi sunt. Iure ergo meritoque, postquam Deus gratiæ plenitudinem in Ecclesiam suam effudit, sortium usus vetitus est in ecclesiasticarum dignitatum electionibus. Quæ omnia locum habent, etiam dum calculis æqualibus duo electi sunt ad beneficium. Quia, si sortitione electio dirimatur, tunc vi sortis, non suffragiorum, beneficium obtineretur : quod expresse vetitum est.

V. Quæst. III. Electio ad beneficia ecclesiastica, sortitione peracta, est ne nulla, nedum illicita? Resp. Electio ad officia, & beneficia ecclesiastica, quamquam illicita sit, non tamen est nulla : quia lege tantum prohibetur; non autem declaratur invalida. Electio vero Prælati Ecclesiæ, qui habet iurisdictionem cum in criminalibus, tum in civilibus, sortium ministerio facta, nulla est : quia expresse, ut talis reicitur *cap.* Quia propter de elect. Et hæc est communis, & vera sententia. In prohibitionibus semper spectandum est, num ultra prohibitionem absolutam addatur etiam irritatio : quia sola prohibitio non insert irritationem, nisi id exprimat. Et cum in sola electione Prælati Ecclesiæ, habentis utraque iurisdictiones, irritetur electio facta per sortes, secus vero in electionibus ad beneficia, & officia Ecclesiæ; ideo illa dumtaxat nulla est; secus vero istæ, quæ tantummodo illicitæ sunt.

VI. Quæst. IV. Licitæ ne sortitio est ad dirimendas lites super rebus, & beneficiis ecclesiasticis? Resp. Si Ecclesiastici litigent super bonis temporalibus, non est du-

bium

bium quod valeant litem dirimere, quemadmodum laici, sortium usu, debitis servatis conditionibus: quia in hac hypothese non distinguuntur eorum bona a bonis sacularium. Proposita ergo quaestioncula spectat lites quae instituuntur super electionibus ad beneficia, & officia ecclesiastica: quae in difficultate duae reperiuntur sententiae. Prima ait: Lex poenalis non debet ultra casus expressos extendi. Porro lex ecclesiastica sortium usum prohibet tantum in electionibus ad beneficia, & officia, secus in litibus dirimendis. Altera negat: quia, si lites per sortes dirimerentur, electiones fierent, aut saltem complerentur sortium usu.

VII. Haec secunda sententia probabilior est, si sermo sit de sortitione privata auctoritate facta: Ceteram, si auctoritate publica, nempe iudicis, sortes mitti iubeantur, ut lites difficillimae, quorum iura ita implexa sunt, & obscura, ut nequeant ad ferendam sententiam dignosci, dirimantur, tunc honestus evadit sortium usus: siquidem sortitio absolute vetita non est. Dicit enim Salomon Prov. xviii. *Contradictiones comprimit fors*; & *inter potentes quoque diiudicat*: Quoties ergo finis optimus est, qualis est litium diremptio, non erit illicita sortitio. Lex in cap. Ecclesia *extra de sortilegiis* vetat electiones ad beneficia, & officia ecclesiastica sortibus fieri: vetat etiam, si vis, lites sortibus dirimi, quando iudicis sententia terminari lites valeant; seu quando iura non sint ita involuta, ut dignosci, & diiudicari nequeat: cuinam litigantium parti faveant, cuive adversentur. Ceterum, quando lites sunt ita obscurae, ut iudices ipsi ignorent, cuinam partium iura faveant; quis dixerit, legem ecclesiasticam vetare hac in hypothese litibus finem imponi sortium usu? Alioquin dicendum esset, legem velle lites interminatas: quod suspicari nemo potest. Porro, ut evitentur incommoda quae opponi solent, haec sortitio fieri debet iudicis ecclesiastici auctoritate. Tunc enim nullum aderit periculum obtinendi beneficium sine iusto titulo: quia auctoritas iudicis valentis beneficium conferre, dum praecipit sortitionem, sententiam fert: & cui beneficium obtigerit, non tam sortitionis effectu quam sententia iudicis talem sortitionem praecipientis obveniet. Nulla quoque simoniae suspicio, quae tollitur iudicis auctoritate. Haec sententia communior est, & mihi probabilior. Eam defendunt Glos. in cap. *Licite* Caussam, de prop. verb. *Uti possidetis*. Suarez de Relig. Tom. I. trañ. 111. Lib. II. cap. xii. num. 53. Sanchez Lib. II. cap. xxxviii. num. 79. Castro palau trañ. xvii. disp. 1. punct. 6. num. 7. Leander trañ. ix. disp. 11. quaest. viii. Salmanticenses trañ. xxi. cap. xi. punct. 7. num. 83. & alii. Ex quibus inferunt controversia servente, uter in Pontificem iure sit electus, discordium litem sortibus dirimi Cardinalium consensu. At nonne melius hoc in casu esset tertium eligere, contententibus neglectis? Ita factum esse ex historia ecclesiastica scimus; & ita facturos Cardinales existimamus, si casus accideret. Nec enim scimus sortibus aliquando litem contententium de Papatu diremptam esse. Hoc tamen sapientum iudicio submittimus.

VIII. Quæst. V. *Licita ne est sortitio consultoria?* Resp. Sortitionis consultoria duplex est causa, utraque spiritualis, nempe Deus, aut dæmon. Si eventus sortitionis consultoria expectetur a dæmone, nuncupatur *sortes divinatoria*; quæ superstitiosa est, & a Sixto Papa V. vetita in suo *motu proprio*. Rationem sapius dedimus, quod scilicet sortes istæ nullam habeant connexionem cum eventibus futuris, neque ut causæ, neque ut signa eorundem. Ergo, cum a Deo hæc cognitio non habeatur, reliquum est ut sit a dæmone. Quare in his sortitionibus semper adest pactum cum dæmone aut expressum, aut implicitum.

IX. *Consultoria* sortitio vocatur, quando eventus futuri cognitio imploratur a Deo. Hanc licitam esse, multa sacrarum Scripturarum exempla, quæ supra indicata sunt, evincunt. Nam Iosue sorte usus fuit ad deprehendendum occultum reum, ut habetur *cap. vii.* Saul detexit filium suum Ionatham mel degustasse, ut colligitur ex *I. Reg. cap. xiv.* Apostoli sortitione præmissa Mathiam in Apostolorum censum perscripserunt. Alia plura exempla indicata iam sunt. Ad licium sortitionis usum quatuor præscribit D. Thomas conditiones, quas iam descripsimus, breviterque in memoriam revocabimus. Prima est urgens necessitas spiritualis, aut temporalis; qua necessitate sublata, Deus tentatur. Secunda est, quod in sortitione, summa reverentia, & obsequium erga Deum servetur: nempe præmittatur oportet matura consideratio, precesque Deo fundi debent, ut Apostoli præstiterunt in electione Matthiæ. Tertia, ne profanis sacra misceantur; ut si quis paginis evangelicis, Sanctorumque reliquiis ad negotia temporalia uteretur. Postrema est, ne hæc sortitio adhibeatur in electionibus ad beneficia ecclesiastica. Has conditiones in praxi vix aliquando observari animadvertunt Theologi. Quapropter eiusmodi sortitiones omnino reiiciendæ sunt: & in rebus dubiis iura, leges, prudentiæ regulæ, viri sapientes consulendi sunt, sortibus neglectis.

X. Animadvertunt etiam communiter Theologi, quod, quando sortes adhibentur, etiam Dei auxilio implorato, si necessitas non adsit, erit peccatum, non superstitionis, sed tentandi Deum. Ceteris vero conditionibus deficientibus, ultra peccatum superstitionis, alia crimina occurrere valent; ut quando sortes adhibentur ad deprehendendum occultum furem, homicidam, & quemcumque reum, ultra superstitionem, iniustitiæ crimen perpetratur.

XI. De superstitione usus duellorum, ferri candentis, aquæ ferventis hæc docet D. Thomas 2. 2. quæst. xcvi. art. 8. ad 3. *Indicium ferri candentis, vel aquæ ferventis ordinatur quidem ad alienius peccati oculi inquisitionem per aliquid quod ab homine fit; & in hoc convenit cum sortibus: inquantum tamen expectatur aliquis miraculosus effectus a Deo, excedit communem sortium rationem. Unde huiusmodi indicium illicitum redditur: tum quia ordinatur ad indicanda occulta, quæ divino indicio reservantur: tum etiam quia huiusmodi indicium non est auctoritate divina sanc-*

ctum.

citum. Unde 11. quæst. v. in Decreto Stephani Pape V. dicitur: Ferri candentis, vel aqua ferventis examinatione confessionem extorqueri a quolibet, sacri non censent canones: & quod sanctorum Patrum documento sancitum non est, superstitiosa adinventione non est præsumendum: spontanea enim confessio, vel testium approbatione publicata delicta, habito præ oculis Dei timore, concessa sunt nostro regimini iudicare. Occulta vero, & incognita illi sunt relinquenda qui solus novit corda filiorum hominum. Et eadem ratio videtur esse de lege duellorum; nisi quod plus accedit ad communem rationem sortium, inquantum non expectatur ibi miraculosus effectus; nisi forte quando pugiles sunt valde impares virtute, vel arte.

XII. Quæst. VI. Cur dormientes præ vigilantibus divinent? Resp. Congrua ratio assignari vix potest. Contendunt plures quod dormientes a sensibus externis, rebusque extrinsecus obiectis sint magis abstracti. Porro anima secum interius collecta, nullique rebus externis distracta, vividius simulacra contemplatur. Hinc est quod Deus interdum dormientibus aliqua futura revelat: non quia somnus sit dispositio ad vaticinationem; sed quia anima in somno magis tranquilla est, & soluta ab externis impedimentis. Accedit etiam causa naturalis ciborum, quibus aluntur homines. Audiamus Marcum Tullium Lib. I. de div. Iubet igitur Platonem sic ad somnum proficisci corporibus affectis, ut nihil sit quod errorem animis, perturbationemque afferat. Ex quo etiam Pythagoricis interdictum putatur, ne faba vescerentur, quod habet inflationem magnam in cibis, tranquillitati mentis querentis vera contrariam. Cum ergo est somno sevocatus animus a societate, & contagione corporis, tum meminit præteritorum, præsentia cernit, futura providet. Iacet enim corpus dormientis, ut mortui; viget autem, & vivit animus: quod multo magis faciet post mortem, cum omnino ex corpore excesserit. Plurima hac de re Cicero habet.

XIII. Quæst. VII. Cur fatui, & stupidi facilius divinant quam sana præditi mentes? Resp. Vulgari fertur proverbio, stultos, pueros, stupidosque divinare: idque docuere Plato, & Aristoteles. Hæc autem divinatio quæ fatuis, & amentibus ascribitur, neque est prophetia, neque vaticinatio proprie dicta; sed quædam prædictio quæ naturales causas habet. Siquidem fatui, & stupidi, prudentia, & acumine destituti, quodam veluti instinctu ducuntur, ut bruta animalia, quæ in futuris quæ a causis naturalibus, & necessariis proficiuntur, indicandis præstant hominibus. Quidam pisces nautis tempestates portendunt, aves agricolis, armenta pastoribus pluviam prænuntiant: mures confertim abeuntes domus ruinam incolis præmonstrant. Hoc autem inde ortum habet quod bruta animalia maiorem habent cum causis corporalibus propinquitatem, earumque impressiones, & influxus vividius percipiunt; ac proinde melius & certius futuros effectus præsentunt. Similiter fatui, stupideque prudentia destituti brutis animalibus magis accedunt, & causarum naturalium impressionibus fortius afficiuntur; atque adeo futura na-

turalia solent magis quam prudentes prævidere. Plurimum sensibus detrahit interior contemplatio; & vicissim sensuum externorum applicatio contemplationis vim extenuat, & unius sensus privatio alterum sensum acutiorem efficit. Sic qui carent oculis, & acutius audiunt, & facilius recordantur. In fatuis ergo, stupidisque divinatio naturalis frequentior interdum est quam in prudentibus ob maiorem cum animantibus affinitatem. Accedit quod fatui, stupidique loquaces sunt, continenter blaterant: & quidquid ipsis in buccam venit, effutunt: hinc est quod tantam inter verborum affluentiam casu quandoque quidquam veri præsumunt; quemadmodum circulatorum, qui eventa omnia, quibus communiter homines sunt obnoxii, quæque frequentissime accidunt, narrantes, sæpe plura revelant quæ reapse contingere: quæ manifestatio ab imperitis pro vaticinatione suscipitur, cum sit omnino fortuita.

XIV. Quæst. VIII. *Cur homines morti proximi sæpe futura divinant?* Resp. Plato, alique Philosophi animadverterunt, eos qui sunt morti propinquiore, futura prædicere. Hoc narrat Marcus Tullius Lib. I. de Div. *Divinare autem morientes etiam illo exemplo confirmat Possidonius, quo affert Rhodium quemdam morientem sex æquales nominasse, & dixisse, qui prius eorum, qui secundus, qui deinceps moriturus esset.* D. Gregorius, ut refert Azorius Lib. IX. cap. xxiv. *Lib. IV. Dialog. cap. xxvi. & xxvii.* plura affert exempla, quibus evincit, moribundos futura prædixisse. Narrat advocatum morti proximum vocasse puerum suum, ut vestimenta sibi pararet, quia exire domo vellet. Obedire renuit puer, existimans patrem insanire. Decumbens vero surrexit, sese induit, & per viam Appiam ad S. Sixti Ecclesiam se processurum asseruit. Verum ingravescente morbo, mortem oppetit. Deliberatum fuerat, eius cadaver Prænestina via ad beatum Ianuarium Martyrem sepeliendum deferre; sed quia nimis longum iter eis qui illius funus curaverant, visum fuit, repente mutato consilio ad illam quam defunctus prædixerat, Ecclesiam detulerunt, eiusdem vaticinationem ignorantes. Addit cap. xxvii. Comitem Theophanium aeris serenitatem post suum obitum futuram prædixisse uxori; cum dum in vivis ille erat, mortique proximus, gravissima aeris tempestas obfisteret, ne ad sepeliendum deferri posset. Quæ si vera sunt, dicendum, quod, si moribundi ea vaticinantur quæ vi naturali sciri nequeunt, revelante eis Deo, eorumque mentes illustrante futura prædicunt. Idque probat D. Gregorius exemplis etiam Iacob, & Moysis, qui morti appropinquantibus plura futura prædixerunt, ille filiis, hic Israëlitis populo. Cum vero morituri prænuntiant futura quæ a naturalibus causis pendent, id præstant, quia mens, sopitis sensibus, exactius res contemplatur, eorumque corpora causarum naturalium influxibus magis afficiuntur; ideoque temporis, aerisque vices, & mutationes ceteris melius præsentiantur.

XV. D. Augustinus *Lib. XII. de Genesi ad litteram cap. xvii.* plura exempla pro-

po-

ponit, quibus indicat febris ardenti furentes divinare futura. Non alia tamen est istorum vaticinatio quam fortuita: quia enim furentes loquaces sunt, & omnia quæ in buccam veniunt, effundunt, ideo quandoque incidunt in id quod futurum est. Nulla isti prudentia, nulloque timore reguntur, nihil occultum dissimulant; sed omnia effutunt. Quare mirum non est, si interdum aliquem futurum eventum prædicant; sicut qui frequenter iaculantur, etiam clausis oculis quandoque signum attingunt. Qui atra bili corripuntur, frequentius divinant, eo quod istorum mens a sensibus facilius abstrahi solet, & sic abstracta intentione conatu res contemplatur. Facilius quoque aeris, cælestiumque corporum influxus, & mutationes sentiunt. Plura alia mitto, quod nullius fere utilitatis sint. Nam vel ipse Marcus Tullius, quamquam plurima superstitionis defendat, hæc tamen scribit *Lib. I. de Divin.* prope finem. *Si quis modo talis possit esse qui colligationem causarum omnium perspiciat animo, nihil eum profecto falleret: qui enim teneat causas rerum futurarum, idem necesse est omnia teneat quæ futura sint. Quod cum facere nemo nisi DEUS possit, relinquendum est homini ut signis quibusdam consequentia declarantibus futura præsentiat.* In hoc autem errat Cicero, aliis eius erroribus prætermittis, quod signis istis plus iusto tribuat.

C A P U T IX.

De vana observantia.

I. Vana observantia est tertia superstitionis species, quæ ope vanarum considerationum aliqua externa opera efficere conatur. Integram questionem nempe xcv. 1. 2. quatuor articulis comprehensam super hac re D. Thomas instituit. Ex primo articulo eruitur, quod vana hæc observantia sit superstitio quædam, cum instrumenta inepta, nec a Deo, nec a natura instituta, ad aliquem exteriorem effectum producendum adhibeat. Hanc observantiam dividit in species tres. Prima est *ars notoria*; secunda *observantia sanitatum*; postrema *futurorum eventuum observantia*. In his, sicut in aliis superstitionis speciebus, pactum tacitum, vel expressum cum dæmone intervenire potest.

II. Quæst. I. *Licitæ ne est ars notoria?* Resp. D. Thomas *loc. cit.* huic quæsito sic respondet. Dicendum, quod *ars notoria est & illicita, & inefficax.* Illicita quidem est, quia utitur quibusdam ad scientiam acquirendam quæ non habent secundum se virtutem causandi scientiam. Et ideo huiusmodi ars non utitur his ut causis, sed ut signis: non autem ut signis divinitus institutis. Unde relinquitur quod sint superstitiosa signa, & per consequens pertinentia ad pacta quædam significationum cum dæmonibus plecta, atque fœderata. Et ideo *ars notoria penitus est repudianda, &*

fugienda a Christiano, sicut aliæ artes nugatorie, vel noxiæ superstitionis, ut Augustinus dicit II. de doctrina christiana. Est etiam huiusmodi ars inefficax ad scientiam acquirendam. Cum enim per huiusmodi artem non intendatur acquisitio per modum homini connaturalem, scilicet adiuveniendo, vel addiscendo, consequens est quod iste effectus vel expellatur a Deo, vel a demonibus. Certum est autem aliquor a Deo sapientiam, & scientiam per infusionem habuisse, sicut de Salomone legitur III. Reg. 11. & II. Paral. 1. Dominus etiam discipulis suis dixit Luc. xxi. Ego dabo vobis os, & sapientiam, cui non poterunt resistere, & contradicere omnes adversarii vestri. Sed hoc donum non datur quibuscumque, aut cum certa observatione, sed secundum arbitrium Spiritus sancti, secundum illud I. ad Cor. xii. Alii quidem datur per Spiritum sermo sapientiæ, alii sermo scientiæ secundum eundem Spiritum: & postea subditur: Hæc omnia operatur unus & idem Spiritus, dividens singulis, prout vult. Ad demones autem non pertinet illuminare intellectum. Acquisitio autem scientiæ, & sapientiæ fit per illuminationem intellectus: & ideo nullus unquam per demones scientiam acquisivit. Unde Augustinus dicit in X. de Civit. Dei, Porphyrium fateri, theurgicis thetibus, id est operationibus demonum, animæ intellectuali nihil purgationis accedere, quod eam faciat idoneam ad videndum Deum suum, & perspicuenda ea quæ vera sunt, qualia sunt omnium scientiarum theomata. Possent tamen demones hominibus colloquentes exprimere aliqua scientiarum documenta. Sed hoc non queritur per artem notoriam. Hæc omnia, licet aliquantisper prolixè, transcribere placuit, quod ad plura utilia sint. Illudque potissimum observandum, quod demones, cum sint tenebrarum angeli, nequeunt illuminare intellectum: quoniam hæc illuminatio eo spectat, ut manifestet veritatem cum ordine ad Deum: omnis quippe veritas a Deo est: demonis autem propositum est homines a Deo seiungere, minime vero ad Deum adducere. Quare qui pactum cum demone ineunt ad scientiarum acquisitionem, ultra gravissimum superstitionis crimen, spe quoque sua defraudantur. Quod de Anabaptistis narratur, nempe illos, sumpto sacrilegæ cœnæ bolo, Scripturas edisserere; si verum hoc sit, dicendum, demone occupare illorum corpora, eorumque ore, & lingua, ut in arreptitiis, loqui. Idque adeo verum est, ut, hæresi illa abiurata, stupidi remaneant, & ignari, quemadmodum antea. Quod si retinerent scientiam, hæresi eiurata, eiusdem usus licitus esset; dummodo certum, compertumque foret a demone illius continuationem non pendere. Vanam ergo observantiam, seu artem notoriam illicitam esse, graveque superstitionis crimen, certum est, omnesque fatentur.

III. Quæst. II. Licita ne est sanitatum observantia? Resp. Tum dicitur sanitatum observantia fieri, cum instrumenta inepta, puta, caremoniæ, orationes, imagines astronomicæ adhibentur ad curandos morbos, deliniendos dolores, effluxum sanguinis impediendum, aliaque huiusmodi incommoda propulsanda. Siquidem eam

recensita, & id genus similia media nullam vim habeant ad tales effectus, neque a se, neque a divina institutione; consequens est a dæmone esse omnem effectum qui illorum usu produci solet. Intervenit ergo pactum aut, expressum, aut implicitum cum dæmone; atque adeo superstitionis crimen committitur. Superstitionis quoque rei, sunt qui brevia, involucria, amuleta, scriptas preces, reliquias cum certa fiducia, quod non sint absque confessione morituri, aut a sclopis, bombardisque lædendi, secum deferunt. Ratio est eadem, quia scilicet hæc signa nec a se; nec a Deo vim habent ullam ad eiusmodi effectus. Quod ad reliquias tamen pertinet, observandum cum D. Thoma 2. 2. quæst. xcv. art. 4. ad 3. quod si portentur ex fiducia Dei, & Sanctorum quorum sunt reliquie, non erit illicitum. Si autem circa hoc attendatur aliquid aliud vanum, puta quod vas esset triangulare, aut aliquid aliud huiusmodi, quod non pertineret ad reverentiam Dei, & Sanctorum, esset supersticiosum, & illicitum. Admonet præterea Angelicus, dum deferuntur imagines sacræ, aut paginæ in quibus exaratum sit Evangelium, cavendum esse primum, ne quidquam falsitatis contineant adversus sacram Scripturam; consuetudinem, traditionemque Ecclesiæ; deinde ne scriptum aliquid sit, quod ad dæmonum invocationem pertineat, aut nomina ignota, aut characteres, vel figuræ misceantur, signo crucis excepto. Verbo dicam, tum est licita reliquiarum, sacrarumque imaginum delatio, quando in solo Deo spes habetur, media etiam Sanctorum intercessione; sacrisque rebus honos, & reverentia exhibetur propter solam relationem ad Deum, & Sanctos; quacumque alia vana observatione conclusa.

IV. Superstitiosum est sacra verba proferre ad movendum annulum e filo pendentem: quoniam hæc verba nullam habent virtutem ad talem motum inferendum. Quare, si motus contingit, a dæmone est. Superstitionem quoque committunt qui ad collum suspensas gerunt *phylacteras*, seu *ligaturas* remedium, quæ suapte natura ineptæ sunt ad pellendas infirmitates: item si qui Sanctorum imagines in flumen proiciunt, & ibidem detinent, donec a Deo pluviam obtineant. Si plura cupis, legebis Delrium *Lib. III. Disq. magic. part. II. quæst. IV.*

V. Observantia futurorum eventuum est prædicio prosperæ, vel adversæ fortune ex signis proventus ineptis ad eiusmodi præciscenda: puta, si quis observet dies, tempora; hominum occursus, aliasque similia, quibus moveatur ad quidquam agendum, vel omittendum, tanquam insaufum. Labet nonnulla transcribere ex D. Augustino, qui *Lib. II. de doctr. christ.* susce recenset plurima superstitionis exempla. Mittam nunc ea quæ pertinent ad alias superstitionis species, & aliqua dumtaxat ex his quæ pertinent ad vanam observantiam, breviter exhibebo. Hæc ergo scribit Augustinus *cap. xx. & seq.* Ad hoc genus pertinent omnes etiam ligaturæ, atque remedia, quæ medicorum quoque disciplina condemnat. Hæc

in præcantationibus, sive in quibuldam notis, quas characteres vocant, sive in quibuldam rebus suspendendis, atque illigandis, vel etiam saltandis quodammodo, non ad temperationem corporum, sed ad quasdam significationes, aut occultas, aut etiam manifestas: quæ minore nomine Physicam vocant, [ut non quasi superstitione implicare, sed natura prodesse videantur; sicut sunt inaures in summo aurium singularum, aut de struthionum ossibus ansulae in digitis, aut cum tibi dicitur singultienti, ut dextera manu sinistrum pollicem teneas. His adiunguntur millia inanissimarum observationum, si membrum aliquod fuerit, si iunctim ambulantis amicus lapis, aut canis, aut puer medius intervenerit: atque illud quod lapidem calcant, tanquam diremptorem amicitiae, minus molestum est quam quod innocentem puerum colapho percutiunt, si pariter ambulantis incurrerit. Sed bellum est quod aliquando pueri vindicantur a canibus. Nam plerumque tam superstitioni sunt quidam, ut etiam canem qui medius intervenerit, ferire audeant non impune. Namque a vano remedio cito interdum ille percussorem suum ad verum medicum mittit. Hinc sunt etiam illa: limen calcare, cum ante domum suam transit: redire ad lectum, si quis, dum se calciat, sternutaverit: redire domum, si procedens offenderit: cum vestis a foricibus roditur, plus timere suspicionem futuri mali quam praesens damnum dolere. Unde illud eleganter dictum est Catonis, qui cum esset consultus a quodam, qui sibi a foricibus corollas caligas diceret: respondit, non esse illud monstrum, sed vere monstrum habendum fuisse, si forices a caligis roderentur." Plurima alia quæ ibidem prosequitur Augustinus, prætereo, eo quod ex rationibus quæ hæcenus allatae sunt, cuique compertum esse potest, quænam sint superstitionis damnanda, quæve ab eadem purganda.

C A P U T X.

De magia naturali, eiusque effectibus.

I. **M**agia generatim accepta *ars est mira quædam, & insolita operandi*. Tribuitur in species duas, naturalem nempe, & superstitionem. Naturalis est quæ naturalium causarum usu, & applicatione occulta, & mira operatur: superstitionis quæ demonis auxilio insolitos effectus producit.

II. *Quest. I. Est ne licita magia naturalis?* Resp. Sententia adfirmans communis est, & vera, quæ tum ratione, tum exemplis & sacra Scriptura, & historia profana petitis evinci potest. Magia siquidem naturalis Philosophia est, quæ causarum naturalium vim, & efficacitatem penetrans, earundem usu effectus edat quæ in-

insoliti, & miri videntur indoctis, ac imperitis, quibus causarum vires occultæ sunt. Hinc Philosophi, & sapientes *Magi* olim vocabantur. Genesis *cap. xxx.* legitur, hac arte usum fuisse Iacobum, qui virgas amygdalinas in canalibus aquæ defixit, ut ad easdem respicientes oves, maculatos fetus parerent. Narrant enim Auctores gravissimi, animal fervore libidinis percitum vîas imagines attrahere, fetuique imprimere. Huic apprehensioni in ferventi coitu conceptæ adscribi forte verius possunt maculæ illæ quæ in nonnullis etiam viris, ac feminis conspiciuntur. Hanc naturalem magiam didicisse Iacobum, dum scholas Melchisedech frequentabat, docet Tostatus in *cap. xxx. Gen.* Tobias quoque hac arte usus fuit, cum oculorum sanitatem patri restituit felle piscis. Qui plura hac de re cupit, legat ceteros inter Albertum Magnum *Lib. VIII. & Lib. XXIV.* Si tamen opus illud sit illius genuinus fetus.

III. Quæst. II. *Qua ratione & via magia naturalis a superstitione discerni valet?*

Resp. Fatentur omnes difficillimum esse internoscere, & distinguere, num effectus plures a naturali, vel superstitione causa proficiantur. Nam ad istorum effectuum distinctionem necessaria esset virium causarum naturalium comprehensio. Tria tamen præscribi signa solent. Primum est causæ cognitio, videlicet si inepta natura sua deprehendatur ad talem effectum pariendum. Porro tum causa potissimum inepta prorsus iddicatur ad effectum inducendum, cum patrator effectus in applicatione causæ adhibet ligaturas, characteres, verba apocrypha, nomina ignota; si tot ligamenta, & non plura, tot cruceæ, tot verba, & alia id genus similia adhibeantur. Tunc enim dæmonis arte effectus illos produci sentiendum est: quippe certum est prælatos characteres, ligaturas, tot & non pluribus vicibus repetitas, ac cetera quæ adhibentur; nulla vi pollere ad effectus eiusmodi producendos. Secundum signum est ex modo operandi, videlicet si hæc fiant in re valde distanti, si brevissimo temporis intervallo effectus causetur; ut si repente a gravi morbo animal, sive homo curetur: si longum iter plurium leucarum unius horæ quadrante conficiatur. Tertium colligitur ex effectus natura, quando nempe certo scitur, talem effectum humanas excedere vires, industriamque.

IV. Quæst. III. *Quando dubium est, procedat ne effectus a causa naturali, vel arte superstitione, quid præsumendum?* Resp. Salmanticenses *tract. xxi. cap. xi. punct. 9. num. 112.* contendunt præsumendum esse a causa naturali proficisci, eo quod dubia in meliorem partem sunt interpretanda: asseruntque auctoritatem D. Thomæ 2. 2. *quæst. lx. art. 4.* ubi quæstionem instituit, sint ne dubia in meliorem partem interpretanda; & hæc verba ex eodem transcribunt: *Ubi non apparent manifesta indicia de malitia alicuius, debemus eum ut bonum habere, in meliorem partem interpretando quod dubium est.* Doctrina hæc vera est; sed quæstiunculæ resolvendæ male, & contra expressam Angelici mentem applicatur. Alia quippe regula fer-

vanda est in interpretanda hominis mala, vel bona voluntate; alia in interpretatione dubiorum quæ occurrunt de rebus ipsis. Nemo præsumi malus debet, nisi probetur. Ideo quando dubitatur, sit ne bona, aut mala hominis voluntas, semper ad meliorem partem flectendum est iudicium. Quando vero dubitatur, sint ne veræ, aut falsæ propositiones, sint ne honestæ, an vitiosæ rerum naturæ; tunc id quod verum, & securius est, amplecti debemus. Audiamus Angelicum ipsum. *Affertur est indicare de rebus, & aliud de hominibus. In iudicio enim in quo de rebus indicamus, non attenditur bonum, vel malum ex parte ipsius rei de qua iudicamus, cui nihil nocet, omniterumque iudicamus de ipsa; sed attenditur ibi solum bonum indicantis, si vere iudicet; vel malum, si falso: quia verum est bonum intellectus, falsum autem est malum ipsius, ut dicitur in Pl. Erb. Et ideo unusquisque debet niti ad hoc quod de rebus iudicet, secundum quod sunt. Sed in iudicio quo iudicamus de hominibus, præcipue attenditur bonum, & malum ex parte eius de quo indicatur: qui hoc ipso honorabilis habetur quod bonus indicatur, & contemptibilis, si iudicaretur malus. Et ideo ad hoc potius tendere debemus in tali iudicio, quod bonum iudicemus bonum, nisi manifesta ratio in contrarium appareat.* 2. 2. quæst. ix. art. 4. ad 1. In quæstione ergo proposita distinctione opus est. Si dubium sit, animo ne superstitioso, & iniqua voluntate, an recta intentione homo operetur; dubium in meliorem partem erit interpretandum. Si vero dubitatur, superstitiosa ne sit; an naturalis effectus productio; tunc inquirenda veritas est, & id quod securius est, amplectendum iuxta doctrinam probabiliorum, & veram. Et in simili eventu iubendum est, quamdiu dubitatio persistit, ut homo ab eiusmodi abstinat actionibus. In dubiis enim tutiorem partem seligere debemus.

V. Adfirmamus & nos quod occultæ sint naturæ vires, & quod ex ignorantia naturæ efficacitatis ad plura, & insolita effecta producenda non raro homines tribuant arti magicæ superstitiosæ quosdam effectus qui vere a naturali causa procedunt. Sed tunc corrigenda est hominum ignorantia, consulendæque sunt naturæ vires, ac Doctorum placita; atque omnibus expertis, decidendum, quid arti, quid naturæ debeat acceptum referri. Quod si dubium super sit, tutius erit sine controversia eligendum. Ad dubia vero tollenda plurimum valet lectio Doctorum, potissimum D. Thomæ, qui hoc de argumento erudite, & sapienter de more disputat. D. Augustinus etiam mira naturæ portenta recenset. Nonnulla eius verbis perstringam: sic enim scribit *Lib. XIX. de Civ. Dei cap. xxiv.* „ Nam & hominum quorundam naturas novimus multum ceteris dispares, & ipsa raritate mirabiles, „ nonnulla, ut volunt, de corpore suo facientiam, quæ alii nullo modo possunt, & „ audita vix credunt. Sunt enim qui & aures movent, vel singulas, vel ambas simul. „ Sunt qui totam cæsamem, capite immoto, quantum capilli occupant, deponunt ad „ frontem, revocantque cum volunt. Sunt qui eorum quæ voraverunt incredibili-

ter plurima, & varia paululum præcordiis contræctatis, tamquam de sacculo, quod placuerit, integerimum proferunt. Quidam voces avium, pecorumque, & aliorum quorumlibet hominum sic imitantur, atque exprimunt, ut, nisi videantur, discerni omnino non possint. Nonnulli ab imo sine pudore ullo ita numerosos pro arbitrio sonitus edunt, ut ex illa etiam parte cantare videantur. Ipse sum expertus, sudare hominem solere, cum vellet. Notum est quosdam flere, cum volunt, atque ubertim lacrymas fundere. Iam illud multo est incredibilius, quod plerique fratres memoria recentissima experti sunt. Presbyter fuit quidam nomine Restitutus in parœcia Calamensis Ecclesiæ, qui quando ei placebat (rogabatur autem ut hoc faceret ab eis qui rem mirabilem coram se recipiebant) ad imitatas quasi lamentantis cuiuslibet hominis voces; ita se auferbat a sensibus, & lacebat simillimus mortuo, ut non solum vellicantes, atque pungentes minime sentiret, sed aliquando etiam igne ureretur admoto, sine ullo doloris sensu, nisi postmodum ex vulnere: non autem obnitendo, sed non sentiendo, non movere corpus eo probabatur, quod tamquam in defuncto nullus inveniebatur anhelitus: hominum tamen voces, si clarius loquerentur, tamquam de longinquo se audivisse postea referebat. Plurima hic, & alibi recenset Augustinus quæ occultis naturæ viribus, sicut arti supersticiosa tribuenda discernit. Non itaque dicimus sine maturo, gravique examine prævio reputanda esse supersticiosa naturæ portenta; sed solum astruimus, tutiorem partem esse eligendam, si post grave studium, & serium examen prudens dubium remaneat.

VI. Quæst. IV. *Quid dicendum de iis qui salutatores nuncupantur?* Resp. Eos vocant Theologi *salutatores* qui virtutem ostendant medendi pluribus morbis, ut rabiei, seu hydrophobiae, vulneribusque letalibus, signo crucis impresso, aut insufflatione, aut quorundam verborum prolatione, aliisque signis. Fusc illi disceptant, sit ne naturalis eiusmodi virtus, reperianturque reapse eiusmodi *salutatores* qui morbos curent. Quod reperiantur, vix revocant in dubium. Plinius *Lib. XXVIII. cap. 11.* ut refert Azorius, quæstionem hanc discuteit, resolvitque incertum esse, valeant ne incantamenta carminum ad medendum: & *cap. 1.* scribit, dente hominis vi interempti gingivas, & oculorum suffusiones felle hominis sanari. Porro *cap. 111.* narrat, fuisse in Africa Pillos, & in Italia Morfos, e quorum familiis qui ducebant originem, solo tactu, vel saliva curabant a serpentibus vulneratos. Subdit fuisse quemdam in dolium serpentibus plenum coniectum experimenti causa, & circumlucentibus linguis illatum penitus exiisse. Alios testatur repertos fuisse quorum sudor multis morbis expellendis efficax erat. Itaque contendit Azorius cum aliis, & reperiri eiusmodi *salutatores*, & eorum virtutem naturalem esse.

VII. Contra sentiunt alii, virtute dæmonis hæc omnia patrari: quia virtus naturalis haud valet momento temporis morbos curare, & tam mira producere; ne-

que eadem est respectu omnium ægrotorum, sed iuxta dispositiones varias infirmorum operatur. At neque a Deo est eiusmodi virtus, ut ex plurimis signis colligitur: siquidem *salutatores* isti ut plurimum homines sunt nequissimi, qui aliorum crumenis inhiant; tametsi sæpius veteratoria arte simulent, se gratis sua remedia offerre, ut hac liberalitatis larva facilius, & copiosius crumenas explerent.

VIII. Tertia sententia est, reperiri utique eiusmodi familias quarum viri sint præfata virtute præditi; istorum tamen virtutem gratiam esse a Deo gratis datam, minime naturalem. Primam partem ex eo evincunt quod Inquisitores, & Episcopi permittant eiusmodi *salutatores* artem suam exercere. Quod vero sanitatem non conferant vi aliqua naturali, inde colligunt, quia id ortum haberet vel ex qualitate temperamenti, vel ex hoc quod sint tales homines sub hoc, aut illo stellarum, astrorumque aspectu concepti. Hoc autem consistere nequit: siquidem omnes homines sub tali constellatione geniti simili essent virtute ornat. Nec enim una vel altera tantum familia in universo orbe sub hoc stellarum aspectu, & positura propagatur. Hac ratione omnes herbæ, omnes magnetes eiusdem speciei eadem plus, minusve vi pollent. Nulla ergo ratio suppetit cur dicamus hos *salutatores* naturali virtute præfatos morbos curare. Quod autem hæc virtus gratis a Deo quibusdam conferatur, probant auctoritate Scripturæ dicentis: *Alii datur gratia sanitarum in uno spiritu, alii operatio virtutum* &c. Nulla porro assignari potest ratio quæ suadeat, Deum non conferre aliquibus familiis virtutem, sin universalem, saltem peculiarem ad aliquos tantum morbos curandos.

IX. Quod Deus conferre hanc virtutem possit quibuscumque velit, nemo est qui ambigat; sed quod reapse conferat, & contulerit familiis quibusdam plurium sæculorum spatio, hoc est quod difficultatem ingerit. Nam nulla ratio, nulla origo istius divini privilegii, nullumque authenticum documentum affertur ab his qui hanc perennem virtutem defendunt. Unam ex his familiis in Umbria reperiri ferunt, cuius homines sola benedictione curare eos infirmos solent qui nervorum contractione, aliisque similibus morbis laborant. Quæ omnia mihi suspecta sunt. Siquidem ex nulla probata historia hæc privilegia familiis concessa leguntur. Quid quod nec integris familiis ant Prophetarum, aut Apostolorum, aut aliorum Sanctorum simile privilegium plurium sæculorum spatio concessum scimus; quemadmodum impertitum istorum *saluatorum* familiis contendunt recentiores isti Theologi? Quare nobis haud probatur Salmanticensium opinio, qua *trad. xxi. cap. xi. punct. 9. §. 2.* defendunt reperiri reapse eiusmodi *salutatores*, qui non virtute naturali, sed gratia gratis data a Deo morbos sanant. Eorum potissima, ac unica ratio est, quod Episcopi, & Inquisitores permittant hos homines libere suam exercere artem, illosque plures Theologi approbent. Quanti sit hæc ratio facienda,

da, ceteri iudicent. Quod nobis probabilius videtur, est, nullis familiis hanc virtutem sanandi recensitos morbos concessam esse. Privilegium a Deo Galliarum Regibus concessum curandi *strumas*, vulgo *scrofole*, probati historici narrant; ideoque creditur admittendum. D. Thomas *Lib. II. de reg. Princip. cap. xvi.* portenta quæ interdum Reges Francorum operati sunt, illos patrasse scribit vi sacræ unionis, qua tincti sunt. *Cuius*, inquit, *sanctitatis etiam argumentum assumimus ex gestis Francorum, & B. Remigii super Clodoveum Regum primum Christianum inter Reges Francorum, & delatione olei desuper per columbam, quo Rex præfatus fuit inmundus, & inunguntur posteri, signis, & portentis, ac variis curis apparentibus in eis ex unione prædicta.*

X. Plura signa produnt laudati Salmanticenses, alique Auctores communiter, quibus istorum *saluatorum* superstitio internosci queat. Nam & ipsi advertunt, severiore examine uti debere superiores, antequam eiusmodi officio defungi illos sinant. Superstitiosi porro existimandi sunt, si futura prædicant; si laminas ardentibus manibus attrahant illæsis; si solo anhelitu fornacem extinguant, aut tepescant; si stigmata impressa ostendant; si se eiusmodi *salvatores* agnoscere, quin illos umquam viderint, effutiant; si in conspectu alterius *salvatoris* sanare se morbos non posse asserant; si artem hanc se ab aliis didicisse affirmant; vel addant, se eadem pollere, quod sint septimi filii ex masculis natis, immediate nullo femineo partu interposito; denique si definitis verbis, secus aliis, mæderi se morbis posse asserant. Hæc & alia signa exhiberi solent ad dignoscendam istorum *salvatorum* superstitionem. A Deo ergo Christiani fideles sanitatem petant, sanctorumque virorum intercessionem implorent, missis istis præstigiatoribus; qui, ut mea præferti opinio, si quid operantur insolitum, aut dæmonis ope id præstant; aut id fortuito, & naturali vi interdum accidit.

XI. Quæst. V. *Licitus ne reputari ensalmus debet?* Resp. *Ensalmus* oratio precatoria est ex sacris verbis compacta ad morbos pellendos: & quia ut plurimum ex psalmorum verbis componitur, *ensalmus* oratio isthæc nuncupatur. Duplex ensalmi genus Theologi distinguunt. Alterum est *invocativum*, cum scilicet preces Deo funduntur ad implorandam divinam misericordiam, quia a nobis, vel a proximo removere Deus dignetur morbos, aliave temporalia damna; ita tamen ut his precibus præ aliis certo & infallibiliter non fidamus, sed tota fiducia nostra in divina bonitate sita sit. Alterum est precatio ex certis, definitisque verbis, quibus infallibilis tribuitur vis morbos sanandi: & *ensalmus* hic appellatur *confiliativus*. *Ensalmus* primi generis licitus est, honestusque, sive publica, sive privata sit auctoritate confectus: nihil enim in eo est quod reprobari iure valeat. Siquidem non licitum modo, verum etiam sanctum est, a Deo infirmitatum, dolorumque sanitatem, & alia temporalia bona, prout ducunt ad æterna, petere. Quod enim preces subcer-

certa verborum formula componentur, nihil mali occurrit; dummodo talis ordinatio-
ni, & formulæ nulla efficacia ad effectum obtinendum tribuatur. Alterius generis
ensalmus illicitus est, & superstitiosus: quoniam nullis verbis (sacramentalibus ex-
ceptis) contulit Deus infallibilem virtutem producendi effectum aliquem. Nec ta-
lis virtus inest naturaliter iisdem verbis. Restat ergo quod *ensalmatores*, eiusmodi
sacra verba pronuntiantes, pactum expressum, aut tacitum cum dæmone ha-
beant. Nam eo ipso superstitionis rei sunt *ensalmatores*, quod certo credant tali-
bus verbis inesse aliquam certam sanandi virtutem; vel quod sit eisdem talis vir-
tus a Deo communicata. Promisit utique Deus ministris Ecclesiæ, quod dæmonia
eiiciant, linguis loquentur novis, serpentes tollent, quod super ægros manus im-
ponent, & bene habebunt; at non hoc in sensu, quod definitæ cuidam verborum
prolationi, ut sit ab *ensalmatoribus*, hominibus vasis, & nequissimis, annexa sit
certa sanandi virtus; sed quatenus ipse pro suæ voluntatis consilio eorum petitio-
nes quandoque exaudiet, & quandoque non exaudiet. Hæc omnia communia sunt
penes Theologos. Lege D. Thomam 2. 2. *quest.* xcvi. art. 2. & 4.

XII. *Quæst.* VI. *Datur ne virtus naturalis qua aliquis valeat solo aspectu fascina-
re?* Resp. Fascinatio est veluti prava quædam qualitas oculis infusa, & orta ex
maligna quapiam affectione animæ intuentis. Dividitur a Theologis in *vulgarem*,
quæ ex vulgi opinione proficiscitur, cum scilicet vulgus credit posse homines sola
visione invido animo concepta fascinare debiles infantes: & in *physicam*, seu *na-
turalem*, quæ oritur ex vehementi imaginatione, quam consequuntur humores
putridi, corporisque alteratio: hinc oculi ita inquinati effluviis emittunt ve-
neficos inficientes personas visas, si sint teneræ ætatis, debilisque complexio-
nis: & in *diabolicam*, quæ pacto expresso, aut tacito dæmonis solo visu damnum
infert.

XIII. Super propostâ quæstione in utramque partem Theologi disputant. Qui
adfirmant id naturaliter posse fieri, plura exempla produnt & basilisci solo visu
homines occidentis; & hominum plurium qui, teste Plinio, eadem vi præditi
suerunt, nempe fascinandi sola visione; & mulierum menstruarum, quæ specu-
lum aspicientes illud guttis sanguineis maculant. Qui negant posse virtute natu-
rali eiusmodi effectus produci, probant ex eo quod visio, utpote actus immanens,
impotens sit ad producendum effectum exteriorem.

XIV. Sententia communior, & probabilior est, dari reapse hanc naturalem vir-
tutem, non quod visio ipsa personæ videntis alios inficiat; sed quia ex oculis, cete-
risque corporis membris effluvia venefica exire possunt, quæ partes viciniore aeris
imbuendo valeant corporibus propinquis nocumentum inferre. Audiamus quid hac de re
scribat Angelicus I. Part. *quæst.* cxvii. art. 3. ad 2. *Dicendum*, *quod fascinationis
causam assignavit Avicenna ex hoc quod materia corporalis mata est obedire spirituali
sub-*

substantiæ magis quam contrariis agentibus in natura. Et ideo quando anima fuerit fortis in sua imaginatione, corporalis materia immutatur secundum eam. Et hanc dicit esse causam oculi fascinantis. Sed supra ostensum est quod materia corporalis non obedit substantiæ spiritali ad nutum, nisi soli Creatori. Et ideo melius dicendum est, quod ex forti imaginatione anima immutatur spiritus corporis coniuncti: quæ quidem immutatio spirituum maxime fit in oculis, ad quos subtiliores spiritus perveniunt. Oculi autem insciant aerem continuum usque ad determinatum spatium: per quem modum specula, si fuerint nova, & pura, contrahunt quamdam impuritatem ex aspectu mulieris menstruæ, ut Aristoteles dicit in Lib. de som. & vig. Sic igitur cum aliqua anima fuerit vehementer commota ad malitiam, sicut maxime in vetulis contingit, efficitur secundum modum prædictum aspectus eius venenosus, & noxius, maxime pueris, qui habent corpus tenerum, & de facili receptivum impressionis. Possibile est etiam quod ex Dei permissione, vel etiam ex aliquo pacto occulto cooperetur ad hoc malignitas dæmonum, cum quibus vetule sortilegæ aliquod fædus habent.

XV. Hinc sequitur fascinationem vulgarem superstitionem esse. Sola quippe visio nequit exteriorem effectum producere. Quin, licet fascinatio naturalis contingere possit, ut ex D. Thomæ dictum est, hanc tamen quam maxime raram credimus. In animalibus venenum reperitur: & ideo facile spiritus, seu effluvia inquinata ex illis egredi possunt, & propinqua corpora inficere. In hominibus, ac etiam seminis venenum non extat: nec facile est quod ex commotione, & invideo animo humores corporis ita corrumpantur, atque depraventur, ut ex oculis, ore, naribusque exeant, & visas personas insciant. Possibilitatem non negamus; sed quod reapse hoc eveniat, saltem frequenter, falsum reputamus. Ideo fascinationes, si quæ contingunt, arte dæmonis fieri communiter arbitramur. Superstitionis quoque res sunt feminæ illæ quæ puerorum collo appendant ascillas, aliave signa adversus fascinationes. Superstitiosum itidem est offerre seminis vetulis pueros fascinosos, ut illarum benedictione liberi evadant. Mos iste pravus ex paganorum superstitione originem traxit, in quem declamat Patriarcha Chrysothomus homil. viii. in Epist. ad Colossenses. *Cruce Christi debonestatur, Elementorum superstitionis characteres præferuntur. Christus eiicitur, & inducitur temulentia, & nugatrix anus. Mysterium nostrum conculcatur, & seductio diaboli tripudiat.*

CAPUT XI.

De magia superstitiosa, seu de maleficio.

I. **D** Ari maleficia, Scriptura sacra *Matth. vii.* & *Marc. ix.* & alibi passim, & Doctores omnes testantur. Porro maleficium est magia quæ dæmonis arte damnum infert. Duplex est maleficium, *veneficum*, & *amatorium*: illud ad nocendum hominibus, brutis, & plantis adhibetur; hoc vero malefici utuntur ad concitandum amorem carnalem, vel odium eorum quos amare debemus. Veneficum maleficium interdum fit iniectione pulvere in cibum, aut potum, aut super vestes asperso. Iuxta varium huius pulveris colorem diversæ inducuntur infirmitates. Si pulveres fuerint rufi, aut cinericii, morbus contrahitur; si fiterint atrii, mors evenit. Hæc tamen morborum, & mortis diversitas, non ex colorum diversitate, sed ex dæmonis iniquitate oritur. Varii colores signa sunt, ad quorum positionem dæmones effectus operantur. Malefici interdum utuntur venenis, quibus naturaliter nocumtum inferre valeant. Innumeræ sunt viæ quibus malefici nocere hominibus possunt, quas videre poteris apud Sprenger in *Mallo Malef. Tom. I. P. II.* Delirium *Lib. III.* pluresque alios. Nolim tamen ut omnibus quæ narrant, fidem adhibeas. Maleficium *amatorium*, quod *phitrum* etiam græce appellant, duobus modis executioni mandari consuevit. Primus modus est, dum aliqua comedenda, aut potanda porriguntur, quæ suapte natura ad venerem stimulare solent. Nullus autem cibus, vel potus, quin nec dæmones ipsi concitare determinate amorem valent, voluntatemque inflammare; sed tantum corpus calefacere, & humores commovere, sensus immutare, ac illas personas sensibus obicere, earumque qualitates repræsentare quæ amorem ciere aptæ sunt. Secundo modo hæc amatoria maleficia confici solent sacrosanctis nostræ religionis sacramentis, ut oleo, & hostia consecratis, thure, & aqua lustrali benedictis. Nec semper eiusmodi maleficia comedenda, aut bibenda maleficiendis exhibentur; sed extrinsecus aut vestibus alligantur, aut sub lecto, in quo iacere, vel sub limine ostii, vel alio in loco, per quem persona quæ maleficio infici tentatur, transire debet, absconduntur. Artificia quibus utebantur mulieres Babylonice ad concitandam virorum concupiscentiam describit Propheta Baruch cap. vi. *Mulieres circumdatæ funibus in viis sedent, succedentes ossa olivarum. Cum aliqua ex ipsis attrita ab aliquo transeunte, dormierit cum eo, proxime sua exprobrat, quod ea non sit digna habita, sicut ipsa, neque funis eius disruptus sit. Omnia autem quæ illis sunt, falsa sunt.* Hæc, & similia præstigia nequeunt ullo modo commovere voluntatem; sed signa sunt, ad quorum positionem dæmones concupiscentiam hominum accendunt.

II. Ad eiusmodi maleficia expellenda sancta mater Ecclesia proponit novissimum meditationem, iugis ad Deum, & B. Virginem preces, sacramentorum frequentiam, ieiunia, cilicia, flagella, elemosynas, atque assiduas corporis macerationes, humilitatem spiritus, & id genus pia opera. Item fuga occasionum, maxime puellarum, & mulierum, quæ vere sunt impudici amoris incitamenta, seu incantamenta. Remedia quæ Philosophi contra hunc impudicum amorem maleficio accensum proponere solent, vana sunt, & superstitionis plena: Herba promethea, lupi virga, rubeta in corio pecoris alligata, hirci urina, & alia, de quibus Plinius *Lib. XXVIII. cap. xxxviii. & seq.* superstitiosa sunt; sicut alia per multa quæ congerunt, ut sterco amictus mulieris in calces inclusum: quod fortissimum remedium amentes dumtaxat, & stupidi adhibere valent. Addunt tamen communiter Theologi, præter sacra remedia quæ Ecclesia in suis ritualibus præscribit contra quæcumque maleficia (quorum, præter recensita, potissima sunt viva in Christum fides, Crucis signum, Beatissimæ Virginis, Sanctorumque invocatio) licitum quoque esse, atque utilem naturalium remediorum usum: non quod naturalia remedia in dæmones auctores maleficiorum agere valeant; sed quatenus sedare humores noxios queunt, & compescere, illosque expellere; ut ex sacra Scriptura colligitur. Nam David suavi sonitu lætificabat Saul, a quo spiritus malus recedebat: & Tobias fumo iecoris Asmodæum expulit. Plures quoque herbas, ut salviam, rutam, herbenam, aliasque prodesse ad maleficia propulsanda, prout pravos humores expellunt, aut corrigunt, purgantque, docent Plinius, Galenus, Aristoteles, & communiter medici.

III. Quæst. I. *Licet ne maleficium alio maleficio curare?* Resp. Non desuere qui docuerint, licitum esse petere dissolutionem maleficii a maleficis qui ad id præstandum parati sint; quemadmodum, necessitate cogente; licet petere ab usurario pecunias sub usura, a Sacerdote in mortali existente sacramenta; Verum communis & sana sententia negat licitum esse petere dissolutionem maleficii a maleficis; quantumvis paratis ad id præstandum. Ratio evidens est. Quoniam, sicut maleficium ope dæmonis peractum est, ita & dæmonis expressa, aut tacita invocatione tollitur. At invocatio dæmonis natura sua mala est. Ergo semper illicita; & superstitiosa. Mala enim quæ genere suo mala sunt, quæque nulla ratione a malitia purgari valent, nunquam facienda sunt, ut bona eveniant, dicit Apostolus ad Rom. xxi. Hinc Deus Levit. xix. iubet: *Non declinetis ad magos, neque ab variolis aliquid sciscitemini, ut polluamini per eos.* Adversus eos qui tantum sceleris perpetraverint, prænam constituit ibidem cap. xx. vers. 6. *Anima qua declinaverit ad magos, & variolos, & fornicata fuerit cum eis, ponam faciem meam contra eam, & interficiam illam de medio populi sui.* Nomine fornicationis Scriptura intelligit commercium, communionemque mutuum cum magis.

IV. Hæc omnia clara sunt, fufusque explicari haud indigent. Rationes quæ opponuntur, nullius sunt momenti. Nam licitum est sacramenta petere a Sacerdote sacrilego, & pecunias ab usurario: quia & sacramenta administrare, & pecunias mutuo conferre licitum, honestum, & sanctum natura sua est, atque ex sola hominis nequitia utrumque reddi potest flagitiosum. Postulatur utique quod ex sui indole honestum, quod sanctum est, quod valet sine culpa præstari; crimen autem & scelus omnino est præter intentionem petentis, & ab alterius nequiter operantis malitia solum procedit. Quod autem subdunt licitum esse petere a dæmone ut desistat a maleficio, sicut exorcistæ faciunt; & quod a dæmone non poscitur effectus positivus pravus, sed destructio maleficii, quæ suapte natura bona est: hæc & similia sophismata sunt. Quoniam quæcumque communicatio cum dæmone illicita est. Cum dæmone communicatur, & ut superior suspicitur; dum ab eo postulatur ut a maleficio desistat. Exorcistæ imperant divina virtute, suæque dignitati, & potestati illum subiiciunt; quod licitum est. Dum vero petis ut desistat a maleficio, illius opem imploras, eidemque te subicis; quod iniquum est. destructio maleficii bona est licito medio obtenta; secus medio illicito; & superstitioso peracta. Quare destructio maleficii medio exorcismo præstata bona est; iniqua vero alio maleficio parata. Nec dicas, te non subici dæmoni, quin illum cogere ut maleficium tollat. Quoniam aut id præstas auctoritate Ecclesiæ, vel privata. Si auctoritate Ecclesiæ, & Dei eum cogis, licitum est; ad hoc tamen, ut tali auctoritate præditus sis oportet. Si auctoritate propria id efficis, hoc ipsum argumento est, pactum quodpiam tacitum ibi adesse. Si tamen in Christum fide, & spe dæmonem obiurgares, ut a damno inferendo desisteret, haud esses superstitionis reus. Illicitum quoque est inducere maleficos, ut benedictione maleficia tollant: quia malefici hac benedictione abutuntur, tamquam signo, quo posito dæmon promittit se a maleficio cessaturum, aut illud ablaturum. Remedijs ergo dumtaxat ab Ecclesiâ præscriptis utendum est ad maleficia propulsanda. Illicitum denique est tollere maleficia alijs ritibus vanis: quia ritus vani inepti sunt ad inducendum effectum: & si forte inducunt, dæmonis auxilium intervenit.

V. Quæst. II. *Licitum ne est petere a malefico ut maleficium auferat, cum tibi constet illum posse medijs licitis eiusmodi maleficium tollere?* Resp. Convenit penes Theologos, licitum esse cogere maleficos ut tollant maleficia medijs licito, dum certo constet illos in promptu habere eiusmodi licita media: quia tunc non adhibentur malefici, quatenus malefici sunt, sed ut periti in arte bona ad bonum opus præstandum. Quemadmodum contra omnes asserunt te illicitè petere maleficii dissolutionem, si incertus sis, vel dubites, utrum maleficus sciat medium licitum, quo auferre maleficium queat: quia tunc indifferens est ut medio licito, vel illicito tol-

tollat maleficium. Et hac ratione illicitum idem est petere dissolutionem malefici non ab eo qui illud peregit, sed ab alio mago, qui tum maleficiam, tum signa eiusdem ignorat: quia tunc magus non potest nisi alio maleficio prius maleficium agnoscere; utque adeo poteras ut novo maleficio maleficium tolleretur. Neque tandem licitum est permittere ut magus medicinam vanam, & superstitionem applicet maleficiato.

VI. Ad propositam quæstionem respondet Caietanus *Tom. II. opusc. tract. xii. de malef. quæst. 1.* illicitum esse petere a malefico dissolutionem malefici: quia tunc petitur talis dissolutio a malefico ut malefico, sicut quando postulatur opus artis ab artifice. Porro maleficus, ut talis, minister diaboli est, cuius invocatio semper illicita est.

VII. Contraria sententia communis est, & mihi verior videtur. Quoniam falsum est quod Caietanus pro ratione suæ sententiæ prodit, videlicet in proposita quæstione peti a malefico ut malefico dissolutionem malefici. Quin oppositum loco principii constituitur. Querimus enim, an licitum sit a malefico petere dissolutionem malefici in casu quo ille sciat, habeatque in promptu medium licitum ad hunc effectum. Si enim vel dubitatio occurrat, maleficum medio licito carere, tunc fateamur omnes illicitam esse petitionem. Quando ergo nobis constat seipse maleficum habere licita media quibus fascinationem tollere valeat, quid nos prohibet ab eodem petere ut a malefico liberet licito medio maleficiatum? Patet enim nos tunc non uti malefico ut malefico, sed ut homine habente, & cognoscente licita media ad optimi effectum, qualis est sanitas maleficiati. Profecto hac ratione dicimus, licitum esse petere pecunias ab usurario, quia licite eas numerare potest; & sacramenta a Sacerdote sacrilego, quia sancte valent sacramentorum administratione perfungi; quamvis aliunde sciamus neque usurarium mutuo daturum pecunias absque usura, neque Sacerdotem administraturum sacramenta sine peccato. Cur hoc, nisi quia malitia tota in pravam feneratoris, vel Sacerdotis voluntatem refunditur? Idem ergo prorsus & de malefico in casu nostro asserendum: cuius peccatum novi malefici totum refundendum esset in solam eius malitiam; cum necessarias actiones ad prius maleficium tollendum licite posset exercere, si vellet. Neque vero peccatum proximi, quod unico ex illius pervicaci malitia, non ex imbecillitate oritur, urgente necessitate propriæ sanitatis, evitare tenemur. Christus ipse nos docuit, scandalum Phariseorum contemnendum esse. Id dumtaxat negotium facessit hac in re, quod certo sciamus maleficum habere licitum remedium, quo dissolvat maleficium; sicut certo scimus & usurarium posse licite mutuo pecunias dare, & infidelem sancte iurare. Neque enim fides adhibenda est malefico testanti se eiusmodi habere remedia: quia nulla isti digni fide sunt. Ex certis ergo documentis nobis constare debet,

ma-

maleficum agnoscere licita remedia, quibus tollat maleficium. Et quia vix umquam nobis id constat; ideo numquam permetterem ut quis a malefico peteret maleficii dissolutionem. Sed si maleficus testaretur se hæc habere remedia, iuberem ut mihi, vel alteri eadem manifestaret, ut absque illius ope probus homo posset iis remediis uti, illaque applicare. Alioquin nullam malefico fidem præberem, si renueret hæc manifestare innoxia remedia alteri homini probo, qui ea adhibens tollere maleficium posset.

VIII. Quæst. III. *Licet ne maleficii signa destruere?* Resp. Sententia communis, & vera adfirmat. Hoc clare colligitur ex Scriptura *Deut. vii.* ubi præcipitur, idolorum simulacra, templa, & aras destrui, lucosque succendi. Porro hæc signa sunt, & monumenta superstitionis, ac veluti diabolicæ magiæ. Eadem ergo ratione destruere signa, & instrumenta maleficiorum licitum erit. Neque dici potest, hanc signorum remotionem pactum cum dæmone, aut invocationem eius, seu aliquam cum ipso communicationem includere: quin eiusmodi signorum destructio infringit pactum, & quodcumque cum dæmone fœdus. Ad hunc enim finem destruuntur signa, nempe ligaturæ, chartæ, capilli, & cetera eiusmodi, ut pactum quodlibet cum dæmone initum infringatur. Quare hæc signorum destructio non est effectus artis maleficæ, seu malefici, ut malefici; sed hominis restituentis maleficiato sanitatem. Omnes ergo qui eiusmodi signa agnoscunt, possunt, & debent eadem amovere, & destruere. Malefici ad id tenentur ex iustitia, nedum ex caritate; ceteri vero ex caritate, qua adstringuntur omnes damna a proximo removere. Nec hanc destructionem impedire iure potest damnum, si quod inde malefico accideret: quia damnum hoc est, præter intentionem dissolventis maleficium; sibi-que maleficus imputare debet, si ex pacto cum dæmone aliquod subit damnum. Hæc omnia communia sunt, plurimosque pro hac sententia laudant Theologos PP. Salmanticenses *trac. 11. cap. xi. punct. 10. §. 3. num. 158.*

IX. Contraria sententia tribuitur Ioanni Hesselio Lovaniensi, qui contendit illicitam hanc esse destructionem, eo quod autumat in maleficio duplex iniri pactum cum dæmone, alterum nocendi signo posito; alterum desistendi a nocumento eodem remoto signo. Hoc autem absolute verum non est. Sed admissio etiam hoc duplici pacto, non inde sequitur quod illicita evadat maleficii destructio. Nam si dissolutio maleficii fiat ab homine non malefico, tunc nulla potest esse suspicio pacti cum dæmone: quia hæc signa non destruit, opem dæmonis implorando; sed illum potius fugando, eiusque instrumenta amovendo, ut ab inferendo damno desistat. Si vero maleficus ipse hæc signa destruat, id præstare valet, quin dæmonis auxilium poscat; sed potius fœdus initum infringens, eiusque pernicens, nullam in posterum se cum dæmone communicationem habere velle ostendet. Næc qui hæc signa destruit, a dæmone sanitatem, seu beneficium quodpiam pos-

fulat; sed signum destruendo, illum compellit ut a nocendo desistat. Si plura cupis, lege Delrium *Lib. VI. cap. 11.*

X. Quæst. IV. *Maleficus qui dæmoni chirographum proprio sanguine subscriptum tradidit, debet ne illud redimere, ut veram peragere pœnitentiam valeat?* Resp. Eo impietatis maleficorum plures prolabantur, ut Deo, sacramentis, ceterisque christianæ religionis mysteriis nuntium remittant; atque ut firmius sese dæmonis servituti mancipient, mutuum sœdus ineunt, scriptumque proprio sanguine obfirmant; quod postea dæmoni custodiendum tradunt, tamquam promissæ fidelitatis obsidem. Vulgaris obtinet error, haud posse maleficum sinceram agere pœnitentiam, nisi curet ut dæmon scriptionem hanc sibi restituat: quæ persuasio falsa, & erronea est. Nullum quippe peccatum est cuius pœnitere nequeat impius, si velit, Dei gratia adiuvante. Porro, ut ipsum vere pœniteat, satis est ut is toto corde peccatum perpetratum detestetur, dæmoni renuntiet, Deo se subiiciat, eiusque servet mandata. Si maleficus signum quodpiam penes se a dæmone sibi datum haberet, illud comburere deberet protinus in argumentum fracti sœderis, & futuræ inimicitiae. Possent tamen malefici uti cognitione, & pecuniis dæmonis arte comparatis, aliisque rebus, quarum conservatio, & usus a dæmone nullo modo penderet: quia, licet acquisitio vitiosa fuerit, sublata tamen per pœnitentiam culpa, usus licitus esse valeret, ut communiter Theologi docent. Advertunt tamen, frequentissime accidere divitias ope dæmonis acquisitas falsas esse, atque illusorias. Et tunc talibus uti superstitio, & iniustitia foret. Item si pecuniæ a dæmone collatæ furto comparatæ essent, illicite retinerentur. Addo ego, licere utique sanitatem, cognitionemque aliquam dæmonis arte acquisitam retinere: quia hæc abiici nequeunt. Quapropter, peccato severa pœnitentia deleta, usus earumdem licitus erit. Neque enim quis sanus ope alicuius malefici factus, sponte ægrotare teneatur, & in pristinam infirmitatem se se coniicere. Notitiam quoque quam acquisivit aliquis, e mente haud potest delere. Ea dumtaxat, non ad vana, aut curiosa scrutanda, sed ad honestum finem uti debet. Quod ad pecunias attinet arte dæmonis conquistatas, sive veræ pecuniæ, sive adulteratæ sint, illas proiciendas omnino censeo. Si rationem quæris, forte illam evidentem exhibere ignoro. Nec enim me latet, plura illicite parta retineri posse, ut de stipendio scortatione comparato dici solet. Verum intimus christianæ professionis, ut ita dicam, sensus istarum divitiarum contemtionem, proiectionemque iubere videtur. Si enim divitias quasque contemnere Dominus docet; si D. Petrus Simonem magum offerentem pecuniam increpuit, dicens: *Pecunia tua tecum sit in perditionem: Að. vii. 11.* vers. 20. ut mea præfert opinio, pecunias quasque pœnitens maleficus proicere debet. At, inquis, nonne vitium est veras pecunias prodigere, cum optimo usui deservire valeant? Hoc solum evincit quod eiusmodi pecuniarum possint probo viro

tradi in aliquem pium usum infundendæ, quod improbare non audeo, minime vero quod debeant a malefico retineri, ut eisdem daretur.

C A P U T XII.

De lamiis, sagis, & strigibus.

T Ribus nominibus appellari mulieres maleficæ, seu superstitiosam magiam exercentes, solent. *Lamie* nuncupantur obquamdam analogiam cum *lamia*, quæ animal monstrosus est, muliebrem præferens vultum, ubera prodens, & toto speciosum corpore, quo allicit homines ad eos devorandos, & pueros iugulat, quorum sanguine delectatur. Et quoniam maleficæ mulieres crudeles sunt, puerorumque sanguinem sugunt, ideo lamiis comparantur ab ipsomet Hieremia Thren. iv. *Sed & lamie nudaverunt mammam, laceraverunt catulos suos. Filia populi mei crudelis, quasi struthio in deserto.* A sagacitate, & vafricitia *saga* dicuntur, sive, ut Marcus Tullius ait, a sagiendo; quatenus futurarum, occultarumque rerum præsentionem anhelantes, dæmonis artem postulant, ut id assequi valeant. *Striges* vocantur a strige avicula, quæ noctu stridendo volitat, & puerorum corpora aggreditur, sanguinemque exsugit. Quod & præstant striges mulieres, quæ noctu potissimum sua arripiunt itinera, & infantum corporibus insidiantur. Dicuntur etiam *veneficæ*, eo quod maleficiis utantur, sintque toto humano generi noxiæ. Siquidem hæ spurcissimæ dæmonum pellices & concubinæ corpora, animasque diabolo devovent: sacramenta religionis, & mytheria eiurant, sacras imagines, Crucifixi effigiem, cruces sœdant, concerpunt, conculcant: sanctissima Dei, & B. Virginis nomina omnibus contumeliis conscindunt: sacram hostiam diabolo intra vilissima vasa urina persusam sacrificant. Necatorum infantium longis acubus transfixa cadavera domos asportant, intra ollas elixant, decoquant usque ad artuum dissolutionem, & ebullire sinunt, quoad concreta fuerint in crassum quandam humorem: ex hoc humore duplicem secernunt succum, alterum dilutum, quem potant, & quo diabolo solemniter sacramento se mancipant: altero pinguiore in vase quodam servato corpora propria noctu obliniunt, quando ad conventicula celebranda cum dæmone accedere statim temporibus debent, ut omnium vitiorum, libidinumque colluvionem exercent.

II. Quæst. I. *Cur femina præ viris maleficiis sint dedita?* Resp. Plures assignant Theologi rationes. Et primum mulieres proniores sunt ad credendum; ideo facilius quam viri a dæmone decipiuntur. Deinde curiositatis vitio laborant, ardentque desiderio futura, & occulta agnoscendi; idcirco facillime credunt illis qui futura prædicunt, & abscondita referant, dæmonisque opem, ut eadem sciant, im-

plo-

plorant. Indolis etiam, naturæque flexibilis sunt, atque facile impressiones recipiunt, & revelationes. Impotenti rursus ira abripiuntur mulieres, testante Scriptura, non esse iram super iram mulieris; & cum viribus ad vindictam delituantur, dæmonum auxilium poscunt. Libidinis quoque æstu præ viris ardent semel vitiatæ ob maiorem humiditatem. Ut hanc veneris effrenem passionem expleant abunde, nocturnis dæmonum complexibus vacant. Denique tum intellectu, tum voluntate imbecilliores sunt, & deceptioni magis obnoxie; ideo frequentius mulieribus dæmon apparet, & cum eisdem facilius fœdera init. Hinc colliges, quam verum sit Ecclesiastici oraculum cap. xxv. *Brevis omnis malitia super malitiam mulieris.* At simul perpende, quanta hominum sit stultitia, dum fasces, animumque mulierculis istis submitunt, illarum imperio parent, illis diu noctuque inserviunt, illarumque mancipia evadunt miserrima; ut tandem ex earum commercio & corpora peste inficiantur, & animus præstigiis fascinetur.

III. Quæst. II. *Cur vetula præ iunioribus feminis præstigiis, maleficiisque dent operam?* Resp. Duplex assignant Auctores rationem. Altera est, quod amissæ iuventutis florem ægre ferentes, odio in adolescentiam, ac iuventutem summo rapiantur: unde, ut iuvenibus noceant, ad dæmonem recurrunt. Altera est, quod puerorum sanguinem ad longiorem vitam ducendam, dæmonis suggestionem, credant idoneum.

IV. Quæst. III. *Cur Deus permittat ut lamie, seu striges infantibus, & iuventibus potius quam adultis noceant?* Resp. Solidam rationem huiusce rei assignari non posse, Auctores omnes fatentur. Quæ enim ratio eorum quæ a Dei voluntate pendent, esse in medium potest? Id dumtaxat certo scimus, Deum in maiorem fidei confirmationem, ad bonorum probationem, ut homines a peccatis absterreantur, hæc omnia disponere. Aliqui dicunt in pœnam, aut probationem parentum id Deum permittere. Alii id evenire asserunt ob imbecillitatem puerorum, qui resistere nequeunt. Alii denique subdunt, striges infantibus insidiari, quia ex illorum corporum abscessis membris, pedibus, manibusque unguentum conficiunt, lquo delibutæ ad dæmonum conventicula, & convivia accedunt, seu accedere imaginantur.

V. Quæst. IV. *Transferuntur ne reapse striges de loco ad locum; an vero phantastica tantum illusione motus iste contingit?* Resp. Catholici omnes docent, hunc transtrum fieri posse: quoniam translatio isthæc dæmonis vires non excedit, ut pluribus exemplis constat. Nam dæmon reapse transtulit Christum Dominum supra pinnaculum templi, ut communiter Patres docent, teste D. Thoma III. *Part. quæst. xli. art. 4.* Simonem quoque magum in aera translatus legimus, divique Petri oratione delapsus in terram. Quod clarius elucet in Angelis bonis: siquidem Propheta Daniel cap. xiv. inquit: *Angelus Domini apprehendit Habacuc in lu-*

daa in vertice eius, & portavit eum capillo capitis sui, posuitque eum in Babylonē supra lacum in impetu spiritus sui. Et D. Lucas in Act. cap. viii. *Spiritus Domini rapuit Philippum, & amplius non vidit eum Eunuchus. Ibat autem per viam suam gaudens. Philippus autem inventus est in Azoto.* Porro Angeli mali nihil naturalium virium deperdiderunt ob culpam. Quare hoc in ordine id totum valent quod boni possunt efficere. Nulla ergo de hac possibili translatione sagarum quæstio est. Factum ipsum disputatio spectat. Sunt nonnulli saperdæ, qui, nulla præmissa facti & possibilitatis distinctione, adversus factum, tamquam omnino impossibile, vocem exaltant. Omnes eiusmodi translationes, quas Auctores ceu veras narrant, fabularum loco habent, nulla ratione adiecta, præter aliorum quorundam Scriptorum auctoritatem, qui oppositum testantur. Sed cur istis, secus illis, fides adhibenda? In inquisitores, in iudices crocitant: eosdem inscitæ, crudelitatis, ne dicam stultitiæ, arguunt, quod sæpe striges severe punierint: ac si ob solas istiusmodi translationes, secus ob apostasiam a fide, ob adorationem dæmoni oblatam plecti illæ possent. Hæc dicta obiter sint, non quod omnes eiusmodi qui narrantur transitus veros reputem; quin frequenter meras esse illusiones assero: sed ut nonnullorum inscitiam, & audaciam coerceam, qui incredibili temeritate in graviores Theologos censoriam virgam extendunt; quamvis Theologiam nec extremis labiis degustaverint. Sed his missis, quod iampridem Caietanus 2. 2. *quæst. xcvi. art. 3.* cum aliis docet, referre lubet, ut discant novi homines, antiquiores Theologos non adeo credulos fuisse, ut veros omnes reputarent transitus istos. Ex eventibus quos Caietanus ipse recenset, unum transcribam. „ Ego quoque (inquit) ab una muliere amante quemdam scio, quod diabolus unxit eam nudam, suadens illi quod sic duceret eam ad domum sui dilecti, & postmodum, postquam fuit extra se multo tempore, & crederet se cum suo dilecto fuisse &c. invenit se in suo loco ita lassatam, quod refocillatione indiguit &c. Et, nisi ego declarassem ei quod imaginatio fuit, & ex tali nuditate ita læsa esset, nesciret sorte usque hodie quod illud non fuerit in veritate. Per hæc tamen non negamus quin diabolus, Deo permittente, quandoque personam aliquam voluntariam etiam corporaliter ducat de loco ad locum. Sed hoc RARISSIME videtur accidere. “ Quando enim sola phantastica illusione hæc transvectio contingit, ita Martinetus (sic enim striges suum dæmonem vocant) sagarum corpora subit, penetraque, & illarum sensus opprimit, ut nihil omnino sentiant etiam læsæ & flagellatæ: tales vero dæmon in earumdem phantasia species, imagines, larvasque imprimit, ut a sopore experrectæ revera credant se volitasse, alienasque domos ingressas, & cum suis dilectis cubasse &c.

VI. Hinc colligas velim, ut difficillimum te præbeas in fide adhibenda mulieribus, sive pravis, sive etiam bonis. Quamvis enim obvia ubique occurrant mulieribus

bruma

bium illusionum documenta innumera, non propterea tamen mulierum directores, Confessarii que cautiore evadunt, sed frequenter in nimia credulitatis extremum delabuntur. Experientia didici, mulierculas, quæ peculiaris, devotionis, ac sanctitatis famam ostentare ambiunt, Confessarios perquirere credulos, & faciles, quos ut securius in errorem pertrahant, se illis tamquam ancillas & mancipia submitunt, obedientiam vovent, ad nutum pendere se simulant, ut hac via ipsæ Confessariis minus solertibus tandem imperent, eosque omnino sibi subiciant. Propriam hebetudinem, atque stupidam credulitatem excusare isti solent exemplis Catharinæ, Theresiæ, aliarumque Sanctarum; quamvis illi vel semi-Catharinam, aut semi-Theresiam numquam imbuerint. Curent ut suæ devotæ mulieres egregia virtutum facinora edant, miraculisque Catharinæ, & Theresiæ suas visiones comprobent; & tunc eisdem certam fidem adhibeant. Verum de his obiter, fusius suo loco acturus.

VII. Oppositam sententiam propugnant Lutherus, Melanchthon, plurimique istius fursus sectarii, quibus nonnulli Catholici adhærent. Sed omnes isti Andabatarum more rem peragunt, hostemque quem seriant, confingunt. Enimvero, si probabiles huiusmodi translationes negant; errant turpiter, & manifeste. Si frequentissime phantastica illusione translationes præfatas, & cetera quæ illas consequuntur, fieri adfirmant; vix aliquem repugnantem, aut paucos saltem, habent. Nam quod frequentissime in sola illusione phantastica eiusmodi transitus consistant, ultro ipsi fateantur. Opponunt auctoritatem Concilii Ancyranæ relati *cap. Episcopi xxvi. quæst. v.* ubi prohibetur ne his mulierum nugis fidem quisquam adhibeat. Respondent plures cum Severino Binio in notis ad hoc Concilium, præfatum caput subreptitium esse, nulliusque auctoritatis. Alii respondent vetari a Concilio dumtaxat ne credatur sagas super bestias a dea Diana formatas ambulare.

VIII. Quæst. V. *Potest ne dæmon mulieres sagas, sive viros in selem, mustelam, leporem, aliasve bestias mutare?* Resp. Ante responsum primum omnium transcribo doctrinam D. Thomæ ex *I. Part. quæst. cxiv. art. 4. ad 2.* quæ viam sternit ad quæstionis propositæ decisionem. Inquit ergo: *Materia corporalis non obedit Angelis bonis, seu malis ad nutum, ut dæmones sua virtute possint transmutare materiam de forma in formam; sed possunt adhibere quædam semina quæ in elementis mundi inveniuntur, ad huiusmodi effectus complendos, ut Augustinus dicit III. de Trinitate. Et ideo dicendum est, quod omnes transmutationes corporaliū rerum quæ possunt fieri per aliquas virtutes naturales, ad quæ pertinent prædicta semina, possunt fieri per operationem dæmonum, huiusmodi seminibus adhibitis; sicut, cum aliquæ res transmutantur in serpentes, vel ranas, quæ per putrefactionem generari possunt. Illæ vero transmutationes corporaliū rerum quæ non possunt virtute naturæ fieri, nullo modo operatione dæmonum secundum rei veritatem perfici possunt; sicut quod cor-*

pus humanum mutetur in corpus bestiale; aut quod corpus hominis mortuum reviviscat. Et si aliquando aliquid tale operatione demonum fieri videatur, hoc non est secundum rei veritatem, sed secundum apparentiam tantum. Quod quidem potest dupliciter contingere. Uno modo ab interiori, secundum quod demon potest mutare phantasiam hominis, & etiam sensus corporeos, ut aliquid videatur aliter quam sit, sicut supra dictum est: & hoc etiam interdum fieri dicitur virtute aliquarum rerum corporalium. Alio modo ab exteriori. Cum enim ipse possit formare corpus ex aere cuiuscunque forme, & figure, ut illud assumens in eo visibiliter appareat, potest eadem ratione circumponere cuicumque rei corporeæ quancunque formam corpoream, ut in eius specie videatur. Et hoc est quod Augustinus dicit XVIII. de Civ. Dei, quod phantasticum hominis, quod etiam in cogitando, sive somniando per rerum innumerabilium genera variatur, velut incorporatum in alicuius animalis effigie sensibus apparet alienis. Quod non est sic intelligendum, quod ipsa vis phantastica hominis, aut species eius eadem numero incorporata alterius sensibus ostendatur; sed quia demon, qui in phantasia unius hominis formas aliquam speciem, ipse etiam potest similem speciem alterius sensibus efferre.

IX. Ex hac sola doctrina constat, minime posse dæmones transmutare hominem, aut mulierem in bestiam. Hanc D. Thomæ doctrinam conceptis verbis tradit Augustinus Lib. XVIII. de Civ. Dei cap. XVIII. ubi plura narrat quæ illusionem phantastica fieri concludit. Nam & nos (inquit) cum effemus in Italia, audiebamus talia de quadam regione illarum partium; ubi stabularias mulieres imbutas his malis artibus, in casco dare solere dicebant, quibus vellent, seu possent viatoribus, unde in iumenta illico verterentur, & necessaria quæque portarent, postque persunta opera iterum ad se redirent; nec tamen in eis mentem fieri bestialem, sed rationalem, humanamque servari, sicut Apuleius in libris quos Asini auri titulo inscripsit, sibi ipsi accidisse, ut accepto veneno, humano animo permanente, asinus fieret, aut indicavit, aut sinxit. Hæc vel falsa sunt, vel tam inusitata, ut merito non credantur. . . . Non itaque solum animum, sed nec corpus quidem ulla ratione crediderim demonum arte, vel potestate in membra, vel lineamenta bestialia veraciter posse converti; sed phantasticum hominis, quod etiam cogitando, sive somniando per rerum innumerabilia genera variatur, & cum corpus non sit, corporum tamen similes mira celeritate formas capit.

X. Ad propositam ergo questionem respondetur, nullo modo posse dæmonem transmutare lamias in catum, mustelam, anserem, canem, ceteraque animalia; sed vel immutare sensus tum videntium, tum sagarum, quæ credunt se veras in bestias, aut corpora ex aere compingere animalibus valde similia. Hæc est communis Theologorum sententia.

XI. Quæst. VI. Possunt ne dæmones ianuis clausis introducere fagas in domos, & cubicula dilectorum? Resp. Dæmones haud possunt efficere ut duo corpora penetrent.

trentur; valent vero introducere mulieres iannis clausis hoc in sensu, quod eas mira celeritate aperire valent, sicut & muros scindere, lapides auferendo, & restituyendo tanta celeritate, ut vix humanis percipi oculis possit: foramina quoque exigua dilatare possunt, per quæ corpora transire valeant. Quando deferunt striges, quandoque modo visibili, quandoque invisibili id præstant. Dum e lectulo mariti illas transferunt, profundo sopore mariti sensus opprimunt, & interdum corpora ex aere confecta penes maritum deponunt. Vulnere, quæ non raro apparent in corporibus sagarum, quæ in bestias modo dicto transformari videntur, inde oriuntur, quod corpora sagarum unita sint corpori aereo representanti bestias istas; & ictus vibratus in corpus aerium pergit in corpus verum sagarum: vel etiam quando hæc sola phantastica illusione peraguntur, dæmon ipse lædit, sauciaturque sagarum corpora. E carceribus vero educere sagas dæmones nequeunt, Deo id impediante: quod experientia patet.

XII. Quæst. VII. *Quo in loco conventus sagarum cum dæmonibus celebrentur; quidque in eiusmodi conventiculis peragant?* Resp. Delrius narrat una cum aliis loca esse determinata, in quibus dæmones cum sagis sua celebrant conventicula. Locum in Italia ferunt esse montem *Veneris prope Lacum Ursinum*. Qua, de re videri etiam potest Spina de *strigibus cap. xx.* Non modo loca, verum etiam tempora definita habent, quibus hæc conventicula peragant. Diebus quadragesimæ, & potissimum hebdomadæ sanctæ, quatuor temporum, aliorumque festorum eadem celebrant. Quæ porro in his conventiculis agunt, fuso calamo narrant Delrius, alique Auctores. Primum omnium famæ dæmoniorum Principem in regio folio assidentem, terrificamque formam præferentem sub specie ut plurimum hirci, vel canis adoraturæ accedunt, nunc flexis genibus, nunc obverso tergo, quandoque erubus in altum iactis, & capite resupinato, ac in cælum verso mento. In signum servitutis, & homagii eum in podice osculantur: filios proprios offerunt, & interdum occidunt. Quibus peractis, mensis assident, & convivantur. Dapes frequenter ex infantibus occisis paratæ sunt, modo delicatissimæ, modo insipidæ absque sale decoctæ. Saturato ventre libidini indulgent, sedissime cum dæmonibus sese commiscendo. Mulieres incubis subiacent, & viri succubis præposteram exercent venerem, nullo prætermisso obscenissimo, atque nefandissimo libidinis genere. Hæc pauca perstrinxi obiter. Frequentissime fabulosa, & phantastica esse censeo, ut dixi supra; fieri tamen reapse posse, non est insiciandum.

XIII. Sunt qui negant dæmones exercere posse carnales actus, cum corpore careant, sicutque meri spiritus. Verum communis Catholicorum sententia docet, reipsa hanc commixtionem dæmonum mulierumque accidere. D. Augustinus Lib. XV. de Civ. Dei cap. xxiii. hoc aperte testatur his verbis: *Et quoniam creberrima fama est, mulique se expertos, vel ab eis qui experti essent, de quorum*

fide dubitandum non est, audivisse confirmant, Sylvanos, Panes, & Faunos, quos vulgo incubos vocant, improbos sæpe extitisse mulieribus, & earum appetivisse, ac peregrisse concubitus: & quosdam demones, quos Dufos Galli nuncupant, hanc asidue immunditiam & tentare, & efficere, plures, talesque asseverant, ut hoc negare impudentiæ videatur. Quam doctrinam describit, approbatque D. Thomas I. Part. quæst. 11. art. 3. ad 6. additque filios natos ex coitu dæmonum cum mulieribus, non dæmonum, sed illorum a quibus semen dæmones susceperunt, filios esse. Si tamen ex coitu dæmonum aliqui interdum nascuntur, hoc non est per semen ab eis decisum, aut a corporibus assumptis, sed per semen alicuius hominis ad hoc acceptum; utpote quod idem dæmon, qui est succubus ad virum, fit incubus ad mulierem; sicut & aliarum rerum semina assumunt ad aliquarum rerum generationem, ut Augustinus dicit Lib. III. de Trinit. cap. VIII. ut sic ille qui nascitur, non sit filius dæmonis, sed illius hominis cuius est semen acceptum. Corpora ergo ex aere compacta dæmones qui commiscuntur mulieribus, assumunt, & quandoque coitum peragunt absque veri seminis effusione. Nec enim tanta sunt virtute præditi, qua valeant aut humanam carnem veram, aut humanum semen efficere. Quoties autem coitum aptum ad generationem peragere volunt, aliunde, nempe ab hominibus, semen surripiunt, immittuntque in locum generationi destinatum: quod perquam raro evenire puto. Disputare hic solent Auctores, experiantur ne delectationem sagæ in hac commixtione. Alii negant, adfirmant alii. Sed, quinam eorum verum asserant, scire non interest.

XIV. Ex his quæ dicta sunt, soluta quæ opponi ab adversariis solent, remanent. Quod addunt, vim prolificam sitam esse in spiritibus, seu effluviis quibusdam, qui, tenuissimi cum sint & subtiles, citissime ac e suis vasis emissi sunt, evanescent, atque dispereunt, nullius momenti est. Nam transvectio seminis quæ ope dæmonis efficitur, momentanea est, eaque arte peragitur, ut nequeant spiritus illi tam brevi morula evanescere; maxime cum dæmon, horum vitalium spirituum virtutem callens, valeat impedire hanc dispersionem. Plura exempla a Philosophis, & medicis adducuntur, quibus narratur, mulieres inventas esse in utero habentes fetus, quin virginitatis amiserint florem. En eventum quem narrat D. Thomas quodlib. VI. quæst. 111. artic. 18. *Possent tamen forte absque miraculo mulier, salva omnimoda virginitate, concipere, sicut dicitur accidisse de quadam puella pubescente, quam propter pudoris custodiam in lecto suo pater habebat, qui dum somno pollueretur, semen ad matricem descendit, & puella concepit... Vir autem, salva tali virginitate, posset esse pater naturaliter propter pollutionem nocturnam, quæ quocumque casu ad matricem mulieris perveniret. Alias mulieres in balneo imprægnatas ex semine a viris ibidem deciso, ab aliquibus perhibetur. Rara utique hæc sunt; sed ea nihilominus accidisse probatissimorum*

Au-

Auctorum testimonio, traditur: nullaque evidens ratio occurrit quæ repugnantiam evincat. Plurima alia essent hic discutienda. Verum quia hæc curiositati potius quam utilitati, ac honestæ cognitioni inservirent, idcirco, ea silentio prorsus prætereo.

C A P U T XIII.

De pœnis constitutis in sagas, maleficos, eosque omnes qui pactum aliquod expressum, aut tacitum cum demonibus ineunt.

I. **O**Mnes leges humanæ, & divinæ puniendos maleficos statuunt. Deus Levit. xx. *Vir, sive mulier, in quibus pythonicus, vel divinationis fuerit spiritus, morte moriantur: lapidibus obruent eos.* Item Exod. xxii. *Maleficos non patieris vivere.* Leges civiles plurimæ sunt, tit. de Malef. ut leg. Nemo s. leg. Etsi exempta 7. quæ pœna mortis plectendos hariolos omnes decernunt. Eamdem pœnam constituit ius canonicum.

II. Disputant Theologi, sitne in maleficos lata excommunicatio, vel tantum ferenda. Communior, & vera sententia sustinet, omnes esse reapse excommunicatos a iure: quod probat cap. *Si quis hariolos*, ubi hæc habentur. *Si quis hariolos, aruspices, & incantatores observaverit, anathema sit.* Hæc verba, *Anathema sit*, censuram latam, non ferendam significant. Lex enim non optat, sed imperat. Quare licet præfata verba possent absolute excipere sumum optantis; attamen, ut a lege usurpata, absolute decernunt, iubentque pœnam. Adduci solet etiam Extravag. Ioannis XXII. cuius initium est, *Super illius*, quam refert Eymericus in *Director. Inquisitorum*, in qua conceptis verbis excommunicatio statuitur in omnes maleficos. Hanc vero constitutionem reiiciunt alii, eo quod in Bullario haud reperiat. Incerta ergo constitutione prætermittâ, transcribam constitutionem Gregorii XV. editam 20. Martii anno 1623. cuius initium est *Omnipotentis Dei &c.* ubi hæc habentur: *Motu itaque proprio, & ex certa scientia, ac matura deliberatione nostris, deque apostolica potestatis plenitudine, tenore præsentium decernimus, præcipimus, & mandamus, ut consilio quod aliquis pactum cum diabolo fecerit, & a fide apostatando, maleficiis, sive sortilegiis unam, seu plures personas ita læserit, ut ex maleficio, vel sortilegio mors secuta sit, etiam primo lapsu Curia seculari tradatur debitis pœnis puniendus. Qui vero, similiter apostatando, pactum cum diabolo, ut præfertur, fecerit, & maleficium, seu sortilegium commiserit, licet mors secuta non sit, infirmitas tamen, divortia, impotentia generandi, sive animalibus, frugibus, vel aliis fructibus damnum notabile provenerit, muro claudi, sive perpetuis carceribus in san-*

*sancto Inquisitionis Officio, ubi illud existit, fabricandis mancipari debeat. Qui vero similitum delinquentium notitiam habuerint, eos Episcopo, sive Inquisitori denuntiare teneantur &c. Igitur si maleficiū delicto iunctum sit apostasie crimen, ad Inquisitionis tribunal spectat in eiusmodi maleficos inquirere, & an inadvertere; quin, dum malefici in apostasiam incidunt, vel in hæresim ruunt, atque adeo obnoxii evadunt excommunicationi latæ in *Bulla Censæ*, vel si reapse in hæresim non prolabantur, suspicionem saltem vehementem hæresis ingerunt. Signa autem vehementis suspicionis hæreseos hæc sunt: pactum expressum cum dæmone; rerum sacrarum abusus; diaboli adoratio; eiusdem invocatio, ut ea sciantur quæ naturalem vim cognoscendi excedunt. Quando autem maleficio annexum est crimen hæresis, aut gravis suspicio eiusdem; talis criminis iudices sunt hæreticæ pravitatis Quæsitores. Et cum vix maleficus reperiatur qui reus hæresis non sit, aut vehementer suspectus; idcirco malefici ad Inquisitores demandandi sunt.*

DISSERTATIO III.

DE TENTATIONE DEI, DE SACRILEGIO,
ET BLASPHEMIA.

CAPUT I.

Quid sit tentatio Dei.

I. **T**entationis Dei hanc produnt definitionem Theologi : *Est probatio, seu experimentum inordinatum alicuius divinae perfectionis verbis, vel factis.* Illa particula *inordinatum* distinguit tentationem licitam ab illicita. Nam si hoc experimentum, seu probatio sit inordinata, nempe absque necessitate, illicita est, atque irreverentiam adversus Deum continet; licita vero est, si sit ordinata. Ordinata porro reputatur, iusta urgente causa; aut si fiat ex divino instinctu in honorem, & utilitatem Ecclesiae. Hac ratione Abraham, Geodeon, Elias, alique plures Israelitae Deum tentaverunt. D. Thomas 2. 2. *quaest.* xcvi. *art.* 1. describit tentationem absolute acceptam his verbis. *Tentare est proprie experimentum sumere de eo qui tentatur. Sumitur autem experimentum de aliquo & verbis, & factis: verbis quidem, ut experiamur, an sciat quod quaerimus, vel an possit, aut velit illud implere; factis autem, cum per ea quae facimus, exploramus alterius prudentiam, vel voluntatem, vel potestatem.* Utrumque autem bonum contingit dupliciter. Uno quidem modo aperte; sicut cum quis tentatorem se proficitur, sicut Sampson Iudic. xv. proposuit Philistinis problema ad eos tentandum. Alio vero modo insidiosè, & occulta; sicut Pharisei tentaverunt Christum, ut legitur Matth. xxii. Additur in definitione, *alicuius divinae perfectionis*: quia, dum Deus tentatur, semper tentatur, ut exerceat aliquod suum attributum, aut misericordiam, aut iustitiam, aut omnipotentiam, cuius egent homines qui volunt experiri aliquod ex his divinis attributis. Idque fit verbis, aut factis.

II. Ex D. Thomae doctrina colligitur, duplicem esse hanc tentationem, expressam, & tacitam, seu interpretativam. Illa explicite intendit probare aliquod ex Dei attributis: ut dum quis ea intentione se praecipitem e fenestra agit, ut experiat, an Deus velit illum liberare, & praeservare ne laedatur. Hic tentator licet manifeste non intendat experimentum sumere de aliquo Dei attributo, ita tamen operatur, ut reapse Deum tentet. Idem dicendum de eo qui evidenti periculo se absque necessitate exponit, sperans se a Deo liberandum fore. Hinc

con-

concludit Angelicus : *Quando ergo propter aliquam necessitatem, seu utilitatem committis se aliquis divino auxilio in suis petitionibus, vel facis, hoc non est Deum tentare. Dicitur enim in II. Paralipom. xx. Cum ignoremus quid agere debeamus, hoc solum habemus residui, ut oculos nostros dirigamus ad te. Quando vero hoc agitur absque utilitate, & necessitate, hoc est interpretative tentare Deum.* Loc. cit. Qui ergo se committit absque necessitate evidenti gravi periculo, ut experiatur, si Deus velit illum præservare, peccat tum contra caritatem erga seipsum, tum contra religionem Deum tentando. Si vero absque eiusmodi spe se periculo propriæ vitæ committit, peccat contra caritatem, secus adversus religionem, quia tunc nullo modo Deum tentat. Hæc est communis Theologorum doctrina.

III. Hæc Dei tentatio genere suo peccatum grave est. Si proficiatur ex dubitatione, adiunctam habet hæresis malitiam. Dubitare enim de aliquo Dei attributo hæresis est. Si absque dubitatione fiat, etiam grave crimen est. Homo quippe tentator vellet obligare Deum ad aliquid agendum ob finem vanum, vel ut indulgeret curiositati tentatoris : quæ omnia dedecent divinam maiestatem.

IV. Quæst. I. *Sit ne levis culpa tentare Deum, cum materia levis est?* Resp. Omnia ea quæ natura sua sunt mortalia, fieri venialia possunt ex imperfecta consensus deliberatione. Difficultas est, num veniale tentationis crimen sit, cum deliberatio est plena, sed materia super qua Deus tentatur, levis est : ut si in levi morbo respuas medicinam, sperans te a Deo liberatum iri; si animo distracto ores, confidens nihilominus te obtenturum a Deo quæ petis. Adfirmant plures, levem tantum tunc committi culpam : quia, inquiunt, in similibus casibus non videtur gravis ordinis perversio, nec divinæ maiestatis læsio. Verum probabilior sententia est, gravem semper esse culpam, quoties Deus deliberato animo tentatur : quoniam gravitatis culpæ mensura est iniuria quæ divinæ maiestati irrogatur. Porro, sive grave, sive leve sit medium quo Deus tentatur, semper læditur divina maiestas; quin eo gravius videtur lædi, quo levior est exempli gratia infirmitas, a qua ut libereris, spretis remediis naturalibus, poscis a Deo miraculum sanitatis. Clarius hæc exponamus. Tu laboras levi morbo : reiecis omne naturale remedium, & a Deo poscis ut sanitatem tibi restituat. Vis ergo Deum miraculum patrare, ut tuæ indulgeat curiositati, & ut levem morbum a te expellat? Quis autem non videat tunc te gravius tentare Deum quam si posceres ab eodem ut a mortali infirmitate te curaret? In hac siquidem hypothefi contendis Deum in rebus levissimis suam omnipotentiam exercere ad patranda opera miraculosa. Sive ergo levis, sive gravis sit egestas, pro qua sine ulla necessitate postulas ut Deus miraculum operetur, quo ea auferat quæ nullo negotio mediis a natura exhibitis auferri possent; graviter Deum tentas, graviterque delinquis. Hanc sententiam defendunt Suarez *Tom. I. de Relig. tract. III.*¹

Lib. I. cap. 11. num. 16. Sanchez Lib. II. cap. xxxiv. num. 5. Salmanticenses tract. xxi. cap. xii. punct. 1. num. 4. & alii plures. Vix tamen in praxi hæc formalis tentatio occurrit. Quis enim, nisi stultus, ideo respuere consueta remedia velir, ut Deus miraculum operetur? Sed in praxi plures spernunt medicinarum usum potissimum in levioribus morbis, confidentes in divino medico, qui potens est, si velit, eosdem sanare. Non contendunt Deum miracula patrare, sed demisso animo sperant fore ut Deus id sit dispositurus quod in sui maiorem gloriam cedit.

V. Quæst. II. *Utrum tentet Deum ille qui probatione ferri candentis, aut aquæ ferventis suam innocentiam manifestare contendit? Resp. Ait communis sententia, quia suppetunt media naturalia, quibus veritas manifestari possit, nempe testium probatio, aut spontanea confessio. Audiamus D. Thomam huic quæstioni sic respondentem 2. 2. quæst. xc. art. 8. ad 3. Iudicium ferri candentis, vel aquæ ferventis ordinatur quidem ad alicuius peccati occulti inquisitionem per aliquid quod ab homine fit; & in hoc convenit cum sortibus. Inquantum tamen expectatur aliquis effectus miraculosus a Deo, excedit communem sortium rationem. Unde huiusmodi iudicium illicitum redditur: tum quia ordinatur ad iudicanda occulta, quæ divino iudicio reservantur: tum etiam quia huiusmodi iudicium non est divina auctoritate sancitum. Unde 2. quæst. v. in Decreto Stephani Papæ V. dicitur: Ferri candentis, vel aquæ ferventis examinatione confessionem extorqueri a quolibet, sacri non censent Canones: & quod sanctorum Patrum documento sancitum non est, superstitiosa adinventione non est præsumendum: spontanea enim confessione, vel testium approbatione publicata delicta, habito præ oculis Dei timore, concessa sunt nostro regimini iudicanda; occulta vero, & incognita illi sunt relinquenda: qui solus novit corda filiorum hominum. Et eadem ratio videtur esse de lege duellorum; nisi quod plus accedit ad communem rationem sortium, inquantum non expectatur ibi miraculosus effectus; nisi forte quando pugiles sunt valde impares virtute, vel arte. Hæc omnia perspicua sunt. Nec obstant exempla quæ adduci solent: videlicet quod Deus Num. v. præscripserit, mulierem adulteram amaris aquis probandam; & quod cap. Sæpe 2. quæst. v. statuatur, dandam Monacho furti suspecto eucharistiam, ut eius sumptione purgetur. Nam ad primum exemplum patet responsio, licitam tum fuisse mulieris adulteræ probationem, quia Deus sic præscripsit; quod præceptum cæremoniale cum fuerit, antiquatum est. Ad alteram auctoritatem respondet D. Thomas III. Part. quæst. lxxx. artic. 6. ad 3. Quod decreta illa sunt abrogata per contraria documenta Romanorum Pontificum. Dicit enim Stephanus Papa: Ferri candentis &c. Et idem habetur extra de purgationibus cap. Ex tuarum. In omnibus enim talibus esse videtur Dei tentatio. Unde sine peccato fieri non possunt. Et gravius videretur, si in hoc sacramento, quod est in-*

institutum ad remedium salutis, aliquis incurreret iudicium mortis. Unde nullo modo corpus Christi debet dari alicui suspecto de crimine, quasi ad examinationem: Quod si aliquando miracula in his probationibus visa sunt, ea Deus patravit in defensionem innocentiae accusati, permisso tentationis peccato in illis hominibus.

VI. Quæst. III. *Tentat ne Deum ille qui, ut hæreticum convertat, miraculum a Deo patrandum in confirmationem veritatis catholicae offert?* Resp. Asserit communis sententia: quia absque necessitate hæc postulatur miracula. Pervia enim sunt argumenta splendidissima, quibus veritas religionis catholicæ ostendatur. Accedit quod ut plurimum inutilis sit hæc miraculorum petitio. Quot miraculorum miriades non patravit Deus in Martyrum occisionibus, quin tamen ea intuentes tyranni ad veram religionem converterentur? Iudæi propriis oculis spectarunt quadriduam Lazarum a Christo resuscitatum, & cum eodem ad mensam sederunt; nec propterea Christi fidem amplexati sunt. Quod si sancti viri hæc miracula interdum hæreticis exhibuere, id ex peculiari divino instinctu fecerunt. Nil tamen verat quod, adhibitis mediis consuetis, aliquando etiam miracula a Deo poscantur, debita nimirum humilitate, & subiectione, adiectaque conditione, si in Dei gloriam id cedere debeat, Deoque placeat.

VII. Disputant in utramque partem Theologi, sint ne duo distincta peccata; tentatio Dei expressa, & tacita. Adfirmat Suarez *Tom. I. de Relig. tractat. 111. Lib. I. cap. 111. num. 6.* cum aliis: quia tentatio explicita proficitur a causa specie diversa ab ea a qua oritur tentatio implicita. Siquidem illa a dubitatione de aliquo attributo divino ortum ducit, secus ista. Si verum esset quod contineretur dubium de aliquo divino attributo in explicita Dei tentatione, dubio procul specie differret ab interpretativa: quia tunc peccatum esset insuper contra fidem. Ceterum non ita videtur coniuncta tentationi Dei dubitatio de divino aliquo attributo, ut nequeat tentari Deus, quin simul de illius omnipotentia, iustitia &c. dubitetur. Et ideo contraria sententia docet, quod, si sermo sit de sola Dei tentatione explicita, specie non differat ab interpretativa; sed quod solum addat maiorem gravitatem malitiæ: quia professio explicita non differt ab implicita. Contendunt Salmanticenses *tractat. 221. cap. 211. punct. 1.* hanc sententiam confirmare auctoritate D. Thomæ 2. 2. *quæst. xcv. art. 3. ad 1.* ubi volunt Angelicum docere pactum cum dæmone explicitum non differre ab implicito. Verum ibi D. Thomas oppositum potius docet. En illius verba: *Disendum, quod in omnibus pradiis est eadem generalis ratio peccandi, sed non eadem specialis. Multo enim gravius est dæmones invocare quam aliqua facere quibus dignum sit ut se dæmones ingerant.* Ex hac doctrina habetur, tentationem expressam, & tacitam, ut pactum explicitum, & implicitum, in generali ratione convenire, secus in spe-

speciali. Quod porro hæc specialis ratio diversitatem prodat, videtur satis consentaneum ceteris verbis, quibus additur *multo gravius esse pactum expressum*. Quare nobis non probatur quod laudati Auctores concludunt, nempe satis esse in confessione exprimere, *Commisi peccatum tentationis Dei*; quin indicetur, expressa ne fuerit, vel implicita Dei tentatio. Siquidem certum est penes omnes, valde gravius crimen esse expressam Dei tentationem quam interpretativam. Lis vero est, num hæc diversitas sit specifica, aut numerica. Neutra opinio evidens est. Securius ergo in confessione exequenda: eo vel maxime quod iuxta gravissimam sententiam, mihiq; veram, circumstantiæ intra eandem speciem valde aggravantes sunt in confessione aperiendæ. Quapropter quemlibet teneri asserimus ad manifestationem tum pacti expliciti, vel impliciti, tum tentationis expressæ, vel interpretativæ in sacramentali confessione.

C A P U T II.

De sacrilegio, eiusque speciebus.

Sacrilegium est *rei sacræ violatio*. Res sacra dicitur quæ cultui divino deputata est. Et ideo (inquit Angelicus 2. 2. quæst. xcix. art. 1.) *omne illud quod ad irreverentiam rerum sacrarum pertinet, ad iniuriam Dei pertinet, & habet sacrilegii rationem*.

II. Triplex distinguit sacrilegium D. Thomas 2. 2. quæst. xcix. art. 3. cui subscribunt communiter Theologi. Primum est iniuria irrogata personæ sacræ, ut Clerico, Monacho, seu Religioso, & Sanctimoniali; aut fornicatio cum persona voto castitatis obstricta. Secundum spectat locum sacrum, ut Ecclesia, & cœmeterium. Postremum est quod perpetratur contra res sacras, & cultui divino peculiariter dicatas, ut sunt sacramenta, calices, vestes sacris peragendis destinatæ, Sanctorum imagines, & reliquæ &c. Partitionem hanc esse in membra specie distincta, docet ibidem D. Thomas, eique adhærent communiter Theologi: quia, inquit Angelicus, *secundum diversam rationem sanctitatis rerum sacrarum, quibus irreverentia exhibetur, necesse est quod sacrilegii species distinguantur*. Tanto enim sacrilegium est gravius, quanto res sacra, in quam peccatur, maiorem obtinet sanctitatem. Attribuitur autem sanctitas & personis sacris, idest divino cultui dedicatis, & locis sacris, & rebus quibusdam aliis sacris. Sanctitas autem loci ordinatur ad sanctitatem hominis qui in loco sacro cultum Deo exhibet. Dicitur enim II. Machabeorum v. Non propter locum gentem, sed propter gentem Dominus locum elegit. Et ideo gravius peccatum est sacrilegium quo peccatur contra personam sacram quam quo peccatur contra locum sacrum. Quæ D. Thomæ ratio sic bre-

breviter perstringitur. Diversa est ratio formalis sanctitatis personæ, loci, & rei sacræ: quoniam persona absolute sancta est; locus sanctus dicitur, quod in eo personæ sanctæ resideant, & in eodem Deo cultus exhibeatur; sacramenta conferunt sanctitatem personis; & res sacræ ordinantur ad sanctitatem. Nec est quod in scholastica disceptatione diutius immoremur.

III. Disputari etiam solet, sit ne partitio isthæc in species atomas, an subalternas. S. Thomas docet has sacrilegii species esse infimas, seu atomas, in quarum qualibet diversi sacrilegii gradus reperiri possunt. Inquit enim in corpore articuli. *Sunt tamen in utraque sacrilegii specie diversi gradus secundum differentiam personarum, & locorum sacrorum. Similiter etiam & tertia species sacrilegii, quæ circa alias res sacras committitur, diversos habet gradus secundum differentiam rerum sacrarum; inter quas summum locum obtinent ipsa sacramenta, quibus homo sanctificatur: quorum præcipuum est eucharistia sacramentum, quod continet ipsum Christum.* Aliqua ergo peccata, tametsi invicem specie differant, convenire tamen possunt in eadem sacrilegii specie; ut subdit idem Angelicus art. cit. ad 2. *Similiter etiam possibile est aliqua duo peccata differre specie secundum materiales actus, convenire autem in specie secundum unam rationem formalem sacrilegii; puta si quis Sanctimonialem violaveris verberando, vel concumbendo.*

IV. Explicata generica notione, atque partitione specifica sacrilegii, reliquum est ut brevissime perstringamus sacrilegia quæ sub qualibet specie continentur. Sub prima specie, quæ personas sacras spectat, continetur iniuria Clerico, Religioso, Sanctimoniali irrogata: quod quatuor modis accidere valet. I. Si eiusmodi personæ sacratæ violenter percutiantur. II. Si ad forum laicum deducantur. III. Si eisdem tributa, & vestigalia absque legitima auctoritate imponantur. IV. Si fornicatio, seu impudicitia cum ipsis personis voto castitatis adstrictis peragatur. Cuiusque enim voti violatio sacrilegium est. Ad hanc quoque sacrilegii speciem pertinet impudicitia peracta a Confessario cum filia spiritali: quia inquit D. Thomas in supplem. III. Par. quæst. lv. art. 2. ad 3. *per penitentiam contrahitur quoddam fœdus inter mulierem consentientem & Sacerdotem, spiritali cognationi simile; ut tantum peccet eam carnaliter cognoscens, ac si esset sua filia spiritalis.* Hinc sacrilegium similiter est turpis commixtio cum persona spiritaliter coniuncta: quæ spiritalis cognatio contrahitur in solemnibus baptismo, & confirmatione inter paternos & baptizatum, confirmatumque, atque inter patrem, & matrem baptizati, & confirmati.

V. Ad secundam sacrilegii speciem revocantur ea omnia quæ contra reverentiam loco sacro debitam perpetrantur. Pluribus modis hoc sacrilegium committitur. I. Si quis locum sacrum incendat, infringat, diruat, altaria demoliat. II.

Si

Si ab Ecclesia, etiam diruta, vel polluta, vel interdicta, & ab eius cœmeteriis, atrii, clauſtro, & quocumque eiusdem loco non ſeiuncto, item ſi ab Oratorii legitima auctoritate erectis, ab Episcoporum palatiis, a Regularium Conventibus, eorumque ambitu clauſo, aliquem hominem quis per vim extrahat. III. Si quis hominem occidat, vel per vim ſanguinem effundat humanum; ſi quis voluntariam pollutionem, ſive manifeſtam, ſive occultam, exerceat. IV. Si qui mercatus, negotiationes, & convivia peragant in Eccleſiis, ſcœnas aperiant, ludos, & turpia colloquia habeant. V. Si quis in Eccleſia furetur. Diſputant tamen Theologi, ſit ne ſacrilegium furari non ſacrum, puta crumenam, in loco ſacro. Verum, omiſſis Caſuiſtarum quorundam diſſidiis, id tenendum eſt quod ſtatutum legimus a Pontifice Ioanne VIII. in cap. *Quisquis* xviii. quæſt. iv. *Sacrilegium committitur auferendo ſacrum de ſacro, vel non ſacrum de ſacro, ſive ſacrum de non ſacro.* Lex perſpicua eſt, quæ nulla ſolida eludi interpretatione valet. Quicumque ergo diviti in Eccleſia pecunias furto auferat, ſacrilegium perpetrat. Si furto ſurripiantur res traditæ Eccleſiæ, aut in cuſtodiam, aut ad ornatum eiusdem, pariter ſacrilegium committitur.

VI. Qui actus internos vitioſos exercet, contrahit ne ſacrilegii malitiam? Qui extra locum ſacrum habet voluntatem occidendi, furandi, fornicandi in loco ſacro, ſacrilegium committit: quia actus interior, & exterior ſunt eiſdem ſpeciei. Et hæc opinio communior eſt. Qui vero in loco ſacro conſtitutus deliberat fornicari, furari, occidere in loco non ſacro, a ſacrilegio immunis eſt, eo quod actus iſti exteriores ſacrilegi non ſunt. Actibus autem mere internis non violatur ſanctitas loci. Hæc opinio valde communis eſt. Verum, quod loco principii ſtatuit, videlicet actibus internis templi ſanctitatem non violari, difficultatem mihi ingerit. Siquidem templum inſtitutum eſt, ut eo in loco peculiari cultu Deum adoremus, non modo externo, ſed potiſſimum interno, ut Deo non minus animum quam corpus ſubmittamus. Cur ergo qui animum polluit in hoc ſacro loco, ſacrilegio non inquinatur? Quare non mihi videtur adeo manifeſtum eſſe ut a ſacrilegio immunis ſit quicumque ſive interius, ſive exterius in Eccleſia delinquit.

VII. Tertia ſpecies eſt ſacrilegium reale, quo res ſacra, a perſona, & loco diſtincta, indigne tractatur. Quæ ſint res ſacræ, iam indicatum eſt ſupra: & diſtinduntur in quatuor veluti gradus. Primum veniunt ſacramenta; deinde vaſa ſacra, imagines ſacræ, Sanctorumque reliquiæ; poſt ornamenta Eccleſiæ, ſeu miniſtrorum, ut ſunt caſulæ, vela, & cetera eiſmodi; quarto denique loco collocantur bona mobilia, aut immobilia miniſtrorum ſuſtentationi deputata, ut decimæ, primitiæ &c. Quocirca qui ſacramenta irreverenter pertrahat, ea aut recipiendo, aut miniſtrando, ſacrilegio graviffimo inſcit; aut ſi quis eadem proi-

ciat, conculcetque. Licet Christus Dominus sit realiter in eucharistia, non idcirco tamen indigna eiusdem tractatio dicitur sacrilegium in ipsius personam sanctissimam: quia non est ibi per modum corporis in propria specie, quemadmodum est in celo. Idcirco indigna eucharistia tractatio dicitur sacrilegium in rem, non in personam. Grave quoque sacrilegium committeret qui vasa sacra adhiberet ad potandum, & vestes sacras converteret in propria indumenta, aut indigne scinderet, laceraretque.

VIII. Isthuc quoque pertinet abusus verborum sacre Scripturæ. Quare qui verba sacra detorquent ad hæreses evulgandas, firmandasque; qui eadem profanis cantionibus immiscunt, aut eisdem abutuntur ad libellos famulos compingendos, ad res profanas exprimendas, sacrilegi sunt. Istorum sacrilegos ausus reprimat Synodus Tridentina his verbis sess. iv. *Post hæc, temeritatem illam reprimere volens, qua ad profana quaque convertuntur, & torquentur verba, & sententia sacra Scripturæ, ad scurrilia scilicet, fabulosa, vana, adulationes, detractiones, superstitiones impias, & diabolicas incantationes, divinationes, sortes, libellos etiam famulos; mandat, & præcipit ad tollendam huiusmodi irreverentiam, & contemptum, ne de cetero quisquam quomodolibet verba Scripturæ sacre ad hæc, & similia audeat usurpare; ut omnes huius generis homines, temeratores, & violatores verbi Dei, iuris, & arbitrii penis per Episcopos correeantur.* Quare sacrilegi sunt qui in quibusdam civitatibus Italie in more sere positum habent sacra verba usurpare ad exprimendos Concionatorum, & aliarum personarum defectus; & qui præfatos libellos legunt, distribuuntque, a culpa immunes haud sunt. Sacrilegii item rei sunt pictores qui sacras imagines indecore, & meretricia nuditate depingunt. Sacrilegio rursus scindantur qui sacras imagines vel reliquias frangunt, dilacerant, aut conterunt.

IX. Omissione quoque perpetrari sacrilegium valet. Istius sacrilegii rei sunt non raro Sacristæ, dum negligunt debita vigilantia sacra chrisinata, & eucharistiam custodire, clavibus adhibitis iuxta sacrorum canonum præscripta; dum corporalia, vasa sacra, altaria, vestimenta ecclesiastica nitida, & munda non servant, sed maculata, lurida, sordaque, non raro ad incruentum sacrificium peragendum adhibenda porrigunt. Sacrilegii rei itidem sunt, si corrumpi in pixide sacras particulas negligentem sinant.

X. Est ne sacrilega omisso receptionis, vel administrationis sacramentorum tempore debito, seu urgente præcepto? In utramque partem disputant Theologi. Adfirmant nonnulli, eo quod debita sit sacramentis reverentia: unde qui illam exhibere negligit, sacrilegus dicendus est. Probabilior videtur sententia negans: quoniam, dum quis sacramentum non percipit, nullam sacre rei iniuriam irrogat; sed præceptum dumtaxat recipiendi sacramenta transgreditur. Ob hanc

rationem qui omittit sacrum die festo, non reputatur sacrilegus; sed præcepti tantum violator. Debita utique est sacramentis reverentia, ita ut, dum recipiuntur, aut ministrantur, digne & sancte tractentur. Ceterum, dum neque ministrantur, neque suscipiuntur, non apparet ratio cur dicendum sit, eadem indigne tractari.

XI. Quodnam peccatum sit sacrilegium inquirunt Theologi: & omnes fatentur, genere suo letale esse; eoque gravius, quo sanctior est res sacra quæ violatur. Veniale potest esse aut ob materiæ parvitatem, aut propter inconsiderationem. In confessione semper exprimenda est circumstantia sacrilegii.

XII. Pœnæ constitutæ in sacrilegos duplicis sunt generis. Aliæ sunt pecuniariæ, aliæ spirituales. Pœnæ pecuniariæ ante iudicis sententiam non insiguntur: Pœnæ vero spirituales, in quas ipso facto sacrilegi incurrunt, sunt sequentes. Excommunicatio lata in Clericorum percussores; item in eos qui immunitatem ecclesiasticam violant, bona Ecclesiæ usurpant, tributa imponunt personis ecclesiasticis, easque ad forum laicum deducunt; & tandem in eos qui effringunt Ecclesiæ ianuas ad res sacras diripiendas. Aliæ pœnæ insiguntur valent iudicis arbitrio.

C A P U T III.

D E B L A S P H E M I A.

Quid, & quoruplex sit blasphemia.

I. **V**arias blasphemiae definitiones tradunt Doctores, quæ tamen omnes in idem recidunt; eundemque produunt sensum. D. Augustinus *Lib. II. de Mor. Manich. cap. xi.* prolixum habet de blasphemia sermonem, eamque his verbis describit: *Est autem blasphemia, cum aliqua mala dicuntur de bonis. Itaque iam vulgo blasphemia non accipitur, nisi mala verba de Deo dicere.* Pressius eam definit D. Thomas 2.2. quæst. xlii. art. 7. *Blasphemia est derogatio divinæ bonitatis.* Idque bifariam accidit. Primum assingendo Deo quod nec habet, nec habere potest. Secundo ab eo removendo, quo carere nequit. Hoc autem fieri potest vel intellectu tantum, vel simul etiam affectu pravo. Si corde dumtaxat fiat, erit blasphemia cordis; si foras erumpat in verba, erit blasphemia oris. Quando scelus istud mente solum concipitur, assingendo vel removendo aliquid a Deo modo dicto, opponitur confessioni fidei infirmi; si addatur improba cordis affectio, opponitur fidei caritate formatæ.

II. Advertendum ex Caietano in *comment. in hunc art.* tripliciter derogari di-

vinæ bonitati posse. Primo intellectu tantum, falsa de Deo opinando. Secundo addendo falsam opinionem voluntatis detestationem. Tercio denique sine falsa opinione exercendo solam detestationem voluntatis, ut fere accidit inter Christianos. Deinde blasphemia potest esse cum fide, & sine fide; sive ea verbum interius habeat adiunctum, sive exterius. Potest enim quis, credens Deum omnipotentem, velle dicere secum, ut iniuriam Deo faciat, quod Deus non potest. Tandem peccatum infidelitatis opponitur fidei; blasphemia vero opposita est confessioni fidei, non autem fidei ex genere suo. Blasphemia proprie in verbis, secus in factis sita est. Quod autem D. Paulus inquit ad Tit. 1. *Confitemur se nosse Deum, factis autem negant*; & D. Petrus Epist. II. cap. 10. *Per quas via veritatis blasphematur*, non exprimunt blasphemiam pressè acceptam.

III. Communis divisio blasphemie est in hæreticalem, & simplicem. Hæreticalis est quæ mentis assensu Deo affingit aliquid, vel ab eodem quidquam illius quod illi convenit, removet: ut si quis effutiat, Deus est iniustus, non est omnipotens, non est bonus. Simplex est quæ absque mentis assensu, sed sola voluntatis pravitate aliquid Deo affingit, vel imprecatur: ut si quis dicat, Maledictus sit Deus. Docere communiter Theologi solent, quod blasphemia hæreticalis committitur adfirmando, & simpliciter imprecando. Verum adverte, quod blasphemia minime esset hæreticalis, si quis diceret, Deus est iniustus, quando interiore mentis assensu id minime crederet. Ad hæresim enim requiritur actus intellectus cum pertinacia. Forum exterius reum hæresis talem damnaret: quia reapse exterior prolatio hæreticalis est; & de internis iudicium est soli Deo reservatum. Vix tamen accidere solet, nisi per subreptionem, quod hæc propositiones adfirmantes, *Deus est iniustus, est insipiens*, sint absque mentis assensu. Ideo sicuti natura sua hæreticæ sunt, ita fere semper hæreticales sunt, & absolute semper ceu hæreticales reputandæ sunt ab illis qui easdem audiunt. Itaque, quando blasphemia est cum falso mentis assensu tantum, habet comitem hæresim; quando est cum voluntatis detestatione tantum, imprecando, optando Deo malum, habet adiunctum odium; quando demum coniungitur cum falsa mentis assensione pravus voluntatis affectus, tunc est blasphemia omnium scelestissima. Prima opponitur fidei, secunda caritati, tertia fidei simul, & caritati.

IV. Dividitur rursus blasphemia in eam quæ est in Deum, & in eam quæ est in Sanctos. Illa immediate Deum, hæc Sanctos spectat. Insuper alia est *enuntiativa*; ut si quis dicat, *Ad iniuriam Dei hoc volo facere*: alia *detestativa*; ut si dicas, *Pereat Deus*: alia *irrisoria*; ut illa, *Vah qui destruis templum Dei*: postrema *iniuriatoria*; ut dum quis blasphemando iurat, *Pereat Deus, si ita non est*.

V. Quæst. I. *Differt ne specie blasphemia in Deum ab ea quæ est in Sanctos?*
Resp. Negant Salamanicensēs tractat. XXI. cap. III. punct. 19. num. 124. pro qua
sen.

sententia laudant Caietanum, Bannez, Dianam, Sanchez, Azorium, Bonacinam, & alios. Rationem assignant, quod blasphemia peccatum sit religioni oppositum. Religio una est. Ergo una blasphemiae species. Id confirmant paritate iuramenti, quod unius speciei est, sive per Deum, sive per Sanctos iuretur.

VI. Opposita sententia mihi est probabilior. Nam, licet una sit virtus religionis, plura tamen vitia specie distincta eidem opponuntur. Porro quod praefatae duae blasphemiae specie differant, ex definitione ipsius blasphemiae evincitur. Siquidem blasphemia est derogatio bonitatis divinae. Porro divina bonitas haud est univoca Deo, & Sanctis; quin bonitas quae est in Deo, plusquam genere differt a bonitate quae est in Sanctis. Illa infinita est, haec finita; creata haec, increata illa; causa illa, effectus haec. Praeterea blasphemia opponitur honori, & cultui qui debetur personae in quam blasphemia iactatur. Sed cultus Dei plusquam specie differt a cultu omnium creaturarum. Cultus Dei est latriae, cultus Sanctorum est duliae, & B. Virginis hyperduliae. Porro hi cultus plusquam specie differunt. Ergo & blasphemiae. Tandem definitio blasphemiae per se primo convenit iniuriae quae Deo irrogatur, & secundo iniuriae quae fit reliquis Sanctis. Hanc defendunt P. Paulus Comitulus *Lib. IV. quaest. ix.* Leander *trad. 1. quaest. xix.* ubi pro eadem laudat Sanchez, Aragon, Hurtadum, & alios.

VII. P. Suarez *Tom. I. de Relig. trad. 111. Lib. I. cap. vi. num. 19.* peroptime addit, quod ut res ista sit, id verum habet in confessione explicandum esse, fuerint ne blasphemiae in Deum, in Virginem, vel in Sanctos. Hoc fatentur etiam laudat; Salmanticenses *loc. cit. num. 125* cum Sanchez, Bonacina, & aliis. Quare ferenda non est nimia laxitas P. Thomae Tamburini haec scribentis *Lib. II. Meth. Confess. cap. 111. Quamvis probabilis sit cum Suarez, & Sanchez, blasphemias contra Deum, contra Beatissimam Virginem, & contra Sanctos, differre specie; tamen, cum probabile sit ex Azorio apud Dianam non differre, satis erit, si in confessione aperiatur numerus blasphemiarum; nec explicare opus erit &c. fuisse contra Deum, vel Beatissimam Virginem, vel contra Sanctos.*

CAPUT IV.

De gravitate blasphemiae, & de blasphemiiis ex habitu, & ira.

I. **Q**UAEST. I. *Est ne blasphemis genere suo peccatum mortale?* Resp. Afirmat communis sententia. Siquidem blasphemia opponitur divinae bonitati, cuius est derogatio, & caritati in Deum. Quaecumque (inquit Angelicus 2. 2. quaest. xiii. art. 2.) caritati repugnant, ex suo genere sunt peccata mortalia. Blasphemia autem

Tom. III.

G iij

se-

secundum genus suum repugnat caritati divinæ, quia derogat divinæ bonitati. Confirmat D. Thomas suam sententiam sacræ Scripturæ auctoritate: *Qui blasphemaverit nomen Domini, morte moriatur*: Levit. cap. xxiv. Pœna autem mortis non infligitur, nisi ob mortale flagitium. Namquam ergo ex parte materiæ blasphemia erit peccatum veniale, eo quod materia isthæc parvitatibus gradus minime excipiat; quamquam blasphemia una in genere mortalis sceleris gravior altera sit. D. Augustinus *Lib. contra mendacium cap. xix.* hæc de blasphemia scribit. *Peius est blasphemare quam peierare: quoniam peierando falsæ rei adhibetur testis Deus; blasphemando autem de ipso falsa dicuntur Deo. Tanto autem est quisque inexcusabilior, si peiurus, si blasphemus, quanto magis ea quæ peierando, vel blasphemando asserunt, falsa noverunt esse, vel credunt.*

II. D. Ioannes Chrysostomus hom. xcv. in Psalm. *Nihil magis impium quam adversus Deum blasphemia: & in illud Apostoli, Medico vino utere*, I. ad Tim. cap. v. *Blasphemia nihil peius. Nullum gratiorum actioni par bonum.* D. Antonius II. Part. tit. viii. cap. vii. *Blasphemia, inquit, est gravissimum peccatum. Et ratio est secundum Thomam, quia blasphemia opponitur confessioni fidei, & ideo habet gravitatem infidelitatis; & aggravatur, si superveniat detestatio voluntatis; & adhuc magis, si prorumpat in verba, sicut laus fidei augetur per confessionem, & dilectionem. Unde, cum infidelitas sit maximum peccatum secundum genus suum, ita etiam blasphemia. Unde & glossa Isaie xvi. dicit, quod omne peccatum blasphemie comparatum levius est, & quantum quidem ad objecta peccati gravior est quam homicidium: quia blasphemia est directe contra Deum, homicidium contra proximum.*

III. Quæst. II. *Est ne blasphemia peccatum omnium maximum?* Resp. Salmanticenses *tract. xxi. cap. 111. punct. 10. num. 122.* negant genere suo blasphemiam esse peccatum gravissimum; docentque esse levius hæresi, odio Dei, & desperatione. Et hanc opinionem contendunt esse D. Thomæ, atque Theologorum communem. Quid iudicio meo dicendum sit, paucis aperiā.

IV. Blasphemia perfecta, quæ errorem habet intellectus, & Dei odium, siue divinæ bonitatis detestationem, est omnium maximum scelus: quoniam sub hac consideratione opponitur fidei, & caritati. Blasphemia quæ oritur ex Dei odio, quamvis errorem hæresis non includat, est hæresi peior. Quippe propria est damnatorum, & opponitur caritati, ac laudi divinæ; caritas autem perfectior est fide informi. Postremo blasphemia genere suo ipsa hæresi gravior est. Quia licet non habeat saltem intellectus assensionem, habet tamen pravam erga Deum voluntatem, & includit infidelitatem, eamque auget, ut docet D. Thomas art. 3. *Blasphemia... habet in se gravitatem infidelitatis; & aggravatur peccatum, si superveniat detestatio voluntatis; & adhuc magis, si prorumpat in verba; sicut & laus fidei augetur per dilectionem, & confessionem. Unde cum infidelitas sit maximum peccatum,*
se-

secundum suum genus, consequens est quod etiam blasphemia sit peccatum maximum ad idem genus pertinens, & ipsum aggravans. Loquitur hic D. Thomas de blasphemia secundum genus suum. Sententiam hanc defendunt D. Antoninus *loc. cit.* Navarrus in *Sum. cap. xli. num. 82.* Tabiena *verb.* Blasphemia *num. 5.* Armilla *verb.* Blasphemia *num. 2.* Comitulus *Lib. IV. quæst. ix. cap. v.*

V. Quæst. III. Peccat ne qui ex inveterata consuetudine, & habitu pravo blasphemat? Resp. Laxitas quorundam Casuistarum in hac quæstione horrorem ingerit. P. Thomas Tamburinus *Lib. II. in Decal. cap. vi. §. 4. num. 17.* hæc scribit. *Verba contra Deum in ebrietate, vel phrenesi, vel ex inadvertentia orta ex inveterata consuetudine, blasphemiam nequaquam sunt.* Idem docet *Lib. III. Meth. Confess. cap. 111. §. 3. num. 22.*

VI. Hanc Tamburini laxissimam opinionem exscribit, & docet Leander a SS. Sacramento *traç. 1. de iuram. disp. v. quæst. xvii.* his verbis: *Qui ex habitu blasphemat absque plena, & sufficienti advertentia ad peccatum mortale, tunc non committit novum peccatum mortale, sed solum peccavit in causa, quatenus non abstulit consuetudinem, ad quam advertit.* Laudat pro hac opinione Bonacinam, Filliucium, Toletum, Sanchez, Tamburinum, & alios.

VII. Quæst. IV. Peccat ne mortaliter qui inadvertenter blasphemat, quique ita habitualiter dispositus est, ut etiam si adverteret, blasphemaret? Resp. Audi Leandrum *loc. cit.* summa, atque horrenda laxitate probabilizantem. Novæ adhibendæ sunt voces ad inauditum exprimendum doctrinæ genus. *Probabilius* (nedum probabiliter) respondeo, nec illum peccare mortaliter actu in proposito casu. Nam, ut quis actu peccet, novumque peccatum committat, non sufficit quod sit habitualiter dispositus, & proclivis ad peccandum; sed requiritur necessario quod actualiter, & in actu secundo sit: quia Deus, inquit S. Augustinus contra Semipelagianos, non imputat nobis quod faceremus, si hoc vel illud occurreret; sed quod actu facimus. Alioquin homines de diti luxuriæ, vel avaritiæ, qui data opportunitate consensum præbent his peccatis, semper actualiter peccarent; quod omnino est falsum. Citat pro hac sua laxa opinione Valentiam, Sanchez, Filliucium, Laimanum, Trullenchum & alios. Vide nostram secundam Epistolam Theologico-Moralem, & Decretum S. Officii contra librum iunioris cuiusdam, continentem propositiones falsas & scandalosas, quæ, ut ego quidem arbitror, sunt illæ quæ propugnant tactus mamillares, & blasphemias ex inveterata consuetudine prolatas tamquam licitas.

VIII. Quis hæc legere, aut exscribere valet, quin commoveatur, & exandescat? Vitio ne vertendum, si ut odium in similia monstra concitemus, verbis aliquantulum asperioribus, amarulentisque usi fuerimus? Hæc quippe non tam consultationem quam detestationem reiicienda sunt. Auctor iste, ut suis laxitatis velum obtenderet, patronum advocat Augustinum; & tanto Doctori tam monitosum er-

rorem impingere non erubescit. Quid isthuc pertinet hæresis Semipelagianorum de peccatis conditionatis? Hæccine bona fides in Patribus laudandis, nullo indicato nec verbo, nec loco? Sermo ne in præsens est de futuris conditionatis? Nonne quæstio propolita est de eo qui *actu* blasphemat ex habitu inadvertenter? Qui ex inveterata libidine fornicatur inadvertenter, numquid a fornicationis reatu liber est? Quid ergo effutit, hinc consequi luxuriæ deditum hominem semper actualiter peccare, quia data opportunitate consensum præberet? Anne dicimus nos, peccare actu illum qui spiritu blasphemiarum animatus in blasphemiam non erumpit?

IX. Paucis ergo quæstiunculæ respondemus, reum esse blasphemiarum qui ex habitu, per poenitentiam non sublato, seu retractato, verba profert blasphema, quamquam inconsiderate, & inadvertenter. Quoniam inconsiderata blasphemiarum prolatio voluntaria est in illa habituali dispositione ad blasphemandum, etiam si adverteret. Peccatum ergo haud est conditionatum, sed absolutum: & voluntarium adest indirectum, atque interpretativum, ut de schola loquuntur Theologi. Porro ad peccandum satis est voluntarium indirectum. Igitur qui assuetus est blasphemiarum, nec conatur consuetudinem evellere, peccat; quamvis non intelligat se blasphemare. Siquidem qui habitu pravo devinctus est, eumque non detestatur, implicitam habet deliberationem. Peccat ergo peccatum mortiferum, quoties blasphemat; tametsi ad blasphemiam animum non advertat vel ob iracundiæ impetum, vel ob eiusdem habitus propensionem. Qui vero non est assuetus blasphemare, si ex lapsu linguæ verbum proferat blasphemum, ad sensum verborum non advertendo, ita quod si adverteret, certo talia verba non proferret; non peccabit, saltem graviter, quia tunc blasphemia erit solummodo materialis. Quem habitus blasphemandi poenitet, quique laborat pro extirpanda consuetudine, si nulla prævia cogitatione in blasphemiam incidat, leviter tantum peccabit.

X. Quæst. V. *Blasphemia ioco prolata est ne peccatum mortiferum?* Resp. Communis sententia distinctione utitur. Si iocus non auferat a blasphemia rationem contumeliæ, aut irreverentiæ in Deum, semper erit peccatum mortale. Si iocus eiusmodi sit, quod omnibus expensis tollat a blasphemia rationem convicii, & contumeliæ in Deum, tunc non erit peccatum mortale. Sic docet Leander quæst. xiv. pro qua opinione citat *Castropalaum*, *Tamburinum*, *Basseum*, *Sanchez*, & alios.

XI. Inanis, futilisque est mihi distinctio isthæc. Anne iocandum, nugandumque cum Deo, & contra Deum est, ac solatii causa in ipsum blasphemata verba eructanda? Qui fieri potest ut iocus blasphemiam exuat omni contumeliæ, convicii-que reatu in maiestatem divinam? Quin iocus non minuit, sed augeat blasphemiarum iniquitatem: etenim mea sententia qui deliberato animo ioci causa blasphemata

ver-

verba profert, peius peccatum peccat quam qui ex ira, aut alia passione blasphemat. Quid quippe scelestius in mentem venire potest quam sola iocandi gratia infinitam Dei maiestatem verbis blasphemis, & contumeliosis concindere, Quid vero a ratione tam alienum quam dicere, blasphemias, & convicia in Deum, quia ioco prolata, culpæ reatum minuere? Hæc mihi vera sunt, dum quis deliberato animo veram blasphemiam in Deum contorquet. Secus dicendum, dum quis verba profert, quæ, licet presse accepta blasphemiam redoleant, iuxta tamen sensum communem blasphema non sunt; ut dum homines aliquam feminam *deam*, suamque *divam* appellant. Quamvis enim attribuere creaturis quod Deo tantum convenit, blasphemia sit enormis; eiusmodi nihilominus locutiones tamquam hyperbolicæ ab omnibus habentur, nulloque modo blasphemix reputantur. Ab eis tamen abstinendum hominibus est, eosque pudere deberet infimum omnium rationalium animal tali nomenclatura insignire.

XII. Aliam Leandri laxitatem confutare iuvat, potissimum quia eam ipsam asserit D. Thomæ. Hæc porro scribit Auctor iste quæst. xvi. *Si vero blasphemet aliquantulum, iudicium rationis sequendo, non tamen plenum, & omnino deliberatum, tunc peccabit, sed solum venialiter, etiam casu quo indeliberatio orta fuerit ex causa iniusta, & illicita. Sic Navarrus ex S. Thoma 2. 2. quæst. xiii. art. 2.* Leander imponit tum Navarro, tum D. Thomæ. Navarrus quippe loquitur de eo qui ex ira, omnem prævertente rationem, blasphemat, & pro hac opinione laudat D. Thomam; secus de eo qui advertens aliquo modo se blasphemare, reprimere linguam negligit: tunc enim ob negligentiam reprimendi linguam, advertendique in re adeo gravi, & ob defectum auferendi causam illicitam inconsiderationis, graviter peccat, ut dictum supra est.

C A P U T V.

De variis blasphemandi formulis in Deum, & Sanctos.

I. Urare serio per falsos deos, per Iovem, per Mercurium &c. blasphemia est; quia cultus Deo soli, aut Sanctis propter Deum debitus, tribuitur falsis diis, & dæmonibus. Qui vero ioci causa, & animo deridendi, non colendi falsos deos, iurat per Iovem, non blasphemat, nec culpam perpetrat. Blasphema verba sunt illa quibus fides, seu ea quæ fide divina credenda sunt, negantur; ut, dum quis dicit: *Renego Deum, sacramenta, Mariæ virginitatem* &c. Blasphemix quoque sunt etiam omnes quæ derogant divinæ omnipotentix; ut dum quis effutit, *Fecit, nolit Deus, hoc fecit; vulgo, al dispetto di Dio.* Laudare Deum verbis obscæ-

nis;

nis, aut per Christi, Sanctorumque membra pudenda iurare, blasphemiz sunt. Iurare vero per membra honesta Christi, ut per caput, per corpus, non est blasphemia. Et quia Christus Deus est, absolute iuramenta Christianorum, *per caput, per corpus Dei*, non sunt blasphemata: quia sciunt, creduntque Christum esse Deum. Attamen, quia scandali plena sunt eiusmodi iuramenta, potissimum infidelibus; & quia vix umquam eiusmodi præcisiones fiunt ab iis qui iurant; ideo severissime increpandi sunt eiusmodi iuratores, arcendique a sacramentis, donec sese emendaverint. Maxime vero tamquam blasphemii habendi illi sunt qui indignabundi exclamant, *O sanguis di Dio! o corpo di Dio!* Et quamquam Casuistæ distinguant indignationem in Deum ab ea quæ est in hominem quem alloquuntur iurantes; & quod in primo, secus in secundo casu blasphemia sit; attamen mihi certius est quod absolute eiusmodi iuratores, tamquam blasphemii, habendi sint. Quod etiam docet P. Suarez *Tom. I. de Relig. tract. III. Lib. I. cap. VI.*

II. Blasphemia itidem est diabolum enuntiare omnipotentem, aut sanctum. Amatam puellam deam vocitare, ut iam diximus, communiter non est blasphemia: quia reapse deitas eidem non tribuitur: indignæ tamen locutiones istæ sunt. A blasphemiz quoque reatu immunia sunt hæc verba: *Sub hoc fato notus sum: sic erat in fatis: sic futurum erat*: quia modus loquendi est minime negans contingentes eventus, nec necessitatem absolutam inducens; sed sensus communis est quod sic a Deo constitutum erat ut eveniret, indemni permanente libertate humana. Blasphemata non sunt eiusmodi verba: *Potestas di Dio, Possanza di Dio, Può far Dio*: quia homines hæc enuntiantes verba, non derident, sed admirantur Dei potentiam. Negant quoque plures hanc esse blasphemiam: *Al dispetto di quel becco che mi mantiene, e mi sostiene al mondo*: quod latine dicitur: *Inuito illo hirco qui me alit* sustinetque in hoc mundo, sic agam. Verum mihi hæc indefinita locutio vehementem ingerit præsumptionem blasphemiz: qui enim absolute homines nutrit, & conservat in mundo, solus Deus est.

III. Quæst. I. *Sunt ne blasphemiz eiusmodi locutiones: Non credo Deum, Nego Deum, Crucem, Evangelia, sacramenta, si ita non est?* Resp. Negat Tamburinus *Lib. II. in Decal. cap. VI. §. 4. num. 22.* Sed sententia adfirmans communis est, & vera: quia negatur existentia Dei in præsentia, licet sub futura conditione; quæ conditio tamen non afficit negationem, sed rem futuram. Blasphemii quoque sunt qui iurant per vitam Dei, vel Sanctorum, inquietantes: *Pereat Deus, si ita non est.* Dum tamen dicunt, *Per vitam Dei sic est*, secundum aliquos non blasphemant, nec iuramentum execratorium, sed assertorium pronuntiant; quemadmodum non blasphemant qui dicunt, *Vivit Deus.* Verum, sicuti in foro exteriori eiusmodi iuramenta ut blasphemata iudicantur; ita in foro quoque interiori censenda sunt, nisi expressa intentio iurantis constet quod nec Deo optet vitam, sciens esse immuta-

bi-

bilem; nec in discrimen illam adducat, quasi capax sit pereundi. *Vivit Deus* formula iurandi est in Scripturis adhibita, nec blasphemiam ullam includit. Eiusmodi vero formulæ, *Hoc ita verum est sicut Evangelium, sicut Deus, sicut Christus natus est ex Virgine*, non sunt blasphemix secundum aliquos Casuistas, qui iurantis intentionem obtrudunt. Verum perperam opponitur intentio, quando locutiones obvium blasphemum sensum natura sua offerunt. Porro recensitæ formulæ reapse blasphemæ sunt: æquant enim creatam veritatem divinæ veritati; & quod proprium Dei est, creaturæ tribuunt. Blasphemix hæreticales sunt eiusmodi verba: *Per corpus Dei Patris: Per eius barbam: Per alas Spiritus sancti*. Res clara est.

IV. Quæst. II. *Qui falsum iurat, est ne blasphemus?* Resp. Adfirmant aliqui. Sed contraria sententia vera est, quam tradit D. Thomas 2. 2. quæst. xiiii. art. 3. ad 2. *Qui peierat, non dicit, aut sentit aliquid falsum de Deo, sicut blasphemus; sed Deum adhibet testem falsitatis, non tamquam estimans Deum esse falsum testem, sed tamquam sperans quod Deus super hoc non testificetur per aliquod evidens signum.*

V. Quæst. III. *Qui eodem impetu iracundia profert plures blasphemias, unum ne, an multiplex peccatum committit?* Resp. P. Leander de more absolute probabilius asserit, hunc blasphemum iratum unum duntaxat perpetrare peccatum: laudatque plures Auctores, & tandem concludit: *Vide de hac materia sapientissimum, & amicissimum Amadeum Guimenium tract. de poenit. prop. 7.* Viden' Casuistarum eloquentiam in reciprocis elogiis? Libellum extollit P. Leander laxitatis, erroribus, imposturisque plenum, toties a sancta Sede anathemate lato confixum. Ad quæstionem respondeo, expendendas esse circumstantias temporis, personæ, consuetudinis blasphemandi. Si enim ira sit diuturna, puta per quadrantem, in quo blasphemus valeat advertere, possitque, si velit, iram comprimere; quis ambigit plura esse peccata? Verum quæstio isthæc levioris momenti est. Pro praxi enim satis est ut blasphemus explicet temporis diuturnitatem, animi furentis impetus blasphemus, & consuetudinem blasphemandi.

C A P U T VI.

De poenis in blasphemos constitutis, & de eorum indicibus.

I. IN veteri lege capitis pœna pledebantur blasphemæ. *Qui blasphemaverit nomen Domini, morte moriatur: lapidibus opprimet eum omnis multitudo, sive ille civis, sive peregrinus fuerit.* Lev. xxiv. Pariter ius civile commune ultimo supplicio puniendos blasphemos omnes decernit. Quamvis leges istæ, ad hanc quod attinet ultimam capitis pœnam, desuetudine evanuerint; tamen regna, & princi-
pa-

patus omnes gravissimis suppliciiis pleetere blasphemus solent. Alicubi plebei blasphemum primum vapulant verberibus, post ferro candenti eorum labia signantur, tertio linguæ illorum præciduntur. Alii publicæ derisioni, & infamæ blasphemum exponuntur. Ius canonicum *cap. Statuimus de maledictis*, blasphemos septem diebus dominicis ante fores Ecclesiæ adstare iubet, dum sacra peraguntur, ultimoque die dominico, pallio posito, nudis pedibus, ligatos corrigia circa collum, publico aspectui sese exhibere; & septem sextis feriis, antequam ingrediantur Ecclesiam, in pane, & aqua ieiunare. Quæ si præstare neglexerint, & viventes ab ingressu Ecclesiæ prohibeantur, & post obitum ecclesiastica sepultura priventur. Concilium Lateranense *sess. ix. cap. Ad abolend.* Clericos blasphemos prima vice unius anni fructuum beneficii multa plectit: postea eos a beneficio repellit: tandem eosdem inhabiles declarat ad ecclesiasticos quoscumque proventus. Laicis vero nobilibus prima vice viginti, secunda quinquaginta ducatorum multam imponit, postremum nobilitate deiectos pronuntiat. Plebei qui his blasphemaverint, ante fores Ecclesiæ, ignominiosa mitra capiti imposita, adstare debent. Si vero assueti blasphemis fuerint, ad triremes, aut carceres damnantur.

II. Quæst. I. *Qui blasphemus audis, astringitur ne eisdem ad iudicem deferre?* Resp. Adfirmat communis sententia: idque præcipiunt & Iulius III. in sua constitutione, cuius initium est *In multis*, & Concilium Lateranense *loc. cit.* his verbis: *Quicumque blasphemantem audierint, eum verbis acriter obiurgare tenentur, si circa periculum suum id fieri posse contingat; eumque deferre, vel notificare apud iudicem ecclesiasticum, vel secularem intra triduum debeant; quod, si plures dictum blasphemantem simul audierint, singuli eum accusare teneantur; nisi forte omnes convenerint, ut unus pro cunctis tali officio fungatur.* Plura hic dicenda occurrerent super hac denuntiatione; quæ tamen lubet ad alium locum remittere. Illud dumtaxat urgebo, cuique mandatam esse fraternam correctionem; atque, si hæc satis non sit, dicendum Ecclesiæ. Correctionem sæpius omittimus vel ob profectus desperationem, vel carnalis prudentiæ obtentu. Prudentia opus esse non inficior in corrigendis fratribus; sed simul cavendum moneo ne amor terrenarum rerum, mundani respectus, & commoditatum rationes larvam induant christianæ prudentiæ. Si audis blasphemum ira perciturum, post sedatam iram illum corripe. Aliquando correctio illico fieri debet, blasphemantis qualitate inspecta. Si blasphemæ hæreticales fuerint, iudici legitimo denuntiandi sunt, ut pontificiis præceptis fiat satis. Iudices porro hæresum aut Inquisitores sunt, aut Episcopi. Verum de hoc plura suo loco.

III. Quæst. II. *Quomodo se gerere debeat Confessarius cum blasphemis?* Resp. Si blasphemæ sint simplices, ab eisdem valet Confessarius pœnitentem absolvere: quia præfatæ blasphemæ communiter non sunt reservatæ. Potest tamen Episco-

pus

pus has quoque blasphemias simplices reservare; qua reservatione posita, nequirit Confessarius absolutionem impertiri.

IV. Blasphemia quandoque exterius est hæreticalis, quatenus verba prolata hæresim produunt; & tamen blasphemus nullum internum errorem, dum eam evomit, in mente habuit: ideo in hoc casu communis sententia docet, in foro interiori posse Confessarium regularem absolvere poenitentem, sicut a sortilegio, a magia, a maleficio; dummodo error in mente non fuerit. Qua de re vide Salmanticensis *trad. xx1. cap. 111. punct. 10. num. 131*. Verum de hoc in tractatu de poenitentia.

V. Quæst. III. *Quam poenam imponere Confessarius blasphemis poenitentibus debeat?* Resp. Concilium Lateranense statuit, blasphemos absolvendos non esse, nisi gravissima poenitentia a Confessariis imposita. Hæc sunt verba Concilii *sess. 1x. §. Ad abolendam: In foro poenitentia nemo blasphemie reus absque gravissima, severi Confessarii arbitrio iniuncta, poenitentia possit absolvi*. Respondent recentiores Probabilistæ; hoc decretum haud esse usu receptum: Idque verum habet. Si enim gravissimis poenis subicerentur blasphemii, ut Concilium præcipit, & æquitas iudicii postulat; non adeo frequenter sanctum Dei nomen blasphemaretur. At, quia Confessarii non pauci, sicut a ceteris flagitiis, ita a blasphemiarum criminibus, levi iniuncta satisfactione, fictos poenitentes absolvunt; ideo scelera cuiusque generis grassantur, atque inundant terram omnem. Verum aliud est quod decretum præfatum non sit usu receptum, seu quod reapse Casuistæ, & Confessarii non pauci iuxta illius præscriptum severissimas poenitentias blasphemis minime imponant: aliud est quod decretum illud obsoleverit. Hoc nos negamus contra Leandrum *disp. v. quæst. lxxvi*. Salmanticensis *trad. xx1. cap. 111. punct. 10. num. 132*. Castropalaum *disp. 11. punct. 2. §. 3. num. 2*. Sanchez *Lib. II. in Decal. cap. xxx11. num. 44*. aliosque plures. Si ab his quæras, cur hoc decretum non vigeat, non servetur; respondent, quia non est usu receptum. Hæc est unica eorum ratio: quæ si consisteret, actum esset conclamatumque de omnibus legibus, quæ usu, seu executione a transgressoribus non recipiuntur. Nonne quo gravior est Dei offensio, eo gravior esse debet poenitentia, & satisfactio? Nonne Tridentinum Concilium præcipit, ut pro criminum qualitate poenitentia iniungantur? Cum blasphemia sit gravissimum scelus; cur blasphemis hominibus gravissima poenitentia, ut Concilium iubet, imponi non debet? Lex cum divina, tum naturalis hanc proportionis æqualitatem præscribit. Vides, christiane Lector, quo tendat benignitas Casuistarum? Præscriptioni, & desuetudini obnoxias facit vel ipsas divinas, naturalesque leges. Apage tam crudelem benignitatem. Caveant ergo Confessarii absolutionem impertiri, quin dignis poenis poenitentes blasphemos subiciant.

VI. Quæst. IV. *Qui consuetudine blasphemandi tenentur, debent ne absolvi, antequam a consuetudine prava receperint?* Resp. Adfirmat de more Leander *disp. v. quæst.*

quæst. lxxv. probabilius sibi esse absolvendos blasphemos, si vere de peccatis doleant, tametsi sæpius admoniti non resipuerint: & pro hac sua opinione laudat Sanchez, Castropalaum, Hurtadum, Trullenchum, & alios. Quam sit opinio isthæc laxa, nemo non videt. Laxitatis notam omnem se effugere credunt, dum dicunt: Si vere de perpetratis blasphemis doleant. At, quo fundamento præsumere potes, pœnitentem sincero affici dolore, si, repetita admonitione spreta, ad meliorem frugem minime se recepit, nullumque emendationis argumentum exhibuit? Reputet ergo serio Confessarius, quo studio, qua industria, & diligentia blasphemum cohibere linguam curaverint. Perpendat, num executioni mandaverint remedia quæ blasphemis pro emendatione ab aliis Confessariis præscripta fuerunt. Si profectum, si studium emendationis in pœnitente perspexerit, absolvere eum poterit. Si secus, differat absolutionem, & remedia, quibus a blasphemis se abstineat pœnitens, rursus iniungat. Inveterata consuetudo momento temporis extirpari penitus nequit. Paullatim ergo debet infringi, & interrumpi, ut tandem, diligentia maxima adhibita, omnino evellatur. Eleemosynam, si conditio pœnitentis permittat, toties faciendam statim præscribat, quoties ipsum blasphemare contigerit; vel tot cruces ling. super nudam humum signandas, aliamve similem, aut asperiores pœnitentiam imponat. Hac via si pœnitentes vere doleant, cito sese emendabunt: sic unius, aut alterius hebdomadæ spatio sese emendatum quisque reperiet. Recensita Leandri, & aliorum sententia proscripta est ab Innocentio XI. in hac propositione: *Pœnitenti habenti consuetudinem peccandi contralegem Dei, naturæ, aut Ecclesiæ, licet emendationis spes nulla appareat, nec est deneganda, nec differenda absolutio, dummodo ore præferat, se dolere, & proponere emendationem.* Iuniores Casuistæ nostri, ut consulant laudatis Theologis, de more clamitabant aut ab aliis etiam Theologis familia doceri (quod si verum est, & illi reiiciendi sunt) aut minus sincero istorum opiniones relatas esse. Quam cationem valde rancidulam pluries ut ridiculam propulsavimus.

VII. Verum plura de hoc, dum de occasione proxima sermo erit. Ea nunc indicabo quæ docet Comitulus *Lib. IV. cap. ix. quæst. ix.* Primum pœnitentes suos blasphemis in Deum, & in B. Virginem assuetos, triginta, quadraginta, quinquaginta vicibus plus minusve, genibus flexis & nudis, terra tacta, recitare cogebat ille septem psalmos pœnitentiales, & litanias cum precibus. Præcipiebat eosdem decies a Deo, & B. Virgine, Sanctisque veniam supplices petere: decies singulis diebus crucem lingua designare in terra, pectusque decies percutere. Hæc, & similia blasphemis imponere Confessarii poterunt, ut blasphemos a blasphemandi consuetudine exsolvant. Si divites sint, pro singulis blasphemis, aut periculis viginti solidos in eleemosynam dare iubeant. Si pauperes, viginti crucibus lingua in terra designatis, ad tot preces recitandas obligent. His aut similibus modis adversus pessimum blasphemandi vitium erit aliquo pacto consultum.

LIBER QUARTUS

IN DECALOGUM.

DISSERTATIO PRIMA

DE VOTO.

PROOEMIUM.

VOTA quæ Deo homines nuncupant, ad primum Decalogi mandatum attinent. Votorum sanctitas, ac pietas suapte natura perspicuæ sunt. Colitur quippe Deus votis nostris, & de acceptis beneficiis grati animi nostri argumenta exhibentur. Modo ad impetrandam divinam clementiam, gratiasque obtinendas; modo ad delinendam, placandamque iustitiæ severitatem vota nostra Deo offerimus. Hæc sunt præcipua christianæ religionis officia, ac servitutis nostræ erga Deum argumenta. Inrita est animis nostris hæc propensio, aut in calamitatibus divinum auxilium votis implorandi, aut pro beneficiis acceptis ad divinæ maiestatis gloriam votorum tabellis templâ ornare. Antequam Deus scriptam legem nobis traderet, Patriarcha Iacob vota sua Deo obtulit. *Votum vocis dicens: Si fueris Deus meus &c. Gen. xxviii.* Vates Isaias, ceu insignem populi Dei prærogativam, votorum immolationem describit dicens: *Colent eum in hostiis, & in muneribus; & vota vovebunt Domino, & solvent;* cap. xix. Quid quod ipse Marcus Tullius frequentia Paganorum vota, & tabellas, quas in templis deorum appendebant, aut qui naufragio evasisent, aut qui insigne aliquod beneficium obtinuissent, indicat? Atque hinc deorum colligit providentiam, mundique gubernationem. Sic enim Diagoram amicum alloquentem inducit: *Tu, qui deos putas humana negligere, nonne animadvertis ex tot tabellis pictis, quam multi votis vim tempestatis effugerunt, in portumque salutis pervenerunt?* Lib. III. de nat. deor. sub finem.

De votis ergo tractationem hoc in Libro suscepturus, difficultates omnes expendam quas Theologi discutere solent. Vota monastica indicta in præsens prætereo, eaque ad tractatum de statu religioso remitto. De votis ergo generatim acceptis sermo erit.

CAPUT I.

Hæreticorum errores adversus vota.

I. **P**rimi inter hæreticos, qui vota damnarant, appellantur *Lamperiani*. Hi vota omnia reiiciebant, eo quod illa necessitatem, & coactionem inferre hominibus effutiebant. Hanc impietatem diu conscriptam effoderunt *Pseudopostoli*, quibus manus porrexerat Ioannes VViclephus. Lutherus VViclephi discipulus impudentius magistris suis hæresim hanc evulgavit. In vota tamen monastica præ ceteris suas evomit blasphemias. Idcirco, dum de illis sermo erit, impia illius sophismata refutabo. Ioannes Calvinus, qui & VViclephi, & Lutheri præcipuos errores adoptavit, suisque propriis intermixtos auxit, & pestilentiorum innoxiam hæresim, *Lib. IV. Instit. cap. xiii.* adversus votorum nuncupationem, quam temerariam vocat, calamum atra bile sua, & impotenti livore tinctum acuit. In duas integrum caput partes tribuit; in quarum priore de votis in genere, in posteriore de votis monasticis agit. Sub initium luget, deploratque Ecclesiam, Christi lesu inestimabili sanguinis pretio in libertatem vindicatam, ingenti votorum, ac traditionum pondere oppressam esse, & crudeli tyrannide dilaniatam. De more in Catholicos contorquet impropria vilissima, scurrilia dicta, commenta audacissima, quæ stili elegantia, & eloquentiæ, qua inique abutitur, floribus respergere conatur. Sed quo est in dictionis suæ cortice politior, eo est in veritatis investigatione dementior. Modo vota omnia improbat, modo nonnulla suscipit: nunc vota temere emissa tantum, nunc etiam quæ caute, & deliberato animo sunt, damnat. Eo tamen conatus suos collineat, ut Catholicorum vota omnia ad superstitionem, & idololatriam amandet. Pauca delibabo ex multis quæ scribit, ut ipsiusmet doctrina, & verbis impudentiæ, ac cæcitatæ ipsum revincam.

II. Itaque *num. 4. loc. cit.* inquit Calvinus, *Vini abstinentiam si ita vovet, quasi in ea subsit aliquid sanctimonie, superstitiosus est; si in alium finem non perversum respicit, nemo potest improbare.* Quis est, saltem Christianorum, qui in vini abstinentia quidquam sanctimonie recognoscat, optimo quovis alio fine sublato? Abstinent Turcæ vino, abstinent plurimæ aliæ nationes, vini carentia cogente. Nemo dixerit, abstinentiam vini sanctimoniam continere: nemo saltem sanæ mentis eam vovet, quasi in ea aliquid sanctitatis subsistat. Sed qui eam vovet Deo, eam veluti medium assumit, quo & propriam comprimat concupiscentiam, eamque spiritui subiiciat; & securius se disponat ad legem Dei servandam, atque facilius uberiusque a Deo auxilia cælestia, quibus suos coercere appetitus possit, obtineat. Huc spectant Catholicorum vota. Quid itaque hæresiarcha calumniatur

Ca-

Catholicos Deo abstinentias, & ieiunia voventes? Non in ieiuniis sanctimoniam agnoscimus; sed ieiunia ad animæ sanctimoniam comparandam adhibemus. Ieiunia, si in Dei gloriam dirigantur, si theologicis virtutibus, caritate potissimum; alimenter, sancta dicimus: quia instrumenta sunt quibus animæ sanctitas vel acquiritur, vel augetur. Quid isthic superstitionis?

III. Quatuor votorum genera distinguit Calvinus, quorum duo præteritum tempus respectant, quibus vel nostrum erga Deum gratum animum pro acceptis beneficiis testamur, vel ob perpetrata delicta ipsi a nobis pœnam exigentes, divinam vindictam emollire studemus. Priora gratiarum actionis, posteriora pœnitentiæ exercitia etiam vocat. Alia duo tempus futurum inspiciunt, nempe quibus aut cautiore reddimur circa malum commissum, aut ad bonum excitamur. *Quæ in futurum tempus [inquit num. 5.] conferuntur vota, partim eo tendunt ut reddamur cautiore, partim ut quibusdam veluti stimulis ad officium excitemur. Videt aliquis se adeo proclivem esse in certum vitium, ut in re alias non mala sibi temperare nequeat, quin protinus in malum delabatur: nihil absurdum faciet, si eius usus ad aliquod tempus sibi voto præcidat. Quemadmodum, si quis periculosum sibi esse hunc, vel illum corporis ornatum agnoscat, & tamen cupiditate illectus vehementer appetat; quid melius faciat, quam ut frenum sibi iniiciendo, hoc est necessitatem abstinendi imponendo, sese omni dubitatione liberet? Similiter, si quis vel obliviosus sit, vel piger ad necessaria pietatis officia, cur non suscepto voto & memoriam experefaciat, & pigritiam excutiat? In utroque speciem esse pædagogicæ fatcor; sed eo ipso quod sunt infirmitatis adminicula, a rudibus & imperfectis non sine utilitate usurpantur. Proinde quæ ad unum ex his finibus respiciunt vota, præsertim in rebus externis, legitima esse dicemus, si modo & Dei approbatione sint suffulta, & vocationi nostræ convenient, & ad facultatem gratiæ nobis a Deo datæ sint limitata.*

IV. Hæc longius forte quam par erat referre volui, ut non aliunde quam ex ipso Calvino argumenta repeterem, quibus illius maledicum obstrueretur os adversus Catholicorum vota. Cum enim sub initium sui capitis de votis quæ in catholica Ecclesia fiunt, sermo illi esset, hæc protulit. Porro, quo melius patent gravissimam perniciem ex votis invectam esse, principia iam ante posita teneant lectores. Docuimus enim primum, quidquid ad vitam pie, sanctæque instituendam desiderari potest, in lege esse comprehensum. . . . Hinc exoritur de votis dubitatio, quæ præter expressum Dei verbum sunt, quo loco sint habenda. Dicat nunc nobis Calvinus, num expresso Dei verbo in Scripturis habeatur quod quis possit vovere abstinentiam & ab epulis selectis, & a splendido ornatu. Dicat, si expressum Dei verbum sit ut obliuio, & pigri vota suscipiant, quibus, pigritia excussa, solertiores sint in persolvendis Deo debitis pietatis officiis. Dieat, unde ipse cognoscere valeat quod eiusmodi vota Deo probata sint, & vocationi congrua, & divinæ gra-

tæ dono aptata. Sunt ne hæc omnia expresse Dei verbo definita? Si ait; quid ergo adversus Catholicos obgannit, quod vanos votorum cultus Deo exhibeant, expresse Dei verbo repugnante. Si neget; quid ergo Catholicos carpit, quod ea Deo voveant quæ explicite in Scripturis non habentur? Quid plura? Si vota Deo displicerent, profecto nequaquam præciperet eorundem observationem, quemadmodum reipsa præcipit Eccles. v. *Si quid vovisti Deo, ne moreris reddere: displicet enim ei infidelis, & stulta promissio.* Item Psal. xciv. *Immola Deo sacrificium laudis, & redde Altissimo vota tua.* Rursus Psal. lv. *Reddam tibi vota mea, quæ distinxerunt labia mea.*

V. Ut hæc apertissima testimonia eludant quoquo modo Lutherani, & Calvinistæ, concedunt vota emitti ad tempus definitum posse, secus in perpetuum: quia, inquit Calvinus loc. cit. num. 6. *Si perpetuo voto te obstrinxeris, aut magna molossia, tædioque solves, aut etiam diuturnitate fatigatus violare aliquando audebis.* Alteram prodit rationem, quod eiusmodi vota perpetua repugnent christianæ libertati: quo nihil dici potest insulsius. Nam, si non repugnant vota temporaria Christianorum libertati; cur repugnabunt perpetua? Cedo: ubi est in Scriptura expressum Dei verbum, quod licitum sit Deo nuncupare vota temporaria, secus perpetua? Quin perpetuitas votorum vel ex ipsa Scriptura clarissime colligitur. Votum enim perpetuum Anna Samuelis mater Deo dicavit. I. Reg. i. *Cum esset Anna amaro animo, oravit ad Dominum flens largiter, & votum vovit dicens: Domine exercituum, si respiciens videris afflictionem famulæ tuæ.... dederisque servæ tuæ senum virilem, dabo eum Domino omnibus diebus vite eius.* Quod votum adeo gratum Deo fuit, ut voventis petitionem continuo exaudierit. Si mater de filio votum perpetuum nuncupare Deo potest; quanto magis potest filius ipse de se ipso; cum plus iuris quisque filiorum quam mater in semetipsum habeat? Ceterum, ut Calvinus sophisma penitus convellatur, servitus peccati ea est quæ filiorum Dei libertati repugnat; secus servitus iustitiæ, & honestatis, ut inquit Apostolus Rom. vii. *Liberati autem a peccato, servi facti estis iustitiæ.* Libertas itaque novæ legis libertas est a peccatis, & a gravissimo vitiorum iugo. Huic vero christianæ libertati non modo non repugnant quæ nos Deo devinciunt; quin eandem perficiunt, ut expresse ait Augustinus Lib. de quant. anim. cap. xxiv. *Hæc est vera, hæc est perfecta, hæc sola religio, per quam Deo reconciliari pertinet ad animam, de qua querimus, magnitudinem, qua se libertate dignam fecit.* Nam ille ab omnibus liberat cui servire omnibus utilissimum est, & in cuius servitio placere, perfecta sola libertas est. Vota quæ Christiani omnes in baptismo etiam iuxta Calvinum emittunt, perpetua sunt; & non idcirco christianæ libertati offiunt. Matrimonii vinculum perpetuum est, & gravius quocumque voto; & nihilominus libertati per Christum donatæ minime repugnat. Cur ergo repugnabit votum? Non intelligunt miseri quod

quod servire Deo regnare est. Utrique non raro & molestum, & laboriosum est reddere Deo vota nuncupata. Sed hoc evenit tum in temporariis, tum in perpetuis promissionibus. Quid quod Calvinus ipse suadet emissionem votorum ad excutiendam pigritiam, ad calcaria iniicienda torpidæ voluntati? Contingere quidem potest in non paucis eorumdem violatio. Quid inde? Nonne prævidebat Christus & difficultatem suæ legis, & innumeras eiusdem transgressiones? Abstinit ne propterea ab illius promulgatione? Si difficultas, servandæ promissionis, aut violandæ periculum abstergere homines deberent a promittendo; nulla umquam pacta, nulla sædera, nulla promissa fieri possent. Tandem, subdit Calvinus, vota Deo placere, & esse actus religionis, cum sunt de rebus ab ipso Deo præceptis; secus vota de rebus non præceptis. Ubique sibi contradicit. Vota quæ ipse concedit ut licita, de abstinentia a vino, a lautitiis, & vota ad excutiendam pigritiam, & similia, non sunt de rebus præceptis. Vota quæ nuncuparunt Patriarcha Iacob, Anna, & plures alii in sacra Scriptura recensiti, non de rebus præceptis, sed liberis fuerunt, ut legenti cuique constat. Et tamen hæc vota Deo placuisse, inde colligitur, quod eorum solutionem severe exigebat. Sed in re aperta amplius non est immorandum, eo vel maxime quod de his plura dicturi sumus, cum de votis monasticis sermo recurret.

C A P U T II.

Recensentur opiniones damnatæ, & laxiores nonnullorum recentiorum.

INter propositiones Michaelis de Molinos proscriptas ab Innocentio XI. Summo Pontifice duæ sunt quæ votorum materiam spectant. Prima habetur num. 3. dictarum propositionum, estque sequentis tenoris. *Vota de aliquo faciendo sunt perfectionis impeditiva.* Altera est num. 64. *Præpositis obediendum est in exteriore, & latitudo voti obedientiæ Religiosorum tantummodo ad exterius pertingit. In interiore vero aliter se res habet, quo solus Deus, & director intrant.* Ambæ propositiones aperte repugnant sancto Dei verbo. Capite superiore ostensum est ex Isaiæ cap. xix. *Deum coli hostiis, & votis. Vota vovebunt Domino, & solvent.* Ex quo patet primæ propositionis damnatæ falsitas. Alteram quoque reprobatur D. Paulus Hebr. xiii. *Obedite præpositis vestris, & subiaceite eis: ipsi enim pervigilant, quasi rationem pro animabus vestris reddituri.* Si pro animabus rationem reddere præpositi debent, earundem regimen, & cognitionem habeant necessum est. Sed de hoc plura suo loco. Nunc recensendæ sunt quædam opiniones aliquorum recentiorum, quæ nimis laxæ nobis videntur.

II. „ Num coniugatus impeditus ad petitionem debiti ob votum, aut incestum, aut cognationem spirituales, possit petere, quoties vehementibus carnis stimulis agitur, ne periculo exponatur in gravia luxuriæ peccata labendi?... Affirmativam sequor, si ita vehementibus carnis stimulis coniugatus agitur, ut proximo periculo se exponat incidendi in peccatum fornicationis, vel aliud turpius, nisi debitum petat... quia cum ex observatione voti periculo proximo quis exponatur incidendi in aliqua peccata luxuriæ intrinsece malæ, & tunc non observatio voti (scilicet petere debitum a propria uxore) non sit intrinsece malum, manifestum est nec votum, nec observationem voti esse de re meliori &c. Hæc, & longe plura in hanc rem doctissimus P. Quintanadvena.... Perdifficile mihi videtur nunc negare omnem practicam probabilitatem sententiæ P. Quintanadvena.... Ita expertissimus Cassia Gobat, cui ego merito assentior. „ P. Patritius Sporer *trah.* 111. in 2. *præcep. Decal. cap.* 11. *sec.* 2. *§.* 3. *num.* 65. *pag.* 234. Vide *infra cap. v. num.* 12.

III. „ An votum castitatis, vel Religionis, vel non nubendi factum ab eo cui salubrius est matrimonium ob incontinentiam, sit validum, impediaturque matrimonium licite iniri? Negativam sententiam, videlicet neque esse validum tale votum, nec matrimonium impedire, suadere potest quis his argumentis... Quia votum castitatis, vel Religionis factum ab eo quem carnis molestiæ, & frequentes ruinæ antecedunt, non est de materia satis idonea ac iusta; immo potius contra consilium D. Pauli.

„ Idem forte docerent Auctores huius sententiæ in casu quo aliqui, dictis tribus votis, aut aliquo eorum emissis, consultius esset ob frequentes carnis tentationes, & lapsum in res venereas supervenientes matrimonium contrahere.... quia quod ante emissum votum efficit ut res promissa sit inepta voti materia, si eo emissio supervenit, tollit voti obligationem.... ergo iidemet lapsus irritabunt vota antecedentia.... Hæc opinio est probabilior speculative.... Sed ego probabiliter respondeo esse prædictam opinionem practice etiam loquendo aliquantulum probabilem, tutoque amplecti posse. Ratio est, quia probabile est (quidquid immerito dubitet Diana) quod id quod hic & nunc est speculative probabile, sit etiam practice... Ergo hic, & nunc talis opinio etiam practice erit probabilis. Ergo tuto amplecti potest ab eo cui salubrius est matrimonium quam ob suam incontinentiam sunt vota religionis, vel castitatis &c. Ergo absque dispensatione poterit matrimonium inire. Sic expresse tenuit præfatus Ioannes Sanctius. „ Leander a SS. Sacramento *trah.* 1x. de *Matrim. disput.* xx111. *quæst.* 11. & 111. *pag.* 324. & 325. Vide *infra cap. v. num.* 17.

IV. „ Aliquando votum tauros agitandi in Sanctorum honorem potest esse validum, etiam in Hispania... Unde in Hispania videmus canonizationes Sancto-

rum

rum solemnizari agitationibus taurorum, ultra solemnitates processionum, Missarum, & similes. " Ioannes Martinez de Prado *Tom. II. cap. xxxi. §. 4. summario num. 30.* & in fine illius num. *pag. 640.* vide infra *cap. v. num. 11.*

V. „ Votum in gratiarum actionem pro actu turpi iam facto validum est. " Leander *trad. 11. de voto disp. IV. quest. xxxi. pag. 341.* ex Filliucio *trad. xxvi. de voto cap. 11. quest. vi. num. 54.*

VI. „ Quid de voto abstinendi a vino? Obligat sub gravi culpa, ne bibatur in ea quantitate quæ vino temperate utentibus sufficeret pro una comestione. " Castropalaus *tradit. xv. disput. 1. punct. 12. num. 21. pag. 72.* Vide *dis. 11. cap. vi. num. 1.*

VII. „ Probabile est eum qui vovit virginitatem, non teneri ad perpetuam castitatem; sed tantum ad servandam integritatem carnis, quam illa vox virginittatis proprie significat. " Marin *trad. 1x. disp. 111. sec. 2. num. 39.* ex Burghent. 1. *cas. 59.* Vide *dis. 11. cap. vi. num. 22.*

VIII. „ Si vovisti redimere iacturam temporis, comprehendisti ludum etiam moderatum, itemque lusum pro alio: quia vere luderes cum iactura temporis. Poteris tamen per alium ludere, licet aspiciendo perdas tempus.... Si eo fine vovisti, ut vitares rixas, blasphemias, iuramenta... licebit tibi ludere nomine alieno, vel per alium; immo & ludere licebit per alium; licet hæc incommoda timeantur, quia reipsa non ludis. " La Croix *Lib. III. par. 1. num. 454. pag. 175.* ex Tamburino, Palao, & alijs. Vide infra *cap. v. quest. xvi. num. 48. & seq.*

C A P U T III.

Voti notio. Quæ illius condiciones, ut licitum, & validum sit.

ANtequam notionem, seu definitionem voti prodo, diversam vocabuli istius, seu vocis significationem præmitto. Voti nomen a verbo *voveto* proficiscitur. Porro vovere idem est quod promittere, non cuique, sed Deo, aut Sanctis. Promittere, spondere, polliceri, verba sunt, quibus vel hominibus, vel Deo animi nostri desideria pandimus, & obligamus. Vovere autem proprie significat quidquam Deo nuncupare: quia votum actus est religionis, quo Deum colimus. Votum sæpius pro desiderio accipitur. Quapropter votorum compotes appellantur illi qui sua assequuntur desideria. Vota facere idem non infrequenter sonat quod precari, avere, & optare; & pia desideria vota dicuntur, atque pro ipso voluntatis proposito nonnumquam usurpantur. Ex his variis significationibus genuinam voti notionem

statim damus, ut in limine disputationis id de quo tractandum est, fiat compertum.

II. D. Remundus in *Sum. tit. de voti transgressi.* hanc exhibet voti finitionem §. 1. *Votum est alicuius boni cum deliberatione facta promissio.* Hæc definitio parum distat ab altera quam ex D. Thoma 2. 2. *quest. lxxxviii.* tradunt communiter Theologi, quæ est eiusmodi: *Votum est promissio deliberata, & spontanea Deo facta de re meliori.* Quinque conditiones pro vero voto assignari solent. Prima est deliberatio, qua intellectus expendit, ponderatque onus suscipiendum. Secunda est propositum, seu voluntas promittendi, se obligandi, & exequendi promissum. Tertia est promissio ipsa, quæ quædam locutio practica intellectus nuncupari solet. Quarta, quod hæc promissio fiat Deo, cui soli, ut infra dicitur, vota presse accepta nuncupantur. Quinta, quod sit promissio de meliori bono, hoc est de re Deo grata, seu de bono supererogationis, quod præceptum non sit; si votum strictum, & præcise accipiat: quamquam, ut infra dicitur, votum quoque de re præcepta esse possit, quatenus res præcepta constituitur a vovente religionis materia; & sub hoc titulo nuncupari potest melius bonum, seu opus supererogationis. Sed, ut dixi, dum de voti materia sermo infra redibit, fusius ex D. Thoma hæc conditio explicabitur.

III. Indicatz conditiones explicandæ sunt. Et primum omnium advertendum est, nulla verba, aut signa requiri ut votum perficiatur, ut docet Angelicus *loc. cit.* & D. Antoninus II. Part. tit. xi. cap. 11. *Non tamen, inquit, est necessaria expressio vocis in promissione; sed sufficit promissio corde facta.* Ideo enim in promissione homini facta voces, signa, aut nutus, quibus interna animi sensa manifestentur, necessaria sunt, quia homo non videt ea quæ in corde sunt, sicut ea videt Deus. Quocirca humana promissio, ut accipiat, verbis, aut signis indiget; secus votum Deo factum. Hoc tamen dictum sit, ut voti naturam explicemus. Ceterum in praxi expediens semper erit, & ad firmiorem memoriam, & ad maiorem voti declarationem, verbis votum exprimere, ut legitur fecisse David *Psal. lxx. Reddam tibi vota mea, quæ distinxerunt labia mea.*

IV. Disputant non leviter Theologi, in quo actu aut intellectu, aut voluntaris voti essentia sita sit. Ab hac difficultate paucis nos expediemus. Inter omnes convenit, plures actus ad votum prærequiri tum ex parte voluntatis, tum ex parte intellectus. Si voti essentiam spectes, in actu intellectus practici consistit. Votum enim lex privata est, quæ quis se Deo ad aliquid agendum devincit; atque ad illius honorem, & gloriam, quod faciendum sibi imponit, ordinat, & dirigit. Dirigere autem, & ordinare actus est intellectus imperantis; secum tamen deferit propositum voluntatis. Quomodo autem propositum voluntatis moventis præcedat ipsum actum intellectus, alibi dicitur, cum actuum internorum series delineabitur.

V. Quæst. I. *Quenam deliberatio requiratur ad votum?* Resp. Omnes ad unum adfirmant, necessariam esse deliberationem ad votandum. Verum, quia deliberatio, seu libertas alia est imperfecta & semiplena, alia perfecta & plena; locus est quæstioni, utra ex his ad votum necessaria sit. Communissima sententia est, ad votum necessariam esse plenam, perfectamque deliberationem. Hæc autem perfecta deliberatio in eo sita est, quod votens sit plene sui compos, quod advertat, & cognoscat id quod promittit. Ad hanc perfectam plenamque deliberationem necessaria minime est longa, & diuturna discussio omnium circumstantiarum. Neque huic perfectæ deliberationi officit quæcumque animi perturbatio, vel commotio; sed ea solum quæ mentem obnubilat, lumenque rationis aufert. Alioquin, si quæcumque animi commotio tollet deliberationem voto necessariam, pauca reperirentur vota valida: quandoquidem plurima vota sunt vel in spiritu devotionis, vel vehementi alicuius rei desiderio impellente, vel iræ, aut timoris impetu stimulante: quæ omnia, licet occasiones, non tamen causæ sunt emittendi votum. Ea ergo libertas quæ vel ad committendum peccatum, vel ad perficiendum contractum, aliudve grave negotium sufficit, ad votum quoque emittendum satis esse non dubitatur. Quare dupliciter considerari potest deliberatio, & ut opponitur subreptioni, seu motui subitaneo, quem primo primum vocant; & ut assert severam discussionem omnium mediorum quæ vel promoveri, vel remorari rem deliberatam possunt. Deliberatio primo modo accepta necessaria ad votum est; secus secundo modo.

VI. Quæst. II. *An vota repentina debeant impleri?* Resp. Vota, licet repente fiant, valida sunt, quando, ut dictum est, ex deliberata voluntate profluunt: Imprudentia tamen eiusmodi vota laborant. At, si valida sunt, dubio procul obligationem inducunt. Ceterum talis repentina emissio iustam præbet causam impetrandi vel dispensationem, vel commutationem. Quod aliquem, emissio voto, confestim poeniteat eiusdem, non inde inferitur votum invalidum esse: quia non raro displicent nobis plura, illico ac facta sunt, quamvis ex perfecta deliberatione concepta & parta sint. Si tamen votum ex vehementi aliqua perturbatione, sive iræ, sive timoris processisset, eiusdemque statim poeniteret votentem; argumentum non leve esset, votum invalidum fuisse. Ceterum regula præcisa assignari nequit. Deliberatio siquidem actus internus est, eaque vel ipsi votenti non satis semper perspecta. Ex signis igitur externis tantum illa colligi potest, adeoque ex variis coniecturis, & circumstantiis valida, vel invalida declaranda sunt eiusmodi vota. Una dumtaxat regula certa est, quod vota quæque nonnisi cum magna ponderatione, & discussione fieri debent. Sunt namque privatarum leges, quæ, antequam serantur, ad severum examen omnium circumstantiarum debent revocari. Quare dicimus cum communissima Theologorum sen-

tentia, peccare, saltem venialiter, eos qui levi consideratione vota magni momenti emittunt. Quo enim maior est onus subeundum, eo exigitur maturior consideratio, severior discussio, & prudentior consultatio. Quapropter dicitur Eccli. v. *Displicet Deo infidelis, & stulta promissio*. Stulta promissio appellatur quæ prudentia, & consultatione caret.

VII. Quæst. III. *An quandoque mortale peccatum committat qui præcipitanter votum magni momenti edit; & an votum sic cum peccato emissum validum sit?* Resp. Gravitas cuiusque inconsiderantiæ ex negotii peragendi momento maiori aut minori sumitur. Votum genere suo grave negotium est cum Deo initum. Potest leve fieri ob materiæ levitatem. Sed, si materia gravis sit, gravissimum semper existit. Erit itaque culpabilis omissio debiti considerationis plus minusve, prout maioris aut minoris momenti fuerit votum emissum. Peccatum tamen mortale numquam, mea sententia, contingere posse dicerem. Tunc autem peccatum mortale accidere defendunt Sanchez, Suarez, & Lessius, cum vovens experientia edocuius prævidet, se transgressurum fore votum quod emittit absque debita consideratione. Hanc opinionem rejiciunt Salmanticenses *trakt. xvii. cap. 1. punct. 1. §. 2. num. 13.* eo quod periculum transgrediendi votum occurrere pariter potest in voto deliberatione perfecta emissio, ob voventis fragilitatem. Subdunt vero peccatum mortale contingere posse, cum præcipitanter vovens se se periculo exponit impossibilia, aut illicita promittendi. Talia enim Deo promittere, peccatum grave est. Ergo peccatum itidem grave erit se se periculo similia promittendi exponere. Huic vero periculo se exponit qui inconsulto, & præcipitanter vovet, tale periculum prævidendo.

VIII. Ego tum primam, tum secundam opinionem censeo falsam. Nonne consentiunt omnes, ad votum perfectam, plenamque requiri deliberationem? Qui ergo præcipitanter, & semiplena deliberatione vovet, nihil vovet. Si defectus plenæ deliberationis excusat a voto, potiori iure excusabit a præfato periculo. Quid? An ne imperfecta erit deliberatio comparate ad votum, plena vero respectu periculi? Sed hæc paradoxa sunt. Qui enim pleno lumine, & deliberata voluntate prævidet periculum, videt quoque id quod vovet. Si autem inconsideratio eiusmodi est quæ libertatem, plenamque deliberationem impedit; vovens nihil vovet. Quomodo ergo verum habet quod dicunt Salmanticenses, hunc scilicet voventem se exponere periculo promittendi illicita, vel impossibilia; si nihil vovet, nihilque promittit ob necessariæ, plenæque deliberationis defectum? Peccat-itaque solum venialiter, eo quod ad peccatum mortale plena deliberatio necessaria est. Quod vero non peccet mortaliter, dum post experientiam violati voti iterum vovet, etiam patet. Nam sic vovens semper votum emittit eo fine ut Deo cultum exhibeat, ut se a vitis coerceat. Solius ergo imprudentiæ, & in-

con-

considerationis crimen est, quod venialis malitiæ limites non excedit. Avocandi ergo sunt homines ab eiusmodi votis, instruendique, ut antequam vota Deo nuncupent, serius recogitent vires suas, propensiones, circumstantias, statumque proprium expendant. Quod attinet ad secundam quaesiti partem, cum votum plena deliberatione emittitur, licet ex aliquo iræ, timoris, alteriusve passionis motu, tamquam ex occasione ortum ducat, & consequenter aliqua culpa contingat; nihil impedit quominus votum validum sit, & ad illud implendum volens teneatur: quia eiusmodi culpa nec tollit deliberationem ad votum necessariam, nec votum ipsum inficit.

IX. Quæst. IV. *An, quando votum est de re levi, & obligat solum sub veniali, sufficiat semiplena deliberatio?* Resp. Adfirmant aliqui, quos inter referunt Salmanticenses *loc. cit. num. 15.* D. Antoninum *II. Par. tit. xi. cap. 11. notab. 6.* Sed falso: quia solum dicit, quod votum subitum non obligat ad peccatum perfectum, nec ad bonum perfectum. Verum, utcumque res se se habeat, respondeo ad nullum votum, quantumlibet in materia levissima, sufficere semiplenam deliberationem. Votum enim quodlibet lex est privata, cuius naturam materiæ sive magnitudo, sive parvitas minime variat. Votum istud suapte natura graviter obligat. Admisso etiam, quod ratione materiæ levis obligationem inducat levem (cuius oppositum infra docebimus) hoc minime impedit quominus vera lex sit privata, quæ necessario exigit perfectam deliberationem. Peccatum veniale (ut solvatur contrariæ opinionis argumentum) committi potest sola semiplena deliberatione præcedente, quia actus suo genere imperfectus est in linea moris; at votum quodcumque natura sua, quacumque materiæ, sive magnæ, sive parvæ, consideratione sublata, quid perfectum est in religionis negotio: & idcirco perfectam exposcit libertatem.

X. Quæst. V. *An ad votum sufficiat deliberatio, seu libertas virtualis?* Resp. Negat Angles *II. Part. quæst. de voto artic. 1. diff. 3. concl. 1.* ubi asserit necessariam esse deliberationem actualem. Sed Auctor iste nullam promittit rationem. Ex alia parte illius opella, quam in morum materia edidit, parum illi auctoritatis conciliat. Communissima sententia tenet, sufficere deliberationem virtualem contentam in actibus præcedentibus; dummodo in actu ipso emittendi votum sui compos sit vovens: si enim aut ebrius, aut dormiens esset, certe votum nullum foret. Hæc virtualis deliberatio sufficit in omnibus actionibus humanis, in quibus actualis rara est ob mentis nostræ imbecillitatem. Sic intentio virtualis sufficit ad perficienda sacramenta. Quare qui exacto approbationis anno in aliquo Novitiatu, ut vocant, cum deliberatione profitendi statum religiosum, accedit ad oratorium vota-nuncupaturus, quamquam re ipsa, & actualiter non cogitet de votis, quia alio distractus est, professio, & vota valida sunt, ut communiter Theologi docent.

XI. Quæst. VI. *An propositum firmum, sit votum, vel aliquam inducat obligationem?* Resp. Canonistarum aliqui docent solum propositum ad votum sufficere. Communis Theologorum, & Canonistarum sententia est contraria: quia propositum nil aliud est quam voluntas aliquid faciendi. Prærequiritur utique propositum ad votum; sed in eo voti natura non consistit. De secunda quæsti parte non una est Theologorum sententia. Quod inter omnes convenit, est, nullius propositi, quamlibet efficacis & validi, transgressionem mortalem esse. Dissidium est de culpa veniali. Non pauci enim, ut Lessius *Lib. II. cap. xl. dub. 4. num. 22.* Angelica *ver. Votum* 1. Prado, Raphael de la Torre 2. 2. *quæst. lxxxviii. art. 1. disp. vii.* & alii docent, fractionem propositi veniali culpa non carere: & asserunt illud D. Bernardi epist. ix. *Quisquis maius bonum subire proponit, bonum minus, quod potuit, sibi illicitum fecit*: & illud D. Gregorii: *In conspectu Dei cadit qui a bono proposito reflit*. Alii contra propugnant, nullum in violatione propositi committi peccatum, eo quod propositum obligationem nullam inducit: quæ sententia mihi probatur, si sola propositi natura inspicatur. Ideo namque homines abstinent a voto plurium rerum, & de iis tantum propositum eliciunt, ut liberi remaneant, valeantque pro libito consilium mutare. In iis enim quæ libere sibi homines imponunt, eorundem intentio spectanda est. Porro intentio eorum qui proponunt quidquam agere, ea est, ut a necessitate quacumque liberi maneat. Hæc doctrina est D. Thomæ hic artic. 1. ad 3. *Dicendum, quod ille qui mittit manum ad aratrum, iam facit aliquid; sed ille qui solum proponit, nondum aliquid facit; sed quando promittit, iam incipit se exhibere ad faciendum, licet nondum impleat quod promittit; sicut ille qui ponit manum ad aratrum, nondum arat, iam tamen ponit manum ad arandum*. Hac D. Thomæ doctrina soluta manent quæ opponi solent. Patres pro proposito votum sæpissime usurpant. Quoties Augustinus voti violationem indicat, a proposito cadere transgressores ait. Eodem modo Bernardus, & Gregorius loquuntur. Quod postea subdunt, inconstantia, levitatis, & infidelitatis argumentum esse propositi facti fidem frangere, falsum est. Nam idcirco, ut diximus, quisquam proponit, & non vovet, ut sibi libertas semper adsit a proposito recedendi. Nemo tamen negare auit, ut ego arbitror, aliquam contingere culpam, si absque ulla causa quis a bono proposito recedat. Non ea quidem ratione quod obligationem, quam nullam esse diximus, propositi violet; sed ob illud generale principium, quod non proficere in via Domini desicere est. Quare quisque curare debet ut id quod proposuit, exequatur; nisi rationes occurrant quæ oppositum suadeant. Et licet non sit lex urgens, neque fidelitatis debitum astringat; mutatio tamen difficillime a cuiusque inconstantia, & volubilitatis labe purgari potest. Et huc fortasse spectat prima sententia & hoc in sensu eam reprobare minime valemus.

XII. Quæst. VII. *An in promissione natura voti sita sit; & quomodo a proposito promissio hæc differat?* Resp. Communissima Theologorum sententia est, votum promissione perfici, & in eadem essentiam voti consistere. Idcirco votum definitur promissio facta Deo. Ratio sumitur ex ipsa Scriptura, quæ votum per promissionem describit. Dicitur enim Deuter. xxiii. *Cum votum voveris Domino Deo tuo, non tardabis reddere... facies sicut promissisti.* Item Eccles. v. *Si quid vovisti Deo, ne moreris reddere: displicet enim ei infidelis & stulta promissio: & infra: melius est non vovere quam post votum promissa non reddere.* Votum igitur in Scriptura per promissionem explicatur. Votum ergo promissio est. Omnes pariter asserunt, promissionem hanc distinctam esse a proposito eandem promissionem præcedente. Ut porro distinctio clarius evadat, utriusque notiones promendæ sunt. Promissio hoc pacto finiri solet: *Adus quo quis intendit aliquid facere sub obligatione exhibita alteri.* Hæc definitio communis est, seu naturam promissionis in communi acceptæ exponit. Voti namque promissio particularis est *adus quo quis se se obligat ad aliquid præstandum in Dei cultum;* propositum autem est deliberatio aliquid faciendi; seu, ut communiter dicitur, propositum procedit ex deliberatione rei faciendæ; promissio vero ex deliberatione acceptandæ obligationis, sibi quæ eam imponendi. Disputant Theologi, ad quam animæ potentiam spectet promissio. P. Suarez *Lib. I. cap. xiii.* fuso calamo hanc versat quæstionem, quam nos præteriter expediens iudicamus, eo quod nullius momenti ipsa nobis appareat. Dumtaxat cum D. Thoma 2. 2. *quæst. lxxxviii. artic. 1.* dicimus, promissionem ad intellectum pertinere: est enim practica locutio, seu imperium, quo ad Deum se homo dirigit, quoque se illi astringit. Per votum enim, quod in promissione situm est, homo ad Deum se se erigit. Dirigere autem, & ordinare ad intellectum, non ad voluntatem, spectat; quidquid in oppositum asserat Suarez cum Scoto, quorum nunc obiectiones taceo, quia tanti non sunt, ut plus otii in illis excutiendis terere debeam.

XIII. Quæst. VIII. *Quodnam propositum requiratur, ut votum validum sit?* Resp. Omnes ad unum fatentur necessitatem propositi ad voti valorem. Dissidium aliquid solummodo est de qualitate propositi, seu intentionis, & deliberationis. Nam propositum vovens diverso modo considerari potest. Primo, si deliberate solis verbis promittat, & voveat; sed animum deliberatum habeat non vovendi. Secundo, si quis habeat propositum vovendi, & se se obligandi; sed simul deliberatam habeat voluntatem non exequendi promissum. Tertio modo vovens considerari potest, quatenus animum, seu propositum habet promittendi, & implendi promissum, sed absque animo se se obligandi.

XIV. Communis sententia est, eum qui primo modo vovet, nullum emitte-
votum, quia solum vult verbis ludere. In istius opinionis confirmationem Sal-
man-

manticensens *trad.* xvii. cap. 1. punct. 1. §. 3. num. 19. promunt hanc D. Thomæ auctoritatem ex IV. Sent. dist. xxxviii. quæst. 1. art. 1. quæstiunc. 1. ad 2. *Promissio quandoque fit ore, & non corde; & talis quondam Deum non est votum.* Hæc D. Thomæ auctoritas truncata est, quæ Doctoris mentem minime exprimit, subdit enim Angelicus immediate: *& ideo oportet addere spontaneæ.* Cur hoc? Audi rationem: *Quamvis homo non possit cogi sufficienter simpliciter ad promittendum, potest tamen cogi coactione quadam interpretativa ad exteriorem promissionem, sicut & ad alia opera voluntatis exteriora, non autem ad promissionem interiorem.* Sententia ergo S. Thomæ est, quod si quis coactus verba exteriora quæ votum præferunt, emitteret, votum nullum ederet: quia coacta promissio exterior, si voluntatem positivam non promittendi habeat vovens, ludicra, & umbra promissionis est. Ceterum, si quis positivum deliberatum animum promittendi haberet, atque hac deliberata voluntate sponte, & libere verba voventia exprimeret, licet alia intentione interiore nollet se obligare; tunc satis probabile nobis videtur, hunc votum edere, quia intentio, seu propositum illud internum efficax promissionem, & votum continet, & secum necessario deferret voluntatem se se obligandi. Libere namque vult, & deliberate promittit, seu deliberate votum profert, quicumque serio, & deliberato animo, nullo cogente, verba voventia pronuntiat. Intentio autem interna, qua renuit vovens se se obligare, inefficax est, quæ elidere priorem non potest. Verum quia quæstio metaphysica est, quæ in utramque disputari partem valet, ideo a superiore discussione abstineo. Illud unum pro praxi subdo, eum qui deliberato animo absque ulla exteriore vi, vel metu votum verbis ederet, cum interiori proposito non vovendi, excusari non posse, in omnium, ut ego quidem arbitror, sententia, a quacumque culpa. Si enim promissio ludicra, & fallax hominibus facta experts culpæ haud est; quanto magis vitiosa erit promissio fallaciæ, & doli plena Deo facta?

XV. Qui secundo modo vovet, nempe cum animo promittendi, & se obligandi, sed cum voluntate non implendi promissum, quamvis Valentia *Tom. III. in 2. 2. dist. vi. quæst. vi. punct. 1.* dicat, eiusmodi non esse votum; communissima tamen sententia est, sic voventes verum elicere votum: quoniam voti essentia perficitur voluntaria promissione, veroque animo se se obligandi. Votum lex est privata, quam legislator cum voluntate se obligandi absque voluntate exequendi, rogare peroptime valet. Posterius autem propositum non implendi inefficax est, nequitque elidere duo priora promittendi, & se se obligandi, seu ipsum imperium practicum, quo votum imperatur, & dirigitur in Dei cultum. Quapropter qui sponsalia promittit, qui ordines sacros suscipit cum voluntate contrahendi, suscipiendi, & se se obligandi, valide contrahit, valide ordines sacros susci-

scipit, & ad implenda promissa astringitur; tametsi voluntatem implendi non habuerit. Sed hæc vix in praxi occurrunt.

XVI. D. Thomas ait, quod Obiicies. promissio ex proposito faciendi procedit. Deficiente ergo proposito faciendi, deficit ipsa promissio. Voluntas namque implendi promissum ipsam constituit promissionis essentiam: ergo essentiam quoque voti ingreditur. Quid plura? Nonne si quis homini promitteret, statimque subderet se non habere animum implendi, illusor, non promissor, haberetur?

XVII. Resp. D. Thomas, cum ait promissionem procedere ex proposito faciendi, loquitur de promissione perfecta; & cum ait ad votum tria requiri, nempe deliberationem, propositum, & promissionem, sermone habet de voto, iuxta rectam, communemque vivendi normam. Cum autem deest aliqua conditio, quæ nec voti, neque promissionis essentiam ingreditur, non destruitur votum, sed imperfectum dumtaxat restat. Porro conditio implendi promissa, seu votum, nullo modo ingreditur sive promissionis, sive voti naturam; sed extrema est, & adventitia: ideoque votum destrui nequit. Quod subditur, extra rem est. Utique, si quis promitteret, & confestim subderet, se nolle implere promissum, non verus promissor, sed illusor haberetur. Si vero sincere, & deliberate promitteret, uti nunc sermo est, promissis stare, & eadem implere cogeretur.

XVIII. Qui tertio modo vovet, voto astringitur. Qui enim sincere, & deliberato animo vovet, & promittit, reipsa vult ea omnia quæ in ipso voto, & promissione necessario includuntur. Porro in vero voto, & promissione includitur obligatio exequendi rem promissam. Eo modo quo quis deliberate vult aliquam causam, eadem voluntate vult effectum qui necessario causam illam consequitur. Qui deliberate stupam igni adicit, anne respuere potest unctionem? Hanc sententiam propugnat Sotus *Lib. VII. quæst. 1. artic. 2. Prado Tom. II. cap. xxxi. quæst. num. 22. Aragon 2. 2. quæst. lxxxviii. artic. 1. pluresque alii. Pro contraria vero opinione dimicant Suarez Lib. I. cap. 111. num. 7. Azorius I. Part. Lib. XI. cap. xiii. quæst. 1x. Sanchez Lib. IV. cap. 1. num. 27. Lessius Lib. II. cap. xl. Bonacina *disp. 1v. quæst. 11. num. 12. Trullench dub. 1. num. 12. Valentia disput. vi. quæst. 1. punct. 1. Salmanticenses tractat. xvii. cap. 1. punct. 1. §. 6. num. 24.* Ratio istius sententiæ est, quod qui apponit conditionem contra substantiam contractus, nullum efficit contractum. Præterea votum lex est privata, quæ ultra intentionem legislatoris non obligat. Quæstio isthæc de lana caprina est, atque inter nugas reiicienda: quia aut hypothesis est chimerica; aut prior sententia vera est. Facta namque positione qua quis vult revera vovere, & promittere, immo quod reipsa voveat, & promittat: admissa, inquam, hac vera, & sincera voluntate, quæ iam erupit in actum vivendi, & promittendi, posterior voluntas velleitas est, quæ nequit priorem voluntatem efficacem elidere. Ceterum, quia*

vix,

vix, ac ne vix quidem concipi potest quod homo sui compos velit sincere, & deliberato animo vovere, & promittere, simulque velit se se non obligare; ideo quæstionem ceu inanem prætermittimus.

CAPUT IV.

Explicatur ultima definitionis voti particula, promissio facta Deo, ut palam fiat, quo sensu dicatur, vota Sanctis fieri, & Prælatis.

I. **Q**Uæstio hæc disputatur & adversus hæreticos, & inter Catholicos. Hæretici recentiores, Lutherani, & Calvinistæ, quemadmodum omnem cultum Sanctis adimunt, sic nulla vota, nulla promissa in Sanctorum honorem quocumque in sensu dicari posse defendunt absque idololatriæ reatu: Erasmus in colloquio inscripto *Naufragium*, navigantium vota deridenda propinat: & quamquam debacchari videatur contra vota inconsulta, atque mortis timore edita ab illis qui, ut se ab undarum faucibus eripiant, ad divos confugiunt; nihilofecius impudentissime prorsus non modo vota, sed & ipsas preces Sanctis oblatas ludibrio traducit, Sanctos ipsos impetit, Virginem Sacratissimam a nautis invocatam in præsidium spernit, & tamquam navigationis ignaram non posse succurrere naufragis deblaterat. Venerem, non Virginem, mari præsidere effutit; & plura alia evomit adversus D. Thomam, Vincentium, & Catharinam Senensem, quæ vel referre piget. Alibi palam feci Sanctos colendos, invocandosque a nobis esse. Nunc tantum de votis sermo est. Non negamus Erasmo, eiusque gregalibus, plura vota inconsulta esse, atque humano timore extorta quandoque Sanctis nuncupari. Sed aliud est votorum abusus, aliud ipsa vota detestari.

II. Catholici omnes adversus hæreticos docent, vota aliquo in sensu Sanctis nuncupari posse, huncque morem antiquissimum esse in Ecclesia, ut colligitur ex Eusebio *Lib. XIII. præp. evangel. cap. vii.* qui nomine omnium Christianorum ad Martyrum monumenta convenientium ait: *Nos vera pietatis milites (hoc est Martyres) ut Dei amicos honorantes ad monumenta illorum accedimus, vota quoque illis facimus, tamquam viris sanctis, quorum intercessione ad Deum non parum invari profitemur.* Theodoretus *Lib. VIII* Græcis repræsentat vota, seu illorum membrorum simulacra quorum sanitatem Sanctorum patrocinio a Deo acceperant claudi, cæci, alique id genus infirmi. Inquit enim: *Pie, fideliterque precatos ea maximo consequi quæ desiderant, testantur illa quæ votorum rei persolvunt: nam alii quidem oculorum, alii vero pedum, alii manuum simulacra suspendunt ex argento, aureo confecta.* Plura alia promere possem, nisi obvia penes Theolo-

gos essent. In præsentia modum potius explicabimus quo Sanctis nuncupari vota solent.

III. Omnis itaque variis dicendi modis, qui magis nobis probatur, ille est quem tradit D. Thomas 2. 2. *quæst. lxxxviii. art. 5. ad 3.* ubi decernit vota soli Deo proprie fieri his verbis. *Ad tertium dicendum, quod votum soli Deo fit — sed promissio etiam potest fieri homini: & ipsa promissio boni quæ fit homini, potest cadere sub voto, inquantum est quoddam opus virtuosum. Et per hunc modum intelligendum est votum, quo quis vovet aliquid Sanctis, vel Prælati; ut ipsa promissio facta Sanctis, vel Prælati cadat sub voto materialiter, inquantum scilicet homo vovet Deo se impleturum quod Sanctis, vel Prælati promittit.* Duæ itaque promissiones, in verbis, saltem reipsa distinguendæ sunt. Altera est qua quis aliquod opus in honorem Sancti se facturum promittit: atque hæc promissio votum non est, sed voti materia. Altera promissio est Deo facta, qua quis Deo spondet se servaturum id quod in Sanctorum honorem promissit: & in hac secunda promissione votum consistit. Hinc consequitur, vota soli Deo, si presse loquendum sit, nuncupari sub Sanctorum auspiciis: quoniam votum actus est religionis, cultusque latræ, qui soli Deo debetur. Hæc sola brevis, & perspicua S. Thomæ doctrina profligat omnia Lutheranorum, & Calvinistarum commenta contra vota Sanctis nuncupata.

IV. Hæc quæ dicta sunt, non impediunt quin ipsis Sanctis vota nuncupari dicantur, si vota in latiori significato usurpentur. Nam voti nomen latius patere, nec ad solius religionis actum restringi, vel ipsi fateri coguntur hæretici: siquidem & pia desideria, & preces vota sæpissime appellantur tum in Scripturis sanctis, tum in communi modo loquendi, tum in ipsorum Ethnicorum scriptis. Non est ergo quod cavillentur hæretici, nos idololatriæ crimen perpetrare, cum vota Sanctis nuncupamus; si aperte testamur vota quæ illis dicamus, non esse vota proprie dicta, & actus religionis, seu latræ; sed longe inferioris conditionis. Sacrificium numquam offertur Sanctis: quia nomen sacrificii non est adeo amplum, sicut nomen voti. In communi namque omnium existimatione sacrificium significat oblationem soli Deo debitam; neque extenditur ad significanda munera quæ creaturis offeruntur, sicuti extenditur votum. Vota ergo Deo nuncupamus; tamquam primo, & supremo omnium bonorum largitori in grati animi argumentum pro acceptis beneficiis, vel pro impetrandis; Sanctis vota offerimus tamquam intercessoribus, per quos a Deo beneficia facilius nos accepturos confidimus.

V. Quando ergo Catholici vovent B. Virgini, Sancto Augustino, Sancto Benedicto, Sancto Francisco, Sancto Dominico, sensus genuinus est, quod vovent Deo coram istis Sanctis, tamquam testibus, patronis, & adiutoribus ad imploranda divina subsidia, quibus vota facta valeant implere. Quid, amabo, isthic idolo-

latrariam sapit? Similiter qui obedientiam Prælato promittit, qui xenodochio ministrare, aut quidquam offerre vovet, Deo vovet; licet promittat obedire Prælato: quæ promissio, ut Prælatum spectat, votum non est; sed voti materia: nec præfatio voto xenodochium honorare vovens intendit, sed Deum; quamquam votum Deo factum in utilitatem dirigat ipsius xenodochii.

VI. Obiicies. Nonne cum vota Sanctis nuncupamus, Sanctos ipsos honoramus, & colimus? Vota ergo nostra Sanctos ipsos spectant: & consequenter non soli Deo, sed etiam Sanctis vota nostra offerimus. Resp. Patet ex dictis solutio. Deo soli vota presse accepta, ut in Scripturis sanctis accipiuntur, nuncupamus, Sanctis promissa offerimus, quæ vota non sunt, sed votorum materies. Sanctos honoramus, & colimus, tamquam votorum nostrorum testes, & intercessores, seu impetratores auxiliorum a Deo, quibus vota implere valeamus. Caietanus addit, Sanctis non fieri vota, si considerentur ut creaturæ ratione præditæ; sed prout Deus in iisdem per gloriam inhabitat, & residet: ita ut vota quæ fieri Sanctis dicuntur, fiant Deo in Sanctis residenti. Quæ solutio non recedit a doctrina D. Thomæ, ut indicat Suarez *Lib. I. cap. xvi. num. 4.* Nam Caietanus hac solutione, seu distinctione confirmat doctrinam sancti Doctoris. Si enim vota quæ nuncupantur Sanctis, fiunt Deo residenti in Sanctis, planum est vota præcise accepta fieri soli Deo. Cultus autem qui offertur Sanctis his votis in lata significatione acceptis, quæ veræ sunt dumtaxat promissiones, non proficiscitur a religionis virtute, neque est latræ cultus, sed tantum dulcæ. Clarius: non est cultus mere civilis, & humanus; neque est cultus latræ soli Deo, tamquam supremo, soli que Numini, omnium bonorum principio, & largitori, debitus; sed est cultus sacer, qui *dulcæ* vocari solet, quem Sanctis propter singularem excellentiam qua a Deo donati sunt, offerimus. Et, dum illis eiusmodi vota nuncupamus, non recognoscimus illos tamquam gratiarum, & auxiliorum distributores; sed tamquam mediatores, & intercessores apud Deum, & Iesum Christum Filium eius, qui verus & unicus mediator, & redemptor noster est. Omnes etenim sive Angeli, sive Sancti, virtute dumtaxat meritorum Iesu Christi apud Deum pro nobis intercedunt. Quod postea aures obtundunt, eadem ratione qua Sanctis in cælo regnantibus offeruntur vota, offerri quoque posse iustis in terra degentibus, inane sophisma est. Iusti namque qui in terris nobiscum degunt, non sunt in gratia, nec in gloria confirmati: modo sunt, modo possunt non esse sancti. Præterquam quod certo nobis non constat, quemquam hac mortali carne indutum esse sanctum; sed pie tantum de aliquo credimus. Certo autem scimus tales esse homines cum Deo in cælis regnantes: certo scimus numquam illos sanctitatem amissuros; sed esse in gratia, & in gloria æternum confirmatos.

C A P U T V.

De materia voto subiecta. Vera intelligentia illius particulae de bono meliori exponitur. Votum non nubendi validum declaratur. Opinio Leandri, & aliorum, docentium votum castitatis fieri nullum ob supervenientes tentationes, & lapsus, refutatur ut laxa, & improbabilis.

I. **C**onvenit inter omnes, materiam voti debere esse aliquid honestum, possibile, liberum, non indifferens, nec maius bonum impediens. In quolibet namque voto duæ occurrunt actiones, quarum altera materialis est, qua fit votum, ut ieiunare, sacrificare &c. altera formalis, quæ est promissio exequendæ actionis materialis; & hæc promissio Deo facta actus est religionis: quæ omnia in sequentibus quæstiunculis explicabuntur.

II. Quæst. I. *An ea quæ sunt lege sive humana, sive divina præscripta, possint esse materia voti?* Resp. Pro sententia negante Salmanticenses *trah. xvii. cap. i. punct. 2. num. 30.* allegant S. Antoninum *IL P. cap. 11. §. 1.* Sylvestrum *verb. Votum i. quæst. iv.* Sed adfirmare oportet eiusmodi Auctores lectos non fuisse a Salmanticensibus; cum illi oppositum omnino doceant: solum quippe cum D. Thoma distinguunt rem præceptam, seu necessariam, a materia libera: & statuunt, opus ut necessarium non esse materiam voti, secus ut liberum. Quodlibet autem præceptum, sive humanum, sive divinum, licet necessarium sit necessitate salutis, quatenus sine eo salus obtineri nequeat; liberum tamen est, & quia homo illud respuere, & quia novo titulo illius observationi astringi potest. Seu brevius, duplicem distinguunt necessitatem, absolutam unam, quæ voto repugnat; & alteram necessitatem finis, quæ necessitas opus absolute liberum imponit, & ad summum necessarium dumtaxat ob alicuius finis assecutionem. Hæc est doctrina D. Thomæ *2.2. quæst. lxxxviii. art. 2. Quia votum promissionem voluntariam importat, necessitas autem voluntatem excludit; id quod est absolute necessarium esse, vel non esse, nullo modo sub voto cadit: stultum enim esset, si quis voveret se esse moriturum, vel se non esse volaturum. Illud vero quod non habet absolutam necessitatem, sed necessitatem finis, puta quia sine eo non potest esse salus, cadit quidem sub voto, inquantum voluntarie fit, non autem inquantum est necessitatis.* Hanc doctrinam defendunt D. Antoninus, Sylvester, Angelus *verb. Votum num. 1. & Tabiena verb. Votum num. 2.*

III. Sententia communissima docet, ea omnia quæ lege sive divina, sive civi-

li, siue ecclesiastica præcipiuntur, esse posse materiam voti. Hæc sententia clare eruitur ex sacra Scriptura : siquidem dicitur Psal. cxxviii. *Iuravi, & statui custodire iudicia iustitiæ tuæ.* Ex iure quoque canonico, ut ex *cap. Ego de iur. iurand. & cap. Cum Ecclesiis, & cap. Significasti de election.* Consensu quoque omnium nationum id constat. Nam communiter non Christiani modo, verum etiam Ethnici, fœdera, pacta, contractus, ad quorum observationem astringuntur homines iure naturali, & divino, confirmant iuramentis. Quid ni ergo & votis ? Sive enim votis, siue iuramentis illa firmentur ; vinculum superadditur religionis. Unde ipsimet barbari, si iurata pacta infringunt, duo crimina specie diversa, alterum adversus religionem, alterum adversus iustitiam, se se committere arbitrantur. Ratio tandem evidens est. Opus sub præcepto impositum absolute liberum est, & solum dicitur necessarium necessitate finis, seu obligationis ; quam necessitatem vocat ipse Tabiena necessitatem conditionatam, seu suppositionis, quæ non excludit libertatem. Nihil ergo obstat quominus novo religionis vinculo nos astringamus ad præstandum opus quod est sub præcepto impositum. Præceptum namque nullo modo aufert a voluntate libertatem ; immo eam supponit. Cur ergo non poterit idem opus præceptum fieri voti materia ; ita ut quod est titulo legis vel divinæ, vel humanæ debitum, alio titulo, nempe religionis, debeatur ? Auditorum citatio superfluit : quia communissima sententia est.

IV. Quæst. II. *An promissio quæ fit in baptismatis susceptione, renuntiandi diabolo, & pompis eius, sit votum ?* Resp. S. Raymundus titul. de transgress. pag. 54 ait : *Votorum alia necessitatis, alia voluntatis. Vota necessitatis dicuntur ea ad quæ implenda omnis homo necessario tenetur, siue voveat, siue non, ut abrenunciare diabolo, & omnibus pompis eius . . . & ad hæc se obligat quislibet in baptismo : unde, quotiescumque postea peccat mortaliter, est transgressor huiusmodi voti : ergo tenetur agere pœnitentiam pro illo peccato, & præterea pro transgressione. Sed dic, quod non est sibi imponenda pœnitentia tamquam pro diversis mortalibus, sed tamquam pro uno ex circumstantia transgressionis voti aggravato.* Ex his colligitur, Raymundum promissionem baptismalem habere utique pro voto, sed amplo in sensu accepto ; cuius transgressio non constituit peccatum mortale specie diversum, sed solum peccatum intra suum genus gravius. Idem docet. D. Thomas in IV. dist. xxxviii. art. 2. quæst. 1. ad 3. *Transgressio voti communis non facit speciale peccatum, sed addit peccato specialem deformitatem. Magis enim peccat baptizatus eodem genere peccati.* Idem docet S. Antoninus II. P. titul. 11. cap. 11. §. 1. Caietanus 2. 2. quæst. lxxxviii. art. 2. dub. 2. & communiter Theologi. Potest ergo promissio facta in baptismo votum appellari, quamvis in sensu amplo : quod votum legis transgressionem peculiaris deformitatis labe respargit.

V. Quæst. III. *Quomodo intelligenda sit illa particula, De bono meliori ?* Resp. Dupli-

plici modo potest aliquid maius, vel melius bonum nuncupari. Primo comparate ad aliud bonum: puta melius est eleemosynam elargiri pauperi quam ieiunare; melius est succurrere puellæ periclitanti quam alteri pauperi nullo animæ periculo exposito. Secundo modo comparate ad contrariam omissionem eiusdem boni; ut melius est dare eleemosynam quam non dare; melius est ieiunare quam non ieiunare; melius est servare castitatem quam non servare. Ut autem aliquid sit idonea voti materia, sufficit ut hoc secundo modo sit bonum melius. Quoniam, si necesse foret ut bonum quod est voti materia, esset melius comparate ad aliud bonum, sequeretur nullum votum validum futurum, nisi foret de opere omnium bonorum perfectissimo. Auctores non satis clare hac de re loquuntur. Salmanticenses duas sententias ceu contrarias referunt: quarum altera docet, melius bonum esse debere absolute, & quocunque modo liberum, ut est opus supererogationis; altera sustinet, id non exigi; sed satis esse quod sit melius bonum quam eius contradictorie oppositum, sive sit supererogationis, sive præcepti. Discrepantia harum sententiarum nulla est, si Auctorum mens sincere exponatur. Nam D. Thomas cum aliis, dum asserit materiam voti esse opus supererogationis, loquitur de voti materia pressè, & stricto in sensu accepta, ut clare se se explicat in IV. dist. xxxviii. quæst. 1. art. 1. quæstionc. 2. *Si votum accipiat secundum propriam sui rationem, est proprie de bonis illis ad quæ non omnes tenentur, quæ supererogationis sunt: Unde dicuntur meliora bona, quia superadduntur illis bonis sine quibus non est salus; Unde votum proprie acceptum dicitur esse de meliori bono.* Nec propterea excludit Angelicus opera præcepta a voti materia; sed aperte illa includit 2. quæst. lxxxviii. art. 2. *Illud vero quod non habet absolutam necessitatem, sed necessitatem finis, puta quia sine eo non potest esse salus, cadit quidem sub voto, inquantum voluntarie fit.* Illud vero quod nullo modo est necessarium, propriissime cadit sub voto, concludit ibidem Angelicus. Paucis rem habeto. Opera consilii, seu supererogationis, sunt *propriissime*, ut inquit Angelicus, materia voti: & reipsa communiter homines vota edunt de iis quæ consilii sunt. Opera vero præcepta sunt materia sufficiens votorum, seu de iis quoque fieri vota possunt. Ab hac D. Thomæ doctrina nemo recedere iure valet; & certe, ut mihi colligere licuit, nemo recedit. Nam D. Thomas concedit præcepta ipsa sub novo titulo esse voti materiam; consilia vero evangelica, vel quæ ad eadem reducuntur, magis proprie, seu, ut ipse ait, *propriissime* esse opera voto subiecta. Quis hæc in controversiam advocare auit?

VI. Quæst. IV. *An validum sit votum de materia opposita consiliis?* Resp. Certum penes omnes est, ea omnia quæ consiliis evangelicis absolute acceptis opposita sunt, non esse votis subiecta, ceu aptam votorum materiam; & consequenter nulla esse vota non ieiunandi, non mutuandi, non elargiendi eleemosynam, non

ingrediendi Religionem, & id genus similia. Eiusmodi enim Deo placere nequeunt, cum maiori perfectioni comparandæ sint impedimento : idque expresse docet D. Thomas *quæst. lxxxix. art. 7. ad 2.* Contingere tamen circumstantiæ tales possunt ut opus quod absolute est oppositum consiliis, non sit iisdem oppositum : puta non mutare proximo absolute opponitur consilio evangelico ; at non mutare in tali, aut tali occasione potest esse opus non contrarium, sed consentaneum consilio evangelico, ut infra fusius explicabitur. Si quis obfirmate, & pervaciter voveret omittere opera consiliorum ; peccaret mortaliter, quia consilia contemneret evangelica. Accedit quod frequenter consilia quædam ob aliquam circumstantiam transeunt in præcepta. Qui autem levitate, vel ignoratione ductus similia vota ederet, venialis culpæ limites non transiliret. Hæc communia sunt penes Auctores.

VII. Quæst. V. *An votum contrahendi matrimonium sit validum?* Resp. Invalidum est iuxta communissimam Theologorum sententiam : est enim de actu consilio evangelico opposito. Dices : Si quis iuravit puellæ alicui se eam in sponsam ducturum, iurationem profecto implere tenetur : quid ni ergo & tale votum? Rationis discrimen per se patet. Sponsalia iurata acceptata fuerunt a puella ; & propterea ex iustitia promissor eadem implere debet. Votum Deo nuncupatum de matrimonio contrahendo non acceptatur a Deo. Quid, si quis promitteret se ducturum in sponsam puellam pauperem, aut meretricem? Neque in hoc causa votum valeret : quia paupertas puellæ non vincit maius bonum cælibatus : nec matrimonium est medium per se ordinatum, aut omnino sufficiens ad salutem spiritualem meretricis in tuto collocandam. Secus dicendum, si quis vovisset se ducturum in sponsam puellam a se desloratam ; aut si vovisset se ducturum meretricem, posita conditione quod matrimonium contrahere aliquando velit : tunc enim utrumque votum valeret. Valeret quoque votum de matrimonio contrahendo, quoties, quod rarissime contingit, matrimonium necessarium esset ad bonum commune Reipublicæ, & Principatus, ad pacem firmandam inter Principes, ad hæreticorum conversionem, ad Ecclesiæ catholicæ amplificationem. In his enim positionibus non tam matrimonium, quam bonum commune esset voti materies. Et hæc omnia communia sunt.

VIII. Quæst. VI. *An qui concupiscentiæ stimulis exagitatus vovet matrimonium se contrahendum, ut fornicationes, aliosque libidinis actus vitet, valide voveat?* Resp. Dux sunt extremæ sententiæ. Prima adfirmat, votum eiusmodi validum esse, facta positione quod vovens nolit, aut nequeat aliis remediis uti ad carnis impetus cohibendos. Quoniam, inquit Auctores istius sententiæ, matrimonium concessum est in remedium concupiscentiæ, dicente Apostolo : *Melius est nubere quam uri.* Melius ergo erit uti tali remedio ; & consequenter melioris boni erit votum de

tal

tali matrimonio contrahendo. Id confirmari ex eo potest quod si quis habens concubinam, voveret aut ingredi Religionem, aut ducere concubinam, teneretur in omnium sententia intra annum ingredi Religionem, si illam non duceret in uxorem. Denique homo fragilis, frequenter libidini succumbens, nisi habeat impedimentum, iure naturæ tenetur contrahere matrimonium in remedium concupiscentiæ, ut plura peccata vitet, facta positione quod nolit, aut nequeat aliis uti remediis. Hanc sententiam defendunt Salmanticenses *tract. xvi. cap. 1. punct. 2. §. 2. num. 4.* & pro eadem laudant Bellarminum *Lib. II. de Monach. cap. xiv.* Sed falso: nam Bellarminus solum asserit quod alicui personæ interdum melius esse possit nubere; & consequenter votum valere; ut si nubat ob bonum commune Reipublicæ, & alia momenta supra indicata. Nec verbum ibi habet de voto nubendi in remedium concupiscentiæ. Laudant etiam Navarrum in *Manuali cap. xi.* Sed error est: est enim *xii. num. 43. vers. 13.* at neque hic Auctor, saltem hoc in loco citato, quidquam habet hac de re. Laudant præterea Villalobos, Bonacinum, Lopez, Trullenchum, & Caietanum, qui reipsa hanc defendunt opinionem, quibus accedit Sylvius *2. 2. quæst. lxxxviii. art. 2. concl. 6.* & plures alii.

IX. Contraria sententia mihi videtur probabilior, nempe votum præfatum invalidum esse: & primum id ex doctrina D. Thomæ clare eruitur. Docet namque Angelicus matrimonium in officium naturæ, prolisque educationem institutum; ad concupiscentiam vero frenandam indulgentia permissum esse. In IV. dist. xxxi. quæst. ii. art. 2. ad 2. *Si aliquis per altum matrimonii intendat vitare fornicationem in coniuge, non est aliquod peccatum, quia hoc est quedam redditio debiti, quod ad bonum fidei pertinet; sed si intendat vitare fornicationem in se, sic est ibi aliqua superfluitas, & secundum hoc est peccatum veniale; nec ad hoc est matrimonium institutum, nisi secundum indulgentiam, quæ est de peccatis venialibus.* Et profecto Apostolus ait: *Qui non se continent, nubant: melius est enim nubere quam uri*, seu fornicari, ut Patres explicant. Quod si matrimonium in concupiscentiæ remedium est dumtaxat permissum ad indulgentiam; nemo negare audeat, invalidum esse votum illud quod pro obiecto habet non bonum melius, sed bonum adeo imperfectum cui annexum est peccatum veniale. Verum, prætermittenda hac opinione in præsentia, quam in tractatu de matrimonio fusius discutietur, sententiam nostram argumentis evincimus validissimo.

X. Omnes Theologi sustinent, votum contrahendi matrimonium absolute emissum invalidum esse; idque fatentur ad unum omnes contrariæ sententiæ Auctores. Ergo potiori iure invalidum erit votum contrahendi matrimonium in remedium concupiscentiæ. Probo consequentiam. Matrimonium in remedium concupiscentiæ contrahendum, licet admittamus bonum esse, nemo tamen negaverit bonum quoddam esse longe inferius bono matrimonii contracti in officium naturæ. Ergo, si

istius, potiori iure illius invalidum votum erit. Cur matrimonium ineundum ad naturæ propagationem votum impedit? Quod non sit bonum? Absit: est enim sacramentum magnum in Ecclesia: sæpe, & frequentissime consulitur. Cur ergo? Quia impedit maius bonum, nempe vitam cælibem, ad quam vovens divini Spiritus afflatu vocari valet. At istud maius bonum non ne æque impeditur per matrimonium contrahendum ad concupiscentiæ ardorem extinguendum? Ergo aut concedendum, validum esse votum contrahendi matrimonii absolute accepti, & in naturæ officium; aut si id negatur, uti reapse omnes negant, negandum quoque, validum esse votum ineundi matrimonii in remedium concupiscentiæ. Denique; etiam emissio eiusmodi voto, immo post matrimonium ratum, non consummatum, Religionem ingredi vovens valet. Nullum ergo undequaque est votum istud.

XI. Argumenta contrariæ sententiæ sua sponte corruunt. Concedimus nunc, matrimonium ob solius concupiscentiæ remedium bonum esse, homini potissimum, vexato carnis stimulis. Concedimus huic fragili homini matrimonium bonum, aptumque esse remedium. Quid inde? Si diceremus, votum invalidum esse, quia matrimonium in remedium concupiscentiæ non est bonum; argumentum quidquam evinceret. Sed dicimus, matrimonium istud non esse aptam voti materiam: quia licet bonum sit, impedit tamen maius bonum: quod satis est ad infringendum voti valorem. Alioqui, si votum foret validum quod est de re bona, potiori iure validum esse deberet votum de matrimonio contrahendo in officium naturæ: quod sane maius bonum est quam matrimonium ineundum in concupiscentiæ extinctionem. Quod secundo opponunt loco Salmanticenses, ineptum prorsus est. Si quis votum emitteret furandi, votum nullum esset: quia furtum materia inepta voti est, non tantum quia minus bonum, sed quia res mala est; ducere autem concubinam in matrimonium genere suo bonum est, quamquam maius bonum impedire valeat. Discrimen ergo evidens est, mirandumque a viris Theologis hæc obtrudisse. Quod ultimo loco adiiciunt, non est maioris momenti. Nam etiam admissio quod quis teneatur iure naturæ contrahere matrimonium, ut peccata vitet libidinis; minime hinc infertur, hunc posse sese in statu constituere resistendi Spiritui sancto per votum, quo impediatur assentiri vocationi ad altiorem statum. Advertant ergo sophisticam ratiocinationem. Potest quis matrimonium contrahere, ut peccatum declinet libidinis. Concedamus etiam quod quandoque ad id teneatur; quamquam nescio an occurrere eiusmodi debitum possit, cum plurima alia suppetant luxuriæ remedia. Ceterum nemo potest voto se ineptum reddere ad amplectendum perfectiorem statum, ad quem vocari a Deo valet. Exempla quæ præfati Salmanticenses num. 45. produnt, alibi sub examen inducemus. Hanc nostram sententiam defendunt Sotus *Lib. VII. quæst. 1. art. 3.* Prado *Tom. II. cap. xxxi. quæst. 11. §. 5. num. 50.* Ioannes a S. Thoma *2. 2. disp. xxix. art. 7. concl. 4.* Aragon. *2. 2. quæst.*

quæst. lxxxviii. art. 2. Ioannes a Cruce de voto dub. 2. concl. 4. Castropalaus tract. xv. disp. 1. punct. 8. num. 14. Sporer tract. lxi. in 2. præcep. Decal. cap. 11. sec. 2. num. 61. Layman Lib. IV. tract. iv. cap. 11. num. 12. Quamquam hi tres ultimi, Palaus, Layman, & Sporer, potius in contrariam sententiam concedunt: inquit enim secundum virtutalem hypothesim, quod homo fragilis alia remedia adhibere nolit, votum obligans esse. Nihil tamen producunt quod ex dictis solutum non maneat.

XII. Quæst. VII. *An coniugatus, impediens a petitione debiti ob votum, aut incestum, aut cognationem spirituales, possit petere, quoties vehementibus carnis stimulis agitur, ne periculo exponatur in gravia luxuriæ peccata labendi?* Resp. P. Patritius Sporer, qui hunc proponit casum tract. lxi. in 2. præcep. Decal. cap. 11. sec. 2. §. 3. num. 65. *Affirmativam*, inquit, *sequor*. Et hoc pacto suam probare contendit conclusionem, cuius propria verba referre iuvat, ne illi imponere videamur. „ Probatur (ait) in illo qui post matrimonium, vel ante illud vovit castitatem. „ Quia sicut votum ex communi DD. cum S. Thom. debet esse de re meliori, „ ita etiam observatio voti. Sed votum, & eius observatio in prædictis circum- „ stantiis non sunt de re meliori. Ergo non obligant. Maior est certa... Minor est „ certa: quia cum ex observatione voti, periculo proximo quis exponatur inci- „ dendi in aliqua peccata luxuriæ intrinsece malæ, & tunc non observatio voti „ (scilicet petere debitum a propria uxore) non sit intrinsece malum, manifestum „ est nec votum, nec observationem voti esse de re meliori. &c. Hæc & longe „ plura in hanc rem doctissimus P. Quintanadvennas, cui subscribit *expertissimus Ca-* „ *sista Gobatius*. “

XIII. Opinio isthæc, ut ego quidem arbitror, non modo improbabilis, sed pæce doctissimorum, & expertissimorum Casuistarum tantorum, laxa nimium est, & ad omnia vota de medio tollenda viam aperit latissimam. Quippe conceptis verbis docent istius opinionis patroni, votum non obligare eum qui adversus voti observantiam sensuum rebellionem ad committenda flagitia ita pertrahitur, ut in proximo se sentiat constitutum periculo votum violandi. Nulla ergo erant omnia castitatis vota, quoties homines voventes petulca prurigne ad fornicandum, & adulterandum irritantur? Poterunt ergo coniugati voto, vel alio vinculo a debiti petitione prohibiti, debitum petere, ut vitent libidinis crimina? Cur? Quia non observatio voti non est intrinsece quid malum; cum non observatio voti sit petere debitum, quod est bonum. Quidni ergo poterunt tum Monachi, tum Clerici seculares ardore perusti concupiscentiæ matrimonium contrahere; cum matrimonium etiam in remedium concupiscentiæ inire non minus sit bonum quam bonum est petere debitum ad eandem concupiscentiam sedandam? Cur, quæso, invalidum erit votum in coniugato ad libidinem prono? Cur in hoc homine observatio voti non est de re

meliori? Quia hæc observatio iuncta est periculo proximo prolabendi in libidinem. Sed eidem proximo periculo libidinis adnexa est observatio voti monachalis. Non ergo tunc erit de meliori bono. Non ergo validum erit tale votum.

XIV. Quid ad hæc? Fortasse, quod votum castitatis monachale, & Clericorum solemne, coniugatorum vero simplex est. At discrimen istud extraneum prorsus est, & ad propositum nostrum ineptum. Nam tam votum solemne quam simplex debent esse de meliori bono, ut omnes fatentur. Sed, iuxta doctissimos Quintanadvennas, Gobatios, & Sporerios, quando coniugatus homo voto adstrictus stimulis carnis urgetur acutissimis, estque in periculo proximo illud violandi, votum tunc non est de meliori bono. Ergo, si in coniugato non est de meliori bono, neque in Presbytero, neque in Monacho eidem periculo proximo votum erit de bono meliori. Quod si hoc votum non obstat quominus coniugatus petere debitum valeat, quia petitio debiti bona est; cur votum officiet quin Monachus, vel Presbyter contrahere matrimonium valeat, cum matrimonium inire bonum sit? Sed mittamus vota solemnia Religiosorum, & ad vota simplicia oratio nostra convertatur. Nulla ergo erunt vota castitatis quæ tot Catholici emittunt, quoties in proximo reperiuntur periculo libidinis? Nulla, inquiunt. Audi sequentem casum.

XV. Parthenius adolescens vehementer libidinosis vexatur tentationibus, & frequenter eis succumbit: & quamvis inde advertat statum conjugalem multo utiliorem sibi futurum quam cælibem, facit tamen votum castitatis, idque graviter violat, ut illud iam vellet non esse factum. Quæritur, utrum hoc votum sit validum? Resp. Probabile est illud votum non esse validum: quia, omnibus consideratis, non est de meliori bono. Ita P. Adamus Burghaber *centur. 1. Selectior. Casuum casu 66.* P. Patritius Sporer *loc. cit. num. 64.*

XVI. Recensita opinio laxa est, nulloque modo probabilis. Demus enim, imprudens esse votum præstatum; hæc tamen imprudentia non tollit quin castitas votum promissa sit apta voti materies; neque deliberatam votentis electionem aufert. Experitur vovens frequentes in libidinem lapsus; nihilofecius deliberate vultovere castitatem. Unde ergo colligendum est, votum istud nullum esse? Ex voti violatione reperita? Si ita foret, pauca vota valida essent. Docet quoque Martinus Bonacina laudatam opinionem *disp. iv. quæst. 11. punct. 1. num. 26.* Subdit tamen petendam esse dispensationem. Quid festivius? Votum nullum est; impetranda est tamen dispensatio. Quem effectum pariet dispensatio hæc, si votum nullum est? A quo vinculo absolvi debet vovens, si nullo vinculo obstringitur? Sed laxiora superfunt.

XVII. Quæst. VIII. *An votum castitatis, Religionis, vel non nubendi, cui salubrius est matrimonium ob incontinentiam, sit validum, impediatque matrimonium licite iniri?*

Item

Item an nulla evadant eiusmodi vota semel emissa ob supervenientes libidinis vexationes? Resp. Leander *tradi. ix. de matrim. disp. xxiii. quæst. ii. c. iiii.* docet sequentia. „ Negativam sententiam, videlicet neque esse validum tale votum, nec matrimonium impedire, suadere potest quis his argumentis. Primo votum ineundi „ matrimonium est validum in illis quibus salubrius iudicatur fore ut matrimonium „ ob incontinentiam incant, eo quod sit de meliori bono respectu voventis: ergo „ prædicta vota huic contraria, sunt de minori bono respectu illius voventis: ergo „ irrita. Patet: quia duæ res contradictoriæ nequeunt in eodem legitima materia „ esse, & pro eodem tempore.“ Acuta quidem, & robusta dialectica. Sed audiamus secundum argumentum. „ Votum (subdit) castitatis, vel Religionis factum „ ab eo quem carnis molestiæ, & frequentes ruinæ antecedunt, non est de materia satis idonea, & iusta; immo potius contra consilium D. Pauli I. Cor. vii. „ dicentis: *Quod si non se continent, nubant: melius est enim nubere quam uri.*“

XVIII. Utrum eiusmodi principia faveant Luthero, Calvinoque, obgannientibus adversus Catholicorum vota, quod sint humanæ fragilitati importabilia, & lumborum ardoribus contraria, ceteri videant. Ad primam rationem quod attinet, quam ut certam ponit Leander, iam supra demonstravimus eam falsam esse. Lex quam opponit contradictionis, perperam applicatur. Ex ea enim solum eruitur quod idem non possit simul eodemque tempore duo vota contraria, seu *contradictorie* opposita, nempe votum nubendi, & votum non nubendi edere; vel votum nubendi, & votum castitatis. Qui votum castitatis emittit, tametsi carnis illecebris irretitus, votum illud eligit ut instrumentum cohibendi carnis rebellionem. Materia suapte natura est quid melius; & vovens ut sibi expedientius remedium reputat. Si oppositum votum nubendi eliceret, contrarium quoque iudicium efformaret. Quare cum materia, nempe castitas, sit suapte natura voto idonea, utpote melius bonum, eo ipso quod a vovente ut talis reputatur, non potest fieri inepta voti materia: vel in ipso homine libidinis periculo obnoxio, etiam admissu quod, si contrarium iudicium efformaret, posset edere votum nubendi. Hæc tamen contra sophisticam rationem dicta sunt. Verum, ut istius opinionis laxitas magis pateat, antequam propius ad eam impugnandam accedo, placet laxiora quæ idem Leander cum nonnullis aliis docet, ob oculos ponere.

XIX. Pergit porro Leander, inquires, non solum invalida esse vota facta tempore quo quis calore libidinis uritur, verum etiam illa quæ, licet tempore tranquillitatis, & concordie carnis cum ratione facta sint, evadunt tamen ob supervenientes tentationes, sensuumque rebellionem inepta voti materia. Quia, inquit, quod ante emissum votum efficit ut res promissa sit inepta voti materia, si eo emissu supervenit, tollit voti obligationem. At sic est quod in sententia horum Doctorum frequentes lapsus in venerationem irritant vota Religionis, castitatis &c. Ergo iidemmet

lapsus

das provocantis, stimulis obstat, & reluctetur. Cum ergo plurimis aliis modis scopulos salacis concupiscentiæ declinare quisque valeat; perperam opponitur matrimonium ut quid salubrius homini a castitate nimis alieno ob suam in libidinem inclinationem. Hæc omnia verissima sunt. Ceterum, etiam dato quod hic & nunc huic homini magis congrueret matrimonium, omnibus inspectis circumstantiis: non ideo neque hac in positione consequitur castitatem fieri ineptam voti materiam, invalidumque fore de illa votum, ut iam demonstratum est.

XXIV. Tandem extrema istius opinionis laxitas, quæ communi Ecclesiæ catholicæ sensui infestissima est, ex iis quæ Leander adiicit, evidentius apparet. Non solum etenim subdit Leander, invalidum esse votum quod Christiani emittunt, dum experiuntur libidinis tyrannidem, & frequentes lapsus; verum etiam eo laxitatis prolapsus est, ut aliorum Auctorum nominæ inserat, nullius quoque valoris evadere vota quæ homo emisit tempore quo libidini minime erat obnoxius; si tentationes graves superveniant, atque vovens in proximo periculo incontinentiæ, & prolabendi in libidinem constituitur. Rationem quam assignat, dedimus supra num. 7. illamque Leander exscripsit syllabatim ex Sanchez *lib. IV. cap. VIII. num. 9.* familiaris est enim huic Casuistæ exscriptoris professio. Quod ideo dico, ut colligat lector, parum deferendum esse illius doctrinæ. Non solum enim laxiores aliorum Auctorum sententias ambabus suscipit ulnis; sed ipse quoque aliquid laxius adiicit, & laxitatis confinia amplificat, atque datat; ut ex hac ipsa opinione constet. Ledesma, Sancius, Marrinus de S. Ioseph, & alii nonnulli docuerunt, incontinentiam præcedentem invalidum efficere votum. Leander vero addit, incontinentiam *supervenientem* votum iam emissum vitare: & insuper quod alii tamquam *speculative* probabilem opinionem vendidit, ipse tamquam *prædictæ* probabilem, immo *tuto* amplectendam lectoribus se proponit benignissimus Scriptor. Hanc eandem opinionem defendit Leander a Marcia Capucinus in *disquis. moral. Lib. II. disp. 11. resol. 23. num. 5.* his verbis, „Colligitur „ex communi Doctorum sententia, quod, si post votum emissum materia eiusdem voti efficiatur *inepta, vel impossibilis*, fit etiam votum irritum, & invalidum; etiamsi prædictum votum simplex sit castitatis, vel Religionis.... Nec „vero est iudicandum, quod aliqui autumant votum esse debere *re meliori* bono in se, & non de eo quod melius est voventi: tum quia hoc est contra „communem omnium sententiam, tum quia manifeste est contra consilium Apostoli &c. “ dicentis: *Melius est nubere quam uri*. Non est ergo solus Lutherus efficiens castitatem esse impossibilem. Probabilista hic noster prout ore non modo ait, sed supponit ex communi Doctorum, castitatem ob supervenientes tentationes fieri ineptam, & impossibilem voti materiam. Utrique Doctores asserunt omnes, votum nullum esse; illius materia impossibili reddita, sed quod supervenient.

nientes tentationes, & lapsus in venerem, impossibilem reddant castitatem, hæresis est Lutherana. Quod vero subdit, esse *contra communem omnium sententiam*, & *contra consilium Apostoli*, quod voti materia sit melius bonum in se, & non voventi, nimiam sapit audaciam, & imposturam. Quoniam hinc inferitur, communem omnium sententiam, esse, votum nullum effici ob supervenientes tentationes, quia tunc castitas non est melior voventi: quod aperta falsitas est, cum potius communissima sententia catholicorum Theologorum sit, votum istud validum esse. Ut ergo sophisma istius Auctoris evanescat, animadvertas oportet, quod alibi diximus *num. 19.* nempe votum esse de meliori bono, quod & genere suo tale est, & hominibus quoque divino auxilio instructis melius evadit. Si hoc melius bonum accipiendum foret, & metiendum ex fragilitate carnis, & iniquitate ipsius voventis; actum esset de omnibus fere votis. Quare male P. Claudius La-Croix *Lib. III. part. 1. dub. 3. num. 409.* reiicit sententiam Sanchez, Valentæ, & aliorum, qui nostram tuerentur opinionem, adhæretque Gobatio, & Moyæ, qui certe in hoc aberrant, dum volunt quod res promissa sit melior voventi per comparisonem ad illius propensionem in venerem, & lapsus in fornicationem. Vera namque sententia habet quod res promissa, voto subiicienda, sit melior suo genere, & ipsi voventi auxilio divino freti, seu illi qui, sicut ceteri Christiani, potest, si velit, castitatem servare. Clarius rem explico. Lex divina congrua est, & suavis generi humano divinis auxiliis sussulto. Hominum pravitate, & malitia asperum, gravissimumque evadit iugum lex ista. Quid inde? Utique votum est de meliori bono, non solum absolute, seu relate ad hominem (solus quippe homo vota edit) sed relate ad hominem christianum gratia cælesti instructum, bene moratum, suæ æternæ salutis sitientissimum; non relate ad hominem petulcum, salacem, brutalem.

XXV. Quantum laxitatis, immo deformitatis præferat opinio laudata, nemo non videt. Primum universo Ecclesiæ catholicæ sensui repugnat. Semper enim consuetudo obtinuit ut qui vota castitatis emiserunt, dispensationem a summo Pontifice obtineant: quam Pontifex concedere minime solet, nisi aliqua injecta commutatione. Nonne perridicula esset eiusmodi dispensatio, si votum nullum foret? Nonne iste Ecclesiæ perpetuus, & manifestissimus mos satis esse debuisset ad coercendam nimiam istorum Casuistarum licentiam? Nonne multum audaciæ præfert quod pauci Casuistæ audent universalem Ecclesiæ consuetudinem abolere? Abolent autem, quantum per illos est, dum conceptis verbis scribunt, voto castitatis obstrictum Christianum posse absque dispensatione matrimonium inire.

XXVI. Consecutiones quæ ex hac laxissima sententia proficiuntur, indicandæ obiter sunt; si tamen manifestatione egent, quandoquidem sponte sua se se in cuiusque oculos ingerunt. Facta namque positione quod supervenientes difficultates,

tes, carnis molestiæ, sensuum rebelliones antiquare, irrita facere, discindere valeant vota semel valide emissa; nemo est qui non videat quæ hinc consequuntur. Nonne hinc inferitur, nulla prorsus fore plurima vota? Quis est ex innumera multitudine voventium, qui difficultates, molestias, rebellionesque carnis non sentiat? Et tamen plurimi, divino opitulante Numine, a lapsibus abstinent, de carne, & concupiscentia triumphos reportant. Quod si aliqui propria culpa succumbunt; anne quod iniquitates suas immunes erunt a voti vinculo? Si molestiæ, rei arduitas, frequentes lapsus vota simplicia castitatis dissolvunt; cur non & solemnia? AEque enim hæc ac illa aptam exposcunt materiam. Si castitas inepta est voti simplicis materia, quidni & sollemnis? Quis non videt hinc consequi, hæreticos argumentum sumere posse sacrilega honestandi matrimonia Lutheri, Bucerii, aliorumque similium. Salubrius fore matrimonium censuit Lutherus, non quod aliam rationem, nisi ob summam difficultatem, &, ut ipse blasphemavit, impossibilitatem servandi castitatem. Et licet maximum discrimen sit inter solemne votum & simplex; in hoc tamen conveniunt quod materiam aptam, & congruam habeant. Quod si difficultates, molestiæ, frequentesque transgressiones satis sunt ad efficiendam castitatem materiam ineptam pro voto; eadem ratione sufficient ad antiquanda cetera vota. Vehementes cupiditates pecuniarum, molestia quam affert earundem privatio, & frequentes transgressiones voti paupertatis nullum efficient votum istud: idemque dicendum de obedientiæ voto. Itaque salubrius hic & nunc erit possidere divitias quam venditis omnibus nudum Christum sequi; salubrius erit sui iuris esse quam aliis subici; salubrius erit ventrem implere quam ieiunare. Ne multa: hæc doctrina, qua asseritur *supervenientes difficultates, molestias, transgressiones crebras reddere rem promissam materiam ineptam pro voto, & votum ipsum dissolvere, irritumque facere*, sicut de medio tollit fere omnia vota, ita etiam promissa omnia inter homines infringit, ac humanum abruptum commercium. Quandoquidem, si recensita obstacula vota Deo nuncupata dissolvunt, eo quod materiam mutant; quidni & promissa inter homines facta eodem titulo infringent? Neque alicuius momenti est quod subdit *Leander cit. quæst. 11.* nempe quod non relinquatur cuiusque iudicio ferre sententiam, num omnibus circumstantiis inspectis salubrius sit matrimonium contrahere; sed tantum iudicio pii, & prudentis Confessarii, nempe perdocti Casuistæ. Nugæ istæ sunt, vanique fuci, qui minime laxissimæ doctrinæ horrorem obtegere valent, aut imminuere. Quin verus iudex tentationum, molestiarum, & lapsuum in venerem nemo peritior est illo qui talia experitur. Posito ergo quod recensita incommoda nulla efficiant emissa vota, ut contendunt Casuistæ laudati; iam quisque nullum votum suum iudicare poterit. Ad summum consulere poterit Confessarium aliquem qui pro magistris habeat Leandrum, Moyam, li-

cet

cet proscriptum, La-Croix, Gobatium, ceterosque in uno docendi genere consentientes.

XXVII. Dicimus ergo, valida prorsus esse vota antedicta, dummodo deliberate fuerint emissâ; sive tentationes supervenerint, sive antecesserint, sive comitentur; sive molestiæ, & lapsus frequentes sint, sive rari. Eiusmodi castitatis, sive alterius voti servandi obstacula, difficultates, & pericula solum quandoque causæ sunt congruæ impetrandi dispensationem, si emissis iamdiu votis adveniant: vel, si vota antecedant, viroque prudenti innotuerint, æquissimam rationem præbebunt, ut, attenta hominis infirmitate, eidem abstinencia a voto, ceu bonum ipsi salubrius, persuadeatur. Neque confugiendum puto ad doctrinam illam quam tradit P. Sanchez *Lib. IV. cap. viii. num. 10.* quamque adoptant Salmanticenses *trad. xvii. cap. 1. punct. 2. §. 2. num. 44.* nempe quod castitatis voto devincti spectari possunt vel ut homines singulares, vel ut sunt communis Ecclesiæ membra. Porro, licet melius sit nubere huic homini, ut singularis persona est; non tamen id verum habet, si consideretur ut est Ecclesiæ pars: quia sub hac consideratione gratius Deo est tale votum. Cur? Quia, inquam Salmanticenses, *ad bonum Ecclesiæ plurimum refert quod adstrictus voto castitatis... eo iudicetur adstrictus: alias votum tam arduum, tamque in Ecclesia celeberrimum, facillimo negotio corrueret.* Ego dicere, ad bonum Ecclesiæ pertinere, ut adstrictus voto castitatis iudicetur adstrictus, si reipsa est adstrictus. Quoniam Ecclesiæ bonum veritate, non falsitate nititur. Laudata doctrina, si clarius, & pressius exponatur, hunc prodit sensum: Votum castitatis emissum ab homine fragili, validum est, si hic homo vovens consideretur ut pars communis Ecclesiæ; est autem invalidum, nullumque, si consideretur ut homo privatus: quoniam homini ut privato melius est nubere; ut membro Ecclesiæ, salubrior est castitas. Quæ distinctio arbitraria est; quin, ut mihi videtur, falsa, & Ecclesiæ iniuriosa. Videtur namque ex illa inferri, ad bonum commune Ecclesiæ spectare quod votum castitatis validum sit; licet in privatis fidelibus non sit reipsa validum, licet privatis fidelibus salubrius sit matrimonium: quod quam falsum sit, nemo non videt.

XXVIII. Exemplum, quo Salmanticenses *num. 45.* contendunt illustrare doctrinam suam, pariter nobis valde implexum, ne omnino falsum dicamus, videtur. *Quare, inquam, erit validum illud votum solemne castitatis, cum sit melius voventi nubere quam vinculo voti adstrictum tot lapsibus subiacere? Quia, ut pars est illius Religionis, melius est quod votum in suo robore persistat, ne pluribus scandalis, & relaxationibus aditus patefcat.* Idem docet Leander a Murcia in *disquis. moral. Lib. II. disp. 11. resol. 24.* Etiam hæc doctrina saltem involuta nimis est, & sensibus erroneis exposita. Idcirco namque validum solemne castitatis votum defendere videtur in Religioso fragili, & lapsibus obnoxio, ut scandala, quæ alioquin sequerentur.

rentur, si votum nullum esset, vitentur, & bonum Religionis factum testum consistat: non quod reipsa respectu talis personæ privatæ validum votum sit. Hæc porro, ut indicavimus, falsa sunt: quoniam voti valor ab his respectibus, & relationibus non pender; sed a deliberatione voventis, qui materiam suo genere aptam, & congruam servandam eligit. Isti Probabilistæ ansam non levem hæreticis præbent carpendi vota monastica, atque eadem traducendi, tamquam onus humanas vires excedens. Si enim, ut contendit Leander a Murcia cum suis Casuistis, votum solemne castitatis validum est, licet vovens in libidinem prolabatur, & continenter carnis rebellione vexetur, propter perfectionem status, propter scandala, & perturbationes, quas Religio cuius vovens membrum est, subiret, & ob plures Religiosos, qui claustra relinquerent, seque Religiosos non esse dicerent: valida ergo erunt vota solemnia ob politicos solum respectus, ob extrinseca quædam damna vitanda. Supervenientes tentationes, & lapsus in venerem nullum efficiunt votum simplex castitatis. Cur? Quia amplius non est melius bonum voventi. Eiusmodi tentationes, & lapsus non efficiunt irritum votum castitatis solemne. Cur? Quia est melius bonum voventi, ut est pars, & membrum Religionis, quæ, si votum fieret irritum, multis malis succumberet. Minus malum est per istos Doctores quod privatus damnetur, quam quod Religio scandalis sit obnoxia. Hæc sunt consecraria quæ profluunt ex hac laxissima, & penitus improbabili opinione. Doctrina autem communissima omnium catholicorum Doctorum est (quidquid fabuletur Leander a Murcia cum altero suo Leandro, aliisque paucis) quod votum sive simplex, sive solemne castitatis validum est: quia semper est de meliori bono & absolute, & respectu voventium: licet enim ex aliquorum malitia & iniquitate reddatur difficilis eiusdem observantia, numquam tamen impossibilis sit. Semper quippe sive simplicia, sive solemnia vota observari valent. Si voventes ea non observent, ex eorum pravitate sola contingit.

XXIX. Auctores isti homini fragili, & veneri subiecto statim ut quid salubrius matrimonium proponunt; perinde ac si alia remedia nulla forent. Quid, si homo iste æstu libidinis ardens nuberet, eiusque unica uxor satis illi non foret ad impuram sitim extinguendam; permetterent ne illi uxorem alteram? Minime professio: quia naturali iure id vetitum est. Quid, si voto solemni castitatis sit obstrictus? At tunc, inquit, consideratur ut membrum Religionis. Quid, si matrimonio contracto, tot impudicitis obnoxius hic homo fieret, ut matrimonium esset illi occasio innumera perpetrandi flagitia? Quid, si omnibus pensatis, salubrius illi foret votum castitatis? Responsio obvia est, quod matrimonium sua natura validum, ex contrahentium malitia infringi nequit; neque ex impotenti hominum libidine multiplicandas uxores esse; neque irritandum votum solemne ob voventium malitiam. Quidni ergo idipsum dicendum & de voto simplici castitatis?

XXX.

XXX. Antequam huic quæstioni finem facio, iuvat recensere iudicium quod in hanc opinionem a me hactenus oppugnatam fert P. Matthæus Moya in *Qq. selæ. tract. 11. disp. 1. quæst. 1. de vot. & iuram.* Hanc controversiam prolixè versat tribus paragraphis. Primo in paragrapho refert Auctores disputantes super valore voti emissi ab eo qui, antequam voveat, proclivis in venerem est; & veriorè pronuntiat opinionem illam quæ validum esse votum propugnat. Tum in paragrapho secundo in medium affert sententiam quæ sustinet votum dissolvi, & irritum fieri per supervenientem in res venereas proclivitatem. Auctores istius sententiæ appellat doctissimos, ut superlativum encomium quid ponderis tribuat opinioni. Pro eadem allegat doctissimos Dominicanos *Dominicum Balianum, Sylvestrum, Tabienam*, qui solum docent fieri nullum votum, quoties illius materia evadat inepta, vel impossibilis. Quod autem castitas voto Deo adpromissa ex propensione superveniente in venerem, fiat inepta, & observari impossibilis, nemo eorum dixit. Tandem in paragrapho tertio suam statuit opinionem, & ait: Quamvis opinio proposita *s. 1.* valde probabilis sit, contrariam tamen tenendam censeo. Consequenter valde probabilem iudicat quoque secundam, quam *s. 2. num. 14.* necessario profluere ex prima indicat: & reipsa eam non impugnat; sed cum suis argumentis illam lectoribus proponit. Et qui olim sub larva Amælei Guimenii laxas opiniones evulgaverat, nunc sub splendido probabilitatis colore recudit, atque patronum Leandrum doctissimum vocat; cum pateat merum esse collectorem. Quod non idcirco assero, ut gloriam doctissimi viri ad invidiam perducam; sed ne lectores ex fallaci doctrinæ splendore hebetentur. Convulsis ergo tot sophisticis argutationibus, dico, votum semper validum esse, quando habet conditiones quas omnes requirunt, nempe quod sit emissum ab homine sui compote, libero, & voluntate deliberata, atque de bono meliori: quod bonum melius illud dicitur quod suapte natura tale est; secus per comparisonem ad fragilitatem, vel iniquitatem hominum vovendum. Nulli hominum castitas impossibilis est: quisque, Dei gratia adiutus, illam servare valet. Si quis eam violat, eius culpæ, & pravi voluntati vertendum est. Quoties ergo vere castitatis votum homo emisit, quantumlibet carnis stimulis vexetur, voto semper adstrictus manet, illudque servare tenetur.

XXXI. Obiicies. Id quod ante votum emissum efficit ut aliquid nequeat esse voti materia congrua, efficit quoque ut non sit voti congrua materia, si post emissum votum superveniat. Atqui fragilitas, & propensio vehemens in venerem ante emissum votum efficit ut castitas non sit apta voti materia; quemadmodum plures, gravesque Theologi docent, sustinentes votum emissum ab eiusmodi homine fragili contrahendi matrimonium validum esse, & invalidum castitatis votum: quæ sententia ut nimium laxa reïci nequit. Ergo neque illa quæ sustinet, supervenientem proclivitatem nullum reddere votum emissum. Resp. Prima propositio

absolute accepta, de qua infra, falsa est. Admittamus præcedentem propensionem in venerem impedire ne votum validum sit; quod ego tamen minime concedo: non inde profecto sequitur quod superveniens fragilitas abolere valeat votum semel emissum, & quod semel valorem obtinuit. Quoniam tunc solum illa propositio vera est, quando id quod supervenit, reddit materiam voto promissam aut impossibilem, aut vovendi noxiam. Continentia homini voto eius obstricto neque noxia per se, neque impossibilis efficitur: ideo nequit sola difficilis illius observantia votum semel validum irritare. Plus namque requiritur ad abrogandum votum quod valide emissum fuit, & aliquoties executioni mandatum, quam ad impediendum ne valide emittatur. Hæc dicta sint in qualemcumque excusationem illorum Auctorum qui docent præcedentem fragilitatem votum nullum reddere. Ceterum ego aperte defendo, neque antecedentem, neque supervenientem fragilitatem posse castitatis votum abrogare, & irritum prorsus efficere.

XXXII. Quæst. IX. *An validum sit votum de non vovendo?* Resp. Invalidum esse hoc votum absolute acceptum omnes fatentur: quia non est de meliori bono; immo de re mala, utpote divino honori contraria, cum vota Deo nuncupare res Deo grata sit. Nulla ergo erit obligatio faciendi oppositum, nempe non vovendi. Validum vero esset votum, quo quis decerneret, seu voveret, se numquam votum aliquod emissurum, nisi coram testibus, Confessario, vel scripto; ut sic præcipitem, nimiumque celerem voti emissionem, seu nuncupationem vitaret. Hæc namque deliberatio votum non impedit; sed congruam, immo prudentem vovendi rationem includit. Quamnam culpam postea committeret qui istius circumstantiæ votum frangeret, non una est sententia: alii mortalem, venialem ceteri esse contendunt. At maxime ex circumstantiis id erit colligendum. Si enim quis non curaret votum factum, si illud nauci faceret; dubio procul peccaret graviter. Si vero quis aliquo rationis momento ductus votum, omiſſa circumstantia sub voto sibi imposita, ederet, non videretur talis transgressio letalis. Quid vero si statuisſet, votum a se emittendum, nullum fore, quoties descriptæ conditiones servatæ non fuerint? Tunc votum nullum esset. Est enim votum privata lex: vovens est legislator. Eo ipso igitur quod is nolit suum votum valere, nisi talibus circumstantiis, alioquin iustus, definitum, reipsa non valet.

XXXIII. Quæst. X. *An votum non petendi dispensationem, commutationem, aut irrationem sit validum?* Resp. Dux sunt oppositæ Auctorum sententiæ. Fatuum, nullumque esse eiusmodi votum, tenet prima sententia, quam defendunt Sotus *Lib. VIII. quæst. 1. art. 9. prope fin.* Sanchez *Lib. IV. cap. v. 111. num. 21.* Leander *traſt. 1. disp. xxxv. quæst. 111.* Fagundez *Lib. II. Decal. cap. xxi. num. 12.* Bartholomæus a S. Faustis *Lib. I. Thesaur. quæst. lxxxv. & lxxxv.* Trullenſchus *Lib. II. cap. 11. dub. 5. num. 20.* Tamburinus *Lib. III. cap. 5. §. 4. num. 8.* & alii. Quoniam hoc

hoc votum absolute conceptum non est de meliori bono : siquidem aliquando contingere potest quod utilius sit dispensationem petere quam non petere. Immo nolle unquam in quocumque casu dispensationem petere, genere suo quid malum est. Malum enim ex quocumque defectu confurgit. Hinc vota numquam mutuandi, fideiubendi, & his similia invalida sunt : quia eiusmodi vota absolute plures comprehendunt casus in quibus melius erit fideiubere, mutuum dare, dispensationem petere, & plures itidem alios casus in quibus oppositum erit necessarium faciendum. Idcirco, cum malum ex quocumque defectu confurgat, vota præfata habent obiectum malum, nedum melius bonum; & propterea nulla sunt.

XXXIV. Altera sententia valere præfatum votum sustinet, non tamen obligare; cum utilius animæ aliquando possit esse dispensationem petere. Hanc defendunt Bonacina *disp. iv. quest. 11. punct. 1. num. 18.* Suarez *Lib. II. cap. x1. num. 6.* Filliucius *tract. xx111. cap. 11. quest. x1. num. 65.* Palaus *tract. xv. disp. 1. punct. 3. §. 5. num. 4.* Azorius *Lib. XI. cap. xix. quest. xv.* Sed hic Auctor loco citato de hac questione non loquitur; sed de voto non petendi dispensationem nisi a Romano Pontifice. Salmanticenses *tract. xv11. cap. 1. punct. 2. §. 2. num. 50.* hanc secundam sententiam propugnant, & præter citatos Auctores referunt quoque Sylvestrum *verb. Votum 2. quest. xiv.* & D. Antoninum *II. P. tit. x1. cap. 11. §. 9.* Verum D. Antoninus nec verbum de suo promittit; sed solum exscribit sententiam propriis verbis conceptam Richardi *in IV. dist. 38.* Quem Auctorem vel ipsi Salmanticenses pro contraria allegant opinione; & consequenter pro eadem sententia debuissent quoque D. Antoninum allegare; cum non nisi ipsam sententiam sere eisdem verbis Richardi transcribat, nihilque de suo addat, ut legenti patebit. Sententia autem Richardi, & S. Antonini est, votum præfatum validum esse, quoties utilius animæ sit dispensationem non petere; invalidum vero, quoties utile sit animæ dispensationem petere : nisi expressa intentio votantis sit quod, si votum a se emissum in aliquo casu non obligat, in nullo obliget : tunc enim absolute votum nullum esset. Hæc sunt verba tum Richardi, tum S. Antonini. *Si aliquis voverit aliquid quod in uno casu potest esse utile ad salutem, & in alio casu inutile, obligatur ad observationem voti in illo casu in quo est utile ad salutem; quamvis non in illo casu in quo est ad salutem inutile; nisi fuerit intentio votantis quod, si non obligat in omni casu, quod obliget in nullo.* Quod apud S. Antoninum legitur *in illo*, mendum typographi est. Hæc opinio in praxi securissima est : quandoquidem certum est apud omnes quod votum de non petenda dispensatione absque legitima causa a summo Pontifice validum sit. Quin invalida, aut saltem illicita est dispensatio absque legitima causa tum in petente, tum in concedente. Deinde certum est, admissio etiam valore voti absolute emissi de numquam petenda dispen-

satione, posse voventem tuta conscientia ad superiorem recurrere pro dispensatione voti, iusta occurrente causa dispensationis; cum Auctores defendentes voti valorem fateantur non obligare in eventu quo animæ utilius foret petere dispensationem: nemo enim nec sibi, nec superiori adimere hanc facultatem potest. Quia subiectio subditi respectu superioris, & potestas superioris in subditum, ius est quod per subsequens votum auferri nequit. Nullum ergo votum impedire valet quin subditi, legitima occurrente causa, suum adeant superiorem. Quare, si vis rationis spectetur, prima sententia probabilior videtur. Tutius tamen est sponsionem factam servare, & solum urgente evidenti causa dispensationem petere. P. Sanchez docet, quod licet quis votum emisit non petendi dispensationem a primo voto, non tamen elicit votum non petendi dispensationem ab hoc ultimo; & sic, impetrata dispensatione ultimi, remanet dispensabile primum: aut, si edidisset votum non impetrandi dispensationem huius ultimi, numquam votum edere potest non impetrandi dispensationem ab hoc postremo loco adiciit, etiam si in infinitum multiplicaret vota sua. Verum hanc votorum repetitionem, ut fabulosam, & otiosorum somnia, reiicio. Non dispensatione, sed elleboro indigent qui similia delirantes imaginantur.

XXXV. Quæst. XI. *An qui votum edunt non petendi commutationem, possint petere dispensationem, aut irritationem?* Resp. Negant Sanchez, & Trullench *loc. cit.* quia qui excludit commutationem, potiori iure excludit dispensationem. Adfirmat secunda sententia, quam defendunt Prado *cap. xxxi. num. 67.* Leander *quæst. v. Tamburinus cap. xv. §. 4.* Salmanticenses *trah. xvi. cap. 1. punct. 2. §. 2. num. 52.* Extensio obligationis res facti est, omnino pendens a voventis arbitrio. Si vovens commutationis privilegio renuntiavit, non ideo censetur renuntiassse dispensationi: quia unum separare ab alio potest. Utique qui respuit commutationem, prudenter præsumitur & dispensationem reiicere. Ceterum, cum e contrario verum etiam sit quod vovens valeat se privare facultate petendi commutationem, & retinere libertatem petendi dispensationem; idcirco ex intentione voventis res colligenda est. Possunt namque occurrere causæ tales ob quas impetrare expediat dispensationem, & non commutationem; tametsi non id frequenter contingat.

C A P U T VI.

Res indifferentes, inutiles, vitiosæ, impossibiles non sunt voti materia. Variæ quasiuncula explicantur.

UT a rebus auspicemur indifferentibus, & vanis, convenit inter Theologos, nihil quod inutile, vanum, vel indifferens sit, posse subici voto. Inquit enim D. Thomas 2. 2. quæst. lxxxviii. art. 2. ad 3. *Vota vero quæ sunt de rebus vanis, & inutilibus, sunt magis deridenda quam servanda.* Si quis tamen voveret eiusmodi res inutiles, venialiter tantum peccaret; ut si quis voveret se non ingressurum forum, non ascensurum equum, cum illo homine non locuturum, non abscissurum sibi ungues, & capillos, ac cetera id genus, quæ genere suo, circumstantiis sublatis, sunt absolute inepta voti materia. Plura tamen quæ genere suo indifferentia, & inutilia sunt, possunt ob circumstantias occurrentes fieri utilia, & apta voti materia. Ingressus in talem domum, colloquium cum tali homine, ascendere equum sunt res indifferentes. At si ingressus in talem domum secum deferat periculum obviam habendi mulierem ad libidinem provocantem, si colloquium cum tali homine provocet ad prava, si equi ascensus occasio malorum sit; tunc, cum a vovente ob finem honestum vota eduntur de vitandis his rebus, talibus positis circumstantiis, omnino valida existunt. Ut tamen res quæ suapte natura indifferentes sunt, induant rationem honestatis, & bonitatis, satis minime est quod vovens sua arbitraria intentione res illas in bonum aliquem finem dirigat: qua de causa nullum est votum quo mulier promittit die sabbatⁱ non nere, non coquere panem, non suere, & similia: quia abstinencia ab hoc, vel illo opere res vana est: secus, si promitteret abstinere ab omnibus operibus servilibus, ut liberius Deo vacare posset. Requiritur ergo quod in ipsis rebus vovendis appareat aliqua proportio cum fine intento a vovente; & quod res vovenda, circumstantiis saltem inspectis, revera aliquo modo ad assequendum finem illum conducatur eo tempore quo votum emittitur: quia, si res subicienda voto non est utilis voventi eo tempore quo votum editur, sed vana, vel indifferens, licet aliquo alio tempore possit esse utilis, votum nullum est. Ingressus in hanc domum, in qua periculum semine provocantis ad venerem reperitur, materia apta est, ut fieri possit votum evitandi talem domum periculi plenam. Si, sublato omni periculo, tale votum emitteretur, nullum tunc foret: quia eo tempore materia indifferens esset, & consequenter voto incongrua.

II. Quæst. I. *An votum alicuius rei cuius executio peccatum est, validum sit?*

Tom. III.

K iij

Resp.

Resp. Eiusmodi quæstionculæ discussio superflua videtur. Quis namque ignorat, voti materiam honestam esse debere, licitam, & ipsi Deo, cui offertur, gratam? Id optime evincit D. Thomas 2. 2. *quæst.* lxxxviii. *art.* 2. Porro, si oblati, victimæ culpam includit, nec licita potest esse, nec Deo, qui peccatum odit, grata, & accepta. Hæc omnia clara sunt, nullaque egent enucleatione. Sed quædam opponuntur quæ aliquod faciunt negotium: ideo quæstio proposita est, ut dissolvantur.

III. Obiicit 1. Iephte vovit se immolaturum Domino quemcumque primum obvium habuisset e domo sua, si ex Ammonitis victoriam reportaret. Et reipsa, victoria obtenta, domum revertens, filiam, quæ ipsi in occursum venerat, immolavit Domino, ut habetur *Iud.* xi. & tamen in Sanctorum censum perscribitur ab Apostolo Paulo *Hebræor.* xi. Falsum ergo est votum de rebus illicitis, & vetitis nullum esse.

IV. Duæ præcipuæ sunt responsiones quibus dissolvi hoc argumentum solet. Altera est Lyrani, & aliorum recentiorum, qui negant Iephte Deo filiam suam immolasse occisione corporis; sed docent illam Deo consecrassè morte spiritali, & civili, quatenus illam ab hominum seiunxit consortio, & perpetuæ virginitati servandæ astrinxit: quæ consecratio, quoniam irrevocabilis erat, mors vocari potest; quemadmodum consecratio agri, animalis, & hominis mors vocatur *Levit. ult.* Quod confirmari potest. I. Iephte vir prudens, atque bene moratus erat, & in lege versatus; proindeque ritus populorum idololatrarum, proprios filios immolantium, minime ignorabat: eo vel magis quod bimestre habuit spatium, quo Sacerdotum Principem consulere poterat. II. Iephte ex afflatu cælesti Spiritus sancti votum emisit: ipsa namque Scriptura testatur, quod *factus est super Iephte Spiritus Domini...* & votum vovit Domino. III. Filia Iephte plangendi virginitatem, non mortem suam, spatium petiit: & ubi nos in nostra Vulgata legimus *Iudic.* xi. vers. 40. *Mos increbuit in Israel... ut post anni circulum conveniant in unum filia Israel...* & *plangent filiam Iephte*, Sanctes Pagninus ex Hebræo reddit, *Ut alloquerentur filiam Iephte*, laticitiæ causa. Addunt, non potuisse Iephte ignorare legem quæ solis Sacerdotibus privilegium sacrificandi adiudicabat. Hæc recentiorum cogitata speciosa sunt, suæque fruuntur probabilitate.

V. Altera responsio verior est, & omnium antiquorum firmata iudicio; qui revera Iephte occidisse filiam suam docent. Ambrosius *Lib. III. cap.* xii. Hieronymus *Lib. I. advers. Iovin. cap.* xiii. Augustinus *quæst.* xli. in *Lib. Iudicum*; Chrysostomus *hom. xiv. ad popul. Antioch.* Theodoretus *quæst.* xix. in *Lib. Iudic.* D. Thomas 2. 2. *quæst.* lxxxviii. *art.* 2. & in *IV. dist.* xxxviii. *quæst.* i. num. 1. *quæstiunc.* 2. ad 3. & ut brevi dicam, veteres omnes, Tertullianus, Isidorus &

Pe-

Pelusiota, & Hispalensis, Iustinus Martyr eandem tuerentur sententiam; in quam concedunt pariter graviores Theologi recentiores, Abalensis, Soto, Serrarius, Azorius, & plurimi alii, quos mitto.

VI. Hæc responsio de vera corporali occisione clare eruitur ex ipsa Scriptura, quæ eludi sine vi aperta minime potest. Sic enim habetur Iud. xi. vers. 30. & 31. *Si tradideris filios Ammon in manus meas, quemcumque primus fuerit egressus de foribus domus meæ, mihiq; occurrerit revertenti cum pace a filiis Ammon, cum holocaustum offeram Domino.* Ubi isthic vel vestigium spiritualis consecrationis? Voyit offerre quiddam primum sibi de foribus domus suæ occurrisset. Ponamus quod eidem bestia occurrisset: sacrificasset ne illam oblatione spirituali? Neque plura fecit vota, unum nempe pro oblatione animantium, aliud pro hominum sacrificio. Ergo votum illud unicum, quo omnem primo egredientem, sibiq; primitus occurrentem complectebatur tamquam victimam sacrificii, fuit votum veræ & cruentæ immolationis. Id confirmatur item ex eo quod tum minime holocaustorum spiritualium usus obtinebat, sed sola cruenta sacrificia offerebantur.

VII. Ad rationes oppositæ opinionis facilis responsio est. Ad primum, dico Iephte virum quidem fuisse bene moratum, prudentemq; peccare nihilofecius potuisse, & reipsa tunc peccasse. Nec mirum. Si in Angelis suis Deus pravitate reperit; quidni & in hominibus, quantumlibet moratis? Illius peccatum ignorantie fuit contra ius naturæ, qua deceptus existimavit Deo acceptum futurum sanguinarium sacrificium propriæ filię. Ignorantiæ eius occasio fortassis esse potuit & exemplum Abrahæ parati ad filii occisionem, & vicinarum gentium ritus, filios, filiasq; immolantium. Quibus exemplis deceptus, firmiter sibi persuasit, hominum sacrificium Deo fore pergratum: & idcirco sapientum consilium capere neglexit. Ad secundum aliqui respondent, per Spiritum Domini intelligendum esse spiritum fortitudinis, quoniam forti animo prælium committere de-liberavit. Angelicus loc. cit. ad 2. ait: *Factus est super eum Spiritus Domini: quia fides, & devotio ipsius, ex qua motus est ad votandum, fuit a Spiritu sancto: Propter quod ponitur in catalogo Sanctorum, & propter victoriam quam obtinuit, & quia; probabile est eum penituisse de falso iuramento, quod tamen aliquod bonum figurabat.* Ad tertium dicendum, filiam Iephte non petuisse deslere mortem, quam parata erat lubenti animo occumbere; sed virginitatem infecundam, & sterilem, quam sterilitatem fere ipsa morte amariorem mulieres hebræe reputabant. Et sane, ut Abulensis observat, si sacrificium fuisset solius virginitatis, cum fuisset perpetuum, non duos menses, sed totius vitæ suæ spatium planctui destinavisset. Duos ergo menses dumtaxat planxit præcedentes diem mortis suæ. Ad interpretationem Pagnini, licet viri summi, dicimus, nullum ex omnibus an-

tiquis interpretibus textum illum vertere per verbum *alloqui*, sed *plangere*. Quod si etiam hanc versionem sequi velimus; non idcirco a vera sententia recedere cogimur. Quoniam dici posset, filias Israel accessisse quotannis ad alloquendam hanc hanc Iephthe, non presentem verbis, sed lacrymis absentem, figuris apostrophe, aut prosopopeiæ adhibitis. Ad ultimum dico, Iephthe credidisse, sacrificia quæ præter legis præscriptum offerebantur, a quocumque immolari potuisse.

VIII. Obiicies 2. Validum est votum quo quis promittit se non peccaturum nisi cum tali femina. Sed in hoc voto peccatum includitur. Ergo falsum est, votum de re illicita, & vitiosa nullum esse. Primam propositionem docet Sanchez *Lib. IV. cap. vi. num. 22.* his verbis. *Votum emissum Deo non peccandi nisi cum certa femina, quandoque est validum, quandoque irritum. Validum esset, si amore continentie servanda emitteretur; exciperet autem votens illam feminam, eo quod se valde proclivem ad fornicandum cum illa expertus, non ausus est illam in voto comprehendere, vel noluit se omnino ad continentiam obligare. At si eo voto se devinciret eo fine, quia turpi illius femina amore captus intendit ab aliis se abstinendo, potentior esse ad frequentiores coitus; vel quo illi placeret, & vebementius ab illa redamaretur, dum nosset amore illius id votum illum emisisse: sic distinguendum est. Si ille malus finis sit finis rei promissæ, votum esset irritum; si autem is malus finis esset solius voti finis, esset validum.* Clamabis, lector prudens, eiusmodi phantastica & ridicularia inventa indigna esse ut in christianam invehantur Theologiam. Non repugno. Sed quia inuenta reperimus, ea excutienda existimavimus. Non modo Sanchez, sed etiam alii votum istud validum sustinent, Martinez de Prado *cap. xxxi. quæst. 11. §. 8. num. 102.* Bonacina *disp. 14. quæst. 11. punct. 4. §. 1. num. 2.* Trullench *Lib. II. cap. 11. dub. 5. num. 4.* Salmanticenses *tract. xvi. cap. 1. punct. 2. §. 4. num. 63.*

IX. Resp. Omnes recensiti Auctores, qui sententiam Sanchez secuti sunt, cum eodem sustinent, votum præfatum rem bonam includere, nempe continentiam. Quoniam contendunt illi, in tali oblatione non includi peccandi voluntatem. Si enim voluntas includeretur peccandi; nullum & illi ipsi votum eiusmodi faterentur. Quod satis est ad veritatem communis sententiæ, videlicet votum quodcumque de rebus illicitis nullum esse. Si autem quæras, quid ipse sentiam de hac opinione; candide fateor, mihi eam non probari. Quoniam hæc deliberatio non peccandi nisi cum tali femina, iuxta communem sensum, vel includit re ipsa voluntatem peccandi cum tali femina (exceptio namque contrariam firmat regulam) vel, si non includit, vanæ, & Theologorum disputationibus indignæ eiusmodi hypothefes sunt, potissimum in re venerea, in qua præcisiones metaphysicæ non sunt re ipsa adeo faciles. Quis, amabo, sanæ mentis similia vota emittet: Voveo me non peccaturum nisi cum tali femina? Ut mea præsertim opi-

nio, soli Casuistæ similes hypothesef formant: quoniam communes naturæ instinctus minime permittunt homines Deo similia vota nuncupare. Præfatum namque votum, Voveo me non peccaturum nisi cum tali femina, simillimum est huic, Voveo me non te occisurum nisi cum tali gladio. Quis porro ausit talia supremo Numini vota dicare?

X. Obiicies 3. Si quis voveret immoderatas vigiliæ, ieiunia, macerationes, & similia; vel eadem servare obstrictus esset, vel petere dispensationem. Et tamen huiusmodi illicita sunt, utpote naturali legi custodiendæ vitæ contraria. Ergo vota de illicitis valent. Resp. D. Thomas hanc exhibet responsionem 2. 2. quæst. lxxxviii. art. 2. ad 3. *Maceratio proprii corporis, puta per vigiliæ, & ieiunia, non est Deo accepta, nisi in quantum est opus virtutis: quod quidem est in quantum cum debita discretione fit, ut scilicet concupiscentia refrenetur, & natura non nimis graveur: & sub tali tenore possunt huiusmodi sub voto cadere.*

XI. Quæst. II. *An votum agitando tauros in honorem alicuius Sancti sit validum?* Resp. Adfirmat. Martinez de Prado Tom. II. cap. xxxi. num. 30. Pro ratione Hispanorum morem in medium adducit. Festa namque Sanctorum Iacobi, Ioannis Baptistæ, & Annæ taurorum agitationibus celebrari solent. Si igitur civitas votum eideret tauros exagitandi, inflectendi, & torquendi in maiorem alicuius Sancti honorem; non apparet ratio cur votum illud validum non esset.

XII. Hæc relata opinio improbabilis, & falsa est; superstitionem sapit, atque indigna est ut vel in disputationem a Theologo adducatur. Quandoquidem, pro ut iam supra indicatum est, ut actio aliqua congrua sit voti materies, minime satis est ut voventis intentione in finem bonum dirigatur. Si actio aliqua per se ipsam evadere nequit bona, & sacra, Deoque grata, voto subici nequaquam potest. Abstinencia a cibo quid indifferens est; sed ad frenandam concupiscentiam directa, ut expeditius Deo inserviamus, actio bona, & virtutis temperantiæ fructus evadit. Taurorum agitatio vix inter opera indifferentia collocari potest. Quænam amabo relatio agitationis tauri ad sacrum Sanctorum cultum? Quid quod Concilia, Toletanum ultimum a. d. 111. decret. xxvi. Bracharense ultimum a. d. v. par. 11. cap. viii. Summi Pontifices Pius V. in sua constitutione motu proprio edita, quæ habetur in Bull. Tom. II. Gregorius XIII. & Clemens VIII. ut videre licet apud Quaranta, verbo *Torneamenta*, taurorum agitationes fieri diebus festis prohibent? Respondet Prado, prohiberi utique taurorum agitationes diebus festis; secus diebus præcedentibus, aut subsequentibus. Næ egregia interpretatio? Incredibile videtur quod Theologi, alioquin docti, ut sane est laudatus Prado, possint similia commenta in medium promere, & tamen illa proferunt; & ego eadem recenseo, ut colligat lector fidendum minime esse, sine magno examine, recentiorum

rum, cuiuscumque sint instituti, auctoritati. Quod idcirco admonēo, ut confirmem quod nullius dixi, repetendumque sæpius est, me neque amore erga unum Ordinem, neque odio in alterum, sed solo veritatis spiritu fuisse Dominicanorum, sive Carmelitarum, sive Iesuitarum, sive Minorum, sive cuiusque Instituti Casuistarum opiniones quas laxas reputo, aut perridiculas, refellere.

XIII. Quod opponit Prado, Hispanos solitos esse diebus sanctorum Iacobi, Annæ, & aliorum torneamenta exercere, nullius momenti est. Neque enim omnes populorum mores consecrari valent. Iisdem diebus saltant promiscue viri, & mulieres, theatra frequentant, & comédias repræsentant. Validum ne propterea votum erit adeundi theatra, & comédias frequentandi? Nullo ergo modo valet præfatum votum; quin opinio illud defendens nimium laxa nobis videtur, ac penitus improbabilis.

XIV. Quæst. III. *An validum sit votum quo mulieres vovent non pectere capillos tali, aut tali die?* Resp. D. Thomas in IV. dist. xxxviii. quæst. 1. art. 1. quæstionc. 2. ad 2. respondet, quod talia vota mulierum sunt sortilegia magis quam vota. Sunt enim reliquiæ quedam idololatriæ, secundum quam observabantur dies, & menses: & ideo pro non votis habenda sunt, & peccant talia voventes. Nulla quoque sunt vota abstinendi a carnibus assis in die S. Laurentii. Valida tamen forent vota, si essent de abstinentiâ ab omni cibo igne decocto. Valida item sunt vota utendi vestibus vilibus, & asperis: & validum quoque esse potest votum quod edunt mulieres adhibendi vestes albas in honorem B. M. V. in signum specialis virginittis, ut docet Sanchez Lib. IV. cap. vii. num. 11. & adprobat Sotus Lib. VII. quæst. 1. art. 3. circa 2. concl. Nisi tamen specialis adesset circumstantia, nulla ego pronuntiarem eiusmodi vota de ferendis vestibus solo colore diversis. Si vero coloris diversitati addatur asperitas, & vilitas, valida omnino esse sustineo: quia tunc sunt poenitentiae, & humilitatis instrumenta. Primo autem modo sunt quid tantum indifferens.

XV. Quæst. IV. *An votum nocturnarum vigiliarum, & non ingrediendi mare, validum sit?* Resp. Votum istud suapte natura validum est: quia nocturnæ vigiliæ, quibus divinæ laudes celebrantur, Deo gratæ sunt. Propter absurda quæ aliquubi consequebantur, prohibita fuere: idcirco iis in locis votum nullum esset, utpote de re prohibita. Votum non ingrediendi mare, genere suo nullum est; sicut votum non equitandi, non ingrediendi talem, aut talem domum. Si circumstantiæ occurrerent cavendi peculiare periculum, quod voventi imminere solet; tunc validum esse posset, ut communiter Auctores docent.

XVI. Quæst. V. *An votum emissum de re bonâ ob finem prævium validum sit?* Resp. Duplicem finem communiter Theologi distinguunt in præsentia: alterum intrinsecum rei promissæ, alterum extrinsecum eidem rei. Finis intrinsecus rei promissæ

missis is est qui per se rem promissam consequitur; seu ex eadem re natura sua profuit; ut ex pœnitentia sacramentali conscientie purgatio, ex ieiunio carnis compressio. Hic finis dicitur quoque alio vocabulo *finis operis*. Finis extrinsecus, qui etiam *finis operantis* appellatur; nullam naturalem connexionem habet cum re promissa, sed ei a vovente assignatur; quatenus vovens rem promissam, ipsumque votum eligit ut medium ad consequendum finem sibi præstitutum; ut si quis eleemosynam voveret, ut dignitatem aliquam obtineret; voveret Religionem, ut naufragium vitaret, vitamque suam a morte servaret. Hic finis *operantis*, seu *voventis* nuncupatur. Rursus finis alius vocatur *caussa, finalis movens*, seu *motiva*; alius *caussa impellens*, seu *impulsiva*. Illa *movens* dicitur sine qua te obligare minime velles; illa vero impellens, seu *impulsiva* nuncupatur quæ animum iam motum, & paratum ad agendum, ad celeriores, & expeditiores urget executionem. Quibus positis, communiter dicunt, invalidum esse votum rei bonæ, quæ assumitur tamquam instrumentum, seu medium; ad consequendum pravam finem: quoniam tunc non offertur Deo res bona, ut est in se, sed ut conducit ad pravi finis consecutionem; ut si voveas eleemosynam, ut assequaris usum malum mulieris. Si vero finis pravus non afficiat rem promissam, neque per illam obtinendus sit, sed sit tantum finis ipsius promissionis, seu voventis; tunc validum votum est: ut si voveres Religionis ingressum, ut commodius viveres, votum validum esset: quia commodior vita non est finis operis promissi, sed ipsius promittentis; seu, ut optime explicat Caietanus 2. 2. *quest. lxxxviii. art. 2.* est finis ipsius applicationis ad vovendum. Non enim sic vovens ordinat professionem suam ad vitam delicatorem; sed hæc vita delicatior excitat, & applicat voventem ad profutendum. Idem dicito de eo qui profiteretur; ut placeret alicui scelerato. Vota eiusmodi, dicit Caietanus, bona sunt; sed applicatio est diabolica. Quare qui sic vovent, indubitate peccant. Caietanum sequuntur communiter Doctores, ut videre poteris apud Salmanticenses, qui citant Palaum, Candidum, Navarrum, Sotum, Bonacinam, Suarez, Toletum, Azorium, Valentiam, Pradum. Sed candide fateor, ut mihi videtur, omnes obscure loquuntur; ipsique Salmanticenses *trah. xvii. cap. i. par. 2. §. 4. num. 65. & seq.* satis implicite, & confuse rem versant, non secus ac ceteri.

XVII. Eiusmodi igitur distinctiones, quibus statuunt, non valere votum de re bona, quando finis malus est *finis rei promissæ*, seu *voto dicatæ*; valere vero, si finis malus sit *finis ipsius voventis*, seu *operantis*, seu *per emissionem voti intentus*, ut aiunt Salmanticenses *num. 66.* non valere insuper, si finis malus voti referatur ad Deum pro malo fine obtinendo: eiusmodi, inquam, distinctiones, licet absolute veræ sint, & optime; applicatæ tamen ad discernenda vota validâ ab invalidis, obscuritatem, & confusionem pariunt, nisi clarius adhuc multo explicentur.

Quod,

Quod ut ego præstem, quoad per me fieri potest, sequentes conclusiones sub-
iicio.

XVIII. *Votum editum propter pravam finem, seu ob finis pravi consecutionem, semper malum, & irritum est.* Hæc assertio a nemine negari potest. Quoniam votum hoc modo acceptum, nempe ut instrumentum ad comparandum finem pravam, semper malum est. Quod autem malum est, Deo placere nequit. Confirmatur, & luculentius evincitur. Votum actus est religionis. Actus porro religionis ex aliquo motivo divini cultus oriri debet. Sed quod ex fine pravo oritur, nullo modo ex religione, divinique cultus motivo aliquo proficiscitur. Ergo votum ob pravam finem editum, irritum est. Hæc omnia clara sunt. Rem præ omnibus diserte explicat Sotus *Lib. VII. quæst. 1. art. 3. dub. 1.* quem sequitur Asorius, & alii communiter: quorum tamen plerique Soti doctrinam magis, impeditam sed-
dunt. Referam ipsius Soti verba.

XIX. Si quis (inquit) hanc faceret oblationem: Voveo dare eleemosynam propter inanem gloriam, tunc vocula *propter* moderari potest aut verbum *dare*, aut verbum *voveo*. Et quidem priori modo obiectum ipsum voti, quod est *dare*, refertur in malum finem, a quo datio ipsa contaminatur, ac depravatur; & eiusmodi votum nullum est. Nam dare propter vanam gloriam est malum obiectum. Exemplum secundi. Si quis dicat: Voveo esse Sacerdos propter beneficium expiscandum: præpositio *propter* non modificat *rem*, quæ est esse Sacerdotem, sed verbum *voveo*. Haud enim post Sacerdos, aut miles effectus, opera facit suæ religionis, puta nec orat, nec celebrat, nec obedit propter malum finem, sicut qui dat eleemosynam propter inanem gloriam; sed tamen professus est propter malum finem. Votum sic factum tenet. Et ratio est, quia obiectum eius res licita est, & bona, scilicet esse militem, aut Sacerdotem.

XX. Hæc doctrina, quam præ aliis Sotus clarius exponit, adhuc implexa mihi videtur. Nam, si quis voveret susceptionem Sacerdotii propter affectionem pinguis beneficii, eodem modo tale votum nullum mihi videretur, ac votum eleemosynæ propter inanem gloriam. Nam, licet quis Sacerdos effectus non ordinet actus orandi, celebrandi, & sacrificandi ob malum finem (quod solum evincit, hunc rite Sacerdotem ordinatum suas functiones licite exercere) attamen, si statum ipsum elegerit ceu medium, & instrumentum ad obtinendum pingue patrimonium, tum status iste, qui voti obiectum fuit, habuisset finem malum: eo quod res spiritualis ad rem temporalem obtinendam detorta res mala evadit; sicuti eleemosyna propter vanam gloriam facta. Sensit & ipse Sotus obviam-difficultatem, ob quam tale argumentum sibi ipse opponit. Ad rei autem, inquit, perspicaciorem intellectum arguitur. Sicut dare eleemosynam propter vanam gloriam, peccatum est, & corrupto fine ire ad Ecclesiam, puta ad sollicitandam puellam;

sic

fic & malo fine vorum facere. Ergo, sicut votum primi generis est malum, quia de malo obiecto; sic & votum secundi generis, quia malum habet finem. Quod si utrumque malum est, sit ut neutrum teneat.

XXI. Respondet ille. „ Pro solutione (inquit) apprimè in præsentì materia notandum est, quod lectorem minus attentum fallere valde posset: *nempe non esse in universum verum quod omne votum illicitum, & malum, sit irritum*, neque hoc a nobis assertum est; sed hoc tantum, quod omne votum de obiecto malo est irritum, & cassum. Concedimus ergo quod vovens Sacerdotium, aut Religionem malo fine, peccat quidem vovendo; tamen quia votum bonum habet obiectum (nam etsi votum referatur in malum finem, tamen obiectum non refertur in eundem) votum tenet. Negatur igitur postrema consequentia: Votum factum malo fine malum est: ergo non obligat: sicut si haberet malum obiectum: quoniam res Deo devota bona est, licet malo fine dicata. “ Hactenus Sotus, quem, ut dixi, sequuntur ceteri Theologi communiter.

XXII. Hæc responsio mihi non probatur, nisi clarius explicetur. Ut minus enim phrasi non satis congrua concepta, & exhibita est. Et primum omne *votum malum* irritum ego reputo: nec video quomodo hoc negari a Soto, vel a quocumque Theologo possit. Quod enim malum est, actus religionis non est; & quod actus religionis non est, votum esse non potest. Accedit, omne votum verum, gratum esse Deo; sed nullum malum, sive grave, sive leve, gratum Deo est: ergo universim verum est quod omne votum illicitum & malum sit irritum. Si enim, ut dictum est, natura voti tota in eo est posita quod sit res grata Deo; sane consequitur, nullam rem quæ Deo displiceat, posse votum Deo gratum extare; omne autem malum Deo displicet: ergo nullum votum malum validum est.

XXIII. Ut ergo Soti doctrina consistat, explicatione est opus. Finis malus duobus modis respectu voti considerari potest. Primo ut causa finalis primaria movens, & influens, & ad quam votum ipsum, seu medium quo finis in executione obtineatur, vovens dirigit: & hoc modo votum semper irritum est: quia malum est. Quamquam etenim res promissa, seu obiectum voti bonum sit, ut aiunt, *materialiter*; malum tamen evadit *formaliter* propter ordinis perversitatem in finem pravam. Secundo finis malus ut causa quam *concomitantem* vocat, considerari potest: & sub hac consideratione non influit in votum; neque votum propter hunc finem pravam editur: ac proinde votum ipsum non viciat, non inquinat; sed in sua bonitate specifica relinquit. Hic vero finis, qui respectu voti concomitans est, respectu voluntatis voventis causa finalis, & influens est: atque ideirco inficit, inquinatque voventem. Et hoc sane dicere Sotus voluit. Quoniam, tametsi prius dixerat, non omne votum *malum*, & *illicitum* esse irritum, statim subdit, quod

quod vovens Sacerdotium, aut Religionem malo fine, peccat quidem vovendo; tamen, quia votum bonum habet obiectum, votum tenet: tenet, inquam, si non ordinetur ad finem pravum, tamquam ad causam finalem, propter quam fiat votum. Nam etiam eleemosyna bona est; & tamen, si ad vanam gloriam dirigatur, tamquam ad causam finalem, mala evadit; & votum de eadem propter hunc finem irritum est. Ceterum, sicuti teneret votum eleemosynæ, quod publice ederes coram aliis, ut videreris, & gloriam quamdam captares: quia hæc inanis gloria votum solummodo comitatur, illudque non vitiat; cum in illud non influat, sed inquinet solum voventem: eodem prorsus modo valida sunt vota Religionis, suscipiendi ordines sacros, baptisma, & similia, quæ ita emittuntur, ut fines vani interdum ea comitentur: quia eiusmodi fines non sunt causæ moventes, & influentes in ipsum votum, sed tantum influentes in voluntatem voventis, quam inficiunt. Similes fines non vocantur in scholis *causa motiva*, sed *causa impulsiva*; seu sunt veluti *conditiones* quæ faciliorem reddunt voti emissionem. Quare, licet vovens peccet vovendo, attamen votum validum est: quia votum ex officio, seu obiecto bonum est, opus Deo gratum, & a religionis virtute procedens. Votum autem quod ita assumitur, ut sit instrumentum assequendi finem pravum, vitatur a fine pravo, & evadit malum; atque adeo irritum. Omne enim votum quod illicitum, & malum est, inane, ac irritum esse dubitari non potest. Idque confirmatur ex eo quod, dum votum edimus ad finem atque quem comparandum, tum ad Deum reipsa preces fundimus, ut talis finis nos compotes reddat. Sed oratio, prout a Theologis communiter definitur, est *petitio rerum decemium a Deo*. Porro magnam committeremus irreverentiam erga Deum, si quid quod Deum non deceret, peteremus ab ipso. Ergo quicumque finis, pro quo obtinendo Deum irreverenter oramus, votum irritat. Quapropter vota adæundi chorum ob lucrandas distributiones, assumendi ordines sacros propter divitias, & pingues redditus percipiendos, irrita sunt, quoties eiusmodi fines sunt veræ causæ moventes; secus, si sint tantummodo circumstantiæ allicientes.

XXIV. Quæst. VI. *An votum offerendi Deo munus bonum ob effectum malum iam obientum, vel obtinendum, validum sit?* P. G. Voveto me tot Missas celebraturum, tot eleemosynas erogaturum, si ex lite, bello, aut iudo iniusto victor evasero; si benedictum simoniaci obrinvero; si fratrem occidero, ut illius hæreditatem acquiram; si in furto, aut homicidio non fuero comprehensus; si filium ex adulterio, aut concubinato suscepero. Resp. Dissident Auctores super decisione questionis propositæ, pluribusque oppositis modis aggrediuntur eius enodationem. Sylvester verb. Votum 2. quæst. 11. dicit 3. docet invalidum esse votum, si conditio desideretur a vovente; validum vero, si conditio respuatur. Suarez Lib. II. de voto cap. v. num. 4. Navarrus cap. xii. num. 31. & Sanchez Lib. IV. cap. vi. num. 17. docent, quod,

sup.

supposita voluntate belli, & accessus ad concubinam, seu positis his veluti conditionibus, valeat votum: quia in hac positione votum non ordinatur ad bellum. Castropalaus *disp.* 1. *punct.* 8. *§. 3. num. 3.* dicit, primum votum non valere, si finis expectetur obtinendus mediis præfatis votis; contra valere, si bellum, & accessus ad concubinam spectentur seu conditiones. Deinde subdit, verius esse non valere præfata vota, quæ emittuntur ante susceptum filium ex adulterio, vel victoriam reportatam ex bello; valere autem, si fiant post susceptum filium, & victoriam, in gratiarum actionem. Caietanus 2. 2. *quest.* lxxxviii. *art. 2.* Tabiena *verb.* Votum 2. *in fin.* docent, vix contingere posse ut vota præfata non ordinentur ad malum; atque adeo nulla esse. Sanchez *loc. cit.* adfirmat, aliquando id posse evenire; & consequenter pluribus in casibus vota valere. Salmanticenses *trakt.* xvii. *cap. 1. punct.* 2. *§. 3. num. 69.* absolute pronuntiant, eiusmodi vota valida esse; atque pro hac sententia citant Fagundez, Candidum, Lessum, Raphaelem de la Torre, Trullenchum, Bonacinam, Laymannum, Suarez, Pradum, Leandrum, Caietanum. Sed de more non omnino facere: nam plures ex citatis Auctoribus ambigue, & variis hypothesebus positis loquuntur.

XXV. Missis variis Theologorum placitis, dico 1. *Præfata vota impetratoria pro effectu futuro conditioni turpi annexo invalida sunt.* Hæc assertio mihi videtur certa, si loquamur de his votis, prout communiter, & in praxi a Christianis eduntur. Nam cum Christiani vovent Deo eleemosynas, & Missarum celebrationes, si ex bello, ex duello iniusto evaserint victores, reipsa votum dirigunt ad consequendam victoriam iniustam, idest ad malum finem: quod secundum omnes votum nullum reddit. Quamvis ergo admitterem quod iuxta metaphysicas abstractiones Theologorum quorundam, acumini subtilissimarum cogitationum secundo indulgentium, valida fotent præfata vota; nulla tamen sunt, prout reipsa fiunt. Porro in præsentia nullus est, nec esse debet sermo de votis quæ secundum arbitrarías hypothesés sibi efformant Casuistæ non pauci: quia de rebus, non de commentis, est nobis agendum. Quod autem Christiani talium votorum auctores eadem revera ad finem malum dirigant, ex ipsis verbis quibus vota præfata concipiuntur, manifestum efficitur. Nam qui dicit, *Votoo eleemosynam, si fratrem occidero, ut illius hereditatem acquiram; si beneficium simoniace obtinuerim; si in homicidio, aut furto non fuero comprehensus* [hæc sunt vota quæ proponunt Salmanticenses] qui, inquam, sic dicunt, & vovent, votum assumunt ut medium quo furtum, homicidium, & fratericidium facilius felicisque exequantur. Hæc vota omnino sumillima sunt illis muneribus quæ homines cupidi alicuius privilegii a Principe vel Magnate obtinendi ministris offerunt hac conditione: *Si gratiam, favorem, & privilegium obtinuerimus; si e carceribus euserimus; si penam ob perpetratum homicidium nobis infligendam evaserimus,*

mus ; hi aurei , quos ad vestram securitatem penes hominem fide dignum deponimus , vestri erunt . Quis negaverit eiusmodi munera eo pertinere ut illi homines id obtineant quod percipiunt ? Et quamvis phrasibus amœnioribus , & expressio- nibus ad iustitiam , & innocentiam magis accommodatis uterentur ; quis nihilo- minus inficias iret , talium munerum finem unicum esse privilegiorum illorum consecutionem ? Simile igitur procul dubio & de præfatis votis iudicium feren- dum . Si voventes Dei cultum spectarent ; nullo modo vota sua conditionibus furti , homicidii , victoriæ iniustæ illigarent . Cur ergo eiusmodi conditionibus vo- ta sua induunt ? cur ? Nisi quia hæc ipsa tamquam voti finem intendunt , seu tamquam finem per vota assequendum ? Non sic res habet , inquit ; sed ut in- columes voventes evadant ; quæ res bona est : seu vovent Deo munera bona , illique grata , quæ supponunt condiciones , & effectus malos : quia , inquit , supposito furto , homicidio , occisione fratris , beneficio simoniace obtento , elee- mosyna bona est : idcirco votum illius validum erit . Iterum dico , eiusmodi esse præcisiones , & abstractas hypotheses Casuistarum , qui pro arbitrio illas effor- mant . Nemo negat eleemosynam bonam esse ; sed eleemosynam alligatam re- censitis conditionibus malam esse cordatus quisque fatetur . Negant illi quod non sit ad eas obtinendas directa . At ego melius adfirmo , eo quod homines voven- tes non otiose illigant vota præfatis conditionibus : si enim eleemosynam , Mis- sasve absque ulla relatione ad easdem condiciones Deo offerrent ; vota sua ab- solute Deo nuncuparent , conditionibus recensitis neglectis , atque prorsus omis- sis . Restat ergo præfata vota huiusmodi pravis conditionibus illigata , quia ma- la certissime sunt , valorem nullum habere . Hanc nostram sententiam docet So- tus *Lib. VII. quæst. 1. art. 3. dub. 1. ass. 3.* Sanchez vero *Lib. IV. cap. vi. num. 17.* hæc scribit : *At iure optimo dicunt* Caietanus , Tabiena , & Valentia *moraliter loquendo vix esse possibile ut homo non dirigat votum ad tale malum .* Eadem do- cet Ioannes Marin *Tom. II. tract. ix. sec. 4. num. 55.* Neque alicuius momenti est quod opponunt , nempe stipulationes pactas cum hominibus pro assequenda re et- iam iniusta iure naturæ valere . Quoniam potest homo , ut ait Sotus , ab homi- ne turpe obsequium recipere , & pro eodem illi mercedem rependere . Quis vero dixerit a Deo quemquam turpe patrocinium recipere posse , & pro eodem sibi collato vota pendere ? Absurda hæc maxima sunt .

XXVI. Dico 2. *Votum pro actu turpi iam facto in gratiarum actionem Deo nun- cupatum invalidum est , & Deum dedecens .* Conclusio hæc mihi certa videtur , & communis est , ut inquit Castropalaus *tract. xv. disp. 1. punct. 8. §. 3. num. 4.* ubi hæc habet : *Communior sententia defendit , hoc votum invalidum esse , & blasphe- mum .* Referre namque grates Deo pro actu turpi est repræsentare Deum tam- quam auctorem , & adprobatores illius turpitudinis pro cuius assensu illi vo-

ta penduntur: quod quam horrendum sit, patet. Quare mirari satis non subit, Leandrum ausum fuisse transcribere ex Filliucio *tractat.* xxvi. *cap.* 11. *quæst.* vi. num. 54. in suo *tractatu* 11. *de voto disp.* 1v. *quæst.* xxxi. hæc verba: *Dico tertio, votum in gratiarum actionem pro actu turpi iam facto, validum est.* Quandoquidem licet in sensu aliorum Auctorum suam, & Filliucii conclusionem explicet; nihilominus conclusio sic exposita blasphemata semper est, & scandalum parit. Et quidem Theologorum nullus umquam asseruit, validum esse votum in gratiarum actionem pro facto turpi; sed disputant validum ne sit, an invalidum de effectu, seu termino actionis turpis. Sed satis festivum est quod addit Filliucius ibidem, nempe suam sententiam Suarez docere *Lib. II. de voto cap. v. num.* 19. ex Caietano; cum Suarez doceat, Caietanum potius oppositum sentire. En verba Suarez: *Aliquibus non placet hæc assertio (nempe de valore voti) putant enim eandem esse rationem, siue victoria præcefferit, siue expelletur: quæ videtur esse opinio Caietani.* Nam eiusdem malitiæ existimat esse vovere in gratiarum actionem, & ad impetrandum. Quod & ipse Leander advertit. Ceterum id quod magis displicet, est, quod isti collectores casuum ex Theologis clarissimis, qualis alios inter Suarez est, transcribunt id omne quod laxitati favere potest; & deinde exceptiones quibus præfati Theologi suas conclusiones prudenter restringunt limitantque, silentio non raro prætereunt. P. Suarez, licet doceat votum de effectu consecuto ad actionem turpem validum esse, subdit tamen duas limitationes necessarias esse: alteram, quod effectus consequens actionem iniustam honestus sit, & licite retineri possit; alteram, quod actio gratiarum separetur a voto. Lege ipsum num. 22. *Oportet tamen huic assertioni duplicem limitationem adhibere.* Porro, tametsi satis obscure loquatur, nihilominus confert non parum ad confirmandum id quod modo indicavi, videlicet recentiores casuum collectores non paucos Theologorum sententias truncatas referre, idque silentio obducere quod necessario foret recensendum. Et tamen casuisticæ Theologiæ patroni haud erubescunt nobis similes truncationes adscribere, omni, & apertissima veritate repugnante.

XXVII. Dico 3. *Votum factum in gratiarum actionem ob victoriam ex bello iniusto, & ob lucrum ex ludo pariter iniusto, invalidum esse.* Ratio evidentissima est. Lucrum ex victoria iniusti ludi perceptum, regnique acquisitio per victoriam ex bello iniusto reportatam iniuste retinentur, atque in eorundem possessione iniusta, habentis malitia perseverat. Patet igitur consecutio, & veritas assertionis. P. Castropalaus *tractat.* xv. *punct.* 8. §. 3. num. 4. contrariam defendit sententiam his verbis: *Verius videtur hoc votum per se validum esse: sic expresse Suarez Tom. II. Lib. II. de voto cap. v. num. 19. quia non est censendus agere gratias pro victoria iniusta ex parte qua iniusta fuit, & a se processit; sed pro*

Tom. III.

L

illa

illa victoria, quatenus a Deo processit. Secundum hanc rationem bonum quid est, & honestum. Ergo in eius laudem votum offerri potest. Hanc rationem excribit Leander disput. iv. quæst. xxxi. qui tamen addit, si victoria admittat materiam capacem, idest effectum bonum.

XXVIII. Si hæc doctrina Castropalai vera foret, nullum esset scelus, nullumque flagitium, pro cuius executione non possemus Deo in gratiarum actionem vota nuncupare. Non solum actio iniustæ victoriæ, sed omnes aliæ actiones flagitiosæ, & scelestæ ab homine procedunt secundum totam malitiam, & a Deo sub ratione entis. Si ergo licitum est grates Deo rependere ob victoriæ iniustam, non qua parte iniusta est, sed qua parte a Deo procedit; eadem ratione licitum erit Deo vota nostra offerre pro adulterio, pro homicidio, pro furto, non ea parte qua mala sunt, & ab homine perpetrantur; sed ea parte qua entia physica sunt, & a Deo proficiuntur. Sed, quod magis miror, est: quod adducat in patrocinium istius sententiæ auctoritatem Suarez: inquit enim; *Sic expresse Suarez.*

XXIX. Ut alterum habeas argumentum doctrinæ casuisticæ, verba Suarez isthuc transcribo. Suarez ergo num. 19. allegato a Castropalao, statuit, votum in gratiarum actionem pro iniusta victoria validum esse, si effectus consequentes victoriæ iniustæ boni sint, & honeste possint retineri. Ceterum, si victoriæ iniustam consequatur iniquus effectus, ut iniusta civitatis acquisitio, tum votum iniquum erit. En illius verba ibidem num. 21. *Si autem Rex inferat iniustum bellum alteri, & comparata victoria regnum usurpet, quod iuste retinere non potest, tunc dico, votum in gratiarum actionem pro tali regno obieto iniquum esse, & invalidum. Quia, licet actio iniqua physice videatur iam finita, & præterita; moraliter tamen durat... ergo hæc gratiarum actio est impia: ergo & votum de illa præstanda invalidum est. Oportet ergo ut gratiarum actio sit pura, & bonum, ut ita dicam, purum, idest non habens admixtam perseverantiam iniustam, vel aliam similem iniquitatem.*

XXX. Ut ergo potuisset Castropalaus sibi adsciscere patrocinium Suarez in confirmationem propriæ sententiæ, debuisset cum eodem distinguere duplicem effectum victoriæ consequentem, alterum iuste retinendum, alterum iniuste possidendum. Debuisset uti principiis Patris Suarez, qui docet, tunc gratiarum actionis votum esse validum, quando spectat *bonum purum, non habens admixtam perseverantiam iniustam, vel aliam similem iniquitatem.* E contrario Castropalaus contendit, gratiarum actionis votum esse validum pro ipsa *victoria iniusta, non ex parte qua iniusta fuit, sed pro illa victoria quatenus a Deo processit.* Quodcumque lenimentum huic adicias principio, ut ego quidem arbitror, nullo modo satis mederi illi vales. Quoniam hinc consequitur, nullam esse actionem adeo turpem pro

pro qua non possit, ut dictum est, gratiarum actionis votum Deo dicari. Quia quævis actio, quantumlibet impia, accipi potest & ut est a Deo, & ut a peccatore procedens. Quare pro Auctoris huius excusatione dicendum, quod, licet illius locutio sit implexa, & minus cauta; nihilominus non aliud intelligere voluit, nisi quod tale votum Deo dicarum validum sit, non quatenus est de victoria iniusta, sed quatenus est de bono effectu consequente victoriam iniustam, puta votum pro incolumitate secuta ex bello iniusto. Qua de causa error potius in modo loquendi quam in re ipsa reputandus est.

XXXI. Dico 4. *Votum factum pro filio qui susceptus est ex concubina, pro incolumitate ex duello reportata, validum est.* Obiectum istius voti res bona est, & honesta; licet actionem turpem ac flagitiosam supponat. Filius enim, quocumque modo conceptus sit, & sanitas seu incolumitas, quacumque tandem ratione habeatur, sunt res honestæ, & bonæ, pro quibus licitum est Deo grates agere. Hæc sententia communis est. Eam defendunt Sorus *Lib. VII. quæst. 1. art. 3. dub. 1.* Marin. *trad. 9. disp. 11. sec. 4. num. 58.* Sanchez *Lib. IV. cap. VI. num. 13.* & omnes communiter, ne tempus teram singulos recensendo.

XXXII. Validum quoque votum est puniendi proprium flagitium; ut si dicas: *Si commiserò tale crimen, tantam erogabo elemosynam, vale dicam sæculo, ieiunabo* &c. Siquidem eiusmodi vota sunt opera pœnitentiæ, quibus vindicta sumitur de patrata iniquitate. Ita omnes.

XXXIII. Quæst. VII. *An votum rei bonæ ob finem indifferentem, & ob finem assequendi res temporales, validum sit?* Resp. Absolute loquendo communissima sententia docet, votum ob finem indifferentem irritum esse, & inane: quia finis indifferens vanus est. Porro finis ad quem ordinatur votum, eidem voto speciem tribuit. Igitur, si vanus est finis, vanum quoque consequitur esse votum in talem finem directum. Quare nullum est votum ieiunandi, ut sumptibus parcas. Contra, si ob fines indifferentes obtentos votum in gratiarum actionem Deo dicares, validum tunc votum foret: quia tunc finis voti non esset res indifferens; sed gratiarum actio, quæ non indifferens, sed optima est.

XXXIV. Similiter nullum est votum ob finem assequendi res temporales, si vovens in illis sistat, & ultra intentionem suam non erigat in aliquem finem bonum altiore. Quando ergo res voto promissa, seu materia eiusdem voti dirigitur ad consecutionem rerum temporalium tamquam ad finem, irritum est votum ob rationem assignatam: quia morales actus speciem capiunt a fine. Quare, si finis indifferens est & vanus, vanæ quoque sunt actiones eundem finem spectantes. Ceterum, si sermo sit de votis quæ in praxi a Christianis communiter fiunt ob res temporales obtinendas, ea valida sunt: quia hæc vota communiter diriguntur ad consequenda bona temporalia ab ipsa infinita Dei liberalitate, & sæpe

per Sanctorum impetrationem. Porro similium intentionum, seu votorum finis optimus est. Valida ergo erunt talia vota. Similium votorum non pauca exempla occurrunt in Scripturis. In *Gen. xxviii.* Iacob votum edidit pro felici peregrinatione. *I. Reg. i.* Anna votum Deo dicavit pro filio obtinendo. His namque votis Deum ut supremum, & unicum omnium bonorum datorem, videntes venerantur: idcirco vota huiusmodi valida sunt. Hæc quoque sententia communissima est.

XXXV. Quæst. VIII. *Quodnam peccatum committat qui quod malum est, Deo votis promittit?* Resp. Malum quod quis Deo voveret, potest esse tale vel ex parte rei promissæ, quatenus res ipsa in se mala est; vel ex parte finis ad quem vovens tem dirigit, qui, si malus est, votum vitiat. Si malum quod voto promittit, sit malum mortaliter, peccatum erit mortale. Immo si vovens non modo Deo illud malum faciendum promittat, sed verum etiam propositum habeat illud exequendi; duo peccata mortalia perpetrat: alterum, quia Deo rem malam offert, ac si Deus rem pravam gratam haberet; alterum ob propositum perpetrandi id quod peccatum mortale est. Quod si malum veniale tantum fuerit; venialem quoque culpam committet qui talem rem vovebit, ut communiter Auctores docent. Ceterum distinguendum videtur. Aut enim vovens ex quadam ignorantia ductus, rem venialiter malam Deo voveret; & tunc venialiter tantum peccare, etiam ipse concedo: aut vovens teipsum scit rem vovendam malam esse, & nullo modo Deo gratam, atque nihilominus vult eam voto Deo consecrare; & in hac hypothesi eum peccare mortaliter dico: & est communior opinio, quam docent Sanchez *Lib. IV. cap. vi. num. 9.* Bartholomæus a S. Fausto *Lib. I. cap. xlii.* Trullenchus *Lib. II. cap. 11. dub. 5. num. 9.* Ioannes a S. Thoma 2. 2. *disp. xxix. art. 4.* Leander *disp. iv. quæst. xxxvi.* Prado *cap. xxxi. quæst. xxii. §. 8. num. 10.* Caietanus *verb. vot. §. 2.* Raphael de la Torre 2. 2. *quæst. lxxxviii. art. 1. disp. i.* Castropalaus *disp. 11. punct. 8. §. 3. num. 9.* Suarez *Lib. II. cap. iv. num. 2.* Salmanticensis *tract. xvi. cap. 1. punct. 2. §. 4. num. 72.* Isti pro contraria sententia citant D. Antoninum *II. Par. tit. xxx. cap. iv. §. 1.* Leander quoque, qui laborem sibi vindicavit corrigendi menda citationum, laudat D. Antoninum ex Prado. Verum secunda pars Summæ D. Antonini tota concluditur duodecim titulis. Titulus in quo de voto agit, est undecimus, qui duo tantum in capita tribuitur. Sed hæc per transfennam. Ratio autem communis nostræ sententiæ est per se obvia. Qui enim deliberato animo offert Deo tem quam advertit esse malam, ex se testimonium exhibet, quo ostendit Deum acceptatorem esse iniquitatis. Hoc autem blasphemiam sapit.

XXXVI. Quæst. IX. *An qui votum faceret peccandi mortaliter sine animo implendi, peccaret mortaliter?* Resp. Dubio procul mortaliter peccaret iste peccato sacri-

legii, & irreverentiæ contra Deum, ac mendacii contra veritatem. Idem dicendum de eo qui sic voveret sine intentione se se obligandi, ob eandem rationem. Estque opinio communis.

XXXVII. Quæst. X. *An res impossibilis sit voti materia?* Resp. Aliquid impossibile dupliciter dicitur: primo absolute, & suapte natura; secundo comparate ad personam: seu aliud est impossibile physice, & per se; aliud moraliter, & relate ad hunc vel illum. Materia voti non solum debet esse possibilis physice, & absolute; sed oportet ut possibilis sit moraliter ipsi voventi. Quoniam vovens executioni mandare debet id quod promittit. Ergo necesse est ut res exequenda illius potestati subiaceat. Res evidens est, nullumque est super eadem dissidium.

XXXVIII. Quæst. XI. *An votum partim de re impossibili, partim de possibili, seu de materia partim apta, & partim inepta, validum sit?* Resp. Ut clare proposita quæstio resolvatur, tribuenda in partes est. Illud primo penes omnes certum est, quod, si vovens expressa & manifesta intentione coniungeret simul rem ineptam, & aptam in hunc finem ut unam sine altera offerre noller, votum nullum esset; & sic vovens peccaret: quia absolute promitteret rem impossibilem, eo ipso quod noller partem possibilem absque impossibili implere. Illud etiam certum est quod, si materia quæ voto promittitur, sit suapte natura dividua, cuius una pars ab altera minime pendeat, tunc votum validum est; & vovens partem voto aptam implere obstringitur: atque in hoc communiter Theologi conveniunt cum D. Thoma, qui 2. 2. quæst. lxxxviii. art. 3. ad 2. ait: *Si illud quod quis vovit, ex quacumque alia causa impossibile reddatur, debet hoc facere quod in se est, ut saltem habeat promptam voluntatem faciendi quod potest.* Exemplis res clarior fiet. Vovisti centum aureos in eleemosynam distribuendos: non potes erogare nisi quinquaginta: ad hos elargiendos teneris. Vovisti castitatem, & uxorem duxisti: ad non petendum debitum obstringeris. Vovisti ieiunare per mensem: non potes nisi quindecim, nisi decem, nisi quinque diebus &c. his paucis diebus ieiunare debes. Non potes in ieiunio quod vovisti, abstinere a carnibus, potes vero a pluribus comesturis: unicam refectionem servare debes; quidquid de hoc ultimo scribat Castropalaus *dis. 1. punct. 8. §. 1. num. 10.* Si ultimum exemplum demas, opinio communis est, immo fere omnes, quæ diximus, docent. Difficultas in eo vertitur, quænam materia dividua dicenda sit. Nam alicuius materiæ divisibilitas, & possibilis unius partis ab altera separatio pervia est; ut ex allatis exemplis patet. Aliquæ vero materiæ hanc possibilem divisionem, & separationem aperte non produunt. Quid autem de eiusmodi rebus voto Deo consecratis dicendum sit, ex sequentibus constabit.

XXXIX. Quæst. XII. *An qui vovit edificare Ecclesiam, si nequeat totam, ad partem teneatur, aut in alia Ecclesia capellam construere, vel quodpiam aliud Ecclesiæ*

offerre? Resp. Tamburinus *Lib. III. in Decal. cap. xv. §. 5. num. 1.* eiusmodi voventem ad nihil obligat : quia, inquit, materia suapte natura est indivisibilis. Secus, si vovens expresse vovisset partem, quando totam non posset : tunc enim, ait, ad partem teneretur. Idipsum docet Sanchez *Lib. II. cap. x. num. 7.* Castropalaus *disp. 1. punct. 8. num. 10.* Leander *trac. 1. disp. 1x. quæst. xxxi 1.* Patres Salmanticenses citant pro contraria sententia D. Thomam, & alios graviore, antiquioresque Theologos ; deinde concludunt punct. 2. §. 5. num. 77. *Sed dicendum est non teneri.* Salmanticenses Patres in suo egregio cursu Theologiæ scholasticæ religioni sibi vertunt in ipsis speculationibus, in quibus sine salutis dispendio in utramque partem disputari potest, a S. Thoma vel latum unguem recedere : verum non raro oppositam viam insunt iidem præstantissimi Patres in altero moralis Theologiæ opere, cum & a D. Thoma sæpe recedant, & laxiores quandoque opiniones colligant, ac propugnandas assumant.

XL. His ergo missis, dicimus, eum qui absolute vovit ædificare Ecclesiam, teneri ad partem, quando non potest totam : & si pars alicubi inutilis foret, in alia Ecclesia capellam, sive quid aliud in aliquo templo, quod in cultum Dei cedat, construere debet. Hanc sententiam aperte docet D. Thomas in *IV. Sent. dist. xxxv 111. quæst. 1. art. 3. quæstiunc. 1. ad 1.* *Si quis dives voverit ædificare Ecclesiam, quod postmodum perficere non possit, paupertate superveniente, non obligatur ex voto ad implendum. Sed tamen in hoc distinguendum est dupliciter : uno modo quia vel omnino factus est impotens ; & tunc non tenetur simpliciter ad hoc quod vovit ; vel est factus impotens ad totum perficiendum, quamvis non ad partem ; & tunc ad illud quod potest, remanet obligatus.* Sylvester verb. Votum 2. *quæst. 1. Navarrus cap. xii. num. 19. Prado cap. xxxi. quæst. 11. §. 9. num. 118. Bonacina disp. 1v. quæst. 11. punct. 4. num. 3. P. Ioannes Marin, cuius opus proscriptum est, trac. 1x. disp. 11. sec. 8. num. 113.* scribit hanc D. Thomæ sententiam sic intelligendam esse, ut si constat de intentione expressa voventis ad se obligandum etiam divisim, tunc ad partem tenetur ; secus dicendum, si de hac intentione non constat. Hæc interpretatio, quam exhibuerat etiam Sanchez, arbitraria est, nulloque fulta principio. Si constaret de expressa voventis intentione, disputationi locus non esset. Verum mirum haud esse debet eiusmodi Auctores similes prodere interpretationes, quia consentaneæ sunt eorum principiis : illi enim in favorem voventis votum interpretandum contendunt potissimum in rebus dubiis : quod principium expresse improbat a D. Thoma, ut infra videbimus. Salmanticenses vero rationem cur a sententia S. Thomæ recesserint, produnt : aiunt namque, quod Ecclesiæ, & capellæ constructiones non sint moraliter eiusdem rationis : insuper quod Ecclesia est corpus individuum, minime potens separari in partes. Quare, si totius Ecclesiæ constructio sit impossibilis, ad nihil vovens tenetur.

XLI. His ergo interpretamentis missis, regulam assigno, quæ licet contraria sit regulis recentiorum Casuistarum, verosimilior nihilominus videtur, & eruitur ex ipso D. Thoma. *Quando executio partis separata a toto secundum prudentum existimationem cedit in honorem Dei, in hanc partem votens implere potest; ad eam implendam tenetur: secus quando pars separata non cedit in Dei honorem.* Quare non probo absolute quod ait Bonacina, nempe debere hunc votentem ædificare partem Ecclesiæ, quia forte alii, viso principio Ecclesiæ, ad complendum inceptum ædificium excitabuntur. Ego sane non consulerem voventi ut huic fortuito eventui suas committeret pecunias; neque censeo id cedere in honorem Dei: quoniam pars Ecclesiæ sola ad nihil valet, nisi compleatur tota. Inchoare autem hanc partem ea sola spe quod alii, viso principio, sint opus consummaturi, nihil aliud esse videtur, nisi expensas fortunæ committere, quando alia non occurrant fundamenta. In mea itaque regula consulto inserui illas particulas *secundum prudentum existimationem*. Porro tum ego dicerem, secundum prudentum existimationem partis Ecclesiæ constructionem in honorem Dei redundare, quando reipsa alii parati essent, vel coniecturæ moraliter certæ, aut valde probabiles suppeterent, alios fideles ad perficiendam fabricationem opem fore laturos. In tali positione concederem utique, voventem teneri ad partem, quamvis non ad totum: & hoc communi prudentis pietatis, & rationis sensui summopere consentaneum videtur. Pariter ad capellam, seu oratorium erigendum teneretur votens, quando id posset, & iuxta prudentes christianæ pietatis æstimatores ædificium capellæ, seu oratorii in divinum cultum, & fidelium utilitatem recideret. Qua ergo ratione adversarii concedunt, voventem centum in eleemosynam teneri ad quinquaginta, quando non potest centum; eadem concedere debent, voventem ædificare totam Ecclesiam teneri ad partem, aut ad capellam, seu oratorium, quando non potest totum; dummodo prudens pietas iudicet partem, vel capellam in Dei cultum, & Christianorum utilitatem cedere. Secus dicendum, quando executio partis superflua, & omnino inutilis foret. E. g. vovisti peregrinationem ad domum Lauretanaam, non potes totum iter conficere, non teneris ad partem: quia pars itineris ad finem voti inepta prorsus est, sicuti ineptam diximus constructionem partis Ecclesiæ, quando spes non adest ut alii opus inceptum perficerent.

XLII. Rationes adversariorum seipsis corruunt. Quod enim dicunt Salmanticenses, non esse actus eiusdem rationis Ecclesiam, & capellam, perridiculum est: quia hic sermo non est de rebus physicis, sed moralibus. Porro eadem virtus religionis impellit ad ædificium capellæ, ac Ecclesiæ. Utrique capella, & Ecclesia distinguuntur tamquam totum, & pars. In eadem tamen, ut ita dicam, linea moris reperiuntur. Decem, & centum ad diversam numeri speciem pertinent. Ergo qui non potest centum, non debet decem? Eiusmodi speculationes in morum

præceptis tradendis vanæ sunt, & inutiles. Falsum est quod tota Ecclesia sit corpus individuum. Quot Ecclesias in dies non videmus inceptas, & non consummatas? Ego ipse non paucas vidi quarum sola maior capella ædificata est: in qua tamen cultus Dei promovetur, & fidelium spiritualis profectus non parvus colligitur. Falsa quoque est regula Sanchez, & Marin. nempe ex expressa intentione votentis colligendam esse illius obligationem. Quippe, cum votentis intentio expressa est, locus non relinquitur disputationi. Debitum ergo votentis ex illius facultate, & ex rei voto promissæ conditione erucendum est. Quando igitur executio partis rei promissæ iuxta pios prudentesque æstimatores promovet finem votentis, nempe cultum Dei, aut pietatem fidelium, in eodem genere in quo est totum quod promisit; tunc ad hanc partem exequendam votens dubio procul obstringitur.

XLIII. Quæst. XIII. *Quando votum est de materia mixta, partim bona, & partim mala, ad quid votens tenetur?* Resp. Materia voti pluribus modis mixta esse potest: vel quia pars una est possibilis, impossibilis altera; & de hoc satis dictum est: aut quia partim est bona, & partim mala; ut si quis voveat Religionem, quo res Cœnobii furetur: vel quia est partim indifferens, & partim bona; ut si promittas te profecturum Romam, & eleemosynam erogaturum: vel ratione finis materia mixta esse potest, qui partim bonus, partim indifferens sit; ut si voveas eleemosynam ad subveniendum pauperi, & acquirendas divitias quin illas in Deum dirigas. Plures alias positiones prætereo. Ex dictis autem patet responsio ad omnia. Nam, quando materia partim apta est, & partim inepta, & quando ex duobus finibus unus est bonus, alter indifferens, & ineptus, validum est votum, si iuxta prudentes æstimatores separatim fines impleri possint; dummodo non constet de expressa contraria intentione votentis, ut dictum est.

XLIV. Quæst. XIV. *An votum disjunctive factum, cuius altera pars apta, altera inepta sit, puta dum voves aut Religionem, aut furtum, validum sit?* Resp. Si votum revera sit disjunctivum, ita ut votens ad neutram partem se voluerit obligare de terminato, sed indifferenter, aut ad unam, aut ad alteram æquo modo; absolute votum nullum & irritum est. Quoniam qui sic vovet, vi talis voti non magis ad partem aptam quam ineptam tenetur. Ergo votum, quod de meliori bono determinate esse debet, invalidum est. Idem dicito, quando disjunctio cadit supra duplicem finem, quorum unus ineptus, alter aptus est. Immo qui sic vovet, peccat. Sed casus sub his terminis metaphysicus est. Quis enim, nisi stultus ausit sic vovere, ut neutram determinate partem velit? Aut quis adeo sit impius ut partem criminis plenam voveat? Quare in praxi eiusmodi vota, quæ disjunctiva videntur, sunt tantum conditionata; seu potius sunt duo vota, unum irritum, quia de re yana, aut mala; alterum validum, quia de meliori bono: ut si quis

ira

ira percitus tale votum emitteret : Voveo me vindicaturum iniuriam mihi irrogatam, aut Religionem ingressurum : hoc votum non est disiunctivum ; sed est votum conditionatum, quod nisi sumpserit vindictam, velit ingredi Religionem : seu potius sunt duo vota, primum absolutum sumendi vindictam, quod est irritum ; alterum conditionatum amplectendi religiosum statum, quod, impleta conditione, obligat, cum sit de meliori bono. Quando autem dubium est, an similia vota sint disiunctiva, vel conditionata, dico decernenda esse vota illa conditionata, & valida quantum ad partem aptam ; conditione expleta ; quidquid in oppositum sentiat P. Marin. *loc. cit. num. 128.* quia nemo præsumendus est malus, nisi probeatur : malus autem foret, & peccans qui votum disiunctive eliceret de re bona, & mala æquo modo. In votorum vero materia, quando dubia occurrunt, tutior pars est eligenda ; ut infra fusius adversus eundem Marin. aliisque recentiores Casuistas demonstrabo.

XLV. Quæst. XV. *An votum eundi Romam nudum valeat ?* Resp. D. Antoninus II. Part. tit. xi. cap. 1. §. 3. dicit : *Votum autem de eundo nudum, non videtur multum commendabile, quia nec honestum, & periculosum tempore hiemali, & ideo potius est commutandum* ; idest, ut indutus honeste votum impleat. Validum itaque votum est, eo quod pars principalis voti bona sit ; solumque modus accessorius malus est, & propterea omittendus. Navarrus tenet oppositum *cap. xii. num. 39.* Sed D. Antonini opinionem tuetur Sanchez *Lib. IV. cap. x. num. 13.* & eidem accedit Marin. *loc. cit. num. 119.* & hæc sententia vera est.

XLVI. Quæst. XVI. *An votum non ludendi validum sit ?* Resp. Sententia communis est, validum esse : quia est de meliori bono. Nam ludus aut considerari potest ut est quid fortuitum in ordine ad lucrum, & iacturam, & ut est malorum origo, sicut reapse communiter est ; & tunc dubio procul validum est votum non ludendi : aut consideratur ludus ut modus oblectationis, & levandi animi causa assumptus secundum eutrapeliæ regulas ; & tunc abstinencia a ludo ex amore poenitentiae, & mortificationis proficiscitur, & consequenter votum eius de meliori bono est : ergo validum. Quod si contingeret animi recreationem futuram esse in aliquo casu necessariam ad sanitatem, tunc cessaret pro tali eventu voti obligatio. Neque verum est quod inquit Tamburinus *Lib. III. cap. xv. §. 4. num. 3.* nempe quod si ludus, recreatio, cibus delicatus *in speciali casu essent animæ tuæ utiliora, vota de abstinendo ab illis non valerent.* Hæc, inquam, doctrina mihi vera non videtur. Nam plures vota eliciunt abstinendi a carnibus, quarum usus quandoque in speciali casu est necessarius ; nec propterea vota redduntur invalida. Dicendum ergo, quod vota similia *in speciali casu* non obligant ; sicut de qualibet lege, & præcepto dicitur. Verum ex hoc quod in casu speciali non obligent, male inferitur vota huiusmodi invalida prorsus evadere. Quando ergo ma-

teria

teria voti absolute considerata, & spectatis circumstantiis quæ communiter occurrunt, est de meliori bono; vota semper valida sunt; quamvis casus speciales occurrant in quibus observantia voti non sit de meliori bono; & tunc votum non obliget. Sed validum semper manet: &, casu speciali sublato, voti obligatio rursus urgere profequitur.

XLVII. Posito quod votum non ludendi validum sit, plures casus resolvendi supersunt. Et primo quidem, ad quid teneatur qui vovit non ludere, puta chartis. P. Gobatius *tradet.* xi. num. 524. & P. La Croix *Lib. III. part. 1. num. 453.* respondent, voventem huiusmodi non teneri abstinere nisi a ludo immoderato, quando absolute vovit, nihil cogitando de immoderato, & periculoso ludo: quia, inquiunt, votum in dubio explicari debet in favorem voventis. Pro hac opinione P. Claudius La Croix citat Bonacinam, Dianam, Tamburinum: & crosset innumeros alios laudare pro opinione defendente, votum dubium expliandum esse in favorem voventis. Verum hæc sententia P. Claudij La Croix duplici ex capite nobis falsa est. Primo quia vota dubia non in favorem voventis, sed in tutiorem partem sunt interpretanda. Secundo quia qui vovit non ludere chartis, iuxta communem sensum ab omni chartarum ludo abstinentiam promisit; cum ludus iste suapte natura periculosus sit, & idcirco a canonibus sacris vetitus comperiatur. Distinctio autem ludi moderati, & immoderati casuistica est, seu a Casuistis inventa, quæ in mentem voventium vix, ac ne vix quidem venit. Qui enim vovent non ludere chartis, absolutam abstinentiam ab omni chartarum ludo spondere intendunt. Quapropter præfata distinctio unice ad extenuandam voti obligationem videtur inventa. Concedit tamen La Croix, te debere abstinere etiam a moderato ludo, si expresse in voto tuo illum comprehendisti. Papæ! Egregia sane admonitio.

XLVIII. Citatus Auditor, ut votum non ludendi accommodet inclinationi voventis, contendit ex fine voti colligendum esse, num exclusis etiam ludum moderatum, & an voveris etiam te non lusurum pro alio. Nam, inquit ille, si voto intendisti vitare iacturam pecuniæ tuæ, exclusisti solum ludum immoderatum. Quare infert, te ludere posse & pro alio, & pro te lusu moderato; immo & per alium, tradendo ei pecuniam, & aspiciendo: nisi aliter constet de mente tua. Si christiani homines germana pietate ac virtute præstantes legerent has casuisticas distinctiunculas, vix profecto a risu se continerent. Repono itaque, nisi constet expresse te distinxisse, dum votum edidisti, ab omni ludo chartarum te debere vi voti absoluti abstinere: tum quia cum votum privata lex sit, de eo pariter recte habet celeberrimum dictum: *Ubi lex non distinguit, nos nos distinguere debemus*: tum etiam quia materia voto promissa, nempe integra a ludo abstinentia, confert plurimum ad innumera peccatorum pericula declinanda:

tum

tum denique quia votum in tutiorem partem semper interpretandum est. Falsum est insuper quod inquit La Croix, voventem non ludere, dum per alium ludit. Quia qui per alium facit, per se ipsum facere videtur. Non minus falsum est quod loco citato pergit docere La Croix cum Castropalao, & Tamburino, nempe, dum vovisti non ludere, ne tempus teras, te posse *per alium ludere, licet aspiciendo perdas tempus*. Audistin? Licet perdas tempus, ludendo aliena manu votum non fregisti; si autem propria manu ludis, votum fregisti. Peracuta revera, & mirifica Theologia. Manifestam laxitatem non vacat longius improbare.

XLIX. Si vovisti, inquit P. La Croix *loc. cit. num. 454* eo fine non ludere, *ut vitares rixas, blasphemias, iuramenta... ludere licebit per alium, licet hæc incommoda timeantur, quia reipsa non ludis*. Hæc opinio laxissima est: quia, præter rationes adductas, accedit periculum frequentissimum blasphemiarum, iuramentorum, & rixarum. Et tamen P. La Croix eiusmodi monstra ut certas morum regulas obrudat.

L. Quæst. XVII. *An validum sit votum numquam peccandi?* Resp. Ut responsio clara sit, distinctione est opus. Si votum sit abstinendi ab omni peccato mortali, validissimum est: quia non solum est de meliori bono; sed est, divina opitulante gratia, de re moraliter possibili. Nam præcepta divina omnibus possible sunt. Ita communiter omnes. Si autem votum sit absolutum, excludens quæcumque peccata, tum mortalia, tum venialia collective accepta; & constet de hac expressa voventis intentione; tunc votum nullum est: quia materia voti, sic collective accepta, est moraliter impossibilis humanæ imbecillitati. Quoties ergo vovens spectat abstinentiam omnium peccatorum tum venialium, tum mortalium per modum unius obiecti; tunc votum nullum est ob rationem datam. Quandoquidem in hac positione non valet regula: *Qui non potest totum, debet partem implere*: quia vovens expresse excludit hanc divisionem, quando expresse collective vovet totam materiam indivisim. Vovens enim legislator est, qui pro arbitrio sibi eiusmodi obligationes valet imponere. Estque communis opinio, quam docent Sanchez *Lib. IV. cap. v. num. 10*. Sotus *Lib. VII. quæst. 1. artic. 3*. Ioannes a S. Thoma 2. 2. *quæst. lxxxviii. disp. xxix. artic. 5*. Sayrus *Lib. VI. cap. iii. num. 10*. Valentia 2. 2. *dis. vi. quæst. vi. punct. 2*. Aragonius 2. 2. *quæst. lxxxviii. artic. 2. dub. 2. concl. 4*. Salmanticenses *tract. xvii. punct. 2. §. 5. num. 82*. Ledesma *tract. x. cap. 11. concl. 3*. Navarrus *cap. xii. num. 65*. Toletus *Lib. IV. cap. xvii. num. 10. & alii*.

LL. Præfata autem sententia vix in praxi locum habet: quia fere nemo vovens expressa intentione comprehendit utramque materiam per modum unius æquo modo, nempe tam mortalia, quam omnia venialia peccata. Communiter namque voventes intendunt vitare omnia mortalia, & venialia, quoad permiserit,

rit humana fragilitas. Propterea ut plurimum similia vota valida sunt : quia vitare omnia mortalia cuique possibile est : & quantum ad hanc partem votum servandum est, iuxta illam iuris regulam 37. in 6. *Utile per inutile vitari non debet*. Quapropter eiusmodi vota, quando non constat evidenter de contraria intentione voventis, ut valida sunt censenda : quia, quando quis voveret duas res separabiles iuxta communem prudentum existimationem, quarum una possibilis sit, impossibilis moraliter altera, valet votum respectu partis possibilis. Hanc sententiam defendit P. Marin. *trac.* 1x. *disp.* 11. *sec.* 1. *num.* 10. qui laudat Suarez *Lib. II. cap.* 11. *num.* 2. & 12. Lessium *Lib. II. cap.* xl. *dub.* 7. *num.* 31. Castropalaum *punct.* 8. *num.* 9. Gobat. *trac.* xi. *num.* 76. Et hæc opinio tenenda est etiam in dubio : quoniam actus in dubio præsumitur factus secundum eius naturam, ut commune habet axioma.

LII. Si votum sit de vitandis omnibus peccatis divisivè, aut mortalibus, aut venialibus, ita ut vovens ad neutram partem determinate se se obliget, nullum est : quia vi talis voti vovens non magis vult partem aptam quam ineptam : qua de causa dictum est supra, nullum esse simile votum : Voveo me celebraturum Missam, aut saltaturum.

LIII. Quæst. XVIII. *An validum sit votum vitandi omnia peccata venialia ?* Resp. Ut huic quæstionculæ clare respondeamus, quæ communia sunt, præmittamus oportet. Validum itaque votum est vitandi aliquod genus peccandi venialiter, puta mentiendi. Quia hoc moraliter possibile est. Sic docet Azorius *Lib. XL. cap.* x111. *quæst.* 1v. Lessius *Lib. II. cap.* xl. *dub.* 7. *num.* 31. Suarez *Lib. II. cap.* 111. *num.* 4. Sanchez *Lib. IV. cap.* v. *num.* 18. Castropalaus *punct.* 8. *num.* 11. Marin. *trac.* 1x. *dis.* 11. *sec.* 2. *num.* 11. Sanchez tamen sustinet votum vitandi omnia venialia in cogitationibus luxuriæ, vel iudiciis temerariis, vel in cibo, & potu, vel in verbo otioso esse invalidum : quia, inquit, est de re moraliter impossibili. Oppositum docent communiter alii. Dissidium tanti non est, ut prolixior de eo fieri debeat disputatio. Pro praxi similia vota non sunt confutanda. Si vero facta scrupulis voventem torqueant ; dispensatio, aut commutatio impetranda est, ut periculum peccandi vitetur.

LIV. Communissima autem sententia est, votum vitandi omnia peccata, non solum collectivè (quod certum est apud omnes) sed etiam divisivè, nullum esse. Quoniam votum de re moraliter impossibili nullum est. Huiusmodi autem est votum vitandi omnia peccata venialia. Siquidem non posse hominem omnia venialia peccata cavere, auctoritate patet Tridentini Concilii, dicentis sess. vi. canon. xx111. *Si quis dixerit hominem iustificatum posse in tota vita peccata omnia, etiam venialia, vitare, nisi ex speciali Dei privilegio, quemodum de B. Virgine tenet Ecclesia ; anathema sit.*

LV. Non defunt qui oppositum sustineant ; quorum etiam argumenta satis valida sunt . Inquiunt namque , votum istud non obligare ad aliud quam ad id cui iam obstricti sumus : siquidem omnes tenemur vitare omnia peccata venialia . Ergo votum de his vitandis validum erit . Confirmatur . Votum istud non obligat in actu secundo ad aliquid moraliter impossibile : quia solum obligat in actu secundo pro hoc instanti , tum pro alio , & sic deinceps . Non est autem quid moraliter impossibile vitare omnia peccata venialia in instanti determinato . Votum ergo istud obligat ad rem promissam implendam eo modo quo impleri potest . Sic vovens construere templum , non tenetur ædificare hodie totum templum ; sed hodie unam , cras alteram partem . Eodem modo vovens vitare omnia peccata venialia , hodie tenetur vitare hodierna , cras crastina . Præterea eodem modo obligat hoc votum quo obligat lex ; sed lex obligat ad aliquid possibile in actu secundo : ergo & votum . Votum enim lex est privata . Porro quam legem meliorem , prudentioremve sibi imponere valet homo præ illa quæ simillima est divinæ legi . Amor enim istius divinæ legis in nobis prudens est . Ergo & votum illam adamussum exequendi prudens dicendum erit . Accedit quod tam difficile est iuvenem in sæculo commorantem , & undique illecebris multis pellectum , non peccare letaliter , quam difficile est Religiosum non peccare venialiter . Si valet primum votum ; quidni & secundum ? Nonne iuxta Sotum *in IV. dist. xviii. quest. 111.* Azorium , Sanchez , Castropalanum , La Croix *num. 404.* validum votum est confitendi omnia venialia : quia intelligitur de illorum confessione quæ mediocri diligentia adhibita memoriæ occurrunt ? Idem ergo dicendum & de voto illa vitandi . Tandem , iuxta superius dicta , validum est votum cælibatus emissum ab homine fragili , licet suorum relapsuum experientiam habeat ; eo quod absolute continere se potest , & ex sua malitia labitur . Neque enim voti materia metienda est fragilitate , & malitia vovens ; sed bonitate generica , & comparate ad hominem divinæ gratiæ auxiliis instructum . Quapropter dictum etiam est , matrimonii votum in tali homine invalidum esse , eo quod impediatur maius bonum cælibatus . Momenta igitur hæc , si recte probant cælibatus voti valorem , procul dubio itidem voti alterius numquam peccandi venialiter valorem evincunt .

LVI. Argumenta hæc speciosa sunt , & , si vis metaphysici ratiocinii spectetur , satis valida . Ceterum , si ad Conciliorum , & Scripturarum canones revocentur , languida sunt , & infirma . Anathema Tridentinum in eos contorquet qui assunt , sine speciali auxilio posse quempiam in tota vita sua omnia venialia vitare . Scriptura testatur , Deum in Angelis suis pravitatem reperire ; neminemque esse mundum a sorde . Legem divinam , quæ omnia venialia prohibet , venerari , & pro viribus exequi debemus ; sed minime tam sublimi legi aliam debemus ad-
dere ,

dere, quæ pondus aggravet, augeatque. Quid humanæ naturæ humeri ferre valeant, solus supremus eiusdem effector novit: idcirco solus ille legem rogare potuit de singulis venialibus declinandis. Nec valet paritas de voto mortalium criminum: quia reipsa homines bene morati, communibusque divinæ gratiæ subsidiis adiuti, mortalia vitant: nullusque canon reperitur qui doceat, aliquem hominem toto tempore mortalia omnia vitare non posse; quemadmodum de venialibus docet Tridentinum. Non valet igitur paritas a mortalibus ad venialia. Demum cuilibet homini, quantumvis fragili moraliter possibilis est cælibatus; dummodo remedia quæ Scripturæ, & Patres præscribunt, velit executioni mandare. Sunt autem fuga mulierum, illecebrarum, & spectaculorum; abstinere a pravis libris, colloquiis scurrilibus, & omnibus denique occasionibus, quas christiana prudentia vitare suadet. Nec sat est declinare scopulos: adhibenda quoque adminicula sunt, ut crebræ preces, meditatio æternitatis, gehennæ, paradisi, passionis Christi Domini, ieiunia, afflictiones, abstinence, vigiliæ. Hæc validiora sunt remedia ad continentiam servandam, quam matrimonium ad naturæ propagationem a Deo institutum. At servare votum numquam peccandi venialiter non est in hominis potestate; quantumvis conatus omnes suos adhiberet: vitare siquidem omnia venialia peccata pendet ex speciali divinæ gratiæ privilegio, quod nullus hominum prudenter sibi valet polliceri. Ne multa: vota omnia prudentiæ, non possibilitatis legibus dirigenda sunt. Et quamvis in metaphysica disputatione propugnari posset valor voti de vitandis venialibus, in praxi tamen nec consulenda, nec permittenda essent eiusmodi vota, peculiari afflatu divini Numinis sublato.

LVII. Vota quæ referuntur a quibusdam insignibus pietate personis emissæ, ex peculiari divino instinctu fuisse contendimus. Votum sanctæ Theresiæ *efficiendi semper quidquid perfectius intelligeret*, aliquid est maius multo quam votum non peccandi venialiter. Votum etiam quod edidit piissimus P. de la Colombier, quod eius sermonibus typis editis præmissum legitur, sublimius est voto vitandi culpas veniales: adeo namque excellens est, ut, quoties illud legi, toties incredibili quodam stupore correptum me senserim, & peculiari venerationis affectu erga pium virum me pertractum expertus sim. Refert quoque Gobat votum P. Ludovici de la Puente, viginti annis ante mortem editum, *numquam peccandi venialiter deliberare*: aliaque similia vota monastica historia suppeditat. Quæ vota omnia ex speciali Spiritus sancti ductu facta fuisse farentur omnes. Et de sancta Theresia asserit Gregorius XV. *Deo confiante* illam votum suum edidisse.

LVIII. Quæst. XIX. *Quid dicendum de his duobus votis?* Mater innuptam filiam gravidam agnoscit. Familiam ex illius partu infamiam passuram prævidens,

votum emittit donandi B. Virgini mille nummos aureos, si filia ante partum moriatur. E contrario filia vovet, nisi illi nubat a quo compressa fuit, cuiusque alterius viri nuptias se repudiaturam: quoniam matrimonii pactio cum amatore suo ante corporum commixtionem intercesserat. Resp. Hunc casum proponit P. Comitulus, docetque matris votum impium esse: quod per se notum est. Quippe votum istud mortem filiae, & partus qui ex illa egredi deberet, pro fine immediato habet. Fuga infamiae per se bona est; at mala evadit, si medio vitioso intendatur: quia malitia medii inficit finem, ut ex dictis constat. Quamvis ergo infamiae periculum declinare res bona & optima sit; iniqua tamen redditur in casu posito ex pravitate medii, desiderio scilicet mortis filiae. Votum filiae honestum, & ratum est. Quia, si suis nubendi illi cui se se sponderat, inspicitur, bonus est. Si cælibatus quoque, quem promittit, amatore suo in matrimonium non ducto, consideretur, bonus itidem non ambigitur.

C A P U T VII.

De votorum distinctione, & multitudine.

I, **P**Lura dicturi sumus de votorum distinctione, dum argumentum status religiosi in manus occurret. In præsentia pauca libabimus. Primo tribui votum solet in *absolutum*, *conditionatum*, & *pœnale*. Deinde in *solemne*, & *simplex*. Tertio in *necessarium*, & *liberum*, seu in *commune*, & *singulare*. Quarto in *reale*, *personale*, & *mixtum*. Tandem in *adfirmans*, & *negans*; in *perpetuum*, & *temporale*; in *reservatum*, & *non reservatum*; in *publicum*, & *occultum*; in *expressum*, & *tacitum*, seu in *mentale*, & *vocale*. Hæ sunt divisiones quas passim offendes penes omnes Auctores.

II. Votum *absolutum* est, dum quidquam voves ab omni conditione actum suspendente expeditum: ut si dicas, *Voveo castitatem*. *Conditionatum* appellatur cui conditio aliqua affigitur, qua interveniente, obligatio confurgit voti implendi: ut si infirmus dicat: *Voveo duo ieiunia in pane & aqua, si convalesco, si ex hoc periculo liber evasero*. *Pœnale* est, quando, ut rem promissam observes, adiciis pœnam subeundam; ut si dicas: *Voveo disciplinam usque ad sanguinis effusionem, si lusero, si illam domum laqueorum plenam ingressus fuero*. Quod votum nuncupatur *conditionatum pœnale*. Differt autem a puro conditionali: quia in isto non apponitur conditio ut pœna, sed ut conditio; in illo per modum pœnæ conditio adiiicitur.

III. Antequam ultra progredior, pauca dicenda sunt de variis conditionibus quæ votis affigi possunt. Nam aliæ sunt conditiones generales, & necessariæ; aliæ

pe-

peculiares, & liberæ. Conditiones generales, & necessariæ, quæ suapte naturæ præsupponuntur, votum conditionatum haudquaquam constituunt: cuiusmodi sunt, *Si vixero, si Deo placuerit, si superior non irritaverit, si cras orietur sol*, ut habetur in *cap. Beata Maria xxvii. quæst. 11*. Similiter conditio quæ est de præterito, aut præsentis, non reddit votum conditionatum; sed absolutum relinquit, perinde ac si non esset appositæ. Ratio est, quia conditio proprie dicta suspendit contractum ex futuro eventu; conditio autem de præterito, aut præsentis nihil suspendit; ut si dicas: *Voveo ieiunium, si pater meus mortuus est, si nunc vivit*: quia, veritate conditionis posita, obligatio voti non suspenditur, sed viget, & voventem adstringit. Sic communiter docent Auctores. Posset tamen aliquando votum appellari conditionatum respectu voventis, si cognitio eventus conditionis futura esset; atque adeo votum morti, vel vitæ patris illigatum fuisset. Sed hæc vocum dissidia sunt. Absolutum quoque votum appellatur quod fit cum animo suspendendi executionem ad futurum tempus; ut si dicas: *Voveo ingressum in Religionem, si pater obierit, si vigesimum annum attigero, si curriculum studiorum absolvero*. Illa siquidem particula *si* eundem prodit sensum ac *quando*. Absolute enim voves Religionem amplectendam determinato tempore. Absolutum quoque esse defendunt eiusmodi votum, *Promitto ingredi Religionem, si frater maior natu habuerit filios*, Salmanticenses *loc. cit. punct. 3. num. 88*. quia, aiunt, absolute intendis Religionem: nec præfers successionem fratris Religionis obligationi; sed illius dumtaxat executioni. Verum hæc opinio mihi falsa videtur, si spectemus vel ipsam conditionis notionem, quam promunt non modo Auctores communiter, sed ipsimet Salmanticenses. Illa enim conditio appellatur quæ actum suspendit, donec ipsa ponatur. Atqui ille qui illigat ingressum in Religionem futuræ fratris sui successionis, vere futuræ, & incertæ seu fortuitæ conditioni votum suum affigit. Cur ergo conditionatum non erit? Quare conditionatum revera esse defendunt Suarez *Lib. VI. cap. xxii. num. 6*. Sanchez *Lib. IV. cap. xl. num. 83*. Pontius *Lib. VIII. cap. ix. num. 18*.

IV. Obiiciunt Salmanticenses. Qui promittit se Religionem ingressurum, si frater maior natu filios habuerit, ex affectu ad Religionem votum emittit; nec præfert successionem fratris obligationi Religionis, sed illius executioni: ergo votum est absolutum. Subdunt deinde, quod, si vovens dicat: *Promitto ingredi, si ex infirmitate convalesco, si ex periculo evasero, si in tale peccatum lapsus fuero*: votum illud foret conditionatum. Resp. Non video cur conditionatum sit hoc posterius, absolutum vero primum: quin oppositum sentiendum existimo. Ratio namque quæ promittitur, falsa apparet. Non præfert Religioni successionem fratris, quæ fratris successionis ingressum in Religionem illigat? Quæro: si frater natu maior filiis careret, teneretur ne vovens Religionem ingredi? Minime gentium profecto;

Atque; quemadmodum non teneretur qui secundo modo voveret, si appositæ conditiones deficerent. Vere igitur præfert successionem fratris Religioni; si, deficiente successione, non intendit Religionis ingressum.

V. Celebris divisio est voti in *solemne*, & *simplex*. *Solemne* nuncupatur quod in conspectu Ecclesiæ sit, & ab eadem acceptatur. *Simplex* vero quod a privata persona quasi in occulto emittitur. An eiusmodi vota specie differant, an iure divino, vel ecclesiastico, pro rei dignitate de statu religioso omnia discussa repeties.

VI. Votum *necessarium* est illud quod omnes in baptismo emittunt, diabolo; mundique pompis renuntiantes; quod ideo necessarium dicitur, quia est de observantia evangelicæ legis ad salutem necessaria. Non est tamen votum proprie dictum, ut supra indicavimus. Votum *liberum* illud est quod quis sponte edit de re non necessaria ad salutem, ut servare castitatem; aut, si necessaria res est, & ex præcepto præscripta, libere vovens ad illam se obstringit novo vinculo voti; quod potuisset omittere.

VII. Rursus votum aliud est *commune*, aliud *particulare*. Aliqui, ut Bonacina, commune votum appellant quod a communitate, vel ab omnibus editur; particulare autem quod quisque pro arbitrio emittit. At communiter Auctores votum commune idem ac necessarium, & particulare idem ac liberum esse docent: & est vera opinio.

VIII. Votum *reale* est illud quo externa res aliqua Deo offertur, *personale* quo actio, vel omissio ad personam attinens obligatur; *mixtum*, quo utrumque promittitur, nempe & res externa, puta eleemosyna, & actio voventem afficiens, ut peregrinatio, ieiunium simul cum eleemosyna. Ita omnes. Similiter omnes asserunt, votum *adfermativum* esse illud quo spondetur quidquam positivum facientium, v. g. eleemosyna; *negativum*, quo aliquid negativum, ut abstinentia a carnibus, a ludo, a peccato, promittitur.

IX. Votum *perpetuum* illud est quod durat usque ad mortem voventis; uti est votum erogandi eleemosynam singulis mensibus per totam vitam: & istud dicitur *perpetuum* respectu vinculi obligationis afficientis voventem. Potest autem alio modo esse perpetuum, scilicet ex parte materiæ post mortem voventis duraturum; ut est votum ædificandi cœnobium, aut nosocomium, in quo perpetuo alantur Religiosi, vel pauperes ægrotantes. Dicitur etiam solet votum *perpetuum per se*, quando nimirum fuerit absolute prolatum, & perpetuitas ex natura rei intelligatur; ut dum quis vovet castitatem, Religionem &c. quia etsi nihil perpetuitatis habeat expressum; tamen iuxta communem sensum *per se* intelligitur perpetuitas. Vocatur vero perpetuum *per accidens*, quando suapte natura hanc perpetuitatem non præfert; sed ex intentione, aut verbis voventis colligenda est;

ut votum ieiunandi, eleemosynam erogandi &c. *Temporaneum* dicitur quod ad certum definitum tempus durat; puta votum ieiunandi semel in hebdomada per annum unum. Omnia communissima sunt.

X. Vota *reservata* ea dicuntur in quibus Prælati immediati & inferiores facultate dispensandi carent; sed talis potestas Prælato superiori dumtaxat reservatur: *non reservata* dicuntur illa quorum relaxatio Prælati immediatis etiam, ac inferioribus competit. Votum *expressum*, & *formale* est quod conceptis verborum formulis editur: *tacitum*, vel *virtuale*, seu *implicitum* illud est quod non verbis expressis emittitur, sed ex aliis arguitur, quando nempe peragitur aliquid cui votum affixum est; ut est castitatis votum, quod Subdiaconi Ecclesiæ catholicæ emittunt sacros ordines suscipientes. *Publicum* vocatur quod fit palam; *occultum* quod fit secreto. Hæc omnia facilia, & communia sunt penes omnes.

DISSERTATIO II.

QUANTA SIT VOTI OBLIGATIO. DE
VOTO DUBIO, INDETERMINATO;
METU, VEL ERRORE EXTOR-
TO, CONDITIONALI, ET
POENALI.

GRAVES occurrunt in hac disputatione quam aggredior, difficultates excutiendæ: & quod non leve facessit negotium, in aliquibus maioris momenti adversus plurimos novos Casuistas pugnandum erit. Stabant tamen a nobis antiquitas, & ratio, ut confidimus: quamquam plurimæ tractandæ quæstiones non antiquæ, sed novæ sint, Patribus incognitæ; & utilior esset eorumdem ignoratio quam notitia. Ceterum, ut lector noster in promptu habeat quæstiones quæ tractari ab aliis solent, idcirco operæ pretium iudicavi easdem discutere.

CAPUT I.

Obligatio voti exponitur. Cuiusnam virtutis sit, religionis, an alterius. Detur ne materiæ parvitas; & an hæc obligatio ad alios transire valeat.

Veritas fidei est, votum obligationem inducere, ut vovens id quod promissum sit, exequatur. Id perspicue præscribitur Deut. xxiii. *Cum votum voveris Domino Deo tuo, non tardabis reddere: quia requirit illud Dominus Deus tuus: & si moratus fueris, reputabitur tibi in peccatum.* Quod confirmat D. Thomas 2. 2. quæst. lxxxviii. art. 3. in IV. dist. xxxviii. quæst. 1. art. 3. quæst. 1. & quodlib. 111. art. 12. *Maxime obligatur homo ad hoc quod impleat vota Deo facta: hoc enim pertinet ad fidelitatem quam homo debet Deo. Fractio autem voti est quedam infidelitatis species. Unde Salomon rationem assignat, quare fini vota reddenda: quia displicet Deo infidelis promissio.* Hæc obligatio suapte natura gravis est, eiusdemque transgressio ex genere suo peccatum mortale est: etenim inquit D. Thomas in IV. loc. cit. *Qui votum vite factum prætermittit, mortaliter peccat: quia fidem quam cum Deo iniit, frangit.* Ex sequenti quæstiuncula res clarior fiet.

M ij

II.

II. Quæst. I. *An voti obligatio pertineat ad virtutem fidelitatis, seu religionis; an etiam ad illam virtutem ad quam attinet materia promissa?* Resp. Primo certum est obligationem voti pertinere ad virtutem religionis, seu fidelitatis: quia votum est actus religionis, quo Deo cultus patriæ exhibetur.

III. Obiicies. Fidelitas erga homines non obligat sub mortali. Ergo, si votum ad virtutem fidelitatis pertinet, non sub mortali, sed sub veniali obligabit. Respondetur, utique fidelitatem in promissionibus hominibus factis, & ab iisdem non acceptatis, non obligare sub mortali, quia hæc fidelitas sistit intra suos limites veracitatis. At fidelitas quæ in obligatione votorum elucet, est Deo per virtutem religionis consecrata; religio autem sub mortali obligat: ideo dispar est ratio.

IV. Dissidium penes Auctores est, utrum hæc voti obligatio non modo ad religionem pertineat, verum etiam ad illam ipsam virtutem ad quam spectat res voto promissa. E. g. vovisti ieiunare, & ieiunium frangis: peccas ne adversus religionem, voti obligationem frangendo, & simul adversus virtutem temperantiæ? Prima, & vera sententia negat, obligationem voti ad utramque virtutem pertinere: quoniam qui opus consilii, seu supererogationis vovet, non aliam sibi imponit obligationem quam illam quæ ex promissione Deo facta oritur. Hæc autem obligatio, tota quanta est, a virtute oritur religionis, & fidelitatis. Nec enim vovens novam sibi adicere temperantiæ legem præter illam quæ limites præscribit cibi, & potus, intendit; quamquam ex affectu ad temperantiam, quam sibi proficuum, & Deo gratam reputat, voveat tale ieiunium. Id evidens satis est ex communi voventium sensu. Nulla igitur obligatio est in voto spectans ad aliam virtutem præter religionis, & fidelitatis obligationem.

V. Contraria sententia defendit, præfatam obligationem voti pertinere cum ad religionem, tum ad virtutem illam ad quam reducitur res promissa; ita ut frangens votum ieiunii duo peccata committat, alterum contra religionem, alterum contra virtutem temperantiæ. Salmanticenses *trac. xvii. cap. 1. punct. 4. s. num. 102.* pro hac opinione citant Valentiam 2. 2. *disp. vi. quæst. vi. punct. 3. quæst. 1. concl. 3.* Sayrum *Lib. I. cap. vi. num. 8.* Sanchez *Lib. IV. cap. xi. num. 6.* Bonacina *disp. iv. punct. 5. s. 4. num. xi.* At revera Sanchez, & Bonacina absolute hanc opinionem non docent; sed solum contendunt quod, quando vovens intenderet se obligare ex peculiari rectitudine illius virtutis ad quam voti materia spectat, in hac hypothefi vovens duo peccata admitteret; secus, quando absolute voveret sine hac expressa intentione, & sine peculiari affectu ad præfatam materiam. Et certe, si vovens expresse intenderet hanc duplicem obligationem sibi imponere, duo peccata committeret votum frangendo, unum contra votum, alterum contra virtutem, cuius obligationem sibi servandam assumpsit ex debito. Nec video cur Salmanticenses

ne-

negent, posse voventem sibi actum temperantiæ sub gravi culpa contra talem virtutem servandum imponere; ita ut actum illum omittens & contra votum, & contra eandem virtutem peccet. Sicut enim ad aliquod opus supererogationis exequendum potest homo per votum sub gravi culpa se obligare; ita potest sub gravi culpa se se obligare ad exercendum actum aliquem temperantiæ. Neque hoc est pervertere rerum naturas. Rerum naturæ subiiciuntur in genere moris humanæ deliberationi in iis in quibus non apparet aliqua repugnantia; quemadmodum hic nulla prorsus apparet. Nonne siquidem datur præceptum ieiunii obligans sub mortali? Cur nequit Christianus tale ieiunii præceptum sibi ipsi imponere sponte sua, & libera voluntate? Atque in hypothefi qua aliquis expresso talem subiret gravem obligationem, & huic obligationi votum adiceret, nemo certe negaverit eum in casu transgressionis duplex flagitium perpetraturum, saltem ex conscientia erronea. Verum, hoc verbali dissidio misso,

VI. Prima sententia vera est, illamque defendunt Caietanus 2. 2. *quest. lxxxviii. art. 5. dub. ult.* Suarez *Lib. V. cap. 111. num. 3.* Castropalaus *disp. 1. punct. 11. num. 8.* Trulench. *Lib. II. cap. 11. dub. 12. num. 23.* Immo hanc eandem sententiam tuentur Sanchez, & Bonacina, quoties vovens expresse non intendat assumere duplicem obligationem.

VII. Obiicies pro citata contraria opinione. Votum lex privata quædam est; & vovens legislator sui iuris est. Sed legislator præcipiens actum alicuius virtutis, puta temperantiæ, obligat præcepto illius virtutis. Ergo idem de voto. Nonne violans ieiunii votum simul infidelis est, & intemperans, sicuti & castitatis voti transgressor? Idque confirmatur. Nonne transgressor voti astringitur in confessione voti materiam manifestare? Hoc communiter docent Theologi. Porro, si solius infidelitatis peccatum adversus religionem in transgressionem contingeret, satis esset dicere in confessione: *Peccavi contra votum in materia gravi*: quin opus foret materiam voti explicare. Resp. Votum est lex privata, qua vovens sibi onus imponit aliquid efficiendi. Quare id quod primo & per se vovens spectat, est obligare seipsum ad offerendum medio voto cultum Deo, exequendo hanc vel illam actionem, quam iam supponit honestam voti materiam. At lex imponit necessitatem in materia quam præscribit, seu reddit materiam necessariam, eamque in suo virtutis orbe, ut ita dicam, & sphaera relinquit, & media tali materiei honestate homines subditos virtuosos efficere contendit. Limites temperantiæ ab ipsa natura præscripti sunt. Lex quæ vult homines virtute temperantiæ præditos, constituit necessitatem temperantiæ: & hoc est quod lex per se spectat. Ceterum qui ieiunii votum Deo dicat, suapte natura, & per se non respicit, seu non intendit addere necessitatem honestati materiæ subiiciendæ voto; sed supposita honestate alius materiæ, eam assumit tamquam instrumentum, quo Deo cultum exhibeat:

& hoc est quod votum per se spectat. Si concedatur quod violans ieiunium simul etiam temperantiam violet, non infertur peccare contra virtutem temperantiæ legaliter, sed solum venialiter; quemadmodum peccaret qui obstrictus voto non esset. Ceterum mihi haud displicet sententia P. Suarez *Lib. V. cap. 111. num. 12.* & Castropalai *punct. 11. num. 9.* qui docent, posse quempiam votum ieiunii transgredi; quin limites transiliat temperantiæ. Ad ultimum multi Auctores respondent, non teneri ad manifestandam materiam voto subiectam; sed satis esse manifestare transgressionem voti in materia gravi: de quo lege Sanchez *Lib. IV. cap. xi. num. 24.* Nos vero dicimus, necessariam esse confessionem circumstantiarum quæ peccatum aggravant, ut suo loco ostendemus, saltem ut minister prudens iudicium necessitatis medicinæ applicandæ efformare valeat.

VIII. Quæst. II. *Maioris ne meriti sit opus aliquod voti lege sibi exequendum sumere, an sine voto?* Resp. Adfirmanter respondet Angelicus Doctor 2. 2. *quæst. lxxxviii. art. 6. & III. contr. Gent. cap. cxxxviii. & alibi.* Plures promit rationes, quarum tres hic indicabo. I. Actus sublimioris virtutis laudabilior, atque excellentior est. Opus quod vi voti fit, a virtute religionis proficiscitur. Ergo, si cetera paria sint, maioris meriti est. II. Qui opus ex voto peragit, maius munus Deo offert quam qui sine voto idem opus efficit ad Dei gloriam: qui enim votum sibi imponit, Deo libertatem suam dicat, atque ardiore vinculo Deo se astringit. Quam rationem sensibilem reddit hac similitudine. Qui arborem simul cum fructibus donat, plus donat quam qui solos fructus tribueret. Pariter qui voto libertatem suam, simulque opus Deo consecrat, Deo plus offert quam qui solos plantæ, libertatis scilicet, fructus daret. Hinc est quod qui facit opus ex voto, duo implet consilia, alterum operis, alterum voti, quod etiam sub consilio cadit. III. Opus voti lege factum proficiscitur ex voluntate magis firmata in bono. Ergo opus illud maiore fruitur bonitate: firmitas namque maior in bono magis cælestis felicitatis perpetuæ firmitudini accedit.

IX. Si ergo voti naturam, & meritum, si utilitatem quam ex voto capimus, serio consideremus; necessario debemus inferre id quod *loc. cit. ex 2. 2. art. 5.* docet Angelicus, nempe expediens admodum esse vota Deo dicare: quia maxime expedit nobis operari ex voluntate in bono firmata, & excellentiora munera Deo offerre. Nonnullas sibi opponit difficultates ipsemet Angelicus.

X. Obiicies. Non expedit frequenter iurare: ergo neque frequenter vovere. Ideo enim frequens iuratio vetita est, quia secum profanationem divini nominis defert, & periculum periurii; sed idem in voto periculum timendum est: ergo &c. Resp. Discrimen assignat ipse D. Thomas *quæst. lxxxix. art. 5.* Iuramentum instar medicinæ sumitur, quo humanæ fragilitati subsidium feratur: nec iuramentum suapte natura, & necessitate seclusa, bonum est: divini namque nominis usur-

usurpatio sola necessitate fit licita. Contra, votum genere suo bonum est, & eo melius, quo magis liberum a quacunque necessitate. Quapropter non est expectanda quæpiam necessitas, ut eiusdem fiat usus; sed absolute, & quaque indigentia seclusa, Deo offerri valet. Dum iuramento utimur, Dei nomine, seu maiestate, & reverentia utimur. Dum vovemus, non Deo utimur, sed Deo cultum, & reverentiam exhibemus. Et quamquam etiam in iuramento cultus Dei emicet; nihilominus tunc solum Deus honoratur, cum urgente necessitate illius nomen assumitur ad veritatis confirmationem. Quare sine hac necessitate non colitur, sed profanatur divina maiestas.

XI. Ad id quod additur de violationis periculo, respondet idem Angelicus *quæst. lxxxviii. art. 4. ad 2.* divinitus more suo. Duplex nempe periculum distinguit: unum quod ex natura ipsius facti, alterum quod ex culpa hominis oritur. Exemplum primi est. Si pons sit ruinosus, transitus vitandus est: quia ex tali ponte periculum imminet. Exemplum vero secundi est, si pons solidus sit, ac firmus, & homo per illius extrema latera transire velit: quia tunc periculum non ex ponte, sed ex ipso homine proficiscitur. Votum igitur super firmo voluntatis proposito colendi Deum fundatur; quin firmat in bono voluntatem ipsam. Totum autem periculum violationis non ex voto, sed ex hominis culpa procedit: Sermo est enim de voto prudenti, quod homo divino fretus auxilio emittit, quodve servaturum se confidit, gratia Dei opitulante. Non quodvis ergo periculum fortitum retrahere nos debet ab opere; alioquin numquam ingredi cymbam, vel navim, numquam equum ascendere deberemus.

XII. Quæst. III. *An parvitas materiæ in voto detur?* Resp. Voti obligationem suapte natura gravem esse, & sub mortali, iam dictum est. Illius transgressionem levem fieri posse ex imperfecta deliberatione, ex animi subreptione, nemo est qui inficietur. Ex hoc enim capite lex quæque leviter violari potest. Difficultas in hoc vertitur, fieri ne possit levis eiusmodi transgressio voti ex ipsius materiæ parvitate; quemadmodum furtum ex levi ablatione rei alienæ leve crimen evadit. Materiæ parvitas, aut gravitas non sumitur semper ex ipsa re quæ promittitur, sed etiam ex ipsis circumstantiis, potissimum ex fine. Nam sæpe materia potest esse levis in se ipsa, & gravis ratione finis; ut in libro de legibus dicitur.

XIII. Quæ communia sunt præmitto. Si materia parva tota & integra voti materies non sit, sed partialis; puta, vovisti recitare Rosarium integrum, & omittis unam decadem; tunc transgressio levis est ratione parvitatæ materiæ, quæ comparata ad totum levis in communi existimatione reputatur. Non est autem audiendus P. Claudius La Croix, qui *Lib. III. part. 1. num. 148.* nimis laxè contendit, integrum Rosarium omittere levem esse materiam; quamvis postea adfir-

met peccatum mortaliter eum pœnitentem qui totum Rosarium omitteret in satisfactionem a Confessario impositum. Cuius rei disparem hoc pacto rationem assignat : quia recitatio Rosarii a Confessario taxata, imponitur per modum pœnæ : & cum vaide pœnosum sit recitare totum Rosarium, ideo materia gravis reputatur. Per votum vero exhibetur cultus Deo, qui non videtur esse notabilis in recitatione Rosarii. Eadem recitatio, ut a ministro sacro imposita, est gravis, quia pœnalis; ut vero sanctificata per votum, evadit levis? Lepida sane hæc ratiocinandi methodus, quæ passim in Casuistis quibusdam occurrit. Immo recitatio per votum consecrata gravior, & sublimior evadit : quoniam a nobiliori virtute elicitur. Laudat La Croix pro se Tamburinum *Lib. I. Decal. cap. 1. §. 3. num. 21*. Sed Tamburinus oppositum aperte docet ibi. En illius verba, „ Vovisti coronam B. „ Virginis sex decennariis constantem : duo decennaria comparatione dictæ coronæ cum sint tertia pars, videntur non modica materia : at quia ad finem intentum, idest ad cultum Virginis, id modice nocet, si cetera quatuor decennaria recitentur, *veniale erit duo tantum omittere*. “ La Croix præter Tamburinum laudat etiam Sporer, discipulum Tamburini. Sed Sporer de more Tamburini doctrinam transcribit, ut videre est *tract. 1. cap. v. §. 4. num. 30*. Hinc collige necessitatem legendi Auctores in fonte. Difficultas ergo est de materia integra voti.

XIV. Quæst. IV. *An transgressio voti sit mortalis, quando tota illius materia, licet absolute parva, omittitur?* Resp. Sententiam adfirmantem docet Caietanus 2. 2. quæst. lxxxix. art. 7. dub. 1. Armilla verb. Iur. num. 12. Tabiena verb. Iurare quæst. x. Toledus *Lib. IV. cap. xvii*. tutiorem eam appellat Corduba quæst. clxxxviii. Ratio est, quia transgressio voti suapte natura gravis est. Quare, cum deliberato animo violatur, integram promissam materiam omittendo, est completa transgressio; atque adeo mortalis. Hæc ratio non multum urget : quia plura sunt præcepta iuris naturalis, & divini, quæ suapte natura obligant sub mortali; & tamen transgressio deliberata, & completa in levi materia, puta in furto unius oboli, venialis est. Aliam rationem produnt sumptam a paritate iuramenti promissorii, cuius violatio etiam in materia levi gravis est, & numquam levis. Verum neque hæc ratio omnino convincit. Primo quia alia est voti, alia iuramenti natura; cum iuramentum in invocatione divini nominis ad confirmationem veritatis situm sit. Porro gravis iniuria Deo irrogatur, quoties in confirmationem falsitatis invocatur. Secundo quia circa iuramenta habetur principium certum, & firmum in periurio assertorio, quod in omnium sententia grave peccatum est, sic Ecclesia ipsa deficiente adversus mollioribus doctrinæ patronos. Ex quo principio valide, ut mihi videtur, arguitur ad evincendum, periurium quoque promissorium mortale semper esse, ut nos infra probabimus. Simile autem stabile fundamentum in voto non habemus. Quare sententia quæ defendit, quodlibet periurium, sive assertorium, sive

sive promissorium, esse peccatum mortale, mihi probabilior, & vera est; hæc vero de voto ambigua.

XV. Contraria sententia communior est, quam defendunt Sotus *Lib. VII. quest. 11. art. 1.* Navarrus *Sum. lat. cap. xii.* Henriquez *Lib. V. cap. xx. num. 4.* Aragon. 2. 2. *quest. lxxxviii. art. 3. dub. 1.* Azorius *Lib. XI. cap. xv. quest. iv.* Ioannes a S. Thoma 2. 2. *quest. lxxxviii. art. 8. concl. 1.* Trullench. *Lib. II. cap. 11. dub. 22. num. 5.* Suarez *Lib. V. cap. 1v. num. 9.* Sanchez *Lib. IV. cap. xii. num. 5.* Bonacina *disp. 1v. punct. 5. §. 4. num. 3.* Palaus *tract. xv. disp. 1. punct. 11. num. 6.* Sporer *tract. 111. in II. Decal. cap. 11. sec. 3. num. 82.* La Croix *Lib. III. part. 1. num. 448.* Marin. *tract. 1x. disp. 111. sect. 111. num. 10.* Diana *coordinatus Tom. VIII. tract. 1v. resol. 10.* Ledesma *Tom. II. tract. x. cap. 111. dub. 1.* Antoine *tract. de vir. cap. 111. quest. 1v.* VVigandt *tract. x. exam. 3. num. 3.* ubi sustinet periurium promissorium grave esse, & discrimen assignat eius a voto, Paulus a Lugduno *tract. 1v. differ. 11. art. 2. quer. 3.* Felix Potestas *Tom. I. par. 11. num. 1820.* Salmanticenses *tract. xvii. cap. 1. num. 113.* aliique plures. Ratio istius sententiæ obvia est. Votum, ut sæpius dictum est, lex est privata, quæ ad omnium aliarum legum similitudinem obligat iuxta gravitatem materiæ; aliæ autem leges in materia levi leviter tantum obligant: idem ergo de voto dicendum est. Et hoc confirmatur ex paritate materiæ partialis, cuius omissio levis est, quia levem irrogat irreverentiam Deo. Ergo, cum tota voti materia levis sit, omissio pariter illius levis erit.

XVI. Hæc secunda sententia mihi tum ob rationem, tum ob auctoritatem vera videtur, si absolute accipiat. Id solum addere liceat, hoc vix in praxi locum habere. Quoniam communiter homines, dum votum edunt, quidquam in communi existimatione grave Deo offerunt tum ob finem, tum ob ipsius voti dignitatem. Quis enim prudens serio, & deliberato animo votum ederet recitandi unicum *Pater, & Ave*, aut *terram bis osculandi*, aut quid simile? Certe homines communiter materiam gravem voto dignam Deo spondent. Si enim quempiam puderet vel ipsis hominibus in aliqua dignitate constitutis levissima offerre munuscula, nisi necessitas, aut paupertas in aliquo casu ad id urgeret; quanto magis homines pudeat oportet talia Deo vota nuncupare quorum materia adeo parva sit, ut omissio, sive voti violatio, levis possit existimari? Quod confirmari valet insuper ex communi principio legis, quæ suapte natura graviter obligat. Quemadmodum enim nullus legislator legem aliquam condit in sola levi materia; sic nullus vovens, prudenter & communiter loquendo, votum edit cuius materia sit undequaque levis. Quare in praxi vix occurret casus in quo quis absque gravi culpa voti alicuius observantiam omittat. Quandoquidem, quamvis materia voti levis appareat, ratione tamen finis intenti a vovente gravis erit semper. V. g. vovisti recitare unum *Pater, & Ave* quotidie ad sedandam gra-

vissi-

visissimam tentationem, quia devotionem hanc expertus es ceu medium efficax, ne tentationi succumbas. Tunc ratione istius finis, si quotidie omitteres præfata præcis recitationem, a culpa gravi non auderem te eximere: quod forte nec citati Auctores negarent, eo quod talis materia ob finis circumstantiam gravis evadit. Simile quippiam habetur in omnibus votis quorum materia absolute inspecta levis apparet. Omnis enim qui prudenter vovet, id præstat aliquo gravi rationis momento ductus: & consequenter res promissa, sin in se, in fine saltem gravis erit. Admissa autem hypothefi, quod voti materia esset undequaque levis; tunc concederem etiam transgressionem voti levem futuram. Sed hoc vix umquam in praxi occurrere sultino: quod ideo repeto, ut minister pœnitentiæ cautus fit, & providus, seduloque perpendat non tantum levitatem materiæ, sed finis potissimum gravitatem.

XVII. Quæst. V. *An vovens possit graviter se obligare in materia levi, aut leviter in materia gravi?* Resp. Ad primam quod attinet partem, quando materia omni ex parte levis est, communis opinio asserit, non posse voventem, etiam si vellet, sese obligare sub culpa gravi. Quoniam nec legislator ullus potest in materia omnino levi sub gravi culpa subditos obligare: quia eiusmodi voluntas iniqua esset, & contra naturæ ordinem, ut communiter Theologi docent. Ergo nec vovens, privatus utique sui legislator, id præstare valebit. Et hæc, inquam, sententia communissima est. Sorus *Lib. VII. quæst. 11. art. 1.* Petrus Ledesma *Tom. II. tract. x. cap. 111. dub. 2.* Sanchez *Lib. I. de matr. disp. 1x. num. 6.* Diana *coord. Tom. VIII. resol. 12.* Vasquez 1. 2. *Tom. II. disp. clviii. cap. iv. num. 34.* Raphael de la Torre *quæst. lxxxviii. art. 5. disp. vi. num. 8.* Prado *cap. xxxi. quæst. iv. s. 3. num. 36.* Ioannes a S. Thoma 2. 2. *quæst. lxxxviii. disp. xxix. art. 8.* Marin. *tract. ix. disp. 111. sect. 3. num. 111.* Leander *tract. 11. disp. 111. quæst. ix. & alii communiter.*

XVIII. De secunda quæsti parte dissident acriter Auctores, & in duas extremas abeunt sententias. Quarum prima docet, in materia suapte natura gravi non posse voventem leviter se obligare. Quandoquidem, licet quisque possit vovere, aut non vovere, in positione tamen quod votum edere velit, obligationis limitatio non remanet amplius in illius potestate. Obligatio naturam voti consequitur veluti eiusdem proprietas. Ergo qui vult votum, velle debet illam obligationem quæ est propria voti. Sed obligatio propria voti in materia gravi gravis est. Ergo qui vult votum in materia gravi, debet graviter se obligare. Confirmatur. Qui vult votum, vult eadem voluntate obligationem quæ votum consequitur. Ergo qui vult votum in materia gravi, vult gravem obligationem. Deinde probatur a simili ex iuramento. Est quidem in potestate hominis iurare, vel non iurare. At posito quod velit quis iurare, non est in potestate iurantis velle

Velle se obligare ad confirmandam veritatem medio iuramento solum sub veniali; sed tenetur intentionem, & voluntatem suam naturæ iuramenti aptare. Idem ergo de voto dicendum est. Tandem, si in voventis animo positum esset voti obligationem limitare, posset qui Religionem proficetur, sub veniali se votis illis obligare; posset qui sacris ordinibus initiatur, sub levi culpa castitatis voto se astringere; posset qui matrimonium contrahit, ad reddendum debitum levem sibi imponere obligationem: quæ omnia falsa sunt. Hanc sententiam docent Sotus de inst. Lib. VII. quæst. 11. art. 1. in fin. cor. Corduba quæst. clxxxviii. punct. 1. Raphael de la Torre 2. 2. quæst. lxxxviii. art. 5. disp. vi. num. 4. Montefinos 1. 2. de leg. disp. xxiii. quæst. 1x. num. 159. Pontius. Lib. XII. de spons. cap. 11. num. 12. Martinez de Prado Tom. II. cap. xxxi. quæst. 1v. §. 2. num. 8. Vasquez 1. 2. disp. clviii. VVigande tract. x. exam. 3. num. 32. ref. 4.

XIX. Secunda sententia sustinet, posse voventem pro arbitrio in materia gravi sub culpa levi se obstringere. Probant primo D. Thomæ auctoritate, qui ait 2. 2. quæst. lxxxviii. art. 10. *Ille qui vovet, statuit sibi legem*. Sed lex, quantumvis in gravi materia præcipiat aliquid, potest ex intentione legislatoris leviter solum obligare. Idem ergo & de voto dicendum. Quod insuper ex eodem D. Thoma confirmatur. Siquidem loc. cit. art. 3. ad 3. inquit: *Obligatio voti ex propria voluntate, & intentione causatur*. Unde dicitur Deuter. xxiii. &c.... *Et ideo si in intentione, & voluntate voventis est obligare se ad statim solvendum, tenetur statim solvere*. Ergo ex intentione voventis metienda est gravitas obligationis. Postremo ita arguunt. Vel est possibile vovere in tali materia obligando se solum sub veniali; vel non. Si primum; ergo, quando expressè vovens velit sub veniali se obligare, reipsa obligatio erit sub veniali. Si secundum; non erit verum votum, & sic vovens nullo modo manebit obligatus. Hanc sententiam defendunt Suarez Lib. IV. cap. 1v. num. 5. Molina de iustit. dif. cclxi. num. 8. & 12. Castropalaus tract. xv. disp. 1. punct. 11. num. 4. Filliucius tract. xxvi. cap. 111. num. 80. Diana III. Par. tract. vi. resol. 91. Bonacina dif. 1v. punct. 5. §. 2. num. 7. Trullench Lib. II. cap. 11. dub. 12. Sanchez Lib. IV. cap. 1. num. 27. & 30. Bafszus verb. Votum 3. num. 4. Leander tract. 11. disp. 111. quæst. viii. Salmanticenses tract. xvi. cap. 1. punct. 4. & alii non pauci.

XX. Prior sententia probabilior est: illius etenim argumenta valida sunt. Rationes vero secundæ opinionis infirmæ sunt, & sophismatis laborant. Ad duo siquidem capita reducuntur, seu potius ad unum, nempe ad voluntatem humanam, quæ potest vovere, & non vovere. Distinguendum itaque est, sicuti distinguunt Auctores prioris sententiæ. Potest homo vovere, & potest non vovere. At, positione facta quod revera voveat, in illius facultate minime est obligatio- nis quantitatem minuere, & pro libito coardare. Potest homo accedere, vel

non

non accedere ad ignem. At, accessu posito, calefactio necessario sequitur. Nec est quod opponas, ignem natura sua calefacere, etiam renuente voluntate; votum autem non obligare nisi ex voluntatis consensu, cum voti obligatio tota pendeat a libertate voventis. D. Thomas, & omnes Theologi concedunt, votum pendere a voluntate, & ab intentione voventis, qui potest aut non vovere, aut vovere pro tempore futuro, & non præsenti. At posito quod pro tempore præsenti se obligaverit, non potest, inquit Angelicus, differre solutionem pro tempore futuro. Hoc, & non amplius dicit Angelicus. Quod votum lex privata fit, solum infert quod possit vovens illam sibi imponere, vel non imponere; minime vero quod valeat naturam obligationis pervertere. Qua ratione prioris sententiæ Auctores negant communiter, legislatorem posse in materia gravi leviter obligare. Et quamquam eorum aliqui id concedant, ut VVigand, Gonet, & alii de legislatore; tamen negant de vovente: atque discrimen assignant: quia votum fit Deo, ut superiori, qui novum ius acquirit in voventem iuxta naturam promissionis: quare sine Dei voluntate nequit obligatio relaxari: lex vero respicit subditum, quem legislator pro nutu arctius, vel mitius ligare valet. Insuper obligatio voti proxime iuris divini est; legis vero humanæ obligatio non nisi remote ad ius pertinet divinum.

XXI. Ut omnis auferatur fallacia, animadvertas oportet, Theologos asserentes votum esse legem privatam, non hoc in sensu id asserere, quod homo privatus instituat legem voti; sed quia homo vovens libere suscipit talem legem. Lex voti in ipsa Scriptura instituta est. Sed Deus ad illam fideles non obligat; eam tantum consulit. Verum si homo semel amplecti velit hoc consilium vovendi, nequit ullo pacto naturam pervertere istius legis divinæ. Porro natura istius legis est ut in materia gravi, sicuti omnes alix leges divinæ, graviter obliget. Aliis divinis legibus necessario homo subicitur. A voti lege liber est. Sed si semel hanc legem observandam libere sibi sumit, naturam illius obligationis mutare nequit. Aliud est legem novam condere; aliud est legem iam factam sibi servandam libere imponere. Etiam admissio quod legislator legem novam statuens valeret pro arbitrio obligationis gravitatem temperare; non inde tamen infertur, idem præstare posse etiam illum qui factam legem sibi solum servandam imponit. In voto igitur duplicem distingue obligationem: alteram *facti humani*, alteram *iuris divini*. Prima pendet a voluntate hominis, secus altera. Obligatio quæ est iuris divini, pendet a voluntate humana *presuppositivè*: quia scilicet supponit voluntatem humanam libere amplecti velle votum. Verum, hac positione facta, nullo modo obligatio iuris divini, quæ naturam voti necessario consequitur, pendet a voluntate humana: quæ, si potest respuere votum, nequit tamen voti necessariam proprietatem minue-

nue-

nuere, & pro arbitrio sibi attemperare; quod exemplis permultis posset fieri compertum.

XXII. Confirmatur. Nequit vovens in materia levi se graviter obligare, ut faterentur omnes secundæ opinionis Auctores. Cur? Quia, inquit, nequit vovens rerum naturas permutare: quia rationalis debet esse vovens promissio: stultam namque promissionem Deus respuit, & execratur. Irrationabilis autem, & iniqua esset, si in materia quæ suapte natura levis est, imponeret gravem obligationem. Non pendet ergo a voluntate vovens obligationis incrementum: pendebit autem illius diminutio? Cur nequit in materia levi obligationem augere; potest vero in materia gravi eandem minuere? Cur in materia levi iniqua esset augendi voluntas; iusta vero in gravi materia diminuendi potestas? Quodnam, amabo, rationis discrimen? Verba reponi possunt, sed solutio nulla. Quia, si in materia levi vovens tenetur se se ad rerum naturas conformare, illique suam attemperare voluntatem; eodem omnino, & quasi potiori iure idipsum præstare tenebitur in materia gravi.

XXIII. Dilemma quod Salmanticenses opponunt, nullius est momenti. Dicimus namque, possibile non esse hominem votum edere sub culpa levi in materia gravi. Si ita res habet, inquit, non erit verum votum; & sic nullo modo manebit obligatus vovens. Quod si ita est, iam causa cadunt: quoniam reipsa dicimus non posse reperiri votum in materia gravi cum obligatione levi. Isthuc spectat disputationis status. Si ergo ipsi concedunt sic voventem in materia gravi cum animo se leviter obligandi, non edere verum votum, iam colligitur, nullum verum votum reperiri in materia gravi cum sola obligatione levi. Ceterum nos dicimus hominem qui deliberato animo emittit votum, qui vere vovere intendit, & reipsa vovet, votum verissimum elicere, licet habeat voluntatem non se obligandi nisi sub culpa veniali. Cur hoc? Quia prima voluntas eliciendi votum, seu quæ reipsa votum parit, efficax est. Hæc efficacia effectui proditur, manifestatur, conspicitur. Posterior voluntas velleitas est inefficax, quæ cum impedire nequeat prioris voluntatis partem potissimum, nempe votum, neque impedire valet proprietates necessarias eiusdem voti naturam consequentes. Qui enim impedire nequit esse, neque impedire potest id quod necessario esse illud consequitur. Hæc omnia clara sunt.

XXIV. Responso quam exhibent ad paritatem de iuramento, deque aliis votis, & contractibus, satis solida non videtur. Dicunt, quemque liberum esse ad sacros ordines suscipiendos, ad contrahendum matrimonium: at, posita voluntate qua velit ordinibus initiari, uxorem ducere, liber amplius homo non est, ut possit pro ingenio obligationem limitare. Quoniam, inquit, pro homine iniciando sacris ordinibus, vel profitentem Religionem, adest lex ecclesiastica: ceteri

teri contractus, ut sponsalia, matrimonium &c. sunt utrimque onerosi. Hæc omnia gratis dicuntur, & ne id negetur quod penes omnes certum est. Nam lex ecclesiastica præcipit omnibus initiandis emissionem voti. De voti obligatione nil omnino præscribit: eo ipso enim quod votum præcipit, remanet vovens obstrictus ad edendum votum cum omnibus conditionibus consequentibus votum ipsum. Pariter eo ipso quod privatus libere subeat, sibi que imponat voti legem, liber deinceps numquam est ad limitandam obligationem. Quod autem Deus qui votum acceptat, nequeat se voventi obligare: perperam opponitur ad inferendum, liberum esse voventem in limitanda obligatione voti, quod Deo nuncupat; cum limitare nequeat obligationem naturalem contractus quem cum homine init. Responsio quoque ad paritatem iuramenti nulla est: quoniam, sicut pendet a voluntate votum, ita & iuramentum, quatenus potest homo iurare, & non iurare. At posita voluntate iurandi, nequit limitare obligationem iuramenti propriam, sicut nequit coarctare obligationem voti. Quod iuramentum a voto in pluribus aliis differat, sponte concedimus; & indicavimus supra, iuramentum non excipere parvitatem materiæ, etiam hæc in voto admitteretur. Ceterum quantum ad obligationem quæ in materia gravi utriusque naturas, notionesque consequitur, eiusdem omnino sunt rationis.

XXV. Quæst. VI. *An votum vitandi peccatum veniale obliget sub mortali?* Resp. Quamvis, admitta absoluta positione voti in materia: unde quaque levi, v. g. recitandi unum *Pater*, illius transgressio levis sit; attamen, quia vix umquam prudentes homines votum emittunt, nisi ob aliquem gravem finem; idcirco, si quis eliceret votum vitandi aliquod peccatum veniale, puta mendacium officiosum, vel iocosum, vel quid simile, dubio procul ob gravem aliquem finem illud eliceret. Et ideo respondeo, votum præfatum sub mortali obligatum: quod fatentur & ipsi Salmanticenses *loc. cit. num. 155.* quando vovens per peccatum veniale subiectum voto impediretur a maiori perfectione; quamvis dicant cum Trullencho, & Sanchez, aliisque, quod tale votum absolute spectatum obligat sub culpa veniali, si sit de vitanda culpa veniali; sub mortali vero, si sit de fugiendo mortali: quia forte dicent, resolvendos esse casus iuxta rerum naturas absolute consideratas. Nos vero contra asserimus, casus practicos resolvendos esse inspectis circumstantiis, atque secundum quod communiter eveniunt in practico. Et quia vix est qui voto se obstringat ad vitandum peccatum veniale, nisi ob aliquam circumstantiam gravem; alioquin imprudens esset votum: propterea respondendo iuxta id quod communiter occurrit, dicimus, præfatum votum obligare sub mortali. Vide quæ dicta sunt *num. 12. quæst. 3.*

XXVI. Quæst. VII. *An qui violat plura vota in materia levi eodem die, peccet mortaliter?* Resp. Ex iis quæ a nobis dicta iam sunt, responsio adfirmans patet.

ret. Verum præscindendo etiam a nostra peculiari opinione, dico absolute hanc peccare mortaliter. Et hoc docent Sanchez *Lib. I. Sum. cap. IV. num. 16.* Diana *coord. Tom. VI. tract. IV. resol. 11.* Bonacina *dis. 111. quæst. 111. punct. 6. num. 29.* Dominicus Viva *quæst. VIIII. art. 2. num. 6.* & plures alii. Quandoquidem obligatio votorum eiusdem rationis est, licet vota numero diversa sint. Porro, quamquam quodlibet votum rem levem Deo spondeat, omnia tamen vota illa simul accepta materiam gravem, ut supponimus, constituunt. Ergo, cum omnia, ut votis subiecta, ad eandem religionis virtutem pertineant, graviter eandem violant religionis virtutem. Hac ratione qui homini pluribus promissionibus gravem quantitatem pecuniæ sponderet; letaliter delinqueret, si notabilem pecuniæ promissæ quantitatem sibi retineret; vel si plura obsequia diversis vicibus promissa reddere recusaret: eo quod omnes promissiones, licet numero diversæ, pertinent ad eandem iustitiæ virtutem.

XXVII. Contrariam sententiam probabilem reputat Diana *loc. cit.* quia, quando plura vota eduntur, quodlibet votum quoddam totum est, quod cum aliis votis non unitur; neque omnia conveniunt in aliquo, ut possint unum totum efficere, & consequenter unicam constare culpam. Disparatæ ergo sunt vota: ergo disparatæ patiter culpæ erunt. Respondetur, vanas esse eiusmodi argumentationes: quia defraudatio plurium obsequiorum quæ vovens Deo suis votis sponderat, iuxta prudentum existimationem est quid grave; cum reipsa gravem cultum ex illis variis promissionibus resultantem Deo surripiat. Quare illa vota omnia conveniunt in cultu Deo exhibendo. Ergo transgressio talium votorum Deum privabit cultu gravi, pluribus votis illi promisso. Erit igitur gravis culpa.

XXVIII. P. La Croix *Lib. III. par. 1. num. 449.* & P. Marin, *tract. IX. dis. 111. sec. 3. num. 115.* dicunt nostram sententiam non esse universaliter veram; alioquin peccaret Beneficiatus mortaliter, qui quotidie quidquam leve omitteret in Missa, parum de horis, parum de aliis precibus ex debito recitandis, quæ omnia parva unam gravem materiam efficere: quod nemo certe dixerit. Id confirmant alio absurdo. Si plures materiæ leves, ex quo in eadem virtute religionis uniuntur, constituerent unam gravem materiam; eadem ratione plures materiæ graves, eidem virtuti subiectæ, constituerent unam tantum culpam graviorem. Et sic Beneficiatus omittens Missam, & horas, unam tantum graviorem culpam perpetrabit. Addit La Croix, huic sententiæ non acquiescere Ovidum. Sed hic distinctione utitur. Si vota facta sunt ex diversis motivis, v. g. unum ad honorem passionis Christi, alterum ad honorem B. Virginis, tertium pro defunctis, quamvis materiæ sint eiusdem rationis, puta omnes sint preces; docet materias minime uniri; sed plura venialia tantum committi, si omnes dictæ obligationes eadem die omittantur: quoniam finium

di-

distinctio votorum infert distinctionem. Contra autem, si ob eundem finem facta fuerint vota, etiamsi materiæ diversæ essent rationis. V. g. si in proximo naufragio constitutus voveret quotidianam Rosarii recitationem, deinde voveret eleemosynam certam faciendam; tunc ait, has materias uniri, & omittentem implere omnia eiusmodi vota, mortaliter peccare asserit. Secus autem, addit, si quis pro eodem die voveret Missam audire, orare Rosarium, dare eleemosynam, licet hæc omnia voveret ex affectu ad cultum divinum; non ideo ait materias illas uniri, neque ex levibus partibus omisiss conflare unam gravem: quia moti-um illud generale & mediatum religionis aptum non est ad eiusmodi obligationes uniendas. Hanc Oviedi opinionem probabiliorem reputat La Croix. P. Ferdinandus de Castropalao, eodem La Croix referente, veram iudicat hanc descriptam opinionem; etiamsi omnes istæ materiæ, separatim leves, unico actu, seu voto promissæ forent: quia talis actus propter materias diversæ rationis esset virtualiter multiplex. Materias autem diversæ rationis eas intelligit quæ, quamvis ad eandem virtutem religionis pertineant, diversis tamen legibus præcipiuntur, ut Missæ, & horæ canonicæ.

XXIX. Recentiorum quorundam Casuistarum arbitrarie, & sæpe inutiles speculationes nos aliquando cogunt nimis indulgere prolixitati. Ut ab ultima P. Castropalai opinione ordiamur, eam veluti nimis laxam reiicimus. Quando quis plures materias diversæ rationis votospondet eodem, non peccabit mortifere, quia actus illius voti virtute multiplex est? Si hæc opinio consisteret, quot vota, quot promissiones non eluderentur? Voves duos iulios erogandos pauperi, decem *Salve Regina* recitare nudis pedibus, & brachiis extensis, pluries Iesu nomen sanctissimum invocare, lectionem spiritualem per quadrantem, silentium servare per duas horas, invisere infirmum, illumque piis exhortationibus recreare, visitare Capellam B. Virginis, recitare *Pange lingua* flexis genibus ante augustissimum Sacramentum, atque per integrum *Miserere* disciplina carnem tuam flagellare: hæc omnia unico voto Deo spondes. Ea omnia omittis, quin grave perpetres crimen, quia votum illud ad multiplicationem rerum promissarum multiplicatur? Cuiam Christianorum in mentem venisset eiusmodi virtualis unus actus adeo secunda multiplicatio? Nulli certe, nisi novis Moralists, speculationibus nimium affuctis. Quare hanc Castropalai opinionem, ceu communi pietatis sensui contrariam, respuimus. Quando namque vovens omnes simul præfatas materias unico actu Deo adpromittit, munus unicum, variis distinctum, & constat munusculis, divinæ offert maiestati. Ergo, dum talem promissionem transgreditur, graviter Deum offendit: quod pluribus exemplis confirmare possem, nisi veritas seipsa constaret.

XXX. Quod vero pertinet ad sententiam Oviedi, primo dicimus, quod, si quis

VOVE-

voveret eadem die Missam audire, orare Rosarium &c. (ut illius verbis ex La Croix acceptis utamur) promitteret res quæ separatim acceptæ materiam gravem constituerent: quæ enim materia gravis est respectu præcepti, gravis itidem est respectu voti. Porro audire Missam respectu præcepti est materia gravis: ergo pariter respectu voti. Absolute vero dicimus, quod, licet præfata distinctio in sua abstractione accepta suam præferat diversitatem, tamen in praxi iuxta communem pietatis, & prudentiæ, ac sinceritatis, bonæque fidei leges, qui plures obligationes eodem die reddendas, eidem potissimum domino, promittit, gravem iniuriam illi infert, si omnia promissa munera sibi retineat, quæ licet divisim levia sint, simul tamen accepta materiam gravem constant. Et revera, si votum maxime ex intentione voventis pensandum est, nil minus vovens quam eiusmodi subtiles speculationes animo, dum vovet, reputat. Accedit quod, ut supra dictum est, nemo in praxi serio, & deliberato animo vovet quidpiam, etiamsi videatur leve, nisi ob gravem aliquam causam: quod potiori iure verum habet, dum plura emittit vota, aut uno voto plura parva munera Deo spondet. Argumentum autem P. Claudii La Croix extra chorum omnino est. Nam modo non inquiremus, utrum, si vovens omittat parvam materiam partialem unius integri voti, & deinde aliam parvam quantitatem alterius voti, peccet mortaliter: quia certum penes omnes est, eiusmodi omissiones esse tantum peccata venialia, quæ, quacumque multiplicatione facta, non constituunt unicum peccatum mortale. Sed quæstio est, an transgressio plurium votorum, quorum quodque habeat integram, & totam materiam levem, sit mortalis habenda. Porro transgressio totius integri voti cuiuslibet diversam præfert speciem ac prodat observantia voti quoad præcipuam illius materiam, cum omissione dumtaxat cuiusdam levis partis. Vix in mentem venit quærere, sint ne illæ leves transgressiones peccatum mortale; cum constet peccata solummodo esse venialia. Ceterum transgressio totalis plurium votorum suapte natura quidquam grave prodit. Et ne in quæstione levis momenti plus temporis conteramus, vel ipse La Croix concedit, sententiam Oviedii esse probabiliorē: quæ tamen a nostra non differt, nisi penes arbitriam distinctionem, quæ nemini voventium in mentem venit.

XXXI. Quæst. VIII. *An qui vovit recitare per plures annos quotidie unum Patet, & Ave, peccet mortaliter, si per plures annos quotidie omittat talem precem?* Resp. Sententiam adfirmantem absolute defendunt Zumel 2. 2. quæst. lxxxviii. art. 4. dub. penult. Sayrus in Clavi Reg. Lib. II. cap. ult. num. 21. Valentia Tom. III. disp. vi. quæst. vi. punct. 4. Malderus in 2. 2. tract. x. cap. v. dub. 4. quæst. 1. Tanne-
rus in 2. 2. disp. v. dub. 3. num. 38. Contrariam defendunt Sotus Lib. VII. quæst. 11. art. 1. Aragon in 2. 2. quæst. lxxxviii. art. 3. Ioannes de La Cruz in Direct. part. 1. præc. 2. art. 2. dub. 4. conclus. 2. Villalobos Tom. II. tract. xxxiv. difficultat. 3. num. 3.

Tom. III.

N

Addunt

Addunt tamen sententiam hanc non comprehendere votum erogandi singulis diebus parvam eleemosynam : nam, si pluries omitteret eleemosynas parvas, confestim ac istæ parvæ eleemosynæ constituerent materiam gravem, peccares mortaliter. Plures alii, nempe Azorius *Lib. XI. cap. v. quæst. 111.* Valquez 1. 2. *quæst. lxxxviii. art. 2. & disp. cxlvi. cap. 11.* Sanchez *Lib. I. cap. iv. num. 14.* quibus subscribunt La Croix *num. 450.* Salmanticenses *num. 115.* Trullenchus *dub. 12. num. 17.* Marin. *num. 116.* Diana *resol. 14.* distinguunt dicentes. Si votum diem afficit, atque in cuiusque diei honorem edatur, tum singulis diebus votum transgrediendo peccatum veniale committitur : quæ peccata venialia singulis repetita diebus, sive per unum, sive per plures annos, unum mortale non constituunt. Obligatio namque transit cum die cui votum affixum est. Contra, si votum diebus affixum non sit, sed solummodo dies sit appositus tamquam terminus obligationis ; tunc leves illæ materiæ, nempe precum recitationes, simul uniuntur, & post plures transgressiones unam gravem materiam constant, & culpa committitur mortalis.

XXXII. Difficultas est, inquit Diana, in cognoscendo quando recipia votum diem afficiat, vel non. Et primo ex Castropalao respondet, quod si in singulis diebus aliquod motivum reluceat, ut in recitando quotidie calculo B. Virginis ; tunc votum diem afficit, & obligatio in sequentem diem non prorogatur, seu non transit : & hoc in votis personalibus fere semper accidit, ut dicunt alii citati ab eodem Diana, quibus subscribit *La Croix, Marin. Viva, & alii.* Contra vero, si votum sit reale, ut erogandi singulis diebus tot obolos in eleemosynam, tunc votum diem non afficit, sed obligatio transit ad sequentem ; & transactis tot omissionibus parvis, quæ simul unitæ materiam conficiunt gravem, mortalis culpa perpetratur. Addit tamen Castropalaus, quandoque etiam in actionibus realibus votum diem afficere, quando nempe in singulis diebus relucet aliqua peculiaris ratio. Hæc distinctio absolute vera est, & quandoque in praxi occurrit. Nam in Clerico obligato ad horas canonicas singulis diebus recitandas, transacto die, obligatio quoque transit. Quod autem dicit Castropalaus de actionibus realibus erogandi eleemosynam, non cenfeo verum. Immo communiter omnes, quando votum est de re præstanda, ut eleemosyna, & quocumque alio munere, excepta oratione, dicunt obligationem prorogari in tempus futurum ; & consequenter peccare mortaliter eum qui usque ad gravem materiam transgreditur. Ceterum, quomodo præfata distinctio applicari possit voto recitandi quotidie unum *Pater, & Ave*, non video. Nam eo ipso quod promiseris quotidianam recitationem unius *Pater, & Ave* per annum, iam patet votum affixum esse singulis diebus. Quod autem transgressio talis voti per integrum annum sit solummodo venialis ; opinio in praxi nimis laxa nobis videtur : tum quod vix reperitur, ut

iam

iam diximus, qui reipsa voveat serio, & deliberato animo sine aliquo saltem sine gravi : tum quod, licet multiplicatio venialium numquam ad mortalem culpam pertingat; attamen continuata ac deliberata transgressio voti, cuiusque sit materię, specialem præfert malitiam, & sacrilegam, pervicacemque infidelitatem. Quare hæc sola deliberata voluntas violandi votum per integrum annum, cum omnes illas preces comprehendat, est graviter criminosa; sicuti etiam per adversarios graviter culpabilis esset omisso per annum unius assis, quem quotidie pauperibus distribuendum quis voverat. Et sane, ut ut res sese habeat in abstracta, & metaphysica consideratione, numquam occurret casus quod reipsa, & in praxi quis deliberato animo verum votum serio factum per integrum annum violet absque culpa mortali.

C A P U T II.

An voti obligatio impleri possit per alios, & transeat ad heredes.

I. **C**ertum penes omnes est, vota personalia a solo vovente implenda esse, & eaque ipsum solum obstringere. Quin nec vota realia ab aliis impleri debent, iis exceptis qui in bona voventis succederent. Ratio evidens est, quia vota personalia afficiunt ipsam personam; & ideo personalia vocantur, quia sunt ab ipsa persona implenda; cuiusmodi sunt ieiunia, corporis macerationes, peregrinationes, & similia.

II. Quæst. I. *An vota parentum filios obligent; & an vota facta per procuratorem teneant?* Resp. Vota parentum nullo modo filios obligant: quia vota libera esse debent, & ab ipsius voventis voluntate proficisci. Vota parentum dicuntur quandoque obligare filios, quatenus scilicet filii in eadem vota consentiunt, & eaque rata habent: quo in sensu intelligendi, & interpretandi sunt textus, qui recensentur 2. quæst. 1. & cap. Monachum, & cap. Quicumque, & cap. Quem progenitores, & cap. Addidistis. Cælestinus namque III. declaravit in cap. Cum sumus, xiv. de Regul. filium alligatum esse Monasterio propria professione, aut paterna devotione a filio approbata, & confirmata. Qui filii consensus, ut vere habeatur, satis minime est eiusdem silentium, & taciturnitas. Quare præter negativum dissentium requiritur ut filius expresse votum ratum habeat, & confirmet. Inutilia tamen non sunt genitorum vota, quia eo spectant ut operam dent ad hoc quod filii vota amplectantur, & acceptent. Vota facta per procuratorem tenent, & obligant principalem, seu mandantem, ac si per ipsum facta fuissent: quia qui per alium facit, per se ipsum facit. Et de hoc nullum dissidium inter Auctores.

N ij III.

III. Quæst. II. *An vovens possit, vel teneatur per alium implere votum suum personale, quod per seipsum implere nequit?* Resp. Communissima sententia docet, voventem qui per seipsum suum votum personale implere nequit, non teneri, immo nec posse per alium exequi. Et quod non teneatur, patet: quia votum personale est de actione propria ipsius voventis: ergo tale votum non obligat ad actum alterius. Quod pariter neque possit, etiam constat: quia, si vovens valet per seipsum votum implere, nequit illud implere per alium; si autem non potest per seipsum, neque per alterum: quoniam tunc non faceret quod promissit: &, dum factus est ad personalem executionem impotens, cessat omnis obligatio. Paludanus in IV. dist. xxxviii. quæst. 111. art. 3. Sotus Lib. VII. quæst. 11. art. 1. Suarez Lib. IV. cap. x. num. 2. Sanchez Lib. II. cap. xv. num. 3. Navarrus cap. xii. num. 55. Bonacina disp. iv. quæst. 11. punct. 5. §. 3. Trullenchus Lib. II. cap. 11. dub. 14. & communiter alii.

IV. Quæst. III. *An vovens qui sua culpa factus est impotens ad observandum votum personale, teneatur per alium implere?* Resp. Quamvis votum personale per alium impleri in rigore nequeat, ut dictum est; attamen D. Antoninus II. Part. tit. 11. cap. 11. §. 5. ait: *Si autem fecerat votum causa devotionis eundi, superveniente impedimento, non tenetur ire, vel mittere, nisi forte fuerit in mora; & sic est in culpa, quia, cum potuit, noluit.* Hanc eandem sententiam tuetur Angelus verb. Votum 3. num. 7. Richardus in IV. dist. xxxviii. art. 5. quæst. 1. ad 1. Carthusianus in IV. dist. xxxviii. quæst. 11. §. Quæritur: & colligi videtur ex Scriptura, in qua Deuter. xxiii. legitur: *Cum votum voveris Domino Deo tuo, non tardabis reddere: quia requirit illud Dominus Deus tuus: & si moratus fueris, reputabitur tibi in peccatum.* Videtur quoque id inferri ex doctrina D. Thomæ 2. 2. quæst. lxxxviii. art. 3. ad 3. ubi statuit, quod vovens factus impotens ex propria culpa, debet pœnitentiam agere de peccato præterito, & promptam voluntatem habere faciendi quod potest. Et revera tutius est, cum propria culpa præcessit, aliquam adhibere compensationem.

V. Contraria sententia communior est, quam defendit Sanchez Lib. IV. cap. 11. num. 27. ubi plures laudat Auctores, Navarrum, Valentiam, Sylvestrum; immo tamen citat D. Thomam, qui, licet expresse priorem non doceat, attamen nec contrariam defendit; sed principia ponit quæ illi adversantur. Ratio potius urgere videtur. Quoniam vota personalia ita afficiunt personam voventis, ut, impotentia superveniente, cesset votum. Ex eo autem quod impotentia contingat ex culpa voventis, solum consequitur quod vovens tunc teneatur pœnitere de peccato præterito, ut ait Angelicus; minime vero sequitur quod vovens debeat per alium votum implere. Id sane ratio suadere videtur. Ceterum, ut fincior pœnitentia de commisso peccato appareat, & ut infidelitatem suam erga Deum

Deum quoquo modo compenſet vovens, debet in re tanti momenti tutiorem partem eligere.

VI. Quid, ſi vovens, antequam votum emitteret perſonale, certus erat fore ut numquam votum ſuum poſſet implere? Teneri ad implendum per alium in hoc caſu docent Sylveſter verbo Votum 2. quaſt. x. Angelus verb. Votum 3. num. 7. Navarrus cap. xii. num. 55. Sayrus in clav. Reg. Lib. VI. cap. vii. dub. 5. Layman Lib. IV. traſt. iv. cap. 111. quaſt. v. Sanchez Lib. IV. cap. 11. num. 26. ubi citat Abbatem cap. Licet, de voto num. 13. Quoniam votum de materia impoſſibili ipſi voventi nullum eſt, ut diximus. Quando ergo vovens compertam habuit hanc impoſſibilitatem, ne ſtultum illum proſuatiemus, præſumendum prudenter eſt illum votum edidiſſe per alium implendum. Oppoſitum docent Suarez, Trullenchus, Azorius, Bonacina, Prado, Raphael de la Torre, Leander, & alii. Sed prima ſententia probabilior videtur.

VII. Quaſt. IV. *An vota realia impleri poſſint per alium, etiam inſcio, & invito vovente?* Reſp. Quaſtiuncula tres continet partes. Et primo, quod votum reale per alium impleri queat, comuniſſima ſententia docet: quia voti realis executio in obligatione, ſeu exhibitione rei promiſſæ, puta calicis, veſtis, ſupelleſtilis, ſive cuiuſque alterius rei, ſita eſt. Hoc autem æque per alium ac per voventem præſtari poteſt. Secunda etiam pars, nempe quod hoc votum reale impleri poſſit ab alio, nomine ipſius voventis, inſcio ipſo vovente, communiter ſuſtinetur: quia tunc res promiſſa nomine voventis reiſſa exhibetur; & nihil aliud deſt præter voventis conſenſum, qui per ratihabitionem adest. Si vero vovens, non modo inſcius, ſed etiam invitus eſſet, tunc communior opinio tenet, votum minime impleri poſſe per alium: & merito: quia ad ſatiſfaciendum ſive voto, ſive præcepto requiritur intentio ſatiſfaciendi: ubi autem eſt coactio, non eſt liberum propositum. Bonacina vero diſp. iv. quaſt. 11. punct. 5. §. 3. num. 5. Trullenchus Lib. II. cap. 11. dub. 14. num. 3. Leander traſt. i. diſp. xxv. quaſt. viii. addunt votum impletum, invito vovente, valere; ſi poſtea vovens voti ratam habeat executionem. Mihi vero hæc opinio minime probatur. Nam ſi, dum votum impletur, vovens reſiſtat; certe tunc invalida eſt voti executio ob poſitivam reſiſtantiam voventis, ſeu ob defectum voluntatis, quam neceſſario requirunt vel ipſi adverſarii. Sed quod ſemel invalidum eſt, per actus ſubſequentes non fit validum. Conſenſus ergo voventis, aut realis, aut præſumptus, neceſſarius eſt, dum votum impletur. In ſacta poſitione non modo non habetur conſenſus, ſed diſſenſus: ergo votum non impletur. Conſenſus enim futurus, ſeu ſubſequens ſupponit nullam executionem voti: idcirco illam validam efficere nequit. Hæc omnia vera ſunt, ſi rationis vis ſpectetur. Ceterum, ſi res promiſſa oblata reapſe fuerit, & vovens deſectetur præteritam ſuam omiſſionem, atque reſiſtentiam, &

consensum exhibeat ita efficacem, ut, si res promissa oblata non fuisset, revera eandem offerret; tum illum non cogerem ad novam oblationem, sed tantum ad penitentiam præteritæ omissionis.

VIII. Quæst. V. *An vovens facilius pauper, ut impleat votum reale, teneatur ab amicis pecunias petere, aut artem suscipere-quæ suam dedecet statum, aut pecuniam sibi dono oblatam acceptare, ut voto faciat satis?* Resp. Communis sententia docet, non teneri voventem ad petendas pecunias ab amicis, neque eleemosynas mendicare, neque artem statui proprio contrariam suscipere, ut votum impleat: quia rationabiliter præsumitur noluisse cum tanto onere se obligare. Secus dicendum, si lucro arte aliqua comparato vivere solitus erat: quia tunc ars illa statum eius non dedeceret. Tenetur vero acceptare pecuniam, siue hereditatem sibi oblatam, quia valeat proprium implere votum.

IX. Quæst. VI. *An satisfaciatur voto qui rem promissam alteri exhibet, si hic rem acceptam omittat offerre?* Resp. Adhæret Suarez *Lib. IV. cap. x. num. 8.* Castropalaus *tracl. xv. disp. 1. punct. 15. num. 6.* Leander *tracl. 1. disp. xxv. quæst. xii.* Vovisti e. g. celebrationem decem Missarum. Eleemosynam confers Sacerdoti, ut Missas celebret. Hic omittit Missas celebrare. Tu sufficienter, inquit, voto satisfecisti: quia votum non fuit de sacris cum effectu celebrandis; sed de procuranda illorum celebratione consueta via. Item vovisti mittere aliquem ad inviscenda Apostolorum limina. Convenisti cum ipso de pretio. Hic, accepto stipendio, omisit votum implere. Tu liber manes, inquit, ab obligatione: quia ex parte tua opus promissum præstitisti. Sic docent Auctores laudati. Opinionem hanc non audeo absolute improbare; sed mihi difficultatem ingerit quod vovens debet facere totum id quod potest, ut votum suum impleat; sicut docet Angelicus 2. 2. *quæst. lxxxviii. art. 3. ad 2.* Quando ergo vovens advertit, votum reapse impletum non esse, licet ob alterius malitiam, videtur utique ad idem implendum teneri, si illud implere sine gravi incommodo possit. Certe qui debitum per alium solvit, tenetur ad novam solutionem, si ille cui pecunias dedit ad solvendum, easdem sibi retinuit. Et quamvis hoc debitum ex iustitia solvendum sit, votum vero ex religionis virtute; attamen non est tanta disparitas, ut argumentum ab uno ad alterum recte fieri non possit, quod parem utrobique, gravem nimirum, obligationem concludat. Addo, tum recensitam opinionem locum habere posse, quando vovens omnem moralem diligentiam adhibuisset; ut virum probum, fidelem, optimeque moratum, quoad ipse scire potuit, eligeret, qui votum impleret. Si autem negligens in hac electione fuisset, ipsum ad persolvendum votum urgerem: etenim, non cuicumque, sed probatissimo homini tantum, id negotii erat committendum; quemadmodum & pecuniæ creditoribus persolvendæ, non cuivis, sed solum homini probatæ fidei traduntur.

X. Quæst. VII. *An votum mixtum, constans ex personali, & reali, per alium impleri valeat?* Resp. Convenit inter Auctores, votum quod æque personale, ac reale est, non posse, quatenus personale est, per alium impleri, ob rationem supra assignatam; quatenus vero reale est, non solum posse, sed etiam debere per alium impleri, ut pariter dictum est supra de voto reali. Si autem id quod reale est in voto, sit quid vere accessorium, quod necessario sequitur principale, tamquam instrumentum quo illud executioni mandetur, tunc ad hoc reale votum implendum nulla est obligatio. V. g. vovisti peregrinationem Lauretanam: infirmus es factus, nequis illam suscipere: non teneris sumptus infumendos in itinere pauperibus erogare, aut in honorem B. Virginis, eiusque sacræ ædis pecunias illas offerre. Si id præstiteris, peroptime factum erit. Ceterum ad id non teneris. Si autem vovisses tum peregrinationem, tum eleemosynam illi Ecclesiæ offerendam, factus ad peregrinationem impotens, teneris per alium eleemosynam mittere. Suarez *Lib. IV. cap. xx. num. 20. & seq.* Sanchez *Lib. IV. cap. xv. num. 13.* Castropalaus *punct. 15. num. 7.* Leander *tract. 1. disp. xxiv. quæst. xiv. & xv.* Bonacina *disp. 1v. quæst. 11. punct. 5. §. 3. num. 6.* & communiter omnes.

XI. Quæst. VIII. *An factus impotens ad votum solvendum teneatur adhibere compensationem?* Resp. Sylvester *verb. Votum 2. quæst. vi.* Suarez *Lib. IV. cap. xv. num. 9.* Reginaldus *Lib. XVIII. num. 281.* Bonacina *disp. 1v. punct. 5. §. 3. num. 9.* & alii communiter respondent non teneri: quia vovens ad id se obligasse non præsumitur; & Ecclesia ipsa non obligat ad compensandum præceptum quod fideles implere nequeunt. Ego ita distinguem. Si impotentia supervenit absque culpa voventis, non tenetur uti compensatione; si autem vovens sua culpa impotentem se reddidisset ad voti executionem, ultra pœnitentiam de peccato præterito, obligare illum ad congruam compensationem. Nemo enim ex sua iniquitate commodum reportare debet.

XII. Quæst. IX. *An heredes teneantur ad vota personalia testatorum?* Resp. Heredes, sive voluntarii, sive necessarii, nullo modo tenentur implere vota personalia testatorum: quia, ut sæpius diximus, hæc vota personam afficiunt, & non hereditatem. Ita omnes.

XIII. Quæst. X. *An heres teneatur ad solvenda vota personalia defuncti, posito quod testator id ei præcipiat?* Resp. Quod heres absolute non teneatur ad vota personalia defuncti, certum est ob rationem non semel indicatam, quod nimirum personalia vota personam afficiunt, & cum eiusdem interitu cessant. Admissa vero positione quod testator præciperet heredi solutionem alicuius voti personalis, adhuc certum esse non teneri, respondet Leander *tract. 1. disp. xxv. quæst. 11.* & allegat Suarez, & Raphaelem de la Torre, & Castropalaum. Sed Castropalaus *tract. xv. disp. 1. punct. 16. num. 1.* distinguit, & merito, heredem necessarium ab

herede voluntario. Heres necessarius neque realia, neque personalia vota solvere tenetur, quatenus necessarius est heres. Heres autem voluntarius onera sibi a testatore sub præcepto imposita implere tenetur. Citati rursus Auctores distinctione utuntur. Si testator, inquit, relinquat hereditatem sub hac expressa conditione solvendi quædam sua vota personalia, tum heres tenetur; si vero solum præcipiat absolute voti solutionem, tunc non tenetur heres ex iustitia, sed ex gratitudine, casu quo expresse non acceptet dictam obligationem. Mihi autem videtur quod heres voluntarius, eo ipso quod acceptat hereditatem, simul ipso facto acceptet onera a testatore sub præcepto sibi imposita. Si igitur testator sub præcepto expresso imponat peregrinationem heredi voluntario, acceptanti hereditatem, non video cur voluntarius heres votum illud implere non teneatur. Hic tamen advertas velim, quod, dum dicimus heredem ad implenda personalia testatoris vota teneri, non sit sensus quod vota personalia revera impleri possint per alium; sed asserimus posse testatorem non transferre proprie sua vota personalia in alium, sed sua vota personalia imponere per modum cuiusdam pensionis solvendæ ab herede libere a se instituto. Atque tunc heres iste proprie non implet votum personale testatoris, ut testatoris votum est; sed tantum solvit onus sibi impositum, quod sub hac consideratione speciem præfert realis voti, non personalis. Quæ ideo dixi, ne putes hic afferi oppositum ac supra statutum fuit, vota scilicet personalia per alios impleri non posse.

XIV. Quæst. XI. *An heres, sive voluntarius, sive necessarius, cogi possit sub pœna privationis hereditatis, & excommunicationis ad solvenda vota realia testatoris?* Resp. Heredem, sive voluntarium, sive necessarium, teneri ad vota realia testatoris solvenda, adfirmant omnes: quia, cum defunctus votum reale emisit, sua oppignoravit bona pro illius solutione: ergo qui succedit in bona defuncti, succedere necessario debet etiam in onera hereditati annexa: quod intelligendum est, dummodo onera non excedant valorem hereditatis. Nam bona in quæ heres necessario succedit, cum non fuerint subiecta absolute dominio testatoris, non possunt a testatore gravari. Quapropter heres succedit tantum votis realibus testatoris quæ non lædunt suam legitimam, vel ea bona quæ sibi necessario iure debentur. Quod autem sub pœnis & privationis hereditatis, & excommunicationis cogi possit heres ad solvenda vota realia defuncti, pariter certum est penes Auctores; quamvis dissidium aliquod sit quantum ad excommunicationem, quam insigi dumtaxat volunt Hostiensis, Zabarella, & Ioannes Andreas, quando heres promississet se testatoris vota expleturum, & promissis postmodum non stetit. Alii communiter, nempe Sanchez, Sylvester, Bonacina, Palacios, Trullenchus, Leander, absolute sub utraque pœna absque ullo discrimine cogi posse heredem

redem docent : quod si gravis sit causa , non video cur in controversiam id revocari debeat.

XV. Quæst. XII. *An si testator non imponat heredi onus solvendi vota sua realia , aut si expresse dicat , se nolle heredem suum ad eadem realia vota obligare , teneatur nihilominus heres ad illa solvenda ?* Resp. In utroque casu heres tenetur vota realia testatoris solvere. Et in primo casu patet : quia vota realia efficiunt ipsam hereditatem , suntque onus eandem comitans . Quare quemadmodum cetera debita realia , sic & ista solvenda sunt ab herede . Quæ ratio evincit , heredem astringi ad huiusmodi solutionem ; etiam si testator expresse in testamento dicat , se nolle heredem ad implenda præfata vota obligare . Quia testator , postquam semel sua bona gravavit , nequit amplius illa eximere a præfatis oneribus , nisi post eorundem solutionem . Quare , sicuti nequit testator eximere heredem ab onere solvendi debita realia hominibus , ita nequit eum liberare ab onere solvendi debita ipsi Deo per vota contracta . Potest utique testator instituire , aut non instituire heredem ; at pequit liberare hereditatem ab iis oneribus quibus iure subiecta est . Unde quicumque talem hereditatem adire vult , omnia debita quibus obnoxia est , solvat oportet . Hoc vero intelligitur , quando votum absolutum est , & ad nullum tempus contractum . Si enim testator vovisset ædificare Ecclesiam , quoad vixerit , cum expressa conditione , ut sua morte omnis cesset obligatio ; tunc votum conditionatum esset , & heres ad nihil teneretur . Hæc omnia communia sunt . Suarez *Lib. IV. cap. xvi. num. 23.* Sanchez *Lib. IV. cap. xv. num. 28.* Bonacina *disp. 1v. quæst. 11. quæstiunc. 2. punct. 5. §. 2. num. 12.* Navarrus *cap. xii. num. 56.* Layman *Lib. IV. tract. 1v. cap. 111. quæst. vi. num. 12.* Trullenchus *Lib. II. cap. 11. dub. 15. num. 8.* Prado *cap. xxxi. quæst. x. §. 3. num. 14.* & 15. Leander *disput. xxv. quæst. 1x.* Sayrus *Lib. VI. cap. 1x. dub. 6.* Salmanticenses *tract. xvii. cap. 1. punct. 4. §. 3. num. 123.* Castropalaus *disp. 1. punct. 16. num. 3.* Marip. *tract. 1x. disp. 111. sec. 5. num. 147.* Et nota , quod heres , non ex virtute religionis , quippe vota ille non emisit , sed ex debito iustitiæ , ratione hereditatis acceptatæ , tenetur vota realia testatoris implere .

XVI. Quæst. XIII. *An heres teneatur solvere vota realia ante aditam hereditatem , vel ultra vires hereditatis in casu quo inventarium non fecerit , & per iudicis sententiam declaratus sit obnoxius solutioni , & ad eandem condemnatus ?* Resp. Neque ante aditam hereditatem , quam semper reicere , quousque non acceptaverit , potest ; neque ultra vires hereditatis astrictus est heres ad solvenda vota realia testatoris : idque omnes docent . Dissidium est , an acceptata hereditate , & omiſſa confectione inventarii , teneatur ultra vires hereditatis solvere vota realia defuncti . Pro sententia affirmante refert Leander *loc. cit. quæst. xii. S. Antoninum II. Part. titul. xi. cap. 11. §. 5. in fine .* At nec verbum ibi facit S. Præsul

de

de inventario, aut de solutione ultra hereditatis vires; sed solum ait, heredem teneri ad solvenda vota dicta, quando ipse promississet, & se obligasset, non ratione hereditatis, sed absolute: tunc etenim teneretur, etiamsi non adiret hereditatem. Sed Leander excusandus est, quia talem citationem exscripsit ex Sanchez, qui pariter pro dicta sententia citat D. Antoninum. Leander allegat etiam Paludanum, Menchacam, Covarruviam, Valascum, Molinam, Gregorium Lopez. Et pro ratione adducunt *l. final. c. de iure deliberandi*, ubi statuitur, heredem non conficientem inventarium teneri ad solvenda debita ultra vires hereditatis. Sed communior est contraria sententia, heredem scilicet non teneri ultra vires hereditatis, etiam omisso inventario, in foro interno solvere sive vota; sive legata, sive debita; quando nimirum in fraudem non sit omisum inventarium. Lex enim quæ inventarium præcipit, fraudis præsumptioni innititur, aut in poenam negligentiae heredis lata est. Ideo, etiam post sententiam iudicis, mihi verosimilius videtur, in foro interno non teneri heredem ad vota, legata, & debita realia ultra vires hereditatis solvenda, quoties inventarium absque ulla fraude, vel negligentia graviter culpabili conficere omisit.

XVII. Quod ut clarius percipiatur, lubet cum Vasquez 1. 2. *quæst. xcvii. artic. 4. disput. clxiii. cap. ult. a num. 6.* adnotare, duplicem esse legem præsumptioni innixam. Altera est quam legislator ideo rogat, quia præsumit in singulis casibus evenire id quod prohibet: & eiusmodi est præsumptio, cui innixus Pontifex *cap. xv.* Qui fide de sponsal. statuit matrimonium censi initum copula post sponsalia subsecuta: quia præsumit in singulis casibus talem copulam affectu maritali exerceri: atque talis lex in quovis casu in quo præsumptio falsa est, non obligat in conscientia. Altera est in qua non præsumit legislator fraudem, vel quid simile in singulis casibus; sed quia prudenter existimat, e re aliqua communiter fraudes, mala, & damna in publici boni detrimentum oriri; ideo legem generalem constituit, qua causam, seu occasionem fraudum, & malorum prohibet. Quæ præsumptio fundamentum est cuiusque legis. Porro quando præsumptio est huiusmodi, lex non definit obligare, eo quod in uno aut altero casu singulari præsumptio falsa sit; sed solum, quando ut plurimum falsa est. Deficiente enim in uno aut altero casu singulari legis ratione, non deficit lex, sed obligat; secus, quando deficit in communi. Hæc doctrina, quam ex Vasquez tradit Sanchez, mihi valde probatur. Sed difficultati gravissimæ obnoxia est: unde videlicet colligendum sit, legislatorem aliquando præsumere in singulis casibus malum accidere, & huic præsumptioni innixum legem ferre, quæ deficiat, deficiente fraude in casu singulari; & aliquando absolute rem prohibere, tamquam communem, frequentemque absurdorum causam. Hoc discrimen cognitu non adeo facile est; neque cuiusque est discrimen istud assignare. Alioquin quisque facile in-

interpretari posset, legem latam esse pro casibus singularibus, non absolute; atque adeo se lege non teneri, quia in hoc casu longe a fraude est.

XVIII. Ceterum quandoque doctrinam hanc locum habere, mihi satis probabile est, & potissimum in re qua de agitur; ita ut heres, vel post sententiam iudicis, non teneatur solvere vota realia ultra vires hereditatis, quando absque ulla fraude, seu culpa omisit inventarium conficere. Intellige de culpa quæ inustitiam parere apta sit. Et pro hac sententia citat Sanchez *Lib. IV. cap. xv. num. 37. Abulensem cap. xxx. Numer. quest. xcvi. Sylvestrum verb. Votum 2. quest. xi.* Item allegat plurimos docentes laudatam doctrinam in quacumque materia universæ locum habere. Bartol. *l. 1. num. 4. c. de sacros. Eccles. & rubr. num. 3. ff. de acquirend. hered. ubi Alex. num. 5. Iason in fine, Abbatem c. Quia plerique num. 4. de immun. Eccles. Felinum cap. 1. num. 44. de Const. Paludanum IV. dist. xv. quest. 111. artic. 5. num. 31. Sylvestrum verb. Usur. vi. quest. x. dist. 4. & verb. Hereditas 111. quest. v. Sot. *Lib. VI. quest. 1. art. 4. Ioan. Andr. Host. Antonium Gomez l. 111. Tauri num. 121. Matienzo Lib. V. recap. titul. iv. l. 1. glossa 10. num. 39. Navar. l. 111. de rest. cap. iv. 11. parti. dub. 9. num. 137. nov. edit. Molin. Tom. I. de iust. disput. ccxvii. conclus. 1. & 2. Bonacinam disput. iv. quest. 11. num. 4. & de contralt. disput. 111. quest. ultim. punct. ultim. Leandrum disput. xxv. quest. x111. Ratio est, quia sententia iudicis innititur falsæ præsumptioni, sicuti lex. Quare, sicuti lex non obligat, ita neque iudicis sententia.**

XIX. Quæst. XIV. *An heres cum detrimento suæ legitimæ solvere teneatur vota realia testatoris?* Resp. Adfirmant non pauci. Navarrus *Lib. III. Conf. titul. de vot. conf. x111. num. 4. in 1. edit. in 11. consil. xvi. num. 4. Lopez, Rodriguez, Vega, Corduba, & alii, quos citat Sanchez Lib. VI. de matrim. disput. xxxvi. num. 3. & in Sum. Lib. IV. cap. xv. num. 38.* quia contendunt, debita testatoris extrahenda esse ex toto hereditatis acervo, non ex parte tantum, de qua libere testator disponere poterat: ergo eodem modo extrahenda sunt vota realia. In hanc sententiam inclinare videtur Sylvester *ver. Votum 2. quest. xi. dist. 4.* quatenus dicit, filium gravatum in legitima posse impetrare dispensationem, quæ obligationem supponit.

XX. Communissima, & vera sententia est, heredem non teneri cum damno suæ legitimæ solvere vota realia, immo nec ulla debita testatoris. Et ratio est manifesta. Quoniam legitimæ filiorum pater dominium non habet; sed iure filii debetur, ut leges statuunt. Ergo testator nequit legitimam aggravare. Nec verum est debita defuncti extrahenda esse ex toto hereditatis cumulo; sed solum ex ea parte de qua testator disponere iure poterat. Et quamvis admittamus, potuisse testatorem inter vivos degentem votis, aliisque piis elemosynis legitimam minuire; non inde tamen inferitur posse in morte eandem legitimam

mam

nam gravare : quia in vita dominium legitimæ habet, secus post mortem : cum morte namque dominium omne cessat. Covarruvias *cap. Si heredes de test. num. 9.* Gregorius Lopez *l. final. in fin. titul. viii. part. 1.* Angles de floribus *ll. P. quæst. de voto art. 2. post 13. difficult. dub. 2. concl. 4.* Rodriguez *Tom. I. cap. xcix. num. 13.* Sanchez *Lib. IV. cap. xv. num. 38.* Layman *Lib. IV. trad. iv. cap. tit. quæst. v. num. 13.* Bonacina *disp. iv. quæst. 11. punct. 5. §. 2. num. 5.* Castropalaus *trad. xv. disp. 1. punct. 6. num. 5.* Trullenchus *Lib. II. cap. 11. dub. 15. num. 4.* Sayrus *Lib. VI. clav. Reg. cap. vii.* Leander *trad. 1. disp. xxv. quæst. xiv.* Martinez de Prado *Tom. II. cap. xxxi. quæst. x. §. 2. num. 18.* Antonius Gomez *Tom. I. var. cap. xi. num. 24.* Salmanticenses *trad. xvii. cap. 1. punct. 4. §. 3. num. 127.* Marin. *trad. ix. disp. 111. sect. 5. num. 149.* & communiter recentiores omnes.

XXI. Quæst. XV. *An heres possit, & debeat, si non possit per se, implere per alium vota realia testatoris ; & an possit impetrare commutationem a Confessario ?* Resp. Quemadmodum vovens per alium implere potest vota sua realia, ita quoque heres ; immo, cum heres non potest per seipsum votum reale implere testatoris, tenetur per alium. Hinc, si testator voverat se iturum, aut missurum hominem in subsidium belli contra fidei hostes, potest heres mittere alium nomine defuncti ; immo tenetur mittere, si ipse heres non potest ire. Nec tamen ad expensas quas facturus fuisset vovens, tenetur heres : puta si testator pro suo solo famulatu, & comitatu deliberasset tres, aut quatuor famulos ducere, ad hoc non tenetur heres ; sed eas tantum expensas facere debet quæ necessariæ prudenter reputantur ad exequendum votum, & finem principale vovens. Nec Confessarius commutare valet eiusmodi vota : quia heres ex iustitia tenetur solvere vota realia defuncti ; quapropter, sicuti nequit Confessarius alios contractus, quibus ex iustitia obnoxius heres est, commutare ; ita pariter nequit commutare vota realia quæ heres non sponte, sed ex contractu, solvere tenetur.

XXII. Quæst. XVI. *An Monasterium iure hereditario succedens in bona Religiosi professi, teneatur solvere vota realia quæ professus in sæculo emiserat, & non solverat ?* Resp. Plures sensus habere potest quæstio proposita ; idcirco distinctione utamur oportet. Et primum, si Monasterium sit constitutum heres ob vovens mortem, nullum est dubium quod teneatur ad solvenda vota. Si autem Monasterium factum sit heres titulo professionis ipsius vovens, tunc distinguunt Sanchez, Bonacina, Castropalaus, La-Croix, Marin. & alii, atque ita resolvunt. Si vota fuerint acceptata ab eo in cuius utilitatem facta sunt vota (v.g. Paulus, antequam Religionem ingrediatur, vovet calicem donandum Ecclesiæ, illumque promittit Parocho, qui nomine Ecclesiæ acceptat) tunc Monasterium tenetur : secus, si promissio facta non fuisset a vovente : tunc enim, licet Parochus ex se acceptasset, hæc acceptatio facta sine promissione vovens, non induceret debitum iustitiæ.

Si vero vota non fuerunt acceptata, ad ea solvenda Monasterium non tenetur. Sic docet Sanchez *Lib. IV. cap. xv. num. 32.* Bonacina *disp. iv. quæst. 11. punct. 5. §. 2. num. 7.* Castropalaus *disp. 1. punct. 16. num. 7.* Trullenchus *Lib. II. cap. 11. dub. 15.* Leander *trac. 1. disp. xxv. quæst. xv. & xvii.* La-Croix *Lib. III. par. 1. num. 478.* Lefsius *Lib. II. cap. xl. num. 66.* Marin, *trac. ix. disp. 111. sect. 5. num. 155.* Quia, inquit, vota omnia & personalia, ut omnes latentur, & realia extinguuntur per solemnem professionem in Religione approbata. Extinguuntur vero, inquit, eiusmodi vota, non commutatione, neque relaxatione; sed perfectissima solutione, qualis est perpetua consecratio totius voventis Deo facta per professionem. Laudati autem Doctores sustinent, veram esse hanc ipsorum opinionem, etiamsi vovens aperte constituisset sua vota realia non extingui per professionem, sed solvenda esse a Monasterio herede: a quibus tamen dissentit Bonacina *disp. iv. quæst. 11. punct. 5. §. 2. num. 9.*

XXIII. Negari non potest, recensitam opinionem, quæ docet, vota realia voventis extingui professione solemni eiusdem, esse absolute probabilem, quando vovens non refragatur, ob rationem datam, nempe ob sublime sacrificium professionis monasticæ, quæ tanti pretii est, ut valeat quodcumque delictum extinguere. Contrariam tamen sententiam defendit D. Antoninus *II. Part. titul. 11. cap. 11. §. 8.* & mihi hæc opinio videtur verior ob hanc quam assigno rationem. Vita propria, & unica sacrificii professionis religiosæ est persona voventis, & quæ eandem afficiunt personam. Quapropter per talem professionem extingui omnia vota personalia, peroptime infertur. Res autem temporales, quæ fuerunt sub voventis dominio, sunt quid extraneum ipsi professioni; quandoquidem hæc bona nullo modo spectant ad professionem, sed afficiunt hereditatem voventis; quemadmodum vota personalia afficiunt personam.

XXIV. Dico ergo primum, verosimilius esse, Monasterium quod constitutum est heres per professionem voventis, teneri ad vota realia voventis professi: quia hæc vota realia comitantur hereditatem, quæ sic gravata iure fuit ab illius domino. Ergo, quousque dominus ipse hoc gravamen non aufert, affixum remanet eius hereditati. Per suam professionem religiosam aufert vovens, seu solvit omne debitum afficiens suam personam, quia se totum Deo consecrat; minime vero illius hereditas vi talis professionis solvitur ab oneribus ipsi adiectis: quia eiusmodi hereditas quid disparatum est ab ipsa professione, ut dictum est supra.

XXV. Dico secundo. Quando vovens, antequam professionem emittat, aperte testatur se velle sua vota realia impleri a Monasterio herede constituto, tunc Monasterium tenetur eadem persolvere. Hæc secunda opinio, non modo probabilior, sed unice vera mihi videtur. Eam, ut dixi, propugnat Bonacina *loc. cit.* & quod potius est, D. Antoninus *loc. cit.* & Paludanus in *IV. dist. xxxviii. quæst. 1v.*

art. 3. num. 33. *concl.* 3. Ratio ex dictis patet : quia hæc vota realia afficiunt hereditatem, quæ quid extraneum est professioni, & nullo modo in eadem comprehensum. Accedit : dum profitens expresse declarat se nolle sua vota realia hereditatem suam consequentia extingui ; qua ratione dici potest, eadem reipsa extingui ? Quia, inquit Sanchez *loc. cit.* ex Sylvestro *verb.* *Votum* 4. *quæst.* VII. *dist.* 3. aut professurus Religionem declarat hanc suam intentionem ante professionis instans, vel in ipso instanti professionis, vel post instans eiusdem professionis. Si post professionem emissam, tunc certum est votum esse nullum, quia post professionem vota omnia nulla sunt. Si autem in instanti professionis, habentur vota ceu facta post professionem. Si vero Novitius declaret hanc suam voluntatem ante instans professionis, iam per professionem supervenientem remanet solutum votum. Hæc est ratio quam ex Sylvestro proponit Sanchez. Sed ratio isthæc iuxta ea quæ dicta sunt, corrui, & inutilis est : eo quod solum evincit, vota personalia, secus realia vota ante professionem emissâ (de quibus solis sermo nobis est) extingui. Præterea voluntas qua Novitius ante professionem instituit Monasterium, sive quempiam alium heredem suum, valida est ; & hereditas illa iure devolvitur ad eum quem Novitius suum heredem instituit. Cur ergo non poterit imponere aliquod gravamen, sive confirmare onus annexum tali hereditati ? Cur ? Nonne Novitius ante suam professionem potest suam gravare hereditatem aliquo legato ? Quidni & voto ? Quia professio superveniens infringit vota realia ? Non infringit legata pia libera : ergo nec vota quantum ad solutionem pensionis realis. Quæro : posset ne Novitius ante professionem vovere, & reddere reipsa calicem, vel aliud munus, eleemosynamve Ecclesiæ, aut pauperi ex sua hereditate ? Quis hoc inficiabitur ? Cur ergo non poterit declarare, se velle votum iam factum impleri a suo herede ? Ne multa : quemadmodum aliis pensionibus gravare potest Novitius ante professionem suam hereditatem, ita potest eandem gravare solutione votorum realium ab herede faciendâ : & sicut heres alia legata realia, ita & vota realia solvere teneretur ; sive heres sit Monasterium, sive sæcularis homo, aut familia. Quamquam igitur recentiores aliqui post alios oppositum sentiant ; nihilominus ratio, ut ego quidem arbitror, nostram sententiam veram esse evincit, falsamque casuisticam opinionem contrariam.

XXVI. Quæst. XVII. *Quo ordine solvenda sunt ab herede vota realia comparata ad debita, & legata ?* Resp. Multas habet quæstiuncula partes, quarum singulæ sunt explicandæ. Et primo certum est penes omnes, solutionem debitorum ex iustitia præcedere debere quæcumque sive vota, sive legata. Ratio est, quia vovens de re aliena victimas Deo offerre nequit. Dicitur enim Eccli. xxxiv. vers. 21. *Immolan- tis ex iniquo oblatio est maculata :* & xvii. quæst. iv. ex Augustino dicitur : *Qui- cumque vult exheredato filio heredem facere Ecclesiam, quærat alterum qui suscipiat,*

NON

non Augustinum : immo Deo propitio neminem invenies . Solutio vero votorum legata præcedit ; quia vota obstringunt voventem , secus legata , quæ testator libere statuit . Prius ergo vota realia quam legata solvere debet .

XXVII. Quæst. XVIII. Si testator pluribus votis sit obstrictus, & hereditas omnibus solvendis sit impar , quam heres solvere debet ? Resp. Tiraquellus , Angelus ; Sylvester , Gregorius Lopez , Gomez , Gutierrez , & alii , quos citat Sanchez , sustinent solvenda esse pro rata parte , idest facta proportionem hereditatis , seu partis liberæ cum omnibus votis , & cuiusque voti aliquid esse solvendum . Sed communis sententia docet , vota maioris momenti præferenda esse aliis : quia heres defuncti personam refert , & eius loco succedit , atque adeo eiusdem obligationi ; sed vovens tenebatur prius solvere vota de re graviore : ergo & heres . Si vero dubium fuerit quodnam votum sit maioris momenti , tunc votum quod prius editum fuit , solvendum prius est . Sanchez *Lib. IV. cap. xv. num. 41.* Bonacina *disp. 14. quæst. 11. punct. 5. §. 2. num. 14.* Castropalaus *disp. 1. punct. 16. num. 11.* & 12. Leander *tract. 1. disp. xxv. quæst. xxi.* Marin. *tract. 1x. dist. 3. sec. 5. num. 158.* Ad argumentum contrariæ sententiæ , nempe , legata solvenda sunt pro rata , quando pro omnibus hereditas non sufficit : ergo idem dicendum de votis : responderetur negando consequentiam : & discrimen est , quod heres in persolvendis votis repræsentat voventis personam , & quia vovens prius vota gravioris momenti solvere tenebatur , ideo & heres hunc ordinem servare tenetur ,

XXVIII. Quod si vota plura sint , & non constet quodnam fuerit prius emissum , Sanchez *loc. cit.* docet solvenda tunc esse vota pro rata . Castropalaus , Bonacina , Marin , Leander sustinent , tum heredem eligere posse quæ sibi placeant : & ratio est , quia , ut fatetur Sanchez , poterat eligere vovens quod sibi magis placuisset , posito dubio de meliori bono , & de temporis prioritate : ergo potest & heres , qui , ut fatetur Sanchez , refert personam voventis , & illius obligationi succedit . Et licet heres ex iustitia teneatur ad solutionem votorum ; hoc non mutat solutionis ordinem , sed solum magis ad solvendum urget : & non permittit ut heres possit petere aut dispensationem , aut commutationem votorum ; sicut poterat vovens , qui solo religionis titulo obstrictus erat . Hæc opinio & mihi probabilior videtur , & verior : eo vel magis quod sæpe solutio votorum pro rata parte non ita cedit in Dei gloriam , & proximi utilitatem , sicuti cedit integra solutio unius , aut alterius voti , quod prudenter eligit heres solvendum . Si vota sint de construendo aliquo pio ædificio , de offerendo aliquo insigni munere , de altari erigendo , atque id genus similia , & pro rata dumtaxat solverentur ; nil ad perfectionem reduci posset . Quare potissimum in similibus casibus heredem , sicuti voventem , eligere posse votorum solutionem in facta positione omnino proba-

babilius, & verum cenſeo; dummodo heres bona fide rem agat, & vota ſolvenda ſeligat quæ in maiorem Dei gloriam cedant.

XXIX. Quæſt. XIX. *An, quando plures ſint heredes, quiſque in ſolidum teneatur vota defunâi ſolvere?* Reſp. Nemo in ſolidum tenetur: quia quiſque tenetur, quatenus eſt heres. Ergo, ſi ſolum in parte heres eſt, ſolum pro ea parte ſolvere vota tenetur. Sententia comuniſſima. Addenda tamen duo ſunt. Primum, ſi res Deo promiſſa ſit penes unum ex heredibus, tunc ipſe tenebitur in ſolidum; at habebit actionem repetendi partem ab aliis heredibus reſpondentem hereditati. Secundum, ſi alii heredes noliſt ſolvere, quilibet tenetur in ſolidum; dummodo pars hereditatis ſufficiat: quia heres de ſuo, ut dictum eſt, vota teſtatoris ſolvere non tenetur. Hereditas vero legatis, debitis, votisque ſolvendis & tota, & qualibet ſui parte obnoxia eſt. Ergo, nolente uno herede ſolvere, alius aſtringitur. Hoc tamen verum eſſe credit Caſtopalaus, quando heredes ex malitia nolunt ſolvere; ſecus, ſi ex impotentia omittant. At mihi videtur ratio adducta evincens eſſe in utroque caſu. Quandoquidem quod quælibet hereditatis pars addiſta ſit votis ſolvendis, non pendet nec ex malitia, nec ex paupertate heredum; ſed ex ipſa teſtatoris inſtitutione, ſeu ex quodam contracta inter heredem, & teſtatoſem naturaliter conſurgente. Nec iuvat reſpondere, hanc partem non eſſe addiſtam debitis ſolvendis integre, ſed ſimul cum alia comparte: quia id verum eſt abſolute loquendo: quoniam, ut diximus, abſolute quiſque heredum ſolvere tenetur pro rata parte: ſed in hypotheſi quod coheredes ſive nolint ſolvere ex malitia, ſive ſolvendo non ſint idonei ex impotentia, tunc tota hereditatis pars votorum ſolutioni obnoxia evadit. Ita mihi verofiſimilius videtur adverſus Leandrum, & Caſtopalaum.

XXX. Quæſt. XX. *An donatarius teneatur vota donantis exequi?* Reſp. Communiter non teneri reſpondent Auſtores: quoniam donans revera, etiam poſt votum dominium rei Deo adpromiſſæ retinet, illudque in alterum transferre valet. Ergo donatarius non tenetur vota dicta ſolvere, etiamſi donans factus fuerit impotens. Non tenetur ſiquidem ratione rei acceptæ, quæ, ut diximus, vere erat dominio donantis ſubiecta: non tenetur ex illicita acceptione, quia hæc acceptio adverſatur ſolummodo religioni, ſecus iuſtitia, quæ ſola fundat debitum reſtituendi. Neque eiufmodi debitum provenire poteſt ex aliquo pacto, ſeu contractu tacito inito cum donante: quia id ſolum verum habet in heredibus. De his enim ſic leges diſponunt, eo quod heres repræſentat teſtatoris voventis perſonam; donatarius autem minime donantis perſonam reſert. Hæc in rigore vera videntur; pro ut ex legibus abſolute ratiocinari licet. Ceterum quis donatarius, ſuæ ſalutis memor, retinere ſibi vellent viſtimas iam Deo ſemel oblatas? Licet enim id non ſit ſurtum, quia non ex iuſtitia, ſed ex religione Deo illæ debebantur; attamen fa-

cri-

crilegium est, & peccato donantis cooperaretur donatarius. Idcirco ego non ab-
solverem donatarium a voti solutione in defectu hereditatis. Cedo. Quod Petrus
voto donavit Ecclesiæ, immo Deo, non ne Dei, vel Ecclesiæ est? Donator igi-
tur dare nequit quod suum non est, seu quod voto consecravit Deo. Dominium
utique illius rei Deo consecratæ retinet; sed dominium gravatum debito reddendæ
eamdem rem Deo. Debitum, inquis, religionis est, non iustitiæ: verum habet.
At quid inde? Peccabis ergo, si contra iustitiam, saltem adversus religionem, ea
bona Deo consecrata retinendo. Quisque lumen naturale, ommissis casuisticis subti-
litatibus, consulat; & nemo bene moratus, ac christianæ religionis sincerus cul-
tor, sentiet se tuta conscientia retinere posse ea quæ scit a donatore prius religio-
so ritu consecrata fuisse Deo.

XXXI. Quæst. XXI. *An legatarius teneatur implere vota realia legantis?* Resp.
Legatarius tenetur iuxta communem opinionem solvere vota realia legantis. Ra-
tio diversitatis est, inquit Castropalaus, Leander, Sanchez, & alii, quod dona-
tarius acquirit dominium rei donatæ ob traditionem eiusdem sibi factam; quæ,
quamvis illicita, est tamen valida, & firma in linea iustitiæ, esto contraria reli-
gioni; at legatarius dominium legati acquirere debet ex valore promissionis in
testamento factæ; quæ si nulla est, perit legatum: est autem nulla, si sit de
materia voto contraria; quia tunc est promissio de re illicita, atque adeo nullius
valoris. Sic totidem verbis Castropalaus. Clarius discrimen assignatur. Donatarius
consequitur dominium rei donatæ per realem traditionem, & acceptionem, quæ,
licet illicita, valida est. Legatarius assequitur legatum per promissionem, quæ, si
sit de re illicita, nulla est. Illicita autem est in præfato casu: quia legans pro-
mittit homini quod iam Deo consecraverat. Utcumque discrimen istud verum sit,
ego in praxi tum donatarium; tum legatarium, deficiente hereditate, obligarem
ad solvenda vota realia, quæ afficiunt omnia bona legantis, seu testatoris. Non
nego tamen, immo fateor, potiore titulo astringi legatarium. Hinc, si legatarius
assequatur rem in specie Deo adpromissam, tenetur rem Deo tradere, eo quod
nullo titulo illam retinere valeat: nulla enim fuit legantis promissio. Si autem
res legata in specie Deo consecrata non fuerit, & hereditas non est solvendo par-
corrui legatum. Quoniam, ut optime ratiocinantur citati Auctores, aut te-
stator credit hereditatem suam satis esse ad implenda sua vota, non obsta-
nte legato; aut non credit. Si credit hereditatem sufficere, & reipsa heredi-
tas non sufficit; iam legatum in hoc casu est contra illius voluntatem, &
consequenter nullum. Si prævidet hereditatem non sufficere, & nihilominus
legatum instituit; hæc institutio, seu promissio est de re illicita, & subinde
nulla. Si autem hereditas sufficiens est ad vota realia solvenda, & res Deo
adpromissa, fuerit in manu legatarii, concedenda erit, inquit Sanchez, æstima-

tio rei ipsi legatario, & heres pretium solvet eidem, ut res promissa Deo reddatur.

XXXII. Quæst. XXII. *Quando Princeps ob perduellionis crimen mortis pœna plebis vocentem, eiusque bona fisco addicit, tenetur ne Princeps, seu fiscus vota realia vocentis solvere?* Resp. Adfirmans responsio iam ex dictis colligitur: quia hæc vota realia bona afficiunt. Fiscus capere tantum iure potest bona quæ sunt ipsius vocentis libera ab oneribus. Sicut ergo tenetur fiscus solvere debita realia, & legata; ita & realia vota rebellis damnati. Id quoque constat ex *L. Non possunt ff. de iur. ff. & L. Dicitur cod. Cum Glossa*. Communiter id docent Sanchez, Layman, Gobat, Sporer: & res per se patet.

C A P U T III.

De tempore quo votum implendum est.

PAUCIS expectam propositam quæstionem, tum quia facilis est resolutionis tum quia plura dicenda erunt de statu religioso. Nonnulla quæ sunt istius loci propria, sequentibus quæsitis resolventur.

II. Quæst. I. *Quando vovens tempus non assignavit pro voti executione, quo tempore illud implere debeat?* Resp. Dupliciter quis votum, ad tempus quod attinet, edere valet. Primo certum tempus constituendo pro executione; ut si voveas intra annum te ingressurum Religionem, ieiunium servaturum omnibus sextis feriis, & id genus similia. Et de hoc nulla est difficultas: nam patet voventem non teneri ad voti executionem, nisi adveniente tempore, seu infra tempus pro voti observatione definitum. Secundo emitte votum potest nullo temporis intervallò constituto; ut si voveat Religionem se ingressurum, eleemosynam se erogaturum. Et quando hoc modo votum emititur, tenetur vovens, quamprimum commode potest, illud implere. Hoc aperte traditur Deut. xxiii. *Cum votum voveris Domino Deo tuo, non tardabis reddere: quia requirit illud Dominus Deus tuus: & si moratus fueris, reputabitur tibi in peccatum*, Quod etiam inculcatur Eccles. v. *Si quid vovisti Deo, ne moreris reddere: displices enim ei infidelis, & stulta promissio*. Idque docent Doctores omnes. D. Thomas 2. 2. quæst. lxxxviii. artic. 3. ad 3. Sylvester verb. *Votum* 11. quæst. 11. & v. Armilla verb. *Votum* num. 16. Azorius Lib. XI. cap. xv. quæst. x. Sanchez Lib. IV. cap. xiv. numer. 5. Suarez Lib. IV. cap. xii. num. 6. Bonacina disput. iv. quæst. 11. punct. 5. s. l. Layman Lib. IV. tract. iv. cap. 111. num. 5. quæst. iv. Castropalaus tract. xv. disput. 1. punct. 13. Salmanticenses tractat. xvii. cap. 1. punct. 5. num. 128. Marín tract. ix. disp. 111. sec. 4. num. 123. & alii omnes, Ratio clara est: quia obliga-

tio

tio voti ex promissione Deo facta oritur. Promissio autem hæc statim obligat: cum enim nullum sit designatum tempus, si statim ac commode impleri potest, non obligaret; iam nullo tempore obligaret; cum maior ratio pro hoc, aut illo tempore assignari nequeat.

III. Quod tamen ita intelligendum est, nisi adsit rationalis causa differendi solutionem voti, qualis esset spes melius impofterum votum illud implendi; & non adsit periculum solutionem talem prætermittendi. Hoc colligitur ex *leg.* Quod dicimus *ff. de solutionibus*, ubi dicitur: *Statim solvere cum aliquo temperamento temporis intelligendum est.* In hac dilatione parvitas materiæ datur, quæ ex intentione voventis, aliisque circumstantiis arguenda est. Si vovisti te ingressurum Religionem quamprimum, potes aliquo congruo tempore differre, ut robustior evadas ad perferendos labores, & onera Religionis; quamvis raro id occurrat: quia auxilio Dei fretus quisque Religionem amplectitur, & tali instructus auxilio omnia pati valet. Differre etiam potes ingressum, donec iræ parentum sedatæ fuerint, ut eisdem pauperibus succurras, ut sororem matrimonio iungas. Prudenter tamen, & caute in his procedendum est, ut omnes admonent, ne scilicet periculum contingat non implendi votum. Illud etiam præ oculis habendum est, ea vota quæ temporis dilatione minuuntur, minus quoque differenda esse. Vota ingrediendi Religionem, inserviendi xenodochio, & similia temporis dilatione dicuntur minui: quia, quo plus differs executionem ingressus, aut servitutis, eo minus Deo, & xenodochio inservis. Ea vero quorum observatio non decrevit ob temporis dilationem, maius temporis spatium quoad executionem admittunt; ut sunt vota peregrinandi ad domum Lauretanam, erogandi in eleemosynam centum aureos, & id genus alia: quia, sive hoc, sive futuro anno ea exequaris, tantundem cultus Deo semper reddis illorum executione.

IV. Quæ autem temporis dilatio in votis quæ temporis dilatione minuuntur, satis sit ad constituendum peccatum mortale, non facile potest resolvi. Aliqui docent, trium annorum spatio differri posse Religionis ingressum: quæ opinio, necessitate sublata, certe nimis laxa est. Rationabilis videtur sententia Castropalai *trakt. xv. diff. 1. punct. 13. num. 7.* dilationem sex mensium ingrediendi Religionem, inserviendi xenodochio, esse quantitatem temporis notabilem. Sed id ex circumstantiis colligendum est. Quia, si dilatio secum adferat periculum prætermittendi executionem voti, minor temporis quantitas constituet culpam gravem; si nullum sit periculum, & aliquæ rationes, licet non adeo graves, occurrant, maior poterit esse sine gravi culpa dilatio. In summa iudicio prudentum id relinquendum est.

V. Quæst. II. An votum non impletum tempore designato, desinat obligare? Resp. Duobus modis votorum executionem tempore affigere vales. Primo, dum consti-

O ij tuis,

tuis, ne ultra definitum tempus executio voti differatur. Secundo; dum intentis infra determinatum tempus implere votum emissum. Si primò modo votum emittis, teneris, etiam elapso tempore designato, votum implere. V. g. si vovisti reddere Petro centum, quæ debes intra mensem, transacto mense, non extinguitur debitum implendi votum: quia tunc votum est absolutum, & temporis designatio est ad excitandam, seu maturandam voti observationem. Contra, si secundo modo vovisti, transacto tempore præfinito, voti extinguitur obligatio; sicuti extinguuntur præcepta ecclesiastica ieiunandi in vigiliis Sanctorum, quatuor temporum, audiendi Missam, & similia, quando statis diebus non implentur: quoniam in similibus votis, & præceptis tempus assignatur tamquam terminus obligationis. Quare, elapso termino, elabitur obligatio.

VI. Difficultas potius in eo vertitur, videlicet unde colligendum sit, votum illi ligari tempori, ita ut illo transacto extinguatur obligatio eiusdem, quando non constat de intentione voventis. Ad quod communiter respondent Auctores, tunc votum tempori affigi, tamquam termino infra quem compleri debeat executio, & ultra quem obligatio non extendatur, quando iuxta prudentum existimationem temporis circumstantia speciali devotione affecta est. V. g. vovisti ieiunare in vigilia alicuius Sancti: si præfato die non ieiunasti, non teneris amplius ad ieiunium. Idem dicunt alii, si vovisti ieiunare hoc mense omnibus sextis feriis in honorem passionis Christi, & omnibus sabbatis in obsequium B. Virginis: quia, inquiunt, vovisti ieiunare feriis sextis, & sabbatis istius mensis, non alterius. Sic docet Sanchez *Lib. IV. cap. XIV. num. 32.* Bonacina *disput. IV. quest. 11. punct. 5. num. 9.* Castropalaus *tract. XV. disp. 1. punct. 14. num. 3.* Sed ego, quando de voventis expressa intentione non constat, dicerem, probabilius esse, transacto mense, teneri voventem ieiunare sextis feriis, & sabbatis alterius mensis: quia omnia sabbata, omnes feriæ sextæ sunt eiusdem rationis per totum annum. Quapropter sextæ feriæ, & sabbata unius mensis non continent specialem cultum, neque peculiarem circumstantiam, quæ rectam fundet præsumptionem, voluisse voventem designare mensem illum tamquam terminum obligationis infra ipsum extinguendæ. Eo vel magis quod, ut dicatur talis diem esse principaliter præfinitum a vovente. Si enim minus principaliter sit appositus talis dies, certum est, elapso tali die, vel hebdomada, aut mense, votum adhuc implendum esse. V. g. vovisti ingredi Religionem in die alicuius Sancti ob specialem devotionem, qua erga eundem flagras: etiam si præfinito die non ingrediaris Religionem, adhuc teneris ad Religionis ingressum: quia non apposuisti diem illum tamquam motivum principale tui ingressus, sed tamquam aliquid minus principale, & ut quid excitans tuam devotionem, Certa tamen regula

la assignari non potest; sed intentio voventis consulenda est, & circumstantiæ examinandæ.

VII. Quando dubium est, num votum sit alligatum tempori tamquam termino obligationis finiendæ, ultra quem votum non obliget, an tamquam intervallo ad sollicitandam, maturandamve executionem, vel ipsi Probabilitatæ communiter decent; iudicandum esse, tempus appositum fuisse ad sollicitandam, non ad finiendam executionem voti; atque adeo elapso termino votum implendum esse tempore sequenti. Sanchez *Lib. IV. cap. XIV. num. 38.* Castropalaus *trakt. xv. punct. 14. num. 4.* Bonacina *disp. IV. quest. 11. punct. 5. §. 1. num. 14.* Salmanticenses *trakt. XVII. cap. 1. punct. 5. num. 132.* & alii communiter contra Dianam, de quo infra. Hinc, si votum alligatum est tempori, non ob illius specialem devotionem, sed ob utilitatem peculiarem voventis, alio tempore supplenda erit voti omisio; ut, si quis vovit octavo quoque die confiteri, ieiunare, vel aliud bonum opus peragere, ut victoriam tentationum reportet, & postea semel omisit, debet altera hebdomada supplere; quando potissimum vota perpetua non sunt: quia finis principalis vovendi permanens urget, neque cum tempore transiit. Si vero vota perpetua forent, cum tale quippiam qualibet hebdomada præstandum sit, similisque succedat obligatio, si vovens una hebdomada omisisset confessionem, aut ieiunium, non obligarem eum ut bis in sequenti hebdomada constitueretur, aut ieiunaret.

VIII. Quæ dicta sunt, æque de realibus, ac personalibus votis sunt accipienda; quando tamen constat de expressa intentione voventis. Nam etiam elemosyna fieri potest in honorem alicuius Sancti, in memoriam passionis Christi, ad B. Virginis cultum; atque adeo diebus sabbati, veneris &c. ita ut istis transactis obligatio cesset; quando tamen, ut dixi, colligi potest quod vovens ita se obligare voluerit. Ceterum, quando non constat de expressa voventis intentione, vota realia non alligari tempori, tamquam termino extinguendæ obligationis, dicendum est; sed in his votis communiter tempus ponitur, ut circumstantia sollicitans voti executionem; ac proinde, transacto illo tempore, adhuc obligatio voti urget, ut docet communis opinio. Sanchez *Lib. IV. cap. XIV. num. 36.* Vasquez 1. 2. *disp. cxlv. cap. 11.* Bonacina *disp. IV. punct. 5. §. 1. num. 10.* Castropalaus *trakt. xv. disp. 1. punct. 14. num. 6.* Salmanticenses *trakt. XVII. cap. 1. punct. 5. num. 131.* & alii.

IX. Quest. III. *An vovens teneatur prævenire tempus designatum pro voti obligatione?* Resp. Auctorum communissima sententia est, non teneri voventem anticipare executionem voti affixi tali diei, tamquam termino implendæ, & finiendæ obligationis: puta, si vovisti ieiunare in vigilia sancti Francisci; etsi postea prævidens illa die te servaturum non esse ieiunium, minime prævenire ieiunium

Tom. III.

O iij astring.

astringeris : quia obligatio voti non obligat ultra votantis intentionem . Quando autem vovens principaliter intendit cultum exhibere Deo, ieiunando determinate in vigilia talis Sancti, iam constat extra talem diem se noluisse ieiunio obstringere . Idque patet in pluribus præceptis ecclesiasticis . Non potes die dominico Missam audire , crastina die recitare horas canonicas , ieiunare in quadragesima ; non teneris anticipare istorum observantiam præceptorum . Si autem tempus definitum pro voti executione latitudinem admittat , ita ut non sit affixum uni diei , sed plures dies , aut hebdomadas , menses , vel annos comprehendat ; tunc , si prævideas in fine temporis designati pro executione voti te impeditum iri a voti observantia , teneris executionem anticipare intra illud temporis intervallum . V. g. vovisti te ieiunaturum ter singulis mensibus , ingressurum Religionem infra annum : si prævideas te non fore aptum ad implenda tua vota in termino intervalli temporis designati , puta in fine mensis , in fine anni ; teneris executionem anticipare : quia non prævenis tempus obligationis , sed tempus ineptum pro executione . Quod exemplo præceptorum Ecclesiæ confirmatur . Prævides impedimentum audiendi Missam circa meridiem ; teneris mane audire , seu anticipare auditionem : prævides impedimentum confitendi semel in fine anni ; teneris anticipare , ut omnes docent . D. Thomas in *IV. diff. xxxviii. quest. 1. artic. 3. questunc. 1. ad 7.* Suarez *Lib. IV. cap. xii. num. 7.* Bonacina *disput. iv. quest. 11. punct. 5. §. 1. num. 13.* Castropalaus *tract. xv. disp. 1. punct. 13. num. 3.* Reginaldus *Lib. XII. num. 236.* Leander *tract. 1. disp. xiv. quest. 11.* Salmanticenses *tract. xv. cap. 111. punct. 3. num. 34.*

X. Quæst. IV. *An qui vovit Deo , dare hospitali servum , si illum occiderit , teneatur alium substituere ?* Resp. Negant communiter Auctores , eo quod peccatum commissum contra votum , non sit contra iustitiam , quæ sola obligat ad restitutionem , sed dumtaxat contra religionem : & hac ratione resolvit hunc casum Tamburinus *Lib. III. cap. xvi. §. 2. num. 13.* Antonia vovit totam suam dotem Deo , simul ac eam recuperaverit ab heredibus defuncti mariti . Affecuta est dimidiam partem ; alteram mala fide donavit parentibus , licet Deo per votum dicatam . Non tenetur , ait ille , supplere ; sed solum contra votum peccavit . Certe , si iuris principia spectentur , sola iustitia , & quidem quæ commutans appellatur , ad restitutionem obligat . Ceterum vix aliquem absolverem eorum qui sua malitia subtrahunt victimas Deo immolatas , a debito tantumdem substituendi , si possent . Licet enim quæ sunt contra religionis virtutem , non obligent ad restitutionem ; attamen , quando vota realia sint , & victimæ fuerint Deo consecratae , dum Deo , & locis piis , aut pauperibus prava subtrahuntur voluntate vovens , talem præfert deformitatem , & iustitiæ cuiusdam læsionem , ut difficile appareat voventem sua iniquitate se a voti solutione liberare posse . Saltem hoc

• con-

consulendum esset, & sin ad supplendum votum, saltem in pœnitentiæ onus id imponere sacrilego violatori Confessarius deberet.

C A P U T IV.

De voto dubio. Quando votens dubius de voto implere illud debeat.

I. IN proposita quæstione plures excutiendæ difficultates continentur. Nam dubium multiplex esse potest in voti materia, Primo enim dubitare potes, emiseric ne votum, an non emiseric. Secundo, cum certus sis te illud emisisse, dubitare vales, an impleveris; dubitare insuper potes de quantitate rei voto promissæ. Celebrior controversia est inter Auctores, an, quando dubium est de ipsius voti emissionem, votens teneatur. Et resolutio quæstionis ex illo numquam satis deplorando Probabilissimi commento pendet. Ideo multa hic dicenda forent ad illum tractatum spectantia; quæ, Deo dante, pro dignitate, iuxta tamen exiguitatem nostram versabimur.

II. Antequam rem aggredior, præmittam fas est distinctionem dubii a levi suspitione, & scrupulo, seu dubio imprudenti. Igitur in præsentia sermo non est de dubio nulli probabili fundamento nixo; quod non verum dubium, sed imprudens anxii animi suspicio, seu scrupulus est; ideo reiiciendum esse omnes docent, Castropalaus, Leander, Salmanticenses, & alii Probabilistæ iam citandi hanc distinctionem hic omittunt, & absolute de dubio loquuntur; quod veræ sententiæ non levem constat invidiam. Cum enim plura inepta, & irrationabilia dubia mentem occupent, & conscientiam aliquorum delicatiorum hominum torqueant; lector minus peritus legens voyentem dubium de emissionem voti non teneri absolute, facillime sibi persuadet,

III. Nunc ergo non de dubiis inanibus, non de scrupulis, & suspitionibus, sed de vero dubio, quod, ob probabiles coniecturas in utramque partem, intellectum ita suspensum, & ancipitem relinquit, ut in neutram partem ferre sententiam valeat: de hoc, inquam, vero dubio controversia est inter recentiores. Porro docent, neminem teneri ad implendum votum de cuius emissionem votens dubitat, Sanchez *Lib. II. de matrim. disp. xli. num. 32.* & *Lib. I. Decal. cap. x. num. 11.* & *Lib. IV. cap. 1. num. 16.* Suarez *Tom. V. in III. P. disp. xl. sect. 6. num. 14.* Lopez *I. Part. instr. cap. xlv.* Henriquez *Lib. XI. cap. xi. num. 5.* Aegidius de Sacra. *disp. xxxiv. dub. 10. num. 86.* Malderus *1. 2. quæst. xix. art. 7. disp. lxxxvii.* Layman *Lib. II. tract. 1. cap. v. §. 4. num. 31.* Filiucius *tract. xxi. cap. iv. num. 165.* Delbene *tract. lxx. de consci. dub. 1. Martinez de Prado cap. xxxi. quæst. v. §. 1. Medina*

dina *Lib. I. cap. xiv. §. 7.* Sotus *Lib. VII. quæst. 111. art. 2.* Tamburinus *Lib. II. cap. 111. §. 7. ver. elemos. num. 2.* Diana *coordin. Tom. VIII. tract. iv. resol. 18.* Sporer *tract. 1. præm. cap. 1. sec. 4. num. 84.* Salmanticenses *tract. xvii. cap. 1. punct. 6. §. 2. num. 143.* & communiter Probabilistæ omnes, ianixi illi principio: *Melior est conditio possidentis.* Vovens est in possessione suæ libertatis adversus votum; cum certum sit hominem esse liberum, dubium vero num se voto astrinxerit.

IV. Contrariam sententiam tuentur omnes fere antiqui Theologi, & ex recentioribus item omnes qui pium, iustumque bellum Probabilissimo indixerunt. Primo aliqua Sanctorum testimonia promam. D. Thomas conceptis verbis docet, in voto dubio tutiorem partem esse eligendam. In IV. dist. xxxvii. quæst. 1. art. 3. quæst. 1. ad 3. *Si autem dubitet quomodo in votendo se habuerit, debet tutiorem viam eligere, ne se discrimini committat.* D. Antoninus II. Part. tit. xi. cap. 11. ante §. 1. *Nota sexto. Si autem dubitamus, utrum intenderint se obligare, tutius est, quod impleant secundum Thomam.* Item §. 10. in fin. *In tertio autem casu, quando est dubius, utrum possit, vel non possit, dicendum, quod talis vovens illud ieiunium quod non potest implere, tenetur in alium diem prolongare, aut in aliud bonum commutare.* Cuius ratio est, quia existens in dubio, an transgrediatur votum, & per consequens peccet mortaliter, tenetur se ponere in tuto, ut scilicet votum non transgrediatur. Porro sancti isti Doctores suam sententiam eruunt ex sacris canonibus. Nam Eugenius I. in cap. Invenies 3. de spons. & matr. *Lib. IV. m. 1.* hæc decernit. *In his que dubia sunt, quod certius existimamus, tenere debemus.* Et Innocentius III. in cap. Illud de Cleric. excom. *In dubiis via eligenda est tutior.* Et Clemens III. in cap. Ad audientiam xii. de homicidio volunt, vel casual. inquit: *Cum in dubiis sententiam debeamus eligere tutiorem.* His Patribus concinunt antiquiores fere omnes Theologi, Summæ Rosella, Tabiena, Pisarella, Sylvestrina, Armilla, quorum textus, cum de dubio agemus, ipsorum verbis conceptis dabimus, omnes enim in fonte legimus. Nunc ex recentioribus aliquos indicabo. Vasquez 1. 2. quæst. xiiii. art. 6. disp. lxxv. cap. 111. & disp. lxxvi. cap. 1. Azorius *Lib. XI. cap. xv. quæst. 11. & Lib. II. cap. xviii. quæst. iv.* Salas 1. 2. quæst. xxi. tract. viii. disp. unic. sec. 17. num. 162. Sayrus in *Clav. Reg. Lib. I. cap. xii. num. 9. & 36.* Luyfius Turrianus 2. 2. Tom. II. disp. lxxiv. quæst. xi. num. 6. Basilus de matr. *Lib. X. cap. xv. num. 3.* Peræ in *Laur. Salm. certam. x. dub. 2.* Montefinos 1. 2. disp. xxi. quæst. iv. §. 3. num. 111. Petrus Corneo in 1. 2. D. Thom. tract. viii. quæst. xix. disp. iv. dub. 2. num. 2. & dub. 3. num. 6. Genet tract. 11. de prim. præc. Decal. quæst. xviii. Pontas verb. *Votum cas. 2.* Natalis Alexander *Lib. IV. art. 12. regul. 16.* Antoine tract. de virtut. Relig. cap. 111. quæst. v. & ceteri omnes Probabilioristæ.

V. Ratio istius opinionis tota nititur sacris canonibus, præcipientibus tutiorem in dubiis eligendam esse sententiam. Quid quod ipsum naturæ rationalis lumen in omni-

omnibus negotiis cuiusque generis, quæ aut sanitatem corporalem assequendam, aut damna temporalia vitanda, aut bona comparanda spectant, tutiora in dubiis amplectenda prescribit?

VI. Respondent Salmanticenses, & communiter Probabilistæ, sacros canones, D. Thomam, aliosque Doctores intelligendos esse de dubio practico, secus de speculativo. Lepida sane, & subtilissima responsio. Quid est, amabo te, hoc dubium speculativum? Canones, & recensiti Doctores loquuntur de dubio facti, scilicet emisseris nec ne votum. Quid hic speculationis? Loquuntur de conscientia dubia, quæ pro asserenda emissionem voti habet probabiles rationes, & rationes æquales habet pro neganda voti emissionem; & idcirco dubia dicitur, quia in neutram partem valet ferre sententiam. Si dubium istud speculativum appellas, eo quod mens meditetur istas rationes & coniecturas, easque severe excutiat; omnia dubia erunt speculativa. Dubium practicum forte intelligunt illud quod, dum agendum est, occurrit: quia tunc operans dubitat practice, quando, dum operatur, dubitat. Sed hæc speculatio vana, & perridicula est: quia semper operans dubitet oportet, dum agit, quoties intellectus ob æquales in utramque partem rationes anceps hæret.

VII. Falleris, inquiunt. Dantur namque principia quibus dubium illud deponatur, & formetur dictamen quod *practice practicum* appellatur. Hoc autem dictamine, quod etiam *reflexum* nuncupatur, cuiuscumque dubitationis nubes exfufflantur. Equænam sunt, quæso te, eiusmodi principia, quæ dubio pulso moralem inducant certitudinem? Sunt, inquiunt, in fundo libertatis humanæ recondita, quæ de sua possessione detrudi nequit, nisi per certitudinem: quoniam *possidentis conditio melior est*. At regna isthæc solius iustitiæ dubiis favet, ad evitandas, lites dissidia, confusionemque in civili societate, quemadmodum Iuristæ, & canones, & Doctores ipsi explicant. In ceteris autem dubiis regula illa minime tenet, & potissimum in negotio æternæ salutis, quod vitæ humanæ, nedum libertati, præferendum est. Verum de hoc commento plurima suo loco. Satis nunc sit de solo voto dubio veram dixisse sententiam.

VIII. Illud solum indicabo, quod Salmanticenses *loc. cit. num. 144.* ex Diana, Trullencho, Palao, ceterisque Probabilistis eo laxitatis prolapsi sunt, ut docuerint, voventem liberum esse a voto, etiamsi dubitans magis in voti favorem propendeat: *quia fortiores rationes habet pro hac parte: quia licet pro voto fortiores urgeant rationes, si tamen non sunt adeo efficaces, ut illius partis certum assensum generent, sed adhuc rem dubiam relinquunt, certa alterius partis possessio huic inæqualitati debet præponderare, & pro illa iudicium prudens sententiam ferre.*

IX. Duo hic perpendas velim. Primum est, ipsis fatentibus adverlariis, sermonem esse de dubio, non levi, inani, scrupulis, & ineptis coniecturis fundato, sed gra-

gravibus nixo rationibus pro parte utraque. Secundum, est, in recensita doctrina, totum latitare mortiferum illud Probabilismi virus. Etiam dum pro voti emissionem urgent validiores rationes, dubitans liber erit a voto? Indubitate. Cur? Quia certa libertatis possessio, non per rationes robustiores, & fortiores, sed solum per rationes evidentissimas, invictissimasque de loco dimoveri potest. Sed dicito, quæso, primum omnium: istæ fortiores rationes inducunt ne dubium practicum, an speculative? Fortius utique inclinant intellectum in favorem voti. Erit igitur dubium practicum directum, sed non reflexum. Nihil pro evangelica morum integritate nitidius, nihil significantius. Deinde quo fundamento asseris, ius libertatis humanæ in dubia contentione præscribere contra ius sive naturale, sive divinum? Prius namque est ius naturale, & divinum quam libertas voventis; immo libertas voventis nascitur subdita iuri naturali, & divino, quod in obligatione solvendi votum emicat. Ita est, inquis, quando reapse datur hoc ius divinum. Quando autem dubito de voto emisso, dubito, an hoc ius divinum sit nec ne: & ex alia parte certus sum me liberum fuisse ante voti emissionem ab hoc iure. Hoc scilicet est quod quærimus. Cur volunt, dum ad rationis tribunal contendunt ius divinum adversus libertatem, & libertas adversus ius divinum, ut sententia pro libertate ferri debeat, etiam quando fortiores rationes pro iure divino urgent? Leges quidem humanæ ad tollenda iurgia, lites, & innumera alia mala regulam statuerunt, in fundorum possessione meliorem esse possidentis conditionem. At quoniam sanctarum Scripturarum liber, quodnam Concilium, quodnam ecclesiasticum decretum aliquem canonem edidit quo statuatur, in rebus ad æternæ salutis negotium pertinentibus meliorem esse conditionem libertatis humanæ possidentis adversus ius divinum, quando dubia, seu lites occurrunt in utramque partem? immo tunc etiam quando fortiores rationes urgent pro voto, seu iure divino? Adferant vel unam Scripturam, aut unum Concilium, vel aliquem Patrem, vel aliquem eximii nominis, & auctoritatis Doctorem, qui ante sæculum quintumdecimum docuerit, in dubiis in quibus agitur de peccato mortali, meliorem esse conditionem possidentis libertatis humanæ. Nos contra ex Scripturis, canonibus, & Patribus evincimus, in viis dubiis tutiorem esse eligendam, dimittendaque incerta, cum certa occurrunt. At, ut ad incitas adversarios redigam, sit vera etiam in nostro casu illa regula, *Melior est conditio possidentis*. Lex naturalis, seu divina est ipsa voluntas Dei, seu Deus ipse. Deus est primus possessor. Voluntas, seu libertas nascitur subdita Deo. Ergo, quoties dubium est de possessione, possessio stat pro Deo. Ergo melior est conditio possidentis Dei per suam legem. Vide Historiam nostram de Probabilismo, & Rigorismo Tom. II. diss. 111. ubi fusc hoc argumentum explicuimus. Sed de his plura sede sua.

X. Quæst. I. *An certus de voto, & dubius de executione, teneatur ad executionem?*

nem? Resp. Adfirmanter respondent communiter vel ipsi Probabilistæ quos num. 3. allegavimus: quia, inquit, tunc possessio voti emissi certa est, executio dubia: ergo possessio stat pro voto. Sic docent, ut dixi, Sanchez, Filliucius, Diana, Castropalaus, Leander, Salmanticenses, & alii fere omnes. Nos addimus nostram rationem erutam ex Patribus, quod in dubiis pars tutior sit eligenda.

XI. Quæst. II. *An dubitans de quantitate rei promissæ, scilicet centum ne, an quinquaginta voverit, teneatur reddere centum?* Resp. Negant communiter Probabilistæ, ut Salmanticenses cum aliis citatis. Inquiunt enim: Si dubitas, voveris ne centum, an quinquaginta; teneris ad quinquaginta tantum: si dubitas, perpetuum ne votum sit, an ad annum; non teneris nisi ad annum: si scis te promississe ingressum in Religionem, & dubitas, an laxiorem, vel strictiorem promiseris; non teneris nisi ad laxiorem: quia obligatio est odiosa, debetque in benigniorem partem interpretari, itaut minus obliget.

XII. Contrariam sententiam, quam amplectimur, tuentur Theologi allegati supra num. 4. & insuper Navarrus *Lib. III. Conf. tit. de voto consil. 20. alias 18.* illo principio firmissimo nixi, quod in dubiis tutior pars sit eligenda. Ratio vero, quod obligatio sit odiosa, quod iura in benigniorem partem sint interpretanda, est minus evangelicæ legi consentanea in sensu Probabilistarum. Quia iura interpretanda sunt, potissimum naturalia, & divina, in benigniorem partem relate ad animam, non ad carnem, & appetitiones humanas. Respectu animæ autem benignior interpretatio ea est quæ in tuto eamdem collocat, & per securiorem viam ad æternæ salutis portum eam ducit; secus illa interpretatio, quæ, ut habenas laxet longiores, atque a suavissimo evangelicæ legis iugo liberiorem illam reddat, æterni exiti periculis eam exponit. Tenetur ergo vovens in exposito casu, vel reddere centum, vel castitatem perpetuam servare, ut tutiorem viam amplectatur: & idem dicito ob eamdem rationem de aliis similibus casibus, in quibus dubitatur de voti quantitate, qualitate, vel perpetuitate. Aliquos tamen proponam, ut clariorem notitiam assequaris.

XIII. Quæst. III. *An qui vovit dare Ecclesiæ calicem, dubitat vero, cuius materie, argenteæ ne, an aureæ calicem promiserit, teneatur dare aureum calicem, vel argenteum?* Resp. Leander tamquam probabilem opinionem docet *tract. 1. disp. xlii. quæst. ix.* satis futurum in tali casu reddere calicem ex ære, aut cupro inaurato: quia etiam eiusmodi est aptus cultui divino. De more Auctor iste laxioribus semper adhæret. Communissima sententia sustinet, reddendum esse calicem aureum, vel argenteum, excluso ære, vel cupro. Hoc solum discrimen est inter istos Auctores, quod aliqui, ut Diana, Delbene, Trullenchus, asserunt, satis esse cupam esse argenteam; reliquum vero ex ære, vel cupro. Verum in hac interpretatione

tione mos spectandus est illius Ecclesiæ, cui calix promissus est. Si enim communiter calices illius Ecclesiæ sint aurei, vel argentei, offerendus est calix aureus, aut argenteus, excluso ære, vel cupro. Sic docent Azorius *Lib. II. cap. xx. quest. x.* Bonacina *disp. IV. quest. 11. punct. 6. num. 18.* Villalobos *II. P. tract. xxxiv. diff. 34. num. 37.* Et est probabilior opinio.

XIV. Quest. IV. *An qui vovit se non accessurum ad feminam, dubitat vero de accessu fornicario, an coniugali, teneatur solum abstinere a fornicario concubitu?* Resp. A solo fornicario accessu abstinendum illi fore, docet Leander *loc. cit. quest. xi.* & allegat Sanchez, Delbene cum aliis: idque probabilius iudicat ob principium illud, Possessio stat pro libertate. Verum hoc abutitur principio etiam iuxta Probabilitas. Quoniam vovens certus est de voto. Ergo iuxta eodẽ Probabilitas præsumendum est, editum fuisse votum iuxta naturam sui actus. Porro natura, seu notio essentialis voti est, quod sit de iis quæ cadunt sub consiliis, seu de materia libera; licet etiam de necessaria esse possit, prout supra ex D. Thoma explicuimus. Porro abstinencia ab accessu coniugali est de consilio, a fornicario vero est de præcepto. Ergo votum præsumatur excludit accessum tum uxorium, tum fornicarium. Et colligitur ex cap. Cum dilecti de donat.

XV. Quest. V. *An qui dubitat, utrum emiserit votum ante septennium, seu perfectum usum rationis, teneatur votum servare?* Resp. Negat Sotus *Lib. VII. quest. 111. art. 2.* ubi obiter hoc dubium tractat, cui subscribunt Palaus, Delbene, Leander, qui tamen ait, contrariam sententiam esse probabilissimam. Mirum quod non pronuntiaverit eam minus probabilem. Dicimus ergo ad votum teneri: & hæc opinio communior est, quam defendunt Sanchez *Lib. IV. cap. 1. num. 14.* Luysius Turrianus in *opusc. x. disp. 1. dub. 2.* Suarez *Lib. IV. cap. vi. num. 10.* Faustus *tract. de Relig. Lib. I. quest. xxvi.* Malderus 2. 2. *tract. x. cap. 1. dub. 5.* & alii plures. Quoniam constat de voti emissionem, & excusatio dubia est. Deinde etiam quia ante septennium, seu ante rationis usum, paucissimi sunt qui vota emittant. Ergo, si votum emissum fuit, præsumendum est completo rationis usu illud emissum fuisse.

XVI. Quest. VI. *An certus de promissione, & dubius de animo se obligandi, teneatur ad votum implendum?* Resp. Licet Angelus neget ver. Iuram. 5. num. 10. cum uno aut altero Casuista; tamen communis, & certa, vel inter ipsos Probabilistas, sententia tenet, votum validum esse: tum quia verba extrinsecus prolata signa sunt intentionis; nec quisquam præsumitur dicere quod non sentit: tum quia, probato facto, præsumitur, omnia intervenisse quæ factum tale naturaliter comitantur. Hinc probata professione, præsumitur profitentem habuisse legitimam ætatem: & neganti incumbit probatio.

XVII. Quest. VII. *An qui votum metu extortum emisit, præsumi debeat in casu dubio*

dubio non habuisse intentionem se se obligandi ? Resp. Adfirmant non pauci apud Sanchez *Lib. I. de matr. disp. ix. num. 12.* Sed communissima sententia sustinet ; præsumendum esse talem voventem animum habuisse se se obligandi : quia præsumere simulationem in vovente, vel iurante est præsumptio de delicto. Nemo autem præsumendus est criminis reus, nisi probetur. Quare magis faves voventi, si illum præsumas voto obnoxium, quam si a voto eum absolvas : quia a voto solvere nequis, nisi iudices ipsum peccasse. Ita docent Sanchez, Suarez, Palaus, Delbene, Fagundez, Bonacina, Trullenchus, Leander, Salmanticenses, & alii communiter.

XVIII. Quæst. VIII. *An, si vovens dubitet, utrum in præfato eventu verborum amphibolia, aut mentis restrictione usus fuerit, obnoxius sit voto, vel iuramento* ? Resp. Non tenere votum in hoc casu, adfirmat Suarez *Lib. II. cap. xxxiii. num. 6.* cui sub scribunt Palaus, Leander, Fagundez, Delbene. Quia, inquit, hoc modo non præsumitur delictum commississe ; sed præsumitur habuisse sufficientem causam prudentis dissimulationis. Addunt tamen, necessarium esse voventem novisse modos æquivocationis, & amphiboliæ, ut cum fundamento dubitare valeat se tali usum fuisse locutione. Verum, hac reiecta opinione, dicimus voventem teneri voto etiam in hoc casu : tum quia in dubiis tutior eligenda pars est ; tum quia nemo præsumendus est ambigue locutus, nisi rationes occurrant quibus id probetur.

XIX. Quæst. IX. *An qui dubitat, num votum emisit tempore somni, aut ebrietatis, aut phrenesis, præsumendus sit tempore sanæ mentis votum suum edidisse* ? Resp. Leander *trakt. i. disp. xliii. quæst. xix.* docet, voventem qui vere dubitat, an in dictis circumstantiis voverit, liberum esse a voto : quia tunc, inquit, vere dubitatur, an sit votum, aut iuramentum, sive promissio, cum dubitetur de aliquo essentialiter requisito ad voti naturam : in dubio autem favendum est libertati. Hæc opinio falsa, & laxa præter modum est. Ideo, ea reiecta, cum communi sententia dicendum est, præfatum voventem obnoxium voto esse : quia ex communiter contingentibus præsumptio colligenda est. Rarissime autem accidit homines in ebrietate, somno, & phrenesi vota emittere. Præterquam quod in dubiis tutior pars præferenda est. Quid, si quis certus sit se votum emisisse tempore somni, vel ebrietatis ; dubitet vero, an fuerit plenus somnus, & plena ebrietas, aut phrenesis talis quæ tollat libertatem necessariam ad votum validum ? Respondet Leander *loc. cit. quæst. xx.* absolute voventem non teneri voto. Sed distinguendum est. Absolute loquendo præsumptio stat pro vovente ; cum certus sit de somno, & ebrietate, aut phrenesi : ideo dubium, tamquam ineptum, & nullo valido fundamento nixum, reiiciendum est ; sicuti dicitur de pollutione nocturna, quæ non præsumitur communiter habita eum pleno consensu necessario ad peccatum mortale. Quando vero tales occurrerent rationes quæ non sinerent du

dubium prudenter deponi, tunc urgeret regula : In dubiis tutior pars est eligenda.

XX. Quæst. X. *An iratus, vel perturbatus emittens votum, si postea dubitet se habuisse necessarium usum rationis, teneatur voto, potissimum si, sedata iracundia, ipsum emissi voti pœnituerit?* Resp. D. Antoninus versat hanc quæstionem de votis editis ab hominibus iratis II. P. tit. XI. cap. 11. ante §. 1. *Vota autem quæ sunt a mulieribus in partu, vel infirmitate, vel virorum in quibuscumque angustiis, propriis, vel suorum, aut perturbatione, si habuerint tales intentionem obligandi se Deo, cogitantes etiam de causa quæ movebat eos ad votendum, scilicet infirmitate, vel periculo, & de fine, scilicet evasione periculi, propter quod evitandum volebant, tenenda sunt.* Idem Thomas. Si autem dubitant, utrum intenderint se obligare, tutius est quod impleant, secundum Thomam. Item nota, quod qui iratus patri, vel magistro, vel bene potatus vovet, vel iurat intrare Religionem, quod non tenetur : quia quod calore iracundiæ fit, pro non factò haberi debet; quod verum est, si sic fit subito, quod non fecisset per deliberationem, & sententiam rationis, quæ non requirit magnam moram temporis. Sed quando sciens quid iurat, vel vovet, hoc agit, tenetur; nisi cum eo dispensetur ratione minus plenæ deliberationis. Sicut enim qui calore concupiscentiæ inflammatus, aut bene potatus, non tamen ebrius, iurat uxorem ducere, compellitur eam ducere, nisi omnino ebrius esset. Confirmatur quod dictum est per sequentem rationem. Sicut enim requiritur deliberatio ad votum, sic ad peccatum mortale; & tamen licet iratus, aut potatus occidat hominem, excusatur a tanto, sed non a toto, quin sit mortale, ex quo sic non fuit ex se, quin sciret quod faceret; licet tamen postea pœniteat se fecisse : quia esse statim pœnitentem de peccato, bene arguit quod illud non sit factum ex habitu; sed non arguit quod non sit factum ex electione, licet passione turbante iudicium rationis. Illa ergo deliberatio temporis, vel ætatis, quæ sufficeret ad obligandum diabolo per peccatum mortale, sufficit ad obligandum Deo per votum. Itaque raro contingit iram, aliamque perturbationem ita obnubilare rationem, ut auferat libertatem necessariam, & sufficientem ad peccandum, atque adeo ad votendum. In dubio ergo sufficientis deliberationis præsumendum est fuisse libertatem necessariam. Quod si dubium deponi nequeat, tunc servetur regula : In dubio tutior pars eligenda est. Quod spectat secundam quæstionis partem, communiter Auctores docent, pœnitudinem consequentem emissionem voti non esse argumentum insufficientis deliberationis : siquidem non raro contingit etiam eorum quæ magna cum deliberatione gesserunt, homines pœnitere. Solum ergo ex ira, seu perturbatione comitante votum, ex pœnitentia consequente, aliisque coniecturis colligi interdum potest, voventem non fuisse perfecte sui compotem, prout communiter statuunt Auctores.

XXI. Quæst. XI. *An dum quis dubitat materiam voti esse inhonestam, aut malam,*

te-

tenetur servare votum? Resp. Negant communiter Auctores. Rationem proferunt Salmanticenses num. 147. quia votum nondum possidet, cum dubitetur de eo quod est necessarium ad eiusdem essentiam. Sed hæc ratio *possessionis* hic futilis est. Igitur non tenetur servare votum dubitans de materiæ pravitate, vel inhonestate, quia peccaret illud servando. Peccat namque quicumque opus aggreditur de quo dubitat, bonum ne sit, an malum.

XXII. Quæst. XII. *An in voto conditionali dubitans de conditione, tenetur votum implere?* Resp. Negant Salmanticenses *tract.* xvii. *cap.* 1. *punct.* 6. *§.* 2. num. 145. ob illam toties reiectam fallacem regulam, quod votum non possidet, usque dum conditio impleta fuerit. Porro, cum dubitatur de conditione, dubitatur de voto. Votum autem dubium non obligat. Nos contra dicimus, in dubiis tutiorem partem esse eligendam; adeoque præfatum dubitantem voto obnoxium esse eo modo quo voto astringitur qui dubitat de ipso voto.

C A P U T V.

Quomodo interpretanda sunt vota indeterminata.

I. **V**ariis modis votum indeterminatum esse potest: nempe 1. quoad tempus, ut si voveas ieiunium, nullo præfinito die: vel 2. quoad quantitatem, ut si voveas eleemosynam, nulla definita quantitate: vel 3. quoad qualitatem, ut si promittas Ecclesiæ vas aliquod, non determinando aureum, aut æneum, aut argenteum: vel tandem quoad numerum, ut si plures res voveas, quin determines istam, vel illam; quod variis modis accidere potest, de quibus infra circa votum indefinitum. Quantum ad tempus dictum est supra. Assignandæ nunc sunt quædam regulæ generales iuxta quas fieri debeat votorum interpretatio: deinde resolvendi plures casus de votis indeterminatis quoad quantitatem, & qualitatem. Sit ergo

P R I M A R E G U L A.

II. Votum interpretandum est secundum intentionem votentis: & si de tali intentione non constet; interpretandum est in benigniorem partem; ita ut, quando datur locus prudenti præsumptioni, iudicandum mitius sit, & in favorem votentis: obligatio namque odiosa est; & ideo, salva verborum proprietate, & votentis intentione, restringenda est, quoad fieri potest. Neque hinc sequitur quod in dubiis laxior pars eligenda sit, & in favorem possidentis libertatis decidendum; sed solum colligitur quod dubia facilius reiicienda sint, dum occurrunt in hac

ma-

materia. Ceterum, si omnibus severe expensis graves prudentesque rationes mentem dubiam relinquunt, tunc semper tutior pars eligenda erit, ut dictum est supra.

III. Quæst. *An votum indefinitum tum quoad quantitatem, tum quoad qualitatem, validum sit?* Resp. Antequam ultra progredior, placet hanc resolvere difficultatem. Nam quod est tum in quantitate, tum in qualitate indefinitum, non potest executioni committi. Hinc in *leg. Qui triticum, leg. Qui insulam, & leg. Ita stipulatus ff. de verb. obligat. & leg. legat.* Generaliter *ff. de leg. 1. vitiatur legatum ob incertitudinem rei promissæ.* Ergo idem dicendum de voto. Quamobrem sustinent nonnulli, votum rei indeterminatæ tum quoad quantitatem, tum quoad qualitatem, nullum esse.

IV. Communis tamen sententia docet, votum istud validum esse: quia absolute est de re possibili, & honesta: & licet sub tali indifferentia executioni mandari nequeat, hæc tamen indifferentia a vovente tolli potest. Sic qui vovet Religionis ingressum, votum validum edit: quia vovens potest determinare hanc, aut illam. Quænam autem tunc quantitas, vel qualitas definienda sit, viri prudentis iudicio erit decernendum iuxta intentionem voventis. Quando vovens nullam omnino præfixit quantitatem, & qualitatem, illius solum erit determinare; quod prudenter, & circumstantiis inspectis, peragere debet; ita ut materia congrua, & apta voto sit. Et hæc sententia satis communis est. Eam propugnant Suarez *Lib. IV. cap. v. num. 15. concl. 4.* Sanchez *Lib. IV. cap. x. num. 3. & seq.* Castropalaus *trac. xv. disp. 1. punct. 12. num. 23.* Marin. *trac. ix. disp. 111. sec. 2. num. 78.* & plures alii. Ad id quod ex iure civili opponunt, communiter respondetur, præfatas leges comprehendere dumtaxat civiles promissiones, nullo vero modo spiritualia promissa, & vota, quæ iure canonico non declarantur nulla, sed ad prudens arbitrium voventis, aut alterius probi viri determinanda remittuntur.

S E C U N D A R E G U L A.

V. Votum restringendum est iuxta naturam actus, aut contractus supra quem cadit. Si materia, seu contractus voto subiectus, conditionibus, restrictionibus, limitationibus iure, consuetudine, vel lege coarctatus est, eisdem omnibus item obnoxium votum esse intelligitur. Quoniam tunc votum est quodammodo accessorium rei promissæ, quam liberare nequit a conditionibus illis ab auctoritate legitima impositis. Hæc regula communissima est, quam tradunt Sanchez *Lib. III. cap. xv. num. 13.* Lessius *Lib. II. cap. xli. dub. 4. num. 22.* Bonacina *disp. 14. quæst. 1. punct. 17.* Prado *cap. xxx. quæst. vi. num. 2.* Tamburinus *Lib. III. cap. 111. §. 4.* Suarez *Lib. II. de iur. cap. xxx. num. 2.* Salmanticenses *trac. xv. punct. 6. §. 3. num. 149.*

T E R.

TERTIA REGULA.

VI. Votum obligat, sicut & iuramentum, dum res promissæ in eodem statu permanent. Contra, si res mutatz fuerint, tunc obligatio cessat. Quandoquidem votum non obligat, nisi iuxta voventis intentionem. Quoties ergo tales occurrunt mutationes, quas, si ante votum emissum, vovens inspexisset, votum prudenter operando non edidisset; tunc votum non obligare voventem, dicendum est, nisi aliæ circumstantiæ oppositum suadeant. In quolibet enim voto tacita includitur conditio, nisi notabilis mutatio supervenerit. Hæc quoque regula communis est penes Auctores citatos. Nec propterea votum conditionatum, sed absolutum est: tunc enim votum conditionatum dicitur, quando conditio non est in ipsius voti natura veluti inserta, sed extrinsecus, & libere a vovente imposita. Duo tamen hic sunt observanda. Alterum est, quod hæc mutatio superveniens, ut voti obligationem tollat, debet esse gravissima, & manifesta; & quod non oriatur vel a natura ipsius voti, vel a malitia ipsius voventis. Si enim mutatio sita esset in gravi difficultate voventis, quam, dum votum emisit, non experiebatur; cuiusmodi gravis difficultas, proficiscens ex ipso vovente, non esset mutatio auferens obligationem voti. Alterum vero est, quod mutatio superveniens, quando gravissima, & manifesta non est, licet non tollat obligationem voti, sufficiens tamen causa esse potest impetrandi, & facilius obtinendi voti relaxationem.

QUARTA REGULA.

VII. Quando votum, aut iuramentum cedit in alterius detrimentum, restringendum est, ut alteri damnum non inferat: quia, quoties votum, vel iuramentum alteri nocet, illicitum est, nec valet ullo pacto obligare; ut colligitur *cap. Venientes, esp.* Cum tuis *de iure iurando*. Si iurasti fervare secretum alicui, non debes illud custodire, dum alteri nocet, ut de iuramento dicitur.

CAPUT VI.

Plures casus de votis indeterminatis quantum ad materie quantitatem, vel qualitatem resolvuntur.

I. Quoniam frequentissimi sunt votorum huiusmodi casus, ideo ad maiorem utilitatem, & facilitatem, post assignata principia generalia, quibus via ad eorundem solutionem aperitur, lubet singillatim casus omnes qui agitari a Casuistis communiter solent, ad examen inducere, & iuxta nostra principia eisdem resolvere. Nisi hæc a Casuistis in discrimen adducta fuissent, indicta præteriremus.

II. Quæst. I. *Qui vovit abstinentiam a vino, tenetur ne abstinere a cervisia, aliisque liquoribus e vino expressis?* Resp. Primo omnes conveniunt, hunc voventem debere abstinere tum a vino, tum ab efficaci desiderio bibendi vinum: nam votum quod actum prohibet, eadem ratione desiderium eiusdem actus vetat.

III. Quod attinet ad cervisiam, Caietanus 2. 2. quæst. cl. art. 1. docet, votum abstinendi a vino comprehendere etiam cervisiam, eo quod non secus ac vinum inebriat. Et certe, si vovens ideo vovit abstinentiam a vino, ut vitaret ebrietatem, cui indulgere solebat, æque a cervisia, ac a vino temperare sibi debet: quod & Sanchez *Lib. IV. cap. xi. num. 44.* verum reputat; quando tamen, addit ipse, votum absolute esset de vitanda ebrietate; & vinum in voto exprimeretur per modum exempli: secus, si intenderet evitare ebrietatem, & vinum non per modum exempli sumeret, sed tamquam medium ad finem: quia finis legis non cadit sub lege. Sed hæc mera speculatio est, vana, & arbitraria, quæ haudquaquam occurrit voventium mentibus. Ideo, illa reiecta, si voventis finis sit vitare ebrietatem, vera est sententia; si autem vovens vovit abstinentiam a vino, ut hac delectatione, & honesto gustu se privaret, Deoque offerret hanc suam poenitentiam; tunc sub vino non videtur comprehendi cervisia; licet etiam hæc habeat vim inebriandi. Liquores autem qui e vino extrahuntur, ut vinum crematum, & similia, proculdubio comprehenduntur sub vino; cum sint spiritus eiusdem vini. Quare nimis laxè P. La Croix *Lib. III. part. 1. num. 459.* asserit cum suo Gobat, posse voventem, licet intenderit in suo voto vitare ebrietatem, sumere alios quoscunque potus aptos ad inebriandum. Quando vovens vult evitare ebrietatem, & promittit abstinentiam a vino, quia iste est potus magis usualis, & aptior ad ebrietatem; & deinde cervisia, cremato, aliisque liquoribus æque ac vinum inebriandi efficaciam habentibus se se replet; votum il-

lius

lius irrisorium est. Quid refert quod usuali vino potius quam vino adusto inebrieris, quando reapse inebrieris? Quare qui intendit suo voto vitare ebrietatem, a potibus quibuscumque qui ebrietatem inducere possunt, abstinere debet. Immo ebrietas quæ procedit a potu vini adusti, vulgo *acquavite*, peior est, magisque mentem obnubilat quam illa quæ vini communis effectus est. Nonne eiusmodi aqua ardens, seu vinum adustum, est melior ipsius vini portio? Nonne omnes eiusdem vini spiritus, depositis sæcibus, in hoc vino adusto conservantur? Eiusmodi sane commentis eluduntur leges, non explicantur.

IV. Quæst. II. *Qui vovit abstinentiam a vino ob finem temperantiae, & ut se voluptate illius potus privet, peccaret ne mortaliter, si aliquid vini potaret?* Resp. P. Castropalaus docet, eum qui vovit abstinentiam a vino, tantum vini bibere debere, quantum bibere solet homo temperatus in uno prandio, ut peccet mortaliter. En illius verba tract. xv. disp. 1. punct. 12. num. 21. *Quid de voto abstinenti a vino? Obligat sub gravi culpa, ne bibatur in ea quantitate quæ vino temperate utentibus sufficeret pro una comestione.* P. Patritius Sporer referens hanc sententiam Castropalai tract. 111. in 11. præcep. Decal. cap. 11. sect. 3. §. 2. num. 86. pag. 238. hoc profert iudicium. *Certe nimis laxæ, etiam Germanorum sensu, Castropalaus requirit eam quantitatem quæ alicui viro temperate utenti sufficeret pro uno prandio.* Non solum P. Sporer absolute pronuntiat laxam hanc sententiam; sed addit, *etiam Germanorum sensu* laxam esse, atque adeo laxissimam. Dum hæc in P. Sporer legebam, quadam persusum admiratione me sensi; quæ tamen cito evanuit: quoniam sententiam quam hic nimis laxam appellat, postea in tractat. præm. cap. v. sec. 2. §. 4. in votis num. 30. pag. 73. eisdem omnino verbis adprobat, hoc solo discrimine, quod hic refert laudatam sententiam ex Sanchez, supra vero eam retulit ex Castropalao, non advertens bonus Germanus, quod Castropalaus eam sententiam totidem verbis exciperat ex Sanchez. En verba Sporer. „Quoad quantitatem vero vini potati certe admittenda est parvitas materię excusans a mortali, & quidem amplior quam in comestione carnis. Placet iudicium Sanchez Lib. IV. Moral. cap. xii. num. 21. ad mortalem transgressionem eiusmodi voti, vel iuramenti, requiri tantum vini potati, quantum in uno prandio sufficere posset pro potu communiter utentibus temperate vivens.” Fortasse plusculum ponderis habuit apud Sporer hæc sententia prolata a P. Sanchez, qui est unus ex suis Magistris, quam a P. Castropalao. Ut ut sit, quod semel nimis laxum, etiam Germanorum sensu, dixit, nunc ceu tutam conscientię regulam sibi placere testatur.

V. Tamburinus in Decal. Lib. III. cap. xv. §. 6. num. 15. nimis laxam pronuntiat sententiam Castropalai, & Sanchezii. Indicio Tamburini subscribitur. Marin. tract. ix. disp. 111. sec. 2. num. 71. Verum P. Claudius La Croix Lib. III. part. 1.

cap. 111. dub. 4. num. 464. laxam sententiam P. Sporer, Castropalai, Sanchezii, & Dianæ amplectitur.

VI. Fortasse lector mirabitur, me super re adeo levi crism exercuisse. Verum mirari desinet, si secum rem hanc paullulum reputabit. Animadvertat ergo, recensitam sententiam iuxta principia Probabilistarum probabilem esse: quia eam docent quinque, aut sex Theologi, quorum aliqui penes ipsos classici sunt, atque adeo sufficientes ad constituendam opinionem probabilem. Porro ex hac mirifica probabilitate en omnium ieiuniorum abolitionem. Quandoquidem, si voto abstinendi a vino ligatus tantum vini bibere debet ad peccandum mortaliter, eadem ratione ad transgrediendum votum non comedendi carnes, tantum carniū comedere debet, quantum homines temperate viventes comedere solent in uno prandio. Qua de causa, si quis infra quantitatem qua uti solent homines temperati, comedet, votum observabit; & eadem ratione observabit præceptum Ecclesiæ die veneris qui dimidiam partem quantitatis carniū illarum quas comedere temperate solet die iovis in prandio, comedet: & potiori iure ieiunia quadragesimalia servabit qui tertiam partem carniū esitabit illius quantitatis qua uti solet tempore bacchanaliorum: & plura alia absurda profliunt ex regula illa Sanchezii, Castropalai, Dianæ, & La Croix, quæ nunc misa facio. Et quamquam aliquod discrimen sit inter vinum & carnes; attamen; comparatione facta in dispari quantitate vini, & carniū, adhuc remanet quantitas carnis satis abundans. Nam ponamus, quatuor pocula esse potum temperatum unius prandii, & consequenter materiam necessariam ad peccatum contra votum: tria pocula, seu tres partes vini, erunt materia parva. In carniū comestura detrahimus tertiam partem, & dimidiam substituamus; quo facto, discrimen ablatum erit, par consequetur absurdum: scilicet, qui vovit abstinentiam a carniibus, si homo temperatus sit, comedatque duas libras carniū in uno prandio, poterit manducare ut minus unam libram tempore ieiunii aut sibi per votum impositi, aut ab Ecclesia præcepti.

VII. Astrictus voto non bibendi vinum, potest, si est Sacerdos, utramque abluionem sumere, & si est laicus, post communionem consuetam modicam quantitatem vini, ut omnes fatentur. Extra hos casus etiam dari parvitatem matoris, non est ambigendum. Tamburinus *loc. laud.* ait, se non damnare peccati mortalis eum qui semel biberet; secus qui bis, vel ter. Sed distinguendum est. Sunt enim quidam bibuli qui uno haustu amphoram absorbere solent. Isti semel bibentes, votum, aut præceptum violarent. Sed de his non loquitur Tamburinus. Qui semel unum ex consuetis poculis biberet, nec ego illum damnarem peccati mortalis. Dico solum, neminem voto, sive præcepto ligatum, qui morata sit conscientia, tali discrimini se commissurum. Quia certum est, voto ab-

sti;

stinendi a vino astrictum peccare, quoties absque necessitate, & sublato casu modo recensito, Sacerdotis videlicet celebrantis, bibit. Quantitas autem peccati, sicut quantitas materię, definitos non habet limites. Datur certe materię parvitas; & est parvi poculi medietas. At, si ultra pergas, Casuistarum disputationibus, & consequenter periculis te committis. Definitam enim, certamque mensuram gravis, aut parvę quantitatis nimis temere tibi aliqui Casuistę porrigunt.

VIII. Quęst. III. *An qui vovit ieiunare, astringatur ieiunio ecclesiastico?* Resp. Votum est lex privata, cuius mensura est lex communis, quando voventis intentio aliud non determinat. Tenetur ergo vovens eo modo ieiunare quo ieiunat, dum servat ecclesiasticum pręceptum ieiunii. Ita omnes. Ceterum in proposita quęstione plures alię continentur, quę singillatim sunt excutiendę.

IX. Quęst. IV. *An vi pręfati voti tenearis abstinere a lacticiis, saltem in quadagesima?* Negat Sanchez, & cum eodem Tamburinus *Lib. III. cap. xv. §. 6. num. 11.* & Leander *tract. 1. disp. xx. quęst. iv.* quia, inquit, satis probabile est quod pręceptum Ecclesię non obliget in quadagesima ad abstinentiam lacticiiniorum: Igitur, cum vovens se se obligaverit ad ieiunium servandum eo modo quo institutum est ab Ecclesia, non tenetur ab ovis, & lacticiis, nec in quadagesima, vi illius voti abstinere. Hęc opinio laxa mihi videtur, reciditque satis proxime in propositionem damnatam: *Non est evidens quod consuetudo non comedendi ova, & lacticia in quadagesima obliget.* Si secundum istos Auctores vovens ieiunium promittit iuxta normam ieiunii ecclesiastici; cum nunc certum sit ieiunium ecclesiasticum imponere abstinentiam a lacticiis; male asseritur, satis probabile esse, pręceptum ieiunii ecclesiastici non obligare ad abstinentiam lacticiiniorum. Nec iuvat reponere aliud esse pręceptum ieiunii, aliud pręceptum imponens abstinentiam a lacticiis; & ad illud, non ad istud, animum, qui vovit, intendere. Egregia hercle speculatio. Poterit ergo vovens ieiunium, carnes comedere: quia aliud omnino est pręceptum prohibens carnium elum ab eo quod ieiunium pręscribit. Sed mittamus plura congerere adversus opinionem quam celebriores Theologi improbant. Corduba *Sum. quęst. clxviii.* Ludovicus Lopez *II. Part. Instruđ. de ieiun.* Azorius *I. Part. Lib. VII. cap. x. quęst. 11.* & *Lib. XL cap. x. quęst. vi.* Suarez *Lib. IV. cap. vii. num. 9.* Castropalaus *disput. 1. punct. 12. num. 18.* & alii non pauci. Ratio autem est manifesta: quia quisquis ieiunium vovet, illud ieiunium promittit quod in Ecclesia catholica servatur; nisi oppositum expresse declaret. Sed ieiunium Ecclesię catholicę cum unica co-mestura coniungit in quadagesima abstinentiam a lacticiis. Ergo vovens ieiunium, more aliorum fidelium illud vi voti servare debet. Contra, in ieiuniis extra quadagesimam poterit ieiunare iuxta morem suę patrię. Si lacticiiniorum

consuetudo obtinet, eadem frui & ipse poterit; si contraria viguerit, eandem servare debet. Hæc est vera, & communis opinio, docens voventem debere ieiunare eo modo quo obligat ieiunium ecclesiasticum.

X. Quæst. V. *An vovens ieiunare, nullo præfinito dierum numero, satisfaciat voto unico die ieiunii?* Resp. Cum voti interpretatio iuxta communem regulam benigna, & in favorem voventis esse debeat, dico, unius diei ieiunio satisfacere voventem dicto voto indeterminato. Addo, votum non obligare, nisi secundum intentionem voventis. Porro, quoties vovens, dum votum edit, nihil determinat; hoc ius, quo poteratur definiendi certis limitibus votum suum, sibi reservat, ut valeat postea illam apponere determinationem quam dum emisit votum non adiecit. Est communis opinio.

XI. Quæst. VI. *An qui vovit plura ieiunia, satisfaciat bis ieiunando?* Resp. Adfirmant Sanchez, Leander, & Prado, eo quod numerus binarius pluralitatem importet. At, si proprietas verborum attendenda sit, vix reperietur significari pluralitatem per numerum binarium. Si quis diceret, Plura ille scelera perpetravit; plura gessit præclara facinora; plures milites misit; plura munera obtulit: quis sanæ mentis duo tantum ex his locutionibus intelligeret? Utrique duo non singularem, sed pluralem numerum constituunt, ut colligitur ex *reg. Pluralis de regul. iur. in 6.* Nihilominus iuxta & communem, & exactum loquendi modum, qui plura vovit, ultra numerum binarium illum vovisse præsumendum est. Nec de eiusmodi votis imprudentibus plura dicere expedit.

XII. Quæst. VII. *An qui vovit ieiunare per mensem integrum, teneatur etiam diebus dominicis servare ieiunium?* Resp. Adfirmant Layman *Lib. IV. tract. VII. cap. 11. num. 9.* ubi citat Bellarminum. Sed contraria opinio iuxta ea quæ dicta sunt, est probabilior, & mihi probabilissima. Si enim vovens, dum vovit ieiunare; illud ieiunium exequi tenetur quod præscribit Ecclesia: si, inquam, in ieiunii qualitate ad Ecclesiæ morem se se conformare debet: quidni & quoad tempus, quo Ecclesia expediens, & congruum ducit esse ieiunium? Quapropter si quis ad ieiunandum in vigilia alicuius Sancti se voto adstrinxisset, dum in diem dominicum vigilia talis incideret, anticipare ieiunium, illudque exequi die sabbati posset, ac deberet, ut communis tenet opinio. Ad maiorem tamen claritatem

XIII. Quæst. VIII. *An si quis voveret ieiunare die dominico, votum esset validum?* Resp. Negat Suarez *Lib. III. de voto cap. VII. num. 21.* quia Ecclesia catholica ab eiusmodi ieiunio voluit semper abstinere fideles ad improbandum morem veterum quorundam hæreticorum, qui diebus dominicis ieiunabant. In sententiam Suarez concedit Sanchez, aut nimium propendit, *Lib. II. Decal. cap. XXXVII. num. 13.* Sed distinguendum est. Si quis Catholicorum singulari pietatis studio ductus votum ederet ieiunandi diebus dominicis; cuiusdam superstitionis reus hic foret, & inde-

bito

bire cultu Deum coleret. Atque hoc intendere videntur Suarez, & Sanchez. Ceterum, si quis, ut carnem suam, & concupiscentiam validius perdomaret, & spiritui subigeret, voveret continuum ieiunium, continenter, etiam diebus dominicis omnibus, observandum; secluso scandalo, aut fidelium admiratione, validum foret, & prudens votum. Quot viri sancti continuum ieiunium, dominicis ipsis diebus inclusis, non servaverunt? Et hæc est communissima opinio, quam tradit D. Thomas in *IV. dist. xv. quest. 111. art. 3. quest. ult. 2. Lessius Lib. IV. cap. 11. dub. 9. Azorius Lib. VII. cap. xxv. quest. ult. Prado cap. xxxi. quest. 11. §. 8. a num. 107. Bonacina, Trullenchus, & alii. Si quis tamen singulis diebus comederet, quolibet pulso ieiunio; deinde voveret ieiunare omnibus diebus dominicis, & reapse ieiunaret: ego sane, tamquam superstitiosum ieiunatorem, hunc improbarem; nec video qua ratione simile defendi ieiunium possit. Nam exempla Sanctorum, non dominicis modo, sed singulis diebus, ieiunia ab ipsis servata produnt. Si enim quis cohibere appetitiones, & carnem consistare vellet; numquid opus haberet remedio ieiunii dominicis tantum diebus?*

XIV. Quæst. IX. *An qui vovit ieiunium in pane & aqua peragendum, votum violaret semel bibendo vinum; & an post unicum vini potum valeat absque voti transgressionem vinum sæpius bibere?* Resp. Iam ex iis quæ dicta sunt paullo superius, ad primam quæsitam partem responsio patet. Diximus enim, dari parvitatem materię in hoc, sicut in ceteris votis. Unde patet, eum qui semel parvulum vini poculum biberet, non fracturum votum talis ieiunii. Ad secundam partem respondet Sanchez *Lib. IV. cap. xi. num. 45.* posse illum sæpius bibere, eo quod sit impossibile ipsi amplius servare illam circumstantiam ieiunii voto promissi. Hæc opinio laxa est, & contraria sententia vera. Hanc defendit vel ipse P. Castropalaus *tract. xv. disp. 1. punct. 12.* quia abstinencia a vino est onus susceptum a vovente pro integro ieiunii die. Distinctio autem Tamburini, quod, si votum fuerit de abstinencia a vino, vera est sententia *Palai*; si autem fuerit de ieiunio in pane & aqua, vera est opinio *Sanchezii*: hæc, inquam, distinctio ex illis est quæ in mentem vorentium non veniunt, dum sua edunt vota. Quapropter eorum voluntas interpretanda est secundum id quod communiter evenire solet. Et quia homines, dum vovent ieiunium in pane & aqua, vovent abstinenciam per integrum diem a vino, aliisque cibis; ideo, cum nemo ex iniquitate sua commodum reportare debeat, non inferitur posse sine culpa per reliquum diei sæpius bibere vinum, qui semel bibisset votum violando.

XV. Quæst. X. *An qui vovit ieiunare in pane & aqua, possit comedere passillos, vulgo maccharones?* Resp. Tamburinus *Lib. III. Decal. cap. xv. §. 6. num. 20.* docet eum qui vovit ieiunium in pane & aqua, si comedat passillos esculentos, quos Itali *Maccharones*, & *vermicellos* appellant, violare ieiunium; potissimum si dum

coquuntur, infundatur parum olei, & amaraci aliquot frondes admisceantur: Quia qui vovent ieiunium in pane & aqua, communiter pane & aqua contentos se fore promittunt. Leander *tratl. 1. dif. xx. quæst. xvi.* concedit, licitum esse voventi comedere *pastillos*, & *vermicellos* sola aqua coctos; secus, si quidquam olei, vel frondium amaraci infusum, aut permixtum habeant. Hæ sunt ex illis quæstionibus quas Casuistæ excogitarunt, ut votorum observantiam delinirent, & ut languidis votorum observatoribus succurrerent. Sed, nugis missis, votum servandum est usu panis communis, & potu aquæ. Qui *vermicellos*, & *pastillos*, *pultem*, *polentamque* comederent, plus minusve ab exacta voti observatione recederent. Quando contingat, illos his cibis utentes peccare, vel non peccare mortaliter contra votum, absolute definiri nequit. Id solum dico, tamquam certissimum, deficiente pane, posse hominem tali voto obstrictum *pastillos*, *vermicellos*, *polentamque* edere.

XVI. Qui astrictus est voto ieiunandi in pane & aqua, si ob virium exilitatem nequiret se solo pane, & aqua sustentare, poterit vesci piscibus; & si neque cum his posset, utatur lacticiis: & si lacticia non sufficerent, adhibeat carnes; eamque partem ieiunii potissimum servet quæ suis viribus consentanea est. Si infirmus sit, iuxta ea quæ dicemus de ieiunii præcepto, liber omnino evadit: alio tamen tempore ieiunium implebit iuxta ea pariter quæ de ieiunio indeterminato ratione temporis sunt dicenda.

XVII. Quæst. XI. *An qui votum edidit ieiunandi omnibus sextis feriis, aut sabbatis per annum, teneatur etiam ieiunare, quando his diebus festum recurrit Nativitatis Domini?* Resp. Negant voventem teneri ad ieiunium die prælatæ solemnitatis plures Auctores, Molina *Tom. II. de iust. dif. cclxxi.* Azorius *Lib. XI. cap. xx. quæst. xxx.* Diana *I. Part. tratl. ix. ref. 5.* Tamburinus *Lib. III. cap. xv. §. 5. num. 13.* Sed communior, & mihi vera sententia, contrarium sustinet. Ratio istius sententiæ est manifesta, utpote innixa verbis ipsius *cap. fin. de observatione ieiunii*, ubi statuitur: *Qui nec voto, nec regulari observantia sunt adstricti, in sexta feria, si festum Nativitatis dominicæ die ipso venire contigerit, carnibus propter festi excellentiam vesci possunt secundum consuetudinem Ecclesiæ generalis.* Ecclesia ergo eos solos Christianos a carnium abstinentia, & ieiunii observatione eximit qui aut voto, aut regulari observantia ieiunio non sunt astricti. Sed, inquirunt, Ecclesia de illis sermonem habet qui expresse vovissent ieiunare in prælatæ solemnitate; secus de aliis. Hæc interpretatio arbitraria est, vana, & nulli vel fucato nixa fundamento: quia textus absolutus est, & universalis. Sed de hoc sermo recurret, cum præceptum ieiunii pertractabimus, a quo exemptos non esse patebit die Nativitatis Domini omnes illos qui regulari observantia astricti eidem sunt. Hanc sententiam docent P. Suarez *Lib. IV. cap. xx. num. 8.* Bonacina *disp. 14. quæst. 11. punct. 6. num.*

num. 9. Leander *tracl.* 11. *disp.* xx. *quæst.* xi. Salmanticenses *tracl.* xvii. *cap.* 1. *punct.* 6. §. 1. num. 139.

XVIII. Quæst. XII. *Quomodo obligetur qui fecit duo vota contraria, puta comedendi tantum panem die veneris, & non comedendi panem in vigilia alicuius Sancti, quæ quandoque incidit in eandem sextam feriam?* Resp. Sylvester *ver. Vot.* 2. *quæst.* xvi. ex D. Thoma respondet, quod, si utrumque est possibile, utrumque observari debet. Deinde, si ambo vota servari nequeunt; tunc dicit servandum esse quod melius, gratiusque Deo indicatur. Quod si ambo æqualia sint, tunc servandum est primum. Crederem tamen in recensito voto debere vorentem abstinere ab omni cibo, si vires stent, & infirmitas non obstat: quia emissum secundum votum non edendi panem, non pugnat absolute cum primo; sed maiorem addit abstinentiam, scilicet ab omni cibo. Si autem votum secundum esset edendi tantum pisces, & legumina, secluso pane; servandum foret primum votum, tum quia primum, tum quia perfectius.

XIX. Quæst. XIII. *An qui vovit recitare Rosarium, teneatur illud integrum recitare; & an satisfaciatur, si mentaliter tantum illud percurrat?* Resp. Quando de vorentis intentione non constat, qui vovet Rosarium, satisfacit, si tertiam partem recitet: quia communiter sic fideles Rosarium solent recitare. Et hæc est communis opinio. Quemadmodum etiam communiter docent Auctores, debere illud recitari vocaliter: quia hæc consueta est recitandi ratio. Quod si vovens soleret illud mente dumtaxat percurrere, dicunt Salmanticenses *punct.* 6. num. 136. tum votum impleri a vovente posse sola contemplatione: quin addunt, hoc fieri posse, etiamsi hanc consuetudinem vovens non habeat. Citant *Leandrum*, & *Castropalaum* pro eadem opinione. In utroque casu id ego reputo falsum: eo quod proprie, & essentialiter Rosarium duabus constat partibus, contemplatione videlicet mysteriorum vitæ, & passionis Christi Domini, & orationis dominicæ, atque angelicæ salutationis recitatione. Hæ sunt duæ partes hoc speciale pregandi genus constituentes, nempe Rosarium. Qui ergo Rosarium vovet, vovet illud Rosarium quod in Ecclesia communiter recitatur; sicut qui vovet ieiunium, ieiunium promittit ecclesiasticum, idest iuxta Ecclesiæ consuetudinem observandum, ut omnes fatentur. Rosarium igitur vocali oratione, & contemplatione mentali constat. Ergo Rosarium vovens non satisfacit voto sola mente Rosarium percurrendo. Quapropter nullo modo censeo probabilem sententiam *Leandri*, & *Salmanticensium* oppositum docentium. Satisfaceret autem vovens, si alternis Rosarium cum aliquo recitaret.

XX. Quæst. XIV. *An qui vovit audire Missam quotidie, satisfacit diebus sacris unam audiendo?* Resp. Communis sententia est, vorentem satisfacere voto unam tantum Missam audiendo diebus festis: quia rationalis vorentis intentio esse vi-

de-

detur, nullam se transigere diem velle quin Missam audiat. Immo, si quis voveret audire Missam in die festo, non præsumeretur aliam Missam vovisse præter illam ad quam ex præcepto tenetur. Nec obstat quod Confessarius imponens pœnitenti auditionem Missæ in die festo, non iniungat illam quæ est de præcepto, sed alteram: quia Confessarius, si solum illud sacrum quod ex præcepto audiendum esset, præciperet pœnitenti, nil pœnitentiæ eidem imposeret; cum tamen aliquid pœnitenti iniungere debeat iuxta criminum gravitatem. At vovens libere & spontanee votum edit: & quia rem præceptam vovere potest, ut diximus; hinc est quod, nisi expresserit se vovere duas Missas, satisfacit voto indeterminato unam audiendo. Si autem Confessarius iniungeret pœnitenti singulis diebus per annum audire sacrum; tunc, nisi contrarium ex circumstantiis constaret, satisfaceret pœnitens oneri sibi imposito a Confessario unum audiendo sacrum, etiam diebus festis: quia audiendo singulis diebus sacrum satisfacit oneri sibi a Confessario imposito. Nec verosimile apparet Confessarium tam longo tempore obligare pœnitentem velle diebus festis ad duo præcepta implenda. Tenetur autem vovens audire sacrum devote, & attente iuxta morem universalem fidelium, dum audiunt Missam, ut impleant præceptum.

XXI. Quæst. XV. *An puella quæ vovet virginitatem, teneatur eam servare post perpetratum primum actum turpem?* Resp. Adfirmant communiter Doctores: quia vovere virginitatem suapte natura perpetuitatem prodit, licet in voto non exprimitur. Secus, si vovens expresse intenderet vitare primum actum turpem dumtaxat: quia votum pendet in sui obligatione a rationabili voventis voluntate. Quare post primum actum turpem non teneretur tunc vi voti ad abstinendum a posterioribus actibus. Sanchez *Lib. IV. cap. XXI. num. 22.* Suarez *Lib. IV. cap. VI. num. 5.* Valentia 2. 2. *disp. VI. quæst. VI. punct. 4.* Palau *disp. I. punct. 12. num. 7.* Tamburinus *Lib. III. cap. XV. §. 5. num. 2.* Leander *trañ. I. disp. XIX. quæst. VII.* Hic vero sustinet in casu dubio, num vovens habuerit, nec ne hanc expressam intentionem, præsumendum esse in favorem voventis. Verum iuxta ea quæ iam dicta sunt, in dubiis tutior pars eligenda est.

XXII. P. Marin censet probabile esse, voventem virginitatem non teneri ad castitatem *trañ. IX. disp. III. sec. 2. num. 39.* ex Burghenbauber *com. I. cas. 59.* quia virginitas corporis tantum integritatem significat. Sed hæc opinio & laxa nimis est, & lædens communem sensum. Quicumque enim virginitatem vovit, potiori iure castitatem spondit; cum virginitas castitatem comprehendat. Subdit tamen idem Marin *num. 40.* ex Moya distinguendum esse. Si vovens, inquit, agnovit discrimen castitatem inter & virginitatem; tunc ad virginitatem partialiter, seu ad solam carnis integritatem exteriorem astringitur. Si non agnovit, ut communiter in puellis accidit; ad totalem castitatem obligatur. In dubio autem,

in

inquit ille, num agnoverit tale discrimen, censendum est illud agnovisse; & consequenter, amissa per actum turpem virginitate, non peccare in delectatione morosa venerea contra votum. Hæc earum speculationum una est quas aliquando exercitii gratia aliqui novi Theologi sibi effingunt. Nemo enim fidelium, etiam doctiorum, ad hæc attendit distinctionum spectra, dum virginitatis votum emitte; sed, cum absolute virginitatem Deo spondet, animi & corporis puritatem adpromittit. Quare tamquam improbabilem hanc reieciimus opinionem. Nostram sententiam defendit vel ipse Felix Potestas *Tom. I. par. 11. cap. 111. num. 1890.*

XXIII. Quæst. XVI. *An qui vovit peregrinationem absolute, satisfaciat peregrinatione equestri?* Resp. Communis responsio est adfirmans: quia peregrinatio, licet equestris, vera peregrinatio est. Et hoc verum habet, quamvis tempore voti cogitaverit de pedestri itinere; dummodo tamen non intenderit ad id se se obligare: quia sola cogitatio obligationem non inducit. Sanchez *Lib. IV. cap. 11. num. 31. Bonacina disp. IV. quæst. 11. punct. 6. num. 15. & 16. Leander tract. 1. disp. 11. quæst. 11. Palau disp. 1. punct. 12. num. 9. Tamburinus Lib. III. cap. xv. §. 5. num. 3. Marin loc. cit. num. 42.*

XXIV. Quæst. XVII. *An satisfacias præfato voto, si mercede conductus, vel si more coactus, aut alterius negotii, vel curiositatis causa peregrinationem suscipies?* Resp. Negat Sanchez in recensitis omnibus circumstantiis voto satis fieri: quia qui votum edidit, actionem liberam, piam, & religiosam Deo adpromissit. Peregrinatio autem vi suscepta, aut curiositatis, vel alterius negotii causa, non est peregrinatio voluntaria, & religiosa; immo quæ ob mercedem arripitur, non religionis titulo, sed iustitiæ debito suscipitur. Ergo in his casibus vovens non satisfaciet voto. Contrariam sententiam docent Castropalaus *tract. xv. disp. 1. punct. 12. num. 10. Tamburinus Lib. III. cap. xv. §. 5. num. 3. Leander tract. 1. disp. 11. quæst. x.* Quia vis illata libertatem non tollit, licet illam diminuat. Quare, etsi extrinsecus vovens cogatur, intrinsecus tamen potest libere velle sui voti executionem. Quo in casu certum mihi est, vorentem satisfacere suo voto. Si postea alicuius vel negotii transigendi, vel curiositatis titulo iter arripiat, distinguendum est. Si negotium temporale, aut curiositas sint solus finis peregrinationis, dubio procul satisfactionem voti impediunt; ceterum si vovens intendat utrumque exequi, non video cur unum impedire debeat alteram. Nam certum est obligationem iustitiæ, & religionis in eandem rem cadere posse, ut pluribus exemplis constare potest: v. g. si quis voto astrictus sit singulis diebus sacrum facere, stipendium pro sacrificii applicatione accipere valet; atque ita utramque simul religionis, & iustitiæ obligationem implere. Hæc opinio quam citati Auctores defendunt, mihi probabilior videtur in sensu explicato.

XXV. Quæst. XVIII. *An qui vovet Religionem, aut suscipere ordines sacros, te-*
nea-

neatur servare castitatem? Resp. Communiter respondent Auctores, vi talis voti non teneri ad castitatem: quia materia talis voti non est castitas, sed status religiosus, cui annexa castitas est. Sicut votum suscipiendi ordines sacros habet pro materia ecclesiasticum statum, cui iuncta est castitas. Quare, dimisso statu tali; ad castitatem vovens non teneretur. Si autem in eiusmodi statu persisterit, tenetur ad castitatem, non vi voti simplicis, sed alterius voti solemnitis. Caietanus 2. 2. *quest.* lxxxviii. *artic.* 3. Suarez *Lib. IV. cap.* vii. *num.* 15. Leander *trac.* 1. *disp.* xix. *quest.* xi. Castropalaus *trac.* xv. *disp.* 1. *punct.* 12. *num.* 8. Marin *trac.* Bat. ix. *disp.* 111. *sec.* 2. *num.* 4. & communiter omnes.

XXVI. *Quest.* XIX. *An qui vovit eleemosynam, non determinando quantitatem; vel qualitatem, teneatur ad magnam, aut parvam quantitatem?* Resp. Ex supra dictis resolutio patet. Nam sicut vovens, dnm votum emisit, poterat tum quantitatem, tum qualitatem definire; ita, voto emisso, eadem libertate fruitur, quae valet quantitatem, & qualitatem rei promissae determinare. Circumstantiae tamen loci, & temporis semper sunt attendendae. Qui vovit eleemosynam absolute, nulla signata quantitate, vel qualitate, potest quamcumque quantitatem, & qualitatem offerre; dummodo apta & congrua sit voti materia, ut alias saepe dictum est. Et, quando eiusmodi vota interpretanda occurrunt, mitius, quoad fieri potest, onus voventi imponatur.

XXVII. Proponit casum Tamburinus *cap.* xv. §. 6. *de voto rei indetermin.* *num.* 4. Vinum pro Missis celebrandis vovit quidam singulis diebus PP. Capucinis. Votum transit ad heredes, qui, ut moris est, obliti patris pietatem, vinum dant infimae qualitatis. Queritur, an votum impleant? Negat Tamburinus, & merito: quia esto pater absolute pro Missis celebrandis vinum voverit; tamen eiusmodi vinum iuxta prudentum aestimationem, si optimae, saltem mediocriter bonae qualitatis esse debet. Eo vel magis quia victimae viles, & infimae conditionis reprobatae in Scriptura inveniuntur.

XXVIII. *Quest.* XX. *Qui unum ex suis vasis argenteis, vel servis, vel animalibus Deo vovit, quid reddere astringitur?* Resp. Communiter docent Auctores, posse voventem eligere, & offerre ex rebus promissis, quid ipse maluerit; neque ad pretiosius vas, vel meliorem servum teneri, quando non constet de eius contraria intentione. In similibus autem casibus medium, seu mediocritas servanda est.

XXIX. Quid, si, antequam votum impleas, unica res ex pluribus quas habebas, super sit, aliis deperditis? Puta, unus tibi remanet calix, surreptis aliis, unus servus, unum animal, mortuis aut occisis ceteris. Negant Sanchez *Lib. IV. cap.* xiii. *num.* 19. Molina *Tom. II. de iustit.* *disp.* cclxx. teneri voventem ad implendum votum: quia calix, aut servus remanens non est magis promissus quam il-

li qui perierunt. Cur itaque omnes qui perierunt, perire debent ipsi voventi, & nullus ipsi voto? Videtur potius quod iactura dividenda sit; & ex calice qui remanet, medietas offerenda sit. Contraria sententia probabilior mihi est, quam defendunt Bonacina *disp.* IV. *quæst.* 11. *punct.* 6. *num.* 34. Castropalaus *trac.* XV. *disp.* 1. *punct.* 12. *num.* 26. Et satis manifesta ratio est: quia in recensito voto nullus est calix determinate promissus; sed omnes indeterminate subiecti sunt voto: promissisti namque te daturum unum calicem, unum servum ex omnibus, idest hunc, aut illum, donec venias ad ultimum. Quod autem reponunt adversarii, non esse magis promissum calicem remanentem quam eos qui perierunt, verum est, quia omnes sub disunctione promissi fuerunt.

XXX. Hinc, si promissisti donare Ecclesiæ sub disunctione calicem, vel servum, atque tempore implendi voti pars una perierit, teneris reddere partem superstitem, ut statuitur in *leg.* Stichum, aut Pamphilum 95. §. 1. ff. *de solutionibus, leg.* Non utique, ff. *de eo certo loco, leg.* Regia 23. tit. XI. *part.* V. Quoniam obligatus fuisti unum ex illis duobus donare. Sed, uno remanente, adhuc implere votum potes. Ergo teneris. Distinguunt aliqui, aiuntque: si pars tua culpa perierit, teneris reddere partem superstitem; si vero tua culpa non perierit, nec in mora reddendi fueris, tunc te liberum a voto decernunt. Communis vero sententia docet, te obligatum esse aut reddere partem superstitem, aut valorem seu pretium rei quæ periit, licet sine tua culpa. Ex quo pars perierit sine tua culpa, hoc acquiris privilegium, ut non tenearis partem superstitem offerre; sed vel hanc, vel valorem alterius partis quæ periit: quo privilegio non potitur ille qui sua culpa perire permisit unam ex partibus Deo disunctive promissis. Sanchez *Lib. IV. cap.* XIII. *num.* 25. Palaus *trac.* XV. *disput.* 1. *punct.* 12. *num.* 28. Molina *Tom. II. de iustitia disp.* cclxx. Salmanticenses *trac.* XV. *punct.* 6. §. 1. *num.* 142.

XXXI. Quæst. XXI. Si promiseris rem determinatam uni ex duabus Ecclesiis, cui nam debeas tradere in casu quo ignores cuinam promiseris? Resp. Si, dum vovisti, non determinasti unam Ecclesiam præ alia, sed disunctim uni, aut alteri; tunc planum est, liberum tibi esse cuinam malueris rem offerre. Si autem determinasti unam ex duabus Ecclesiis, & postea oblitus, ignoras, quænam sit, Sanchez *Lib. IV. cap.* XIII. *num.* 18. cuiam volueris, te rem tradere posse adfirmat: quia, inquit, tota voti obligatio ex voventis voluntate nascitur. Quando ergo vovens ignorat, cuiam ex duabus Ecclesiis munus promissum exhibere debeat, illius erit in potestate dare cui maluerit. Tunc enim neutra Ecclesia determinate ius habet ad rem illam; sed totum ius est penes Deum, in cuius honorem fuit votum emissum.

XXXII. Altera opinio docet debere voventem in hoc casu dividere munus promissum, & pro rata dubii offerre utrique Ecclesiæ suam partem. Quoniam certum

tum est te uni Ecclesiæ determinate rem promississe. Quod autem nunc ignores cuiquam promiseris, non tollit quominus uni ex his Ecclesiis debita sit res promissa. Ergo, si pro tui libito uni dones, periculo te exponis privandi iure suo illam Ecclesiam cui determinate promissisti. Tutius igitur erit, rem pro rata dubii dividere; & meliori quo fieri potest modo votum implere. Quænam ex his duabus opinionibus sit præferenda, profecto ignoro. Ex circumstantiarum diversitate colligendum erit quid magis cedat in Dei cultum.

C A P U T VII.

De votis errore, aut metu extortis.

I. **P**Lura dicturi sumus de iuramentis dolosis, & metu extortis, quæ consuli possunt, ne actum agamus. Pauca ergo hic solummodo prælibabimus, eo vel magis quod de contractibus, & matrimonio agentes similes controversias in examen reducemus.

II. Quæst. I. *An error circa substantiam voti reddat votum invalidum?* Resp. Adfirmant communiter Auctores: quia error tollit voluntarium: nihil enim voluntum quin præcognitum. Igitur, si naturam, seu substantiam voti ignoras, iam res promissa per votum tibi voluntaria non est. Nullum ergo est votum, quia involuntarium. Hinc, si profiteris Religionem, ignorans professionem esse perpetuam; professio nulla foret: quia perpetuitas ad substantiam pertinet professionis. Idem dic de ignorance eorum quæ ad substantiam promissæ rei reducuntur: puta, vovisti pergere Hierosolymam, putans pedestri itinere votum tuum impleri posse, navigatione ignorata; vovisti ingredi Religionem Carthusianorum, aut Prædicatorum, existimans ibi cibum carniū licitum esse: hæc vota nulla sunt, ut docent Suarez *Lib. II. cap. x1. num. 12.* Sanchez *Lib. IV. cap. 111. num. 11.* Lessius *Lib. II. cap. xl. dub. 2. num. 11.* Prado *cap. xxx1. quæst. lv. §. 3. num. 12.* Palaus *trad. xv. disp. 1. punct. 6. num. 2.* Salmanticenses *trad. xv11. punct. 6. §. 4. num. 155.* qui addunt, voventem non teneri ad alias Religiones, quia determinate has duas vovit. Duo mihi difficultatem ingerunt. Primum est quod abstinencia a carnibus ingrediatur substantiam professionis, sive ad eam pertineat: nam videtur quod hæc abstinencia circumstantia quædam sit utique gravis; sed ea non est quæ sola unam ab altera distinguat Religionem: omnes etenim ordines monachales legem habent abstinendi a carnibus. Ex quatuor mendicantium ordinibus duo sunt qui eandem abstinenciam profitentur. Deinde hæc abstinencia comperata cum tribus solemnibus votis perpetuis non videtur circumstantia adeo gravis, ut ipsam substantiam professionis ingredi debeat, eamque irritare possit. Alterum quoque diffi-

cul-

cultatem ingerit, nempe quod eiusmodi vovens nullam aliam ingredi debeat Religionem. Quandoquidem qui Religionis ingressum vovet, prius statum religiosum, deinde hanc Religionem videtur vovere; quando de expressa determinata contraria intentione non constat. Hæc omnia simul valde dubiam mihi constituunt laudatam resolutionem. Quare tutius mihi videtur, & probabilius, quod vovens aut æneatur Religionem promissam ingredi; aut alteram, in qua carnes comedantur, eligere: quoniam, ut dixi, circumstantia abstinendi a carnibus non videtur substantiam professionis perpetuæ ingredi.

III. Porro omnes Theologi fatentur, ignorantiam circumstantiarum quæ ad substantiam rei non pertinent, non irritare vota, vel iuramenta; sed illorum obligationem quantum ad substantiam relinquere: etiamsi persona, quando vovit, si has circumstantias prævidisset, non vovisset: quia talis ignorantia concomitanter, ut aiunt, se habet ad votum, non principaliter, sive ut dans causam voto. Absolulte enim amplecteris obiectum principale voti tui; licet, si tali circumstantia indutum prævidisses obiectum illud, ab eodem abstinuisses. Plurima namque vota, promissa, contractus non fierent, si præviderentur omnes circumstantiæ, quæ temporis decursu superveniunt; & tamen, dum reapse occurrunt, nec vota, nec contractus irritant. In hoc conveniunt omnes. Caietanus 2.2. *quæst.* lxxxviii. *art.* 3, in fine, Sotus *Lib. VII. quæst.* 11. *art.* 1. *ad* 3, Molina *Tom. II. disp.* cclxxii. Lessius *Lib. II. cap.* xl. *dub.* 2. *num.* 10, Suarez *Lib. I. cap.* 11, Sanchez *Lib. IV. cap.* 11. *num.* 6, Castropalaus *tract.* xv. *disp.* 1. *punct.* 6. *num.* 4, Salmanticenses *tract.* xvii. *cap.* 1. *punct.* 6. *s.* 1. *num.* 156. Difficultas est, quænam ex circumstantiis redundet in substantiam promissionis, seu voti. Citati Auctores sustinent, quod in præfato voto Religionis abstinencia a carnibus sit circumstantia irritans professionem, quia pertinet ad professionis substantiam. Mihi vero videtur talis circumstantia ad professionis monasticæ naturam sive substantiam non pertinere ob rationes assignatas: atque hæc sententia mihi probabilior est.

IV. Pariter, si error sit circa finem voti, valorem voti impedit: quia finis voti obiectum eius est. Quare, si ignorantia obiecti essentialis voti illius valorem impedit, eundem effectum producet etiam finis ignoratio. Plures fines in voto distinguuntur. Primus est cultus divinus, qui omnibus votis communis est, dicique potest universalis, & extrinsecus, quo deficiente, deficit materia apta pro voto. Secundus est finis specialis, & quodammodo intrinsecus, quo etiam cessante, cessat votum: puta, finis eleemosynæ proximus est alienæ indigentiae sublevatio. V. g. vovisti dare Petro eleemosynam, existimans illum esse pauperem sublevatione indigentem: deprehendis postea eum esse divitem, & nullo modo eleemosynæ indigere: cessat votum, & eiusdem obligatio. Tertius finis est omnino extrinsecus, & peculiaris, quem sponte vovens sibi præstituit; recidit tamen in naturam obiecti

di : atque adeo illo cessante cessat votum . Ut, si votum edas ad impetrandam sanitatem filio, quem credis infirmum ; sano existente filio, aut mortuo, votum nullum est . Si autem error sit circa occasionem, seu causam occasionalem voti, tunc votum non impedit ; quamvis, si antequam votum emitteretur, cognita fuisset talis causa, impedivisset voti emissionem .

V. Obiicies ex S. Thoma in *IV. Sent. dist. xxxviii. quest. 1. art. 3. quest. 1. ad 1.* ubi ait, quod *illud quod votum fendum impediret, si præsens esset, etiam voto facto obligationem aufert*. Sed circumstantiæ, difficultatesque quæ superveniunt, impedirent voti emissionem, si a vovente cognoscerentur. Ergo voto facto obligationem auferunt. Resp. S. Thomas loco laudato conceptis verbis loquitur de difficultate, seu circumstantia quæ reddit impossibilem executionem voti . Porro id quod reddit impossibilem executionem voti, sive subsequatur, sive antecedit voti emissionem, votum efficit nullum . En verba Angelici, quæ immediate sequuntur ad textum relatum . Unde, cum de impossibili non possit esse votum, ut dictum est ; si aliquid fiat impossibile post voti emissionem, quod prius erat possibile, obligatio voti quantum ad illud tollitur . Et difficultas proposita in argumento primo, cui respondet Angelicus, est, quod nullus obligatur ad votum cuius executio est impossibilis .

VI. Quæst. II. Unde colligendum sit, circumstantias esse causam tantum impellentem, non principalem voti ; seu redundare, aut non redundare in substantiam obiecti voto promissi ? Resp. Ex dictis patet, Auctores omnes convenire in hoc quod error circa substantiam irritet votum ; secus error circa adventitia, seu circa causas impellentes. Tota difficultas in hoc vertitur, unde colligendum sit, utrum circumstantiæ redundant in substantiam obiecti, nec ne . Communiter Auctores respondent, ea omnia esse finem voti quæ vovens per votum assequi intendit ; illa vero esse tantum occasionem vovendi quæ voventem solummodo excitant ad vovendum ; ut si voveas eleemosynam conferendam pauperi probo ; sublevatio pauperatis, seu indigentiae finis est voti ; probitas autem pauperis occasio est quæ te excitat, impellitque ad voti emissionem . Probitas namque non obtinetur per votum, sicut reapse obtinetur sublevatio indigentiae : idcirco hæc, non illa, finis voti est. Hæc omnia clara sunt, & captu facillima. Sed quandoque occurrunt circumstantiæ adeo graves, quæ aliquibus videntur redundare in substantiam voti ; & de quibus plures alii secus iudicant : atque de his nulla certa regula statui potest ; sed prudentum arbitrio negotium hoc relinquendum est .

VII. In dubio autem, num aliquæ circumstantiæ habeant rationem finalis, aut occasionalis causæ ; inspicendum est, an illis deficientibus, finis voti consistat. Nam si consistit, cetera omnia habent rationem tantum occasionis. Si vero illis deficientibus finis voti corrueret, tunc haberent rationem finis, ut docent Sylvester

ver

ver. Votum 2. quæst. VIII. Azorius Lib. XI. cap. xv. quæst. xxi. Sanchez Lib. IV. cap. 11. num. 52. Bonacina disp. 1v. quæst. 11. punct. 3. In fine, Castropalaus tract. xv. disp. 1. punct. 6. num. 7. Quod si rebus omnibus inspectis, utrimque urgeant probabiles, gravæque rationes, Sanchez docet Lib. IV. cap. 11. num. 5. licitum esse parti alterutri adherere, etiam minus probabili, ut expressius ait Bonacina loc. cit. Si vero, omnibus inspectis, res dubia maneat & anceps; tunc pro voto indicandum esse decernunt ambo: quia præsumptio stat pro valore actus: tum quia, quando constat de voti verbis, sive ore, sive mente prolatis; possessio stat pro voto, non pro libertate; tum etiam quia præsumptio fori externi voto favet. Hinc vides; Auctores istos notionem peculiarem dubii efformare. Nam si rationes, inquirunt, probabiles opinionem inducant, licitum est parti alterutri adherere; si vero rationes eiusmodi sint, ut intellectum ancipitem relinquunt, tunc in voti favorem iudicandum est. Pro voto iudicandum esse in dubio, & nos decernimus; sed eo ducti principio, quod in dubiis tutior pars sit eligenda: & insuper, quando utrimque urgent æquales rationes, intellectum manere dubium dicimus, quantumvis absolute probabiles sint. Quando vero rationes sunt probabiliores pro voto, & minus probabiles pro libertate, potiori iure pro voto indicandum esse statuimus, ut suo loco fufe probabimus.

VIII. Quæst. III. *An votum metu extortum sit validum?* Resp. Iam sæpe explicata est metus distinctio. Nam alius est metus gravis eadens in virum constantem, alius levis. Gravis potest oriri ab intrinseco, puta ab infirmitate, tempestate, morte, quæ timetur a fera, a naufragio imminente. Metus iste intrinsecus dicitur: quia, licet periculum metum excitans sit externum, nullo tamen modo cogit ad votum edendum; sed vovens a seipso movetur ad voti emissionem. Alius metus dicitur extrinsecus, qui a causa extrinseca cogente oritur: qui iterum duplex est, alter iuste, alter iniuste incussus ad extorquendum votum. Quare vovens tali timore percussus votum eligit ceu medium unicum ad declinandum periculum quod sibi imminet. Quibus positis, Auctores communi consensu asserunt, votum esse validum tum iure naturæ, tum iure positivo, quando oritur a metu gravi qui sit intrinsecus: quia tunc vovens a nemine cogitur, nisi a seipso; sed sponte, libereque eligit votum ceu aptum medium ad evadendum periculum. Vota igitur omnia emissa ad evitandum naufragium, infirmitatem, mortem vel a fera, vel ab inimico imminentem, valida sunt. Immo etiam vota ellicita ob metum ab extrinseco incussum; sed non ad extorquendum votum, valida sunt. V. g. Tu offendisti proximum tuum: ille tibi in vindictam mortem minatur: tu votum edis ad evadendam mortem. Votum validum est: quia, nemine te ad votum cogente, votum edidisti. Pariter validum est votum quod tu ejicis, ut declines mortem, aut periculum damni quod tibi minatur frater, puellæ quam desorasti. Quoniam, si

cet eiusmodi metus sit iniuste ab extrinseco incussus ; non tamen eo tendit, ut votum extorqueat, sed ut vindictamumat. Tu vero, ut periculo te subducas, sponte & libere votum edis. Idem dicendum, quando metus est ab extrinseco, sed iuste illatus ad votum extorquendum. Quia, quando metus iustus est, vovens irrationabiliter est invitus ; & consequenter consensus iuste extorquetur, & iuste cogitur vovens ad votum : tota autem coactio, & necessitas provenit ab ipso vovente, qui iniuste renuit votum edere. Denique nec metus levis irritat votum, ut communiter fatentur omnes : quia parum, & leviter consensum liberum lædit. Et hoc certum est penes omnes Auctores.

IX. Difficultas ergo tota in eo vertitur, siue validum votum ex gravi metu extrinsecus illato ad extorquendum votum ipsum proveniens. Convenit fere inter omnes, quod iure naturæ validum sit etiam eiusmodi votum, posito quod homo, licet iniuste coactus, vere & sincere votum velit, & reapse edat : etenim sine voluntate, & deliberatione voventis votum nullum est, ut suo loco diximus. Si autem vere, & deliberate velit, quamquam coactus iniusto metu, votum iure naturæ validum est : quia eiusmodi coactio externa, licet diminuat voluntarium, nihilominus illud non tollit ; sed absolute illud relinquit, prout sufficiens est ad meritum, & demeritum ; ut patet in Martyre, qui si in quæstione positus fidem negaret ob timorem iniuste incussum a tyranno, peccaret mortaliter. Coactio ergo externa non aufert, licet diminuat, libertatem. Multo minus iniuria irrogata ab iniusto aggressore eandem lædit libertatem. Hæc namque iniuria solum relinquit ius promissori, ne teneatur reddere id quod invasori sponndit ; non autem, ne fidem Deo datam servare astringatur, & exequi. Hæc omnia dilucide explicat Angelicus 2. 2. quæst. lxxxix. art. 7. ad 3. sic loquens : *In iuramento quod quis coactus facit, duplex est obligatio. Una quidem qua obligatur homini, cui aliquid promittit ; & talis obligatio tollitur per coactionem.... Alia autem est obligatio qua quis Deo obligatur, ut impleat quod per nomen eius promissit ; & talis obligatio non tollitur in foro conscientie : quia magis debet damnum temporale sustinere quam iuramentum violare.* Doctrinæ D. Thomæ communiter adstipulantur Theologi, tum domestici, tum extranei, Sanchez, Lessius, Azorius, Palaus, Trullenchus, & alii.

X. Diffidium Theologorum ad ius ecclesiasticum reducitur. Quamvis, & hoc etiam spectato, si sermo sit de voto solemnī in professione Religionis emissio, omnes adfirmant votum eiusmodi nullum esse : quia de hoc voto iura aperte loquantur, & eiusdem irritationem declarant. Cap. Perlatum Lib. I. tit. 1. v. de his que vi, metu seu causa fiunt, & cap. Sicut qui monasterium xx. quæst. 1. & cap. Præsens xx. quæst. 111. & expressè Synodus Tridentina sess. xxv. cap. xvii. de resor. Puella que habitum regularem suscipere voluerit..., non ante suscipiat, nec postea... professionem

tionem emittat quam exploraveris Episcopus... virginis voluntatem diligenter, an coacta, an seducta sit, an sciat quid agat.

XI. De aliis votis duplex sententia est. Prima sustinet, alia vota esse valida: quia iura de ceteris votis non loquuntur; & ex alia parte irritatio voti odiosa est; cum derogat iuri naturali, respectu cuius votum est validum. Quando ergo apertus textus in iure non occurrit, qui declaret præfata vota nulla esse, ut valida ea defendere debemus. Porro eiusmodi textus revera non reperitur. Ergo hæc vota valida sunt, etiam iure ecclesiastico inspecto. Et hanc sententiam defendunt Sylvester *verb. Metus* 8. *fin. & verb. Votum* 2. *quæst.* xii. Pontius *de Matr. Lib. III. cap. xix. num. 9.* Suarez *Lib. II. cap. viii. num. 5.* Contrariam opinionem, nempe nulla esse, & irrita eiusmodi vota, defendunt plures Auctores, contententes id declaratum fuisse in *cap. Cum locum de sponsal.* ubi dicitur: *Cum locum non habeat consensus ubi metus, vel coactio intercedit*: & *cap. Ad audientiam*, & *cap. Perlatum*. Qui textus, inquit, licet expresse non loquantur de his votis, communi tamen interpretatione Iuristarum, & Ecclesiæ consuetudine extenduntur etiam ad recensita vota. Sotus *Lib. VII. quæst.* 11. *art. 1. in solut. ad 1. q. 2.* Trullenchus *Lib. II. cap. 11.* Bartholomæus a S. Fausto *Lib. I. Theaur. quæst.* cx1. Prado *cap. xxxi. quæst. v. num. 4.* Sanchez *Lib. IV. cap. 111. num. 11.* Lessius *Lib. II. cap. xl. dub. 3. numer. 18.*

XII. Difficile est ferre iudicium in alterutram ex his opinionibus. Auctores ipsi qui dissident, utramque probabilem censent. Prior, si sola ratio spectetur, videtur niti validiori fundamento. Nam omnia iura quæ allegantur, expresse loquuntur aut de votis solemnibus professionis monasticæ, aut de sponsalibus, & matrimonio. Quid est quod universim non loquuntur? Quid est quod ad duo præfata genera promissionum declarationes suas restringunt? Certe ex iure scripto valde clare erui videtur, sola vota solemnia, & matrimonium excipi; cetera vero relinqui sub lege communi. Cum itaque universale naturæ ius vota ista valida esse declararet, ex hac parte probabilius hæc sententia apparet. Præterea vel ipsa ratio quam contrariæ sententiæ Auctores produunt, contra eosdem facit. Innituntur ipsi exemplis matrimonii, & professionis monasticæ: quia, inquit, eadem ratio omnium votorum est. Esto: & reipsa iure naturæ omnia valida sunt. At si Ecclesia duo tantum expresse ab onere obligationis excipit, legitime inferitur, cetera excepta non esse a naturæ lege. Hæc ratio quæ eandem asserit esse conditionem omnium votorum, iuris ecclesiastici conditoribus nota erat; & nihilominus sola vota monastica, & matrimonium exceperunt. Cur ergo aliorum etiam votorum non meminerunt? Quod postea subdunt, consuetudine Ecclesiæ vota ista nulla declarata esse: nos respondemus, quod, si eiusmodi consuetudo adsit, libenter admitimus, nulla esse præfata vota. Sed istius consuetudinis nullum documentum affertur. Igitur in

Q ij eius

eiusmodi casibus, dum occurrunt, tutius, & nobis probabilius est, dispensationem esse impetrandam.

C A P U T VIII.

De voto conditionali, & pœnali.

I. **I**N quocumque iuramento promissorio, & voto, quantumlibet absoluto, clauduntur aliquæ conditiones generales, suntque intrinsecæ cuique voto. Ob has autem generales, intimasque conditiones votum non appellatur conditionatum, sed absolutum.

II. *Quæst. I. Quenam sint conditiones generales quæ in quocumque voto absoluto reperiuntur, quæve particulares quæ votum efficiunt conditionatum?* Resp. Conditiones generales ad tres reduci solent. *Prima* est, si potuero, & res non valde mutantur. *Secunda*, si Deo placuerit, aut si mihi licuerit. *Tertia*, si Prælati, si superior aliud non decreverit, neque obligationem abstulerit. De his dictum est alibi. *Conditio particularis* quæ votum conditionatum constituit, multiplex est. Primo alia est adfirmans; ut si dicas, Si Deus mihi infirmo sanitatem concesserit; voveo ingredi Religionem: alia negans; ut si dicas, Si castitatem non servavero, voveo ieiunare per mensem. Secundo alia conditio est de præsentī, alia de præterito, alia de futuro. De præsentī est; Si pater meus vivit, voveo eleemosynam trium aureorum. De præterito: Si Pater heri vixit, voveo ædificare Monasterium. Hæ duæ conditiones non efficiunt votum conditionatum; quia illius obligationem non suspendunt. Tertia conditio de futuro est, quæ proprie efficit votum conditionatum: quia illius effectum, seu obligationem suspendit; ut si dicas; Si affectus fuero illam dignitatem, voveo me erecturum altare in honorem B. Virginis. Conditio hæc de futuro alia est necessaria, ut si cras sol oriatur; alia impossibilis, ut si volavero usque ad cælum; alia contingens, ut si pervenero ad triginta annos. Denique hæ conditiones de futuro contingenti aliæ sunt turpes, aliæ honestæ. Turpes: quædam sunt contra substantiam voti; quædam contra adventitia, seu accidentia. Hæc omnia communia sunt apud Auctores.

III. *Quæst. II. Quid sit votum conditionatum, & an particula si efficiat semper votum conditionatum?* Resp. Votum conditionatum illud est quod obligationem suspendit quantum ad actualem executionem, quousque eveniat conditio appositæ. Particula *si* non semper efficit votum conditionatum: quia non raro hæc particula *si* idem significat ac *quando*. Porro, cum quis edat votum per particulam *quando*, non conditionatum, sed absolutum votum emittit: ut si dixerit: *Quando pater meus obierit, voveo me ingressurum Religionem*; votum istud est abso-

absolutum : quia absolute vovet Religionem, licet differat executionem voti usque ad obitum patris. Idem est, si fiat votum per particulam *si*. Ita passim Auctores. Nota tamen, quod licet hoc votum communiter dicatur absolutum, quia conditio appositae, nempe obitus patris, necessaria est; attamen non video cur etiam conditionatum appellari nequeat : quandoquidem, quod longius aut brevius temporis spatium futurum sit ante obitum patris, est quid contingens; & secundum hanc rationem conditionatum votum illud appellari potest.

IV. Quæst. III. *An votum sub conditione de presenti, præterito, aut futuro necessario, vel impossibili sit validum?* Iam dictum est, conditionem de presenti; aut de præterito votum conditionatum non efficere, eo quod consensum non suspendat. Pariter conditio de futuro necessario, ut *si cras sol orietur, te ducam in sponsam*, votum efficit absolutum, non conditionatum : quia, cum talis conditio necessario futura sit, pro impleta habetur, ut communiter Doctores sentiunt. Sanchez tamen *Lib. IV. cap. xxiii. num. 5.* docet cum aliis, quod, si vovens præfiniat tempus executioni voti, licet conditio sit necessaria, votum fiet conditionatum : ut si dicas : *Voveo me abhinc uno anno castitatem servaturum, si sol cras orietur* : quia, inquit, licet conditio appositum consensum non suspendat, & ex hac parte votum sit absolutum; attamen, quia dies executioni præfixa est usque ad talem diem, non obligatur vovens. Secus autem, si hoc modo tuum conciperes votum : *Voveo castitatem, si sol abhinc uno anno orietur*. Non est cur diutius in his enucleandis immoremur. Quidam contendunt votum factum sub conditione futura impossibile esse validum; ut si dicas : *Si celum digito tetigero, voveo castitatem*. Sed communissima sententia docet, tale votum esse nullum. Et ratio manifesta est : quoniam promittens aliquid sub conditione, non vult subire obligationem, nisi post conditionis eventum. Ergo, dum conditionem impossibilem suo voto adiicit, eo ipso non vult votum illud, neque illius obligationem. Quod vero eiusmodi condiciones appositæ ultimis voluntatibus, & matrimoniis, habeantur pro non adiectis, atque adeo valida sint testamenta, & matrimonia, ideo est, quia leges positivæ sic decernunt.

V. Quæst. IV. *An conditio turpis contra substantiam voti illud irritet?* Resp. Adfirmant communiter Auctores, asserentes quamlibet conditionem turpem contra substantiam contractus illum vitare. De professione tamen religiosa, affecta conditione turpi contra eiusdem substantiam, dissident. Aliqui contendunt esse validam ob auctoritatem cap. *Influante* : quoniam in laudato textu concedebatur mulieri facultas retinendi usum, non dominium rerum suarum. Alii sustinent esse nullam : quia conditio turpis contra substantiam vitiat quemcumque contractum, quidni & professionem religiosam? Hanc defendunt D. Antoninus III. *Par. titul. xvi. cap. 111.* Rosella *verb. Religio 2. num. 21.* Sylvester *verb. Religio 3.*

quæst. vi. & vii. Navarrus *Lib. III. Consil. titul. de stat. monach. consil. xiv. num. 15.* Azorius *Lib. XI. cap. xv. quæst. ix.* Sanchez *Lib. IV. cap. iv. num. 94.* Armilla *verb. Religio num. 8.* Leander *tract. 1. disp. xli. quæst. xi. ac plures alii: & est opinio valde probabilis. De conditionibus autem quæ non sunt contra substantiam, sed contra accidentia contractus, nulla dissensio est. Omnes fatentur illas non viciare contractum.*

VI. Quæst. V. *Quando votum sub conditione futura contingenti honesta, & possibili obliget: & an sufficiat partem conditionis impleri: & num aliqua conditio addici possit post votum emissum?* Resp. Votum conditionatum proprie tale est illud quod editur sub conditione futura, contingenti, & honesta. Porro hoc votum non obligat ante conditionem impletam: quia natura istius conditionis est ut suspendat effectum, usque dum ipsa impleatur. Nec satis est partem istius conditionis impleri, sed necesse est impleri totam, ut votum obliget. Hæc conditio apponi debet voto, dum editur. Nam, edito voto, apponi amplius non potest: quia, cum emissum votum fuerit absolutum, non potest amplius fieri conditionatum; sicut nec eidem voto plane edito, sive absoluto, sive conditionato, gravamen aliquod addi potest. Si plures conditiones additæ fuerint, omnes impleri debent, ut votum obliget; dummodo conditiones copulative fuerint adiectæ; secus, si divisivæ. Si autem dubitas, an copulative, vel divisivæ illas posueris; tutiorem partem eligere debes, inquit S. Antoninus Part. II. titul. xi. cap. 11. §. 4. in fine. *Si super hoc non cogitavit, & nescit discernere, tutius est implere.* Probabilistæ oppositum docent.

VII. Quæst. VI. *An satis sit conditiones impleri æquivalenter, ut votum obliget; vel necesse sit ut impleantur in specifica forma?* Resp. Satis esse conditionem æquivalenter impleri, docet Sanchez *Lib. IV. cap. xxiii. num. 26.* alios pro eadem sententia laudans: quia conditio intenditur non propter se, sed quatenus medium est ad obtinendum finem voventis. Ergo, si effectus reipsa obtinetur, iam voventis intentio videtur impleta. V. g. vovisti Religionem, si soror nupserit, si pater consenserit: sorore mortua, vel Religionem professâ, aut mortuo patre, teneris ingredi Religionem ob conditionem æquivalenter impletam. Item vovisti Religionem, si pater moriatur, quia tuo subsidio indiget: teneris ingredi, si divitias affecutus fuerit: quia æquivalenter impleta conditio est, nempe patris paupertas amplius impedimento non est tuo in Religionem ingressui. Promisisti elemosynam, si ex tali negotio lucrum reportaveris: non ex illo, sed ex alio negotio lucrum fecisti; teneris ad votum, quia æquivalenter conditio impleta est.

VIII. Contrariam sententiam defendunt Castropalaus *disp. 1. punct. 17. num. 3.* Tamburinus *Lib. III. cap. xii. §. 6. num. 4.* Leander *tract. 1. disp. xli. quæst. xx1.* Salmanticenses *tract. xvii. cap. 1. §. 6. punct. 6. num. 169.* Quoniam votorum obligatio

ex intentione voventis pendet : voventis autem intentio alligata fuit illi conditioni, non alteri loco illius appositæ : non enim vovit absolute utcumque, sed talibus positis conditionibus. Hæc sententia plus iusto litteræ adhæret. Quando constat voventem ideo apposuisse illam conditionem, nempe paupertatem patris, filii subsidio indigentis; & sororis nuptias, quia fratris custodiam illa requirebat : quando, inquam, id certo ex voventis intentione constat; ego sane non auderem illum ab implenda voti obligatione liberare. Siquidem talibus apposis conditionibus non aliud intendit vovens quam auferre impedimentum. Quod autem hac, vel illa via impedimentum auferatur, perinde est. Et profecto nimis videretur ingratitudo, ne quid peius dicam, si assecutus quod absolute intendebat a divina providentia, nollet promissa præstare : quia per illam specificam, & materialem, ut sic loquar, viam, de qua ipse cogitaverat, illud non obtinuit. Quare prima sententia mihi est probabilior; quando tamen vovens expresse non intenderit conditionem impleri sub specifica forma : tunc enim nulla foret difficultas.

IX. Quæst. VII. *An peccet contra votum qui conditionem sub qua votum emisit, impedit ne eveniat : & an debeat eventum illius expectare?* Resp. Si conditio appositæ pendeat ex sola voventis voluntate, non tenetur expectare eventum illius; sed potest, antequam eveniat, quod sibi placuerit eligere; ut si dicas : Promitto ingredi Religionem, si Romam petiero hoc anno : non teneris elapsam anni expectare; sed potes, quando tibi placuerit, nuptias contrahere, & abstinere a Romano itinere. Si vero conditio ab aliena voluntate pendeat, tunc illius eventum expectare teneris; ut si dixeris : Voveo Religionem, si pater consenserit, si soror nupserit &c. Tenetur etiam vovens non se reddere ineptum ad votum implendum. Quæ omnia communia sunt. Hinc constat prima quæstioni pars. Nam, si conditio adiecta tota pendeat a voluntate voventis, dubio procul illam evitare licite potest; ut, si quis voverit se ingressurum Religionem, si Romam perrexerit, potest non proficisci Romam, & Religionem non ingredi : quia non vovit conditionis executionem, sed id sibi reservare voluit, ut scilicet libere posset conditionem exequi, vel non exequi. Si contra ab aliena voluntate conditio pendeat, sicut conditionis illius eventum expectare tenetur, sic tenetur etiam non impedire vi, fraude, aut dolo eiusdem conditionis eventum. V. g. vovisti Religionem, si pater consenserit : contra votum agis, si a consensu præstando patrem distrahās. Vovisti Religionem, si sanitatem assequaris : contra votum agis, si noxiis cibis utaris, ne sanus fias eo fine ut a voto te eximas. Salmanticenses cum Leandro docent, posse voventem patri precibus, & rationibus dissensum suadere; secus vi, & fraude, & dolo : quia preces, rationes, & consilia non cogunt patrem ad dissentiendum. Id etiam docet Tamburinus cum aliis. Hæc opinio mihi probabilis

Q. iiij non

non est. Licet enim rationes, consilia, preces non cogant patrem ad dissentiendum; nihilominus non impediunt quominus vovens contra suum votum agat. Neque fraudes, vel doli semper extorquent patris consensum; & tamen vovens his utens peccaret. Hæc ratio evincit solum quod vovens certo non assequeretur finem suum mediis precibus; sed non probat ipsum animum non habere votum eludendi. Ubi, quæso, isthic sinceritatis & bonæ fidei vestigium? Si tu Paulo promississes mutuum sub hac conditione, quod frater tuus consentiret; nonne ut vaser, & versipellis indignus habereris apud prudentes, si fratri dissensum precibus, consiliis, & rationibus persuaderes? Quidni idem dicendum, immo potiori iure in casu nostro, in quo Deo fidelitas servanda, non hominibus tantum est?

X. Quæst. VIII. *An, si vovens sua malitia impediat recensitas condiciones ab aliena voluntate pendentes, teneatur voto; vel liber ab eodem remaneat?* Resp. Negant reneri voto Salmanticenses *tract. xvii. cap. 1. punct. 6. §. 6. num. 173.* citantes pro eadem sententia Suarez, Palaum, Dianam, Tamburinum, Leandrum, Filliucium; & alios: tum quia nec teneretur voto ob impletam conditionem, quæ revera impleta non est; nec ob peccatum commissum in impedienda conditione, cum tale peccatum solum obligationem imponat pœnitentiæ, non restitutionis: tum etiam quia votum ex vovens intentione pendet: ergo, quacumque causa conditio non impleatur, cessat omnis obligatio vovens.

XI. Contraria sententia probabilior est, & colligitur ex D. Thoma, qui in *III. diff. xxxviii. quæst. 1. art. 3. quæstiunc. 1. ad 1.* asserit, eum qui ex sua culpa factus est impotens ad votum, teneri ad recompensationem voti per pœnitentiam. *Alio modo*, inquit, *distinguendum est, utrum ex sua culpa impotentiam incurrerit: quia tunc oportet recompensare per pœnitentiam.* Non solum ergo iuxta S. Thomam agere pœnitentiam de peccato debet, sed etiam compensare voti observantiam per pœnitentiam astringitur. Ergo qui ex propria culpa impedit eventum conditionis, cum sit ad votum implendum aptus, illud debet implere. Et hoc verum habet in omnibus humanis contractibus, & promissionibus, adversariis etiam factentibus: quidni ergo & in promissionibus divinis? Nec verum, immo falsum, est quod perdocti Salmanticenses reponunt, ideo promissa humana servanda, quando ex malitia impedita conditio fuit, quia præfata promissa multum dependent a iure. Etenim, quando iura absolute declarant, contractus omnes in data hypothese valere, non ex arbitrio id decernunt, sed quia ratio sic postulat: & positiva iura in similibus casibus ius naturale interpretantur, & declarant: solum quando aliquem peculiarem contractum in tali genere excipiant, iuri naturali aliquid addunt ob peculiare fines. Quod vero promissarius humanus lædatur in rebus utilibus, secus Deus per transgressionem voti, nullius quoque momenti est. Quoniam, licet Deus detrimentum nullum percipiat; attamen vovens infringit

ma-

malitia sua promissionem, seu culpa sua impedimentum ponit, ne promissio impleatur. Nemo autem ex sua iniquitate commodum debet reportare. Hanc sententiam defendunt antiquiores, gravioresque Theologi, qui eam colligunt ex *Regula* Cum non stat per eum 66. de *regul. iuris* in 6. & *Regula* In iure civili 122. ff. de *regul. iuris*, & clarius ex *leg.* In executione 85. §. *Finali* ff. de *verborum significationibus*, ubi hæc habentur: *Quicumque sub conditione obligatus curaverit ne conditio existeret, nihilominus obligatur.* Quid apertius dici potest? Et sane, dum vovens conditionem ab alterius voluntate pendente adiicit, se contingenti conditionis eventui accommodare intendit; atque illius casuali successui se se obligare virtualiter, & reapse decernit. Ergo, quemadmodum votum semel editum implere tenetur, ita & conditionem semel adiectam expectare debet; atque adeo; si sua malitia impedierit exitum conditionis, votum nihilominus debet implere. Quod confirmatur ex *cap.* Adversus de *immunit.* *Ecclesi.* ubi statuitur; quod fraus, & dolus nemini patrocinari debeant. Quod vero iniqui adversarii, votum pendere ex intentione voventis, verissimum est. Sed distinguendum est: pendet in sui emissionem, secus in executionem. Potest vovens edere, vel non edere votum. Sed posito quod semel deliberate votum ediderit, votum amplius non pendet ab intentione voventis. Ita in presenti: potest vovens adiacere, aut non adiacere conditionem fortuitam ab alterius voluntate pendente. At semel posito quod huic occasionali futuro eventui se obligaverit, si sua iniquitate illum impedierit, non inde liber ab obligatione voti implendi esse debet. Et cum iura in omnibus contrariis humanis id servandum esse decernant, non video quo fundamento aliter in divinis promissis faciendum esse doceant Probabilistæ, nisi ob nimium affectum indulgendi humanæ libertati. Nostram ergo sententiam docent Glossa l. Si rem tibi 19. §. *finali*, verbo *Victori* ff. de *prescriptis verb.* & Bartolus ibi in *fine*, Paulus ibi *num.* 2. Imola ibi, Iason ibi *num.* 3. Alciatus *num.* 3. Decius in *Regul.* In iure civili *num.* 6. Richardus in *IV. dist.* xxxviii. *art.* 5. *quest.* 3. & Gabriel ibi *quest.* 1. *art.* 3. *concl.* 2. Angelus *verb.* Votum 2. *quest.* 11. Navarrus *cap.* xii. *num.* 42. & *Lib.* III. *Confil. tit. de voto confil.* 24. *num.* 2. Palacios in *IV. dist.* xxxviii. *dist.* 1. *post concl.* 5. Angles in *floribus II. Part. quest. unica de voto art.* 2. *post* 17. *diff. dub.* 8. Azorius *Lib.* XI. *cap.* xx. *quest. ultim.* Ludovicus Lopez in *Instru. cap.* xlv. Manuel Rodriguez *Tom.* II. *Sum. cap.* xcvi. Sayrus in *clavi Reg. Lib.* VI. *cap.* viii. *num.* 4. Prado *cap.* xxxi. *quest.* 5. §. 3. Bassæus *Tom.* II. *verb.* Votum 1. *num.* 36.

XII. *Quest.* IX. Quid sit votum conditionatum pœnale; & an sit validum? Resp. Votum conditionatum pœnale est quod quis edit, non ex affectu ad rem quam spondet, sed ex studio vitandæ actionis quam detestatur: ut si voveas hoc modo: Promitto me ædificaturum altare, si lusero, si fornicatus fuero &c. Quod

vovens principaliter intendit, est vitare tale peccatum, seu actionem; &, ut vigilantior sit ad sibi cavendum, poenam sibi constituit, nempe elemosynam, altaris ædificium &c. Distinguitur hoc conditionatum votum poenale a simplici voto conditionato: quia in primo apponitur conditio ad modum poenæ; in secundo autem non adicitur ut poena, sed absolute. Validum esse hoc poenale votum conditionatum adfirmant communiter Theologi contra Catharinum: quia est de re honesta, nec maius impedit bonum. Quod ita rursus dividere solent, ut aliud sit poenale simplex, v. g. si quis dicat, *Si lusero, voveo ieiunium*; aliud sit velut duplex, ut aiunt; v. g. *Voveo non ludere, & si lusero, voveo ieiunium*.

XIII. Quæst. X. *An, quando transgressio voti poenalis culpa vacat ex invincibili ignorantia, obligetur vovens subire poenam transgressionis appositam?* Resp. Communis opinio negans est: quia ubi nullum est peccatum, ibi nulla esse debet poena. In data hypothese nulla supponitur esse culpa: Ergo nulla poena erit subeunda: quod verum est, etiam si ignorantia libera non sit ab aliqua veniali culpa.

XIV. Quæst. XI. *An qui mortale peccatum committit contra votum, si immemor voti sit, obligetur ad poenam?* Resp. Adfirmant aliqui, sed plures negant. Quoniam, inquit isti, qui invincibiliter voti non recordatur, vere non peccat contra votum. Ergo, sicut non peccat transgrediendo votum, ita nec debet poenam subire. Quid, si memor sit voti, & immemor poenæ? Respondet Sanchez, talem incurrere poenam, si levis sit; secus, si sit insignis, & gravissima. Sed breviter dico, mihi probabilius videri, hunc neque levem, neque gravissimam poenam incurrere, quando invincibiliter illius non meminit; secus, si vincibiliter. Quia verosimilius mihi videtur quod lex tunc non obliget ad poenam, sed a poena potius excuset.

XV. Quæst. XII. *An in voto duplici poenali, si quis absolvetur a voto, absolvetur quoque a poena, quam nondum incurrat?* Resp. Negant non pauci. Sed probabilior videtur opinio adfirmans: quia, dum quis absolvitur v. g. a voto ludendi, censetur consequenter absolutus etiam a voto quo poenam sibi imposuerat, si iussisset. Quamvis etenim eiusmodi vota non ita sint connexa, ut nequeat unum independentem ab altero emitte; attamen communiter in votis poenalibus talis habetur connexio. Consulenda tamen est voventis intentio.

XVI. Quæst. XIII. *An absolutus a voto, censetur absolutus etiam a poena contracta in transgressionem primi voti; & an in petitione dispensationis explicandum sit utrumque votum?* Resp. Probabilior est opinio quæ negat absolutum a voto, esse itidem absolutum a poena quam iam contraxit in transgressionem primi voti. Pariter probabilius iudicamus, explicandum esse utrumque votum in petitione dispensationis: quia, ut dispensatio legitima sit, & tuta, tota materia exponenda est iudicio Superioris. Et quamvis secundum votum accessorium sit, attamen quam maxime

maxime confert ut Superior dispensans, prudens iudicium efformare valeat. Multo autem magis tenetur vovens explicare votum principale, dum pœnæ contrahæ, vel contrahendæ dispensationem implorat.

XVII. Quæst. XIV. *An qui vovit vitare aliquid, puta ludum, sub tali pœna, toties teneatur ad pœnam, quoties luserit?* Resp. Omisiss variis distinctionibus pœnarum levium, & gravium, quod mihi probabilius videtur, est, talem semel tantum pœnam incurrere: quia rationabiliter præsumitur id intellexisse in voti emissionem. Nec enim homo prudens ad innumeras subeundas pœnas se astringere solet, maxime si tales sint pœnæ, ut vix repeti possint. Si talia edidisses vota: Si lusero, voveo peregrinationem Hierosolymitanam, aut ingressum in Religionem, aut castitatem: numquid hæc pœnæ repeti possunt toties, quoties commissa fuerit voti violatio? Ad istas ergo pœnas quod attinet, communiter fatentur Auditores, eas non esse totidem vicibus subeundas. De aliis pœnis aliter sentiunt. Nec ipse repugno. Cur? Quia frequenter voventes eiusmodi pœnas leves sibi imponere intendunt, toties luendas, quoties votum transgressi fuerint; ut dum vovent aut aliquas preces, aut parvas eleemosynas, genuflexiones &c. Ex intentione ergo voventis, vel si non pateat voventis intentio, ex pœnarum qualitate colligendum erit, num pœnæ iterandæ sint, nec ne.

C A P U T IX.

De voto assumendi statum religiosum.

1. **D**E voto assumendi statum religiosum agit D. Thomas 2. 2. quæst. cxxxix. art. 2. (non lxxxviii. ut scribit Leander, corrigens Pradum, eo quod scripserat lxxxix.) ubi ostendit laudabile opus esse, meritiq; plenum votum profitendi statum religiosum: quia, cum votum quodcumque sit de iis quæ ad Deum pertinent, professio status religiosi maxime ad Deum attinet: hac siquidem professione homo se se holocaustum in Dei obsequium, & honorem offert.

II. Hinc sequitur, illi qui votum emisit ingrediendi Religionem, omnem adhibendam esse diligentiam ut ingressum exequatur, quemadmodum docet Angelicus *loc. cit. art. 3. ad 1.* Nec tamen ad voti observantiam requiritur ut vovens re ipsa ingrediatur Religionem: quoniam multa ob stare possunt ne eiusmodi ingressus executioni mandetur, eaque ut removeantur, a vovente non pendet: sed solummodo necesse est ut vovens nihil omittat ex parte sua eorum quæ ad ingrediendum Ordinem viam sternere possunt. Si quæ tamen impedimenta haberet vovens, eadem manifestare deberet Prælati illius Religionis, cuius vovit ingressum. Quoniam manifestatio isthæc, etiam si ingressum impediret, necessaria est ad valorem

rem contractus inter Religionem & voventem. Religio enim ius habet non recipiendi eos qui gravi impedimento obstricti sunt, atque pari iure potitur ut sibi talia occulta impedimenta manifestentur. Ita docent communiter Auctores. Diligentia autem quam adhibendam voventi diximus, non est necesse ut sit extraordinaria, ut ad intercessores, & magnatum patrocinia recursum habeat pro ingressus executione; sed satis est ut iis mediis utatur quæ prudentes adhibere solent in gravioris momenti negotiis. Minus probabile censemus quod scribunt Salmanticenses *tract. xv. cap. 11. punct. 1. num. 2.* videlicet voventem non teneri, dum habitum petit, manifestare suum votum Prælato; etiam si speret eiusmodi manifestatione recipiendum esse in Religionem: quia, inquiunt, manifestatio hæc necessaria non est executioni voti: vovens autem solummodo media necessaria apponere tenetur. Laudant pro hac opinione Caietanum in 2. 2. *quest. clxxxix. art. 3. circa solut. ad 2.* Sed falso, ut non raro illis accidit. Nec verbum enim habet Caietanus saltem loco citato, quo eximat voventem a manifestatione talis voti. Laudant quoque Bonacinam, & alios, quorum examen, cum res levioris momenti sit, præterreo. Dico namque voventem obstringi ad hanc manifestationem, quando advertit hanc esse viam ad ingressum assequendum. Ratiocinium Salmanticensium falsum reputamus: quia vovens vi voti ea tenetur apponere media quæ prudenter existimat conducere ad obtinendum finem sibi præstitutum, quæve absque gravi incommodo exequi potest. Quid autem hac voti manifestatione facilius? Semel ergo posito quod eiusmodi medium sit congruum ad obtinendum finem voti, scilicet ingressum in Religionem, non apparet ratio cur non teneatur tali medio uti. Licet concedamus, hanc manifestationem non esse suapte natura necessariam executioni voti; tamen in hac circumstantia necessarium est ut vovens bona fide se se gerat, illaque exequatur media quæ & nullam afferunt difficultatem, & efficacia sunt ad finis assecutionem. In quo namque negotio alicuius momenti similis facillima diligentia omitteretur? Neque hinc consequitur teneri voventem implorare præsidium, & favorem patronorum: quia & eiusmodi media grave suapte natura incommodum adferunt, & prudenter præsumitur ad illa voventem non se obligasse. Ut materia hæc aliquantulum impedita clarius exponatur, in sequentes paragraphos illam tribuimus.

§ I.

Quomodo interpretanda sint sequentia vota.

I. Quæst. I. Quid dicendum de hoc voto: *Promitto me ingressurum Religionem, nisi Deus aliter de me statuerit?* Resp. Duplicem sensum habere hoc votum potest, ut post Cordubam Sanchez advertit *Lib. IV. Decal. cap. xvi. num. 2.* Prior est: *Voveo Religionem, nisi Deus me aliquo morbo, aliove obstaculo ad ingressum ineptum reddiderit*: quo impedimento sublato, votum asserunt obligare. Posterior est: *Voveo Religionem, nisi quid magis expediens meæ saluti Deus decreverit.* In hoc casu votum cessare dicunt. Et in dubio, utrum magis expediens sit votantis salutis alius status a Religione, subdunt consulendos esse viros probos; atque dubio permanente, impetrandam esse voti dispensationem. Ceterum, ut id quod sentio promam, conditio apposita inepta, & superflua videtur: quoniam, dum aut impedimentum occurrit, aut status maioris perfectionis sese offert, etiamsi conditio apposita non fuisset, subintelligeretur. Superfluam quoque cenfeo hanc aliam conditionem: *Voveo me ingressurum Religionem, si potuero*: quoniam nemo nisi potens Religionem ingredi tenetur. Et quamquam omnes habeant potentiam physicam, non autem omnes moralem. Attamen in quolibet voto includitur potestas etiam moralis, idest nisi gravia impedimenta ineptum voventem constituerint. Quod si vis ut rationabilem propugnare conditionem præfatam, resp. tanti momenti non cenfeo, ut acriter contendere debeam: potissimum quia in similibus votis semper voventis intentio primum omnium spectanda sit.

II. Quæst. II. *Quomodo explicandum est votum istud: Voveo me ingressurum hanc Religionem, si quam intravero?* Hoc votum proponit D. Antoninus II. *Part. tit. xi. cap. 11. §. 1. notat. 4.* his verbis. *Si quis iuret, vel voveat intrare hanc Religionem, si quam intrat, valet: quia non per hoc principaliter excluduntur aliæ, sed principaliter includitur ista. Et si non pure, tamen sub conditione, scilicet si velis intrare aliquam. Sed si promitteret se nullam aliam intraturum, & non promitteret istam intrare nec pure, nec sub conditione; non valeret, & peccaret sic vovens.* Dum itaque vovens aliquam designat Religionem, licet conditionem abiciat, votum validum est; si vero omnem excludat Religionem, votum nullum est, & impium. Ut tamen istius voti natura manifestior fiat, voventis intentio est inspicienda. Si enim peculiari ductus affectu erga talem Religionem, vovit illius ingressum tamquam quid principaliter sibi præstitutum; votum validum est, quamquam conditionatum: quia ingressus in Religionem, etiam conditioni alligatus, bonus est; & apta voti materia. Contra, si principaliter vovisset, nullam se ingressurum

Reli.

Religionem, tunc tota voti materia esset pura negatio, inepta ad votum; atque adeo nullum esset votum ipsum. Ita communiter Auctores.

III. Quæst. III. *Validum ne sit hoc votum: Voveo, nullam personam obſtaculo mihi futuram, quominus Religionem ingrediar, vel aliquid aliud faciam?* Resp. Invalidum esse pronuntiant Sanchez *Lib. IV. cap. xvi. num. 7.* Trullenchus *Lib. II. dub. 2. cap. 11. dub. 17. num. 4.* Leander *tract. 1. quæst. v.* Validum vero mihi videtur: reddit enim hunc sensum, nisi expressa voventis intentio aliud prodat: Voveo me ingreſſurum Religionem, quin cuiusquam personæ preces mihi obſtaculo sint; seu voveo me superaturum, quoad potero, omnium personarum impedimenta, ut Religionem ingrediar. Quid quod citati Auctores adſirmant, validum esse votum sic conceptum: *Voveo nihil fore impedimento, quominus Religionem ingrediar?* Et tamen nullum, nisi in verbis, discrimen habet, si cum altero comparatur.

IV. Quæst. IV. *An teneatur ad Religionis ingreſſum qui votum emisit volendi Religionis ingreſſum?* Resp. Negative respondent Sanchez *Lib. IV. cap. xvi. num. 8.* & penes ipsum Navarrus *Lib. III. Conſil. tit. de vot.* Azorius *Lib. XI. cap. xxii.* quibus ſubſcribunt Leander, Pellizarius, Baſſæus, aliique. Si votum iſtud absolute, & a quacumque circumſtantia ſeiunctum conſideretur; certum est ipsum non inducere obligationem ingrediendi Religionem ob rationem quam citati Auctores assignant: nempe quia aliud est votum volendi, aliud votum faciendi. Qui vovet se velle tantum, non vovet se facere. Hic autem vovens non vovet se ingredi, sed vovet se velle ingredi. Ad hoc autem ſatis est ut aliquando firmam, bonamque voluntatem habeat ingrediendi; quæ minime obſtat matrimonio ineundo. Sint hæc vera in quadam metaphyſica conſideratione. Ceterum, si quis reiſa tale votum emiſſiſſet, vix haberetur fundamentum aliquod præſumendi talem voventem non habuiſſe intentionem vovendi ingreſſum in Religionem. Quis prudens voveret, se habiturum voluntatem ingrediendi Religionem, dum ſimul propoſitum habeat contrahendi matrimonium? Voluntas ingrediendi Religionem bona est, quia bonum inſpicit. At, dum adest contraria deliberata voluntas volendi matrimonium, ſunt duo actus qui invicem ſe collidunt. Quare, si mihi occurreret caſus iſte, ſerio voventis intentionem explorarem: quia in praxi aut votum inconſideratum eſt, & nullum deſectu debita cognitionis; aut vovens certe ad Religionis ingreſſum tenetur. Idem dicendum de eo qui voveret *ſe nolle in ſeculo vivere*, nempe exploranda eſſet voventis intentio. Citati Auctores aiunt, ad obſervationem talis voti ſatis futurum quod vovens negative ſe habeat, & nullum eliciat actum contrarium, *Volo in ſeculo vivere*: & ideo inire poterit matrimonium, Mihi ridicula viderentur eiufmodi vota; & qui eadem emitterent, nimium imprudentes, & inconſiderati. Quare, si deprehenderem homines prudentes eſſe, qui talia vota ſua ſic exprimerent, ſerio eorum inveſtigarem intentionem: quia communiter qui vovet ſe

se nolle in sæculo vivere, prudenter præsumitur & quod propositum habeat ingrediendi Religionem, & quod votum emitat Religionem assumendi. Nec tam ex verbis quam ex intentione voventis, obligatio, & natura voti eruenda est. Si vera foret contraria sententia, materia istius voti esset mera negatio, & nihil positivi includeret. Idcirco dicunt citati Auctores, quod vovens iste deberet vi talis voti negative se habere. Sed ego, omnibus pensatis, aut votum nullum censerem, aut voventem ad Religionis ingressum obligarem.

V. Quæst. V. *An votum moriendi in Religione sit votum Religionis?* Resp. Adfirmant communiter omnes. Nemo enim mortem occumbere in Religione potest, nisi prius eam ingrediatur. Quia vi eiusmodi voti tenetur vovens in eadem perseverare. Disputant dumtaxat Auctores de tempore quo ex vi talis voti urgeret ingressus executio. Alii sustinent, idem dicendum de hoc voto ac de voto absolute ingrediendi Religionem, quod scilicet statim obliget. Alii continent, eiusmodi votum non inducere obligationem adeo solliciti ingressus. Missis disputationibus, exploranda est, quoad fieri potest, voventis intentio, & circumstantiæ considerandæ. Si verborum vis attendatur, quod eiusmodi votum tam celerem ingressum non præferat ac votum absolutum ingrediendi Religionem, videtur satis probabile. Quod e contrario non permittat longam dilationem, item satis verosimile apparet. Idcirco viri prudentis arbitrio hæc temporis definitio relinquenda esset, ut, inspectis circumstantiis, posset vel anticipare, vel moderate executionis tempus differre.

VI. Quæst. VI. *An votum vitæ eremiticæ, & solitariae obligationem inducat?* Resp. Convenit inter Auctores, hoc non esse verum Religionis votum. De illius obligatione dissident. Ne in levioris momenti quæstionibus plus iusto immoremur, validum esse votum istud, non videtur ambigendum. Si voventes non plene teneant statum, & perfectionem vitæ eremiticæ, ac solitariae (quæ absque speciali vocatione, & illustratione cælesti suscipienda non est) dispensationem poterunt impetrare. Hocque commune est penes Auctores.

§. II.

De obligatione voti assumendi statum religiosum.

I. Quæst. I. *An qui vovit absolute Religionem, votum impleat, si habitum assumat equitum D. Iacobi, Calatrava, Alcantara, & Montea?* Resp. Adfirmant aliqui; sed communis sententia negat: tum quia valde controversum est, sint ne isti veri Religiosi: non enim absolute castitatem, sed coniugalem tantum vovent; nec absolutam aut pauperatatem, aut obedientiam Deo spondent:

dent: tum etiam quia, admissio vero eorundem statu religioso, qui vovent Religionem ingredi, non ad eiusmodi Religiones, sed ad eas quæ vitam cœnobiticam profitentur, animum intendunt.

II. Quæst. II. *An saltem impleatur votum Religionis, si habitus assumatur equitum D. Ioannis?* Resp. Aiunt plures non ignobiles Scriptores: eo quod equites isti emittunt tria vota absoluta, paupertatis, castitatis, & obedientiæ, suntque vere Religiosi; &, quoad fieri potest, Melytæ commorantes vitam communem ducunt, sicut ceteri Religiosi; atque religioni sibi vertunt, dum eam non servant, ut quidam ex iisdem Equitibus mihi testati sunt, & extra controversiam est quod sint veri Religiosi, cum sub regula a Sede apostolica approbata vitam degant. Communis tamen sententia negat impleri votum absolutum Religionis per assumptionem habitus præfatorum Equitum D. Ioannis: quia iuxta communem existimationem qui vovet ingressum Religionis, intendit unam ex Religionibus, in qua a sæculi tumultu prorsus seiuncta communis vita ducatur.

III. Quæst. III. *An saltem eiusmodi votum impleatur per ingressum in Religionem Clericorum ordinum militarium?* Resp. Adfirmant communiter omnes: quippe isti vitam vere regularem in cœnobiis more aliorum Regularium ducunt.

IV. Quæst. IV. *An vovens Religionem voto satisfaciat, si ingrediatur Religionem relaxatam?* Resp. Negant communiter omnes Theologi qui hanc versant quæstionem. Sed explicandum est, quid nomine Religionis relaxatæ intelligatur: Nam relaxatio latitudinem maiorem, minoremque admittit. Aliqua Religio (utinam aliqua tantum!) ab antiquo suo rigore declinavit, eo quod nec in cibo eam abstinenciam, nec in vestitu eam asperitatem quæ a suis primordiis vigebat, observat; leges tamen, & constitutiones, non modo præcipuas, verum etiam leviores, servari ab omnibus curat. Votorum insuper paupertatis, castitatis, obedientiæ observantia in ea adamussim viget. Hæc religio, licet aliquantulum antiqui rigoris remiserit, iuxta tamen communem existimationem, & reipsa, relaxata non est; sed mitior tantum dici potest.

V. Ea Religio relaxata communiter appellatur quæ in *substantialibus*, ut aiunt, deficit. Leges porro substantiales seu primæ, & potissimæ sunt tria vota, & constitutiones, præceptaque, quæ proxima sunt his votis, seu quæ ad facta testæ custodienda vota necessaria sunt, & sine quibus vix, ac ne vix quidem, votorum observatio consistere valet. Sic votum paupertatis cum privatis pecuniis, votum castitatis cum libero e cœnobiis egressu, votum obedientiæ cum libera facultate promovendi proprias rationes componi nequaquam possunt. Hinc illæ Religiones quarum Religiosi & sua privata pecunia, modo ditiora, modo minora, prout fortuna fert, habent; & domicilia inhabitant ampliora non raro quam sæculares, lautioribusque, si velint, epulis vescuntur; & pro libero e Mo-

naste-

haſteris egrediuntur, ludis vacant, ſilentia, ieiunia, & ceteras conſtitutiones paſſim impune violant; in quibus denique tacita conniventia tam Prælati, quam ſubditi in legum tranſgreſſiones conſpirant: hæc, inquam, ſunt Religiones quantum ad ſubſtantialia relaxatæ, quarum Religioſi, licet oretenus iacent ſe vota obſervare, maniſeſtiſſima tamen experientia oppoſitum ſuadent.

VI. Animadvertendum quoque eſt, nullam, ſerme reperiri Religionem quæ in omnibus ſuis cœnobiiſ collapsa ſit; ſed fere quælibet vel cœnobio, vel Congregatione, vel Provinciis habet, in quibus regularis obſervantia firma perſiſtit.

VII. Dicimus ergo, voventem Religionis ingreſſum, non modo non implere ſuum votum, ſi ingreditur Religionem eiufmodi relaxatam quam deſcripſimus; ſed addimus, etiam votum ingrediendi eiufmodi Religiones nullum eſſe, eo quod non ſit de bono meliori. Religiones Deo probatæ faciliorem ſalutis viam efficiunt; relaxati Ordines quos deſcripſi, difficiliorem, immo diſciliſſimam reddunt beatæ vitæ conſecutionem. Ergo votum de earundem ingreſſu non eſt de meliori bono, atque adeo nullum. Minor propoſitio, de qua ſola ambigi poteſt, evidentè oſtenſa eſt in noſtra *Diſciplina Apoſtolico-Monaſtica*; ubi eum qui eiufmodi Religiones ingreditur, in graviffima pericula æternæ ſuæ perditionis ſe ſe coniciere aſſeruimus cum omnibus & Theologis, & Caſuiſtis, quantumlibet benignioribus. Quosdam tantum nunc recenſebimus. S. Antoninus III. Part. tit. xvi. cap. 11. Thomas Caietanus 2. 2. quæſt. clxxxix. art. 9. & Tom. I. Opus. traſſ. ult. tim. reſp. 7. Seraphinus Porreſta *ibidem*. Martinus Navarrus in *Manual. cap. xii. num. 45. & 46.* Paulus Nazarius de ſtatu Relig. couch. 14. Nyder de Reſorm. Reg. cap. ix. part. 1. Lopez in *inſtruct. cap. xliii. Lezana de obligat. Relig. cap. vii. num. 16.* Leſſius de *inſtit. & iur. Lib. II. cap. xli. dub. 5.* Caſſianus a S. Elia de *ciſ. 1. numer. 2.* Sanchez *Lib. IV. in Decal. cap. xvi. numer. 14.* Paſſerinus quæſt. clxxxix. art. 2. num. 6. Leander traſſ. 1. de iuram. quæſt. xiv. & xv. Salmanticensis traſſ. xv. cap. 11. punſt. 1. num. 3. Rotarius Tom. I. Lib. I. cap. vii. punſt. 2. num. 2. Martinez de Prado Tom. II. cap. xxxi. quæſt. vii. num. 2. Bonacina diſput. iv. quæſt. 11. punſt. 5. 6. num. 3. Layman *Lib. IV. traſſat. v. cap. vi. num. 5.* Ratio ſatis obvia eſt, & cuique ſtatim occurrit. Quiſquis enim Religionis vovet ingreſſum, eum ſtatim poſſiſſimum ac ſolum intendit, in quo a mundi periculis procul amotus Deo inſervire, ſuamque æternam ſalutem tutius operari valeat. Porro, dum Religionem collapsam ingreditur, in plura & graviora ſe conicit diſcrimina, & in quamdam quaſi neceſſitatem violandi obligationes novas aſſumptas, maxime paupertatis votum, quod ſolemni ritu Deo nuncupabit. Conſule quæ a nobis dicta ſunt in memorata *Diſciplina Apoſtolico-Monaſtica diſſert. v. cap. xiii.*

VIII. Quæſt. V. An qui vovet ingredi Religionem ſtrictiorem, ſatiſſaciat ſuæ obligationi.
Tom. III. R ſiga-

ligationi laxiorem ingrediendo? Resp. Nequaquam satisfacit, sed peccat mortaliter: quia minus reddit quam promisit. Nemo autem votum maius in minus commutare potest. Hoc certum est penes omnes. Quid, si in laxiori instituto professionem emitat? Valida ne erit emissã professio? Valida utique erit, non inficior. Votum enim solemne, quale est professio monastica, simplex votum, cuiusmodi erat illud ingrediendi strictiorem Ordinem, dirimit. Idque convenit inter omnes.

IX. Quæst. VI. *An qui vovit Religionem strictiorem, & professus fuit in laxiori, licite in hac perseverare valeat?* Resp. Nimium involute hac de re loquuntur Auctores. Communiter namque asserunt, licite cum ibi perseverare posse. Quod uno in sensu verum est, iuxta id quod habet D. Thomas 2. 2. quæst. clxxxix. art. 8. ad 3. inquires: *Votum solemne quo quis obligatur minori Religioni, est fortius quam votum simplex quo quis adstringitur maiori Religioni. Post votum enim simplex si contraheret aliquis matrimonium, non dirimeretur, sicut post votum solemne. Et ideo ille qui iam professus est in minori Religione, non tenetur implere votum simplex, quod emisit de intrando Religionem maiorem.* Ex hac doctrina colligunt Salmanticenses tract. xv. cap. 11. punct. 1. num. 4. quempiam propria auctoritate posse commutare votum ingrediendi Religionem strictiorem in votum perseverandi in laxiore: quia votum perseverandi in laxiori perfectius est voto solum intrandi strictiorem: & laudant plures Auctores, qui revera eandem tradunt doctrinam. Hoc tamen, nisi explicetur, esse potest erroris causa. Certa ergo a dubiis fecernenda sunt. Certum est, votum solemne simplex votum dissolvere; atque adeo qui emisit votum ingrediendi Religionem strictiorem, si professionem in laxiore emiserit, non tenetur amplius vi sui voti simplicis strictiorem amplecti; cum votum illud simplex solutum, & extinctum penitus fuerit per votum solemne professionis. Et ad hoc quod pertinet, optime loquuntur cum D. Thoma citati Auctores. Ceterum, si Religio in substantialibus relaxata sit, quamquam non teneatur vi voti præteriti, & extincti ad amplectendam strictiorem; obstringitur tamen ratione legis divinæ, quæ omnes obligat ad pericula æternæ damnationis vitanda. Porro demonstratum iam est, nullum esse votum ingrediendæ Religionis relaxatæ; & graviter peccare voventem, nisi ignorantia excuset, dum illud implet ingrediendo cuiusmodi Religionem: idque, ut vidimus, docent ipsi Salmanticenses cum ceteris omnibus aliis Theologis. Nequit igitur talis vovens licite perseverare in Religione, quantum ad substantialia, relaxata. D. Thomas autem *loc. cit.* loquitur de Religione minori, seu minus severa, relate ad maiorem Religionem, quæ rigidior est: quarum tamen utraque proprias observet leges, ut fuscè palam feci in citata Disciplina. Qui autem vovit laxiorem, dubio procul valet tale votum sua propria auctoritate in votum
assu-

assumendi strictiorem Religionem commutare; eamque ingrediendo votum implet. Qui autem vovit unam, non potest in aliam, licet æque arctam, non habita dispensatione, ingredi: quia nemo potest, ut probabilius censemus, commutare propria auctoritate votum in æquale bonum, sed solum in evidenter melius.

X. Quæst. VII. *Utrum satisfaciatur voto ingrediendi Religionem strictiorem, si ingreditur laxiorem, quæ privilegium pontificium habeat recipiendi eos qui voverunt strictiorem?* Resp. Adfirmant communiter Doctores, qui referunt reipsa tale privilegium habere Benedictinos, Augustinianos, & alios. Ut ut sit de veritate horum privilegiorum, præ oculis semper habenda est distinctio superius tradita: videlicet, si Religionis laxioris nomine intelligatur Religio mitior, blandior, minusque severa, quæ tamen exacte suas initiores leges servet; privilegio admissio, vera est communis sententia; si autem Religionis laxioris nomine veniat Religio collapsa in *substantialibus*, falsâ foret sententia præfata. Negamus enim ullum legitimum privilegium reperiri quod Ordinibus collapsis facultatem concedat recipiendi eos qui voverunt Religionem arctiorem. Quin asserimus, diplomata pontificia similes Religionem privare facultate recipiendi quoscunque ad suam professionem.

XI. Quæst. VIII. *Quid præstare tenetur qui indefinite Religionem vovit?* Resp. D. Thomas 2. 2. quæst. cxxxix. art. 3. ad 2. hæc statuit. *Ille qui se voto obligavit ad certæ Religionis ingressum, tenetur facere quantum in se est, ut in illa Religione recipiatur: & si quidem intendit se simpliciter ad Religionem obligare, si non recipiatur in una Religione, tenetur ire ad aliam; si vero intendit se specialiter obligare ad unam solum, non tenetur nisi secundum modum obligationis suæ.* Igitur, si vovens unam determinate vovit Religionem, eam adhibere debet diligentiam, ut recipiatur, quam in alio adhiberet negotio gravioris momenti. Si ab uno Cœnobio repulsam tulerit, quatuor, aut quinque alia debet adire, ut dicunt communiter Doctores; quemadmodum, si vovit Religionem indefinite, quatuor, aut quinque Ordines, & cuiusque Ordinis quinque aut sex Conventus explorare tenetur, ut, si ab omnibus reiectus fuerit, liber a voto sit. Ita docent Sanchez, Castropalaus, Trullenchus, Leander, & alii. Disputant etiam, an teneatur extra propriam nationem, & patriam se conferre, atque alterius linguæ, & regionis Cœnobia adire. Sed hoc communiter negant. Satiùs videtur id prudentis arbitrio relinquendum. Id solum semper advertendum, quod Religionis collapsæ ingressum nec attentare, nec exequi debet. Si vovens liber sit ab impedimentis, facilis erit illi in unam aut alteram Religionem ingressus; si impedimentis sit irretitus, nullam inveniet. Qui est ineptus ad unam, aptus ad aliam esse potest. Quæ omnia a pluribus circumstantiis pendent. Idcirco re-

gula certa assignari nequit; sed id viri prudentis iudicio remittatur oportet. Hinc colligitur, veram absolute non esse opinionem Sanchez, Castropalai, Leandri, & Salmanticensium, asserentium illum qui vovit Religionem indefinite, cogendum non esse ad ingrediendum Ordinem strictissimum, ut Cappucinatorum, Carthusiensium, Camaldulensium, & Minorum. Quandoquidem occurrere potest, & quidem non raro, ut vovens iis omnibus polleat quæ ad unum ex præfatis Ordinibus habilem, aptumque ipsum constituent; sit autem ineptus ad alios Ordines. Si vovens sanus, robustusque sit, si nullam adversus talem Ordinem aversionem experiatur, si indole optima sit instructus, si virtutis ardore flagret; cur non consulendus sit ipsi talis Religionis ingressus? Quæ ratione a Religionis assumendæ voto erit eximendus? Absolute ergo istorum Doctorum regula falsa videtur. Quare, ut diximus, iudicio prudentis, docti, & pii viri totum est relinquendum. Idem pariter asseverandum de mulieribus, ac de hominibus. Ad diversitatem tamen patriæ, & provinciæ quod attinet, mulieres communiter cogendæ non sunt, ut extra propriam urbem, aut saltem nimis a parentibus remotum Conventum inquirant. Homines qui Religionem voverunt indefinite, si communiter repulsam acceperint ab omnibus Ordinibus, haudquaquam tenentur ingredi Ordinem Equitum D. Ioannis, Calatravæ, vel Alcantaræ: quia eiusmodi Ordines militares non comprehenduntur sub voto Religionis in communi, ut supra explicatum est.

XII. Quæst. IX. *Qui vovit ingredi hunc sigillatim Conventum, si repulsam ferat; tenetur ne alia adire Cœnobium?* Resp. Ex intentione voventis solutio colligenda est. Si aliquo peculiari rationis momento ductus tale Cœnobium primo & principaliter sibi præstituit, & repulsam passus fuerit, liber a voto manet. Caute tamen, & serio exploranda est voventis intentio. Quoniam, si sola quædam affectio peculiaris erga tale Cœnobium impulsus tantummodo ad votum eliciendum adiecit, nullaque solida ratio talis definitæ electionis eluceat; tunc non est liber a debito curandi acceptionem in aliis eiusdem Ordinis Cœnobiis: quia in his circumstantiis patet, hunc voventem primo, & per se intendisse ingressum in hanc Religionem, deinde in tale Cœnobium. In similibus causis iudicium totum pendet a voventis expositione.

XIII. Quæst. X. *Vovens semel legitime reiectus a Monasterio, vel Religione, tenetur ne ad illam amplectendans, si postea ab eadem Religione, vel Monasterio invitetur?* Resp. Quod penes omnes certum est, primo loco dicendum venit. Si quis ob aliquod temporaneum impedimentum repellatur, impedimento sublato, vi voti tenetur regressum postulare. Idque inter omnes convenit; quemadmodum certum est quod, si vovens reiciatur ob aliquod impedimentum apparens, & reipsa saluum; ut si recipiendus reputaretur ære alieno gravatus, illegitime natus, morbo

occulto infectus, qui revera non esset, certum, inquam, est quod teneatur ingredi Religionem, si cognita veritate Religio eum exciperet.

XIV. Quod autem in disputationem revocant, est, num legitime, & absolute, atque in perpetuum repulsus, liber a voto maneat; ita ut, si a Religione denuo invitetur, non teneatur ad ingressum. Liberum a voti vinculo communiter Auctores hunc talem declarant: quæ opinio & mihi videtur probabilior: alioquin vovens iste anceps, & suspensus toto vitæ suæ tempore manere cogeretur. Ad hanc vero sortem adeo ancipitem non est ullo modo præsumendum quod se voluerit obligare dum votum Religionis emisit; neque ex voti natura tam grave onus colligi prudenter potest. Minus tamen probabile nobis videtur quod Salmantipenses cum Castropalao, Aragonio, Pellizario, Diana, aliisque docent *loc. cit. num. 11.* nempe quod vovens, facta sua petitione pro admissione ad habitum religiosum, non teneatur vi voti expectare consensum Religionis; si hæc tempus quærat ad deliberandum, seu si differat deliberationem: quia, inquit, censetur emissum votum sub hac conditione: *Si facta debita diligentia Religio admittere voluerit.* Hæc, inquam, opinio & minus probabilis, & falsa nobis apparet: quia vix est Religio cauta, & prudens in recipiendis candidatis, quæ in aliquod tempus acceptance non differat, ut comperiat, utrum expediens sit postulante, admittere, & ut periculum faciat, utrum constans, & firma sit eius voluntas. Tantum ergo abest ut in voto includatur conditio subitanæ acceptance, quin potius tacite congrua dilatio semper præsumitur. Dicendum ergo, quod, si dilatio talis sit quæ fundamentum solidum præbeat desperandi de assequendo ingressu, tunc a voto liber dicendus est vovens; secus, si dilatio moderata sit, spemque relinquat obtinendi opportuno tempore acceptance.

XV. Quæst. XI. *Prælati regularis repellere ne licite valet eadem facilitate cum qui voto Religionis obstrictus est, ac cum qui nullo devincitur voto?* Resp. Adfirmat communis sententia, & merito: quia obligatio voventis nullo modo afficit Prælatos, seu Religionem acceptantem. Votum namque emissum fuit sub hac conditione, videlicet si Prælati acceptare voluerit,

XVI. Quæst. XII. *Qui vovit Religionem, ut in eadem Clericus esset, liber ne a voto est, si Religio nobis cum admittere nisi ut laicum?* Resp. Liber omnino est: quia votum non obligat præter voventis intentionem: vovens autem expresse intendit, dum votum emisit, clericatum profiteri. Ergo, hac deficiente conditione, votum solum remanet. Quod si nihil, cum votum edidit, de clericali, vel laicali statu cogitavit, & utriusque statui, clericali scilicet, & laicali aptus sit; illum gradum suscipere tenetur quem Religio præscripserit. Qui expresse vovit statum sacerdotalem suscipere, poterit commutare votum, & fieri laicus, & contra; si Religio tamen consenserit: eo quod accidentaliter mutatio sit intra eandem Religio-

nem. Hæc omnia communia penes omnes sunt. Ex conditione tamen votentis facile plerumque erit dignoscere, quem statum, sin expresse, saltem tacite sibi præstituerit voluerit. Quod si nullo modo cognosci possit, arbitrio Religionis, ut diximus, stare votens debet.

XVII. Quæst. XIII. *Spurius ignorans constitutionem Sixti V. qua spurii a gradibus, & dignitatibus repelluntur, vovet Religionem, cognita constitutione tenetur ne votum implere?* Resp. Negant communiter Doctores: cum enim spurius ad tales dignitates, & gradus assequendos aptus non sit, gravem ignominiam patitur ob talem poenalem privationem. Idemque asserunt de votente Religionem quæ similem legem habeat; si tempore emissi voti illam ignoraverit. Sic docent Sanchez Lib. IV. cap. XVI. num. 59. Pellizarius Tom. I. tract. IV. cap. 2. sec. 1. quæst. IX. num. 55. Leander tract. 1. disp. XXI. quæst. XLII. Castropalaus tract. XVI. disp. 1. punct. 3. Non leve mihi negotium facessit opinio isthæc, eo quod non quodcumque incommodum, vel difficultas satis est ad votum dirimendum. Qui mundum, & omnia quæ mundus dare potest, sive divitias, sive dignitates contemnit, ut evangelicam perfectionem profiteatur, ut in humilitatis virtute, quæ universæ sanctitatis basis est, se se exerceat, præsumitur prudentissime, dum votum emisit, omnibus gradibus, & dignitatibus renuntiassè: quin natura talis voti hanc renuntiationem includere videtur. Accedit quod præfata graduum privatio mundanis, non religiosiis hominibus ignominiam inferat. Si Religiosi spurii doctiores, probatores, sanctioresque Religiosi fuerint, ceteris quantalibet dignitate præstantibus eminebunt. Quare producta sententia plus humanis affectibus quam evangelicis consiliis, ad quorum observantiam vitam suam se exacturum spondet qui vovet Religionem, videtur accedere. Ego sane ob solam hanc difficultatem, nisi peculiares circumstantiæ occurrerent, non eximerem a Religionis ingressu eum qui eandem vovisset, præfata lege ignorata.

XVIII. Quæst. XIV. *Qui vovit Religionem in statu sacerdotali, tenetur ne grammaticam addiscere, cum ob illius ignorationem non admittatur?* Resp. Adfirmat communis sententia. Sotus Lib. VII. quæst. 11. art. 1. ad 3. Sanchez Lib. IV. cap. XVI. num. 61. Suarez Tom. III. de Relig. Lib. IV. cap. 11. num. 21. Bonacina disp. IV. quæst. 11. punct. 3. num. 14. Leander tract. 1. disp. XXI. quæst. XLIV. Aragon, Ledesma, Rodriguez, Azorius, & alii. Quippe qui vult finem, & media quæ ad hunc assequendum conducunt, velit oportet. Si tamen, dum vovit, putavit intra Religionem addiscere eam posse; non tenetur eam addiscere extra: quoniam constat de eius expressâ intentione, ultra quam votum non obligat. Si nolit grammaticam addiscere, poterit fieri laicus, Religione consentiente: quia tunc perfectus votum implere censetur ob peculiarem talis status humilitatem, & laborem. Quid, si tempore emissi voti de Religione in statu sacerdotali ampeccenda, i-

gno-

ignoravit necessariam esse grammaticæ cognitionem? Tenetur ne eam addiscere? Negant citati Auctores, eo quod hæc superveniens difficultas adeo gravis est, ut fatis sit ad voti dissolutionem. Id tamen ex circumstantiis colligendum videtur. Si enim vovens ita erga Religionem affectus fuisset, ut, si hanc difficultatem scivisset, nihilominus illam vovisset; profecto ad discendam grammaticam teneretur. Si contra prudenter præsumatur non editurum fuisse votum, quotiescunque perfectum habuisset eiusmodi impedimentum, liber a voto remanet, nec statum laicalem in præfata Religione amplecti obstringitur; quemadmodum non tenetur fieri laicus qui vovit Religionem in statu clericali, sciens ad hunc statum requiri grammaticam; si postea, rei periculo facto, impotens omnino deprehendatur ad eam perdiscendam: quia moralis impotentia solvit a voti debito. Ex alia parte status laicorum præter illius intentionem fuit in voti emissionem. Si dum votum emisit, dubius erat, an necessaria nec ne esset grammatica ad statum clericalem; eam addiscere tenetur: quia, dum aneeps erat, certiores se facere debebat. Quin, si dubius extitisset, utrum requireretur liberalium artium cognitio ad Philosophiam, vel Theologiam comparandam; eogeretur artes illas addiscere ob rationem datam: quoniam, dum sic dubius votum emisit, præsumitur se obligasse ad ea omnia exequenda quæ ad finem obtinendum necessaria sunt. Dum autem dubitatur, an vovens sciverit nec ne tempore voti, requiri grammaticam ad statum clericalem; præsumendum est illum scivisse: cum nulla Religio sit quæ talem noticiam non exigat; & consequenter omnibus communiter id est compertum. Qui vovit statum laicorum, non tenetur artem mechanicam addiscere, ut recipiatur, si ob hunc defectum Religio illum excluderet; quando de tali arte votum emittens nihil omnino cogitavit. Contra, si scivisset aliquam artem esse necessariam ad Religionis ingressum, tunc deberet aliquam artem discere. Animadvertit tamen Sotus *Lib. VII. de iust. quæst. 11. art. 1.* teneri voventem addiscere artem quam Religio exigit, etiam si de illa nil cogitaverit; quando talis naturæ ars sit, ut facile possit disci; & alioquin vix utilis foret Religioni vovens sine tali arte. Quisquis enim tenetur exequi media facilia, ut compos voti sui evadat. Quæ sententia vera est.

XIX. Quæst. XV. *Qui, voto Religionis emisso, contrahit matrimonium; vel, contracto & consummato matrimonio, vovet Religionem, quid peragere debet?* Resp. Si Religionis votum præcessit matrimonium, peccat mortaliter contrahens matrimonium. Integro bimestri nec petere debitum, nec reddere licite valet: quia cum intra hoc bimestre adhuc implere suum votum possit, statum religiosum assumendo; idcirco peccaret mortaliter tam reddendo quam petendo. Transacto bimestri, reddere tenetur, minime vero petere potest. Consummato tamen matrimonio, sive cum culpa, sive absque culpa, tunc & reddere, & petere posse sentiat

Lessius, Palaus, Bonacina, Sanchez & Salmanticenses *loc. cit. num. 15*. Si vero post consummatum matrimonium coniuges mutuo consensu voveant, possunt reddere, & petere: quia usus matrimonii non impedit Religionis suscipiendæ votum. Votum Religionis emissum post sponsalia validum est: quia sponsalia censentur contrahi sub hac conditione, *Nisi meliorem statum elegero*. Et, si quis post matrimonium ratum, non consummatum, ius habet ingrediendi Religionem; potiore iure gaudet post contracta sponsalia. Verum de his omnibus fusius, cum de matrimonio sermo erit.

XX. Quæst. XVI. *Implet ne votum Religionis qui Episcopatum suscipit?* Resp. Negat communis sententia. Id colligitur ex *cap. Per tuas x. de voto*, ubi ad hunc casum respondet Innocentius III. *Consulimus ut si tuam sanare desideras conscientiam, regimen resignes Ecclesiæ, & reddas Altissimo vota tua*. Ratio quoque clara est: quia, licet status episcopalis absolute perfectior sit, prout ad promovendam perfectionem in aliis incumbit; nihilominus, excluso casu necessitatis, melius & tutius est voventi Religionem amplecti quam suscipere Episcopatum, ad quem nemo accedere debet, nisi peculiari ductus vocatione, & veluti a superioribus coactus. Et hæc communis sententia est.

§. IIL

De debito quo astringitur perseverare in Religione qui illam vovit.

I. **Q**UI non solum ingressum in Religionem, sed Insuper perseverantiam in eadem vovit, ad utrumque astringitur. Qui vero absolute Religionem vovit, ad aliud non tenetur vi voti, nisi illam ingredi, & probationis, ut vocant, anno eandem experiri sincero animo illam profitendi, si expedientem suæ æternæ saluti ipsam agnoverit. Quamobrem, si absque sua culpa eiiciatur, liber a voto manet, nec alterius Religionis ingressum quaerere tenetur. Neque est præsumendum, quando id aperte non constat, eum qui vovit Religionem, vovisse quoque perseverantiam in eadem; quandoquidem istud distinctum onus est, quod addiciendum non est voventi præter eius intentionem. De hoc agit D. Thomas 2. 2. quæst. cxxxix. art. 4.

II. Quæst. I. *Qui intravit Religionem animo excundi, satisfacit ne voto?* Resp. S. Thomas *loc. cit. ad 3.* respondet, quod illi qui intrat, ut statim exeat, non videtur satisfacere voto suo: quia ipse in vovendo hoc non intendit: & ideo tenetur mutare propositum, ut saltem velit experiri, an ei expediat in Religione remanere: non autem

autem tenetur ad perpetuo remanendum. Ratio clara est. Qui enim vovit Religionem, non vovit solam religiosi habitus susceptionem, sed statum religiosum, in quo Deo inservire possit: quare, nisi experiatur statum hunc minus sibi congruum, non potest licite illum deferere. Sic docent communiter omnes.

III. Quæst. II. *Qui Religionem intraret animo exeundi, simulque cum proposito Deum orandi, ut illius cor immutaret, satisfaceret ne voto?* Resp. Adfirmat Leander *tract. 1. disp. xxi. quæst. 111.* ubi citat Angelum, Richardum, Sylvestrum, Sanchez, & Bassæum. Sylvester *ver. Relig. 2. quæst. xix.* reipsa refert opinionem Richardi ita sentientis: & Sanchez *Lib. IV. cap. xvi. num. 75.* cum pluribus aliis hanc ipsam sententiam defendit, eo quod bona fide præstaret omnia quæ ex parte sua necessaria sunt ad obtinendum effectum sui voti. Verum, quando vovens animo exeundi ingreditur, propositum quod allegatur dandi operam ut Deus cor immutet, fallax & mendax præsumitur. Quare primum omnium animum exeundi deponere debet; ac deinde Deum orare, ut cor emolliat. Quomodo enim bona fide, & sincere Deum orare potest, ut immutet cor, si deliberato animo exeundi ille ingreditur? Quare mihi probabilius; & sinceritati conformius videtur prius voventem debere pravam exeundi animum deponere, deinde operam dare ut Deus cordis infringat duritiem. Si vero ingressus præfato animo exeundi, & cum proposito perseverandi (quæ duo simul pugnant) reipsa Religionem relinqueret; denuo illum urgerem ut, animo exeundi deposito, periculum rei de more faceret: & tunc, si, bona fide experimento facto, a Religione egrederetur, eo quod statum illum minus sibi consentaneum experiretur, eum a voto liberum declararem. Hinc potiore iure dicendum est, & communiter Auctores docent, non satisfacere voto Religionis eum qui animo non perseverandi ingreditur, si postea, etiam ob iustam causam exeat: quia bona fide Religionem expertus non est: & ideo tenetur sincero animo negotium peragere, ut voto suo faciat satis.

IV. Quæst. III. *Qui votum emisit ingrediendi, igit statim exeundi, vel cum expressa intentione fruendi libertate a iure Novitii concessa, ad quid tenetur?* Resp. Votum ingrediendi, & illico egrediendi nullum est, & ineptum; quando tam ingressus quam egressus æquo modo constituunt voti materiam. Si vero votum per se ingressum respiceret, & egressus esset circumstantia adiecta, votum validum foret, & vovens ad ingressum teneretur, atque circumstantia, tamquam inique adiecta; servanda non esset. Qui vovet cum hac expressa intentione fruendi libertate, qua gaudent Novitii experientes; absque ullius voti vinculo Religionem, dubio procul, facta experientia, egredi valet, & voto fecit satis. Sic expresse D. Thomas 2. 2. quæst. clxxxix. art. 4. in cor. *Si autem intendit se obligare ad ingressum Religionis causa experiendi, cum libertate remanendi, vel non remanendi, manifestum est quod*

quod remanere non tenetur. Si tamen absque omni iusta causa exiret, sin peccaret contra votum, delinqueret tamen adversus divinam clementiam, cuius beneficia pro nihilo duceret, & contemneret. Subdit vero Angelicus ibidem. *Si vero in votendo simpliciter de ingressu Religionis cogitavis, absque hoc quod cogitaret de libertate exitus, vel de perpetuitate remanendi, videtur obligari ad ingressum Religionis secundum formam iuris communis, quæ est, ut ingredientibus detur annus probationis: unde non tenetur perpetuo in Religione permanere.* Itaque si, prævio experimento, ob iustam causam egrediatur, voto satisfecit.

V. Quæst. IV. *Qui vovit Religionem absolute, nihil sive de perseverantia, sive de egressu cogitans, satisfacit ne voto, si ingrediatur Religionem, & facto experimento, absque ulla causa, sed sola libertate ceteris candidatis voto solutis concessa, egrediatur?* Resp. Adfirmant non pauci. Henricus Gandavenus quodlib. 111. quæst. 1x. & quodlib. x111. quæst. xv. Navarrus Lib. III. Consil. de voto consil. 25. sive 19. Angelus ver. Votum 3. num. 18. & alii, quos citat Sanchez Lib. IV. cap. xvi. num. 89. Ratio istius opinionis est, quia votum, quemadmodum & iuramentum, omnes limitationes, ac exceptiones suscipit quas ius tribuit, *l. final. cap. de condit. indeb.* Ergo votum Religionis intelligitur pro sola experientia facienda iuxta iuris regulas. Quoniam ius tribuit facultatem candidatis experiendi intra annum probationis Religionem cum plena facultate egrediendi.

VI. Contrariam sententiam, quæ probabilior est, & quam communiter Auctores tradunt, amplectimur. Ratio evidens est. Nam qui vovet Religionem, vovet se vitam ducturum in tali statu, admissio quod status iste, facto experimento, gratus sibi sit, nullaque sufficiens ratio occurrat cur debeat ab eodem recedere. Si enim voveret Religionem, ex mero arbitrio relinquendam, nulla etiam urgente causa; ingressus iste vanus & inutilis esset, ineptaque voti materia. Immo omnes qui ingrediuntur Religionem, si prudenter, ut præsumere debemus, agant, intendunt perseverare in eadem: idque omnes qui prudenter votum Religionis edunt, sibi præstipiunt. Ergo, nulla occurrente causa recessus, ut votum impleat, vovens tenetur in Religione perseverare. Nec obstat ratio contrariæ sententiæ, quod ius plenam intra annum probationis libertatem recedendi concedit in foro exteriori, ne scilicet detur actio contra Novitios egredientes. Hinc etenim minime sequitur posse Novitium, tametsi voto solutum, absque ulla omnino causa, & mero arbitrio recedere a Religione, quam semel serio animo amplexus fuerat. Licet enim non peccaret contra votum; peccaret tamen peccato levitatis, temeritatis, & ingratitude adversus divinam bonitatem. Porro, si vel ipsi voto soluti peccarent, saltem venialiter, quoties absque omni causa a Religione suscepta recederent; quid dicendum de iis qui voto forent obstricti? Isti sane & graviter peccarent recedentes, & a voto nequitiam essent liberi; sed iterum ad ingressum, & experien-

riendam bona fide Religionem astringerentur. Ita docent Caietanus 2. 2. *quæst.* clxxxix. *art.* 4. *dub.* 3. Armilla *ver.* Novit. *num.* 10. Sotus *Lib.* VII. *quæst.* 11. *art.* 1. *ad* 3. Aragon 2. 2. *quæst.* lxxxviii. *art.* 3. Toletus *Lib.* IP. *Sum.* *cap.* xvi. *num.* 12. Valentia 2. 2. *disp.* vi. *quæst.* vi. *punct.* 4. Manual. *Tom.* II. *Sum.* *cap.* xcv. *num.* 2. Leander *trah.* 1. *disp.* xxi. *quæst.* lvi. Sanchez *Lib.* IP. *cap.* xvi. *num.* 90. & alii plures.

VII. *Quæst.* V. *Quenam sunt iustæ causæ refiliendi a Religione?* Resp. Ut ex dictis patet, si ve voto solutus, si ve voto obstrictus, peccat iuxta communem sententiam, si absque ulla legitima causa, sed ex mero arbitrio deferat Religionem quam erat ingressus. Hoc tamen est discrimen, quod liber a voto venialiter, voto ligatus mortaliter peccaret. Assignandæ nunc sunt causæ sufficientes, ut tam ille qui vovit, quam qui non vovit, recedere licite valeat. Ac primo certum est, maiorem requiri causam in eo qui Religionis votum emisit, quam in eo qui Religionem sine voto suscepit. Ut enim Novitius liber a voto exire licite a Religione queat, sufficit quæcumque rationabilis causa: puta, quod Religio illi grata non sit, quod in eadem prævideat non lætam se vitam ducturum &c. immo satis est ut probabiliter timere possit eiusmodi mala. Ceterum qui ex voto Religionem ingressus fuit, non nisi ob causas graves, & moraliter certas a Religione quam vovit, recedere valet. Eiusmodi porro sunt grave periculum alicuius damni magni momenti, si ve temporalis, si ve spiritualis; gravissimæ tentationes, quas ei talis status afferret; impotentia ad onera Religionis sustinenda; gravis parentum necessitas, idque genus similia: quæ omnia prudentis viri iudicio subiicienda sunt, ut, circumstantiis inspectis, quod expediens voventi iudicaverit, decernat. Qui non solum vovit Religionem; sed etiam perseverantiam in eadem, neque ob causas ceteroquin iustas recedere valet. Sola hunc impotentia, & quod a Religione absque illius culpa expellatur, a voto eximere valet. Si enim sua culpa repellere-tur, a voto liber minime esset.

VIII. *Quæst.* VI. *Qui ultra votum Religionis vovet quoque perseverantiam in eadem, tenetur ne ita perseverare, ut si ex iustis causis eum recedere contingat, debeat denuo eam ingredi?* Resp. Qui duo vovit, ingressum scilicet, & perseverantiam, non satisfacit voto solo ingressu, nisi addat simul perseverantiam: ergo, si recedit etiam ex iusta alioquin causa, tenetur denuo tentare ingressum. Sola enim, ut modo dictum est, evidens impotentia ad professionem, vel Religionis expulsio absque voventis culpa, potest eum a voti vinculo liberare. Si tamen difficultas gravissima superveniret, tempore voti ignorata, posset recedere; at, tali difficultate cessante, teneretur iterum Religionem amplecti. Hæc sententia mihi probabilior videtur: & licet multi Auctores contrariam defendant, plures tamen nostram tuerentur. D. Thomas 2. 2. *quæst.* clxxxix. *art.* 4. Caietanus *ibidem*. Sanchez *Lib.*

Lib. IV. cap. xvi. num. 81. citans Navar. Covar. Azor. Valent. Rodrig. eam quoque sustinet Candidus disquis. xxv. art. 15. dub. 21. Layman Lib. IV. tract. v. cap. vi. num. 13. Portell. verb. Votum num. 42. Pellizarius Tom. I. tract. 11. cap. vi. num. 21. Toletus Lib. IV. cap. xvii. num. 12. Bonacina disp. iv. quest. 11. punct. 5. §. 6. num. 22. Salmanticenses tract. xv. cap. 11. punct. 2. num. 28. Leander tract. 1. disp. xxi. quest. 11x. Bassæus Tom. II. verb. Votum, Suarez Tom. III. de Relig. Lib. IV. cap. 1v. num. 1. Trullench Lib. II. in Decal. cap. 11. dub. 20. num. 2. Lopez I. P. instruct. cap. 1v. & plures alii.

IX. Quæst. VII. *Qui voto perseverandi in Religione ligatus expulsum est, tenetur ne in sæculo remanens castitatem servare?* Resp. In primis, si absque sua culpa fuerit expulsum, ipsum non teneri ad castitatem servandam certum videtur: quia castitas non includitur in voto ingressus, sed in sola professione monastica: ergo, dum hæc non emititur, votum castitatis non obligat. Hæc ratio evincit quoque ad castitatem eum non teneri, etiam si propria culpa repulsum fuisset. Hanc sententiam docent Caietanus 2. 2. quest. clxxxix. art. 3. ad 2. Armilla verb. Votum num. 18. Navarrus cap. xii. num. 47. & 48. Azorius Lib. XL cap. xxii. quest. 111. Sanchez Lib. IV. cap. xvi. num. cx1. Ioannes a S. Thoma disp. xxix. art. 11. Trullench Lib. II. cap. 11. dub. 11. num. 20. Leander tract. 1. disp. xxi. quest. lxv. Si vero quis vovisset Religionem & castitatem simul & principaliter, ad castitatem teneretur, etiam si in sæculo remaneret: si vero castitatem vovisset dependenter a Religione, cessante voto Religionis, cessaret quoque votum castitatis: quia corruit accessorium, principali cadente. Quando dubium occurrit, num castitas promissa fuerit dependenter a Religione, tunc exploranda est voventis intentio, si ex verbis quibus votum conceptum fuit, dubium oriatur. Si autem de ipsius voventis intentione dubitetur, nec possit ex circumstantiis dubium deponi; tunc observanda regula est quæ asserit, in dubiis tutiorem partem esse eligendam,

§. IV.

De tempore quo urget necessitas implendi votum Religionis.

I. QUI absolute Religionem vovit nullo præfinito tempore, tenetur, quamprimum commodè potest, votum implere, ut declaratum habetur Deut. xxxiii. *Cum votum voveris Domino Deo tuo, non tardabis reddere: quia requirit illud Dominus Deus tuus: & si moratus fueris, reputabitur tibi in peccatum.* Idipsum præcipitur Ecclesiæ v. *Si quid vovisti Domino, no moreris reddere: displices enim ei infidelis, & frustra promissio.* Cum dicitur, quamprimum commodè potest, sensus mi-

minime est quod quæcumque difficultas satis sit ad differendum Religionis ingressum; sed indicatur quod solummodo grave aliquod obstaculum potest quandoque excusare dilationem. Si enim quæcumque difficultas satis foret ad licite moras neccendas, vix umquam tempus adesset opportunum & commodum implendi votum. Illud ergo tempus opportunum pro voti executione reputatur quo vovens moraliter, idest absque urgente, gravique impedimento, sæculum relinquere, & Religionem amplecti valet. Sicut ergo ceteræ promissiones hominibus factæ indefinite ad executionem obligant, prima opportunitate oblata; ita & de promissione Deo nuncupata dicendum est. Qui enim nullum præscripsit sibi tempus, nullam rationem habet cur debeat expectare tempus futurum; alioquin semel concesso quod in futurum tempus disserre posset promissionem suam, iam nullum posset pro executione tempus definiri. Quæ tamen non ita severe accipias velim, ut ad incitas redigas voventem. Sed præ oculis habenda est *leg. Quod dicimus ff. de solutionibus. Statim solvere cum aliquo temperamento temporis intelligendum est.* Item *leg. Continuis §. Cum ita ff. de verbor. obligat.* Eiusmodi ergo adverbia *statim, quam primum* admittunt quoddam temporis intervallum, quod nec minimum, nec maximum est, sed congruum. Quodnam autem dicendum sit congruum spatium, absolute definiri nequit; sed arbitrio prudentis est relinquendum. Modo brevius, modo longius spatium concedi potest, diversitate circumstantiarum spectata. Si bona fide res agatur, facillime quisque definire poterit tale temporis intervallum.

II. Quæst. I. *Qui voto Religionis obstrictus est, peccat ne mortaliter si ingressum suum per annum integrum differat?* Resp. Aliqui Auctores, ut Ledesma *Tom. II. tract. x. scap. 111. dub. ult.* Rodriguez *Tom. II. cap. xcv. num. 9.* censent, dilationem duorum aut trium annorum requiri in voto Religionis, ut notabilis mora dicatur, & ut vovens mortaliter peccet; in ceteris vero votis, ut ieiunii, eleemosynæ, peregrinationis &c. quæ perpetuum divinum obsequium non inspiciant, maiorem concedunt dilationem; & tunc solum voventem peccare mortaliter, cum periculo non implendi votum se exponit. Hæc opinio nimis laxa est. Licet enim plus temporis requiratur in votis aliis a Religione, nullius tamen promissionis executio tam longo spatio absque gravi culpa differri potest. Communiter ergo Auctores sentiunt, peccare mortaliter voto Religionis devinctum, si data opportunitate ultra dimidium anni voti sui executionem procrastinet. Plus temporis pro aliorum votorum executione permittunt, quia in his per dilationem nihil divino obsequio subtrahitur. Si quis tamen ultra unam aut alterum annum etiam istorum executionem protraheret; peccaret mortaliter, nisi gravia excusarent impedimenta.

III. Quæst. II. *Qui tempus definivit pro voti sui executione, tenetur ne intra præfinitum*

finiti temporis intervallum suum votum implere? Resp. Adfirmant omnes. Difficultas solum occurrit, utrum, si prævideat impedimentum, quod impossibile designato tempore reddat voti observantiam, teneatur prævenire tempus illud. Negant communiter, & merito Auctores: quia votum non obligat præter votantis intentionem: vovens autem ante definitum tempus noluit se obligare: ergo illud anticipare haudquaquam tenetur; quemadmodum non astringitur quis audire Missam ante diem festum, nec tempore bacchanaliorum ieiunare; licet prævideat & in die festo, & in quadragesima futura impedimenta, quibus & a sacro audiendo, & a ieiunio servando prohibeatur. Suarez *Tom. I. de Relig. Lib. V. de voto cap. xiv. num. 5.* Bonacina *Tom. II. disp. iv. quæst. 11. punct. 5. §. 1. num. 11.* Castropalaus *trañ. xv. punct. 15.* Salmanticenses *trañ. xv. cap. 11. punct. 3. num. 33.* & alii.

IV. Quæst. III. *Quomodo se gerere debet vovens in executione voti, si tempus definitum latitudinem excipiat?* Resp. Si quis promittit se Religionem ingressurum intra annum, sex menses &c. non tenetur, nisi in ultimo intervallo temporis designati. Si tamen prævideret eo ultimo temporis spatio aliquod sibi futurum impedimentum, tunc executionem anticipare deberet: quia totum designatum tempus executioni voti obnoxium est. Ergo, dum prævidet se non posse illud implere in hoc determinato temporis spatio, tenetur in alio. Idcirco namque dividuum, latumque tempus sibi vovens præstituit, ut, si in aliquo intervallo obstacula occurrerent, in alio posset intervallo libere ab impedimentis suum votum implere; quemadmodum, si quis prævideat se non posse audire in die festo Missam circiter meridiem, tenetur mane eam audire: quia totum tempus illud obligationi est alligatum. Ita D. Thomas in *IV. dist. xxxviii. quæst. 1. art. 3. quæstiunc. 1. ad 7.* Suarez *Tom. II. de Relig. Lib. V. cap. xii. num. 7.* Sanchez *Lib. IV. cap. xiv. num. 18.* Bonacina *disp. iv. quæst. 11. punct. 5. §. 1. num. 13.* Salmanticenses *trañ. xv. cap. 11. punct. 3. num. 34.* & communiter alii.

V. Quæst. IV. *Qui tempore designato votum non implevit, tenetur ne elapso tempore illud implere?* Resp. Adfirmat communis sententia: quia temporis definitio statuta fuit, non ad extinguendam, sed ad maturandam obligationem. Qui enim vovet tempore determinato Religionis ingressum, duplex sibi imponit onus, ingressum scilicet Religionis, & executionem eius intra definiti temporis cancellos. Violata hac secunda obligatione, consistit prima. Secus dicendum, si vovisses ieiunium in vigilia alicuius solemnitatis: quia clarum est, ieiunium illud per se spectare honorem, & obsequium offerendum Deo in honorem talis Sancti: elapso autem eo die, voti quoque finis elabitur. Ceterum vota quæ spectant immediate bonum voventis, elapso tempore præstituto, adhuc impleri debent. Anne, si creditori promitteres debiti solutionem intra mensem, liber esses a debito solvendo.

eo quod intra mensem non solveris? Nemo id dixerit. Sententia isthæc communis est.

VI. Quæst. V. *Qui vovit Religionem ob aliquem peculiarem finem, vel dependentem ab aliqua conditione, est ne a voti obligatione absolutus, cessante voti fine, vel conditione?* Resp. Quando conditio, vel finis est tota, & unica causa emittendi votum, cessante fine, vel conditione, cessat votum, ut omnes fatentur. Sic, si vovisti Religionem ob id solum ut evitares societatem talis mulieris; si hæc denaficitur, liber a voto es. Si Religionem voveas, dummodo a tali morbo, quo affidue laboras, convalesceris, dummodo pater consenserit &c. deficientibus his conditionibus, a voto, nemine dissentiente, immunis es.

VII. Quæst. VI. *Qui voto conditionalis ligatus sponte impedimenta apponit ne conditio eveniat, liber ne a voto evadit?* Resp. Priusquam responfionem exhibeo, vota conditionata describenda sunt, quoniam diverfi generis esse possunt. Si quis hoc votum emitteret, *Voveo Religionem, si in tale flagitium lapsus fuero*, certum est voventem liberum a voto evadere, si flagitium vitaverit; quamquam animo non implendi votum ab illo abstinerit: siquidem votum illud per modum pœnæ sibi imposuit; &, quod primo rationabiliter intendit, fuit peccati fuga. Quare, donec in peccatum non labatur, ad votum non tenetur. Nullo autem modo peccat contra votum; etiamsi peccati fuga votum vitare studeat: quia ille sibi tale ius servavit, utendi scilicet voti, & oneris subeundi consideratione, ceu freno quo facilius a peccato declinet. Idque convenit inter omnes. Difficultas potius est de eiusmodi votis, *Voveo Religionem, si tale peccatum non perpetravero*; & vovens postea deliberato animo in peccatum prolabitur, ut a voto immunis evadat: *Voveo Religionem, si in talem locum concessero, si ab infirmitate convalesco, si pater consenserit* &c. ac deinde comestationibus ventrem vexat, ne sanus fiat, ad locum illum accedit, ne conditio eveniat, patrem fraude, & dolo a consensu præstando removet: difficultas, inquam, est utrum hic vovens qui sic se gerit, solutus sit a voti vinculo.

VIII. Adfirmant Salmanticenses traß. xv. cap. 11. punß. 4. num. 40. & pro hac sententia laudant Suarez, Bonacinam, Leymanum, Filiucium, & Dianam. Quamdoquidem, inquirunt, vovens non aliter se obligare intendit, nisi conditione impleta: ergo, quocumque modo conditionis impediatur eventus, voti vinculum solvitur; sicuti, si quis vel pedester in die ieiunii iter agat, ut nimium defatigatus a ieiunii lege liberetur, vel infirmitatem consulto contrahat, ut in quadagesima a ieiunii obligatione evadat immunis, vel animo non ieiunandi recedat ab urbe, in qua sit obligatio ieiunii, & ad alium locum proficiatur, ubi nulla sit ieiunii obligatio; profecto liber est ab observatione ieiunii. Ut ab istorum exemplorum confutatione exordiamur, dicimus exempla isthæc esse prorsus inepta. Qui

Qui infirmitatem data opera contrahit, liber a quadagesimali abstinentia evadit, quia effectus impotens ad ieiunium servandum. Idem dicendum de eo qui pedes iter arripit. Si autem defatigatio tanta non esset, ut impotentem eum constitueret ad ieiunium, ieiunare teneretur. Nec magis ad rem facit exemplum, illius qui a loco lege ieiunii astricto ad locum liberum a tali lege pergit, ut ieiunii obligationem declinet: quamvis enim hanc sententiam admitteremus, eum esse a ieiunii obligatione absolutum; semper adhuc exemplum nimis a scopo recedit: eo quod lex illa localis est; vota autem de quibus loquimur in presenti, personalia sunt, quæ non locum, sed personam afficiunt. Ratio porro quam produnt, exemplis reiectis solidior minime est. Quoniam, licet verum sit voventem non aliter se voti obligationi subiicere quam adiecta conditione impleta; tamen id solummodo verum habet, dum vovens bona fide incedit, dum scilicet nihil apponit, nihil agit ut conditio non impleatur. Sed, dum ipse fraude, & dolo impedire conditionem studet; voto utique manet adstrictus. Clarius rem enucleemus. Duplici modo intelligi potest voventem se nolle voto obligare, nisi posita conditione: siquidem vel id, dum votum elicit, intendit; vel post emissum votum. Non primum. Quis enim est qui votum conditioni illiget, simulque animum habeat frustrandi conditionem? *Voveo Religionem, si convalesco; simulque statuo me omnia præstiturum ut sanitatis affectionem impediam. Voveo Religionem, si pater consenserit; fraudibus tamen, & dolis non parcam, ut patrem a præstando consensu abstraham.* Nonne cultus haberetur qui sic voveret? Præsumi ne potest quempiam ratione præditum similia vota edere? Nonne quisque liber est ut edat, aut non edat votum? Qui animum haberet non apponendi conditionem, cui votum supponit, a voto, & a conditione abstineret; qui enim non vult conditionem, non vult votum; qui autem non vult votum, votum non edit. Nemo ergo prudens, dum elicit votum, intendit frustranciam reddere etiam malis artibus voti conditionem. Nec videtur esse de hoc ambigendi locus. Porro, si votum sincero animo conditioni annectit, intenditque votum impleta conditione exequi; iam sibi facultatem non servat impediendi eventum conditionis: alioquin dicendum esset, sibi quoque servare facultatem impediendi, seu non exequendi votum ipsum absolute editum. Si vero post emissum votum conditionem apponit, hæc conditio nulla est, ut patet. Undique ergo corrui opinio isthæc.

IX. Dicimus ergo, teneri præfatum voventem ad sui voti executionem, quoties sua culpa curavit aut ne conditio eveniret, aut ut eveniret contra intentionem quam habuit, dum votum emisit. Et hoc expressum habemus leg. *In executione. §. ult. ff. de verbor. obligat. Quicumque sub conditione obligatus curaverit ne conditio existeret, nihilominus obligatur.* Ratio quoque ex contrariæ sententiæ con-

confutatione manifesta est. Accedit quod nemo ex iniquitate & fraude proveni-
rum colligere debet; neque fas est ut cuiquam dolus patrocinetur. Qui votum
conditionatum elicit, tacitam voluntatem habet non impediendi conditionem cui
votum affigit. Quā voluntate semel posita, nulla superest facultas, qua eadem
conditio frustrari valeat. Huic sententiae fautores accedunt Sánchez *Lib. IV. cap.*
xiiii. num. 27. Trullenhus *Lib. II. cap. 11. dub. 19. num. 9.* Angelus *verb.* Votum
1. §. 10. & alii. Plurima alia quæ de hoc voto dicenda essent, ad tractatum de
statu religioso dicenda remittimus.



DISSERTATIO III.

DE IIS QUI VOVERE POSSUNT.

*De Votorum cessatione ob cessationem causæ finalis ,
rerumque mutationem ; atque de eorundem
irritatione , dispensatione ,
& commutatione.*

PLURIMA versare aggredimur in hac disputatione , scitu maxime necessaria. Quædam dicentur Libro sequenti *dis. VII. cap. IV. de iuramentorum irritatione* , quæ omnimodam connexionem habent cum his quæ in præsentia excutienda veniunt. Quæ ibi brevi calamo perstringentur , fustus hic explicabimus . De iis qui facultate potiuntur vota emittendi , facilis est disputatio : ideo illam brevissime expediemus . Longior erit sermo de votorum relaxatione . Quinque modis sive vota , sive iuramenta cessare possunt , videlicet irritatione , dispensatione , commutatione , finis cessatione , & gravi rerum quæ promissæ sunt , non prævisa mutatione . De quibus omnibus singillatim sermonem habebimus .

CAPUT I.

De iis qui vota edere valent .

I. **Q**UI rationis usu potiuntur , omnes vovere possunt de rebus illis quæ sub eorum cadunt dominio & libertate , ut cum omnibus Theologis docet D. Thomas 2. 2. *quest. lxxxviii. art. 8. & 9.* Quapropter a votis edendis excluduntur ii soli qui rationis usu sunt destituti , ut furiosi , amentes , ebrii , dormientes , & pueri , antequam rationis lumen illis affulgeat .

II. Porro quamvis omnes ratione præditi emitteere vota valeant , ut tamen eadem exequi possint , dominium requiritur earum rerum quas Deo nuncupant . Quapropter vota impuberum irritari a parentibus queunt : quia firma non sunt , nisi sub tacita conditione quod placita parentibus sint : quandoquidem eiusmodi

voventes, licet rationis usum habeant, rerum tamen dominio carent, quia sub parentum potestate constituti reperiuntur. Igitur vota Religiosorum, filiorum, famulorum, uxorum invalida sunt, nisi consensus Prælati, patris, domini, mariti accedat, quando vota edita cedant in istorum præiudicium.

III. Quæst. I. *Vota Religiosorum sine Prælati licentia emissæ de materia honesta, quæ nec iurisdictionem, nec ordinem ullo modo perturbat, sunt ne valida?* Resp. Magnum est hac de re dissidium inter Auctores. Negant valida esse eiusmodi vota Angelus verb. Votum 2. num. 3. Rosella verb. Votum 2. num. 14. Valentia 2. 2. disp. vi. quæst. vi. punct. 6. num. 1. Caramuel in Reg. D. Bened. num. 1793. Peyerinus Tom. II. de Prælato quæst. 111. cap. 111. num. 3. alique. Pro hac opinione asserri in primis solet sancti Thomæ auctoritas ex 2. 2. quæst. lxxviii. art. 8. ad 3. ubi hæc habet. *Religiosus subditus est Prælato quantum ad suas operationes secundum professionem Regule: & ideo etiam si aliquis ad bonam aliquid facere possit, quando ad alia non occupatur a Prælato; quia tamen nullum tempus est exceptum in quo Prælatus non possit eum circa aliquid occupare, nullum votum Religiosi est firmum, nisi sit de consensu Prælati; sicut nec votum puella existens in domo, nisi sit de consensu patris; nec uxoris, nisi sit de consensu viri.* Pro hac eadem sententia assertur cap. Monacho xx. quæst. iv. *Monacho non licet vota vovære sine consensu Abbatis. Si autem voverit, frangendum erit.* Rationes quoque eidem suffragari videntur. Quoniam votum solemne Religionis, sicut extinguit omnia vota antea emissæ, sic impedit ne nova emittantur. Accedit quod Religiosi vi votorum solemnium subduntur Prælatis, non solum quantum ad materiam promissam, sed etiam quantum ad voluntatem qua promittunt. Voluntates quippe Religiosorum, quorum nec velle est, nec nolle, sub dominio Prælatorum constitutæ sunt. Hæc opinio sua non caret probabilitate.

IV. Probabilior tamen est contraria, quæ docet, valida esse vota Religiosorum, quæ detrimentum nullum afferunt vel superiorum iurisdictioni, vel rectæ administrationi Religionis; nec sunt de materia a Regula vetita, sed de re honesta, & supererogationis: puta vota ieiunandi in honorem alicuius Sancti, recitandi aliquas preces, & id genus similia. Quandoquidem res promissæ per eiusmodi vota bona est; nec meliori bono infesta, sed consentanea. Non est ergo cur vota eiusmodi invalida sint censenda. Voluntates subditorum subditæ sunt Prælatorum dominio in iis quæ regimen, & administrationem Religionis spectant; in aliis vero non ita subduntur potestati superiorum, ut nequeant Deo promittere quæ illi grata fore arbitrantur. Clarius rem explico. Admitto utique voluntates subditorum ita subiectas esse Prælatis, ut nihil contra istorum voluntatem agere, vel promittere queant. Et hoc ad perfectum regimen requiritur. Sed hinc tantum inferetur vota Religiosorum firma, & stabilia esse non

posse sine Prælatorum auctoritate : quia, quando Prælati eiusmodi vota perspe-
 habuerint, eadem irritare queunt ; quousque vero illis non innotescunt, valida
 sunt, & subditi eadem servare tenentur. Nec obstringuntur illa Prælati suis
 manifestare, nisi ratio aliqua specialis occurreret. Rationes quæ pro contraria
 sententia afferuntur, evincunt vota præfata firma non esse, & stabilia : quia
 Prælati eadem irritare valent. Et hoc verum est : eiusmodi namque vota sem-
 per eliciuntur, seu elici debent, cum hac vel expressa, vel tacita conditione :
Si superior non contradicat, aut non impediat. Auctoritas S. Thomæ probat qui-
 dem, vota isthæc non esse firma, idest indissolubilia ; minime vero non esse va-
 lida, usquedum non irritentur per superiorem. Id sonant verba S. Doctoris :
Nullum votum Religiosum est firmum, nisi sit de consensu Prælati : firmum dicit,
 non validum. *Cap. Monacho* apocryphum est, nulliusque ponderis. Quamquam,
 etsi legitimum esset, nihil ex eo contra sententiam nostram eliceretur. Afferitur
 ibi namque, *frangendum* esse votum editum absque consensu superioris, quod ul-
 tro concedimus : haudquaquam vero dicitur, votum non esse validum, donec a
 Prælo irritetur. Votum solennæ professionis impedit ne ulla edantur vota quæ
 regimen, & administrationem exteriorem Religionis perturbent ; minime vero ne
 vota nuncupentur quæ voventem solum afficiant : & hoc in sensu voluntas sab-
 ditorum subdita est voluntati Prælatorum, quatenus scilicet nihil possunt subditi
 velle quod disciplinæ monasticæ ingerat nocumentum. Potiori iure hoc quod di-
 cimus, verum habet circa vota quæ subditi edere valent de actibus internis fi-
 dei, spei, caritatis, & similibus. Quæ statuimus de Religiosis, applicanda sunt
 filiisfamilias, famulis, & uxoribus, omnibusque sub aliena potestate constitutis.
 Immo istorum nemo tam arctis vinculis devincitur domino, marito, parentibus,
 sicut Religiosi Prælatis. Illorum subiectio vilioris servitutis speciem præfert ; isto-
 rum vero obedientia perfectius ac nobiliter propriæ voluntatis exhibet holocau-
 stum. Hanc sententiam docent Caietanus 2. 2. *quæst.* lxxxviii. *art.* 8. *ad* 3. Na-
 varrus in *Man. cap.* xii. *num.* 69. Ludovicus Lopez *instru. cap.* xlviii. Medina
Sum. Lib. I. cap. xiv. *§.* 6. Prado *cap.* xxxi. *quæst.* xii. *§.* 4. *num.* 23. Castropa-
 lius *tract.* xv. *disp.* 1. *punct.* 19. *num.* 2. Sayrus in *Clavi Reg. Lib. VI. cap.* v. *num.*
 22. Sum. Coron. III. *Part. tract.* de vot. *num.* 6. Trullenchus *Lib. II. cap.* 11. *du-*
 31. *num.* 7. Bassæus *Tom. I. ver.* Vol. 5. *num.* 12. & *Tom. II. verb.* Votum 1. *num.* 27.
 Ioannes a S. Thoma 2. 2. *quæst.* lxxxviii. *disput.* xxix. *art.* 16. Sanchez *Lib. IV.*
cap. xv. *num.* 6. Suarez *Tom. II. de Relig. Lib. III. cap.* v. *num.* 3. Filliucius *tra-*
ct. xxvi. *cap.* vi. *num.* 172. Azorius *Lib. XI. cap.* xvii. *quæst.* 19. Salmanticen-
 ses *tract.* xviii. *cap.* 1. *punct.* 8. *num.* 183. Leander *tract.* 11. *disput.* v. ubi plures
 alios citat, nempe Sotum, Fagundez, Armillam, Lessium, Aragonium, Miran-
 dam, Portellum, Peyerinum, & Tamburinum.

V. Quæst. II. *Valida ne essent vota quæ Religiosi ederent de rebus sive a Regula, & constitutionibus, sive a superiorum præcepto vetitis?* Resp. Omnes adfirmant, eiusmodi vota nulla fore, etiamsi res votis subiectæ vetitæ tantummodo essent lege, sive statuto ad nullam culpam, sed ad solam pœnam obligante. Ratio evidens est: quia votum de re mala, qualis est quæque res quocumque modo vetita, ut nullum ab omnibus reiicitur. Si res voto supposita vetita tantummodo foret, ne absque licentia Prælati fieret; obtenta licentia, validum votum esset. Quapropter Religiosus qui vovere res eiusmodi cupit, priusquam votum edat, licentiam pscere debet. Nullum est item votum de re vetita, etiamsi vovens ignoret prohibitionem. Quare, cognita lege vetante, non tenetur servare votum quod prius servabat ob ignoracionem legis; neque astringitur ad petendam licentiam. Si res promissa, dum votum editum fuit, vetita non erat; continuo ac prohibetur, voti vinculum abrumptur. Si talis prohibitio revocaretur, vel ad aliud Cœnobium, in quo nulla esset prohibitio, vovens accederet; confurgeret votum. Quando vero teneatur vovens petere licentiam aut exequendi votum emissum, aut emittendi votum aliquod; id ex circumstantiis pluribus pender. Unde hæc omnia arbitrio prudentis viri relinquenda sunt. Satiùs absolute, tutiusque est adamussim leges, & statuta propriæ professionis servare, missis votis, quæ frequentius illi edunt qui in professionis propriæ observantia negligetiores sunt, sibi illudentes, quod votorum arbitraria susceptio excusare illos valeat a suæ professionis transgressione. Antiqua debita solvenda sunt, priusquam alia nova contrahantur. Hæc omnia communia sunt, & vera. Quin nec vota facile edenda sunt de observantia Regulæ, & constitutionum; edita tamen valida sunt, obligantque, usquedum Prælati non dispensaverit.

VI. Quæst. III. *Validum ne votum est editum a Prælati Regularium elargiendi eleemosynas?* Resp. Prælati Regularium administratores sunt bonorum Conventuum relate ad bonum commune tum spirituale, tum temporale Religionis: quare congruas eleemosynas non modo licite erogare possunt, sed etiam debent: ad id enim facultatem a Conventibus habent. Conventus Regularium præcepto evangelico eleemosynæ sunt subiecti arctiori vinculo quam sæculares: tum quia in hunc finem illis fideles bona donarunt, ut, proprio victu, & vestitu subducto, quæ superfluent, pauperibus distribuunt; tum quia professio paupertatis, & perfectioris caritatis evangelicæ peculiari eos astringit obligatione. Porro Prælati instituuntur, non modo ut eadem bona subditis distribuunt iuxta variam eorumdem indigentiam, verum etiam ut pensionem illis bonis annexam de eleemosyna eroganda solvant. Istorum ergo vota de consuetis eleemosynis valida sunt. Si tamen extraordinarias insignes eleemosynas elargiendi occasio urgens daretur,

Conventuum Patres consulere deberent, quemadmodum leges præscribunt. Doctrina communis, & vera.

VII. Quæst. IV. *Valida ne sunt vota subditorum Regularium edita sine licentia Prælatorum elargiendi in elemosynam quidquam de bonis ipsis ad usum concessis?* Resp. Adfirmant Sanchez, Suarez, Castropalaus, quos laudat, & sequitur Leander *trac.* 11. *disp.* v. *quæst.* 1x. Votum, inquit, eiusmodi emittitur sub tacita conditione, *Si superior licentiam dederit*: & ideo Religiosi, qui votum elicerunt, ad petendam licentiam obstringuntur, nisi ex præscripta consuetudine illis concessa sit: nec enim talis elemosyna dedecet statum religiosum iuxta istorum Doctorum opinionem. Hanc nos sententiam ut falsam, & improbabilem reiicimus. Quoniam vota quæ sunt de materia non subiecta potestati voventis, nulla sunt. Regulares autem subditi, vi voti paupertatis, cuiusque rei temporalis dominio destituti sunt. Nullæ ergo sunt promissiones distribuendi bona non sua, sed aliena. Audio innumeras adversantium Auctorum argutationes, quæ omnes ad hoc reducuntur, nempe quod licet nihil possideant Regulares, usum tamen bonorum habent; atque adeo, licentia accedente Prælati, congruam eorumdem portionem pauperibus distribuere licite valent. Validum ergo erit illorum votum, factum sub conditione consensus a Prælato obtinendi. Hæc omnia falso nituntur principio. Prælatus licentiam subditis suis impertiri valide, & licite potest utendi bonis pro necessario victu, & vestitu; minime vero potestas eius extenditur ad impertiendam licentiam pro bonorum quæ victui, & vestitui supersunt, distributione: quoniam bona ista superflua ad patrimonium commune pertinent, cuius administratores solummodo sunt Prælati, & officiales. Præterquamquod concessio istius licentiæ speciem mali præfert: vel etenim fovet, vel potius viam aperit ad proprietatem, quæ bono communi tum spirituali, tum temporali summopere adversatur, & paupertatis votum penitus labefactat. Contrariæ opinionis Auctores in hypothese loquuntur quod peculio Religiosi peculiaripotiantur: quo admissio, inferunt posse ipsos elemosynas congruas largiri pauperibus. Consequens rectum foret, si hypothesis ex qua elicitur, vera esset. Sed nos consequentiam negamus: quia principium ex quo deducitur, falsum decernimus: de quo tamen fusius suo loco, ubi scilicet ostendemus, falso supponere Auctores istos, Religiosos eodem modo quo uxores, & filiosfamilias, elemosynas elargiri posse: etenim Religiosi, præter dominii privationem, in qua cum minoribus, famulis, & uxoribus conveniunt, usu quoque (victu, & vestitu exceptis) bonorum, & administratione, vi regularum quas præsentur, carent. Sed de hoc alibi.

VIII. Hinc colligitur, falsam omnino esse, ut ego quidem arbitror, sententiam quam tradit Leander *trac.* 11. *disp.* v. *quæst.* x. pro qua citat, & vere, Sanchez

Lib

Lib. IV. cap. xxv. num. 15. valida nempe esse vota quæ ederent Religiosi subditi elargiendi eleemosynas de bonis Conventus, quorum nullam habent administrationem. Vota eiusmodi non modo invalida, sed futilia quoque mihi videntur. Quid enim dementius quam aliquem ea spondere quæ nullo modo sunt eius potestati subiecta? Ideo a prolixiori confutatione abstineo. Nobiscum sentit Suarez *Lib. III. de voto cap. vii. num. 5.*

IX. Quæst. V. *An Ecclesiæ valeat leges ferre quibus aliquæ persone ad votum inhabiles declarentur?* Resp. Si sermo sit de votis solemnibus, quæ publicam spectant Ecclesiæ disciplinam, nulla est difficultas. Patet enim ante completum quintumdecimum annum nullam esse professionem monasticam. Controversia est de votis simplicibus, ac potissimum de illis quorum materia sunt actus interni. Sunt qui negant talem Ecclesiæ potestatem in actus internos dominantem. Nequit ergo iuxta Auctores istos inhabiles reddere homines ratione præditos ad elicienda vota, quibus actus suos interiores Deo nuncupent: eiusmodi enim vota iuris divini sunt, & de re Deo grata. Cur ergo non obligabunt? Pro hac sententia Salmanticenses *tract. xvii. cap. 1. punct. 7. num. 179.* laudant Caietanum 2. 2. *quæst. lxxxviii. artic. 9. initio*; qui tamen aperte eam non docet, sed ambigue loquitur, aitque tantum, quod *ante factum Ecclesiæ habet maiorem potestatem supra votum solemnne quam supra simplex: quoniam statuta Ecclesiæ sunt in eius potestate; singulorum autem animi interiores motus, in quibus perficitur votum simplex, non ita subsunt Ecclesiæ.* Quod interni libertatis humanæ actus non eodem modo subsint ac statuta & leges exteriores, Ecclesiæ potestati, & consequenter quod maiorem, ut ait Caietanus, potestatem Ecclesiæ habeat in votum solemnne quam in simplex, res evidens est. Hoc porro, & nihil amplius Caietanus docet. Ceterum quod indirecte possit Ecclesiæ promissiones etiam internas Deo factas irritas declarare, nisi tales serventur condiciones, nec Caietanus negavit, nec cur negetur adest ratio. Ideo dicimus, Ecclesiam, gravi urgente causa, condiciones præscribere posse, quibuscum aliqua vota etiam interna edantur; & quibus non servatis, vota irrita sint. Quænam enim repugnantia, quod Ecclesiæ vota reiciat, licet de re bona, nisi tales & tales condiciones ferventur? Hanc sententiam docent Suarez *Tom. II. de Relig. Lib. III. de voto cap. iii. num. 8.* Sanchez *Lib. IV. cap. xxiv. num. 42.* Castropalaus *tract. xv. disp. xv. punct. 19. num. 2.* Torre 2. 2. *quæst. lxxxviii. art. 9. num. 2.* Salmanticenses *tract. xvii. cap. 1. punct. 7. num. 180.*

X. Quæst. VI. *An Episcopi votare possint abdicationem Episcopatus, vel ingressum Religionis, summo Pontifice inconsulto?* Resp. Sententia communis negans est: quia talis abdicatio vetita illis est *cap. Nisi cum pridem de renuntiat. & cap. Licet versic. Illa de Regul. & leg. Regia iii. titul. viii. part. 1.* Cum ergo ambo

vota, tam abdicandi Episcopatum, quam ingrediendi Religionem, sint de re interdicta ab Ecclesia; tenentur Episcopi ante voti emissionem summi Pontificis consilium petere. Unde, licet eiusmodi vota absolute invalida non sint; executioni tamen mandari nequeunt, nisi prius impetrata licentia; qua denegata, liberi voventes erunt a voti lege.

XI. Quæst. VII. *Possunt ne Episcopi, inconsulto summo Pontifice, peregrinationem vovere?* Resp. Si solum illius temporis intervallum quo Episcopi a suis Ecclesiis abesse licite possunt, fatis sit ad peregrinationem conficiendam; validum esse votum, certum est: quia peregrinatio res honesta suapte natura est, & in hypothesi facta nullum inferret damnum Ecclesiæ. Secus dicendum, si peregrinatio longius temporis spatium exigeret quam sit illud quo Episcopi ab Ecclesiis suis abesse licite queunt. Invalidum ergo asserimus eiusmodi votum, etiamsi factum sub conditione impetrandi licentiam a summo Pontifice. Quandoquidem residentia Pastorum, & maxime Episcoporum, iuris naturalis est, ac divini. Ergo peregrinatio quæ hanc violat naturalem, ac divinam legem, mala evadit. Votum autem de re mala illicitum est, & nullum. Hoc, inquit aliqui, verum est, dum votum editur ab Episcopo, abque conditione petendi licentiam; secus, hac adiecta conditione. Verum, cum peregrinatio quæ Episcopum cogit valde diuturno tempore a sua abesse Ecclesia, absolute loquendo ratio sufficiens non sit obtinendi licentiam, nec Pontifices summi ob solam peregrinationem ab arctissimo residentię vinculo Episcopos soleant dispensare; idcirco talia vota, tamquam inepta & invalida, sunt reiicienda. Tunc autem vota conditionata valida dicuntur, quando conditio moraliter evenire solet; ut, si Religiosus votum eliciat ieiunandi tali die, recitandi tales preces, si superior consenserit, validum est: quia consensus superioris res facilis est, & passim conceditur. At conditio licentię pontificiæ pro peregrinatione, quæ longo temporis intervallo cogat Episcopum abruptere vinculum illud naturale, & divinum residentię in propria Ecclesia, vix moraliter possibilis est. Neque enim Pontifices summi, nisi urgentissima causâ promovendi commune bonum Ecclesiæ, facultatem Episcopis impertiuntur recedendi longum tempus a suis Ecclesiis. Peregrinatio autem, devotionis peculiaris titulo suscipienda, numquam potest esse ratio prævalens bono residentię; nec consequenter idonea causâ cur Pontifices summi valeant licentiam talem concedere. Leander *tract. xi. disp. v. quæst. xviii.* contendit ambas sententias istas conciliare hoc pacto. Si peregrinatio gravior sit Deo quam ipsa Episcopi residentia, votum validum est; secus, si residentia Episcopi gravior Deo sit, & maius bonum quam ipsa peregrinatio. Verum priorem hypothesein ut inutilem reiicimus: quoniam vix excogitari potest eventus in quo peregrinatio morosa melior sit quam residentia; & ideo facilius est absolute pronuntiare, eiusmodi vota nulla esse, quoniam de materia mala
& il-

& illicita, quæ lædit debitum episcopalis residentiae. Porro, si vix, ac ne vix quidem, contingere valet ut peregrinationis bonum prævaleat bono residentiae; nulum datur fundamentum obtinendi licentiam a summo Pontifice pro talis votum executione; atque adeo conditio adiecta voto, est de re moraliter impossibili: Nulum igitur tale votum.

XII. Quæst. VIII. *An Parochi, vel Beneficiati residentiae vinculo astricti, possint Religionem vovere, eamque ingredi, proprio Episcopo inconsulto?* Resp. Quod possint, inconsulto Episcopo, Religionis ingressum vovere, non est qui in dubium vocet. Ideo enim Episcopi nequeunt, inconsulto summo Pontifice, Religionem vovere, quia peculiari canone hoc illis vetitum est. Nulla autem lex invenitur quæ id vetet Parochis, aut ceteris Clericis, qui ob aliquod beneficium residentiae debito sint subiecti. Exequi vero eiusmodi vota illos non posse, Episcopo inconsulto, contendunt non pauci, quos citat Sanchez *Lib. IV. cap. xxv. num. 43.* Sed contraria sententia verior est: quippe nulla lex reperitur quæ prædictis vetet eiusmodi ingressum. Siquidem *cap. Licet xviii. de Regul.* a solis Religiosis petendam licentiam decernit; nec verbum autem habet sive de Parochis, sive de Clericis. Lege tamen convenientiae, & urbanitatis proprium Episcopum consulere tenerentur, antequam votum executioni mandarent.

XIII. Quæri solet, *an Deus, Christus Dominus, & Angeli vota elicere valeant?* Resp. Deo votum pressè acceptum repugnare, compertum est: neque enim cultum & obsequium cuiquam Deus promittere potest. Quod vero minus proprie vovere, quemadmodum & iurare, valeat Deus, nulla est difficultas; cum habeamus ex Scripturis, Deum pluries per semetipsum iurasse. Certum pariter est, Christum Dominum potuisse vota Deo nuncupare, sicut & orare. Difficultas tantummodo est, num sicut reapse oravit, ita quoque voverit. Adfirmat, licet dubitanter, Suarez *Lib. III. de voto cap. 1. num. 3. & 6.* sed conceptis verbis negat D. Thomas 2. 2. quæst. lxxxviii. art. 4. ad 3. *Dicendum, quod Christo secundum se non competeat vovere, tum quia Deus erat, tum etiam quia, inquantum homo, habebat firmatam voluntatem in bono, quasi comprehensor existens.* Sancto Thomæ subscribunt communiter omnes tam domestici, quam extranei. Quod Angeli viatores potuerint vovere, non est ambigendi locus: quod voverint, dici nequit. An vovere possint in patria, inquisitio est inutilis. Vota enim proprie viatoribus competunt.

CAPUT II.

De cessatione votorum ob causæ finalis cessationem, rerumque mutationem.

I. **Q**uest. I. *An cessante causa movente, cesset votum, & iuramentum?* Resp. Duplex solet causa distingui, cuius intuitu vovens suum votum edit. Altera est movens, altera impellens. De movente nunc sermo est.

II. Dicimus ergo, causa movente proxima tota cessante, cessare quoque sive votum, sive iuramentum. Hæc est communis sententia. Ratio manifesta est: quia, deficiente causa finali omnino, cessat materia voti: quippe res voti materia non promittitur absolute, sed ut inducit ad finem quem sibi vovens præstituit. Si ergo finis deficit, deficiat quoque medium necesse est, quatenus ad finem talem conducit, scilicet voti materies. Quæ ratio illi principio nititur, quod votum non obligat præter voventis intentionem. Quisque autem vovens ob aliquem finem votum edit. Ergo, deficiente integra causa finali, deficit voventis intentio; atque adeo ipsum votum. Quamobrem in libro de legibus dicturi sumus, cessare legem, cessante fine toto in communi, seu relate ad multitudinem; secus, cessante fine in particulari, seu relate ad aliquem subditum privatum: quoniam leges non privatos, sed multitudinem, & communitatem spectant. Vota autem privata toridem sunt veluti peculiares leges, quas quisque sibi imponit, ceu peculiaris legislator. Quapropter, cessante fine respectu talis voventis, cessat votum. Exemplis res clarius apparebit. Vovisti eleemosynam pauperi tali erogandam: hic dives evadit: voti vinculum solvitur, quia finis voti fuit egestas pauperis sublevanda: ergo, cessante tali egestate, cessat votum. Vovisti peregrinationem, ut patris salutem obtineres: hic aut sanus erat, aut mortuus est: finis voti cum voto cadit. Vovisti abstinentiam ab ingressu talis domus, ut evitares occasionem meretriculæ: hæc aut mortua est, aut alio abivit: liber tibi manet in talem domum ingressus. Hanc sententiam, quæ communis est, defendunt Suarez *Lib. IV. cap. 1x. num. 3.* Sanchez *Lib. IV. cap. 11. num. 42.* Bonacina *disp. 1v. quæst. 11. punct. 3. §. 2. num. 10.* Martinez de Prado *cap. xxx1. quæst. x111. num. 14.* Tamburinus in *Decal. Lib. III. cap. x111. num. 2.* Castropalaus *tract. xv. disp. 1x. punct. 20. num. 1.* Leander *tractat. 1. disput. x11. quæst. 1.* Salmanticenses *tractat. xv11. cap. 111. punct. 2. numer. 16.*

III. Ad clariorem præcedentis sententiæ cognitionem illud est animadvertendum, quod causa finalis movens duplex sit: altera *proxima*, quæ immediate allicit agens ad effectum producendum; altera *remota* & universalis, in quam actus cuiusque

iusque generis referuntur. Dum *voves* eleemosynam tali pauperi erogandam, sublevamen pauperis causa finalis proxima est; cultus Dei, in quem eleemosynam dirigit, dicitur finalis causa remota. Hæc causa finalis remota nunquam cessat, nec proxime allicit voventem ad votum edendum; quamvis vovens & vota, & ceteros actus virtutis in Dei gloriam ordinet. Causa finalis proxima itidem duplex est. Altera *movens* seu *motiva* vocatur, quæ reipsa inducit, & inflectit animum ad talem actum, puta ad eleemosynam; & hæc cessare debet, ut cesset voti obligatio. Altera dicitur causa *impellens*, seu *impulsiva*, quæ veluti calcaria currenti adiicit; hac vero deficiente, non deficit votum: quia sicut animum non inflexit ad vovendum, sic non valet votum iam editum irritare. Denique ad voti cessationem requiritur ut causa proxima movens plene & penitus cesset. Si enim dividua sit, seu si sint plures fines proximi intenti, & uno licet deficiente, alii consistent; votum omnino non cessabit; sed tantum ex parte quæ deficiente fini responderet; quoad alteram vero partem, quæ finis subsistit, incolume firmumque manebit. Item, si pro aliquo dumtaxat temporis intervallo cesseret finis, pro eodem etiam tempore, & non amplius, voti obligatio suspenditur; reviviscente autem fine, exurgit iterum quoque voti obligatio. Quando dubium occurrit, num cessaverit causa impellens, aut movens integra, aut partialis; semper iudicandum est in voti favorem, ut tutior pars eligatur.

IV. Quæst. II. *Cessat ne votum, cessante causa finali movente proxima ob culpam ipsius voventis?* Resp. Leander negat *trac.* 1. *disp.* xii. *quæst.* vi. cessare votum, eo quod nemo referre debet commodum ex sua iniquitate. Allegat pro hac sententia Bonacinam *disp.* 17. *quæst.* 11. *punct.* 3. §. 1. Trullench *Lib. II. cap.* 11. *dub.* 4. *num.* 16. & etiam Sanchez *Lib. IV. cap.* 11. *num.* 27. & *num.* 44. ubi oppositum docet. Explicanda res est exemplis, ut veritas per se ipsam appareat. Vovisti eleemosynam pauperi intra mensem solvendam: vovisti e captivitate extrahere mancipium intra duos menses. Tua culpa votum præfinito tempore non implet. Elapso tempore pauper moritur, captivus moritur. Cuinam solvere debes eleemosynæ pretium? Sane non videtur designari posse, cui eiusmodi vovens præbere debeat rem voto promissam. Quare dicendum quasi videtur, votum cessare, cessante fine adæquato proximo eiusdem voti; licet culpa voventis id eveniat. Diximus dissertatione superiori *cap.* 19. §. 4. *num.* 6. votum conditionatum minime cessare; cum vovens libere impedit conditionem, quia scilicet nemo ex iniquitate proveniunt colligere debet. Idem nunc diceremus, si finis voti consisteret. Sed quia, cessante fine, impossibilis efficitur voti solutio, ut ex productis exemplis patet; ideo asserendum videtur votum cessare. Quid, si voti solutio esset possibilis; puta, si pauper non moreretur, sed dives evaderet, si captivus libertatem assequeretur? Tunc res adeo evidens non esset. In casu ergo quo votum implendum foret,

ret,

ret, deberet ne vovens pauperi diviti effecto, & captivo in libertatem iam constituto voti pretium impendere? Ego sane non video cur eleemosyna danda sit homini diviti, licet olim pauperi. In similibus casibus suaderem potius voventi ut erogaret aliis pauperibus eleemosynam præfato pauperi promissam, tum in penitentiam culpabilis moræ, tum ut eo modo quo posset, voto satisfaceret. Si captivus liber effectus pauper sit, pretium voto destinatum pro illius libertate, convertendum erit in eiusdem vitæ sustentationem. Idem dici posset, si pauper mortuus fuisset, nempe quod aliis pauperibus eroganda foret eleemosyna illi per votum promissa. Si id diceretur, quod tutius & securius est, decerneretur. Et revera res semel voto consecrata, & in opera pietatis, & misericordiæ destinata, non videtur posse licite, & iuste retineri, maxime posita aliqua culpa voventis ob moram eius in voto solvendo. Quotiescumque igitur culpa gravi ipsius voventis cessat finis voti, ad talis voti compensationem illum ego semper obstringerem.

V. Quæst. III. *An notabilis verum mutatio, quæ materiam promissam vel in se, aut iuxta communem existimationem diversam efficiat, satis sit ad votum irritandum?* Resp. Adfirmat communissima sententia cum D. Thoma 2. 2. quæst. cx. art. 3. ad 5. *Ille qui aliquid promittit, si habeat animum faciendi quod promittit, non mentitur, quia non loquitur contra id quod gerit in mente.... Potest tamen excusari ex duobus. Uno modo, si promissit id quod manifeste est illicitum.... Alio modo, si sunt mutatae conditiones personarum, & negotiorum. Ut enim Seneca dicit in Libro de beneficiis, ad hoc quod homo teneatur facere quod promissit, requiritur quod omnia immutata permaneant: alioquin nec fuit mendax in promittendo, quia promissit quod habebat in mente, subintellectis debitis conditionibus; nec etiam est infidelis non implendo quod promissit, quia eadem conditiones non extant.*

VI. Quæst. IV. *Quanam materia mutatio dicenda sit notabilis, adeo ut valeat voti vinculum solvere?* Resp. Quæcumque materiae mutatio satis minime est ad votum irritandum: alioquin omnia vota nulla essent, cum res humanæ omnes mutationi obnoxie sint. Requiritur ergo quod mutatio notabilis sit, idest gravissima; ut voti vinculum dissolvatur, & tollatur voti obligatio. Porro quanam mutatio dicenda sit notabilis, & gravissima, definiri clare vix potest. Ea communiter nuncupatur mutatio notabilis quæ rem promissam in diverso statu constituit; ita ut iuxta communem hominum existimationem, consuetudines, aut leges, res sub talibus circumstantiis, aut difficultatibus obligare minime soleat. Hæc præterea mutatio debet esse evidens, & manifesta: si enim dubia tantum sit, votum non irritat. Igitur, si edito voto, occurrat in illius executione vitæ, aut honoris periculum, vel alterius rei gravis momenti detrimentum; tunc votum cessare, communiter sentiunt omnes. Neque enim prudenter præsumi potest, voventem hominem, se voluisse in similibus casibus obligare, nisi reipsa eiusmodi pericula prævidens deli-

deliberate votum edidisset : quemadmodum , si grafsante peste votum emitteret in-feruendi lue infectis , votum obligaret .

VII. Quæst. V. *Irritat ne votum ea rei promissæ mutatio quam si vouens tempore quo votum edidit , cognouisset , a voto abstinuerit ?* Resp. Adfirmat prima sententia : quia in generali concessione non veniunt ea quæ quis verosimiliter concessurus non esset . *Reg. gen. de reg. iur. in 6.* Porro idem dicendum est de absoluta promissione ; in qua excipiendi sunt eventus illi quos si cognosceret promittens , re-ipla exciperet : eo vel maxime quod promissio libera numquam præter vouentis intentionem obligat . Vouentis autem intentio est , noluisse in tali difficili eventu se se obligare . Præterquamquod in qualibet lege locum habet epikia , qua excipiuntur eventus illi quos si prævidisset legislator , excepisset . Quisque autem vouens legislator privatus est . Tandem D. Thomas ipse in hanc concedere videtur sententiam in *IV. dist. xxxviii. quæst. 1. art. 3. quæstiunc. 1. ad 1.* ubi hæc habet : *id liberare a voti , vel iuramenti obligatione quod si a principio accidisset , aut notum fuisset , ea fieri impediret .* Eandem opinionem defendunt Navarrus in *Man. cap. xvi. num. 7.* Sylvester verb. *Vot. 2. quæst. xvi. sub finem .* Caramuel Theolog. *fundam. fundamen- to 51. §. 4. num. 1399.* Molina *Tom. II. de iust. disp. cclxxi. concl. 2. l. 7. notabil. 4.* Citari etiam solet D. Antoninus *Part. II. tit. x. cap. vi. §. 5.* sed immerito : nihil enim ibidem habet sanctus Archiepiscopus quod huic faveat opinioni .

VIII. Contraria sententia probabilior est ; quin absolute considerata , & serius perpenfa , unica vera videtur . Si enim supervenientes difficultates satis forent ad vota immutanda , eo quod , si tempore voti fuissent perspectæ vouenti , votum non edidisset ; iam nulla promissio , nullus contractus consisteret , & humana societas perturbaretur . Quandoquidem pauci sunt contractus in quibus graves non occur- rant postea difficultates , quas si prævidisset contrahens , proculdubio contractum non iniisset ; idque passim occurrit in quibuslibet promissionibus : nec propterea contrahentes , vel promissores a promissis , vel contractibus liberantur . Promissionis ergo , seu voti obligatio non ex eo quod non promississet , si prævidisset , sed ex eo quod promissit vouens , præviditque , metienda est . Promissisti pauperi elemosy- nam , quam minime spondidisses , pravam illum si deprehendisses ; nihilominus stare promissis astringeris , ut communiter docent omnes . Hanc sententiam defen- dunt Caietanus 2. 2. *quæst. lxxxviii. art. 3.* Sotus de *iust. l. i. iure Lib. VII. quæst. 11. art. 1. ad 3.* Suarez *Lib. IV. de voto cap. xix.* Navarrus in *Man. cap. xii. num. 39.* Valentia 2. 2. *disp. vi. punct. 4.* Prado *cap. xxxi. quæst. xiii. num. 7.* Fagundez *Lib. II. cap. xxxi. num. 8.* Sanchez *Lib. IV. cap. 11. num. 22.* Leander *trad. 1. disp. xiii. quæst. 111.* Salmanticenses *trad. xviii. cap. 11. punct. 2.* Contrariæ opinionis argumen- torum facilis solutio est . Regula iuris intelligitur non de quacumque difficultate quæ vouentem afficiat ; sed de notabili rerum mutatione , de qua supra dictum est .

Qua-

Quare distinguenda ea sunt quæ rei promissæ notabilem inducunt mutationem, ab iis quæ ipsum voventem afficiunt. Sæpius vovens, dum votum edit, nullam, aut parvam prospicit difficultatem circa eiusdem executionem, ac observantiam; & postea tractu temporis, re per votum promissa immutata consistente, ita graves patitur difficultates, ut, si eas prævidisset, dum votum elicit, a voto abstinuisset. Dicendum ne propterea eum immunem a voto esse? Absit. Nemo id dixerit, paucis exceptis, quorum institutum est, morum regulas laxare. Quæ postea materiam subiectam promissioni tangunt, si notabilem gravissimamque mutationem eius inducant, quam mutationem si prævidisset vovens, non vovisset, liberum a voti vinculo constituunt voventem: & hoc in sensu auctoritas D. Thomæ intelligenda est; næpæ quoties supervenit aliquod impedimentum, quod ante votum, vel iuramentum emissum constitueret materiam ineptam ad inducendam obligationem, aut quod illicitam, vel inutilem, vel impossibilem illam reddidisset; idiplum irritat votum, aut iuramentum emissum. Tria ergo semper in his casibus præ oculis habenda sunt: difficultas orta ex voventis conditione, quæ, nisi moraliter impotentem efficiat, a voto non liberat; mutatio non gravis ex parte materiæ, quæ pariter voti vinculum non infringit; & tandem mutatio notabilis, quæ materiam in statu moraliter prorsus diverso constituit, & quæ sola voventem a voti obligatione eximit. Epikiia locum habet in eventibus raro contingentibus, quive communiter prævideri nequeunt. Futuræ difficultates in votorum executione obviæ cuique sunt, nec impediunt quominus vota ciantur.

IX. Quæst. VI. *Religiosus, professione emissâ, ius ad regiam coronam acquirit; liber ne a voti vinculo evadit?* Resp. Dubitarunt quidam Casuistæ; inimo Prado cap. xxxi. quæst. v. §. 17. & in append. cap. xxxi. refert, Caramuelem docere hunc Religiosum liberum omnino a voto fieri, atque matrimonium inire posse. Sed fallitur Prado, cum Caramuel oppositum expresse sustineat II. Part. Theol. fund. num. 89. secundæ impressionis. Quid docuerit in prima, quæ mihi præ manibus non est, ignoro. Communis ergo sententia est, præfatum Religiosum votis obstrictum manere, eo quod nulla mutatio fiat ex parte materiæ promissæ. Utique, si prævidisset ius sibi ad regiam dignitatem superventurum, vota solemnia non emisisset; sed non propterea liber a voto evadit. Plurimi qui matrimonia incunt, si præviderent ea omnia quæ inde consequuntur incommoda, matrimonia non contraherent. An idcirco matrimonia erunt dirimenda? Sed de his satis dictum superius est.

CAPUT III.

De votorum irritatione, atque de iis quibus inest eadem irritandi facultas.

I. Irritatio voti est *eiusdem ablatio ab eo qui potestate dominante pollet facta*. Irritare namque idem sonat ac dirimere, solvere, inane reddere, seu in nihilum redigere. Irritatio duplex agnoscitur. *Directam* unam appellant; *indirectam* alteram, seu impropriam. *Directa*, seu propria est actus potestatem habentis quo solvitur voti vinculum, seu nullum omnino votum efficitur. Dicitur *actus potestatem habentis*: quia proficisci debet ab eo qui dominium habet in personam voventem, seu in eiusdem voventis voluntatem, ut pater in filios, & superiores in Religiosos. *Indirecta*, seu impropria materiam promissam spectat, quæ illius executionem impedit; quæve potius voti suspensio quam irritatio nuncupatur. Hinc Pontifex omnium fidelium vota irritare, seu suspendere valet: quia potest prohibere materiam voto promissam: & tunc votum suspensum permanet, donec materia verita perseverat: ablata autem materię prohibitione, votum reviviscit, urgetque voventem ad executionem. Secus evenit in irritatione directa voti, quod irritum semel factum numquam reviviscit.

II. Cum de votorum, sive iuramentorum (utrumque enim eadem est ratio) irritatione sermo est, statim distinguenda vota sunt, & iuramenta. Nam alia cedunt in honorem Dei tantum, alia in hominum etiam utilitatem. Rursus istorum pariter est habenda discretio. Alia siquidem sunt vota, & iuramenta facta hominibus, qui ius nanciscuntur ad res promissas, eo quod talia vota acceptata fuerunt ab illis in quorum utilitatem facta fuere: alia sunt iuramenta, & vota, facta utique in aliorum utilitatem & commodum; ita tamen ut nullam, vi eorumdem votorum, ius acquirant illi in quorum facta fuerunt utilitatem: vel quia non libere omnino, sed dolo, fraude, & timore iniuste incusso fuerunt extorta; vel quod intimata, & acceptata nequiquam fuerint, & consequenter in potestate voventis, vel iurantis eorumdem retractatio remaneat, si iustitia spectetur. De veritate iuramenti promissorii alibi disputabitur. De votis ergo nunc tantum differitur, quæ aut soli Deo fiunt, aut hominibus, nullum per talia vota, aut iuramenta ius acquirentibus.

III. Quæst. I. *An pro licita votorum irritatione causa aliqua requiratur?* Resp. Convenit penes omnes, nullam pro valida votorum irritatione causam requiri. Disputant vero, an non modo valide, verum etiam licite irritari vota possint, nulla causa occurrente. Negant Soto *Lib. VII. de inst. & iur. quæst. 111. art. 1.*

sol.

fol. 4. vers. De usu autem, Sanchez *Lib. IV. Decal. cap. xxiv. numer. 13. Medina Lib. I. Sum. cap. xiv. §. 7. Aragon 2. 2. quæst. lxxxviii. artic. 8. Sayrus in Clavi Reg. Lib. VI. cap. x. num. 14. Lessius Lib. II. de iustit. cap. xl. dubit. 10. num. 70. Valentia 2. 2. disp. vi. quæst. vi. punct. 16. Corradus I. Par. quæst. cxcviii. Layman Lib. IV. tract. iv. cap. vii. num. 18. Villalobos II. Par. tract. xxxiv. diff. 17. Rationes istius sententiæ satis firmæ videntur. Irritatio actus est iurisdictionis : examen ergo præcedat oportet, ut actus iste iudicetur conveniens nec ne. Quamquam enim voluntas subditi superioris potestati subiecta sit ; non ita tamen subdita est, ut superior ad nutum, & sine ratione in eandem dominium exercere pro libito valeat. Nulla siquidem occurrit ratio cur superiores licite possint bonum subditorum impedire, quoties bonum illud nec optimo eorumdem regimini, nec bono communi adversatur. Tandem sive potestas isthæc in voventium utilitatem collata sit, ut in Prælatiis, & parentibus respectu Religiosorum, filiorumque ; sive in commodum irritantis, ut in dominis respectu servorum ; sive in utilitatem utriusque tam voventis, quam irritantis votum, ut in viro respectu uxoris : semper rationi adversum esse censetur, ut sine quacunque causâ exercetur.*

IV. Altera sententia docet, nullam pro licita irritatione requiri causam : & hanc defendunt D. Antoninus II. *Part. titul. xi. cap. 11. §. 6. Sylvester verb. Votum 4. quæst. 1. Caietanus in Sum. verb. Votorum irritatio, Ledefma dub. 2. conclus. 4. Trullenchus Lib. II. dub. 39. Navarrus in Man. cap. xii. num. 73. Suarez in III. Par. Tom. V. disp. iv. sect. 2. num. 8. Toletus Lib. IV. cap. xviii. num. 9. Ludovicus Lopez I. *Part. instrum. cap. xlviii. Azorius Tom. I. Lib. XI. cap. xvii. quæst. 1. Salmanticenses tract. xvii. cap. 111. punct. 3. num. 31. Leander tract. 1. disp. xvii. quæst. v. & apud ipsum Paludanus, Angelus, Palacius, Ovandus ; Vega, Vivaldus, Beia, alique. Ratio est, quia vota hominum subditorum semper sunt cum tacita conditione consensus superioris. Porro superior nullo iure cogitur hunc præbere consensum ; sed pro arbitrio suspendere illum valet, & consequenter vota irritare, quemadmodum si quis ex bonis alterius eleemosynam promitteret, sub conditione quod dominus sit consensus ; hic libere abique ullius causæ inquisitione consensum suum negare valet.**

V. Utraque sententia suo in sensu vera est. Nam, si sola civilis potestas, ut sic loquar, spectetur ; vera est secunda sententia : si vero non potestas civilis tantum, sed universalis illa lex in ipsa natura rationali defixa inspicatur, ratione cuius quisque obstringitur ex honesta causâ agere ; vera est prior opinio. Nulla siquidem in individuo indifferens reperitur actio : quia quælibet individua actio ob aliquem finem eliciatur oportet. Igitur iuxta finis qualitatem evadit bona, aut mala actio de se indifferens. Irritans ergo vota aliquem finem sibi præstituere

tuere debet; seu finis aliquis movere superiorem debet ad irritanda subditorum vota. Igitur in praxi numquam superior sine rationabili causa irritare vota licite potest.

VI. Quæst. II. *An facultas vota irritandi, iuris sit positivi, vel naturalis?* Resp. Pro iure positivo stat prima sententia. Quandoquidem vota solemnia Regularium tantummodo iure positivo statum religiosum constituunt. Ergo iure tantum ecclesiastico indissolubilia eadem vota dicenda sunt. Confirmatur hoc ex eo quod quædam vota a Prælati Regularium irritari nequeant; ut est votum transcundi ad archiorem Religionem: cap. Licet de Regul. Ergo quod hoc, aut illud votum irritari possit, ex iure positivo ortum ducit. Denique parentes valent irritare vota filiorum realia, & personalia, antequam pubertatem attingant; cum autem ad pubertatem pervenerint, personalia illorum vota irritare non amplius possunt: quia ius positivum sic statuit. Hanc opinionem defendunt Vasquez 1. 2. quæst. xcvi. disp. clxv. cap. iv. num. 29. Lessius Lib. II. de iust. cap. xl. dub. 13. num. 75. Sanchez in Decal. Lib. IV. cap. xxiv. num. 32. Castropalaus trad. xiv. disput. 11. punct. 1. num. 4. Bonacina disput. iv. quæst. 11. punct. 7. §. 2. num. 18. & 26. Lezana verb. *Votum*. Probabilem eam iudicant Leander, & Salmanticenses.

VII. Contraria sententia probabilior est, & mihi vera. Hanc docet D. Thomas 2. 2. quæst. clxxxix. art. 5. Caietanus 2. 2. quæst. lxxxviii. art. 8. dub. 3. §. *Ad primum dicitur*. Soto Lib. VII. de iustit. & iur. quæst. 111. art. 1. Raphael de la Torre 2. 2. quæst. lxxxviii. disput. 11. num. 4. & disput. iv. num. 5. Prado cap. xxxi. quæst. xiii. num. 15. Suarez Lib. VI. de voto cap. vi. num. 2. & 3. & cap. vi. num. 4. Trullenchus Lib. II. cap. 11. dub. 29. num. 1. Pontius de matrim. Lib. VII. cap. v. num. 19. Ledesma Tom. II. tract. x. cap. vii. dub. 2. concl. 3. Garzias Tom. II. tract. x. diff. 6. dub. 7. punct. 2. num. 15. Pellizarius tractat. 111. cap. iv. quæst. xxi. num. 65. Leander tract. 1. disp. xvi. Salmanticenses tractat. xvii. cap. 11. punct. 3. numer. 27. Rationem potissimam istius sententiæ tradit D. Thomas 2. 2. quæst. lxxxviii. art. 8. in corp. *Quicumque est subiectus alicui, quantum ad id in quo est subiectus, non est suæ potestatis facere quod vult, sed dependet ex voluntate alterius. Et ideo non potest se per votum firmiter obligare in his in quibus alteri subiicitur sine consensu sui superioris*. Hanc eandem doctrinam in responsione ad primum argumentum repetit, inculcatque. *Et ideo non potest omnino salvari ratio voti, cum quis in potestate alterius constitutus vovet id quod est in potestate alterius; nisi sub conditione, si ille ad cuius potestatem pertinet, non contradicat*. Tandem loco citato nempe 2. 2. quæst. clxxxix. art. 5. hæc de filiis-familias statuit. *Quia pueri naturaliter sunt in potestate patris quantum ad dispositionem suæ vitæ, poterit pater vota eorum revocare*.

VIII. Filij vi iuris naturalis paternæ potestati subiecti sunt. Religiosi subdun-

Tom. III.

T

tur

tur Prælatorum voluntati, & dominio vi solemnis professionis, seu voti obedientiæ. Iure ergo naturali, & divino patres, & superiores in filios, Religiososque dominantur. Porro vi istius domini, seu potestatis vota irritare valent subditorum. Ergo irritatio isthæc eiusdem naturalis, divinique iuris fructus est. Accedit quod licet aliqua lex iuris tantum ecclesiastici, aut humani sit; posita tamen tali lege, ius confurgit naturale, & divinum. Institutio huius vel illius superioris a lege humana, & ecclesiastica præscribitur; facta tamen institutione ad formam legis, iure naturali, & divino subditi parere superiori adstringuntur. Iure gentium ille servus evadit: servitute contracta, ius naturale in servum dominus acquirit. Consecratio calicis a iure ecclesiastico præscribitur; sed iure divino calici sacrato obsequium, & reverentia debetur. Quamvis ergo votorum solemnitas a iure ecclesiastico oriatur; semel tamen votorum solemnitate celebrata, Religiosus lege naturali subiicitur superioris voluntati; quemadmodum iure naturali subditur uxor mariti imperio, tametsi solemnitates matrimonii a iure ecclesiastico proficiantur. Ex quibus omnibus constat solutio argumentorum quæ pro se allegat contraria opinio. Nec officit quod lex ecclesiastica veter superioribus ne in quædam subditorum vota potestatem exerceant, ut in adductis exemplis patet: quia ad eiusmodi vota, & similia quod attinet, subditi non sunt subiecti superiorum dominio: & ad removenda dissidia, Ecclesia declarat, superiores irritare haudquaquam posse talia vota.

IX. Quæst. III. *Quibus conveniat potestas irritandi vota?* Resp. Varia sunt superiorum genera, quibus votorum competit irritatio. Idcirco, ut clare quæstio resolvatur, distinctione opus est. Alii sunt superiores qui potestate dominante potiuntur in subditos, ut parentes in filios, domini in servos. Alii solam habent potestatem iurisdictionis, quam etiam indirectam vocant. Quibus positis, facilis est resolutio.

X. Primo falsum est quod scribit Hieronymus *Lamas III. Part. cap. iv. §. 2.* nempe summum Pontificem posse cum rationabili causa irritare quæcumque vota quæ potest pater, & tutor, & prælatus, atque dominus; cum sit omnium pater, & tutor, & dominus. Hæc opinio falsa est, & reiicitur communiter ab omnibus tum Theologis, tum Canonistis. Quoniam convenit inter Theologos, Pontificem summum potestatem non habere in omnes fideles dominantem; seu fideles, licet subiecti sint Pontifici tamquam supremo pastori, & capiti, minime tamen illi subiectos esse tamquam domino: alioquin dicendum foret, nullum sæcularem posse vovere Religionis ingressum, matrimonia inire, contractus celebrare absque consensu Pontificis; quemadmodum nequeunt hæc peragere servi sine consensu dominorum, filii sine consensu parentum: quod aperte abludit a vero. Pontifices ergo summi non possunt laicorum vota directe irritare; sed, iusta oc-

cur-

currente causa, eisdem a votis solummodo valent dispensare. Vota autem Regularium, & Monialium irritare Pontifex valet potiore iure ac ipsi Prælati immediati: quia est supremus & præcipuus Religiosorum omnium Prælati. Item vota omnia Ecclesiasticorum, quæ ad beneficia ecclesiastica pertinent, irritari a Pontifice possunt. Vota vero sive Clericorum sæcularium, sive laicorum, directe irritare nequit; sed indirecte duntaxat prohibendo materiam.

XI. Episcopi irritare valent Monialium sibi subiectarum vota: in has enim dominantem habent potestatem. Secus dicendum de Monialibus quæ eorum iurisdictioni non subiiciuntur. Regularium pariter exemptorum vota irritare non possunt. Immo nec suorum Clericorum, & multo minus laicorum, vota irritare queunt. Quippe in istos non dominantur, sed iurisdictionis tantum potestate in eosdem potiuntur.

XII. Si ergo directe vota irritare tantum possunt qui potestatem quam vocant dominantem, seu dominativam, in sibi subditas personas habent. Qui namque alterius dominio subduntur vel ratione personæ, vel ratione rerum quæ promissionibus subsunt, nihil firmum constituere valent, superioribus inconsultis; sed in omnibus istorum promissionibus includitur conditio consensus præstandi a superioribus. Quamobrem superiores Regularium vota Religiosorum, parentes vota filiorum, tutores vota pupillorum, curatores vota minorum, domini vota servorum, mariti vota uxorum irritare valent: quia omnes isti dominantur in subditos; & tali quidem potestate quæ *dominans* appellatur. Hinc sequitur neminem posse propria vota irritare, quia nemo dominatur in se ipsum.

XIII. Quæst. IV. *Tenetur ne superior vota irritanda in specie cognoscere?* Resp. Nemo inficiatur, posse absolute superiorem subditorum vota irritare, quin distinctam votorum cognitionem habeat. Dictum est enim supra, nullam causam ad vota valide irritanda requiri. Sententia quoque satis communis sustinet, superiorum non modo valide, sed etiam licite id præstare posse. Vide quæ dicta sunt *num. 5.* Sed quamvis absolute loquendo possit superior & valide, & licite vota subditorum irritare; in praxi tamen semper ob aliquem peculiarem finem agere tenetur. Porro ut propter finem, & prudenter vota irritet, eorundem votorum notitiam habeat oportet. In his tamen religio vitanda est. Quæcumque enim causa satis est in omnium sententia ad validam licitamque irritationem. Cognitionem itaque dicimus irritandorum votorum requiri, ut superior imprudentiæ notam effugiat.

XIV. Quæst. V. *Potest ne superior vota irritare, subditis repugnantibus?* Resp. Adfirmat communis sententia, quæ vera est. Quippe votum sub conditione futuri consensus superioris emissum fuit. Superior autem a subdito pendere non debet, ut iuxta subditi voluntatem votum editum approbare teneatur. Quoties er-

go expediens sibi visum fuerit, refragante licet subdito, vota irritare poterit. Quin superior prohibere potest ne subditi imposterum vota emittant.

C A P U T IV.

De potestate quam habent Prælati Regularium ad irritanda subditorum vota.

PRæmissa communi irritationis votorum notione, ad peculiare irritationes declarandas accedo. Paucis omnia expediam. Ex iis quæ dicta sunt, competentum habetur, Prælatos regulares posse subditorum vota irritare. Disputant vero Theologi, utrum omnia subditorum vota, tum interna, tum externa, subiecta sint Prælatorum potestati: & qui sint Prælati illi qui facultate potiuntur vota irritandi. Quare sequentes quæstiunculas resolvendas propono.

II. Quæst. I. *Vota interna Regularium, quæ regimen nullo modo perturbant, nec Religionis observantiam, irritari ne queunt a Prælati eorumdem?* Resp. Negant plures Auctores. Caietanus 2. 2. quæst. lxxxviii. artic. 3. & quæst. civ. artic. 5. Prado cap. xxxi. quæst. xlii. num. 31. Sanchez Lib. IV. cap. xxxiii. num. 6. Lefsius Lib. II. cap. xl. dub. 13. num. 74. Castropalaus disp. 11. punct. 8. num. 1. Armillæ verb. *Votum*, Sylvest. verb. *Votum* 3. quæst. 111. in fin. aliique. Evincere hanc opinionem contendunt D. Thomæ auctoritate: quippe 2. 2. quæst. civ. art. 5. in corp. hæc habet. *In his quæ pertinent ad interiorem motum voluntatis, homo non tenetur homini obedire, sed solum Deo.* Quam doctrinam altius inculcat in respon. ad 2. Deo subiicitur homo simpliciter quantum ad omnia & interiora, & exteriora: & ideo in omnibus ei obedire tenetur. Subditi autem non subiiciuntur suis superioribus quantum ad omnia, sed quantum ad aliqua determinata. Ex hac doctrina manifesta existit ratio quæ veram ostendit opinionem istam. Quippe Prælati regulares idcirco vota subditorum irritare valent, quia in eisdem dominantem habent potestatem. Porro, si plene in eos non dominantur, si subditi quantum ad aliqua non subiiciuntur suis Prælati, sed tantum in iis quæ regulam, & ordinis regimen inspicunt, secus in iis quæ intra animum fiunt; planum videtur, Prælatos carere potestate irritandi vota interna Religiosorum, quæ nec regulæ observantiam, nec Religionis gubernationem tangunt.

III. Altera sententia sustinet, Prælatos Regularium omnia subditorum vota tum interna, tum externa irritare directe posse. Hanc defendunt Soto Lib. VII. de iust. & iur. quæst. 111. art. 2. dub. 2. §. *Quantum operum genus*, Sanchez Lib. IV. cap. xxxiii. num. 6. & cap. xxiv. num. 40. Suarez Lib. III. de vot. cap. vii. num. 8. item Tom. V. in III. Part. disput. 1v. sec. 2. num. 8. & 9. item de Relig. Lib. VI.

Lib. VI. cap. VII. num. 8. Prado cap. XXXI. quest. XI. §. 2. Bonacina disput. IV. quest. 11. punct. 7. §. 1. num. 26. Valentia disp. VI. punct. 6. quest. V. Azorius Lib. XI. cap. XVII. quest. XVI. §. num. 17. Vasquez 1. 2. disput. CLX. cap. IV. num. 17. Tamburinus de iure Abb. Tom. II. disp. XVIII. quest. IV. num. 6. §. 11. Layman Lib. IV. tract. IV. cap. VII. num. 6. concl. 3. Leander tract. I. disp. XVI. quest. XXIV. Salmanticenses tract. XVII. cap. 11. punct. 4. num. 37. aliique plures. D. Thomas in hanc quoque sententiam concedere videtur 2. 2. quest. LXXXVIII. artic. 8. ad 3. Nullum, inquit, votum Religiosi est firmum, nisi de consensu Prælati. Ratio quæ pro hac assertur sententia, satis valida est. Siquidem, licet verum sit Religiosos subditos in omnibus subiectos haud esse Prælati, hoc in sensu quod Prælati nequeant illorum aut augere, aut minuere vota, nec supra, aut contra Regulam quidquam præcipere; nihilo tamen secius iisdem subiciuntur in hoc quod ipsi nova onera sibi imponere nequeunt, illis inconsultis: quippe hæc nova onera possunt constituere subditum ineptum ad implenda illa quæ sunt Regulæ, quæque solemniter voto adstringitur Deo reddere. Potest Religiosus plurima vota interna edere eliciendi in singulos dies tot amoris divini actus, totidem fidei, totidemque spei, recitandi prolixas preces, genuflectendi, & id genus similia: quæ omnia simul sanitati, & penso vi Regulæ solvendo officere queunt. Cum igitur Religiosus vi suæ professionis totus Deo dicatus sit, Prælatorum potestati subiectus est etiam in hoc quod nequeat firma vota edere, nisi habita ratione consensus obtinendi a Prælati suis. Hæc sententia probabilior est, immo vera.

IV. Ex his soluta remanent quæ pro se allegat prima opinio. Verum namque est quod docet D. Thomas, Religiosum Prælati suis quantum ad omnia non subiaci. Hinc tamen non inferitur, subiectos non esse in votis edendis. Subiiciuntur superioribus quantum ad aliqua determinate, inquit Angelicus, id est quantum ad illa quæ præscribuntur in Regula, & constitutionibus, quæque cum eisdem annexa sunt. Quorum omnium sensus est, quod Prælati nequit cogere subditum ad obediendum sibi in iis quæ nec præscribuntur in Regula, nec ad Regulæ observantiam ullo modo conducunt. Ne multa: ad libitum, & pro arbitrio nequit subditos obligare ad ea peragenda quæ limites emissæ professionis transiunt. Similiter dicitur, Ecclesiam non habere potestatem directam in actus internos, quatenus possit quidquam mere internum vel præcipere, vel prohibere. Hinc tamen neutiquam consequitur, illam non habere facultatem liberandi subditos ab aliqua etiam interna obligatione. Votorum irritatio bonum respicit ipsius subditi. Non est onus hæc irritatio, sed beneficium eiusdem. Et quamquam vota sunt interna; executio tamen votorum, licet interna, disciplinæ exteriori præiudicium inferre potest, ut ex iis quæ diximus, constat. Nostra ergo sententia est, Prælatum pos-

se quæcumque subditorum vota irritare. Antequam tamen irritentur, subditus servare illa debet, eo quod valida sunt iuxta ea quæ docuimus supra cap. 1. quæst. 1. & solummodo, causa cognita, valet Prælati vota irritare.

V. Aliqua tamen vota excipiuntur, quæ a Prælati irritari nequeunt, ut ea sunt quæ statum constituunt, sive simplicia sint, sive solemnia. Hac ratione vota quæ in nonnullis Ordinibus sunt, ut votum Minimorum abstinendi a carnibus, votum Mercenariorum redimendi captivos, quatuor vel quinque vota Iesuitarum præter tria solemnia, Prælatorum irritationi minime subiecta sunt. Votum quoque transeundi ad arctiorem Religionem superiorum potestati non subiacet; quin nec summus Pontifex eiusmodi votum transeundi ad arctiorem irritare valet, ut communiter Theologi docent: quoniam ut Pontifex irritandi potestatem minime habet, sed tantum ut supremum omnium Religiosorum Prælati. Porro ut Prælati hæc vota nequit, sicut nequeunt ceteri Prælati, irritare. Si plura cupis, lege Sanchez Lib. IV. cap. xxxiii. num. 13.

VI. Quæst. II. *Qui sunt Prælati qui hæc subditorum Regularium vota irritare valeant?* Resp. Subditorum vota irritandi potestatem habent omnes superiores qui potestate ordinaria potiuntur; ut sunt Generales in universo Ordine, Provinciales in tota provincia, & Superiores, seu Priores Conventuum, seu domorum particularium, qui omnium subditorum, etiam hospitum, ultra diem ibidem commorantium, vota irritare queunt.

VII. Quæst. III. *An Legati a latere, & Congregationes Cardinalium vota Religiosorum irritare valeant?* Resp. De Legatis a latere adfirmat Prado quæst. xxxi. quæst. xiii. §. 3. num. 31. De Congregatione Cardinalium super disciplina Regularium plures idem docent. Sed probabilius est neque Legatos a latere, neque Cardinalium Congregationem hac potestate pollere. Quoniam solam potestatem iurisdictionis, secus dominativam in Religiosos habent. Et quamquam hanc potestatem summus Pontifex delegare illis possit; minime tamen constat, revera eis illam delegatam fuisse. Ceterum in his standum est praxi. Si enim prælati Legati, & Congregationes vota irritarent, dicendum foret, illis Pontificem talem potestatem delegasse. Convenit vero fere penes omnes, hanc potestatem non habere Cardinales protectores.

VIII. Quæst. IV. *An Prælati, seu Superiores secundarii, quos Supplices, Vicarios, Prorectores, & penes Monachos Priores, aliisque nominibus vocare solent, hanc habeant potestatem vota irritandi?* Resp. Communis sententia docet, præsentibus Prælati primariis, hos secundarios Prælatos nulla gaudere irritandorum votorum potestate: quia tunc sunt meri Prælatorum coadiutores, nullumque in subditos dominium habent. Contra, absentibus Prælati maioribus, iisdem in præfectura succedunt, evaduntque veri subditorum Superiores, quibus vi voti obedire tenentur sub-

subditi, eorumque præcepta exequi. Ut autem huiusmodi potestate Superiores isti secundarii fruantur, requiritur quod Prælati primarii vere absentes sint. Si enim domo exeant, eodem die reversuri, seu si pro parvo tempore intra eandem diem absint; hæc in communi acceptione vera absentia non est. Communiter, quando per unum, aut alterum integrum diem naturalem a Conventibus absunt, intelliguntur vere absentes: & tunc Superiores secundarii vere potiuntur potestate dominante in subditos, eorumque vota irritare, & præcepta imponere iure valent. Hæc omnia communia apud Auctores.

IX. Quæst. V. *An Abbatissæ, seu Priorissæ suarum Monialium vota irritare valeant?* Resp. Aliqui contendunt, eas dumtaxat vota illa irritare posse quæ gubernationi, & regimini directe adversantur; secus alia quæ exteriori regimini non officiant: quia nonnisi politicam, & domesticam relate ad bonum temporale potestatem habent; nec Moniales obedientiam eisdem promittunt, nisi de rebus ad domesticam gubernationem spectantibus. Communis tamen sententia oppositum defendit, videlicet Abbatissas, & Priorissas omnia ea vota irritare suarum Monialium posse quæ Abbates, & Priores, sive Prælati in suis Cœnobiis valent: eo quod Sanctimoniales, non secus ac Religiosi, obedientiam vovent, eamque reddere tenentur suis Abbatissis, & Priorissis, non modo in rebus domesticis, & politicis, sed etiam, immo potissime, in iis quæ spirituales animarum profectum spectant. Prado *cap. xxxi. quæst. xlii. §. 2. num. 43.* Bormicina *disp. iv. quæst. ti. punct. 7. §. 2. num. 26.* Trullenchus *Lib. II. cap. 21. dub. 31. num. 3.* Lezana *Tom. I. cap. xxvi. num. 5.* Sanchez *Lib. IV. cap. xxxiii. num. 19.* Lessius *de iust. Lib. II. cap. xl. dub. 13. num. 107.* Suarez *Lib. VII. cap. vii. Candidus disp. xxv. art. 3. dub. 4.* Raphael de la Torre 2. 2. *quæst. lxxxviii. art. 9. disp. 2. num. 6.* Ascanius Tamburinus *de iur. Abb. disp. xxxii. quæst. vi.* Pellizarius *Tom. II. tract. x. cap. vii.* Garcias *Tom. II. tract. x. diff. 6. dub. 7. punct. 2. num. 20.* Tamburinus in *Decal. Lib. III. cap. xvi. §. 3. num. 31.* Salmanticenses *tract. xvii. cap. ii. punct. 4. num. 41.* & alii.

X. Quæst. VI. *Prælati Regularium valent ne Novitiorum vota irritare?* Resp. Negant communiter omnes. Novitii, antequam professionem emittant, sui iuris sunt, nullamque dominantem potestatem in eisdem habent sive Prælati, sive illorum Magistri, qui proximius curam eorundem gerunt. Personalia vota, quæ Novitiatibus exercitia, & regimen inturbant, impedire valent; nec eadem Novitii implere tenentur: ea quoque vota quæ nimium onerant Novitios, suspendere Novitiatibus tempore Prælati, seu Magistri iure queunt. Si tamen Novitii, religione relicta, ad sæculum redeant, vota reviviscunt, eaque implere astringuntur. Vota realia quæ nec impediunt administrationem, seu regimen Religionis, nec Novitios valde aggravant, ut sunt vota elargiendi eleemosynam, atque de suis bonis disponendi, nec irritandi, nec suspendendi, seu impediendi facultate pollent Præ-

lati. Hæc tamen vota, siue realia, siue personalia, commutari in alia pia onera a Prælati possunt. Et hæc commutatio cessaret, si Novitius Religionem relinqueret: quia commutatio facta censetur dumtaxat pro tempore Novitiatus. Hæc omnia communia sunt. Ad dispensationem autem quod attinet, convenit inter Theologos, dispensandi facultatem super eiusmodi Novitiorum votis Prælati competere, eo quod iurisdictionem ecclesiasticam in illos habeant.

C A P U T V.

Quæ vota filiorum possint parentes, tutores, & curatores irritare.

I. Disputant communiter Auctores, quo tempore incipiat filiorum infantia: Aliqui contendunt ab ipsa setus animatione initium illam ducere, & ad septennium usque perdurare: quod probant auctoritate Lucæ cap. 1. *Ecce enim; ut facta est vox salutationis tuæ in auribus meis, exultavit in gaudio infans in utero meo.* Et in hoc medici consentire videntur, Hippocrates, Galenus, Celsus, & Zachias, quos refert Narbona *Ann. vii. quest. 1. num. 1.* Alii communiter sustinent; primordia infantie in proprio sensu acceptæ esse nativitatem. Dissidium nullius momenti est. Quod fetus anima vivificatus in utero existens infans vocari possit, quemadmodum re Evangelista Lucas eundem vocat, non est ambigendi locus. Ceterum iuxta communem acceptionem infantia a nativitate incipit, & desinit in septennium completum; neque enim septennium istud infantis vel diem unum includit præcedentem nativitatem. A Etas pupillaris, seu impubertas ab anno septimo initium ducit, & in feminis duodecimo elapso terminatur, in viris vero anno decimo quarto pariter expleto. Pubertas autem seminarum ab anno duodecimo, & virorum ab anno quartodecimo incipit, & secundum ius commune tam in viris quam in feminis finem habet anno vigesimo quinto completo. Intra hoc intervallum ab anno duodecimo, & quartodecimo usque ad vigesimum quintum vocantur tam feminae quam viri puberes, & minores; sicuti a nativitate usque ad septennium infantes, & a septennio ad quartum decimum usque pupilli, & pupillæ, seu impuberes. Quamobrem officium tutoris, qui pupillo, seu impuberi ob patris defectum assignatur, cessat cum ætate pupillari, seu impuberi; quemadmodum curatoris, qui pariter ob defectum patris minori deputatur, ministerium cessat, elapsa ætate pubertatis, seu minoritatis, quæ, ut iam dictum est, desinit in annum vigesimum quintum: quamvis non raro contingat Principis beneficio puberes, seu minores ante præfinitum a iure communi spatium curatoris potestati subduci. Plura hic dicenda forent de patria potestate, & de eiusdem effectibus; sed

sed hæc omnia suo loco discussa reperies. Illa dumtaxat prælibare placuit quorum cognitio necessaria est ad ea quæ dicturi sumus, percipienda.

II. Quæst. I. *An vota filiorum impuberum irritare parentes valeant?* Resp. Concedunt nonnulli, vota emissa infra impubertatis tempus invalida esse: pro qua opinione citatur Sylvester *verb. Relig. 2. quæst. xv. & verb. Baptismus quæst. viii.* ubi solum indicat quod pueri possint vovere prope pubertatem. Communis autem, & vera sententia docet, vota emissa post rationis usum, qui communiter circa septennium habetur, valida esse: sicut enim lucente rationis lumine impuberes peccare valent; ita possunt quoque vovere. Porro quod pater omnia vota sive realia, sive personalia, sive mixta, & ipsum votum Religionis irritare valeat, docet D. Thomas 2. 2. *quæst. lxxxviii. art. 9.* sic inquires. *Est ergo dicendum, quod si puer, vel puella ante pubertatis annos nondum habeat usum rationis, nullo modo potest ad aliquid se voto obligare. Si vero ante pubertatis annos attingit usum rationis, potest quidem (quantum in ipso est) se obligare; sed votum eius potest irritari per parentes, quorum curæ remanet adhuc subiectus.* Indiscriminatim Angelicus loquitur de omnibus votis. Non est ergo quod nos distinguere debeamus; cum pro uno, ac pro altero potior ratio assignari non possit. Quin satis expediens videtur ut imbecilla illa ætas in omnibus votis quæ maximi sunt momenti, aliena dirigatur voluntate, sitque alterius potestati subiecta. Et, quamquam infra impubertatis annos nonnullis abundanter lumen rationis affulgeat; id tamen nimium contingens est, & plerumque oppositum evenit. Ea autem quæ communiter occurrunt, sunt attendenda. D. Thomæ sententiæ accedunt Caietanus 2. 2. *quæst. lxxxviii. art. 9. ad 5.* Ad hoc dicitur, & in *Sum. verb. Votum*, Suarez *Lib. VI. cap. vi. num. 6. & 7.* Sanchez *Lib. IV. cap. xvi. num. 7.* Lessius *Lib. II. cap. xl. dub. 14. num. 18.* Prado *cap. xxxi. quæst. xxiii. num. 61.* Bonacina *disp. iv. quæst. 11. punct. 7. §. 2. num. 18.* Trullenchus *Lib. II. cap. 1. dub. 34. num. 2.* Layman *Lib. IV. tract. iv. cap. vii. num. 10.* Tamburinus in *Decal. Lib. III. cap. xvi. §. 3. num. 9.* Leander *tract. 1. disp. xvi. quæst. lxxxi.* Salmanticenses *tract. xviii. cap. 11. punct. 5. num. 45.* alique communiter.

III. Quæst. II. *An parentes irritare vota possunt personalia filiorum qui pubertatem sunt affectui?* Resp. Quamvis tam pueri, quam puellæ sub patria potestate existant, etiam postquam attigerunt pubertatem; quæ tamen ab ipsis eduntur personalia vota in eo pubertatis statu, si regimen domesticum non interturbent, non possunt a parentibus irritari. Sic inquit S. Thomas 2. 2. *quæst. lxxxviii. artic. 8. ad 2.* *Ex quo homo venit ad annos pubertatis, si sit libera conditionis, est sue potestatis quantum ad ea quæ pertinent ad suam personam; puta quod obliget se Religioni per votum, vel quod matrimonium contrahat; non autem est sue potestatis quantum ad dispensationem domesticam. Unde circa hoc non potest aliquid*

verere. quod si ratum, sine consensu Patris. D. Thomæ sententiæ subscribunt Prædo cap. xxxi. quæst. xxiii. num. 63. Sylvester verb. Votum 3. quæst. vi. Raphael de la Torre 2. 2. quæst. lxxxviii. art. 9. disp. 4. num. 3. Valentia 2. 2. disp. vi. quæst. vi. punct. 6. quæstiunc. ult. Suarez Lib. VI. cap. v. num. 4. Trullenchus Lib. II. cap. 1. dub. 34. num. 3. Sayrus Lib. VI. cap. v. num. 6. Leander tract. 1. disput. xvi. quæst. lxxxii. Salmanticensis tractat. xvii. cap. 11. punct. 5. num. 46. aliique communiter. Utraque quæstionis pars declaratur; nempe quod pater nequeat irritare vota personalia quæ domesticæ gubernationi non officiant, ea vero quæ regimen domesticum impediunt, pro sui voluntate possit infringere. Prima pars constat. Nam status pubertatis constituit suapte natura juvenem in possessione plenæ libertatis, & perfecti usus rationis. quoad illa omnia quæ propriæ personæ directionem spectant. Rata ergo & firma sunt vota quæ in tali statu filii emittunt, quando ea ipsorum personas tantum afficiant. Ideo namque irritationi obnoxia impuberum vota sunt, quia isti pleno, perfectoque usu rationis non potiuntur. Hæc est unica & sola ratio, quæ omnino cessat, elapso impubertatis statu, & adveniente pubertatis ætate. Altera vero pars non minus manifesta est. Quia vota illa quæ regimen domesticum perturbant, patris potestati grave inferunt præiudicium. Ergo, ut valida sint, emitti debent cum conditione futuri consensus paterni: quæ enim alteri noxia sunt, consistere nequeunt, invito illo, qui damnum patitur. Nequit ergo pater irritare vota castitatis, & Religionis, vota ieiuniorum, precum, aliarumque rerum, quæ filii puberes emittunt; dummodo adeo immoderata non sint, ut administrationi domesticæ adversentur. Vota autem peregrinationis, precum, & ieiuniorum, quæ curæ paternæ forent adversa, irritari a patre possunt.

IV. Vota a filiis edita in ætate pupillari, seu impuberi, si confirmata fuerint ab ipsis in pubertate, rata & firma habentur, nullique irritationi obnoxia sunt; dummodo personalia sint, nullumque damnum inferant patriæ potestati. Ut vero dicatur votum confirmatum, satis haud est votentem illud servare; sed oportet ut nova, & explicata deliberatione illud ratum habeat, seu ut denuo voteat, & secundo voto priori quodammodo robur adiciat.

V. Quæst. III. *An vota impuberum, semel confirmata a patre, possint deinceps a patre irritari?* Resp. Adfirmat ut quid probabilius: Leander tract. 1. disput. xvi. quæst. lxxxviii. allegans pro hac opinione Sanchez, Fagundez, & Tamburinum: nec aliam rationem promittit, nisi quod probabilius est, confirmationem patris non obstat quominus valeat postea confirmata vota irritare: quæ ratio est, ut dicitur, petiti principii. Eam tamen roborare contendit paritate Prælatorum regularium, qui vota subditorum a se confirmata irritare semper possunt.

VI. Contraria sententia mihi probabilior est, eamque defendit Suarez Lib. VI.

de voto cap. vi. num. 15. & 16. Sayrus in *Clav. Reg. Lib. VI. cap. x. num. 28. Philircus de offic. Sacerd. Tom. I. Lib. III. cap. xvi. 11. Filiucius trad. xxvi. cap. vi. 11. quæst. vii. num. 233. Quod ita satis valide evincitur. Vota conditionata, impleta conditione, rata & firma sunt. Vota quæ impuberes edunt, conditionata sunt, nempe, si pater consenserit. Ergo, semel habito patris consensu, conditio impleta est. Ergo, conditione impleta, valorem integrum habent. Nonne alia filiorum promissa conditionata, rata evadunt, accedente paterno consensu? Quidni & vota Deo facta? Unde habetur quod pater præstitum consensum retractare valeat? In nullo contractu, in nulla promissione contingit ut qui consensum absolutum, & tamquam dominus dedit, possit pro libito illud revocare. Paritas Prælatorum regularium non concludit: tum quia in disputationem vocatur & Theologis, num Prælati, qui semel votum subditi confirmavit, valeat illud irritare: tum quia status toto cælo differt. Prælati regularis haud valet in perpetuum confirmare vota subditorum: quia subditi sunt immediate sub potestate, & dominio Religionis, cuius Prælati minister est non perpetuus, sed pro tempore determinato. Quapropter nequit se privare potestate dirigendi subditum in commodum, & beneficium Religionis. Potest tamen id præstare quod confert ad bonum commune Religionis, secus quod aliquo modo Religionis dominio officit. Ne multa: Prælati non est dominus absolutus; idcirco consensum ita absolutum dare nequit quem retractare non possit. Pater e contrario comparate ad filium absolutus dominus est, absolutumque consensum præbere valet: & hunc semel præstitum rescindere nequit. Si causa sufficiens urgebit, poterit votum commutari, vel dispensari ab habente auctoritatem.*

VII. Vota emissa a filiis spuris, & illegitimis irritari a patre valent; nisi sub tutore, aut curatore sint constituti: quoniam, tametsi pater civilem potestatem in eiusmodi filios non habeat, iure tamen naturali imbecillæ ætati consulere tenetur, ne votorum onere plus iusto graventur. Et in hoc Auctores consentiunt.

VIII. Quæst. IV. *An vota realia filiorum puberum paternæ irritationi subiecta sint?* Resp. Adfirmat D. Thomas 2. 2. quæst. lxxxviii. artic. 8. ad 1. *Non potest omnino salvari ratio voti, cum quis in potestate alterius constitutus votet id quod est in potestate alterius; nisi sub conditione, si ille ad cuius potestatem pertinet, non contradicat.* Quamdiu filii sunt in ætate minori, seu intra tempus pubertatis, paternæ administrationi subiecti sunt; nullaque ratione de bonis paternis disponente valent. Nulla ergo sunt illorum vota realia, quibus bona temporalia voto promittuntur, non accedente parentum consensu. Idem dicendum est de votis mixtis, quantum ad illam partem quæ realis est.

IX. Quæst. V. *An pater irritare possit vota realia filiorum quæ sunt de bonis paternis?*

te patre, vel eo mortuo, & tutore assignato, posse matrem vota impuberum irritare, sicut pater; quamvis potestas isthæc in patre principaliter, secundario in matre reperitur. Addunt etiam, quod mater valeat vota realia filiorum puberum quæ suæ administrationi officiant, irritare eodem modo ac pater. Si tamen vota realia fuerint de bonis quæ neque dominio, neque administrationi matris sint subiecta; hæc a matre irritari nequeunt.

XVIII. Hæc sententia, quatenus asserit posse matrem, vivente patre, eoque præsentem, irritare vota filiorum impuberum, sua fruitur probabilitate: quandoquidem in iis quæ filiorum regimen, & gubernationem spectant, naturalis potius quam civilis potestas consideranda est. Porro, quamvis iure civili filii non sint sub cura matris, sed patris, qui solus patria potestate potitur in filios; nihilo tamen secius vi iuris naturalis etiam matri subditi sunt. Mater namque filiis, & filiabus præcipere iure valet; & isti eidem obedire astringuntur: quod in filiabus potissimum locum habet. Ergo mater, etiam præsentem patre, irritare eorum vota, ac rescindere poterit. Id confirmant paritate a filiis illegitimis petita: licet enim isti civili lege patri subiecti non sint; quia tamen iure naturali illorum dominus est pater, eorundem vota rescindere potest. Tamen ergo mater civile dominium in filios non habeat; quia tamen iure naturali illorum domina est, poterit eorundem vota irritare.

XIX. Hæc argumenta minime spernenda sunt. Si tamen res paullo attentius spectetur, seipsis corruunt. Verum habet, matrem iure naturali dominam esse filiorum, & filiarum, atque filios eidem subiectos ad ipsi obediendum teneri. Sed æque verum est hanc maternam potestatem subditam esse potestati mariti. Ergo, præsentem marito, seu patre, nequit talem exercere potestatem. Siquidem, quando plures sunt domini tali ordine invicem comparati, ut unus sit superior, inferior alter; nequit inferior exercere, præsentem superiore, potestatem. Potestas matris in filios subiecta est paterno dominio. Ergo, præsentem patre, seu marito, crumpere nequit in actum. Hoc patet in quocumque regimine. Præsentem Prælato maiori, Prælatum inferior (quando ambo præsentem eidem familiæ) nequit aliquid præcipere. Idque ad confusionem, ordinisque perturbationem tollendam expedit. Adfirmant contrariæ sententiæ patrōn, patriam potestatem, etiam iure naturali spectato, secundario esse in matre: quia iure naturali, & divino uxor subdita marito est. Si mater, præsentem patre, irritare filiorum vota posset; æque in patre ac in matre patria potestas resideret. Probabilius ergo est, matrem, vivo & præsentem patre, non posse filiorum impuberum vota rescindere.

XX. Quæst. X. *Mortuo, aut procul distante patre, potest ne mater filiorum vota dirimere; etiamsi avus existat, tutor, aut curator filiorum?* Resp. Adfirmat Prado cum aliis. Ceterum, quando existit avus, tutor, aut curator filii, nequit mater

vota filiorum irritare : quia tunc nullam in eos potestatem habet ; nec bonorum administrationem illa exerceat, sed tota penes avum, aut curatorem, vel tutorem residet. Hæc communior, & probabilior opinio est.

XXI. Quæst. XI. *An mater, mortuo patre, & deficientibus avo, ac tutore possit filiorum impuberum vota irritare ?* Resp. Negat Azorius *Lib. XI. cap. XVII. quæst. VII.* cum Vivaldo, & Villalobos, contenditque, tunc solum matrem irritare vota posse, quando instituta sit tutrix. Tunc ait, non qua mater, sed quatenus tutrix filiorum vota dirimere potest. Contraria opinio & communior, & vera est, ut ex dictis patet. Iure siquidem naturali mater dominatur in filios ; & filii subiecti matri sunt, illiusque imperio parere tenentur. Hinc, mortuo patre, & deficientibus paterno avo, ac tutore, loco patris succedit mater, filiorumque impuberum gubernationi prospicere iure naturali astringitur.

XXII. Quid de votis realibus filiorum puberum ? Si mater curatrix instituta non fuerit, nequit eiusmodi vota irritare. Si enim pater ipse vota realia filiorum puberum, quæ nullo modo perturbant domesticam administrationem, irritare nequit ; quanto minus mater, quæ, dum puberum filiorum curatrix non est, nullam exercere administrationem potest, utpote sibi non congruentem ? Nec satis probabile reputamus quod inquit Salmanticenses *num. 50.* videlicet filium puberem, patre, & curatore destitutum, esse tamquam minorem subditum matri ; & hanc re succedere loco curatoris ; quamobrem licet ut mater nequeat, ut curatrix tamen poterit puberum filiorum vota irritare. Sed unde habent, matrem suapte natura fieri curatricem filiorum puberum ? Id sane neque ex lege naturali, neque ex lege positiva erui potest. Iure utique naturali semper mater, quoad vixerit, filiis antecellit, illisque superior est ; & isti eam venerari, ac obsequio colere tenentur ; ceterum quod sit illorum curatrix, quod bonorum administrationem obire iure valeat, absque ullo fundamento adstruitur.

XXIII. Quæst. XII. *An deficientibus parentibus, tutore, & curatore, valeant avi, avia, ceterique ascendentes vota filiorum impuberum, vel minorum irritare ?* Resp. Avus, & avia ea vota irritare queunt quæ matrem dirimere posse diximus ; quoniam hi succedunt loco parentum ; illisque filii impuberes obedire astringuntur. Vide Suarez *Lib. VI. cap. VI. num. 22.* Sanchez *Lib. IV. cap. XXXV. num. 82.* ubi refert Paludanum, Antoninum, Sylvestrum, Sayrum, Idem docent Bonacina *disp. 19. quæst. 11. punct. 7. §. 2. num. 18.* Tamburinus *Lib. III. cap. XVI. §. 3. num. 21.* alique plures. Avus autem, & avia, patre vivente, neutiquam nepotum vota irritare queunt : quia patria potestas avi, & avia remota est ; atque locum habere potest in nepotes, solummodo deficiente patre, cui filii proxime subiecti sunt, & cui, quoad vixerit, obedire tenentur. Hæc omnia clara, & communia sunt.

XXIV. Quæst. XIII. *An tutor, curator, vel mater vota filiorum impuberum possint,*

fiut, transacta pubertate etiam post multos annos, quemadmodum potest pater, irrita? Resp. Pater valet irritare personalia vota filiorum impuberum, non confirmata in pubertate, etiam post plurimos annos, etiam post emancipationem, & matrimonium contractum. Mater autem, aut curatores id nequeunt, transacto anno vigesimo quinto: quippe post hoc tempus loco patris minime succedunt; nec ullam habent in filios dominantem potestatem.

XXV. Quæst. XIV. *An magistri discipulorum, domini servorum, heri famulorum vota personalia in impubertate emissa irritare queant?* Resp. Adfirmant Suarez *Lib. VI. cap. vi. num. 23.* Sayrus *Lib. VI. cap. x. num. 18.* Tamburinus *Lib. III. cap. xvi. §. 3. num. 52.* Lessius *Lib. II. cap. xl. dub. 20. num. 78.* Laymanus *Lib. IV. tract. iv. cap. vii. num. 10.* Probabilior tamen, & communior est contraria sententia: quia nec domini, nec heri, nec magistri dominantem potestatem habent in servos, famulos, aut discipulos. Ex quo namque iure hanc assecuti sunt potestatem? Non ex iure naturali, aut civili. Ergo ex nullo. Hanc sententiam defendunt D. Antoninus *II. Part. tit. xi. cap. 11. §. 6.* Sylvester *verb. Votum 4. quæst. 11. dicto 2.* Margarita Conf. *verb. de irrit. vot.* Sanchez *Lib. IV. cap. xxxv. num. 84.* Bonacina *disp. iv. quæst. 11. punct. 7. §. 2. num. 18.* Fagundez *Lib. II. cap. xxxiii. num. 11.* Prado *cap. xxxi. quæst. xiii. §. 4. num. 83.* & *§. 5. num. 90.* Trullenchus *Lib. II. cap. 11. dub. 36. num. 7.* Leander *tract. 1. disp. xvi. §. 7. quæst. cxxvi.* Castropalaus *tract. xv. disp. 11. punct. 7. num. 8.* Salmanticenses *tract. xvii. cap. 11. punct. 5. num. 54.* aliique.

C A P U T VI.

De votis uxorum.

I. Quæst. I. *An maritus possit omnia uxoris vota matrimonio contracto emissæ irritare?* Resp. Negat prima sententia, quam defendunt D. Antoninus *III. Part. tit. 1. cap. xxi. §. ult.* Sylvius 2. 2. *quæst. lxxxviii. art. 9. concl. 7.* Sylvester *ver. Votum §. quæst. 1.* Grassi *I. Part. decis. Lib. II. cap. xix. num. 8.* Valentia 2. 2. *quæst. lxxxviii. disp. vi. quæst. vi. punct. 6.* Navarrus *cap. xii. num. 65.* Sayrus *Lib. VI. cap. v. num. 8.* Laymanus *Lib. IV. tract. iv. cap. v. num. 12.* Suarez *Lib. III. cap. vi. num. xxvi.* & *Lib. VI. cap. iv. num. 2.* Azorius *Lib. XI. cap. xvi. quæst. xii.* Bonacina *disp. iv. quæst. 11. punct. 7. §. 2. num. 12.* Trullenchus *Lib. II. cap. 11. dub. 33. num. 2.* & alii. Valida satis est istius sententiæ ratio. Ea irritare vota maritus potest quæ sunt de rebus mariti potestati subiectis: nec enim uxor in omnibus marito subditur, sed in iis tantummodo quæ matrimonium, filiorum educationem, bonorum administrationem, & familiæ regimen spectant. Ergo ea solummodo vota irritare maritus potest quæ huic repugnant subiectioni, & ordinem istum per-

turbant; fecus alia quæ nullo modo iis quæ recensuimus, officiant. Id confirmatur ex eo quod subiectio uxoris respectu mariti oritur ex contractu, & sacramento matrimonii. Hoc porro non omnimodam subiectionem inducit, sed eam tantum quæ huic fini necessaria est, quæve in eundem conducit. Ergo illa vota tantum dirimere maritus potest quæ huic fini obstant.

II. Contrariam opinionem non pauciores Auctores docent. Soto *Lib. VII. de iust. & iur. art. 1. quæst. 111. §. At vero sicuti*, Petrus de Ledesma de *matrim. quæst. 114. art. 4. dub. 2. concl. 1.* Prado *cap. xxx1. quæst. x111. num. 93.* Raphael de la Torre 2. 2. *quæst. lxxxv111. art. 9. dis. 3. num. 3.* Candidus *dis. xxv. art. 11.* Aragonius 2. 2. *quæst. lxxxv111. art. 8. dub. 7. quæst. v.* Sanchez *Lib. IX. de matrim. disp. xxx1x. num. 4.* & in *Sum. Lib. IV. cap. xxx1v. num. 3.* Fagundez *Lib. II. cap. xxxv111. num. 2.* Villalobos *Tom. III. traß. xxx1v. diff. xxi.* Diana *III. Part. traß. 1v. resol. 20.* Leander *traß. 1. disp. xvi. quæst. cxxv11.* Tamburinus *Lib. III. cap. xvi. §. 3. num. 48.* Salmanticenses *traß. xv11. cap. 11. punct. 6. num. 58.*

III. Hæc sententia evincitur primo auctoritate sacræ Scripturæ. D. Paulus ad Ephesios v. vers. 22. *Mulieres viris suis subditæ sint, sicut Domino : quoniam vir caput est mulieris, sicut Christus caput est Ecclesiæ... sed sicut Ecclesia subiecta est Christo, ita & mulieres viris suis in omnibus.* Igitur quemadmodum omnia corporis membra a capite pendent, & Ecclesia Christo in omnibus subiecta est; ita subdita in omnibus uxor marito erit. Quod confirmatur ex cap. Nolut, cap. Manifestum xlv. *quæst. v.* ex D. Augustino, & ex cap. Fin. ibi. ex D. Ambrosio de Parafiso *cap. x.* ubi hæc habentur : *Evidentissime apparet ita virum esse caput mulieris, ut nulla vota abstinentiæ, vel religiosæ conversationis liceat sibi sine eius licentia Deo offerre.* Tandem D. Thomas 2. 2. *quæst. lxxxv111. art. 3. ad 3.* idem docet. *Religiosus subditus est Prælato quantum ad suas operationes secundum professionem Regule.* Et ideo etiamsi aliquis ad horam aliquid facere possit, quando ad alia non occupatur a Prælato; quia tamen nullum tempus est exceptum, in quo Prælatum non possit eum circa aliquid occupare, nullum votum Religiosi est firmum, nisi sit de consensu Prælati; sicut nec votum puellæ existentis in domo, nisi sit de consensu patris; nec uxoris, nisi sit de consensu viri. Quomodo ergo Prælatum omnia Religiosorum vota irritare potest, ita etiam maritus vota omnia, sive realia, sive personalia, uxoris irritare valebit. Quoniam, licet diversi ordinis sit subiectio Religiosi ad Prælatum, ac uxoris ad virum; utraque tamen subiectio æqualem amplitudinem habet: quod expediens est ad tranquillam domus gubernationem, & ad mutuum inter coniuges fovendum amorem.

IV. Utraque sententia probabilis est. Et si ambæ opiniones invicem conferantur, vix mihi apparet quænam prævaleat. In primam tamen propendo, quæ, omnibus pensatis, probabilior mihi est: immo quantum ad aliqua vota realia

secunda opinio falsa videtur. Nam Salmanticenses cum aliis Auctoribus citatis pro illa opinione docent, maritum omnia, & quæcumque vota, sive personalia, sive realia (ut inquit *num. 58.*) ab uxore emissâ dirimere posse, non secus ac Prælatus potest omnia subditorum vota irritare. Quæ assertio falsa est: nam vota realia quæ uxores edunt de paraphernis, nullo modo a marito irritari queunt. Siquidem in parapherna uxoris, quæ extra bona dotis sunt, nullum dominium maritus habet. Ergo uxor eadem vovere, & distribuere pro libito valet. Ad hoc ergo quod attinet, falsa est profecto istorum Auctorum opinio.

V. Idem absolute dicendum est de votis personalibus, quæ nullo modo vel indirecte officunt mutuo coniugum officio: puta, vota de certis precibus recitandis, quæ tamen non sint nimis prolixæ, quæve turbent cum marito conversationem, de superfluo vanoque ornatu reiiciendo, de effugiendis spectaculis, & choreis, de secundis nuptiis vitandis, de ingressu in Monasterium, si marito superstes fuerit, & id genus similia. Quoniam hæc nullo modo incommoda sunt aut mutuo coniugum amori, aut familiæ regimini, aut filiorum educationi. Hanc opinionem præter allegatos *num. 1.* defendunt Natalis Alexander *Lib. IV. Decal. ar. 12. reg. 24.* La Croix *Lib. III. part. 1. art. 1. num. 493.* Antoine *trakt. de virt. quest. v. 111. ref. 2. num. 2.* Felix Potestas *Tom. I. part. 11. de 2. præcep. cap. 111. num. 1990.* Patritius Sporer *trakt. 111. de 2. præcep. Decal. cap. 111. sect. 2. §. 2. num. 27.* Franciscus Schmalzgrueber *P. IV. tit. 34. num. 90.* alique plures.

VI. Argumenta contrariæ sententiæ faciliè solvuntur. Apostoli Pauli textus evincit duntaxat, uxores subditas viris esse in iis omnibus quæ externum regimen, mutuumque amorem spectant. Textus quoque canonicus loquitur de votis abstinentiæ, religiosæ conversationis, & similibus, ut legenti constare potest. D. Thomas quoque de votis exteriori familiæ gubernationi contrariis sermonem habet, ut ex eiusdem verbis colligitur. Nam de Religioso loquens dicit, quia qualibet hora eidem Prælatus præcipere quidquam valet; ideo nullum illius votum validum est, nisi a Prælato ratum habeatur. Ad rationem responderetur, quod vi matrimonii mulier subdito marito in iis omnibus quæ iura spectant coniugalitatis, secus in aliis. Ad fovendum amorem matrimonialem satis est quod uxor nil inconsulto marito peragere valeat ex iis quæ hunc amorem, remque uxoriæ possunt inturbare. Paritas a statu religioso petita falsitate laborat. Unde etenim colligunt Salmanticenses eiusdem amplitudinis, & æqualis extensionis esse subiectionem uxoris ad maritum, ac est subiectio Religiosi ad Prælatum? Bonorum paraphernorum uxor dominium habet; eademque administrare, erogare, distribuere valet. Quis dixerit, id ipsum Religioso competere? Non solum ergo altioris ordinis, sed maioris quoque amplitudinis est subiectio Religiosi ad Prælatum, ac uxoris ad maritum, ut alibi fufius dictum est.

VII. Quæst. II. *Potest ne maritus vota, & iuramenta uxoris de operibus præceptis irritare?* Resp. Nequit iuxta nostram sententiam maritus irritare uxoris vota de audiendo sacro, de ieiunio servando, de non mentiendo, de non fornicando, de confessione facienda, & similibus. Ratio patet ex his quæ dicta sunt.

VIII. Quæst. III. *An maritus valeat irritare votum non petendi debitum emissum ab uxore absque suo consensu?* Resp. Negat communior, & probabilior opinio: quia in iure petendi, & reddendi debitum coniugale pares sunt maritus, & uxor: nec enim quantum ad hunc peculiarem actum vir caput est mulieris, ut optime advertit Durandus in *IV. dist. xxxviii. quæst. 1. art. 1. num. 7.* Suadendum tamen uxori est ut ab hoc voto abstineat: quia, si directe, aliquo tamen modo conducit ad minuendam coniugalem benevolentiam, & amorem mutuum. Nam, si maritus advertat uxorem tali voto devinctam, sensum ab illius affectu seungi-
tur.

IX. Quæst. IV. *An maritus irritare valeat castitatis votum quod uxor ex illius consensu emisit?* Resp. Adfirmantem sententiam defendit ut probabiliorem Leander *tract. 1. disp. xvi. quæst. cxxx.* ubi laudat pro eadem opinione Sanchez, Dianam, Sotum, Ledesinam, & alios. Sed iuxta principia quæ nos supra posuimus, hæc opinio nobis minime probabilis est. Si enim nequit maritus votum castitatis ab uxore emissum se inconsculto dirimere, quanto minus poterit irritare votum quod semel approbavit: Unde, quæso, aut ex quo iure eruitur quod maritus valeat retractare consensum semel deliberate præstitum? In quibuscumque aliis promissis hæc retractatio iniusta est: cur non & in voto?

X. Quæst. V. *Quando uterque coniux mutuo consensu votet, vel iurat castitatem, valet ne maritus uxoris votum irritare?* Resp. Certum est non posse: quia uterque cessit iuri suo: mutuo namque consensu vitam cœlibem Deo spoponderunt: neuter ergo potestatem amplius habet revocandi deliberatam promissionem Deo factam.

XI. Quæst. VI. *Si post castitatis votum deliberato, mutuoque consensu emissum, rei coniugali sacrilegam navaverint operam, poterit ne maritus votum uxoris irritare?* Resp. Adfirmant Sanchez *Lib. IV. in Decal. cap. xxxiv. num. 17.* Castropalaus *tract. xv. disp. 11. punct. 6. num. 6.* Leander *tract. 1. disp. xvi. quæst. cxxxii.* Hæc opinio mihi falsa est, & improbabilis. Nec Auctores isti sibi constare videntur. Subscribunt præcedenti quæsito, quod nequeant coniuges dirimere votum castitatis mutuo consensu editum. Deinde nunc docent, maritum posse illud dirimere, sacrilega peracta copula? Ex iniquitate ergo proventum colligent coniuges isti? Usque dum vitam cœlibem ducunt, votum infringere nequeunt; & violato semel voto, ius sive facultas erit marito votum irritandi? Sed, inquiunt Salmanticenses, qui *loc. cit. num. 59.* fautores accedunt huic opinioni, contractus iste mutuo consensu

peractus est; atque adeo mutuo consensu dissolvi potest. Verum haberet, si contractus solos contrahentes spectaret. Sed contractus iste per votum Deo nuncupatum consecratus est: idcirco nulla coniugibus restat libertas eum rescindendi. Habent quidem coniuges vi mutui consensus libertatem vovendi. At, voto per consensum mutuum semel emisso, libertate non pollent illud revocandi, etsi in id mutuo consentiant.

XII. Quid, si licentiam tantum sibi mutuo concederent coniuges ad vovendum, non explicato genere voti? Tunc aliter sentiendum foret. Licentia enim suapte natura nec perpetuitatem sapit, nec irrevocabilis est. Qui licentiam concedit, semper præsumitur pro arbitrio illam concessisse; atque adeo re ius sibi servat eam revocandi. Licentia autem sublata, posset maritus uxoris votum irritare. Advertendum tamen, quod si animo deliberato licentiam sibi mutuam concederent coniuges ad eliciendum votum castitatis perpetuæ, seu ad vovendum absolute castitatem, nulla adiecta conditione; tunc licentiam, seu consensum præstitum revocare amplius non possent, ut iam supra docuimus, ob generalem rationem, quod retractare consensus deliberatos, semel in quacumque materia præstitos, non est amplius in facultate libera consentientis.

XIII. Quæst. VII. *Quando uterque coniux mutuo consensu Religionem voverit, potest ne alter tantum, aut uterque consensu mutuo votum istud irritare?* Resp. Neque alter tantum, neque ambo simul valent præfatum votum dirimere. Hoc siquidem votum perpetuam continentiam includit, & matrimonii dissolutionem quoad totum. Idem dicendum, quando mutuo consensu alter Religionem, alter castitatem voverit. Sententia communissima est, & vera.

XIV. Quæst. VIII. *Vota quæ uxor ante contractum matrimonium emisit, implenda tamen matrimonio inito, valet ne maritus irritare?* Resp. Negat communior, & probabilior sententia: quippe ea vota, spectato tempore quo fuerunt emissæ, libera sunt ab omni conditione, atque adeo vota absoluta sunt. Nullam ergo maritus potestatem habet in illorum valorem; sed solum eadem suspendere potest, quatenus officio coniugali forent incommoda. Idem dicendum de votis emissis tempore legitimi divortii: nempe si mutuo reconcilientur, suspendere maritus talia vota poterit, neutiquam irritare: quia, cum uxor illa emisit, libera erat a lege, & potestate mariti.

XV. Quæst. IX. *Vota quæ implenda post dissolutum matrimonium uxor edixit, valet ne maritus irritare?* Resp. Adfirmant Leander, Tamburinus, & alii plures quos ipsi laudant. Sed negativa opinio communior est, & probabilior. Quia hæc vota nullo modo efficiunt iuri matrimoniali; nullumque dominium habet maritus post mortem in eam mulierem quæ olim fuit sibi coniugii vinculo copulata. Et quamquam votum emittatur tempore quo uxor subiecta est viro; ad hoc tamen quod

at-

aginet, haudquaquam eidem subdita est, ut ex iis quæ dicta sunt, constat. Si mortuo primo marito, uxor ad secundas nuptias transeat, secundus maritus valebit omnia vota irritare quæ poterat primus maritus; dummodo confirmata non fuerint tempore viduitatis.

XVI. Quæst. X. *An uxor queat aliqua mariti vota irritare?* Resp. Negant Soto, Ledesma, Azorius, & alii. Communis opinio sustinet, ea mariti vota uxorem dirimere posse quæ iuri matrimoniali repugnant. Laudati Auctores, negantes uxori hanc facultatem irritandi vota mariti, verbis dumtaxat discrepant a communi sententia, potissimum Soto, qui *Lib. VII. de iust. quæst. 111. art. 1. verb. An extra hanc materiam &c.* hanc rem discutit. Decernit enim vota quæ maritus edit in præiudicium rei uxoriæ, nulla esse; & idcirco non indigere irritatione. Hinc constat (ut ut sit de hac opinione) communiter Auctores convenire, maritum, inconsulta uxore, non posse vota edere in coniugalis officii detrimentum. Laudati Auctores refugium concedere facultatem uxori irritandi vota mariti, eo quod sit illi subdita tamquam capiti. Sed hoc, si presse expendatur, nil obstat. Vir caput mulieris est, illiusque dominus. Hoc autem minime impedit quominus uxor aliquorum bonorum dominium retineat. Nonne uxor domina est bonorum paraphernorum? At quanto potiore gaudet iure ad rem coniugalem? In hoc iure coniuges æquales sunt; nec quantum ad hoc vir est mulieris caput, sive dominus. Idcirco quæcumque vota a marito emissa, si officio matrimoniali obstant, irritare uxor potest. Excepit D. Thomas suo tempore votum peregrinationis Hierosolymitanæ in subsidium Terræ sanctæ: quia, inquit in IV. dist. xxxi. art. 4. ad 1. *uxor debet velle continere ad tempus subveniundo necessitati generalis Ecclesiæ.* Idem dicendum nunc esset, si similis occurreret ratio publicæ utilitatis, sive temporalis, ut defensio patriæ, sive ecclesiasticæ, ut bellum adversus impugnantes religionem. Alia pariter vota quæ matrimoniali iuri non nocent, irritare uxor nequit.

XVII. Quæst. XI. *Votum emissum a marito non petendi debitum valet ne uxor irritare?* Resp. Adfirmant Layman, Trullenchus, Rodriguez, Henriquez, & alii: quia uxores contra pudorem a natura insitum cogerentur debitum semper petere. At ratio isthæc nimis est imbecilla. Quandoquidem nullum ius habet uxor obligandi maritum ad debiti petitionem. Illum obligare nequit ut petat, sed solum ut reddat. Satis est ut maritus paratus semper sit ad solvendum rogatus. Licet autem voto ligatus sit, ut non valeat petere (ad quod utique non tenetur) semper tamen paratus, & promptus esse debet ad reddendum, quoties fuerit postulatus. Hæc opinio vera est, eamque plures defendunt. Dissuadenda tamen maritis sunt, & uxoriibus similia vota.

XVIII. Quæst. XII. *Præfatum mariti votum licitum ne foret, & prudens?* Resp.

Plerumque; & fere semper illicitum foret tale votum: tum quia nimium uxori molestum esset; tum quia vovens periculo illud violandi se se exponeret, cum non posset in alio lecto cubare absque coniugis consensu. Porro hæc tam propinqua habitatio fortassis asserret peccandi periculum.

XIX. Quæst. XIII. *An uxor possit irritare votum quod maritus emisit, ferendi habitum Eremitæ, vel aliculus Religionis?* Resp. Adfirmant communiter Auctores, eo quod eiusmodi votum præiudicat uxori: talis namque delatio habitus horrorem ingerit, & amorem conjugalem minuit; quin ad animorum separationem viam sternit. Neuter ergo coniugum sine alterius consensu valet habitum laicalem in habitum Eremitæ sive religiosum D. Francisci, D. Dominici &c. commutare, nec votum commutandi edere: &, si votum emissum fuerit, uterque ius habet irritandi.

XX. Quæst. XIV. *Valet ne uxor irritare mariti vota, erogandi amplas eleemosynas, prolixas preces fundendi, crebra ieiunia peragendi?* Resp. Cum vir administrationem absolutam familiæ habeat, omniumque domesticorum bonorum dominium, planum est, uxorem non posse præfatum eleemosynarum votum dirimere, etiam si in damnum familiæ cederet. Si vero votum eiusmodi bona tangeret ipsius uxoris, eadem distribuendo; ex hac parte nullum esset, neque egeret irritatione. Quemadmodum nullum similiter foret, si iustitiam læderet, bona prodigendo. Vota namque, sicut & iuramenta, vincula non sunt iniquitatis. Vota vero precum, & ieiuniorum adeo frequentium quæ corpus mariti extenuarent, ipsæque ad debitum reddendum ineptum redderent, uxor irritare posset, veluti noxia iuri matrimoniali.

XXI. Quæst. XV. *Potest ne uxor votum longæ peregrinationis a marito emissum irritare?* Resp. Adfirmat communis sententia: quia esset in præiudicium uxoris, ut dictum supra est. Excipitur votum peregrinationis Hierosolymitanæ, aut simile in bonum publicum editum ad tempus. De peregrinatione Hierosolymitana habetur in cap. *Ex multa §. In tanta*, & cap. *Quod super his de voto*. Secus dicendum, si votum emissum fuisset causa solius arbitrarie devotionis, ut nunc fieret. Privilegio enim canonis nunc non gauderet maritus: quia nunc non adest causa peregrinandi Hierosolymam ob bonum publicum. Quamvis & tunc, quando causa recuperandi Terram sanctam votum mariti emittebant, disputabant Theologi, an licite maritus illud votum implere posset personaliter, quando uxor nollet eum comitari, essetque valde invenis, atque a viro absens periculo continentie exposita remaneret. Plures negabant, posse tunc maritum votum implere, quia iure nature tenetur satisfacere debito prius contracto. Sed nunc non occurrit ratio de hoc disputandi. Dictum est supra, iterumque dicimus, teneri uxorem ad continentiam ob aliquod grave bonum publicum defendendum, vel de-

deperditum recuperandum. Sed hæc rarissime eveniunt: ideo a prolixiori sermone abstinendum.

XXII. Vota a marito emissæ ante matrimonium suspendi ab uxore queunt, si coniugali iuri repugnent; irritari autem non possunt. Quæ facta fuerunt post matrimonium cum expressa licentia, & deliberato consensu eiusdem uxoris, irritari non possunt; quidquid alii dicant.

C A P U T VII.

De potestate dominorum in vota servorum.

I. **D**istingueri sunt famuli a servis. Famuli dicuntur qui conducti a dominis, pacto pretio, iisdem inserviunt. Isti dicuntur proprii iuris, vel sub potestate patris, aut curatoris constituti. Eorum vota non pendent a dominorum voluntate; sed firma sunt, & rata, nullo habito ad dominorum voluntatem respectu. Possunt tantummodo domini famulorum vota suspendere, si hæc debitum sibi servitium impediunt: ipsique servi possunt aut executionem differre, aut a dominis recedere. Idcirco de his in præsentia sermo non est.

II. Servi pressè accepti sunt mancipia in servitutem redacta. Isti servi libertate nulla fruuntur: & ideo de istorum votis inquirimus. Omnia servorum vota irritationi esse obnoxia contendit prima sententia, quæ evinci potest ex l. 11. ff. de pollicit. ubi dicitur: *Filius enim familias, vel servus sine patris, dominive auctoritate voto non obligatur*. In hanc eandem sententiam concedere videtur D. Thomas in IV. dist. xxxviii. quæst. 1. art. 1. quæstiunc. ultim. ad 3. *Servus, inquit, non est exemptus aliquo tempore a servitio domini sui; ideo nullum tempus est ei vacans, quo possit quodlibet facere. Et quia omne votum est aliquo tempore complendum, ideo sicut nec servus, ita nec Religiosus aliquod votum emitte-re potest absque consensu sui superioris*.

III. Secunda sententia sustinet, nulla servorum vota irritari a dominis directe posse. Quoniam, licet servorum corpora subdita dominis sint, animæ tamen illorum dominio non subiiciuntur. Nihilominus indirecte possunt domini irritare vota servorum, quatenus hæc obsequio & servituti sibi præstandæ officere queunt. Tertia sententia docet, dominos omnia servorum vota irritare posse, voto castitatis excepto: quia omnia vota, præter votum castitatis, indiget aliquo temporis tractu pro sui executione.

IV. Paucis rem hanc expediam. Dominus valet irritare omnia ea vota quæ servitutem, & obsequium a servo sibi exhibendum impediunt. Ratio evidens est. Dominus ius habet ut servitutis officia sibi a servo præstentur. Ergo ea vota

V iiij quæ

quæ huic iuri repugnant, irritationi domini sunt subiecta. Hæc est sententia quam docet Angelicus *loc. cit.* & 2. 2. *quæst.* lxxxviii. *artic.* 8. ad 2. & *quæst.* civ. *artic.* 5. in corp. ubi hæc habet. Tenetur autem homo homini obedire in his quæ exterius per corpus sunt agenda; in quibus tamen secundum ea quæ ad naturam corporis pertinent, homo homini obedire non tenetur, sed solum Deo: quia omnes homines natura sunt pares; puta in his quæ pertinent ad corporis sustentationem, & proles generationem. Unde non tenentur nec servi dominis, nec filii parentibus obedire de matrimonio contrahendo, vel virginitate servanda, aut aliquo alio huiusmodi. Sed in his quæ pertinent ad dispositionem actuum, & rerum humanarum, tenetur subditus suo superiori obedire secundum rationem superioritatis; sicut miles duci exercitus in his quæ pertinent ad bellum; servus domino in his quæ pertinent ad servilia opera exequenda; filius patri in his quæ pertinent ad disciplinam vitæ, & curam domesticam; & sic de aliis. In his ultimis verbis universalem doctrinam tradit pro omnibus, qui superioris potestati sunt subiecti, docetque, vota eorum qui superioribus subduntur, valida esse, quoties non officiant iuri reddendo. Sententiæ D. Thomæ subscribunt Sotus *Lib. VII. de iust. quæst.* 111 *art.* 1. ad 2. Navarrus in *Manual. cap.* xii. *num.* 64. Suarez *Tom. II. de Relig. Lib. III. de voto cap.* vii. *num.* 19. & *Lib. VI. cap.* 111. *num.* 2. Azorius *Lib. XI. cap.* xvi. *quæst.* viii. Sayrus *Lib. VI. Clav. Reg. cap.* v. *num.* 7. Lessius *Lib. II. cap.* xl. *dub.* 10. *num.* 32. Valentia 2. 2. *quæst.* lxxxviii. *disp.* vi. *quæst.* vi. *punct.* 6. Bonacina *disput.* iv. *quæst.* 11. *punct.* 7. §. 2. *num.* 7. Prado *cap.* xxxi. *quæst.* xiii. §. 5. *num.* 89. Tamburinus *Lib. III. cap.* xvi. §. 3. *num.* 45. Leander *tract.* i. *disp.* xvi. *quæst.* cli. Sanchez *Lib. IV. cap.* xxxvi. *num.* 2. Salmanticenses *tractat.* xvii. *cap.* 11. *punct.* 7. *num.* 63. aliique plures.

V. Disputari solet, an directa, vel indirecta hæc votorum irritatio dicenda sit. Sed dissidium nullius est momenti. Siquidem iuxta diversas notiones quas quisque sibi effingit, diversam quoque sententiam propugnat. Ut mihi similis vero videtur, indirecta potius irritatio dicenda est: quia domini nullum in servorum voluntatem dominium habent; sed tantum in materiam, seu operationes eorum corporeas voto subiectas. Sed non est cur fufius de hoc differere debeamus.

VI. Itaque domini nequeunt servorum irritare vota castitatis, precum, ieiuniorum, quæ non officiant debito obsequio; nec vota de servandis præceptis divinis, & ecclesiasticis; nec vota elargiendi eleemosynas de bonis quorum dominium servi habent; nec vota emissâ tempore servitutis, sed implenda post comparatam libertatem; nec denique vota emissâ ante servitutem, sed solum ea suspendere possunt. Quid de uxore domini dicendum? Si servus uxoris domini sit, pertineatque ad eiusdem bona parapherna, quorum non dominium modo, sed etiam administrationem habeat; servorum vota irritare valet eo modo quo maritus.

UXOR.

Uxores autem dominorum vota servorum irritare absolute nequeunt, eo quod regimen familiæ mariti solum exercent : qui idcirco irritare vota servorum valent , quia huic regimini incommoda sunt .

VII. Filiifamilias qui servos habent ceu bona spectantia ad peculium castrense, cuius & dominium, & administrationem habent, possunt illorum vota irritare, quoniam sunt veri & absoluti domini : dummodo tamen filiifamilias puberes fuerint. Secus dicendum, si servi pertineant ad peculium profectitium : quia tunc solus pater, qui dominium, & administrationem talis peculii habet, irritare illorum vota posset. Si vero servi spectent ad peculium adventitium, etiam tunc pater solus irritare vota potest ; nisi votum sit adversus dominium : quo in casu & filius, quia dominus, & pater, quia administrator, poterunt vota dominio talis peculii infesta dirimere . Pupillus, & minor, qui careant tutore, & curatore, servorum vota irritare poterunt ; secus, si tutorem, & curatorem habeant.

C A P U T VIII.

De votorum relaxatione vi dispensationis.

I. **P**Lura quæ vim, naturam, & notionem dispensationis spectant, in tractatu de legibus discussa reperies. Quare his omnibus nunc missis, statim quæstiunculas solvendas proponimus, quæ directe ad nostrum attinent institutum.

II. Quæst. I. *An in Ecclesia sit facultas dispensandi ab obligatione votorum, & iuramentorum ?* Resp. Aiunt omnes communiter Catholici : & etuitur ex Matth. vi. *Tibi dabo claves regni celorum : quodcumque solveris super terram, erit solutum & in celis.* Item xviii. *Amen dico vobis, quaecumque solveritis super terram, erunt soluta & in celis.* Quæ verba generalia cum sint, & indefinita, perperam quis eadem restringere contenderet, & coartare ad quædam dumtaxat peculiaria debita relaxanda. Assertio constat etiam ex cap. De peregr. & cap. Venientis, & cap. Non est, & cap. Ex multa, ext. de voto, & voti redemptione. Quod hoc ratiocinio Angelicus confirmat 2. 2. quæst. lxxxviii. art. 10. *Qui vovet, quodammodo sibi statuit legem, obligans se ad aliquid quod est secundum se, & ut in pluribus bonum. Potest tamen contingere quod in aliquo casu sit vel simpliciter malum, vel inutile, vel maioris boni impeditivum ; quod est contra rationem eius quod cadit sub voto. Et ideo necesse est quod determinetur in tali casu votum non esse servandum. Et, si quidem absolute determinetur votum aliquod non esse servandum, dicitur dispensatio voti ; si autem pro hoc quod servandum erat, aliquid aliud imponatur, dicitur commutatio voti. Unde minus est votum commutare quam in voto dispensare. Utrumque tamen in potestate Ecclesie consistit.*

III. Quæst. II. *Penes quos resideat hæc facultas dispensandi ab obligatione votorum?* Resp. Penes Prælatos Ecclesiæ hæc residet potestas. Quod Angelicus 2. 2. quæst. lxxxviii. art. 12. declarat his verbis. *Votum est promissio Deo facta de aliquo quod sit Deo acceptum. Quid sit autem in aliqua promissione acceptum ei cui promittitur, ex eius pendet arbitrio. Prælati autem in Ecclesia gerit vicem Dei: Et ideo in commutatione, vel dispensatione votorum requiritur Prælati auctoritas, qui in persona Dei determinet quid sit Deo acceptum, secundum illud II. ad Corinth. 11. Nam & ego, quod donavi, si quid donavi, propter vos in persona Christi. Et signanter dicit, propter vos, quia omnis dispensatio petita a Prælate debet fieri ad honorem Christi. Prælati igitur vicem Dei gerunt. Porro, cum vota facta sint in obsequium Dei, planum est Prælatos posse eiusmodi vota relaxare: quisque enim remittere valet ea quæ in suum obsequium promissa sunt. Vota sunt promissiones factæ in obsequium Dei. Ergo Deus ipse, seu qui Dei vices gerit, vota potest relaxare.*

IV. Hæc potestas spiritualis est, & iurisdictionis, non ordinis. Quare Episcopus electus, & confirmatus, licet non sit ordinibus sacris insignitus, dispensare in votis potest. Vi iuris ordinarii personis dumtaxat ecclesiasticis competit: quoniam hæc potestas spectat externum regimen, & gubernationem Ecclesiæ.

V. Quæst. III. *Quid sit dispensatio voti?* Resp. Iuxta communem definitionem est *ablatio vinculi voti facta nomine Dei ab habente iurisdictionem spirituales in foro externo propter aliquam rationabilem causam.* Definitio ita clara est, ut explanatione non egeat.

VI. Quæst. IV. *Quomodo hæc vinculi ablatio efficiatur?* Resp. Disputare hic Theologi solent, quomodo hæc vinculi ablatio fiat. Plures contendunt, Pontificem, ceterosque Prælatos relaxare ipsum ius divinum, & naturale: quod contingit, dum superior cognoscit firmum, ratumque votum esse, atque obligare etiam in hoc peculiari casu; ob gravem tamen causam eiusmodi obligationem iuri naturali inimicam rescindit, & aufert. Sanchez epim *Lib. IV. Sum. cap. xxxvii. num. 14.* sustinet, quod *dispensatio in voto sit vera iuris divini naturalis relaxatio, quo id votum obligabat. Quippe concessa est Ecclesiæ facultas a Christo Domino dispensandi, relaxando vere obligationem iuris divini naturalis orti ex voluntate humana, non dispensando in universum, ut id ius non obliget; sed in peculiari casu occurrente, relaxando eius obligationem ex causa iusta.* Dura satis, & aspera mihi videtur loquendi ratio. Si enim potestas ecclesiastica vere ius divinum naturale relaxare valet; quidni & sacramentorum vincula? Quidni verum etiam matrimonium dirimere poterit? Quod piis artibus non bene sonat.

VII. Inhærendum ergo doctrinæ, modestæque, & cautæ loquendi rationi qua utitur Angelicus 2. 2. quæst. lxxxviii. art. 10. ad 2. *Dicendum, quod sicut ex iure*

natu-

naturali, & præcepto divino tenetur homo implere votum; ita etiam tenetur ex eisdem obedire superiorum legi, vel mandato. Et tamen, cum dispensatur in aliqua lege humana, non fit ut legi humanæ non obediat, quod est contra legem naturæ, & mandatum divinum; sed fit ut hoc quod erat lex, non sit lex in hoc casu. Ita etiam auctoritate superioris dispensantis fit ut hoc quod continebatur sub voto, non continetur, inquantum determinatur in hoc casu, hoc non esse congruam materiam voti. Et ideo, cum Prælati Ecclesiæ dispensat in voto, non dispensat in præcepto iuris naturalis, vel divini; sed determinat id quod cadebat sub obligatione deliberationis humanæ, quæ non potuit omnia circumspicere. Cautior, securior, & verior est doctrina isthæc. Angelicus enim ex Patrum, & ipsius Ecclesiæ sensu, quem melius ac præstantius multo posterioribus Casuistis, & Theologis affectus est, loquitur. Verum de hoc fusius suo loco.

VIII. Quæsti V. *Qui facultate dispensandi vota potitur, valet ne quoque eadem commutare?* Resp. Sermo haud est de illis Prælati qui potestate ordinaria donati sunt in votis dispensandis: quoniam nulla de istis difficultas est: compertum namque est istos omnes & dispensare, & commutare vota posse. Quippe commutatio minor est dispensatione: quare qui valet dispensare, potiore iure potest commutare. Dispensatio ad solos spectat delegatos, qui privilegii a superiore concessi virtute dispensandi facultate ornati sunt; ut quando summus Pontifex bullam, iubilæum, aliudve concedit indultum ministris sacramenti pœnitentiæ dispensandi in votis. Porro ex concessione dispensandi inferri facultatem commutandi negant Sanchez *Lib. IV. cap. lxxxii. num. 4.* & 5. Valentia 2. 2. *dis. vi. quæst. vi. punct. 7.* Azorius *Lib. XI. cap. x. quæst. iv.* alique. Ducuntur in hanc opinionem, quod istæ duæ facultates sint omnino disparatæ, & diversi generis; atque adeo una sub altera neutiquam comprehendatur. Unde concludunt, eum qui unam concedit, eo ipso alteram non impartiri.

IX. Contraria tamen opinio communior, & probabilior est: quia principium cui sententia illa innititur, veritate caret. Dispensatio, & commutatio eandem omnino voti relaxationem inspicunt; licet dispensatio amplior sit ipsa commutatione. Unde ergo colligunt, res esse disparatas, generisque diversi? Non alia sane diversitas inter has duas intercedit facultates, nisi quod dispensatio perfectior est, & latius patens; commutatio vero inferior, magisque limitata. Ceterum in eodem relaxandi voti genere sistunt ambæ, cum solo hoc discrimine, quod dispensatio plus, commutatio minus relaxat. Porro ex *reg. iur. 53.* habetur: *Cui licet quod est plus, licet utique quod est minus;* quando plus, & minus sub eodem continentur genere. Et hanc opinionem docent Soto *Lib. VII. de iust. quæst. iv. art. 3.* Barbosa de *potest. Episc. II. Part. alleg. xxxvii. num. 13.* Prado *cap. xxxi. quæst. xv. num. 48.* Raphael de la Torre 2. 2. *quæst. lxxxvii. art. 12. disp. 1. num. 7.* Castropelaus *tract.*

trañ. xv. disp. 11. punñ. 14. num. 4. Lessius Lib. II. cap. xl. dub. 16. num. 108. Suarez Lib. VI. cap. xii. num. 9. Laymanus Lib. IV. trañ. 15. cap. viii. num. 20. Diana III. Part. trañ. v. misf. resol. 25. Salmanticenses trañ. xvi. cap. 11. punñ. 9. num. 81.

C A P U T IX.

*Quibus iure ordinario potestas dispensandi in votis
conveniat.*

I. **D**ispensatio votorum, quæ, ut dictum est, non ordinis, sed iurisdictionis spiritualis est fructus, omnibus, & solis Prælati Ecclesiæ, iurisdictionem in subditos habentibus, competit. Quare nec Principes sæculares, nec Priorissæ, vel Abbatissæ, nec Parochi, simplicesve Presbyteri facultate potiuntur dispensandi in votis: eo quod non sint simpliciter Prælati, nec iurisdictionem spirituales in foro externo habeant.

II. Potestas isthæc delegari, vel committi potest omnibus Sacerdotibus, & Clericis prima tonsura insignitis, dummodo coniugati non sint. Quia potestas dispensandi iurisdictionis, non ordinis est. At, quia spiritualis, & ecclesiastica est, in persona dumtaxat ecclesiastica residere potest. Clericus autem prima ornatus tonsura persona ecclesiastica est: fieri siquidem potest Vicarius generalis Episcopi, ab excommunicatione in foro exteriori absolvere, & excommunicationem infligere valet. Clericus autem coniugatus non reputatur persona ecclesiastica; sed solum privilegio canonis fruitur, servatis quibusdam conditionibus, suo loco explicandis. Summus tamen Pontifex etiam clerico coniugato hanc dispensandi facultatem impertiri valet: quia leges omnes ecclesiasticas moderari, amplificare, & coarctare pro temporum opportunitate, & ex rationabili causa potest.

III. Hæc potestas primum in summo Pontifice, tamquam in supremo, & universali Ecclesiæ Pastore, & Capite, Christique Vicario residet: deinde in Concilio generali, in summi Pontificis Pœnitentiario, cuius officio adnexa est iure ordinario, in Legatis a latere, in Nunciis pontificiis respectu totius provincie, aut regni: in Archiepiscopis, Episcopis, in Capitulo cathedrali, Sede vacante, in Abbatibus iurisdictionem quasi episcopalem habentibus, in omnibus Prælati Regularium re late ad suos subditos. Hi omnes iure ordinario cum suis subditis dispensare valent in votis, tum personalibus, tum realibus omnibus, exceptis reservatis, de quibus infra dicetur. Cardinales autem protectores Ordinum nequeunt iure ordinario dispensare in votis: quia ut tales iurisdictionem in subditos designatos non habent.

IV. Vota communitatis dispensari possunt ab Episcopo, iusta occurrente causa, si sermo sit de illis qui se vota ediderunt. Successores vero qui non voverunt, quive

quive ad votum altringuntur, non vi voti, ut dictum superius est, sed solummodo ex præcepto, & lege Episcopi, pro eiusdem Episcopi arbitrio dispensari queunt. Quare nec voventes, nec populus, inconsulto Episcopo, a votis, vel iuramentis communitatis se eximere iure valent.

V. Quæst. I. *An qui aliis dispensationem valet a voto concedere, possit quoque sibi ipsi idem applicare privilegium?* Resp. Sermo est de iis omnibus quos iure ordinario in votis dispensare posse statuimus cum suis subditis, utrum valeant pariter secummetipsis dispensare. Convenit penes omnes, summum Pontificem id præstare posse, eo quod superiorem, ad quem recurrat, nullum habeat. Satiis tamen erit ut, sicuti pro criminum absolutione Confessarium sibi deligit, ita quoque eadem potestatem conferat secum dispensandi in votis. De ceteris Prælati dissidium est inter Theologos.

VI. Salmanticenses *tract. xvii. cap. 11. punct. 9. num. 79.* sustinent, Prælatos quoscumque qui cum aliis dispensare valent, eodem secum ipsis uti posse privilegio. Laudant pro hac opinione Sanchez, Bonacinam, Bartholomeum a S. Fausto, Pradum, Fagundez, Tamburinum, Azorium, Rodriguez, Fagundez, Trullenchum, & Franciscum Suarez. Tanti res non est ut omnes Auctores istos expendam. Ad Suarez quod attinet, cuius auctoritatem magni semper facio, non modo hanc opinionem ipse non defendit; sed conceptis verbis oppositam docet loco ab ipsismet Salmanticensibus laudato, nempe *Tom. II. de Relig. Lib. VI. de vot. cap. xi. num. 5.* ubi hæc habet. „ Si vero fuerit Regularis Prior, Guardianus, & similes, a Provincia-
„ li; hic a Generali, vel Commissario, si eum habuerit; & denique inferior a su-
„ periore dispensandus est: quia superior habet in inferiorem Prælatum iurisdic-
„ tionem, & non e converso, neque idem in seipsum. Prælati autem supremi
„ Religionis, ut Generalis, a tota Religione, quæ illi superior est. “ De Episco-
pis vero numero præcedenti sub finem hæc scribit. *Nisi ergo consuetudo Episcoporum*
taleni facultatem ostendat, iure ordinario a Pontifice in hac dispensatione pen-
dent: quia illi in his spiritualibus subiiciuntur. Martinez quoque de Prado, quem pro se allegant Salmanticenses, huic contrariæ opinioni favet, quando ad superiorem recursus patet: quod de superioribus Regularium adfirmat quoque citatus Trullenchus *Lib. II. cap. 11. dub. 38. num. 17.* Igitur probabilius nobis est, Prælatos quosque in votorum dispensationibus ad suos respective, ut dicitur, superiores recurrere debere: quia nemo iudex in propria causa, nemoque in seipsum iurisdictionem exercere vere ac proprie valet. Ratio contrariæ sententiæ, quod alioquin superiores deterioris forent conditionis, si nequirent secum ipsis dispensare in votis, nulla est. Quoniam tam Prælati, quam subditi æqualiter legibus sunt subiecti; licet diverso modo. Quare quemadmodum subditi a suis Prælati immediatis, sic isti a suis Prælati superioris ordinis dispensari debent. .

CAPUT X.

*De potestate Prælatorum regularium in dispensandis
votis subditorum.*

I. **Q**Uæ communia sunt, præmittamus opus est. Quæ valent Episcopi cum subditis suæ diocesis, ea possunt Regulares cum suis subditis, videlicet Generalis in toto ordine, Provincialis in tota provincia, & superiores domorum in tota familia. Quoniam comparate ad suos subditos, omnes isti iurisdictionem quasi episcopalem habent: unde etiam eandem delegare possunt. Quemadmodum ergo censuras ferre, & ab eisdem absolvere; ita in votis omnibus dispensare possunt, quinque exceptis in quæ nullam habent potestatem. Quin superflua in hæc quinque vota potestas foret: nam duo prima castitatis, & Religionis, dispensationi subiecta minime sunt; vota autem triplicis peregrinationis fieri nequeunt a Religiosis, & facta nulla sunt.

II. Quæst. I. *An Prælati regulares dispensare valeant in subditorum votis emissis cum licentia maiorum Prælatorum?* Resp. Dictum supra est, non posse sine causa Prælatos irritare vota a subditis cum eorum licentia edita; quamvis oppositum plures sentiant. Ad dispensationem tamen quod attinet, nulla est difficultas, quod possint dispensare in votis illi ipsi Prælati qui licentiam sunt impertiti. Licentia siquidem data spiritali iurisdictioni nullum infert detrimentum. De votis autem editis cum licentia maiorum Prælatorum non una est Theologorum sententia. Aliqui negant Prælatum inferiorem dispensare posse in eiusmodi votis. Communis, & vera sententia adfirmat: quia, quamvis licentia concessa a superiori Prælato subducat votum a potestate dominante Prælati inferioris (quamobrem Prælatus inferior nequit illud irritare) minime tamen illud extrahit ab iurisdictione spiritali Prælati inferioris; ac proinde in tali voto dispensare valet.

III. Quæst. II. *An Prælati regulares cum suis Novitiis in votis dispensare valeant?* Resp. Adfirmat communis opinio, paucis Auctoribus negantibus. Siquidem Prælati regulares iurisdictionem spiritualem in suos Novitios habent: eosdem regere, & gubernare ad Prælatos pertinet. Accedit quod Novitii privilegiis Religionis fruuntur. Eadem tamen potestas residet etiam in Episcopo: quippe Novitius non est omnino exemptus ab iurisdictione episcopali, antequam professionem emittat. Episcopus autem Novitii est ille in cuius diocesi Novitius commoratur.

IV. Quæst. III. *An Prælati regulares dispensare valeant cum suis subditis in voto transeundi ad arctiorem Religionem?* Resp. Dictum est supra, votum illud non esse
Præ-

Prælatorum irritationi subiectum. Ab eodem vero dispensare posse Prælatus cum suis subditis, tenet communis opinio; dummodo rationabilis causa adsit: videlicet, si prudenter Prælatus dispensans iudicet, subditum suum facilius perfectionem sui status assecuturum in propria quam si ad aliam demigret Religionem. Distinctione tamen opus est. Aut vovens degit in Religione mitiori, quæ tamen professionem suam adamussim servat; & hoc in casu dubio procul dispensare valet Prælatus in voto transeundi ad arctiorem; quando prudenter, solidoque fundamento ductus iudicat, subditum suum melius evangelicæ perfectioni in sua Religione vacaturum fore. Vel Religio non mitior est, sed laxior, sive ab observantia Regulæ propriæ graviter collapsa; & tunc Prælatus dispensare haud valet Religiosum in voto transeundi ad arctiorem, seu ad aliam in qua Regula, legesque servantur. Clarius rem explico. Prælatus nequit absolvere subditum, hac positione gravis relaxationis facta, a debito quo devincitur se subducendi periculo transgrediendæ suæ professionis, atque in eo Ordine se collocandi in quo præscriptarum legum observantia viget. Quare, dato quod possit illum absolvere a voto, sicut ipsum absolvere valet a voto non peccandi; non tamen liberare eum potest a proposito, seu debito transeundi ad arctiorem Religionem; sicuti liberare eum nequit a debito se continendi a peccatis.

V. Hinc caute legendi sunt Auctores qui passim docent (ut videre est apud Salmanticenses *tract. xvii. cap. 11. punct. 1. num. 91.*) posse quoque Prælatos Regularium dispensare eos qui votum ediderunt ingrediendi strictiorem Religionem, ut amplectantur laxiorem. Si enim sermo sit de laxiori, idest collapsa a regulari disciplina in *substantialibus*, falsissima est eorum doctrina: eo quod nec primum licite ingredi iuvenes possunt eiusmodi Religiones. Privilegia Eugenii IV. quæ afferri solent, apocrypha sunt, nec eo pertinent quo trahuntur.

VI. Neque in votis solemnibus, neque in votis quæ statum propriæ Religionis afficiunt, suntque veluti singulares prærogativæ talis Ordinis, dispensare Prælati valent. Hinc vota abstinentiæ in Religione Minimorum, votum restringendæ, & nunquam laxandæ paupertatis in Societate Iesu, votum non ambiendi, neque acceptandi dignitates extra Religionem, quod in quibusdam Ordinibus editur, relaxari a Prælati nequeunt. Quæ omnia communia sunt, ut nemo ferme dissentiat.

CAPUT XI.

De potestate Confessariorum regularium in dispensandis votis hominum secularium.

I. REM nimum implexam agitare aggredimur. Vix in disputationem vocant rei moralis tractatores facultatem Regularium dispensandi in omnibus votis secularium non reservatis summo Pontifici, seu in iis omnibus, vi suorum privilegiorum, in quibus potestate ordinaria dispensare potest Episcopus in sua diœcesi. Hanc sententiam, nempe Regulares posse dispensare in præfatis votis, quasi extra omnem disceptationis aleam positam communiter defendunt Auctores citandi. Sanchez *Lib. IV. Decal. cap. xlii. num. 4.* Rodriguez *Tom. I. quæst. Reg. quæst. lxi. art. 3.* Miranda *Tom. I. quæst. xlv. art. 3.* Aragon. 2. 2. *quæst. lxxxviii. art. 12. concl. 6.* Ludovicus Lopez *I. P. cap. I.* Sayrus *Lib. VI. cap. xi. dub. 17. num. 95. in clav. Reg.* Castropalaus *traß. xv. disp. 11. punct. 13. num. 7.* Trullenchus *Lib. II. Decal. cap. 11. dub. 44. num. 2.* Tamburinus *Lib. III. cap. xvi. num. 46.* Pellizarius in *man. Reg. traß. viii. cap. 111.* Fagundez *Lib. II. Decal. cap. xlv. num. 11.* Lessius *Lib. II. cap. iv. dub. 18.* Machadus *Lib. V. P. III. traß. 111. docum. 1. num. 1.* Bartholomæus a S. Fausto *Lib. III. Thesau. quæst. clxxiii. Candidus disp. xxv. art. unic. dub. 2.* Ioannes a Cruce *Lib. II. cap. vi. dub. 8. concl. 1.* Villalobos *II. P. traß. xxxiv. diff. 29. num. 2.* Mendo *disp. xxvi. in bull. cruc. cap. 11. num. 34.* Bassæus *verb. Votum 7. num. 10.* Quintanadvenas *Tom. II. traß. v. singul. 15. num. 5.* Martinus a S. Ioseph in *Regul. S. Franc. Diana traß. vi. P. VI. ref. 50.* Leander *traß. 1. disp. xvi. quæst. cxxxv.* Antonius a Spiritu sancto in *Direct. Reg. traß. 11. disp. 111. sect. 2. num. 80.* Patritius Sporer *traß. 111. in 2. præcep. Decal. cap. 111. sec. 3. num. 54.* Salmanticenses *traß. xvii. cap. 11. punct. 11. num. 94.* Vidal *tit. de vot. inquisit. 3. num. 77.* La Croix *Lib. III. part. 11. quæst. cxxx.* Henricus a S. Ignatio *Tom. II. Lib. X. cap. xlviii.* Constantinus Roncaglia *traß. viii. de 2. Decal. præcept. cap. iv. quæst. ix. ref. 2. & alii communiter.*

II. Privilegia multa allegant in propriæ sententiæ confirmationem. Primum est *Innocentii VIII.* qui, inquiunt, concessit Mendicantibus posse dispensare in omnibus votis in quibus possunt Episcopi, exceptis votis peregrinationis ultra duas dietas. Sunt autem duæ dietæ viginti leucæ iuxta Rebuffum *de privil. Scholast. privil. 161.* Hoc privilegium, inquit Leander, referunt Rodriguez, Thomas Sanchez, Basilus Legionensis, Tamburinus, & communiter alii Doctores. Credidisses, Auctores præfatos referre ipsius Bullæ verba, locumque, ubi Bulla assertatur, patefacere. Verum nec verbum unum Bullæ exhibent; sed tantummodo eam citant eo prorsus mo-

modo ac Leander ipse. Rodericus dumtaxat quarundam bullarum verba refert ex compendio privilegiorum Mendicantium.

III. Secundum privilegium est *Martini V.* qui concessit Benedictinis posse dispensare in omnibus votis, etiam Episcopo reservatis. Hoc idem concessit *Eugenius IV.* Congregationi S. Iustinae in bulla *Esti quoslibet* xi. & Cisterciensibus regularis observantiae in regno Castellae in bulla *Commissum* xxii. apud Rodericum. *Iulius II.* idipsum concessit Benedictinis Montis Oliveti in bulla *Esti ad universos* xii. & *Leo X.* Camaldulensibus, *Esti a summo* 2. apud Cherubinum. *Paulus III.* Patribus Societatis in bulla *Cum inter cunctas* vii. apud Rodericum. Quae privilegia etiam ad vota iurata extendit *Gregorius XIII.* Item *Sixtus IV.* in bulla *Sedes Apostolica* v. & *Paulus IV.* in bulla *Ex clementi* i. apud Rodericum, & Cherubinum.

IV. Haec privilegia refert Henricus a S. Ignatio ex aliis Auctoribus. Auctor iste haud solet rei moralis tractatoribus ita deferre, ut illorum relationibus acquiescat; isthic vero aures nimium faciles praebuit, nulloque praemisso examine, recensita privilegia lectoribus exhibet. Verum haec omnia aut suspecta, ne dicam plane apocrypha, aut omnino diminuta sunt; seu dispensandi facultatem non concedunt, sed vota tantummodo commutandi. Eorundem examen instituire iuvat.

V. Ut indicavi, recentiores Theologi recensita privilegia, tamquam monumenta nulli obnoxia dubitationi, obrudunt. Primi, & fere soli, qui eadem in suspicionem adduxerunt, sunt Lezana, Martinez de Prado, & Passerinus. Prado *Tom. II. cap. xxxi. de voto quæst. xiv. §. 8. num. 79.* relatis coniecturis quæ apocrypha ostendunt hæc privilegia, sic concludit. *Ideo in re tanti momenti optarem quod hæc potestas indubitata esset; vel adeo probabiliter constaret, quod absque scrupulo posset praticari. Interim consulerem quod utamur sola facultate vota commutandi, quæ est certa, & abstinere ab usu potestatis dispensandi in votis, quæ non extat, nisi cum tot limitationibus.*

VI. Hunc perdoctum; cautum, prudentemque Theologum nimis religionis arguit Leander, qui *disp. xvi. quæst. cxxxv.* post relata quæ transcripsimus verba, hæc adiciit. *Sed certe nimis scrupulosus de probabilitate oppositi: trepidat enim timore ubi nullus est timor, ut evidenter constabit.* Ut porro timores Pradi in fumum amandet, censum satis prolixum rexit Auctorum, & quas illi citant Pontificum bullas, citat & ipse. Sed Prado insistit, sibi minime de istarum bullarum veritate constare. Cui sic respondet Leander. *Sed quid, quia tibi non constat, abstinendum est a facultate dispensandi? Hoc verum, si aliis doctissimis & versatissimis in materia privilegiorum viris etiam minime constaret. At constat, ut vidimus. Credat ergo Prado illis, ut ego libentissime credo, & firmissime teneo posse dictos Regulares dispensare in omnibus votis &c.*

VII. Quisq[ue] sibi in animum induceret, Leandrum tam fidenter loquentem in medium produxisse testimonia adeo clara, ut Prado, ceterique omnes illis fidem adhibere integram cogerentur. Et tamen non aliud affert præter citationes Auctorum, qui mutua credulitate proprias assertiones excipientes numerum amplissimum efficiunt testium, qui in materia facti nullius sunt auctoritatis, quamvis essent doctissimi. Vix unus serio examine bullas se expendisse palam facit: sed alii ex aliis citarunt easdem. Quapropter satis mirari non subit animositatem Leandri, redarguentis Prado, quod *rara sollicitudine obscurare satagit omnia privilegia quibus Mendicantes gaudent circa vota secularium dispensanda*. Leandri erat, lumen aliquod emittere, lucemque afferre, ut tenebras dispelleret, quibus Prado obscurare curavit Mendicantium privilegia. Neque enim illa Casuistarum nubes sola sufficit ad facti veritatem illustrandam; nisi documenta promantur legitima, quæ factum, de quo disputatur, evincant. Verum, his siculis gerris missis, ad id quod caput est, accedamus.

VIII. *Eugenius IV.* anno 1456. in constitutione data Bononiæ, cuius initium est *Etsi quaslibet*, & habetur in Bullariò Cassin. & in antiquo Bullario Ord. Præd. Monachis S. Benedicti Congregationis S. Iustinæ ad regulæ præscriptum reformatis, hanc concessit facultatem: *Insuper & vota omnia permutare, ac in omnibus, & singulis casibus, etiam Ordinariis, aut per synodales, aut provinciales constitutiones reservatis; cum eis dispensare, præter censuras, penas, vota, & casus de quibus esset merito Sedes apostolica consulenda*. Hoc privilegium omnes allegant citati Auctores, ut ostendant Regulares potestatem habere in votis dispensandi. Et tamen planum est, Eugenium IV. solam *permutandi* vota facultatem concedere, & postea in casibus reservatis potestatem dispensandi, ut cuique sanis oculis recensita constitutionis verba legenti constare potest. Id Rodericus ipse aperte fatetur *quæst. lxiii. art. 3.* item Lezana, & Passerinus, qui præfata verba expendunt.

IX. Miranda primus fortasse fuit, ut advertit Passerinus *Tom. II. quæst. clxxxviii. art. 1. in præf. 4. num. 398.* qui præfatam constitutionem amplificavit. Sumus, inquit, in materia *favorabilis*; idcirco textus dilatandus est ad dispensationem. Quæ ratiocinatio quam sit imbecilla, nemo non videt. Ut enim commune fert axioma, bullæ tantum valent quantum sonant. In altera constitutione quam idem *Eugenius IV.* concessit iisdem Monachis Benedictinis, cuius initium est, *Regularem vitam* (est 1x. in Bullario Cherubini) nec verbum habetur quod exprimat facultatem dispensandi in votis, sed solum dispensandi in casibus reservatis. Hæc sunt verba constitutionis: *Et dispensare super omnes casus; præter ea peccata, & eos casus de quibus ipsi Confessoribus ad eorum Ordinarios videbitur recurrendum* &c. In hac constitutione laudatur etiam altera constitutio *Etsi quaslibet*; eademque

plenus explicatur. Porro evidens est quod tota facultas concessa restringitur ad dispensandum in casibus, seu censuris; secus in votis.

X. Aliud privilegium concessisse *Eugenium IV.* ferunt Benedictinis Vallisoletanis dispensandi in votis. *Lezana ait Tom. I. cap. xix. num. 22.* sibi non constare, an aliqua bulla, an vivæ vocis oraculo concessum fuerit privilegium istud. *Passerinus* asserit concessum fuisse per simplicem *Signaturam* supplicationis porrectæ Pontifici. In supplicatione autem hæc habentur: *Ac cum eis, & eorum quolibet dispensare super votis, etiam Episcopo reservatis, & ea commutare in alia pietatis opera toties quoties devotioni predicatorum videbitur expedire, auctoritate apostolica licite, & libere possint.* Ex hoc privilegio nihil in favorem Mendicantium colligi potest. Primo, ipso fatente *Roderico*, limitatum est, & comparatum ad Monasterium Vallisoletanum; ita ut extra illud nec commutari, nec dispensari, nec relaxari vota possint. Hæc namque est clausula restringens: *Confessoribus deputatis, & deputandis a Priore, sive Presidente Monasterii S. Benedicti Vallisoleti.* Deinde hoc privilegio tamdiu frui illi valent, quamdiu ad normam regularis observantiæ vitam degunt, ut advertunt *Lezana verb. Votum num. 22.* & *Passerinus num. 599.* An similem limitationem cuilibet privilegio adiciere expediens esset, ceteri qui melius sapiunt, iudicent.

XI. Simile privilegium concessit *Sixtus IV.* anno 1478. Vicario generali Congregationis reformatæ *Ord. Præd.* in regno Castellæ. Constitutionis initium est, *Sedis apostolicæ . . . Vicario generali Ordinis Prædicatorum, Reformatorum nuncupatorum.* Extat in recenti Bullario Ordinis *Tom. III.* Nulla autem in hoc privilegio facultas conceditur dispensandi vota, sed commutandi dumtaxat. *Vota peregrinationis, & abstinence per eosdem fideles emissa, quæ loci Ordinarius, si præsens esset, commutare posset, & ipsi fideles commode adimplere non poterunt, in ipsius loci Ordinarii absentia in alia pietatis opera commutare.* Deinde, ut observat *Passerinus*, postulantiibus *Ferdinando Rege, & Elisabetha Regina Castellæ, & Legionis* concessum fuit privilegium soli Vicario generali Congregationis Reformatæ, seu observantis, ut aiunt. Hic mos impertiendi solis Regularibus ad præscriptum regulæ reformatis ecclesiastica privilegia prudens, rationabilis, ac iustus est: quia privilegiorum concedendorum origini omnino consentaneus. Prima enim privilegia idcirco concessa fuere, ut Regulares professionis suæ exactissimi observatores, morum sanctitate, ac proximorum salutis æternæ zelo Ecclesiam illustrarent. Si in aliquibus hæc merita omnino cessarent; si loco observantiæ regularis nimia morum remissio serperet; si loco studii ac sollicitudinis de animarum curanda salute scandala ad Christianorum offensionem grassarentur: non ne privilegia omnia, quo iure concessa fuere, eodem revocari, & suspendi deberent, ut vexatio saltem intellectum daret, & hac pœna, via ad reformationem minus difficilis reddere-

X ij tur?

tur? Sic nos pro nostra tenuitate sentimus . Nihil enim contra , sed omnia pro veritate possumus . Verum de hoc fusius suo loco . In semitam nunc regrediamur .

XII. Privilegium quod concessum ab *Innocentio VIII.* Ordini Minorum ferunt , nullius est auctoritatis : tum quod est vivæ vocis oraculum , ut fatentur *Rodericus* , *Lezana* , & *Passerinus* , qui advertit ipsum *Miramandam l. Part. quest. xlviii. art. 3.* non magni facere privilegium istud : tum quod non se extendit ad vota omnia Episcopis reservata .

XIII. *Paulus III.* in privilegio concessio Societati Iesu solam commutandi facultatem impertit . Initium constitutionis istud est , *Cum inter cunctas . . . Vota quæcumque per eos pro tempore emissa . . . in alia pietatis opera commutandi* . Quam facultatem *Gregorius XIII.* in sua constitutione *Decet Romanum* confirmavit , nec ultra commutationem extendit . Et insuper facultatem alias *Presbyteris Societatis prædictæ a Sede apostolica concessam COMMUTANDI* vota , etiam iurata , dummodo commutatio huiusmodi in alterius præiudicium non fiat , extendimus .

XIV. Cetera quæ allegari solent , privilegia *Martini V.* & *Iulii II.* nihil omnino concludunt . Nam qui privilegium *Martini V.* referunt , nullum adducunt documentum quo illud authenticum esse ostendant . Ignoratur , an sit constitutio , an vivæ vocis oraculum . Quin nec verba aliqua proferuntur , ex quibus colligi possit , quænam facultas concedatur . *Iulii II.* concessio est vivæ vocis oraculum , nihilque novi concedit , ut observat *Passerinus num. 603.* sed privilegium *Eugenii IV.* concessum Monasterio Vallisoletano extendit ad totam Congregationem . Concludit autem *Passerinus num. 604.* „ Privilegium *Eugenii IV.* pro Benedictinis Hispaniæ , „ quidquid dicat *Bassæus* , est omnino valde restrictum , & competere potest ad „ summum quatuor Confessariis . . . & hoc privilegium nec illis PP. competere „ potest , nisi *quamdiu vixerint in observantia regulari* . Et quia hi quibus communi- „ cantur privilegia , non debent esse melioris conditionis quam illi quibus a prin- „ cipio concessa fuerunt , ut consideravit *Rota decis. 177. num. 15. part. 9.* ideo „ quatenus alii Regulares communicant in hoc privilegio , non possunt uti eo , „ nisi cum illis tribus limitationibus , ut scilicet sint ipsi de numero illorum trium „ vel quatuor , qui a superioribus domorum ad hoc deputati sunt , & dispen- „ solum cum confluentibus , aut existentibus in eorum Ecclesiis , aut domibus , & „ quatenus ipsi Confessores *VIXERINT IN OBSERVANTIA REGU-* „ *LARI* . Sub limitationibus enim istis , illis Monachis hæc facultas dispensandi „ in votis fuit delegata , ut videre est in dicto privilegio , quod per extensum „ refert etiam *Lezana verb.* Votum *num. 22.* Sed præterea ego suspicor quod nec „ in dicto privilegio concedatur facultas dispensandi proprie , & stricte , sed solum „ dispensandi commutando . “

XV. Hæc omnia fufe referre placuit, ut hinc colligat lector, quam incerta sint privilegia illa quæ afferunt Auctores, ut certam Regularibus afferant potestatem dispensandi in omnibus votis Papæ non reservatis. Ex tanta Auctorum multitudine, qui pro hac opinione citantur, vix unus est qui ex instituto & privilegia serio expendat, & rationes afferat, quibus facultatem revera concessam evincat a summis Pontificibus dispensandi in omnibus votis apostolicæ Sedi non reservatis.

C O N C L U S I O.

XVI. *Falsa est sententia quæ privilegium concedit Regularibus dispensandi in votis omnibus non reservatis summo Pontifici.* Et primo ex his quæ diximus, improbabilis ac falsa apparet satis præfata opinio: quoniam potestas iurisdictionis in votorum relaxatione privilegiis dubiis, & incertis inniti minime debet; sed certis, atque authenticis documentis. At nulla certa, & authentica documenta hucusque allata sunt in favorem eiusdem opinionis. Igitur falsa dicenda videtur.

XVII. Neque multitudo Auctorum probabilitatem addit tali opinioni: quippe in materia facti multitudo testium de auditu minime augeat vim probationis. Porro ex tot Auctoribus neminem reperi qui serio controversiam discutiat; sed unus fudit auctoritate alterius, & veluti avis aves, alii alios sequuntur; ac tandem multitudine omnes se tumentur, quasi multitudo patrocinari posset errori.

XVIII. Sed argumentum, quod peremptorium mihi videtur ad evincendam improbabilitatem præfate sententiæ, eruitur ex constitutione BENEDICTI XIII. cuius initium est, *Pretiosus in conspectu Domini*. In hac constitutione Pontifex summus confirmat omnia privilegia a Sede apostolica Ordini Prædicatorum concessa, eadem extendit, declarat, ac novis concessionibus amplificat. Tamen regulas tradens quas Confessarii servare debent in iuramentorum, & votorum relaxatione, facultatem non dispensandi, sed tantum commutandi vota illis concedit. Inquit enim §. 22. *Animo quoque repentes, a Sede apostolica fuisse concessa quamplurima privilegia circa absolutionem, relaxationem iuramentorum, & votorum commutationem pro Confessariis Ordinis prædicti quoad personas seculares, ac præcipue spectantes ad societates supra memoratas, ad tollendas super hoc quasvis dubitates ex diversis prædictæ Sedis, iuxta temporum, & circumstantiarum diversitatem, provide emanatis dispositionibus, atque ex Auctorum in diversa absentium opinionibus subortas, volumus, sancita in prædicta constitutione Clementis VIII. incipiente Quæcumque, ab omnibus, & circa quaslibet personas inviolabiliter observari.* Porro in tota laudata constitutione Clementis VIII. nec verbum habetur, nisi oculi me fefellerint, de dispensatione votorum.

XIX. Pergiit constitutio, & continuo declarat facultatem quam super votorum relaxatione concedit Confessariis, his verbis. *Bene verum est quod circa personas prædictis societatibus adscriptas intelligimus, prout volumus, & de apostolica benignitate indulgemus, concedimus, & declaramus, ut a Confessariis Ordinis Prædicatorum absolvi, eorumque iuramenta relaxari, ac vota COMMUTARI, sicut de confratribus, & confororibus Rosarii supra diximus, & concessimus, possint, ac valeant &c. Et circa reliquas personas seculares societatibus minime adscriptas, iisdem Confessariis Ordinis concedimus ut eisdem ab aliis prædictæ Sedi reservatis casibus, & censuris absolvere, eorumque vota commutare, ac iuramenta solvere... possint ac valeant.*

XX. Igitur Pontifex summus omnia privilegia a Sede apostolica Ordini Prædicatorum impertita confirmat, & novis concessionibus amplificat; nihilo tamen minus dispensationis verbum omnino silet: quin ad submovendas omnes difficultates, dubitationesque, quæ hac de re comperiuntur apud Auctores, conceptis verbis declarat Pontifex, se *commutandi* vota facultatem impertiri. Ex qua constitutione non solum colligitur, certum nunc esse, non posse Regulares in votis sæcularium dispensare; verum etiam eruitur, privilegia ipsa olim ab aliis summis Pontificibus concessa numquam præbuisse Regularibus eiusmodi facultatem dispensandi in votis laicorum. Nec enim vero simile est, BENEDICTUM XIII. voluisse eo ipso tempore Ordinis sui privilegia restringere quo eadem dilatare, & novis concessionibus amplificare se velle testatur. Nec refert quod Bulla *Pretiosus* antiquata iam sit: quoniam hæc abolitio non minuit, sed auget argumentationis nostræ vim.

XXI. Hanc nostram sententiam confirmat Martinez de Prado *Tom. II. cap. xxxi. quest. xiv. §. 8. num. 79.* Lezana *Tom. I. cap. xix. num. 22.* Passerinus *Tom. II. de stat. quest. lxxxvii. art. 1. inspect. 4. num. 598. & seq.* Isti tres Auctores in hac questione maioris mihi sunt auctoritatis quam ceteri omnes qui laudantur pro contraria opinione: quoniam tres isti documenta quæ afferri solent, serio ad trutinam revocarunt; quod adversarios præstitisse non video. Porro, si dubiam, atque adeo improbabilem reputarunt tres præfati Auctores contrariam opinionem ob dubia momenta quæ innitebatur; non est dubitationi locus, quin ut falsam nobiscum eam reiecturi fuissent post editam constitutionem Benedicti XIII.

XXII. Interpretatio quam exhibent adversarii, illius verbi *relaxare*, contendentes idem valere ac dispensare, nec vera est, nec eorum doctrinæ conformis: siquidem verbum istud genericum est, & communiter accipitur pro quacumque voti remissione; quemadmodum ipsimet Salmanticenses *loc. cit.* sub initium *cap. 11.* concedunt. Quin Passerinus *loc. laud. num. 604.* contendit, vel ipsum verbum *dispensare* in hac materia restringendum esse ad commutationem. Cum vero dif-

penfatio votorum genus quoddam fit, & totam comprehendens, etiam commutationem bene habet hic locum regula illa quam diffione 100. ponit Barbosa, fcilicet quod quando diffio & ponitur inter genus & speciem, tunc fiat declarative, & limitative; ut in propofito fenfus fit, quod concedatur difpenfare, non quomodocumque, fed commutando vota in alia pietatis opera. Ut ut fit de hac subtili interpretatione, certum videtur quod relaxare non prodatur iuxta communem Theologorum fenfum præcife difpenfationem. Nec eft cur diutius rem iftam producam: cum poft constitutionem Benediæ XIII. certum mihi fit, Dominicanos, & confequenter ceteros Mendicantes, non poffe vota fæcularium relaxare, nifi eadem in alia pietatis opera commutando. Nec contendo ego, Benediæ XIII. admiſſe Regularibus facultatem vota difpenſandi; ſed aſſero, ex illius conſtitutione certo colligi, numquam a ſummis Pontificibus conceſſam illis fuiſſe ſimilem poteſtatem.

XXIII. Hæc noſtra ſententia, præterquamquod pontificiis conſtitutionibus eſt innixa, conſona quoque rationi, & prudenti eccleſiaſtici regiminis æconomiz valde conſentanea eſt. Quod enim regulares Confeſſarii non ſint omnino pares Episcopis in iurisdictionis poteſtate ſuper votorum relaxatione, videtur ſatis conveniens. Quod poſtea eorundem Regularium merita tum antiqua, tum recentia privilegiis ornentur, atque compenſentur, æquum etiam, iuſtumque eſt. Hæc autem omnia ſimul optime conciliantur, ſi media *commutationis* via teneatur. Nec ſic ſcribens, minori erga Regulares affectu ſeror; ſed ſolum errores, laxitates, & arbitraria inventa devito; ne vera, & indubitata eorum privilegia periculo exponantur. Si eritices ars tam ſevere in rebus exigui aut nullius ponderis, non minus quam ſcholæſtica aliquorum Theologia, exercetur; quanta adhiberi diligentia debet in hac, & ſimilibus maximi momenti quæſtionibus extricandis, ut res bono in lumine collocentur? Sed de hoc iterum ſermo ſecurret in tractatu de poenitentia.

XXIV. Ex his omnibus inferitur primo falſum eſſe quod docent Salmanticenſes *loc. cit. num. 95.* poſſe videlicet Regulares difpenſare in quibuſcumque votis cum Religioſis etiam alterius Ordinis vi privilegiorum *Eugenii IV. & Sixti IV.* Falſum namque eſt præſatos Pontifices talia conceſſiſſe privilegia: nec verbum *relaxare*, quod legitur in conſtitutione *Sixti IV.* idem ſonat ac difpenſare, ut illi contendunt. Secundo falſum pariter eſt quod ſubdunt *num. 96.* ampliorem quodammodo eſſe Regularium quam Episcoporum in votis difpenſandis ſacularem: quoniam Regulares omnium fidelium, undecumque ad eos venientium, Episcopi auctorem ſubditorum dumtaxat vota relaxare poſſunt: quamvis altera ex parte major ſit Episcoporum poteſtas, cum iſti neceſſitate urgente in votis etiam reſervatis difpenſare queant, quod nequeunt Regulares: quamquam *num. 97.* impro-

X iiij ba-

babile iidem Salmanticenses non iudicent, posse Regulares etiam in votis reservatis dispensare necessitate occurrente, eo modo quo dispensare possunt Episcopi. Hæc omnia ex iis quæ superius diximus, constat esse falsa.

C A P U T XII.

De votis summo Pontifici reservatis. Vera istius reservationis interpretatio.

I. DE numero votorum quæ Papæ reservata sunt, non una est Auctorum sententia. Richardus in *IV. dist. xxxviii. art. 9. quest. 2.* hæc vota ad tria restringit, nempe Religionis, perpetuæ castitatis, & peregrinationis Hierosolymitanæ. Alii duo esse contendunt, castitatis scilicet, & Religionis: vota enim peregrinationis Hierosolymitanæ, Romanæ, & Compostellanæ existimant non esse absolute reservata Papæ; sed tunc solum cum in subsidium eorumdem locorum emittuntur; secus, si devotionis causa ederentur. Idque colligitur ex *cap. Ex multa, cap. Super his de voto. Panormitanus in dictum cap. Ex multa num. 4. Angelus verb. Votum 4. num. 6. Glossa in dict. cap. Ex multa, verb. Incumbit*: quod etiam animadvertit Passerinus *quest. clxxxviii. art. 1. inspect. 4. num. 6.*

II. In aliud extremum declinaverunt alii, ultra quinarium numerum vota Papæ reservata extendentes. Navarrus namque votis castitatis, Religionis, & trinæ peregrinationis addidit votum peregrinationis Lauretanæ: *comment. 1. num. 21. de Reg.* Nonnulli addiderunt votum convertendi propria credita in subsidium Terræ sanctæ: Rosella *verb. Votum 5. num. 7. Sylvester verb. Votum 4. quest. 111. dicto 5.* Alii adiecerunt votum assumendæ crucis in qualibet expeditione a Pontifice designata, & iussa: Hostiensis in *Sum. tit. de voto §. Qualiter num. 12.* Tandem nonnulli addunt votum numquam peccandi, quod Caietanus *Tom. II. opus. tract. xi. quest. 1.* incommutabile, & indispensabile votum asserit: at id verum habet, si de obligatione quæ ex lege oritur, sermo sit; secus, si obligatio spectetur quam votum inducit.

III. Communissima sententia est, quinque tantum esse vota summo Pontifici reservata, videlicet simplex continentie perpetuæ votum, Religionis, & triplicis peregrinationis, Hierosolymitanæ, Romanæ, & Compostellanæ. Quod eiusmodi quinque vota sint Pontifici summo reservata, colligitur ex *Extravagant.* Et si dominici 2. *de penit. & remis.* ubi excommunicantur illi qui hæc relaxare vota præsumpserint. Habentur enim ibi tamquam reservata, licet expresse non referrentur: Hæc reservatio ex Ecclesiæ dispositione est, ut advertit Passerinus *loc. cit. num. 608.* non ex intentione votantis. Quare, etsi votens votum quodcumque præter

affi-

assignata, & assignanda. ederet, hæc expressa intentione ut esset Papæ reservatum, non idcirco reservatum foret: quia vovens non valet restringere potestatem ordinariam Episcoporum. Hinc inferitur, nullum aliud votum, præter quinque dicta, esse summo Pontifici reservatum: quia ex nullo sive iure, sive legitima consuetudine colligitur, aut vorum Lauretanæ peregrinationis, aut quodcumque aliud ex iis quæ recensuimus, summo Pontifici reservari. Excipe tamen vota simplicia quæ sunt in aliquibus Religionibus de non ambiendis, nec acceptandis dignitatibus. Quare vota Pontifici reservata sunt plura quam quinque, si hæc etiam Religiosorum vota comprehendantur, ut optime advertit Passerinus num. 609.

IV. Obiicies. D. Thomas 2. 2. quæst. lxxxviii. art. 12. ad 3. duo tantum enumerat vota summo Pontifici reservata, scilicet castitatis, & Hierosolymitanæ peregrinationis. Resp. Sunt qui respondent, D. Thomam in voto continentie etiam Religionis votum, & in voto peregrinationis Hierosolymitanæ voluisse simul Romanæ, & Compostellanæ votum comprehendere. Sed hæc responsio omnino arbitraria nobis videtur. Caietanus, & Sylvius ibi respondent, ita S. Doctorem scripsisse, quia tempore D. Thomæ illa duo tantum vota fortassis erant reservata. Sed neque hæc responsio satis firma est. Siquidem, ut ex numero sequenti constabit, etiam tempore D. Thomæ reservatum erat votum Religionis. Erant igitur tria saltem reservata. De trina peregrinatione dubium esse potest. Dicimus ergo, D. Thomam *loc. laud.* non enumerasse omnia vota reservata. Id aperte colligitur ex eius loquendi modo: *Vota vero maiora (puta continentie, & peregrinationis Terræ sanctæ) reservantur summo Pontifici.* Per modum exempli adduxit præfata duo vota. Alibi recenset votum Religionis. Nullibi vero omnia quinque expresse dinumerat. Quare probabile satis est, eo tempore trinam peregrinationem non fuisse reservatam.

V. Obiici etiam solet, omnia vota perpetua esse summo Pontifici reservata: quod colligi videtur ex S. Thoma in IV. distinct. xxxviii. quæst. 1. art. 4. quæstiunc. 2. *In votis illis quæ non de facili dispensationem accipiunt, nec frequenter, sed raro, sicut votum Religionis, & alia huiusmodi vota perpetua, solus Papa dispensare potest.* Quod reperit 2. 2. quæst. clxxxiv. art. 6. & quæst. clxxxix. art. 7. *Ad solum Pontificem pertinere, inquit, dispensare in votis perpetuis.* Resp. Communis Theologorum sententia est, omnia vota perpetua non esse Pontifici reservata, ut vota perpetua abstinendi a vino, a carne, idque genus similia. Ad auctoritates D. Thomæ respondent communiter illius commentatores, eum loqui de votis quæ genere suo perpetuitatem fere annexam habent; ut sunt vota Religionis, & castitatis, & quæ Episcopi emittunt, dum episcopalem suscipiant gradum. Id perspicue satis eruitur ex his quæ scribit 2. 2. quæst. clxxxv. art. 4. *Soli*

Pa-

Papa licet dispensare in voto perpetuo quo quis se ad curam subditorum adscripsit, Episcopatum suscipiens.

VI. Quæst. I. *An iuramenta Deo facta castitatis, Religionis, & trina peregrinationis, sint eodem modo ac vota, summo Pontifici reservata?* Resp. Negant plures. Ledesma *trac.* xi. *cap.* iv. *dub.* 2. Tabiena *verb.* iuram. *quæst.* xx. *num.* 21. Lopez de Texeda *Lib.* III. *contr.* vi. *num.* 129. Antonius a Spiritu sancto *in direct.* *trac.* 11. *disput.* 111. *sect.* 2. *num.* 86. alique nonnulli. Probabilior est contraria sententia, quæ sustinet præfata iuramenta, non secus ac vota, summo Pontifici esse reservata: quoniam iuramentum promissorium, ut suo loco dicitur, votum includit, seu idem cum voto reputatur. Est enim promissio iurata Deo facta, quemadmodum iuramentum factum homini est promissio iurata illi exhibita. Ita D. Antoninus II. *Part. tit.* xi. *cap.* 11. §. 2. Caietanus 2. 2. *quæst.* lxxxix. *art.* 9. Soto *Lib.* VIII. *quæst.* 1. *art.* 9. Leander *trac.* 1. *disp.* xvi. *quæst.* lxxx. Salmanticenses *trac.* xvii. *cap.* 111. *punct.* 12. *num.* 108. Moya *trac.* 11. *disp.* 1. *quæst.* 14. §. 1. *num.* 5. & alii.

VII. Quæst. II. *An Episcopi, & Prælati habentes iurisdictionem quasi episcopalem, necessitate urgente, valeant in quinque præfatis votis dispensare?* Resp. Adfirmat communis opinio. Sed distinctione opus est. Episcopi dispensare valent in præfatis votis, dum adest periculum violandi voti, infamiae, scandali, alteriusque gravis damni, sive temporalis, sive spiritualis, si dispensatio differatur. Casus non sunt adeo rari. Violasti virginem voto strictus castitatis. Ad illius honoris reparationem matrimonium necessarium est. Impedimenta ab aliquibus iniicienda times, si matrimonium differas. Item morti proximus alio modo honori mulieris quæ optima potitur fama, & cum qua rem habuisti turpem, consulere nequis, nisi matrimonium contrahendo. In his atque similibus casibus gravis urget necessitas. Idcirco Episcopus dispensare valet cum suis subditis in votis reservatis. Hoc siquidem Ecclesiae regimini expediens est: nec præsumendum venit, cum tanto animarum periculo voluisse Pontifices præfata vota sibi, urgente etiam necessitate, & mora periculum afferente, reservare. Secus dicendum de Prælati regularibus. Sicuti enim dispensandi facultatem non habent in votis absolute non reservatis, multo minus in reservatis votis poterunt dispensare. Primam partem communiter docent Theologi. Sylvester *verb.* Votum 4. *quæst.* iv. Lessius *Lib.* II. *cap.* xl. *dub.* 18. *num.* 126. Suarez *Lib.* VI. *de voto cap.* xxvi. *num.* 6. Sanchez *Lib.* IV. *cap.* xl. *num.* 44. Prado *cap.* xxxi. *quæst.* xiv. *num.* 92. Layman *Lib.* IV. *trac.* cv. *cap.* viii. *num.* 16. Barbosa *de potest. Epis. par.* 11. *alleg.* xxxvii. *num.* 8. Leander *trac.* 1. *disput.* xvii. *quæst.* cxvii. Salmanticenses *trac.* xvii. *cap.* 111. *punct.* 12. *num.* 10. & alii communiter.

VIII. Hoc idem privilegium adscribunt Salmanticenses *loc. cit.* & Croulers in

Re-

Regul. S. Franc. cap. vii. l. 29. Prælati omnibus regularibus. Sed, quando quinque vota sunt vera, & perfecta, atque adeo omnino reservata, non posse in iisdem Prælatos regulares dispensare, quocumque etiam posito necessitatis casu, ex nostra doctrina superius tradita manifestum est. Hanc sententiam tenent Suarez *Lib. VI. cap. xxvi. num. 18.* Sanchez *Lib. IV. cap. xliii. num. 7.* Barbosa *de potest. Episc. alleg. 37. num. 14.* Passerinus *quæst. clxxxvii. art. 1. in præf. 4. num. 618.* La Croix *Lib. III. tract. 11. par. 1. num. 363.* alique communiter. Quia vi privilegiorum nulla eis facultas conceditur in vota reservata. Seclusis autem privilegiis, nullam vel vota commutandi, vel dispensandi in votis habent facultatem. Quod fortius urget in nostra sententia: etenim demonstravimus, Regulares posse tantum commutare vota vi privilegiorum, minime in iis dispensare. In quinque ergo vota reservata nec commutandi, nec dispensandi potestatem habent.

IX. In præfatis vero necessitatis casibus, in quibus Episcopus dispensare posse docuimus, advertendum occurrit, quod dispensatio excedere non debet necessitatis limites. Quare, si damna impediri queant suspendendo voti executionem; hoc tantum concedi debet, non voti absoluta, & integra dispensatio. Unde, quando ob gravem prædictam necessitatem dispensatur in voto castitatis, ut matrimonium contrahatur, non tollitur absolute vinculum voti: soluto namque matrimonio ob talem necessitatem contracto votum revivisceret, seu obligaret. Item, si tempore matrimonii contracti se pollueret, aut fornicationem, vel adulterium committeret, qui castitatis votum ediderat, contra votum peccaret.

X. In præfatis insuper casibus veræ, & gravis necessitatis dispensare valet Episcopus; etiam si Legatus, aut Nuncius pontificius esset in provincia: quia isti iure ordinario non habent maiorem potestatem ac ipsi Episcopi, ut docent Suarez, Sanchez, Layman locis citatis. Secus dicendum est, si Legatus, aut Nuncius specialem potestatem a Pontifice delegatam haberent super præfatis votis: tunc enim facilis foret accessus ad Pontificem in suis ministris: & idcirco Episcopus nulla polleret facultate dispensandi, aut commutandi talia vota, ut docent laudati Auctores.

XI. Quæst. III. *An hæc votorum reservatio late, vel stricte sit interpretanda?* Resp. Stricte esse interpretandam, cum sit odii plena, & ordinariæ potestati Episcoporum contraria, communiter Auctores iure ac merito sentiunt. Quapropter, ut dicta vota sint reservata, debent esse absoluta, certa, expressa, & perfecta. Quacumque ex parte claudicent, ac dubitationem admittant aut circa consensum, aut circa perpetuitatem, aut circa conditionem aliquam adiectam, reservata non sunt; atque ita in iisdem potestatem habebunt Episcopi dispensandi, & Regulares privilegiati eadem poterunt commutare. Et hæc communia sunt.

XII. Quæst. IV. *An qui ederet vota castitatis, aut Religionis expressa intentione se se obligandi tantum sub veniali culpa, essent reservata Pontifici?* Resp. Non fore

fore tunc reservata, ex data doctrina patet. Non enim essent vota integra, & perfecta. Est opinio communis. Immo supra ostendi, non posse talia vota hoc modo fieri.

XIII. Quæst. V. *An si præfata vota essent edita ex metu etiam levi, reservata dicenda forent?* Resp. Sive emissæ essent ex metu gravi cadente in virum constantem, sive ex metu levi, non forent reservata: quia non essent undequaque perfecta.

XIV. Quæst. VI. *An si dubium sit aliquod eiusmodi votum, vel eius reservatio, iudicandum sit, vota non esse reservata?* Resp. Non esse reservata, docent communiter Auctores. Quoniam, licet in dubiis absolute tutior pars sit eligenda; in præsentem tamen quæstione adest ratio peculiaris: quoniam sola vota perfecta, & certa sunt Pontifici reservata; votum autem dubium non est votum perfectum. Si autem certum sit votum, nullique dubitationi obnoxium; solumque dubitetur, an sit, nec ne reservatum; neque tunc reservatum est ob regulam generalem, quod reservatio sit odiosa, & læsiva potestatis ordinariæ; idcirco stricte interpretanda. Quando ergo dubitatur vel ratione consensus, vel ratione materiæ integræ, vel ex quocumque alio capite, an votum sit reservatum; censendum est semper reservatum non esse. Opinio communissima: ex qua tamen nihil in favorem Probabilissimi valet inferri.

XV. Quæst. VII. *An votum non contrahendi matrimonium sit reservatum?* Resp. Patet votum istud reservatum non esse ex defectu integræ materiæ. Nec enim excludit fornicationem, pollutionem, aliosque actus castitati contrarios. Ut votum reservatum sit, debet esse integrum, ita ut omnem materiam comprehendat, atque exhauriat. Quamobrem nec reservata sunt vota non fornicandi, non se polluendi, non tangendi mulierem, non petendi debitum, vel servandæ castitatis pro tempore definito, suscipiendi ordines sacros, & similia: quoniam hæc vota non sunt integra, & perfecta ratione materiæ; quamquam sint talia ex parte perfectæ deliberationis. Priora enim non exhauriunt universam materiam. Votum autem suscipiendi ordines sacros non est votum castitatis emissum, sed emittendum.

XVI. Quæst. VIII. *An Episcopus vi consuetudinis possit facultatem concedere petendi debitum conjugale ei qui voto castitatis devinctus matrimonium contraxit?* Resp. Adfirmant communiter, talem obtinere consuetudinem. Quæ res facti cum sit; aliunde probari non potest, nisi ex ipso usu. Quare videndum est, num reipsa Episcopi talem dispensationem concedant.

XVII. Quæst. IX. *An votum castitatis conjugalis sit reservatum?* Resp. Certum primo est, votum non esse reservatum, si altero coniuge inscio emissum fuerit. Difficultas urget, quando coniuges mutuo consensu votum emisserunt. Adfirmat Sanchez Lib. VIII. de matrim. disp. xi. num. 11. cum aliis quos citat, esse reservatum, adeoque coniuges tunc teneri se se separare, ut sic cesset quodcumque in-

con-

continentiæ periculum. Alii docent, Episcopum posse dispensare: quoniam licet separatim viverent, semper esset periculum incontinentiæ. Addunt immo vigere consuetudinem, vi cuius Episcopi dispensent in eiusmodi voto. Si consuetudo isthæc reipsa obtineat, nulla est difficultas. Satis probabilis hæc opinio mihi apparet ob periculum incontinentiæ. Neque reservatum est votum castitatis servandæ inter coniuges, quia non est absolutum.

XVIII. Quæst. X. *An votum Religionis non approbatæ sit reservatum?* Resp. Communis opinio est negativa: quia non est verum votum Religionis absolute; quemadmodum non est reservatum votum paupertatis, & obedientiæ extra statum religiosum. De Religiosis Alcantaræ, Calatravæ, D. Iacobi, D. Stephani, & similibus duæ sunt opiniones. In opinione illorum qui sustinent hos esse proprie Religiosos, votum est reservatum; secus in altera opinione, quæ docet hos Equites veros Religiosos non esse.

XIX. Quæst. XI. *Quomodo intelliguntur reservata vota triplicis peregrinationis?* Resp. Tunc sunt reservata quando edita fuerunt ob devotionem, non absolute, sed erga præfata loca. Si quis sua devotione indefinita ederet votum adeundi Romam, Compostellam, Hierosolymam, ut aliquam peculiarem Ecclesiam, vel imaginem inviseret, ut virum eximie pietatis alloqueretur; non esset votum reservatum: quia causa talis voti non fuisset devotio specialis erga loca illa sacra. Quando ergo quis votum edit eundi Romam, ut templum divi Petri, Hierosolymam, ut loca a Christo Domino consecrata, Compostellam, ut corpus D. Iacobi visitet, & veneretur; tunc votum reservatum est. Opinio communis.

XX. Quæst. XII. *An votum emissum cum aliqua circumstantia sit reservatum, quod omissa circumstantia, remanet integrum?* Resp. Adfirmat communis opinio. Vovisti peregrinationem Romanam pedestrem. Episcopus potest in circumstantia itineris pedibus peragendi dispensare; secus in voto peregrinationis, quæ fieri potest, quin pedibus, aut sacco indutus, aut stipem precario postulando, eandem exequaris. Idem dicunt communiter de voto ingrediendi Religionem strictiorem, scilicet posse Episcopum dispensare, ut vovens amplectatur laxiorem. Quod verum habet, si nomine laxioris intelligatur Religio mitior, quæ ceteroquin suam exacte Regulam servet; secus, si intelligeretur Religio ab observantia regulari collapsa, quæ dici solet relaxata, seu laxior. Nemo siquidem concedere alicui licentiam potest ingrediendi similem Religionem. Votum non petendi dispensationem ab alio quam a summo Pontifice, non est reservatum, ut ex dictis patet.

XXI. Quæst. XIII. *An votum disjunctivum sit reservatum?* Resp. Antequam alterutra pars eligatur, re integra manente, non esse reservatum, tenet communis opinio; ut si vovisti Religionem, aut eleemosynam; castitatem, aut ieiunium: quia in voluntate tua est alterutram partem eligere; idcirco dispensare in toto

voto

voto Episcopus valet. Difficultas est, an selecta a vovente parte reservata, sit subiectum episcopali iurisdictioni dictum votum. Vovisti castitatem, aut ieiunium: elegisti castitatem. Tamburinus *Lib. III. Decal. cap. xvi. §. 4. num. 30.* & 31. Leander *tract. 1. disp. xvii. quest. cviii.* cum aliis docent votum esse dispensabile ab Episcopo. Negant e contrario Sanchez *Lib. VIII. de matr. disp. ix. num. 14.* & *Lib. IV. cap. xl. num. 43.* Castropalaus *disp. 11. punct. 11. num. 6.* Salmanticenses *num. 107.* utramque opinionem tamquam probabilem referunt; nihil adfirmantes, aut negantes: quod genus tractandi regulas morum, passim a novis Theologis post natum Probabilissimum usurpatum, nobis displicet. Patritius Sporer *secl. 1. cap. 111. num. 60.* ait, esse reservatum, si vovens novo voto se se ad partem reservatam determinaverit; secus, si simplici determinatione eandem elegerit: quæ distinctio vana est: nec enim in dubium revocari potest reservatio, quando novo absoluto voto promittit materiam reservatam. Nobis ergo videtur probabilius votum esse reservatum: quia vovens deliberato animo elegit partem reservatam, quam sub voto disjunctivo voverat: siquidem tunc votum absolutum, & integrum evadit.

XXII. Quest. XIV. *An sequentia vota sint reservata: Si iusero, si in peccatum lapsus fuero, voveo castitatem; si pater meus obierit, ingrediar Religionem?* Resp. De tertio voto fere convenit penes Auctores esse reservatum: quia votum re absolutum est, solumque apparentem explicat conditionem: sensus enim est: Quando pater obierit, ingrediar Religionem. De duobus primis, quæ pœnalia vocantur, dissidium est. Absolute adfirmant nonnulli esse reservata. Alii censent esse reservata, conditione impleta. Alii sive ante, sive post impletam conditionem sustinent non esse reservata, sed ab Episcopo dispensabilia. Probabilior, & communior sententia est, impleta conditione ea esse reservata; secus; antequam conditio impleatur. Ratio quam adducit Leander *quest. cxi.* in contrarium nullius est momenti. Inquit enim, eiusmodi vota pœnalia esse, neque oriri ex amore aut castitatis, aut Religionis. Quæ suppositio falsa est. Nisi enim præcessisset affectus erga castitatem, & Religionem, quidquam aliud, puta elemosynam, ieiunium, procer, vovisset. Vovit autem castitatem, quia præ aliis rebus sibi eadem placuit. Idem dicendam de altero voto: *Voveo Religionem, si incolumis evaserò:* impleta conditione, reservatum est; secus ante.

XXIII. Contrariam sententiam defendunt fuso calamo Salmanticenses *loc. cit. num. 114.* Paucis ego omnia expediam. Plura illi præmittunt de votis conditionalibus; quæ tamen omnia ex superius dictis patent. Quando enim conditio aut est necessaria, aut de præterito, aut de præterito, aut generalis, & rei inseparabiliter adhærrens, ut, Si vixero, si pater obierit, si cursum studiorum consummavero; votum absolutum est: quia conditio tota in verbis sistit. Præfati porro Salmanticenses sustinent, quæcumque vota vere conditionalia de re futura contingenti, sive

ante,

ante, sive post impletam conditionem, non esse reservata; dummodo vovens novo, & deliberato consensu, conditione impleta, votum illud non confirmaverit; quia tunc esset novum votum absolutum castitatis, & religionis; quod dubio procul foret reservatum. Probant vero suam sententiam: tum quia in votis conditionalibus consensus valde imperfectus est, utpote a conditione pendens; qui semper imperfectus remanet, etiam conditione impleta, quoniam semper idem remanet: tum quia, sive poenale, sive conditionale fuerit votum, non oritur ex amore aut castitatis, aut Religionis.

XXIV. Hæc secunda ratio iam explosa superius est contra Leandrum, & iterum convellitur. Votum castitatis, & votum Religionis approbatæ sunt absolute reservata, quando sunt integra & perfecta, quacumque ratione edantur. Utique supra dictum est, quod, si quis votum ederet cundi Romam, vel Compostellam, vel Hierosolymam ob aliquam peculiarem rationem voventis, & non causâ invisendi loca sacra, templum D. Petri, D. Iacobi, non esset votum reservatum: quia re ipsa tale votum non haberet pro obiecto materiam reservatam, seu quæ est subiectum reservationis; præfata namque loca sacra sunt vera materia voti reservati. Qua de causâ si quis voveret visitare talia loca sacra, quocumque affectu ductus; votum reservatum esset. Porro votum castitatis, vel Religionis absolute reservatum est. Ergo quacumque ratione ductus vovens illud emitat, dummodo integrum sit & perfectum, reservatum erit. Impleta autem conditione, votum absolutum evadit, & perfectum. Prima ratio quam opponunt, nullius est momenti, Siquidem consensus voti conditionati circa materiam promissam non aliam includit imperfectionem præter suspensionem executionis, usquedum conditio impleatur. Ergo, sublata hac imperfectione, est votum absolutum omni sua perfectione ornatum. Nec enim conditio adiecta inficit consensum; quin nec illum directe spectat; sed executionem eiusdem. Quare falsum propterea est quod inculcant laudati Salmanticenses, nempe votum conditionatum oriri ex imperfecto, & diminuto consensu; quæ imperfectio non tollitur, impleta etiam conditione. Falsa, inquam, est doctrina isthæc. Remota namque causâ, removetur effectus. Tota causâ imperfectionis quæ in voto conditionato invenitur, est conditio quæ executionem voti suspendit. Ergo, remota, seu impleta conditione, votum perfectissimum evadit. Nonne omnes contractus conditionati, positis conditionibus, absoluti evadunt, eisdemque effectus pariunt quos producant contractus omnino absoluti? Hanc sententiam defendunt Soto *Lib. VII. de iust. quæst. 11. art. 1. ad 4.* Azorius *Lib. XI. cap. x. quæst. xiiii.* & *cap. xix. quæst. xiiii.* Pontius *Lib. VIII. de matr. cap. ix. num. 7.* Lessius *Lib. II. cap. 19. dub. 18. num. 130.* Bonacina *disp. iv. punct. 7. §. 4. num. 17.* Layman *Lib. IV. tract. iv. cap. viii. num. 10.* Petrus Passerinus *quæst. cxxxvii. art. 1. num. 637.* & seq. & alii non pauci.

XXV. Quæst. XV. *Quando summus Pontifex votum reservatum, puta castitatis commutat in aliud pium opus, puta ieiunium, opus istud est ne reservatum?* Resp. Negat communis opinio, & merito. Præfata siquidem quinque vota non sunt absolute, & ut rationem genericam voti præferunt, reservata; sed tantum ratione materiæ. Ergo, commutata materia, e. g. castitatis in ieiunium, super hoc ieiunio dispensare poterit Episcopus, & Regulares privilegiati illud commutare valebunt.

XXVI. Quæst. XVI. *An quando præfata quinque vota non sunt reservata, quia ex aliqua parte vel consensus, vel conditionis, vel materiæ non integræ, claudicant, sint subiecta potestati Confessoriorum regularium?* Resp. Quando quinque dicta vota non sunt ex aliquo capite reservata, possunt eadem Confessarii regulares privilegiati relaxare commutando, non dispensando, ob ea quæ superius dicta sunt.

XXVII. Quæst. XVII. *Qui recipit facultatem per bullam, aut iubilæum dispensandi, aut commutandi omnia vota, potest ne relaxare etiam reservata?* Resp. Negat communis opinio, nisi exprimitur facultas super reservatis: quia hoc aperte colligitur ex *Extravag.* Et si dominici 2. de *pœnit.* & *remiss.* ubi statuitur, dicta vota a nemine, præterquam a Romano Pontifice, relaxari posse, nisi ex speciali licentia, & certa scientia nostra. Et eodem titul. cap. Si *Epif.* assignatur regula generalis tam pro votis, quam pro casibus reservatis, his verbis: *Quia in generali concessione non veniunt ea quæ non esset quis verosimiliter concessurus*: de Regul. iuris in vi. §. 81. Si facultas concedatur indefinita super reservatis, comprehenduntur omnia reservata; si excipiat unum, aut alterum, reliqua omnia relaxari possunt: quia exceptio firmat regulam in contrarium. Quare, si ex reservatis aliqua excipiantur, non excepta poterunt relaxari. Facultas relaxandi votum Religionis non comprehendit votum castitatis, aut e contrario. Quæ omnia communia sunt penes Auctores.

C A P U T XIII.

Ad validam, licitamque dispensationem causa rationabilis necessaria est.

I. **Q**uælibet legis, seu votorum relaxatio bonum finem spectet necesse est, atque bonum commune: quia potestas collata dispensatori est in ædificationem, nequaquam in destructionem. Quoties autem sine legitima causa tali potestate uteretur, id non esset in utilitatem Ecclesiæ, sed in damnum eiusdem.

Hæc

Hæc est omnium Patrum, & Theologorum vox. Pauca subiicere lubet ad uberiorem huiusce rei explicationem.

II. Alexander III. cap. de peregrinat. extr. de voto, & voti redempt. *Ab eius qui præfideat, pendet arbitrio, ut consideret diligentius qualitatem personæ, & causam commutationis: scilicet an ex infirmitate, seu affluentia divitiarum, an alia causa probabili, peregrinatio, an recompensatio melior fuerit, & Deo magis accepta: & secundum hoc habet exinde dispensare.*

III. D. Thomas angelicam plane doctrinam exhibet, quam omnes dispensatores præ oculis habere semper debent. Hæc namque scribit 2. 2. quæst. lxxxviii. art. 12. in corp. *Prælati in Ecclesia gerit vicem Dei: & ideo in commutatione, vel dispensatione votorum requiritur Prælati auctoritas, qui in persona Dei determinat quid sit Deo acceptum, secundum illud II. ad Cor. 11. Nam & ego quod donavi, si quid donavi, præter vos in persona Christi. Et signanter dicit propter vos, quia omnis dispensatio petita a Prælato debet fieri ad honorem Christi, in cuius persona dispensat, vel ad utilitatem Ecclesiæ, quæ est eius corpus. Et in responsione ad secundam objectionem. Quidam dixerunt, quod ideo Prælati possunt in votis pro libito dispensare, quia in quolibet voto includitur conditionaliter voluntas Prælati superioris; sicut supra dictum est, quod in votis subditorum [puta servi; vel filii] intelligitur conditio, si placuerit patri, vel domino, vel si non renitentur: & sic subditus absque omni remorsu conscientie posset votum prætermittere, quandoque sibi a Prælato diceretur. Sed prædicta positio falso innuitur: quia cum potestas spiritualis Prælati, qui non est dominus, sed dispensator, in ædificationem sit data, & non in destructionem, ut patet II. ad Cor. x. sicut Prælati non potest imperare ea quæ secundum se Deo displicent, scilicet peccata; ita non potest prohibere ea quæ secundum se Deo placent, scilicet virtutis opera. Et ideo absolute potest homo vocare ea. Ad Prælatum tamen pertinet diiudicare quid sit magis virtuosum, & Deo magis acceptum. Et ideo in manifestis dispensatio Prælati non excusaret a culpa; puta si Prælati dispensaret cum aliquo super voto de ingressu Religionis, nulla apparenti causa obstante. Si autem esset causa apparens, per quam saltem in dubium verteretur, posset stare iudicio Prælati dispensantis, vel commutantis; non tamen iudicio proprio, quia ipse non gerit vicem Dei; nisi forte in casu in quo id quod vovit, esset manifeste illicitum, & non posset opportune ad superiorem recurrere.*

IV. Similia scribit S. Antoninus ex Petro de Palude II. Part. tit. xi. cap. 11. §. 6. Item nota, quod est differentia inter irrotationem & dispensationem. Nam irritatio potest fieri sine causa, & ad libitum irritantis, sicut vir ad libitum irritat votum coniugis; ita quod nec ipse peccat irritando, quia nemini facit iniuriam qui utitur iure suo; nec illa votum omitendo, cum fuerit inefficax a principio. Sed dispensatio

in voto non fit propter inefficaciam voti, sed propter aliam causam. Unde requiritur non solum auctoritas in dispensante, sed etiam causa ex parte dispensati, scilicet necessitas, vel utilitas eius, vel Reipublice in omni genere dispensationis, & in omni dispensante, etiam in Papa, quia nec Petro, nec alteri commissa est auctoritas, seu potestas in destructionem, sed in edificationem: quod est verum in proposito, quia voti obligatio iuri naturali, & divino innuitur. Hactenus sanctus Antoninus ex Petro de Palude. Porro ipse ibidem §. 9. ex se hæc scribit. Nota tertio de causa dispensationis. Et quidem in positivis, Sic volo, sicutubeo, fit pro ratione voluntas: quia quod Principi placuit, legis habet vigorem, quamvis Isidorus contradicat: quia lex est quod ratione consisterit, dist. 1. Consuetudo. Sed in his quæ sunt iuris divini, secus. Extr. de voto, Non est. Et debent considerari tria, ut in cap. Magn. quid scilicet licet, quid decet, quid expedit. Debet autem esse talis causa quod melius fit recedere a iure communi quam tenere. Non sufficit quod fit æque bonum; aliter erit dissipatio; & peccat uterque, scilicet dispensans, etiam Papa, & is cum quo dispensatur, si sciat. Unde Hostiensis: Peccat Papa, si sine causa in votis dispensat; nec est ei obediendum, si manifeste liqueat quod fit contra Domini voluntatem: alias in dubio obediendum est.

V. Igitur non solum illicita, sed invalida etiam est voti dispensatio sine rationabili causa concessa, ut cum præfatis sanctis viris communiter Theologi docent. Et ratio generalis est. Inferior non habet potestatem in legem superioris. Superior autem non præsumitur facultatem impertire ad dispensandum in lege absque rationabili causa. Ut quid enim legem talem rogasset, si Prælati eiusdem legis custodes possent pro arbitrio ab eadem subditos eximere? Idcirco communi fere proverbio dicitur, potestatem dispensandi in ædificationem, non in destructionem collatam esse. Effet autem in destructionem, si pro libito posset dispensatio concedi.

VI. Quæst. I. *An, quando causa dispensandi dubia est, Prælati valeat dispensare?* Resp. Si de causæ existentia dubitetur, utrum nempe habeatur nec ne dispensandi causa; tunc omnes fatentur dispensationi locum non esse. Certum quippe votum est, & ob incertam causam solvi nequit. Si autem aliqua causa certa sit, solumque ambigatur, num sit sufficiens; tunc dispensationem locum habere posse, communiter docent Auctores: & in hanc opinionem propendere videtur D. Thomas 2. 2. quæst. lxxxviii. artic. 12. ad 2. *Si autem esset causa apparens, per quam saltem in dubium verteretur, posset stare iudicio Prælati dispensantis, vel commutantis.* Non definit Angelicus, utrum dispensatione, vel commutatione uti debeat Prælati, quando de sufficienti causa dubium occurrit. Igitur, cum causa dispensandi non est manifesta, satius erit votum commutare, dummodo commutationi locus sit: quando scilicet necessitas votantis levatur absque novo

gravi

gravi eius incommodo vi commutationis, tunc votum videtur commutandum; si autem commutatio ipsa incommoda foret votenti, tunc dispensatio esset concedenda. Nec repugno communi opinioni, in clementiorem nempe partem inclinare posse, ac debere Prælatos, quando ex dispensatione nullum consequatur scandalum, aut relaxationis occasio; & alia ex parte votentis utilitas rationabiliter speretur.

VII. Quæst. II. *An valida sit dispensatio, bona fide tam ex parte postulantis petita, quam ex parte concedentis concessa, quando postea deprehenditur, causam quam utraque pars legitimam existimabat tempore petitionis, ac concessionis, reipsa falsam esse, & nullam?* Resp. Adfirmant Salmanticenses, Sanchez, Lessius, Tamburinus, Leander, Sporer, Roncaglia: quia, inquirunt, incredibile est aliam esse mentem sive superioris humani, sive ipsius Dei. Sic enim scrupuli plures vitantur, & Prælatorum gesta firma manent. Addit Sporer ad benignitatem Dei pertinere confirmare quæ bona fide concessa sunt. Ita arguantur Auctores isti.

VIII. Contraria tamen sententia probabilior est mihi, quam propugnant Castropalaus *tract. xv. disput. 11. punct. 9. num. 4.* Basilii Legionensis *I. Part. tract. 111. de leg. disput. ult. punct. 8. §. 25.* Petrus Passerinus *quæst. lxxxvii. artic. 1. num. 735.* La Croix *Lib. III. part. 1. dub. 8. num. 342.* Ratio satis manifesta est. Omnes fatentur, ad validam dispensationem iustam causam requiri; atque superiore peccare, & quidem graviter, spectata materiæ gravitate, si absque legitima causa dispensationem largiatur. Ergo, quoties causa ista deficit, dispensatio quoque corruat necesse est. Antecedens, nempe nullam esse dispensationem, si nulla adsit dispensandi causa, omnes, ut dixi, concedunt, & propugnant. Causam quoque in hac quam versamus quæstione deficere, pro certo constituunt adversarii. Quomodo ergo negare audent, dispensationem nullam esse? Quia bona fide reputata fuit vera & legitima causa tempore concessionis? Quid inde? Nil certe aliud hinc colligitur, nisi & dispensatorem, & petitem innocentem egisse, & utrumque a culpa quavis immunem fuisse; quousque causa existimata fuit vera, & legitima. Ad benignitatem Dei pertinet confirmare ea quæ bona fide concessa sunt. Causa tamen requiritur. Numquid autem apparens, ficta, & non vera? Absit. Ad benignitatem ergo Dei spectat confirmare errorem? Quod consentaneum divinæ sit bonitati ad culpam non imputare quod bona peragitur fide, verum habet. Sed quod hinc veliat inferre, benignitatis quoque divinæ esse rationem habere quod falso nititur fundamento, immo quod reipsa falsum est, & nullum; rationi repugnat. Hoc sane si decet benignitatem probabilificam, non decet hercle bonitatem divinam. At iussunt, scrupulos vitari, sedari conscientias, regimen felicitas procedere, si dicatur validas esse præfatas dispensationes. Hæ

sunt meræ officiæ, & nugæ, seu consueta Probabilissimi principia, quibus ultra-
 fas leges dilatari, & extendi solent. Sola vera legis observantia scrupulos con-
 vellit, conscientias sedat, & regimen felix saustumque constituit. Scrupulis tol-
 lendis, & conscientiarum tranquillitati, & sausto regimini optime consulimus, si
 dicamus dispensationem bona fide petitam, & concessam a culpa excusare, usque
 dum bona fides permaneat. Sublata autem bona fide, & causæ falsitate depro-
 hensa, lex, seu votum servandum est. Quid? Possessor ergo bonæ fidei retinebit
 bona aliena, etiam cum malæ fidei dominus evasit? Id consequitur ex adverfa-
 riorum principiis. Verum plura de hoc in tractatu de legibus. An postea e con-
 trario causa existente vera, & legitima, sed a dispensatore ignorata, valida sit
 dispensatio temere, & non absque culpa concessa, possitque dispensatus eadem il-
 lite uti, in tractatu citato de legibus dicetur.

IX. Quæst. III. *Quænam sint causæ legitime dispensationem impertiendi?* Resp.
 Antequam sigillatim causas assigno, pauca generatim præfabor. Tria, ut adver-
 runt communiter Auctores, in dispensatione observanda sunt. Primum est, quod
 liceat secundum æquitatem; secundum, quod deceat secundum honestatem; &
 tertium, quod expediat secundum utilitatem. Illud etiam tamquam principium
 universale & certum, habendum est, scilicet votum, quod gravius est, eo gravio-
 rem exigere pro dispensatione causam; ita ut proportio quædam congrua sit in-
 ter votum quod est relaxandum, & causam talis relaxationis. Vota Religionis;
 castitatis, triplicis peregrinationis, perpetuo ieiunandi, ingentes elemosynas ero-
 gandi, vota gravissima sunt: idcirco gravem pro dispensatione causam exigunt.
 Vota inferiora, magisque frequentia, puta deferendi habitum talis Sancti, invi-
 sendi talem imaginem, adeundi tale Sanctuarium, & his similia, cum sint mino-
 ris momenti, minor quoque causa satis est ad obtinendam dispensationem. Ra-
 tio obvia est. In votis prioris generis materia Deo per votum consecrata ma-
 gnopere in illius cultum cedit. Porro nullum adest fundamentum præsumendi,
 Deum velle remittere solutionem gravis tributum, quando non adest urgens ratio
 quæ talem suadeat indulgentiam. Hinc est quod communis praxis obtinet ut ra-
 rissime absoluta dispensatio impertiatur in præfatis votis; sed fere semper aliquid
 commutationis vel ipsi Pontifices summi permiscere solent, ut communiter o-
 mnes docent. Neque tamen hinc inferendum est, numquam dispensationem in-
 tegram concedendam esse. Potestas enim in Ecclesia residet dispensandi, distin-
 cta a potestate commutandi. Ergo integra, & absoluta dispensatio concedi po-
 test, & quandoque debet; cum iusta & legitima occurrat causa. Nec requiri-
 tur quod causa evidens sit: in moralibus enim non semper necessaria est cer-
 titudo evidens; & ea sæpe haberi non potest. Satis ergo est ut causa cogno-
 scatur moraliter, seu probabiliter existere; ita ut, omnibus serio inspectis, iudi-
 cetur

cerur expediens esse & bono communi, & voventis honestæ utilitati, votum relaxari.

X. Causæ autem peculiares, quæ sufficere possunt ad dispensationem concedendam, sunt dubitatio de voto emissio, imperfecta deliberatio in vovendo, difficillima executio eiusdem, morale periculum sæpe votum violandi ob fragilitatem hominis voto obstricti: item si ob aliquem metum, etiam levem, editum esset. Qualibet ex his causis occurrente Episcopus dispensare valet.

XI. Quæst. IV. *An sola imperfecta deliberatio voventis causa sufficiens sit ad dispensationem ei concedendam?* Resp. Adfirmant communiter recentiores: quia, inquirunt, omnes Auctores pro causis concedendæ dispensationis non modo difficultatem in exequendo assignant, verum etiam facilitatem nimiam vovendi, & deliberationem imperfectam. Ergo, quando ex his duabus una occurrat causa, dispensatio licite concedi potest. Caietanus 2. 2. quæst. lxxxviii. art. 12. dub. 3. Soto Lib. VII. de iust. quæst. 1. art. 2. Prado cap. xxxi. quæst. xiv. num. 119. Castropalauus disput. 11. punct. 9. num. 7. Suarez Lib. V. cap. xvii. num. 8. Tamburinus Lib. III. cap. xvi. §. 4. num. 13. Sanchez Lib. IV. cap. xlv. num. 28. Leander tractat. 1. disp. xvii. quæst. ix. Salmanticenses tract. xvii. cap. 111. punct. 13. num. 122. Verum hæc sententia mihi non probatur. Nam si imperfecta deliberatio fuit ita repentina, & imbecilla, ut votum nullum effecerit; cessat quæstio. Si vero votum validum maneat, nullumque impedimentum obstat executioni, cur relaxandum votum est? Quando ergo voto valide, licet non cum perfecta deliberatione, emissio additur executionis difficultas, idoneam dispensationis causam adesse concedo; si nulla addatur peculiaris gravisque difficultas, solam indeliberationem illam nego esse sufficientem dispensandi causam. At, inquis, Auctores inter causas dispensationis enumerant facilitatem vovendi absque perfecta deliberatione. Hoc concedimus; sed negamus simul illos rationabiliter talem causam adducere. Et hanc nostram sententiam defendunt Valentia 2. 2. disp. vi. quæst. vi. punct. 7. Suarez Lib. VI. cap. xvii. num. 14. Passerinus quæst. clxxxvii. art. 1. num. 744. ubi alios citat. Quare in praxi summa cautio adhibenda est, quando ob solam imperfectam deliberationem, & facilitatem vovendi petitur dispensatio. Expendenda siquidem est istius imperfectæ deliberationis natura, unde habuerit originem; consideranda quoque est voti gravitas, & voventis conditio: atque omnibus serio perpensis vel absoluta dispensatio, vel dispensatio commutationi admixta poterit impertiri. Qua de causa votis impuberum, ob solam eorum imbecilem discretionem, teneramque ætatem absoluta dispensatio concedi non debet: quia in illa ætate possunt habere sufficientem deliberationem, & sæpe illam habent. Quando vero eiusmodi votis adiuncta esset difficultas, aliave impedimenta, tunc tenera ætas faciliorem redderet dispensationem, ut optime advertit Passerinus loc. cit. num. 745.

XII. Quæst. V. *An imperfecta deliberatio, orta ex timore mortis, naufragii, alteriusve gravis periculi, sufficiens regulariter fit ad voti dispensationem?* Resp. Adfirmant Salmanticenses num. 123. ex Tamburino, & Tamburinus ex Castropalao; qui conceptis verbis oppositum docet in eo ipso loco a Tamburino citato, nempe tract. xv. disput. 11. punct. 9. num. 9. sic inquit. *Timor mortis conceptus ex naufragio, infirmitate, vel alia causa ad extorquendum votum non appositus, non præstat regulariter sufficientem causam dispensationis: quia frequenter non excludit maturam deliberationem.* Tamburinus autem Lib. III. in Decal. cap. xvi. §. 4. num. 16. ait. *Hinc, si quid vovisti ob timorem mortis, naufragii &c. ... dispensationem impetrare licite vales: nam tametsi hic timor non sit incussus ad extorquendum votum, præstat tamen regulariter ex Sanchez, & Castropalao sufficientem causam dispensationi: quia cum immatura deliberatione sic voveri solet.* Familiaris est Tamburino huiusmodi in referendis Auctorum sententiis diligentis defectus. Sententia Castropalai vera est. Non enim præfati timores adimunt deliberationem necessariam ad votum. Quid quod sin omnia, certe plurima vota eduntur ob aliquod malum vitandum, aut commodum assequendum? Non negaverim tamen, quandoque timorem imminentis naufragii, alteriusve periculi ita mentem perturbare, ut perfectam impediatur deliberationem; atque adeo dispensationem aut absolutam, aut commutatione intermixtam, varietate circumstantiarum inspecta, concedendam esse. Idem dicendum de voto ex aliqua vehementi commotione iræ, mœroris, & similium. Talia communiter non solent esse causæ sufficientes dispensationis; interdum tamen esse possunt.

XIII. Quæst. VI. *An difficultas executionis voti sufficiat pro concedenda voti dispensatione?* Resp. Si difficultas prævisa non fuit, sed tota post editum votum appareat, & sit gravis; communis est Auctorum sententia, tunc iustam adesse dispensandi voti causam; maxime si quidquam commutationis immisceatur. Si difficultas prævisa fuit, etiam tunc locum esse dispensationi docet Tamburinus loc. cit. num. 18. Tamburinum exscribit Sporer sect. 3. num. 40. & sequuntur Salmanticenses num. 124. qui omnes adfirmant, difficultatem prævisam regulariter loquendo causam esse legitimæ dispensationis. Ego contra aio, regulariter loquendo, ipsam non esse causam dispensationis; quamvis non negaverim, aliquando tales occurrere circumstantias posse, quibus spectatis, dispensatio concedenda sit. Quænam porro sint eiusmodi circumstantiæ, iam iam dicam. Ratio quam opponunt Tamburinus, Salmanticenses, Sporer, alique, nullius momenti est; videlicet quod, licet difficultas prævisa fuerit, executio tamen semper addit quidquam maioris difficultatis. Hoc utique verum habet. Sed simul falsum est id ex genere suo vel tantillum causæ præbere ad dispensationem concedendam. Cuiviscumque etenim rei, & promissionis executio hæc indivisam secum affert difficultatem.

Quis

Quis vero dixerit, hanc executionis difficultatem vel causam, vel occasionem præbere ad vinculum rei promissæ solvendum? Quare exclamatio Tamburini in-
 quientis: *O quovis cogitatione soli præliamur, in quaque pericula ruimus, ad que-
 rum tamen primum occursum expallescimus, & terga vertimus!* aut nihil conclu-
 dit, aut infert omnia promissa rescindenda esse.

XIV. Dictum est, absolute difficultatem prævisam natura sua haud esse suffi-
 cientem dispensandi causam. Occurrere tamen circumstantiæ possunt quæ difficul-
 tati additæ sufficientem pro dispensatione impertienda causam præbere dispensa-
 tori valeant; ut si difficultati implendi votum adnexum sit grave & ingens illud
 violandi periculum. Quare difficultas sine periculo non sufficit; nec quodcumque
 periculum semel, aut iterum votum transgrediendi. Tunc ergo adest sufficiens
 dispensandi causa, quando talis est difficultas, quæ, personæ voventis conditione
 spectata, coniunctum habeat ingens periculum in voti transgressionem frequenter
 prolabendi. Hac ratione Alexander III. *cap. Veniens, qui Clerici, vel nov.* ob in-
 continentię periculum mulieri castitatis voto astrictæ dispensationem impertit.
 Quæ sententia communis est penes Theologos. Soto *Lib. VII. quest. IV. art. 3.*
 Suarez *Lib. VI. cap. XVII. num. 12.* Passerinus *quest. cxxxvii. art. 1. num. 752.* &
 alii fere omnes. Gravis quoque conscientię turbatio idoneam dispensationis causam
 suppeditat; ut si vovens frequentibus angatur scrupulis gravibus; ita ut ma-
 gis ei noceat quam profit voti executio.

XV. Quæst. VII. *An dubium de voto emisso iusta causa sit obtinendæ dispensationis?*
 Resp. Si dubium sit de sufficienti, & necessaria intentione tum vovendi, tum se
 obligandi; cum tunc incerta sit voti existentia, fundamentum habetur dispensa-
 tionis concedendæ. Quod intelligas velim, dum dubium verum est, seu, ut solet
 a quibusdam appellari, negativum. Si enim probabiliores adestent rationes pro
 voto; tunc dubitatio nullam præberet dispensandi causam. Quin nec ipsum du-
 bium solum, nisi aliquid aliud accedat, satis est ad dispensandum votum, sed tan-
 tummodo ad commutandum. Similiter, si dubium sit, utrum voti executio im-
 pediat maius bonum, cultumque divinum, incertum constituit votum, & præbet
 dispensandi causam, ut communiter Theologi docent.

XVI. Tandem, si boni communis incrementum, aut damnum eiusdem exigat
 voti relaxationem; dispensatio concedi potest. Quamobrem ad sedandas lites, &
 tranquillitatem donandam provinciæ, vel civitati, dispensari potest cum homine
 voto castitatis obstricto: idemque dicunt de eo qui ob votum ieiunandi impedi-
 retur exercere lectiones, aut conciones valde civitati utiles. Item, si votum ce-
 dat in damnum domus, ut si ex absentia voventis familia grave damnum subi-
 ret; dispensatio concedi facile posset. Quare ad conservandam illustrem familiam,
 in voto castitatis dispensari poterit; si aliquid commutationis addatur. Denique

maius ipsius voventis spirituale bonum poterit esse sufficiens dispensandi causa : Finis namque voti est bonum spirituale voventis . Quoties ergo executione voti maius bonum voventis impediretur, & eiusdem relaxatio conferret in illius maiorem utilitatem; satis rationabilis foret causa dispensandi .

XVII. Placet in calce huius capituli advertere , quod , quamquam verum sit ; vera , & manifesta existente causa , posse superiorem absolute dispensare in votis , quia talis potestas ipsa residet in Prælati Ecclesiæ ; admodum raro tamen occurrit causa adæquata dispensandi absolute , præsertim in votis gravioribus & perpetuis . Hinc ipsa Sedes apostolica vix dispensationem impertitur sine aliqua commutatione . Et hæc omnia communia sunt . Quid , si vera , & evidens causa dispensandi absolute habeatur ? Tenetur ne superior dispensare ? Adfirmat Passerinus num. 760. ipsum aliquando teneri , quando scilicet omnibus expensis iudicet aut bono communi , aut bono privato spirituali voventis id graviter expedire .

C A P U T . XIV.

De votorum commutatione , ac de illis qui vota commutandi facultatem habent .

I. **C**ommutare est unum pro alio substituere . Quare commutatio voti non aufert illius vinculum , sicuti dispensatio ; sed , vinculo voti manente , alteram substituit materiam , quæ in prioris locum succedat ; seu clarius , in commutatione solvitur prius vinculum , & aliud subrogatur . Commutatio ergo voti definiri potest : *Permutatio unius materie pro altera sub eadem voti obligatione .* Differt ab irritatione , quæ est actus potestatis dominantis auferentis omnem obligationem , nulla etiam occurrente causa , re absolute spectata , ut supra dictum est . Discrepat rursus a dispensatione , quæ tollit omnem obligationem .

II. Commutatio est effectus iurisdictionis spiritualis . Omnes illi qui possunt dispensare vota , valent etiam ea commutare , quamquam non e contrario : quod verum habet non solum de iis qui potestate fruuntur ordinaria , verum etiam de illis qui potestate delegata instructi sunt . Cur commutatio sit actus iurisdictionis docet D. Thomas in IV. dist. xxxviii. quæst. i. art. 4. quæstiunc. 4. *In commutatione est quidam contractus , qui non potest perfici sine consensu utriusque partis . Unde non potest fieri immutatio voti , nisi interveniat consensus eius qui vicem Dei gerit in terris , scilicet Prælati , nisi forte unum votum ab alio includatur . Et quia votum Religionis includit omnia alia vota , tum ratione perpetuitatis , tum ratione obedientiæ , qua homo voluntatem suam Deo tradit , per quam sui , & omnium dominus esse potest ; idcirco ille qui aliquod votum temporale fecit , potest , non requisita alicuius Prælati dispensatione ,*

Re-

Religionem intrare, non obstante voto præcedente, quod ingressum Religionis impediret.

III. Quæst. I. *An quis propria auctoritate valeat suum votum commutare in bonum evidenter melius?* Resp. Quoniam non leve dissidium est inter Auctores super proposita quæstione, accuratius ea discutienda est. Et primum convenit inter omnes, quod, quando melius, seu maius bonum situm est in materiæ promissæ incremento, quisque valeat propria auctoritate votum suum permutare. At hæc non est commutatio, seu substitutio unius pro alia materia; sed est abundantior solutio: ut, si vovisses erogare centum aureos in eleemosynam, & erogares ducentos. Similiter, si promississes centum argenteos, & dares centum aureos, non esset vera commutatio, sed redundantior solutio: tota quippe diversitas materialis est, quia aurum prævalet argento; & quantum ad solvenda promissa diversitas inter aurum & argentum nulla reputatur, quia hoc in illo includitur. Porro, quando minus bonum includitur in maiori bono, tunc non est vera commutatio, de qua in præsens; sed, ut diximus, perfectior voti observatio. Hoc colligitur ex doctrina D. Thomæ, qui docet, quemquam posse propria auctoritate vota quæcumque privata, etiam reservata, commutare in votum Religionis: quia hoc omnia alia particularia vota includit, quemadmodum universale singularia continet. Inquit enim 2. 2. quæst. lxxxviii. art. 12. ad 1. *Dicendum, quod omnia alia vota sunt quorundam particularium operum; sed per Religionem homo totam vitam suam Dei obsequio deputat. Particulare autem in universali includitur. Et ideo Decretalis dicit, quod reus voti fraßi non habetur qui temporale obsequium in perpetuum Religionis observantiam commutat.* Controversia ergo est de vera commutatione, in qua una pro alia disparata materia subrogatur: ut, si vovisti ieiunium, & illud in eleemosynam commutes; si promissisti recitare officium B. Virginis, & recites postea plura Rosaria. Hic est verus quæstionis status.

IV. Prima sententia, quam omnes novi Moralistæ sustinent, adfirmat, quemque, sive laicum, sive Ecclesiasticum, sive virum, sive mulierem, propria auctoritate posse suum votum commutare in id quod est evidenter melius. Ab Auctoribus recensendis abstinco: quia, ut dixi, omnes receptiores in hanc concedunt sententiam. Confule Sanchez *Lib. IV. cap. xlix. num. 4.* & Salmanticenses *tract. xvii. cap. iiii. punct. 14. num. 132.* ubi plures citant Auctores. Probant autem primum ex cap. *Scripturæ* de voto. *Reus fraßi voti non habetur qui temporale obsequium in perpetuum nescitur Religionis observantiam commutare.* Et ex cap. *Licet* de Reg. ubi decernitur, licentia petita, quamquam non obtenta, licitum esse transire de laxiori ad arctiorem Religionem. Unica autem istius sententiæ ratio hæc est. Quod est evidenter melius, est Deo gratius, & acceptius. Quod autem Deo magis gratum est, non potest non ei placere. Quod rursus Deo placet, licitum est

est. Ergo commutatio voti in aliquid evidenter melius propria voventis auctoritate facta licita est. Enimvero, cum voluntas Dei sit rectissima, non potest non acceptare quod revera est magis bonum, magisque perfectum. Quando ergo evidenter constat, materiam substitutam esse absque ulla dubitatione meliorem; non videtur ambigendum quin possit materia minus bona voto promissa in hanc manifeste meliorem commutari. Tamen si hominibus non semper placeat quod melius est, sed quod est illis magis commodum; id tamen de Deo suspicari haud possumus: ex sua quippe rectitudine fertur in id quod melius revera est. Atque ita, quando nobis constat evidenter, subrogatam voto materiam esse meliorem; nobis quoque constat de consensu ipsius Dei eandem materiam acceptantis. Hoc est unicum fundamentum istius sententiæ: quæ, si recentiorum Theologorum auctoritas spectetur, non modo probabilis, sed communissima, & probabilissima apparet.

V. Secundam sententiam conceptis verbis docet D. Thomas in IV. dist. xxxviii. quæst. i. art. 4. quæstiunc. ult. in corp. *Commutatio est quidam contractus, qui perfici nequit absque consensu utriusque partis: & ideo nequit fieri sine consensu eius qui vicem Dei gerit in terris.* Hæc D. Thomæ doctrina ex ipsa Scriptura eruta est, in qua *Levit. xxvii. vers. 9.* hæc habentur. *Animal autem quod immolari potest Domino, si quis venerit, sanctum erit, & mutari non poterit, id est, nec melius malo, nec peius bono;* scilicet nec melius in malum, nec peius in bonum: *quod si mutaveris, & ipsum quod mutatum est, & illud pro quo mutatum est, consecratum erit Domino.* Hoc etiam colligitur ex *cap. Licet de Regularibus*, ubi dicitur, non licere Religioso professio a laxiori ad arctiorem transire, nisi prius petita superioris licentia. Hanc sententiam defendunt D. Bonaventura in IV. *supplem. dist. xxxviii. quæst. i. art. 5.* ubi de redemptione, & commutatione voti, *vers. de voti redemptione lit. 9.* Pallacios in IV. *dist. xxxviii. disp. iiii. colum. 27.* Sylvester *verb. Votum 4. quæst. vii. disto 2.* ibique allegat *leg. 2. ff. Si cert. petat, Lib. II. inst. quib. mod. sol. obli.* ubi non liberatur solvens rem meliorem, nisi solvat quod debet. Antiquiores Canonistæ quoque favent communiter huic sententiæ. Innocentius *cap. Pervenit num. unic. de iure iurand.* Ioannes Andreas *ibi num. 2.* Hostiensis *ibi num. 1.* Antonius *ibi num. 5.* Baldus *ibi num. 2.* Ancharanus *ibi num. 1.* Abbas *ibi num. 2.* Henricus *ibi num. 1.* Bellamera *ibi num. 2.* Felinus *ibi num. 1.* Alexander de Nevo *num. 7.*

VI. Hæc sententia tum ob auctoritatem antiquorum Theologorum, ac potissimum sanctorum Thomæ, & Bonaventuræ, tum ob rationum vim mihi probabilior videtur. Sed, antequam rationes promo, iuvat in mentem statim revocare quæstionis, videlicet in præsentia sermonem esse de vera commutatione, in qua una materia diversi omnino generis, & disparata a prima iam per votum nuncu-

pa-

pata, substituitur : quod optime animadverterunt Salmanticenses *num.* 129. Plures enim qui pro contraria sententia allegantur, sensum hunc controversiæ perspicuum minime habuerunt. Nam Henricus a S. Ignatio contrariæ subscribit sententiæ : quia, inquit *Lib. X. cap. xlvii. num.* 365. minus bonum continetur in maiori bono ; ut, si promissisti ovem, & bovem dones. Hanc autem non esse veram voti commutationem, sed perfectiorem, & abundantiorum eiusdem solutionem, iam dictum est. Loquimur ergo de illis qui voverunt ieiunia, & ea commutant in elemosynam ; aut contra, qui voverunt peregrinationem, & commutant illam in preces ; atque de aliis similibus.

VII. Rationes pro nostra sententia proponuntur. Commutatio voti est actus iurisdictionis spiritualis. Sed sæculares personæ carent omni spirituali iurisdictione ; ecclesiasticæ autem personæ exercere in semetipsas iurisdictionem non valent. Ergo nequeunt propria auctoritate vota sua commutare. Prima propositio extra disputationem est constituta. Siquidem Salmanticenses *num.* 127. inquirunt : *Commutatio votorum est actus iurisdictionis spiritualis, non minus ac dispensatio. Quare illi omnes, & non alii, de quibus diximus posse iure ordinario in votis dispensare ob superioritatem, & iurisdictionem ecclesiasticam, possunt commutare potestate ordinaria vota.* Quæ assertio communis est penes omnes eiusdem sententiæ patronos. Secunda etiam propositio manifesta est. Tertia tandem necessario consequitur ex utraque.

VIII. Hæc commutatio, inquirunt, non est actus iurisdictionis ; sed prudentiæ, & cognitionis naturalis. Verum hoc gratis asseritur. Commutatio absolute ex genere suo, & suapte natura actus iurisdictionis asseritur ; quidni & ista ? An quia est in materiam meliorem ? Quid, si esset in materiam inferiorem ? Esset, inquirunt, actus iurisdictionis. Quid, si esset in materiam æqualem ? Etiam, respondent. Maius ergo materiæ pretium iurisdictionem destruit ; eiusdem autem vilitas illam progignit ? Iurisdicção non spectat directe materiam, sed vinculum promissionis ; iustitia vero æqualitatem, aut inæqualitatem materiæ promissioni suppositæ inspicit. Porro, dum votum commutatur, solvitur prius vinculum, & aliud substituitur. Clarius rem explico. Vota plura dicuntur genere, seu specie distingui ob specificam distinctionem materiæ ; puta votum ieiunii specie distinguitur a voto elemosynæ ob specificam materiarum diversitatem. In vera ergo commutatione, de qua agimus nunc, unum votum commutatur in aliud. Ergo prius rescinditur, seu destruitur, & loco illius alterum succedit. Porro rescisso contractus, seu promissi est actus iurisdictionis ; & si contractus spiritualis sit, iurisdictionem exposcit spiritua-lem. Hæc doctrina tota est D. Thomæ. *Commutatio est quidam contractus qui perfici nequit absque consensu utriusque partis : & ideo perfici nequit absque consensu eius qui vicem Dei gerit in terris, scilicet Prælati, nisi forte unum votum ab alio includatur.*

IX. His paucis verbis nostram firmat Angelicus sententiam, & contrariæ sententiæ æquivocationem elidit. Quando unum votum, inquit, ab altero includitur, nempe minus in maiori; tunc non est vera commutatio, sed perfectior solutio: ut, si quis vovisset quinquaginta, & donaret centum. Quando autem vota sunt disparata, tunc contingit vera & stricta commutatio; nec unum votum includitur in altero, licet perfectiori. Quis dixerit votum ieiunii includi in voto eleemosynæ, aut votum peregrinationis in voto deferendi vestem pœnitentiæ, vel contra? Ut ergo commutentur eiusmodi vota, requiritur iurisdictio spiritualis. Et, licet evidens sit, votum elargiendi mille aureos in eleemosynam valde prævalere voto unius aut alterius ieiunii; non ob id tamen mutatio fieri potest absque iurisditione, seu auctoritate illius qui vicem Dei gerit.

X. Confirmatur nostra sententia alia ratione, qua simul contraria opinio convellitur. Quod potissimum in voto consideratur, est vinculum illud quo vovens devincitur ad offerendum Deo id quod promissit: neque tam æstimatur res promissa, quam debitum illam dandi, & fidelitas exequendi. Eiusmodi ligamen quo vovens Deo astringitur, est sacrificium pretiosius quacumque victima promissioni subiecta. Deo siquidem magis placet fidelitas implendi promissum quam cuiusque rei promissæ pretium. Quemadmodum e contrario maioris iniquitatis reus efficitur qui votum non implet, ob mendacium infringendi promissum Deo factum, quam ob iniustitiam surripiendi Deo rem promissam. Qui autem propria auctoritate votum commutat, infringit promissionem, & mendax evadit. Illicite ergo illud commutat.

XI. Ita est, inquiunt, quando certi non sumus de consensu creditoris. Quando autem materia substituita evidenter melior est, certi sumus de consensu ipsius Dei, qui, cum rectissimæ voluntatis sit, semper id quod melius est, acceptat. Respondum istud ex iis quæ diximus, convulsam remanet. Siquidem id quod est gratius Deo, magisque acceptum, est oppignoratam fidem exonerare, seu promissionem exacte implere. Porro qui votum iam nuncupatum commutat, fidem datam non solvit, sed violat. Non violatur votum, reponis, quia melior hostia substituitur, atque adeo melius impletur. Scire vellem quomodo votum violari possit, nisi materiæ mutatione. Nulla quippe alia via est promissi infringendi, nisi aut subtractione, aut mutatione materiæ. Si materia aut omnino subtrahitur, aut diminuitur, fides simul, & iustitia, quæ debitum compensationis rei detractæ parit, violantur. Si materia mutatur aut in æquale, aut in melius bonum; integra consistit iustitia, quæ rei æqualitatem spectat; sed & fides data ex parte promittentis, & ius quod promissarius acquisivit, ut sibi servetur facta promissio, persumdantur. Hinc magis patet quam imbecillis sit responsio data, scilicet certos nos esse de consensu ipsius Dei in rem meliorem. Certi namque sumus, Deum velle ut sibi

sibi servetur promissum factum, & nullo modo mutetur, ipso inconsulto. Hoc est melius, & maximum bonum, quod Deo præ quacumque alia quantumlibet pretiosa victima placet. De hoc nos certi sumus, secus de aliis quæ obiciuntur.

XII. Accedit quod ratio adversariorum non modo probat, posse quemquam commutare votum proprium in melius, sed etiam in æquale bonum; quod tamen maior illorum numerus negat, ut videre licet penes Sanchez *Lib. IV. cap. xlix. num. 12.* Siquidem, si id quod melius est, magis Deo placet; id quod æque bonum est, æque Deo placere debet. Cur ergo præsumitur consensus Dei in melius bonum, secus in æque bonum? Gratus est Deo, inquit Sanchez *num. 12.* hominem perseverare in priori voluntate, supposita promissione facta, quando loco prioris materiæ non subrogatur aliquid pretiosius, quo compensetur recessus a priori voluntate Deo oblata. Nos vero reponimus, nullum incrementum maioris æributi Deo persolvendi satis esse ad hoc ut vovens surripere licite valeat victimam semel Deo per votum oblatam. Enimvero, quantumlibet melior, & pretiosior sit materia offerenda, efficere nequit ut non sit mendax, & datæ fidei violator qui materiam promissam non offert, seu qui promissionem non implet.

XIII. Tandem, sicut difficillimum est, & ferme impossibile, cognoscere æqualitatem inter duo bona moralia, ita ut bonum iam promissum possit commutari in aliud æquale bonum; ita difficile est iudicare quodnam sit melius bonum, quod dici debeat gratus Deo: quia maius rerum pretium fundamentum sufficiens minime est ad inferendum quod illud sit Deo gratus. Etenim quæ nobis videntur meliora, non ita semper talia sunt coram Deo. Melior a nobis esse censetur elemosyna mille aureorum quam unius diei ieiunium; & tamen fortassis gravior Deo erit observantia ieiunii quam talis elargitio elemosynæ.

XIV. Concludamus itaque, neminem posse propria auctoritate commutare suum votum in aliud votum diversi generis; puta votum ieiunii in elemosynam, quantumvis magnam, peregrinationis in ieiunia &c. De hac quippe commutatione hucusque locuti sumus, & de hac una commutatione disputant Auctores, ut clare explicant Salmanticenses. Idque præ oculis est semper habendum, ne confundatur cum vera voti commutatione perfectior voti solutio, ut quando intra eandem speciem auges rem promissam.

XV. Ex his patet solutio ad argumenta contrariæ sententiæ. Auctoritas enim quæ opponitur ex *cap. Scripturæ de voto*, loquitur de eo qui adstrictus voto privato, amplectitur statum Religionis, omnia vota includentem, ut explicat Angelicus, qui eandem auctoritatem citat, ut dictum est *num. 3.* Alter textus favet nostræ sententiæ: quia est commutatio intra idem quasi genus Religionis; seu est sermo in illo textu de perfectiori observantia professionis monasticæ; & tamen
etiam

etiam in hac commutatione, quæ sane vera, & rigorosa non est; licentia petenda præscribitur; quainquam postea, si iniuste denegetur, transitus ad arctiorem Religionem fieri permittatur. Ad rationem respondetur, quod liberare fidem oppignoratam Deo in priori voto, Deo acceptius, gratiusque est quacumque alia materia, quantumlibet meliori. Accedit quod nos certi sumus, bonum esse, Deoque summe gratum, & acceptum impleri promissum, seu votum nuncupatum servari. Quod vero illa victima noviter offerenda, tamen nobis appareat evidenter melior, sit Deo gravior, potissimum comparatione facta cum observantia prioris voti, certi esse non possumus.

XVI. Ex his clarius multo colligitur, neminem propria auctoritate posse commutare votum suum sive in æquale, sive in minus bonum. Quod non possit commutari votum in minus bonum, omnes concedunt; quod neque in æquale, communior opinio defendit. Disputant vero, an peccaret mortaliter qui propria auctoritate commutaret proprium votum sive in minus, sive in æquale bonum. Salmanticenses *tract.* xvii. *cap.* 111. *punct.* 14. *num.* 136. affirmativam opinionem defendunt. Siquidem eiusmodi commutatio nulla est. Commutatio namque votorum actus iurisdictionis est spiritualis, quæ residet in solis Ecclesiæ Prælati. Ergo actus sine hac iurisdictione nullus est. Si nullus, remanet obligatio implendi prius votum sub gravi culpa; perinde ac si nulla commutatio facta fuisset. Pro hac sententia citant Suarez, Palaum, Pradum, Azorium, Raphaelem de la Torre, quibus & nos accedimus.

XVII. Quæst. II. *An qui vovit unam ingredi Religionem, valeat propria auctoritate aliam æque bonam intrare?* Resp. Negat communior, & probabilior opinio, quæ sustinet, votum commutari non posse propria voventis auctoritate in æquale bonum. Quod si votum esset de ingressu in quoddam peculiare Monasterium, tunc licere propria auctoritate aliud eiusdem ordinis ingredi, docet Sanchez *Lib. IV. cap.* 1v. *num.* 15. ex Suarez *Lib. VI. cap.* xix. *num.* 11. nisi tamen in observantia regulari esset magna disparitas inter utrumque Monasterium. Additque Sanchez aliam quoque limitationem, nisi scilicet quædam peculiaris maioris divini servitii ratio induxisset voventem ad determinatum Monasterium. Mihi autem neque aliam Religionem, neque aliud Monasterium talem voventem ingredi posse, probabilius est. Quoniam sicut qui vovisset aliquam eleemosynam, aliquem calicem, & quodcumque donum huic Monasterio determinato, nequiret alteri Monasterio, eiusdem licet ordinis, illud conferre; ita qui sui ipsius viciniam voto consecravit uni Monasterio, non valet propria auctoritate alteri Monasterio eiusdem ordinis, & regularitatis se se tradere. Non me latet, iuxta Caietanum *opuscul.* xi. *quæst.* 111. & Becanum *quæst.* x. *de voto* posse quemlibet propria auctoritate commutare votum reale donandi lampadem argenteam Ecclesiæ D. Petri in votum eandem

dem donandi Ecclesiæ B. Virginis. Verum hæc mihi non probatur sententia: quoniam, licet simplex propositum, seu promissio facta, & non acceptata ab Ecclesia, seu Rectore eiusdem, possit mutari: quia nullum ius habet Ecclesia, usquedum non fuerit acceptata promissio: hoc tamen dici nequit de voto Deo facto dandi aliquid tali Ecclesiæ: quia vi voti astringitur vovens plene, & ex omni parte illud implere. Porro, si uni Ecclesiæ alteram subrogaret, illud integre non impleteret. Idem dic de voto dandi eleemosynam huic pauperi determinato.

XVIII. Quæst. III. *An in rebus quæ usu consumuntur, possit una pro alia voto promissa substitui?* Resp. Adfirmat Sanchez *loc. cit. num. 6.* quia non est mutatio moralis, ut in vino, oleo &c. Si mutatio sistit intra eandem speciem, ut si vovisti hoc vinum, hoc triticum, hoc oleum, & aliud oleum pro primo oleo substituis; & ipse sentio nullam reperiri mutationem realem. Quamquam hæc vix contingunt in praxi. Aut enim perit prius vinum, oleum, triticum &c. aut non. Si perit, cessat quæstio. Si consistit, cur mutare debes? Si vero mutatio esset in diversam speciem, puta si vino substituendum foret triticum, aut vinum oleo; tunc minime concederem talem mutationem, quia esset moralis mutatio. Nec video quo fundamento asserat Leander *quæst. xiv.* pro quantitate vini substitui posse eandem quantitatem olei. Hoc ego nequaquam concederem. In rebus vero quæ unico usu non consumuntur, idem Sanchez cum Suarez docet, mutationem fieri non posse: ut, si vovisti servum, non satisfacis dando valorem in pecunia; nec, si vovisti pecuniam, votum imples dando calicem: quia hæc non eidem usui inserviunt; & una materia utilior altera esse potest.

XIX. Quæst. IV. *An qui vovit tradere filium determinatum Religioni, possit alterum propria auctoritate offerre?* Resp. Negant D. Antoninus II. P. tit. xi. cap. ii. §. 3. Sylvester *verb. Votum 4. dic. 6.* ubi citat Petrum de Palude. Est opinio probabilior. Ratio patet ex iis quæ dicta sunt.

XX. Quæst. V. *An laicus, vel Clericus coniugatus capax sit iurisdictionis commutandi vota?* Resp. Negat communis, & verâ opinio; nisi accedat pontificia dispensatio. Feminae quoque sunt incapaces talis spiritualis iurisdictionis. Qua de causa Abbatissæ non possunt commutare vota Monialium, sicut neque cum illis dispensare valent. Similiter Prælati excommunicati denunciati, aut notorii Clericorum percussores commutandi vota facultatem non habent. Solis ergo illis per se competit potestas commutandi vota qui in iisdem possunt dispensare.

CAPUT XV.

Quam æqualitatem servare debeant legitimi votorum commutatores; & quæ causæ requirantur ut legitima fiat commutatio.

I. **N** Eminem propria auctoritate commutare posse sua vota in materiam si-
ve inferiorem, sive æqualem, sive meliorem, iam ostensum est. Nunc
explicandum superest, quem modum in materiæ subrogatione servare debeant
qui legitima auctoritate potiuntur vota commutandi. De pura ac simplici com-
mutatione nobis in præsens sermo est, quæ nihil dispensationis permixtum ha-
beat. Sunt enim qui tum dispensandi, tum commutandi facultatem habent, ut
Pontifices, Episcopi, & Prælati regulares respectu suorum subditorum. Hi, dum
vota commutant, aliquid dispensationis permiscere valent; atque adeo in mino-
rem obligationem, seu materiam commutare vota queunt. De illis ergo loqui-
mur qui tantummodo commutare vota possunt, ut sunt illi qui commutant vi
bullæ cruciatæ, aut iubilæi, aut alterius privilegii; & ut sunt in nostra sen-
tentia Confessarii regulares, qui commutare vota, secus in eisdem dispensare
possunt.

II. *Quæst. I. An in mera votorum commutatione æqualitas materia servanda sit?*
Resp. Prima sententia sustinet, licitum esse commutare votum in materiam mi-
norem: tum quod difficile sit punctum æqualitatis acu tangere; quapropter du-
bitationibus, & scrupulis, atque conscientiarum perturbationibus exposita res es-
set: tum quod probabile sit quemquam propria auctoritate posse commutare
sua vota in materiam æqualem; ex quo sequitur aliquid amplius posse superio-
ris facultatem; alioquin frustranea esset. Hanc sententiam defendunt Bonacina
disp. IV. quæst. II. punct. 7. §. 3. num. 11. Diana *II. Part. tract. XVI. & in Miscell.
resol. 8.* Lbander *tract. I. disp. XVII. quæst. XII.* laudatque Sa, Medinam, Ara-
gon, Lessium, Tolerum, & alios.

III. Altera sententia communior, & probabilior est, meram votorum commu-
tationem in æqualem moraliter materiam faciendam esse. Ratio ex doctrina D.
Thomæ superius tradita colligitur. Dictum est, commutationem contractum esse
inter commutantem nomine Dei & voventem. Sed contractus quilibet æqualita-
tem exposcit. Ergo & contractus iste commutationis. Hæc autem æqualitas in
contractu permutationis in hoc sita est, quod materia quæ substituitur, æquet
materiam cui subrogatur. Nonne in quolibet civili contractu hæc æqualitas in-
ter gra consistit: debet, ne iniuria violetur? An minister recte negotium domini

age-

ageret, si potestate sibi collata res illius commutandi abuteretur pro maiori re minorem recipiendo? Privilegia, & Principum beneficia latam utique interpretationem excipiunt, salvo semper verborum legitimo sensu, & iustitiæ integritate. Cum datur potestas commutandi, non confertur facultas dispensandi. Commutatio, utpote contractus quidam, suapte natura in rebus permutandis æqualitatem postulat; nullumque suppetit fundamentum latius interpretandi privilegium commutationis: quoniam, sublata rerum permutandarum æqualitate, perit natura veræ commutationis. Hanc sententiam defendunt Paludanus in IV. dist. xxxviii. *quæst.* iv. *art.* 3. Caietanus 2. 2. *quæst.* lxxxviii. *art.* 12. Rosella *verb.* Votum 5. *num.* 6. Sylvester *verb.* Votum 4. *quæst.* viii. in *fn.* Sotus Lib. VII. de *iustit.* *quæst.* iv. *artic.* 3. Sanchez Lib. IV. *cap.* v. *num.* 4. Suarez Lib. VI. *cap.* xii. Azorius Lib. XI. *cap.* xviii. *quæst.* vi. Sayrus *Clav. Reg. Lib.* VI. *cap.* xii. *num.* 9. Layman Lib. IV. *tractat.* iv. *cap.* viii. *num.* 34. Castropalaus *tractat.* xv. *disp.* 11. *punct.* 16. *num.* 6. Salmanticenses *tractat.* xvii. *cap.* iiii. *punct.* 15. *num.* 139. VVigandt *tractat.* x. *exam.* 3. *num.* 64.

IV. Hæc æqualitas, quam præfati Auctores postulant, non est arithmetice, & mathematice accipienda; sed moraliter, seu quæ prudenter & bona fide talis existimatur: nec enim nimis religiose metienda res est. Et hoc etiam in aliis contractibus servatur. Hinc corrui primū contrariæ sententiæ fundamentum. Ad id quod secundo loco dicunt, negamus opinionem illam probabilem esse. Quæ etiam probabilitate admissa, non inde inferitur, posse legitimum commutatore substitui in commutatione minorem materiam. Sed vovens in materiam evidenter æqualem, ut ait illa opinio, & Prælati in probabiliter æqualem votum debent commutare.

V. Hinc non parum fallitur Patritius Sporer *tractat.* iiii. in 2. *præcept. Decal. cap.* iiii. *sec.* 4. *num.* 122. ubi suos Dianam, Tamburinum, & Gobatum sequens, docet posse fieri commutationem ab habente potestatem in minorem, seu inæqualem materiam; dummodo hæc inæqualitas non sit ita magna, quæ satis sit dispensationi alicui. Insuper contendit, ita docere Sanchez, aliosque communiter Theologos. Neque aliud (inquit Sporerius) velle videntur Sanchez, & alii communiter. Sanchez, & Auctores alii communiter nostram sententiam conceptis verbis propugnant. Quare, ut quoquo modo excusetur Sporerius, dicendum est, eum nec legisse Sanchez, nec alios. Contendit siquidem ille non esse servandam in commutatione votorum eam æqualitatem quæ in aliis servatur contractibus: quia in istis, inquit, nulla intervenit potestas iurisdictionis, sicut in nostra commutatione votorum. Poterunt ergo ministri dominorum absque potestate contractus ab illis initos commutare? Non requiritur utique potestas spiritualis iurisdictionis, sicut in votis; sed requiritur potestas civilis. Ceterum & Sanchez, & alii Theo-

logi eam æqualitatem in votorum commutatione requirunt quæ in contractibus reliquis communiter servatur; ut cuique eisdem legenti constare poterit.

VI. Cum dubia est æqualitas inter materiam voto subiectam, & materiam voto subjiçendam, commutationi locus relinquitur. Quoniam non requiritur, ut dictum est, æqualitas mathematica, sed moralis. Quando dubitatio occurrit, non est certa inæqualitas nec pro una, nec pro altera parte: idcirco dubium dependendum est, & nimia missa religione, sive superstitione, bona fide ea æqualitas servetur quæ in ceteris contractibus a viris prudentibus servari solet. Consule quæ infra dicturi sumus.

VII. Ex his colligitur, commutationem in materiam minorem, & absque debita æqualitate, non carere culpa mortali, ut inquit Sanchez *loc. cit. num. 8.* quia læditur ius divinum in re gravi, & divinus cultus minuitur. Maior tamen, vel minor inæqualitas attendenda est: quia, si inæqualitas parva sit, levem solummodo culpam commutans perpetrabit. Quare, ut secure sibi prospiciat commutans, in quidquam melius semper permutare votum studeat. AEQUALITATEM enim attingere difficillimum est. Dum autem Dei causa agitur, melius bonum subrogandum videtur, ut tutius Dei negotium promoveatur, inquit vel ipse Sanchez *loc. cit. num. 10.*

VIII. Quæst. II. *Quæ causa requiritur ad licitam, validamque commutationem?* Resp. Cum commutatio (ut dictum est) sit contractus initus inter voventem & Deum ipsum, ut licite, valideque executioni mandetur, causa requiritur: quod iam ex D. Thoma 2. 2. *quæst. lxxxviii. art. 12.* superius demonstravimus.

IX. Quando tamen commutatio in evidenter melius bonum facienda est a Præbato, legitima potestate prædito, nullam requiri causam concedunt omnes. Excessus enim boni substituendi sufficiens existimatur causa commutationis. Negavimus supra id fieri posse a vovente, eo quod nullam habeat facultatem commutandi propria vota. Hæc autem facultas Præbato inest: idcirco ille etiam sine causa externa commutare vota potest in bonum quod sit evidenter melius. Tunc enim duo quæ ad commutationem necessaria sunt, occurrunt, nempe augmentum divini cultus, & legitima auctoritas.

X. Si materia in quam facienda est commutatio, sit evidenter æqualis, & simul probabiliter melior, fieri posse commutationem a Præbato etiam sine causa, docent communiter Auctores; nec ipse repugno: quoniam ex una parte tunc certum est nullam occurrere divini cultus iacturam, sive diminutionem, & altera ex parte probabile est eiusdem divini cultus incrementum haberi.

XI. Dum commutatio facienda est in rem æqualem, causam aliquam Præbatus habere debet. Ut quid enim infringenda est voti obligatio, nulla causa ex parte voventis, nulla utilitate maioris cultus ex parte Dei existente? An ne

pru-

prudens haberetur minister ille: quī contractus sui domini pro arbitrio absque ullo commodo permutaret? Hæc quoque opinio communis est.

XII. Quando summus Pontifex in iubilæo, vel bulla cruciatæ, aut aliquo alio privilegio dat facultatem vota commutandi, non requiritur aliqua causa peculiaris, ut valida, & licita sit commutatio; sed sola sufficit executio illorum operum, eleemosynarum, precum, & ieiuniorum quæ in præfatis bullis præscribuntur. Talem siquidem facultatem in similibus eventibus ob bonum commune summus Pontifex impertitur, & similia opera imponit. Secus vero dicendum est, dum Prælati commutant vi potestatis ordinariæ, aut dum Confessarii regulares commutant vi potestatis delegatæ. Immo ad istorum commutationem potiori iure causa necessaria est.

XIII. Quæst. III. *Quenam causa requiritur, quando votum commutatur in æquale bonum?* Resp. Salmanticenses tract. xvii. cap. 111. punct. 16. num. 145. ubi elegantè Caietanum, Pradum, Sanchez, Dianam, & alios, docent sufficere pro causa præfate commutationis solam petitionem voventis: quod sùsus docet Sanchez Lib. IV. cap. l. num. 23. Eorum ratio est, quia hæc benignitas, inquit, cedit in Dei honorem. Concedunt illicitam esse commutationem, si Prælati pro arbitrio illam præstaret; secus, dum illam impendit, ut petitioni voventis indulgeat. Hæc opinio satis sibi constare non videtur. Fatentur præfati Auctores, naturam ipsius commutationis causam exigere, etiam dum sit in æqualem materiam: quod potissimum Sanchez probat loc. cit. num. 17. Quod porro hæc causa sita universe sit in voventis petitione, quoddam paradoxon videtur. Nam petitio dispensationis, & causa sive dispensandi, sive commutandi, duo sunt omnino distincta. Et, si quis absolute diceret, ipsam petitionem privilegii, favoris, & cuiusque gratiæ, esse iustam concessionis causam, quid inauditum proferret.

XIV. Dicimus ergo, præter petitionem voventis aliquam aliam requiri causam ad licitam voti commutationem in æqualem materiam. Non est tamen necesse quod sit causa gravis, sed sufficit levis, eo quod, dum æqualis materia subrogatur, non diminuitur cultus divinus, sed solum voventis fidelitas leviter violatur: idcirco levis causa satis est, puta aliqua peculiaris difficultas, quæ ob sit executioni. Ita sentiunt Sylvester verb. Votum 4. in fine, Rosella verb. Votum 5. num. 6. Angelus verb. Votum 4. num. 10. Sotus Lib. VII. de iust. quæst. iv. art. 3. Azorius Lib. XI. cap. xviii. quæst. 111. Sayrus Clav. Reg. Lib. VI. cap. xii. num. 26. Vivaldus candelab. sacram. III. Par. cap. xiv. num. 15. & 22.

XV. Quæst. IV. *An commutatio in rem æqualem sine causa facta sit invalida?* Resp. Illicita profecto est talis commutatio, secus invalida. Iustitia enim absolute servatur, quæ æqualitatem deposcit. Solummodo abutitur Prælati potestate

sibi tradita in re levi. Idcirco ex defectu illius levis causæ non potest invalida effici præfata commutatio.

XVI. Quæst. V. *An commutatio voti in minus bonum absque rationabili causa sit invalida?* Resp. Omnes consentiunt, eo graviorem causam in voti commutatione requiri, quo minor materia, seu obligatio subrogatur priori obligationi; quemadmodum maior causa necessaria est pro dispensatione, in qua omnino voti vinculum solvitur, quam pro commutatione, in qua non solvitur omnino voti vinculum, sed unum pro alio substituitur. Disputant vero Auctores, num sicut defectus rationabilis causæ invalidam reddit dispensationem, ita nullam efficiat commutationem. Dictum est, commutationem in æqualem materiam consistere validam, etiamsi causa deficiat. Controversia solummodo est de commutatione in minus bonum sine causa facta.

XVII. Validam esse eiusmodi commutationem, docent non pauci Auctores, hac adiecta conditione, quod vovens teneatur supplere defectum materiæ subrogatæ; ita ut æquet priorem materiam. Hanc opinionem defendunt Sanchez *Lib. IV. cap. v. num. 8.* Candidus *disq. xxv. art. 2. dub. 3. conclus. 6. & 7.* Diana *Par. II. tract. xvi.* alique. Rationes illorum sunt, quod mitius cum Deo quam cum hominibus agatur. Permutationes autem civiles inter homines validæ sunt, etiam absque causa factæ, ut patet *leg. 2. de rescindenda venditione*. Potiori ergo iure idem de votorum commutatione dicendum est. Accedit quod commutatio in minus bonum cum causa facta, valida est iuxta omnes cum sola obligatione supplendi æqualitatem prioris materiæ: ergo etiam sine causa valorem habebit.

XVIII. Contraria sententia, cui adhæremus, communior, & probabilior est. Quoniam commutatio actus est iurisdictionis spiritualis, qui sine causa nullus est; ut patet in dispensatione, quæ sine causa invalida est iuxta D. Thomam 2. 2. *quæst. lxxxviii. art. 12.* Siquidem Prælati, sive dispenset vota, sive vota commutat, Deum refert, eiusdemque vices gerit. Deo autem acceptum minime est quod sine causa relaxentur vota sibi nuncupata: neque enim suam concessit potestatem in destructionem, sed in ædificationem. Porro, si absque causa vota relaxarentur, sive dispensando, sive commutando, totum esset in destructionem. Ergo, ut valida sit commutatio, Deoque accepta, ob causam rationabilem fieri debet. Hanc sententiam defendunt Suarez *Lib. VI. de voto cap. xix. num. 14.* Prado *cap. xxxi. quæst. xv. num. 40.* Ludovicus Lopez *I. Par. cap. I.* Castropalaus *disp. 11. punct. 17. num. 2.* Salmanticenses *tract. xvi. cap. 111. punct. 16. num. 148. & alii.*

XIX. Contrariæ sententiæ argumentis facillime fit satis. Mitius cum Deo quam cum hominibus agendum est, sed salva semper iustitia. Commutationes civiles va-

lidæ

lidæ sunt, etiam sine causâ factæ: quia sic leges decrevisse scimus ad lites, & diffidia vitanda. Nullibi vero nobis constat Deum facultatem impertiisse relaxandi vota sine causâ; sed oppositum immo ratio, & Doctores suadent. Ad secundum negatur consequentia: quia, dum adest causâ commutandi, & potestas in Prælato, concurrunt omnia ad valorem commutationis requisita. Si vero Prælatus plus iusto deficiat in subrogatione materiæ, delinquit contra æquitatem; quod non officit valori actus. Verum, dum causâ deficit, potestas quoque deest: quia concessa a Deo est, ut in ædificationem exerceatur; quod tunc contingit, cum rationabilis causâ commutandi occurrit.

XX. Ex his colligitur, potiori iure nullam esse voti commutationem in minus bonum factam propria auctoritate, seu ab eo qui caret irisdictione, ut ex dictis constare potest. Nec satis sibi constat Sanchez, dum *cap. li. num. ii.* contendit non esse omnino irritam commutationem præfatam: quoniam capitibus præcedentibus nullam asseruit voti commutationem factam sine legitima potestate in bonum æquale, nedum in bonum minus. Quare qui votum commutaret in minus bonum, prius votum implere deberet.

XXI. Quæst. VI. *Quodnam peccatum committat Prælatus absque causâ legitima votum commutans in minus, aut æquale bonum?* Resp. Suarez *Lib. VI. cap. xix. num. i.* docet, Prælatum hunc graviter peccare, eo quod abutatur potestate sibi tradita. Idemque potiori iure adfirmat de eo qui propria auctoritate votum in æquale bonum commutaret, nisi ignorantia excusaret a culpa. Verum, quando non esset notabilis diminutio ex parte materiæ subrogatæ, sed æqualitas moralis salva consisteret, non auderem peccati mortalis damnare Prælatum. Peccaret equidem, quia abuteretur aliquo modo potestate sibi concessa. At difficile in praxi est tantam reperiri malitiam in commutatione voti, æquali materia subrogata, ut mortalis noxæ reus evadat Prælatus commutans: tum quia difficile est nullam occurrere causâ talis commutationis; tum quia ignorantia illius culpam facile diminueret potest. Commutabit namque persuasus opinione probabilî, quæ licet eum non excuset omnino, culpam tamen eius extenuat. Sanchez *loc. cit. cap. li. num. 16.* sustinet, voventem quoque qui propria auctoritate commutat votum in rem æqualem, non excedere limites culpæ venialis, eo quod sit infidelitas modica. Sed ego subscribere huic opinioni detrecto. Quandoquidem vovens ille usurparet sibi auctoritatem in re gravi, qualis est commutatio votorum. Quamvis etenim haberetur æqualitas in permutatione materiæ, foret tamen læsio iuris in usurpatione potestatis; quæ, ut mihi videtur, levis dici minime valet.

XXII. Quæst. VII. *An præsumenda sit dispensatio permixta commutationi, cum commutatio apparet illegitima, utpote manifeste in rem minorem?* Resp. Volunt nonnulli, præsumendam tunc esse dispensationem, quando vir doctus votum commu-

tat : quia præsumitur , virum doctum non ignorare rem adeo claram . Si autem non constet de scientia commutantis , ut non raro evenit ; tunc subdunt , commutationem illegitimam habendam esse , potissimum si certum habeatur , Confessarium permutare vota vi bullæ , aut iubilæi , quibus sola commutandi , non dispensandi facultas conceditur . Si non expressit , cuius facultate commutaverit , nec causam commutandi postulaverit ; illegitima præsumenda commutatio est : quia , si dispensasset , causam requisivisset . Contra , si causam examinavit , & commutans erat Confessorius ex Regularibus fruentibus privilegiis , præsumenda est dispensatio admixta commutationi . Si denique , omnibus expensis , dubia res maneat , possessio stat pro priori voto . Sic docet Sanchez *loc. cit. num. 17.* Quæ omnia nobis non probantur . Quod de Confessoribus regularibus asseritur , iam supra demonstratum est , eisdem minime frui privilegio dispensandi in votis . Confirmamus vero votum primum servandum esse , cum de valore commutationis dubitatio occurrit .

C A P U T XVI.

De commutatione votorum vi iubilæi , aut bullæ cruciatæ.

I. **Q**UAMVIS bulla cruciatæ , ut vocatur , in pluribus regnis minime obtineat ; quia nihilominus eadem fere de illa ac de iubilæo occurrunt difficultates enucleandæ , idcirco inquirentes nos , quid in votorum commutatione possint Confessarii vi iubilæi , bullæ quoque cruciatæ meminimus , de qua tamen non nisi oblique verba faciemus . Clausula quæ in bulla iubilæi continetur pro votorum commutatione , hæc est : *Ac vota quæcumque ab eis emissa (castitatis , & Religionis dumtaxat exceptis) in alia pietatis opera commutare.* Facultas vero quæ in bulla cruciatæ conceditur , eiusmodi est : *Et illis vota omnia (ultramarino , castitatis , & Religionis dumtaxat exceptis) in aliquod subsidium huius expeditionis per eundem Confessorem commutari possint .* Ut ex diversitate utriusque clausulæ patet , amplior est facultas concessa in iubilæo quam in bulla cruciatæ . Nam in hac , præter vota castitatis , & Religionis , excipitur insuper votum peregrinationis ultramarinæ . In iubilæo vero facultas conceditur commutandi vota triplicis peregrinationis , Hierosolymitanæ , Romanæ , & Compostellanæ . In bulla quoque restringitur facultas commutandi vota in aliquod subsidium ad sacrum bellum peragendum ; quæ coarctatio deest in iubilæo , vi cuius fieri commutatio potest in quæcumque pietatis opera .

II. Vota castitatis , & Religionis , quæ excipiuntur tum in bulla , tum in iubilæo , sunt

sunt vota perfecta, & absoluta, ut supra dictum est. Quare non intelliguntur reservata vota non nubendi, non fornicandi, castitatis conjugalis, castitatis ad tempus limitatum; nec vota dolo, metu, aut errore edita. Omnia similia vota vi bullæ, aut iubilæi commutari possunt, sive edita fuerint ante promulgationem iubilæi, sive post, sive etiam facta spe obtinendæ commutationis per iubilæum, ut communiter Auctores docent.

III. Quæst. I. *An hæc commutatio fieri debeat intra, aut extra Confessionem?* Resp. Quicumque facultatem vota commutandi habent sive vi bullæ cruciatae, sive iubilæi, sive privilegiorum, valent tam intra, quam extra confessionem commutationis beneficium largiri. Et ratio clara est: quoniam privilegia quæ commutandi facultatem impertiuntur, eam non illigant confessioni sacramentali. Cur ergo limitari a nobis debet talis facultas pro sola confessione præfata? Non est ergo necesse ut Confessarius audiat voventis confessionem, ut possit licite, & valide vota commutare. Opinio communis est.

IV. Quæst. II. *An vi iubilæi, vel bullæ fieri in minus commutatio possit?* Resp. Adfirmant non pauci, eo quod privilegium aliquid operari debet. Nihil autem efficeret, nisi prior obligatio in minorem mutari posset: quia in æquale quilibet auctoritate propria suum commutare votum potest. Ex iis quæ supra dicta sunt, constat falsam hanc esse opinionem. Privilegium operatur ut fiat commutatio in æquale moraliter bonum; quod propria auctoritate nemo efficere valet. Ceterum privilegium non impartitur facultatem iniustam efficiendi commutationem, quæ suapte natura æqualitatem postulat. Esset autem iniusta, si in minus bonum fieret.

V. Quæst. III. *An vi iubilæi, vel bullæ possint commutari vota Religionis, & castitatis necessitate urgente?* Resp. De hac quoque difficultate superius disputatum est. Ii qui sustinent, posse Regulares vi privilegiorum dispensare, quemadmodum valet Episcopus, in voto castitatis, urgente necessitate, defendunt etiam id eos posse vi iubilæi, aut bullæ. Hanc sententiam nos improbavimus, & nunc quoque reiciimus, negantes, etiam necessitate premente, posse vi iubilæi vota reservata castitatis, vel Religionis commutari.

VI. Quæst. IV. *An votum, sive iuramentum erogandi elemosynam Ecclesiæ, aut pauperi determinato, possit post illius acceptationem commutari virtute iubilæi, aut bullæ cruciatæ?* Resp. Leander *tract. 1. disp. xviii. quæst. xxi.* Trullenchus *lib. I. in Bull. §. 7. cap. 111. dub. 8.* Tamburinus *lib. II. in Decal. cap. xvi. §. 5. num. 5.* docent, esse probabile id fieri posse: quia omnia vota Deo, tamquam fini præcipuo, nuncupantur; ad pauperem vero, vel Ecclesiam diriguntur, seu in finem minus principalem, & secundarium. Ergo, sicut votum in solum Deum directum potest propria voluntate in melius commutari, ita poterit commutari votum quod

cedit in maiorem aut pauperis, aut Ecclesiæ utilitatem. Hanc vero opinionem ut improbabilem nos reicimus: quoniam pauper, vel Ecclesia post acceptationem promissionis, voto, aut iuramento firmatæ, ius acquirit in rem promissam. Porro nullum privilegium impertiens facultatem commutandi vota, potestatem simul impertit lædendi iustitiam, seu ius tertii. Antequam votum acceptetur, votum commutari potest, quia nondum pauper ius habet in bona promissa. Sed acceptatione secuta, nullo modo absque illius consensu promissio data infringi potest. Et est opinio communis, ac vera.

VII. Quæst. V. *An qui semel lucratus est iubilæum, possit post illud commutationem votorum obtinere?* Resp. In bulla cruciatæ expresse definitur, quod anno durante gratiæ in eadem concessæ obtineri possint, secus eo transacto. In iubilæo res definita non est. Ideo qui illud lucratus est, si vota commutari sibi non fecit, quia illorum fortasse est oblitus, poterit illo elapso commutationem consequi, sicut potest a casibus reservatis absolutionem obtinere, etiam transacto iubilæo, quod tempore debito lucratus est, ut docent Sanchez *Lib. IV. cap. xlv. num. 36.* Leander *tract. v. disp. xiv. quæst. xcvi.* Henriquez *Lib. VII. de indulgent. cap. xi. num. 14.* Salmanticenses *tract. xvii. cap. 111. punct. 17. num. 157.* ubi volunt, posse voventem qui etiam data opera, & sciens omisit impetrare votorum commutationem transacto iubilæo, eandem obtinere commutationem. Hoc mihi difficile videtur: qui enim deliberato animo contemnit recipere favores, & beneficia quæ definito tempore Princeps elargitur, dignus minime est ut pro libito eadem accipiat. Sed hæc vix reipsa occurrunt.

VIII. Quæst. VI. *Si quis principio hebdomadæ publicati iubilæi commutari sibi vota curaverit, animo lucrandi iubilæum, sed postea aut negligentia, aut oblivione opera pro suscipiendo iubilæo necessaria omiserit, atque adeo illud minime adeptus fuerit; consistit ne talis commutatio?* Resp. Si quis bona fide votorum commutationem obtinuisset absolutam, & ab omni conditione præcisam, eam validam reputarem: Nihil siquidem deprehendere valeo quod eius valori obstat: ea quippe extra confessionem fieri potest ab eo qui auctoritatem habet. In vovente quoque dispositio animi parati ad lucrandum iubilæum fuisse supponitur. Extincta ergo fuit prior obligatio. Obligatio autem semel extincta numquam reviviscit. Si vero commutatio illigata fuisset piorum operum executioni, quæ necessaria sunt ad assequendum iubilæum; planum esset quod commutatio nulla fuisset, quia utpote conditionata, effectum suum habere non poterat, nisi conditione impleta. Ita Suarez *Lib. VI. cap. xv. num. 9.* Sanchez *Lib. IV. cap. lrv. num. 99.* Salmanticenses *tract. xvii. cap. 111. punct. 17. num. 158.* alique. Addunt Sanchez, Diana, Trullenchus, & Bonacina, ut referunt præfati Salmanticenses, non peccare mortaliter eum qui bona fide votorum commutationem obtinuit animo lucrandi iubilæum, etiam si deinceps

ceps operâ deliberato animo negligat necessaria ad illud consequendum : quod mihi haudquaquam probatur. Siquidem nullo modo præsumi potest Pontificem velle beneficia vi iubilæi impertiri illis qui voluntarie iubilæum istud contemnunt accipere. Quapropter ruit fundamentum Salmanticensium Patrum scribentium, non constare, Pontificis mentem esse ad hoc obligare. Immo addimus nos, cuique secundum leges prudentiæ iudicanti perspectum esse, mentem Pontificis esse denegare sua beneficia iis omnibus qui eadem contemnunt.

IX. Quæst. VII. *Peccat ne Confessarius qui postulatus renuit tempore iubilæi vota commutare?* Resp. Si iusta causa denegandi commutationem adsit, nullam perperabit culpam; si absque causa commutare vota postulanti recuset, peccat plus minusve pro circumstantiarum varietate.

X. Plura alia quæ disputanda hac de re occurrerent, ad tractatum de iubilæo discutienda, & resolvenda remittimus.

C A P U T XVI.

De regressu ad priorem materiam post voti commutationem factam, & acceptatam a vovente.

I. Quæst. I. *An quando votum commutatur in aliam materiam, extinguatur prior obligatio?* Resp. Convenit inter Theologos, in hoc differre commutationem a dispensatione, quod in hac vinculum voti omnino solvatur; in illa vero tantummodo mutetur, ut conceptis verbis tradit Angelicus in IV. dist. xxxviii. quæst. i. art. 4. quæstiunc. 3. *Quando votum commutatur, vovens absolvitur ab uno; & ligatur ad aliud; sed quando in voto dispensatur, simpliciter a voto absolvitur, sine hoc quod ad aliud ligetur.* Extincta vero obligatione præstandi primam materiam voto promissam, confurgit altera eiusdem generis obligatio, quæ nempe sub voti, & religionis vinculo astringit voventem ad solvendum pensum subrogatum.

II. Quæst. II. *An facta voti commutatione, teneatur vovens exequi priorem materiam, si materia substituta facta sit impossibilis, vel ipse sua culpa eam præstare omiserit?* Resp. Certum est voventem contra votum peccare, si materiam, seu onus subrogatum deliberate exequi negligat. V. g. vovisti eleemosynam: hæc in ieiunium tibi commutata fuit tali hebdomada exequendum. Hoc tua culpa omisisti, aut ob infirmitatem observantia reddita est impossibilis. Quantum ad primam quæstionis partem, communis opinio est, te non teneri ad implendam rem prius promissam: quia per commutationem extincta est illa obligatio. Res autem extincta non reviviscit. Teneris vero onus substitutum implere, etiam elapso tempore de-

fini

finito : quia non fuit illigatum tali temporis ob aliquam eiusdem temporis circumstantiam, sed tamquam termino congruo solutionis, non tamquam termino finientis obligationis.

III. Advertunt communiter Auctores, non reviviscere pristinam obligationem; quando commutatio facta fuit legitima Prælati, seu iurisdictionem habentis, auctoritate; secus, dum commutatio facta fuit propria voventis auctoritate : tunc enim, si materia per semetipsum subrogata impossibilis quocumque modo facta sit, tenetur vovens priorem implere obligationem.

IV. Quæst. III. *Facta voti commutatione, & a vovente acceptata, liberum ne illi est ad priorem redire materiam?* Resp. Quædam certa sunt in hac quæstione, & quædam contentiosa. Si commutatio facta sit in minorem obligationem, admixta dispensatione; dubio procul ad pristinam regredi materiam vovens licite valet, relicta materia substituta : quia nemo cogitur privilegio uti dispensationis sibi faventis; sed quod melius est, amplecti semper potest. Idem tamquam certum statuunt Salmanticenses de commutatione facta in æquale : quia commutatio est in favorem voventis, cui favori, & beneficio personali renuntiare pro libito potest.

V. Disputant vero Auctores, an liber sit regressus ad priorem materiam, quando commutatio legitima auctoritate facta sit sive in æquale, sive in melius. Adfirmant Sanchez *Lib. IV. cap. IV. num. 26.* Leander *trac. 1. disp. xviii. quæst. xxiv.* Castropalaus *trac. xv. disp. 11. punct. 18. num. 10.* Lessius *Lib. II. cap. xl. dub. 16. num. 111.* Azorius *Lib. XI. cap. xviii. quæst. x.* Bonacina *disp. IV. quæst. 11. punct. 7. §. 3. num. 20.* Laymanus *Lib. IV. trac. IV. cap. viii. num. 27.* Salmanticenses *trac. xvii. cap. 111. punct. 18. num. 169.* alique. Siquidem commutatio, quocumque modo fiat, in favorem, & beneficium voventis fit. Sed unusquisque renuntiare potest proprio favori, ut colligitur ex *cap. Statuimus de regul. iur.* Accedit quod commutatio fit cum tacita hac conditione, ut vovens impleat quod sibi fuerit substitutum, nisi malit votum prius factum implere. Tandem benignitas Dei in hoc potissimum splendet, ut voventes percipiant, mitius cum Deo quam cum hominibus agi. Ex quo inferunt, posse voventem, quoties sibi placuerit, redire ad pristinam materiam, omissa subrogata; & contra respuere pristinam, quam, relicta substituta, iterum elegerat, & redire ad substitutam.

VI. Altera sententia, cui subscribo, negat voventem post commutationem factam in melius, & acceptatam, posse ad pristinam redire materiam. Quoniam, licet commutatio sit in favorem voventis, quod omnes concedunt; hinc tamen handquaquam consequitur posse voventem semper, & quacumque circumstantia inspecta, redire ad priorem obligationem. Ut commutatio dicatur, & sit in voventis favorem, satis est quod rescindat prioris vinculi obligationem, & alterum

onus

onus substituat. Hic est unicus commutationis favor. Anne, quia commutatio faceret voventi, licitum est levem pro gravi materia substituere? Immo omnes fatentur, æqualitatem moralem servandam esse. Favor ergo commutationis eo unice spectat ut prior obligatio rescindatur, & altera substituitur. Quoties vero superior, dum votum commutat, imponit aliquam meliorem materiam, id præstat, ut compenset rescissionem prioris obligationis, qua valde premebatur vovens; onusque levius existimavit materiam substitutam, licet absolute meliorem, implere quam exequi pristinam. Nec enim existimandum est, superiorem pro arbitrio votum in melius commutare; sed ideo id quandoque facit, ut libertatem compenset quam donavit voventi, illum a priori obligatione eximendo. Commutatio quippe contractus quidam est, in quo æqualitas, quoad fieri moraliter potest, servanda est. Quando ergo vovens in hoc contractu acceptavit onus substitutum, vinculo religionis se adstrinxit ad illud implendum. Maior materiæ substitutæ valor in obligationem voti transit; & hanc obligationem libere vovens acceptavit. Nequit ergo ad pristinam minorem obligationem redire. Quandoquidem iam vovens beneficium commutationis sensit ob solutionem prioris vinculi: quod beneficium eo in pretio commutatori habitum fuit, ut iudicaverit æquum fuisse aliquid melioris materiæ voventi imponere ad priorem obligationem æquandam. Ergo ab hoc solvendo onere nequit vovens licite resilire. Accedit quod dum commutatio fit in favorem voventis, simul etiam peragitur in maiorem Dei cultum. Ergo, si vovens fruitur beneficio libertatis a priori vinculo, æquum est ut cultus quoque divinus eluceat per excellentiorem materiam ei offerendam. Tandem confirmatur exemplo quorumcumque civilium contractuum. Contractu inito Petrum inter & Paulum super vase argenteo Petro donando, fit commutatio petita a Paulo, & vas argenteum in aureum commutatur, Petro, cui solvendum est, consentiente, & Paulo, qui solvere debet, acceptante: licitum ne Paulo esset resilire ab hoc secundo contractu, & ad primum reverti, inconsulto Petro? Si id ageret, nonne iustitiam læderet? Quod si iniustum hoc est in humanis permutationibus; quidni & in divinis? Hanc sententiam defendunt Suarez *Lib. VI. cap. xx. num. 1. & 4.* Raphael de la Torre 2. 2. *quest. lxxxviii. art. 12. disp. v. num. 12.* Filliucius *trac. xxvi. cap. x. num. 288.* Reginaldus *Lib. X. cap. 1. num. 362.* Castropalaus vero *trac. xv. disp. 11. punct. 13. num. 9. & Prado cap. xxxi. quest. xv. num. 104.* satis probabilem eam existimant. Contrariæ opinionis argumenta soluta remanent ex probatione nostræ sententiæ. Nam commutatio quantum ad aliqua est in favorem voventis, secus quantum ad omnia: est enim in favorem simul divini cultus. Si autem in quocumque casu semper licitum esset voventi recedere a commutatione facta, & ad priorem redire; item priorem obligationem susceptam relinquere, & ad materiam subrogatam denuo regredi; tunc certe commu-

mutatio esset in solam voventis utilitatem. Verum, cum commutatio contractus quidam sit, in utilitatem, & favorem utriusque partis cedere debet. Quod subdunt, commutationem fieri sub conditione, gratis asseritur, & est contra naturam contractus permutationis. Denique benignitas Dei in hoc summo opere elucet quod ob quamcumque congruam causam remitti priorem obligationem, aliamque substitui patiatur.

VII. Hucusque disputatum est de voti commutatione in melius; nunc pauca addimus de commutatione voti in bonum æquale. Quæ dicta sunt in favorem sententiæ negantis licitum esse regressum ad priorem materiam, quando commutatio est in melius, evincunt quoque licitum non esse hunc regressum, quando commutatio est in æquale. Siquidem etiam, quando commutatio est in æquale, facta fuit ex consensu utriusque partis, & voventis postulantis commutationem, & superioris loco Dei consentientis, ac permutantis. Ergo regressus ad primum contractum, seu votum, licitus minime est, Dei ministro inconulto. In hanc sententiam concedit perdoctus Petrus Passerinus *quest. clxxxvi. l. art. 1. num. 772.* ubi, sententiæ utriusque relatis fundamentis, rationes pro contraria opinione allatas, tamquam infirmas, reiicit; quæ, ut verum fatear, tales mihi quoque videntur. Nam, ut omnia breviter complectamur, permutatio voti naturam voti non tollit; sed permanet votum cum sola materiæ diversitate; & vovens vi voti tenetur implere obligationem sibi impositam a commutante. Atqui, etiam secundum plures Auctores contrariæ opinionis, maxime Sanchez, Salmanticenses, aliosque, vovens non potest propria auctoritate commutare suum votum in materiam æqualem. Ergo fateantur necesse est, illicitum quoque esse regressum voventis ad priorem materiam. Quoniam tunc propria auctoritate commutaret votum. Prior siquidem obligatio voti extincta est, atque nullo modo reviviscit, quemadmodum fatentur omnes adversarii: etenim si materia subrogata evadat impossibilis, non tenetur vovens priorem obligationem exequi. Dum ergo ad priorem materiam reverteretur, novam sibi vovens auctoritate propria obligationem imponeret. Hæc obligatio est obligatio voti. Ergo vovens propria auctoritate commutaret suum votum in æqualem materiam: quod fieri posse, adversarii ipsi renuunt concedere.

CAPUT XVII.

Regula servanda in votorum commutatione.

I. **Q**Uamquam nulla certa, & præcisa regula commutandorum votorum afferi potest; nihilo tamen secius quædam assignari regulæ solent generales, quæ vi prudentiæ Superioris commutantis vota, moderari, & applicari debent, inspectis circumstantiis loci, temporis, & personarum. Licet enim non ostendant præcisam commutationis faciendæ mensuram, magnopere tamen deservient commutanti, ut in praxi proximius limites prudentis æqualitatis attingat.

II. *Regula prima.* In voti commutatione sola materia voto promissa spectanda est, nulla habita vinculi ratione. In dispensatione & materia promissa, & vinculum promissionis consideratur, quia utrumque per eam tollitur; secus vero in commutatione, in qua vinculum remanet, seu aliud eiusdem naturæ subrogatur. Secundum hanc communem regulam in commutatione voti vitandi alicuius peccati non est necessaria impositio gravis materiæ: quippe vinculum præcepti non aufertur, nec vinculum voti; sed transfertur in materiam substitutam. Itaque in voto vitandi fornicationem, spectanda est vis voti ad removendum voventem a lapsu in tale peccatum. Hic enim proximus est istius voti finis. Si deprehendatur votum istud magnam habere efficacitatem ad subducendum voventem a lapsu in tale peccatum, ita ut sine voto frequenter vovens labatur in fornicationis flagitium, raro autem voti vinculo obstrictus; tunc votum summopere cederet in divinum cultum, & voventis utilitatem: quapropter commutandum esset in materiam gravem, quæ pari polleret, iuxta prudentem exilimationem, efficacia ad arcendum voventem a crimine fornicationis. Hanc porro materiam substituendam, gravem, efficacemque ad præfatum finem, communiter reputant Auctores confessionem perpetuam in singulos menses. Si contra, votum nihil, aut parum conferret in finem præcipuum liberandi voventem a peccato; sed potius vovens sacrilegia multiplicaret frequenti criminum perpetratione; tunc materia valde levis in commutatione substituenda esset, qualis foret recitatio officii B. Virginis, aut illius Rosarii semel in hebdomada per quinquennium, plus minusve, variis circumstantiis inspectis.

III. *Secunda regula.* Maior, aut minor materiæ dignitas repetenda haudquam est ab excellentia solius virtutis cuius fructus est; sed inspicendæ circumstantiæ sunt, & potissimum voventis utilitas, loci, temporisque conditio. Ad reprimendam carnis rebellionem vovisti ieiunium, ad temperandam avaritiæ sitim elemosynam. In commutatione facienda non recte subrogaretur ieiunio, quod est

est actus abstinentiæ, oratio, quæ est actus religionis, virtutis licet excellentioris ipsa pœnitentia; nec eleemosynæ prudenter substitueretur actus internus caritatis, aut oratio mentalis: quia eiusmodi exercitia parum conducunt ad finem præstitutum sibi a vovente in suis votis. Nec tamen semper substituitur est materia eiusdem generis; ut, si prior voti materia fuit opus pœnitentiæ, necessario subroganda sint opera laboriosa pœnitentiæ; sed illuc commutans spectare principaliter debet, ut utilitas spiritualis voventis, & divinum obsequium salva sint, & integra, quoad fieri potest. Sacramentorum frequentia est bonum universale, quod solet æquare quamcumque alterius materiæ efficacitatem ad liberandos voventes a criminum perpetratione. Adversus vero avaritiam eleemosyna prævalida est; sed circumstantiæ semper sunt attendendæ.

IV. *Tertia regula*. In quolibet voto. præ oculis potissimum finis qualitas, sive dignitas habenda est. Finis enim quem vovens sibi præstituit, materiam voto subiectam quodammodo erigit, pretiosioresque constituit. Votum abstinendi a iudo, ut periuria, & blasphemiæ vitentur, nobilius ac præstantius multo est ob talem finem, quam si editum fuisset, ne pecuniæ prodigerentur. Finis ergo voventis accurate perpendendus est in commutatione, ut possit subrogari materia quæ aptior sit ad eum assequendum. Et, quo nobilior finis est, eo gravior, digniorque substituenda materia requiritur.

V. *Quarta regula*. Exequendi voti difficultas etiam consideranda est, eo quod difficultas huiusmodi meritum auget. Si votum ieiunii commutandum sit pauperi in eleemosynam, minor quantitas est illi imponenda quam si votum diviti hoc pacto commutaretur: quia Deo acceptior est parva pauperis oblatio quam magna divitum dona, dummodo cetera sint paria. Vires quoque voventium inspicendæ sunt. Plura ieiunia imponenda sunt otiosis, robustis, belluionibus quam debilibus, & operariis hominibus laboriosam vitam ducentibus. Hac ratione in votis peregrinationum examinandæ sunt expensæ, molestiæque itinerum, ut congrua materia, quæ hæc omnia moraliter æquet, substitui possit; quemadmodum communiter Auctores docent, quos citat Sanchez *Lib. IV. cap. lvi. num. 11. & seq.* ubi etiam animadvertit in supputatione expensarum attendendum esse statum, & conditionem voventis: quia res æstimandæ sunt, prout moraliter contingere solent. Et quia communiter divites pedites itinera non arripiunt, plus multo expendere solent quam pauperes; idcirco computandæ sunt expensæ peregrinationis per respectum ad eorum statum & dignitatem: quod etiam Suarez cum aliis docet. Nec solæ itus, sed redditus etiam expensæ computandæ sunt, ut colligitur ex *cap. Magnæ de voto*, ubi expensæ supputantur in commutatione voti Hierosolymitanæ peregrinationis. *Expensas quas fueras cundo, morando, & redeundo factururus*, inquit Pontifex summus. Si vovens tamen deliberasset domi-

citante

cilium figere in termino suæ peregrinationis, tunc reditus expensæ computandæ minime forent. Quando autem sacrarium, aut imago, cuius visitationem quis vovit, propinquior, aut remotior post editum votum evadit, vel quia vovens domicilium mutavit, vel quia translata imago proximior voventi facta est; tunc considerandum est, quonam ex loco votum obliget. Si voti executio peragenda erat ex loco ubi votum nuncupatum fuit, in computatione expensarum eiusdem loci ratio habenda est. Contra vero, si votum solum ex loco propinquiori obliget. Denique itineris pericula, & damna quæ paterentur res domesticæ ex voventis absentia, ac expensæ commorationis in loco peregrinationis, temporisque spatium, quod fuisset in peregrinatione infumendum, haberi præ oculis debent. In his omnibus sicut nimia morositas declinanda est, ita quoque supina oscitantia vitari debet, & ad prudentis œconomiae leges omnia sunt revocanda, ut communiter Auctores docent, potissimum Suarez.

VI. *Quinta regula.* Necesse haud est ut votum personale in personale, & reale in reale commutetur; quamquam id congruum, & expediens sit, dum commode potest commutator talem servare regulam. Hoc colligitur ex cap. 11. de voto, ubi votum peregrinationis Hierosolymitanæ, quod est personale, in votum eleemosynæ, quod est reale, commutatum legitur. Ratio quoque clara est. Quippe in votorum commutationibus cultus Dei, & spiritualis voventis utilitas consideranda sunt. Hæc autem duo æque reperiri possunt in actionibus personalibus, ac realibus. Non est ergo attendenda æqualitas mathematica, sed moralis: quæ prout magis vel minus promovet divinum cultum, magis aut minus apta est ad constituendam æqualitatem cum priori materia.

VII. *Sexta regula.* In votorum conditionalium commutatione considerandum est quam contingens sit eventus conditionis, dum votum conditioni illigatum commutandum est in absolutum. Vovisti e.g. erogare decem aureos in eleemosynam, si navis salva pervenerit ad portum. Petis ante adventum navis, votum commutari in absolutum. Prout magis vel minus probabilis est adventus navis in portum, poterit augeri, vel minui quantitas eleemosynæ. Si dubius sit adventus, decem in quinque; si valde probabilis, in septem circiter commutare poterit; sicuti fit in contractu assæcurationis, in quo maius exigitur pretium, prout magis incertus est eventus. Vovisti Religionem, si pater incolumis ex infirmitate evaserit. Petis commutari votum, antequam pater sanus fiat. Tunc commutandum est in maius, aut minus onus, secundum quod maius, aut minus est paternæ vitæ periculum. Si votum conditionale commutetur in aliud conditionatum, & conditiones sint æque dubiæ; in æqualem materiam commutatio facienda est. Si vero magis certa conditio adiciatur; materia quæ substitui debet, minuenda est. Si commutatio fiat, conditione impleta; tunc commutatio fieri debet

debet in æqualem materiam : quia votum absolutum in aliud absolutum commutatur . Idem dicendum est de voto pœnali , si commutandum sit post pœnam contractam : tunc enim votum evasit absolutum , atque adeo regulæ commutationis voti absoluti servandæ sunt . Quando autem votum commutandum est ; pœna nondum contracta ; tunc consideranda est non solum materia , sed etiam pœna . Qui plura de hoc cupit , consulat Sanchez *loc. cit.* nec enim tanti momenti sunt , ut fusiorem requirant sermonem .

VIII. *Ultima regula* . In qualibet votorum commutatione semper spectanda , & ponderanda est votantis fragilitas , cavendumque ne multum gravetur , aut periculo transgrediendæ novæ obligationis expositus maneat . Facillime est indulgendum , ut commutatio in ea opera fiat quæ eidem faciliora evadunt . Ut , si solitus vovens sit ieiunare , preces fundere , sacram lectionem frequentare &c. in eiusmodi opera vota commutari possunt , ceteris tamen circumstantiis spectatis . Quandoque optio exhibenda voventi est , ut ea sibi feligat onera quæ minus sibi gravia videntur . Frequentia sacramentorum est sanctum illud opus in quod plurima vota commutari possunt . Cui namque hæc non prodest frequentia moderata , v. g. semel in mensem , summopere de eo est pertimescendum .

IX. Exempla quædam votorum commutatorum subiticio ex iure , optimisque Auctoribus eruta . *Cap.* Venientis de voto , commutatur votum Hierosolymitanum editum a quodam puero , cum quo dispensandi causâ iusta erat , in votum eleemosynæ , qua toto vitæ curriculo uni pauperi provideret . Et *cap.* Magnæ , eodem titulo , votum talis peregrinationis ab Episcopo factum commutatur in hoc ut expensas accessus , & recessus illuc mittat ; itineris vero incommoda , & labores vigiliis , ac frequentibus ieiuniis compenset .

X. In peregrinatione communiter Auctores considerant , utrum iter pedestre sit , nec ne . Si vovens pedester peragere debeat peregrinationem ; laborem unius diei itineris pedestris in unius diei ieiunium recte commutari posse decernunt ; & duorum dierum in duo ieiunia &c. Si iter pedestre non fuerit , sed equestre , laborem quatuor dierum in unius diei ieiunium optime permutandum esse cōstituant .

XI. Animadvertit Medina *Lib. I. Sum. cap. xiv. §. 7. reg. 3.* quod qui commutare deberet votum ingrediendi Religionem Dominicanam , pendere deberet onera subeunda a vovente , nempe quotidianam officii canonici recitationem , ieiunia septem mensium in annos singulos , perpetuam a carnibus abstinentiam , industria lanea ad carnes semper deferenda . Porro infert , hoc votum commutandum esse in hæc onera , ut scilicet vovens ieiunet toto tempore vitæ suæ singulis festis feriis , de quindena in quindenam , sacra exomologesi præmissâ , sacram sumat Eucharistiam , quotidie psalmos recitet pœnitentiæ , & eleemosynam iuxta suam

acultatem erogat. Adderem ipse vestitum modestum, cum in colore, tum in ornamentis aureis, vel argenteis non adhibendis. Votum simplex castitatis non posse pura commutatione tolli, docet Sotus *Lib. VII. de iust. quæst. 1v. art. 3.* iuxta illud Prov. xvi. *Omni ponderatio non est digna continentis animæ.* Propterea subdit aliquid dispensationis necessario permiscendam esse.

XII. Votum non ineundi matrimonium commutare solent in confessionem singulis mensibus peragendam per biennium, aut triennium. Adderem aliquam eleemosynam erogandam puellæ pauperi quæ religiosum statum amplecti vellet.

XIII. Votum sacerdotii suscipiendi commutandum esse communiter dicunt in quotidianam psalmorum poenitentiae cum litanis, vel officii B. Virginis, vel Rosarii recitationem, in confessionem, & communionem in quindenae singulas, in votum castitatis servandæ in sæculo, & in obligationem conferendi singulis mensibus eleemosynam pro una Missa celebranda. Si votum respuat castitatis, ut est probabile, ieiunet singulis sextis feriis toto tempore vitæ suæ. Sed in votis similibus satius erit simul cum commutatione dispensationem postulare ab illis qui facultate pollent eam impertiendi. Quia in tam gravibus votis vix adest materia digna subroganda, ut optime advertit Sanchez *loc. cit. num. 43.* Et hæc de votis dicta sufficiant.

LIBER QUINTUS

IN DECALOGUM,

SECUNDUM PRAECEPTUM

TRACTANS:

*Non assumes nomen Domini Dei tui in vanum : nec enim habebit infontem Dominus eum qui assumps-
rit nomen Domini Dei sui frustra.*

Exod. cap. xx. vers. 7.

P R A E L O Q U I U M.

Amplissimam disputationis materiem nobis primum Decalogi præceptum suppeditavit. Secundum vero argumentum exhibet differendi, non quidem adeo vastum, sed multo ob Christianorum pravitatem luctuosius. In istius namque præcepti commentario quod fusiore calamo versandum suscipio, est illud iusiurandum quod gentibus omnibus, quantumvis feris, barbaris, & incultis, summæ semper fuit venerationi, magnoque in pretio habitum. At o tempora, o mores! Quamvis christiana religio præ omnibus aliis sectis iuramenti sanctitatem profiteatur; quamvis in extremis dumtaxat eventibus, pluribusque servatis conditionibus, maximaque cautione, & reverentia sanctum Dei nomen usurpandum doceat; nihilofecius tantus est huius sanæ, & evangelicæ doctrinæ abusus, ut Christianorum plurimi nihil frequentius in ore habeant quam iuramenta, modo in pactis, & contractibus firmandis, modo in rerum emptione, & venditione, nunc in ludis, & oblectamentis, nunc denique in omni familiari sermone. Hæc porro iurandi frequentia tantam peierandi invehit consuetudinem, ut IESU Christi legem, & professionem contempti, ludibrio, & vituperio vel penes infideles ipsos exponat. Nec enim in animum sibi inducere Ethnicis valent, ut credant Christianos verum Deum fide, spe, & caritate colere, ac diligere, cum illos audiant sacrosanctum eiusdem nomen passim contemnere, eodemque in omni sætæ verbo abuti. Verum enimvero, quod uberiores lacrymarum fontem

de-

deposcit, est Casuistarum quorundam doctrina, qua non iurandi consuetudinem ad iustas, rectasque in iuramentorum usu servandas regulas revocant; sed contra, leges ipsas, & regulas iuramentorum ad pravos peierantium mores accommodant: quod non eo in sensu accipi velim, ut ipsorum quisquam horrendum perjurii scelus adprobet; sed ita, potius ut falsa, crudelique benignitate decepti eorum non pauci, cum audiunt in omni fere sermone sanctum Dei nomen usurpári, ad plurimos peierandi periculo subducendos, id quod revera iuramentum secundum Scripturas divinas, Patresque sanctos est, iuramentum non esse, sed dicendi formulam huius, vel illius patrie propriam, suadere misericordie intentione, bonaque fide adnitantur. Effrenis namque, & impotens multorum licentia divinum nomen sine delectu, iudicio, & iustitia adhibendi Summistarum pluribus occasionem dedit scribendi, non iurare homines, quamquam adfirmant *Per Deum* verum esse id quod enuntiant: quoniam vel iurandi animum non habent; vel hæc invocatio *Per Deum* apud quasdam nationes ad patrium loquendi morem reducit; vel *restrictionibus mentalibus* subtrahitur iuramento materia; vel alio, quam ille cui iuratur, intelligit, iuramentum dirigitur. Hinc Christianorum iurandi frequentia Casuistas non paucos ad laxas opiniones cudendas impulit; istorum vero opiniones audaciores in iuramentorum usu Christianos fecerunt; ac denique tum ob illorum scribendi laxitatem, tum ob istorum vanam divini nominis usurpationem sacrilega peierandi consuetudo tam altas egit radices, & tam impune ubique obfirmata viget, ut criminis enormitatem iam fere exuerit. Quapropter, antequam ad iuramenti difficultates enucleandas accedo, de more hæreticorum errores, & quorundam Casuistarum propositiones, partim ab Ecclesia proscriptas, & partim, licet proscriptæ non sint, nimium tamen ab honestate evangelica aberrantes, ob oculos ponam. His omnibus tamen præmittam oportet, quid reipsa Deus hoc secundo suo mandato præcipiat, quidve prohibeat. Plura siquidem in his verbis, *Non assumes nomen Domini Dei tui in vanum*, continentur, quæ nisi in antecessum edisseram, oratio, utpote nullo definita orbe, non posset ubique sibi constare, ac recta incedere via. Primum ergo omnium variam verborum, quibus Deus suum expressit secundum mandatum, significationem patefaciam; deinde ad propositum argumentum versandum accedam.

DISSERTATIO PRIMA

D E

I U R A M E N T O.

C A P U T I.

Quæ Deus præcipiat, quæve prohibeat hoc secundo Decalogi præcepto, exponuntur.

I. **T**Riplicem sensum quo Dei nomen usurpari potest, explicat D. Thomas 2. 2. *quæst.* [xxxix. in eiusdem quæstionis proœmio his verbis. *De assumptione divini nominis nunc agendum est. Assumitur autem divinum nomen ab homine tripliciter. Uno modo per modum iuramenti ad propria verba confirmanda: alio modo per modum adiurationis ad alios inducendum: tertio modo per modum invocationis ad orandum, vel laudandum.* De his tribus & nos, Angelici vestigiis insistentes, sermonem habebimus. Ceterum latius D. Thomas explicat *opus.* vii. plures modos quibus nomen Dei in vanum usurpari valet. Verum quia, dum de variis iuramentorum formulis nobis sermo erit, de illis quoque differeamus; ideo ad id quod reipsa Deus hoc suo mandato præcipiat, quodve prohibeat, manifestandum, gradum facimus.

II. Lex quæque, dum aliquid fieri vetat, simul quæ præstanda sunt iubet. Quare, cum Deus prohibeat nomen suum in vanum usurpari, simul præcipit ut idem sanctum nomen a nobis colatur, honoretur, atque per ipsum sancte iuretur. Duo itaque hoc secundum Decalogi mandatum continet. Primo prohibet ne quiquam sacrosanctum Dei nomen contemnat, polluat, vane, seu sine necessitate, usurpet; atque ne falso, vel frustra, aut temere per ipsum iuret. Secundo iubet nos summo obsequio idem sanctum nomen laudare, & venerari. Hæc perspicue docet Catechismus Concilii Tridentini de secundo præcepto cap. iii. *sect.* 3. *Quæ imperat, illa sunt, nomen Dei esse honorandum, ac per illud sancte iurandum. Hæc rursus quæ prohibet. Nemo divinum nomen contemnat, nemo illud in vanum assumat, neve per ipsum aut falso, aut frustra, aut temere iuret.*

III. Nomen divinum, cui honorem & cultum exhibere iubemur, non accipitur dumtaxat secundum syllabas, litterasque, seu vocis sonum, sed potissimum iuxta id quod nomen ipsum significat. Nomen autem hoc divinam maiestatem prodit, eius-

eiufque infinita attributa. Quocumque itaque nomine immenfa Dei maiestas exprimitur, nos adstringimur nominibus istis honorem tribuere. Frequenter enim in divinis Scripturis Deus appellatur Dominus, Omnipotens, Excelsus, Altissimus, Rex Regum, Iustus, Pater misericordiarum, modisque aliis, sub quibus omnibus honorandus a nobis est. Quare merito Catechismus Tridentinus *loc. cit. sec. 4.* reprobat Iudæorum superstitionem his verbis: *Ex his facile colligitur inanem esse nonnullorum Iudæorum superstitionem, qui, quod scriberent Dei nomen, pronuntiare non auderent; quasi in quatuor illis litteris, non in re divina, vis esset.*

IV. Tum autem Deum laudamus, & honoramus, cum in omnium conspectu illum confitemur; cum illius bonitatem, iustitiam, sapientiam, misericordiamque prædicamus; cum rerum omnium auctorem, opificemque illum agnoscimus; cum illius legem, & mandata addiscimus, & exequi studemus. Divinum nomen honoramus, cum sive in prosperis, sive in adversis eventis Deo gratias rependimus, dicentes cum Iob cap. 1. *Sit nomen Domini benedictum*: vel cum David Psal. xxxiii. *Benedicam Dominum in omni tempore, semper laus eius in ore meo*. Insuper divinum nomen honoramus, cum illius opem imploramus, auxiliumque, quonon a malo liberet, a tentationibus præservet, fortesque, & constantes reddat ad calamitates omnes ferendas, atque perseverantes in via virtutis efficiat. Denique nomen Dei colimus, cum Deum ipsum, necessitate cogente, ad confirmandam incredulis veritatem in testem vocamus, iuxta illud Deut. vi. *Dominum tuum timebis, & illi soli servies, ac per nomen illius iurabis*. Si plura hac de re cupis, consule Natalem Alexandrum *Lib. IV. cap. xv.* ubi quæ Catechismus Tridentinus loco laudato *sec. 5.* tradit, fusius explicat;

C A P U T II.

Hæretici plures sacrum iusiurandum, tamquam illicitum, improbant. Eorum errores recensentur. Iuramentum actum honestum, & licitum Christianis, virtutisque religionis, seu patriæ fructum esse, ostenditur.

I. **P**lures recenset tum antiquos, tum recentes hæreticos, qui iuramenta omnia damnarunt, Alphonsus a Castro *Lib. VIII. verb. Iuramentum*. Antiqui hæretici qui iuramentum quodcumque illicitum esse Christianis docuerunt, sunt Alabanenses, Bagnolenses, seu Baiolenses, Catharistæ, & Pelagiani. Recentiores vero sunt Valdenses, Pseudoapostoli, & VVicleffistæ. Siquidem inter quadraginta quinque propositiones Ioannis VVicleffii damnatas in Concilio Constantiensi *sess. xlv.*

anno 1418. hæc reperitur, quæ in ordine est 43. *Iuramenta illicita sunt quæ fiunt ad corroborandum humanos contractus, & commercia civilia.*

II. Ut hunc errorem suum præfati hæretici evincant, plura tum a Scriptura sacra, tum a ratione arcessita momenta promunt. E Scriptura quidem afferunt illud Osee 1v. *Neque iuraveritis: Vivit Dominus: & illud Zachariæ v. Omnis fur iudicabitur, & omnis iurans ex hoc similiter iudicabitur.* Plura quoque ex Evangelio obtrudunt. Primo opponunt illud Matthæi v. *Audistis, quia dictum est antiquis: Non periurabis; reddes autem Domino iuramenta tua. Ego autem dico vobis, non iurare omnino, neque per cælum, quia thronus Dei est; neque per terram, quia scabellum est pedum eius; neque per Hierosolimam, quia civitas est magni Regis. Neque per caput tuum iuraveris: quia non potes unum capillum album facere, aut nigrum. Sit autem sermo vester, Est, est, Non, non: quod autem his abundantius est, a malo est.* Quo in textu duo præscribuntur. Primo absolute iuramentum prohibetur: id enim significare videtur particula illa *omnino*. Deinde formula firmandi asserciones nostras designatur illis verbis: *Sit autem sermo vester, Est, est, Non, non.* Quæ vero sequuntur, validius iuramenta inhihent: *Quod autem his abundantius est, a malo est.* Iacobus quoque Apostolus cap.v. tanta emphasi iuramentum proscribit, ut hoc præceptum ceteris præferre videatur. *Ante omnia autem, fratres mei, nolite iurare neque per cælum, neque per terram, neque aliud quodcumque iuramentum. Sit autem sermo vester, Est, est, Non, non; ut non sub iudicio decidatis.* Patres etiam Christianis interdicta esse iuramenta non obscure indicant. Tertullianus namque *Libro de idololatria cap.xi.* hæc scribit. *Taceo de periurio, quando nec iurare quidem licet.* Clemens Romanus, seu Auctor constitutionum apostolicarum Lib.VI. cap.xi. *Magister noster præcepit ut neque per verum Deum iuraremus, ut sermo noster firmior, credibiliorque ipso iureiurando haberetur.* Ratione tandem hoc ipsum confirmari potest. Quoniam nequit homo, utpote infimi subfellii, Deum in testem adducere, potissimum ad confirmandos humanos contractus, pacta, & negotia. Persona enim Dei supremi ordinis est: idcirco non potest ad hæc inferiora commercia firmanda invocari sine monstrosa ordinis perversitate.

III. Veritas fidei est, non omne iuramentum prohibitum, vel illicitum esse Christianis. D. Thomas 2. 2. *quæst. lxxxix. art. 2.* hanc assercionem tum Scripturarum auctoritate, tum ratione, tum Sanctorum exemplis evincit. Iuramentum in primis suapte natura honestum demonstrat ex illius origine, & fine. *Ex origine quidem, quia iuramentum est introductum ex fide, qua homines credunt Deum habere infallibilem veritatem, & universalem omnium cognitionem, & provisionem. Ex fine autem, quia iuramentum inducitur ad iustificandum homines, & finiendum controversas.* Deinde ostendit Deum ipsum iuramentum præcepisse; quod numquam fecisset, si iuramentum suapte natura illicitum esset. Porro *Deuter. vi.* hæc

ha

habentur : *Dominum tuum timebis , & illi soli servies , ac per nomen eius iurabis .*

IV. Confirmatur assertio nostra Sanctorum exemplis. Apostolus Paulus ad Rom. x. Deum in testem vocavit his verbis : *Testis enim mihi est Deus .* Iuramento quoque usus est II. ad Corinth. i. *Ego autem testem Deum invoco in animam meam quod parcens vobis non veni ultra Corinthum .* Quæ ad Galatas scripsit , iuramento firmavit cap. i. *Quæ autem scribo vobis , ecce coram Deo , quia non mentior .* Quid plura ? Deus ipse promissionem Abraham factam iuramento confirmavit : *Per me ipsum iuravi , dicit Dominus , quia fecisti rem hanc &c.* Tandem sacræ Scripturæ testimoniis accedit consuetudo Ecclesiæ , quæ iuramentorum usum , necessariis conditionibus servatis , semper adprobavit , sæpius iuramenta exegit vel ad abiurandam hæresim , vel ad delictorum purgationem , vel ad confirmandam pacem , & obedientiam , vel ad finiendas lites , ut testatur Paulus ad Hebr. vi. ubi asserit , quod iuramentum sit *omnis controversiæ finis , & confirmatio .* Quæ fusius declarata habentur in titulis de *heret. de iurjurand. & in Conciliis Epheſin. I. & Constant. & in titul. de purgat. canonica .*

V. Ad argumenta hæreticorum , omiſſis variis responſionibus Hieronymi , Bernardi , & aliorum Patrum , ea reponimus quæ exhibent Augustinus , & Thomas . Istorum enim responſa omnibus fere probantur . Porro Augustinus de *serm. Dom. in mont. Lib. I. cap. xvi.* exponit descriptum Matthæi textum , illumque his verbis interpretatur . *Ita ergo intelligitur præcepisse Dominum ne iuraretur , ne quisquam sicut bonum appetat iusiurandum , & assiduitate iurandi ad periurium per consuetudinem delabatur .* Quapropter qui intelligit , non in bonis , sed in necessariis iurationem habendam , refrenet se quantum potest , ut non ea utatur , nisi necessitate ... Ad hoc itaque pertinet quod sic dicitur : Sit autem sermo vester , Est , est , Non , non : hoc bonum est , & apperendum : Quod autem amplius est , a malo est : idest , si iurare cogeris , scias de necessitate venire infirmitatis eorum quibus aliquid suades : quæ infirmitas utique malum est : unde nos quotidie liberari deprecamur , cum dicimus : Libera nos a malo . Itaque non dixit , Quod autem amplius est malum est ... sed a malo est illius cuius infirmitate iurare cogeris . Hanc eandem responſionem præbet Augustinus citato Tom. IV. Lib. de mendac. cap. xv. ubi eam firmat Pauli exemplo . Iuravit autem ipse Apostolus in Epistolis suis ; & sic ostendit quomodo accipiendum esset quod dictum est : Dico vobis non iurare omnino : ne scilicet iurando ad facilitatem iurandi veniatur , & ex facilitate ad consuetudinem , atque ita ex consuetudine in periurium decidatur . Et ideo non invenitur iurasse , nisi scribens , ubi confidatio cautior non habet linguam præcipientem . Has duas divi Augustini responſiones adoptat D. Thomas loc. cit. eisque solvit primum , & secundum argumentum . Et per hæc quoque patet responſio ad auctoritatem Iacobi , qui eodem in sensu ac Matthæus loquitur .

VI. Ad Patrum testimonia dicimus, illos improbasse facilem iurandi usum; ne-
tquam vero negasse necessarium. Verum utique est hanc exceptionem illos non
assignasse, quoniam id necesse minime erat; quemadmodum nec Christus hanc
exceptionem declaravit, ut animadvertit Soto *de iust. & iur. Lib. VIII. art. 2.* Cum
enim tunc reprehenderent homines ob assuetudinem propensos ad iurandum, id-
circo ad institutum eorum minime pertinebat eosdem docere, aliquando licitum
esse iurare: id siquidem erat per se manifestum. Hoc ipsum nobis passim accidit;
qui dum vitium aliquod redarguimus, & improbamus, non semper oppositam vir-
tutem explicamus. Hanc interpretationem firmat Augustini doctrina, quam, non
tamquam probabilem, vel recenter inventam, sed tamquam communem, nullique
controversiæ obnoxiam, præbet. Ad rationem autem dicitur, non posse hominem
Deum inducere ut propria voce, vel signo veritatem ostendat; quod nec iurans;
nec ille cui iuratur, intendunt; sed tantum homo in testem Deum advocat, ut
veritas quam profert, maiorem auctoritatem fidemque apud alios homines merea-
tur, & credibilior evadat; quod satis est ad iuramenti utilitatem. Opponi etiam
solet factum S. Basilidis martyris, de quo hæc scribit Eusebius Lib. VI. hist. cap. v.
*Cum a contubernalibus suis sacramento adigeretur, nefas sibi esse affirmavit omnino
iurare: quippe Christianum se esse, idque palam profiteri.* At communis responsio
est, Basilidem militem Christianum recenter factum, regulas quas Christiani in iu-
ramentorum usu servabant, ignorasse. Et quoniam observabat Christianos summa
cautione a iuramentis abstinere, quia non nisi urgente necessitate iurabant; falso
existimavit non licere Christianis iuramentum. Præterquamquod non a iudice, sed
a contubernalibus ad iurandum inducebatur, & forte per eorum falsa numina;
ideo iurare recusavit.

VII. Iuramentum itaque Christianis licitum est, servatis conditionibus quas infra
explicabimus. Immo D. Thomas, postquam *art. 2.* adversus hæreticos demonstra-
vit, iuramentum licitum esse, & honestum, *art. 4.* ostendit actum esse virtutis re-
ligionis, seu patriæ: quoniam iurator, invocans Deum in testem, Dei fidem pro-
fitetur, qua Deum recognoscit tamquam primam veritatem, omniumque rerum
conditorem, & provisorum. Quemadmodum ergo actus religionis est precatio,
qua Deus ut auxiliator invocatur; sic religionis actus est iuramentum, quo Deus
ut testis veritatis invocatur: utrobique enim Deo reverentia exhibetur. Unde,
concludit Angelicus, *manifestum est quod iuramentum est actus religionis, sive
patriæ.*

CAPUT III.

Recensentur propositiones quæ iuramentum spectant, ab Ecclesia proscriptæ.

INter sexagintaquinque propositiones quas anno 1679. damnavit Innocentius XI. quatuor, seu quinque (una namque ad amphibologias directe pertinet) iuramenti materiam spectant. Sunt autem sequentes, quas iuxta ordinem quo in decreto pontificio recensentur, isthuc transcribam.

24. *Vocare Deum in testem mendacii levis non est tanta irreverentia propter quam velit, aut possit damnare hominem.*

25. *Cum causa licitum est iurare sine animo iurandi, si res sit levis, si, gravis.*

26. *Si quis, vel solus, vel coram aliis, si interrogatus, si propria sponte, si recreationis causa, si quocumque alio fine, iuret se non fecisse aliquid quod revera fecit, intelligendo intra se aliquid aliud quod non fecit, vel aliam viam ab ea in qua fecit, vel quodvis aliud additum verum; revera non mentitur, nec est perjurus.*

27. *Causa iusta utendi his amphibologiis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum; ita ut veritatis occultatio censeatur tunc expediens, & studiosa.*

28. *Qui mediante commendatione, vel munere ad magistratum, vel officium publicum promotus est, poterit cum restrictione mentali prestare iuramentum, quod de mandato Regis a similibus solet exigi, non habito respectu ad intentionem exigentis; quia non tenetur fateri crimen occultum.*

II. Nihil in præsentia de recensitis propositionibus dicimus, quoniam in sequentibus de eisdem fufius differemus, variosque sensus quos eædem admittunt, exponemus, & omnia quæ pro plena earundem cognitione necessaria sunt, explicabimus.

CAPUT IV.

Recensentur propositiones laxæ, seu improbabiles, quas non pauci Casuistæ docent.

Sacrum iusiurandum ad hominum fœdera, pacta, & commercia firmanda, ut dictum est, adhibetur. Ad hoc sacramentum, tamquam ad supremum, & quasi divinum iudicem, & contententes in foro, & bellantes in castris, & cuiusque sectæ, ac religionis homines summo obsequio accedunt, ut dissidia componant, ut mutuam amicitiam foveant, confirmentque, ut controversiis finem imponant. Sceleſtus habetur qui iuranti fidem adhibere recusat. Nemo ergo non videt, ſtricto in ſenſu interpretandum iuramentum eſſe, non modo ob reverentiam Deo debitam, verum etiam ne apud homines vileſcat, parvique fiat; perdatque veritas in diſcrimen adducta perſugium quo ſe recipiat, ut victoriam reportet. Nemo non videt regulas pro iuramenti uſu tradendas eſſe, quæ ſinceritatem ſine fuco, veritatem ſine æquivocatione, ingenuitatemque ſine circuitione ſpirent. Hinc conſequitur reiiciendas eſſe illas Caſuiſtarum opiniones quæ ambagibus iuramentata involvunt, quæ amphibologiis, & æquivocationibus uti docent in iuramentorum uſu, quæ denique iurandi conſuetudinem facillime excuſant. Ne lector iſtarum opinionum lenociniis decipiatur, congruum duxi cenſum non omnium, ſed quarumdam dumtaxat propoſitionum, quæ iuriſiurandi leges nimium laxare videntur, ſub initium diſputationis de more meo texere, illumque ob oculos ponere.

I. „ Per quæcumque verba, etiam expreſſum iuramentum continentia, iuretur, „ in foro conſcientiæ omnino ſemper attendenda eſt mens, & intentio iurandi ad „ dignoſcendum, an vere iuraverit nec ne. Aut enim poſitive quis intendit in- „ vocare Deum in teſtem, aut poſitive noluit invocare Deum, aut negative ſe „ habens, vel ignorans præſcindit ab invocatione Dei. Si primum, certum ſem- „ per eſt iuramentum. Si ſecundum, certo non eſt iuramentum in foro conſcientiæ, ſed tantum mendacium, ſi falſum ſic aſſeruit. Si tertium, iterum non eſt iuramentum, quia eo ipſo Deus non invocatur ut teſtis; alioquin ſemper iurarent, „ & ſæpiſſime periurarent, qui ad ſingula fere verba effutiant illud ſuum Per Deum, „ per ſacramentum &c. Unde Confeſſarius audiens pœnitentem, falſo iuſſe ſe ac- „ cuſantem, non ſtatim periuraſſe cenſere debet, ſed interrogare, an intenderit Deum „ invocare in teſtem, & quidem falſtatis. Et longe ſæpiſſime deprehendet, non fuiſ- „ ſe periuria, ſed tantum mendacia ex materia ſua diiudicanda, aliquando officioſa, „ aliquando iocoſa, & ſic venialia.“ P. Patritius Sporer traſt. 111. in 2. præcep.

De-

Decal. cap. 1. sec. 1. num. 9. pag. 203. Neque, cum iurans se falso iurasse testatur, ei fides habenda; sed interrogandus, utrum, quando *Per Deum* affirmavit rem ita esse, intenderit *Deum invocare in testem*, & quidem falsitatis?

II. „ Per quæcumque verba, etiam perspicue Deum continentia, multo magis „ dubie, emittatur iuramentum, erit omnino, & semper in foro conscientie ad „ intentionem iurantis attendendum, si velimus deprehendere, an vere iuramen- „ tum sit. Vel enim, quæcumque tandem verba proferantur, intendit quis pri- „ mo positive invocare Deum, vel secundo positive non invocare, vel tertio (si- „ ve quia non advertit, sive quia nescit) præscindit ab eiusmodi invocatione; „ hoc est, nec intendit, nec non intendit invocare. Partitio videtur adæquata: „ continet enim contradictoria, & præcisionem ab ipsis. Iam si primum, certo „ erit iuramentum, ut ex se patet. Si secundum, certo iuramentum non erit, „ ut fatentur communiter Doctores... Licet enim ego dicam, Iuro per Deum, si „ nolum per hæc verba Deum ut testem mei dicti implorare, utique non implo- „ rabo, nisi valde materialiter, sicuti pſitacus a magistro edoſus eadem verba pro- „ ferret. Certe in Sicilia ignobiles viri unoquoque verbo *Par Dio* iurant. Quis „ autem dicat eos ignobiles vere iurare, cum nec ipsi aliquando sciant quid si- „ gnificet illud *Par Dio*. Videtur autem ex sua notione significare *per Deum*. „ Denique si tertium, certo item iuramentum non erit, quia non invocat Deum. „ Cum enim hic abstrahat ab invocatione, clare apparet invocationem non ex- „ hibere. “ Thomas Tamburinus *Lib. III. in Decalog. cap. 1. §. 3. num. 6. pag. 78.* Felix Potestas *Tom. I. pars. II. de 2. præcept. Decalog. cap. 11. numer. 1553. pag. mihi cxi. vide infra cap. vi.*

III. „ Ad veritatem iuramenti assertorii exigitur, & satis est ut iurans ita rem „ se habere arbitretur prudenter, & non levi coniectura ductus, sed certa, aut „ verisimili, atque probabili... Tamburinus tamen addit, quod ad iurandum non „ sufficiat quælibet probabilitas; sed ea quæ ad certitudinem moralem faciendam „ perveniat, necessaria sit. Sed certe, quælibet probabilitas facit moralem certitudi- „ nem, ut sæpe diximus cum communi. Unde, ut bene ait PALAUS, sufficiet, „ si prudenter, hoc est secundum probabilem rationem, ita esse arbitretur. “ Leander a SS. Sacram. *trakt. 1. de iuramento disp. VII. quest. VIII, pag. 46.* Quod quælibet probabilitas faciat moralem certitudinem, est propositio quæ in alte- „ ra ab Ecclesia damnata continetur. Sequitur ex hac doctrina ut quisque valeat eandem rem iuramento aut adfirmare, aut negare. Vide infra *cap. ix. num. §. 4.*

IV. „ Iuro v. g. *per Deum me hac nocte non dormivisse*, intelligendo *vestitum*; „ *me non habere pecuniam*, intelligendo, *quæ tibi elargiri velim: uxorem, vel ma-* „ *ritum matrimonii leges non fregisse*, intelligendo *manifeste: non deberi a me ti-* „ *bi*

„bi centum, intelligendo, ita ut non possim ea tibi compensare cum aliis centum
„quæ tu tibi debes.“

„Resp. licere, ut iidem docent (nempe Lessius, Castropalaus, Rebellus, Bonacina) & docetur passim, præscindendo tamen a damno quod dolo hoc iuramento iniuste facerem, etiam si quis non sit rogatus iurare, sed se offerat.“ Thomas Tamburinus *Lib. II. in explic. Decal. cap. 11. §. 2. num. 1.*

V. „Rogatus a iudice de delicto, quod saltem sub opinione probabili non teneatur manifestare, ut si solum detur semiplena probatio, negare potest se illud commississe, subintelligendo in carcere, vel ad dicendum... Immo potest se offerre ad sic iurandum, quando id opus esset.“ Antonius a Spiritu sancto *tract. v. de iuram. disp. 1. sec. 9. num. 53. pag. 142.*

VI. „Mulier quæ adulterium commisit, potest sub iuramento negare se commississe, subintelligendo, ut manifestare teneatur.“ Idem *ibid. num. 54. pag. 143.*

VII. „Mercatores qui non possunt iustum pretium ab emptoribus obtinere, nisi si iurent tanti, vel tanti sibi mercem stare, cum de facto non stet, iurare quidem possunt tanti sibi stare, subintelligendo computatis omnibus expensis, vel tanti sibi stare cum alia merce quam habent domi, vel alibi emerant.“ Castropalaus *tract. xiv. disp. 1. punct. 7. Lessius Lib. II. cap. xlii. dub. 9. num. 4. Leander tract. 1. disp. xlv. quæst. xxvii. Candidus disp. 11. art. 3. dub. 14.*

VIII. „Idem dicendum de emptoribus, qui, ne cogantur emere mercimonia a mercatoribus supra iustum pretium, adfirmant sub iuramento, res ab aliis minoris emissæ, vel sibi offerri minori pretio, ut venditores descendant ad iustum, vel infimum pretium, intra iustum tamen, mente concipiendo res minoris emissæ, vel sibi oblatas minori pretio, quas alio tempore emerunt.“ Candidus *disput. xxvi. art. 4. dub. 14. Leander tract. 1. disput. xlv. quæst. xxviii. Palaus, Bonacina, Rebellus, & alii penes Leandrum. Vide infra diss. iv. cap. iv. num. 15.*

IX. „Etiam si rogans omnem æquivocationem vellet excludere, & ultra iuramentum de re facta, petat iuramentum de calumnia, exigatque iuramentum dicendi veritatem sincere absque ulla æquivocatione, adhuc poteris iurare amphibologico iuramento, & restrictione facta: quia subintelligere potes, te iuraturum absque æquivocatione iniusta. Nulla enim propositio tam ampla sumi potest, quin aliquam restrictionem habere possit in mente.“ Castropalaus *tract. xiv. disp. 1. punct. 7. num. 16. pag. mibi xi. Leander tract. 1. disp. xlv. quæst. xxxvii. & penes istos Sanchez, Bonacina, Suarez, Lessius, Trullench, Diana, & alii eiusdem recentis Theologiæ. Vide infra diss. iv. cap. iv. §. 15.*

X. „Titius, qui inducit testem ad iurandum falsum, quod testis putat esse verum, non peccat, licet ipse Titius sciat esse falsum.“ Petrus Hurtado, Diana

na, Tancredus apud Tamburinum, qui hanc opinionem ut probabilem suscipit *Lib. II. cap. 1. §. 6. num. 7. pag. 80.* P. Matthæus Moya *Tom. II. ad tractat. 17. disp. 1. quæst. VII. num. 2. pag. 116.* *Ego puto in praxi securam.* Probabilem dixerunt Tamburinus, Diana, Leander, Hurtado, & alii similes: securitatis incrementum adiecit P. Moya. Vide *disf. VII. cap. III. num. 31.*

XI. „ Consuetudo culpabiliter retenta iurandi falsum deliberate, seu indifferenter verum, & falsum, probabilius non est peccatum distinctum aperiendum in confessione ab ipso peccato actuali periurii; sed sufficit confiteri ipsum actum periurii. “ Patritius Sporer *trah. III. in 2. præcep. De cal. cap. 2. sec. 4. num. 251. pag. 223.* ex Tamburino *Lib. III. cap. 1. §. 5. & aliis.* Vide *disf. VII. cap. V.*

XII. „ Moraliter enim minus deliquisse censendus est qui consuetudinis contra, ut impetu peieravit, quamvis deliberate, quam qui recenti, & spontanea mente, ac libertate. “ Sporer *ibidem.*

XIII. „ Igitur impertienda est pœnitenti absolutio volenti, & proponenti cessationem peccati, & nullam externam habenti occasionem, quantumcumque consuetudini peccati addicto. “ Ioannes Sanchez in *selectis disf. IX.* apud Tamburinum *Lib. III. cap. 1. §. 5. num. 3. pag. 79.* Vide *disf. VII. cap. VI.*

XIV. „ Qui ex inveterata consuetudine advertenter iurat falso, fatis est ne dicere, semel iuravi falsum; an potius necesse erit etiam addere, id fuisse ex mala consuetudine? Respondeo, non esse necesse... Idem dic, ut semel hac occasione dicam, de inveterata consuetudine fornicandi, blasphemandi, & ceterorum similium: par enim est ratio. “ Tamburinus *Method. exp. Confess. Lib. II. cap. III. §. 3. num. 21. pag. 109.* Vide *disf. VII. cap. VI.*

XV. „ Intellige tamen, dummodo actu positivo illam pravam consuetudinem non acceptet, vel approbet; sed solum negative se habens eam vincere negligat, vel desperet: quod sane non rarum, & valde notandum Confessario, ne nimium vexet conscientias afflictas. “ Patritius Sporer *loc. cit. num. 154.* Non est vexandus qui desperat vincere consuetudinem iurandi: quia non raro contingit eos sic desperare victoriam; ideo urgendi non sunt ad præfatam consuetudinem evellendam. An hæc doctrina quid Iansenismi oleat, vide *disf. VII. cap. V. & VI.*

XVI. „ Qui vero habet consuetudinem tam iurandi, quam mentiendi, non tamen coniungendi iuramentum cum mendacio, si quoties iurat, advertenter iurat, & procurat non coniungere cum iuramento mendacium, neque tenetur sub mortali talem consuetudinem extirpare. “ P. Dominicus Viva *Tom. I. par. II. quæst. VII. art. 7. num. 3. pag. 86.* eandem plures alii docent. Vide *disf. VII. cap. V.*

XVII. P. Ferdinandus Castropalaus *Tom. III. trah. XIV. disp. 1. punct. 7. num. 4.*

„ Si

„ Si enim aliqua causa honesta occultandi veritatem intercedat, qualis esset, si
 „ ad tuam tuorumque salutem, honorem, rem familiarem tuendam conveniret
 „ occultatio; aut si conveniret, ne annueres interroganti iniuste; nullam culpam
 „ committis sic amphibologice iurans. Quod verum habet, etiam si non rogatus
 „ iures, sed te offeras ad iurandum; si tamen iurandi, occultandique veritatem
 „ honesta causa intercedat. “

XVIII. „ Rogatus de delicto, quod saltem sub opinione probabili non teneris
 „ manifestare, vel ex eo quod non iuridice rogaris, vel ex eo quod tibi grave
 „ nocumentum ex manifestatione provenit, negare poteris te fecisse, subintelli-
 „ gendo in carcere, vel ad dicendum. “ Idem *ibid.*

XIX. „ Rogatus, an promiseris matrimonium, a cuius obligatione secundum
 „ *opinionem probabilem* immunis es, iurare poteris non promisisse, subintelligen-
 „ do, ut tenearis. “ *Ibi num. 5.*

XX. „ Exemptus *probabiliter* a gabellæ solutione, iurare poteris, te non por-
 „ tare talem, aut talem rem, *esto portes*, subintelligendo, ita ut gabellam de-
 „ beas. “ Idem *ibi.*

XXI. „ Mercatores qui non possunt iustum pretium ab emptoribus obtinere,
 „ nisi iurent tanti, vel tanti sibi mercem stare, cum de facto non stet, iurare
 „ quidem possunt tanti sibi stare, subintelligendo computatis omnibus expensis;
 „ vel tanti sibi stare, subintelligendo cum alia merce quam habent domi, vel
 „ alibi emerant. “ Idem *ibi.*

XXII. „ Pro supra dictis est maxime advertendum, utentem aliqua ex di-
 „ ctis amphibologiis debere scire, saltem in genere, se posse absque mendacio
 „ veritatem tegere. *Non tamen opus est in particulari cognoscere modum quo*
 „ *debet tegi.* Quocirca, si intendat iurare eo sensu quo vir doctus verum re-
 „ periet, & sciat verum reperiri posse, sufficiet ad excusationem periurii. “
 „ Idem *ibi.*

XXIII. P. Dominicus Viva in Comment. *præpos.* xxvii. Innoc. XI. „ Quando
 „ tamen non occurrit *commoda* æquivocatio, aut restrictio externa, si causa sit
 „ gravis, rustici possunt usu duplicis scientiæ facile obvio veritatem occultare,
 „ non animo decipiendi, *sed solum permittendo deceptionem.* “

XXIV. Consuetudinarius, ut in peierando, etsi sæpe promiserit, & emendatus
 „ numquam fuerit, absolvi potest, dummodo dolorem habeat, & emendari pro-
 „ mittat. “ P. Torrecillas *Tom. I. Sum. trah. 111. disp. 1. cap. 11. sec. 1. num. 105.*
 „ Laudat Palaum, & Bonacinam.

XXV. „ Etsi verba secundum se æquivoca non sint, nec nisi verum sensum
 „ habeant, nihilominus ratione circumstantiarum loci, temporis, officii, interro-
 „ gantis, & respondentis &c. restrictio, quæ alias esset pure mentalis, fieri potest
 „ sen-

„sensibilis, & a mendacio, & periurio excusari, ac cum iusta causa eius usus
„licitus fieri.“ Idem *consult.* 23. *num.* 134.

XXVI., Immo nec opus est quod iurans vel attestans agnoscat specificum mo-
„dum quo veritatem celare possit. Sufficit enim præcipue pro indoctis, quod etfi
„verbis negantibus utatur, in animo addat, Volo veritatem celare, quin men-
„tiar, vel periurem eo modo quo Doctores id fieri posse docent.“ Idem *ibi num.*
188. citat Sanchez, Suarez, Castropalaum.

XXVII., Similiter non esset plusquam veniale mendacium, dicere uro ablata
„I, cum vere nihil urat.“ P. Thomas Sanchez *Lib. III. in Decal. cap. vi.*
„*num.* 3.

C A P U T V.

*Quid sit iuramentum. Variæ iurandi formulæ
exponuntur.*

Iuramentum definitur a D. Thoma 2. 2. *quæst.* lxxxix. *art.* 1. quod sit invo-
„catio divini nominis ad fidem faciendam, aut promissionem firmandam. D. Au-
„gustinus ab ipso D. Thoma relatus *loc. cit.* definit iuramentum his verbis *ser.* xxviii.
de verb. Apost. *Quid est iurare per Deum, nisi, testis est Deus?* Differt ab oratio-
ne: quia per hanc petitur divinum auxilium; per illud autem postulatur ut ve-
ritas manifestetur. Quare turpiter errat Franciscus Budeus Lutheranus, qui in suis
Inst. Theolog. Moral. T. II. cap. 111. *§. 5. §. 10.* effutit, *Deum hic non spectari ut te-*
stem, quasi iusiurandum sit testimonium Dei, aut quod Deus ipse de veritate iurantis
testatur. Error. Lutherani istius seipso corruit. Iuramentum a iure dicitur: quia,
inquit idem Angelicus, quasi pro iure introductum est, ut pro vero habeatur id
quod sub invocatione divini testimonii enuntiatur. Aliqua enim sunt facta vel oc-
cultata, vel contingentia, quæ humano testimonio probari nequeunt: ideo, ut di-
vino testimonio, necessitate cogente, confirmentur, iure statutum est decretum-
que ut factis divino testimonio firmatis fides adhibeatur.

II. Iuramentum, iusiurandum, & sacramentum synonyma sunt. Ex Scriptura
siquidem scimus pro eodem usurpari iuramentum, & iusiurandum, iuxta illud
Zachariæ *Luc. 1. Iusiurandum, quod iuravisti ad Abraham patrem nostrum daturum*
se nobis. Sacramentum quoque nuncupatur tam in Scriptura, quam in iure, ut
constat ex *capit.* Qui sacramentum *xxii. quæst.* iv. Et quamquam sacramenti vo-
cabulum alios magis proprios significatus habeat, usurpatur tamen etiam pro iu-
ramento: quia & istud signum est rei sacræ, nempe infallibilis veritatis.

III. Ad clariorem datæ definitionis intelligentiam D. Thomas *loc. cit. in respons.*
ad

ad 1. animadvertit, nos dupliciter testimonio divino uti posse. Primum testimonio quod Deus iam dedit in Scripturis suis, cum scilicet textum, seu auctoritatem sacræ Scripturæ allegamus ad aliquam veritatem probandam: quod dum facimus, nullo modo iuramus. Secundo, cum imploramus testimonium ut exhibendum, nempe ut Deus veritatem illius facti manifestet in cuius confirmationem eius testimonium invocamus. Et hoc modo iuramus. Porro, dum in *testem* Deum invocamus, ut assertiones nostras confirmet, non intendimus ut Deus statim insolito prodigio seu miraculo assertiones nostras sua auctoritate confirmet, & manifestet; quod qui faceret, Deum tentaret; sed petimus tantum ut Deus dictis nostris testimonium suum adiciat, & veritatem revelet, quando sibi placuerit, in vita vel in morte, in hoc vel in futuro statu.

IV. Divinum testimonium duobus modis invocari potest. Primo *expresse*, cum Deus ipse in *testem* assertur: secundo *sacite*, quando creaturarum testimonium cum peculiari respectu ad Deum invocatur; quod clarius infra explicabimus. Utrobique autem iuratur, quia utroque modo divinum testimonium imploratur.

V. Hæc divini testimonii invocatio fieri potest *verbo*, ut si ore proferas, *iuro per Deum*; *nutu*, ut si interroganti, utrum *per Deum iures*, oculis, capite, vel aliquo gestu annuas; *facto*, ut si tibi offeratur iuramentum cum libro Evangeliorum, & librum ipsum tangas, etiam si nihil proferas, iurare censis; *mente*, ut si intra animum tuum iures te aliquid facturum, virtute religionis ad id præstandum adstringeris in foro interno; ut vero in foro externo obligeris, necesse est ut uno ex tribus descriptis signis iuramentum enuntiatum extrinsecus manifestetur.

VI. Si quis iuraret, librum Evangeliorum tangendo, ac postea deprehenderet librum illum omnino profanum fuisse; verum esset iuramentum, illudque obsecrare deberet: quia diversitas materialis foret, quoties iurans per sacra Evangelia iurare intendisset. Contra, qui iurat per falsos deos, iuramentum non facit: quia solus verus Deus meretur sibi ab hominibus fidem præstari.

Varie iurandi formula.

VII. Quoniam verba quibus iuramentum profertur, determinata non sunt, sequitur plurimas esse iuramentorum formulas. Ad triplex genus omnes revocare possumus. Primi generis sunt quæ iuxta communem sensum, & acceptionem iuramentum, seu divini testimonii invocationem continent; quæve in omni foro pro iuramentis habentur, nisi manifeste constet de contraria intentione illius qui easdem pronuntiat. Secundi generis sunt quæ in communi acceptione divini testimonii assumptionem non continent; quæve pro iuramento non habentur, nisi qui

quæ illas profert, declaret se illis verbis iuramentum edere voluisse. Tertiæ tantem generis sunt quæ ambiguae sunt, quæve aliquando iuramentum continent, aliquando non, iuxta varium modum quo illæ proferuntur. Exemplis res clarior apparebit.

VIII. Primi generis sunt *Iuro per Deum, Mibi Deus testis est, Vivit Deus, Testem invoco Deum vivum*. Nec tamen necesse est ut usurpetur verbum *iuro*; sed satis est confirmare propria dicta *per Deum, per fidem Dei, per fidem Christi*. Ad hanc quoque classem reducuntur iuramenta quæ sunt per creaturas, ut cum dicitur, *per cælum, per terram, per animam meam, per salutem meam, per Angelos, per B. Virginem, per Sanctos &c.* Hic tamen advertas velim, quod creaturarum testimonium multipliciter invocari potest. Primo tamquam argumentum infallibilis veritatis; & hæc invocatio blasphema foret, quia solus Deus infallibilis est. Secundo creaturæ rationales invocari possunt, tamquam personæ quadam peculiari auctoritate ornatæ, ut fidem faciant dictis nostris, absque respectu ad Deum; & hæc invocatio non constituit iuramentum, quemadmodum non iuramus, cum homines viventes in testes vocamus. Tertio creaturæ in testimonium veritatis appellantur, quatenus in eis maximè Deus splendet, habentque ad Deum peculiarem respectum, & earum invocatio Dei memoriam in nobis singulariter excitat; ut cum iuramus *per evangelia, per templa, per altaria, per calos, per terram, per elementa*. Secus dicendum, cum iuratur per creaturas infimas, vilesque; ut si quis iuraret *per suam barbam, per suos capillos, per suum canem &c.* non esset verum iuramentum. Licet enim omnes sint creaturæ Dei, in his tamen iuxta communem acceptionem non splendet modo peculiari divina maiestas. Si quis tamen invocando has creaturas, Deum simul in obliquo nominaret, iuramentum foret; ut si quis diceret, *Per hunc Dei panem, per Dei ignem, per aerem Dei, per hunc Dei lapidem, per hanc creaturam Dei*. Quoties namque Deus sive in recto, sive in obliquo casu appellatur in testem, iuramentum profertur. Ad hanc pariter classem revocantur sequentes formulæ: *Sic Deus me adiuvet, italicè se Dio m' aiuti: demon me arripiat, moriar, peream, si ita non est*. Hæc iuramenta sunt execratoria, & reddunt hunc sensum, *Deus me non adiuvet, si verum non est quod profero: morti, demoni me tradas &c.*

IX. Ad secundam classem revocantur sequentes formulæ. *In rei veritate, professo, in veritate, per fidem meam, in fide mea, in fide boni viri, per fidem viri probi, per meam conscientiam, in mea conscientia*. Eiusmodi formulæ secundum communem estimationem vim iuramenti non habent. Nisi ergo qui eas profert, habeat expressam intentionem iurandi, iuramenta non sunt. Si quis tamen relata verba proferens intenderet Deum in testem vocare, iuramenta forent. Iuramenta pariter non esse adfirmant communiter Auctores quæ sequuntur. *Per fidem boni*

Christiani, in fide Christiani, in fide Religiosi, per fidem Sacerdotis, vulgo, *Da Cristiano, alla fe di Cristiano, da Religioso, da Sacerdote, in fede di Sacerdote*. Quia, inquit, in his expressionibus fides divina non invocatur, sed humana; efficiuntque hunc sensum: *Ea veritate loquor qua bonus Christianus, bonus Sacerdos loqui debet*. Sic Salmanticenses *tract. xvii. cap. II. punct. 3. num. 23.* ubi plures citant Auctores, & reipsa penes Casuistas communis est. At, si id quod ego sentio, candide fateri debeam, nullo modo permittendas cenfeo Christianis eiusmodi expressiones in communi locutione. Nec enim ratio mihi suppetit qua præfatas formulas a vi iuramenti liberare valeam. Communiter Theologi adfirmant, quod iurare per res sacras, puta per templa, per altaria, per reliquias Sanctorum, sit verum iuramentum. Quidni ergo iuramentum erit dicere *per fidem Christiani, Religiosi, vel Sacerdotis*? Non ne sacrum est sacerdotium, sacer religiosus, & christianus status, seu christiana, & sacerdotalis professio? Si quis dicat, *per habitum, seu vestem hanc D. Petri, D. Francisci, D. Dominici*, secundum omnes vere iurat. Cur ergo non iurabit, si dicat, *da Sacerdote*, seu *per Sacerdotis fidem*? Vereor subinde ne Auctores laudati idcirco interpretentur recensitas formulas iuramentum non continere, quia homines passim illam usurpant; &, ne perituri reos plurimos damnent, illos minime iurare doceant. Nec enim raro accidit vitii horrorem subtrahi, cum homines vitii subduci nequeunt. Non inficior, iuramenta plurimum ab intentione pendere iurant. Sed, quando locutiones vim iuramenti produnt, etsi defectus vel intentionis, vel considerationis excusare, vel diminuire valeat præteritam malitiam, non excusatur tamen aut Confessarius, si omittat pœnitentes obligare ad linguæ custodiam, aut pœnitens, si a præfatis formulis abstinere non conetur. Accedit quod communiter homines pro iuramento accipiunt similes expressiones, *per fidem Sacerdotis, Religiosi*; vulgo *da Sacerdote, da Religioso*. Hæc tamen quæ de his tribus ultimis formulis, videlicet *per fidem Religiosi, Sacerdotis, & Christiani*, diximus, non adeo manifesta nobis sunt, ut contrariam, communemque opinionem improbemus: sola siquidem moralis certitudo a communi recentium Auctorum sententia recedere quandoque nos cogit. Qua certitudine sublata, communi & nos accedimus opinioni. Et quia talem certitudinem circa rem hanc nunc nobis non adesse fatemur; ideo ut probabilem celebramus contrariam sententiam. In praxi tamen omnes quorum ego confessiones audirem, abstinere ab eiusmodi expressionibus iuberem. Sotus quoque *Lib. VIII. de iust. & iur. art. 1. quæst. 1. concl. 4.* subdubitanter loquitur de his iurandi modis.

X. Sequentes formulæ, *Voco Deo, iuro Deo, promitto Deo*, vulgo *voto a Dio, giuro a Dio, prometto a Dio*, verum iuramentum continent: quia revera Deus in testem vocatur. Et licet eiusmodi expressiones & voti rationem habere videantur,

tur,

tur, & promissionis; attamen, cum ii qui eas proferunt, in suarum assertionum confirmationem easdem adhibeant, iuramentum constituunt. Sequens autem formula, *Iuro me hoc facturum*, vel *hoc ita esse*, nullo addito verbo, ex vi verborum, & suapte natura iuramentum est. Contrarium docent Salmanticenses *traß. xvii. cap. 11. punct. 3. num. 24. Bonacina disp. iv. punct. 1. sub finem*. Immo tam Salmanticenses, quam Bonacina allegant pro se Suarez, sed falso: quia potius oppositum docet, inquit Lib. IV. cap. xiii. num. 4. *Per se, & ex vi verbi in sua rigorosa significatione sine dubio sufficit ad iurandum. In usu tamen considerandæ sunt circumstantiæ*. Idipsum docemus & nos. Præfata verba absolute iuramentum produnt; intentio tamen eadem proferentis, aliæque circumstantiæ attendendæ sunt. Quare, si quid addatur quod ab invocatione divini testimonii verba illa extrahat, iuramentum non erit: puta, si quis iuraret hoc modo, *Iuro per meam barbam, per decem, iuro per memetipsum*, in his formulis nullum foret iuramentum. Nullum quoque iuramentum proferre volunt communiter Auctores illum qui diceret, *Iuro per hanc crucem*, nulla designata cruce: quia qui a formando crucis signo abstinet, intentionem non iurandi habere præsumitur. Quod si crucem efformaret, iuramentum proferret. Circumstantiæ tamen spectandæ. Pariter; si quis rogatus, ut sub iureiurando quidquam affirmaret, responderet, *Iuro ita esse* vere iuraret.

XI. Ad tertium genus reducuntur formulæ illæ quæ quandoque iuramentum continent, & aliquando non continent; cuiusmodi sunt, *Scis Deus, coram Deo loquor, Deus videt ita esse*. Quæ, si *enuntiative* proferantur, iuramenta non sunt; contra, iuramenta totidem sunt, si *invocative* pronuntientur; ut constat ex Apostolo Paulo ad Galatas 1. iurante illis verbis: *Quæ autem scribo vobis, ecce coram Deo, quia non mentior*. Advertas tamen velim, quod, ut deprehendantur *enuntiative*, vel *invocative* prolata, non solum hominis loquentis intentio, sed etiam loquendi modus est inspicendus. Nam si dicatur, *Deus videt quæ facio, D audis quæ loquor*, nisi constet de opposita intentione; non præsumitur iuramentum. Contra vero, si dicatur, *Deus scit me verum dicere*, Navarrus in *Manual. cap. xii. num. 2. Leander traß. 1. disp. iii. quæst. iv.* sustinent talem formulam verum iuramentum continere: quæ sane opinio satis probabilis mihi videtur. Ceterum, quia aliquid ambiguitatis præfata formula includit, idcirco circumstantiæ attendendæ sunt, & potissimum loquentis intentio.

XII. Ad hanc classẽ quoque revocant plures Auctores sequentes formulas; *Deus mihi testis est, quod verum dico, Vivit Deus, Vivit Dominus, Deus est veritas*. Verum communior, & mihi unice vera sententia oppositum docet. Quandoquidem, ut a prima formula exordiar, D. Thomas 2. 2. *quæst. lxxxix. art. 1. ad 3.* absolute asserit, illam iuramentum continere. Idem docet D. Augustinus *serm. 2.*

edit. Lov. cap. vi. *Non vos fallant qui nescio quo modo volentes ipsas iurationes discernere, vel potius non intelligentes, dicunt, non esse iurationem, quando dicit homo : Scit Deus : testis est Deus : invoco Deum super animam meam, verum me dicere. Invocavit Deum, testem fecit Deum : numquid iuravit ? Qui hac dicunt, nil aliud volunt, nisi, invocato Deo teste, mentiri. Ita ne, quisquis es pravi cordis, & perversi cordis, si dicas, Per Deum, iuras ; si dicas, Testis est Deus, non iuras ? Quid est enim per Deum, nisi testis est Deus ? Aut quid est, Testis est Deus, nisi per Deum ? Quid est autem iurare, nisi ius Deo reddere, quando per Deum iuras ; ius salutis tue reddere, quando per salutem tuam iuras ; ius filiis tuis reddere, quando per filios tuos iuras ? Quod autem ius debemus salutis nostræ, filiis nostris, Deo nostro, nisi caritatis, veritatis, & non falsitatis ? Maxime autem per Deum cum fit, ipsa est vera iuratio : quia & cum dicit quisque, per meam salutem, salutem suam Deo obligat ; quando dicit, Per filios meos, oppignorat Deo filios suos, ut hoc veniat in caput eorum quod exit de ore ipsius : si verum, verum ; si falsum, falsum. Quare perperam inter ambiguas iurandi formulas illam collocant Sporer, Felix Potestas, La Croix, & alii plures Casuistæ. De aliis formulis res clarior est, quoniam Scriptura illas præscribit pro vero iuramento. Ierem. iv. *Iurabunt, Vivis Dominus*. Eadem formula usus est Elias : *Vivit Dominus Deus Israel, in cuius conspectu sto* : Ill. Reg. xvii. Nullo ergo modo inter æquivocas expressiones recensendæ sunt descriptæ formulæ, quidquid asserant recentiores non pauci.*

XIII. Iuramentum non continent sequentia dicta, *Sim nequam, mendax, infidelis, hæreticus ; sim fur ; amputetur mihi nasus, auricula, si ita non est* : similes namque locutiones, iuxta communem acceptionem, non nisi quamdam præferunt sponsonem. Sequentes vero formulæ, *Interficiar, moriar, dispeream*, si per modum execrationis proferantur, iuramentum continent, ut dictum est supra : reddunt enim hunc sensum : *Deus, quem in testem appello, me occidat, si verum non est quod profero*. Secus dicendum, si enuntiative solummodo pronuntientur : communiter enim hoc pacto non nisi quamdam sponsonem præferunt. Iuramentum quoque non esse mihi probabilius videtur, *Iuro per me ipsum, per eum qui sum, vulgo giuro da quel che sono* : quamvis enim homo singularis Dei creatura sit, iuxta tamen communem sententiam non aliud intelligitur quam interpositio fidei, & auctoritatis humanæ.

CAPUT VI.

Nonnulla aliæ quæstiuncule circa iuramentorum formulas, potissimum circa banc, Per Deum, resolvuntur. Regula quoque pro iuramentis discernendis assignantur.

L Deo familiaris est hominibus consuetudo iurandi, ut Auctores non pauci, cum præfatam consuetudinem abolere nequeant, iuramentum non esse adfirmant id quod absolute iuramentum est; quemadmodum ex sequentibus planum erit.

IL Quæst. I. *An iurent homines passim aientes, Par Dios que si, ut Hispani; Par Diu, ut Foroiuhenses; Per Dio, ut Itali; Par Dio, ut Siculi: quæ omnia idem sonant ac per Deum?* Resp. Patritius Sporer *trah.* 111. in 2. præcep. Decal. cap. 1. sec. 1. num. 9. docet, homines Deum sic invocantes, si præscindant ab invocatione divini testimonii; seu si, dum præfata verba proferunt, *negative* se habeant (quod idem valet ac si neque intentionem habeant iurandi, neque non iurandi) nullo modo iurare. En illius verba. *Iterum non est iuramentum, quia eo ipso Deus non invocatur ut testis: alioquin semper iurarent, & sæpissime periurarent qui ad singula fere verba effutunt illud suum, Per Deum, Per sacramentum &c. Unde Confessarius audiens pœnitentem falso iurasse se accusantem, non statim periurasse censere debet; sed interrogare, an intenderit Deum invocare in testem, & quidem falsitatis; & longe sæpissime deprehendet non fuisse periuria, sed mendacia ex materia sua diiudicanda, aliquando officiosa, aliquando iocosa, & sic venialia.* Animum intendas velim ad rationem quam Auctor iste prodit, ut evincat iurantes *per Deum* non iurare: quia *alioquin semper iurarent, & sæpissime periurarent.* Quapropter, ne hoc sequi fateamur, dicendum est illos non iurare. Hoc est familiarissimum principium plurium recentium Casuistarum. Quia homines passim ex pecunia mutuo data proventum accipiunt, non committunt usuram. Cur? quia alioquin omnes fere essent usuræ labe infecti. Hoc ratiocinio frequentissime utuntur. Sed & consecutio quam Auctor iste deducit, digna consideratione est. Subdit namque, quod licet pœnitens se accuset falsi iuramenti, sua conscientia sic dictante; non propterea tamen ei fidem habere debet Confessarius. *Unde Confessarius audiens pœnitentem falso iurasse se accusantem, non statim periurasse censere debet.* Hæc a Theologo prolata fuisse, vix credibile foret, nisi typis edita legerentur. Concludit tandem, quod, licet falsitatem sub illa divini testimonii invocatione pronuntiant iurantes, non nisi mendacium iocosum, vel officiosum pro materiz diversitate.

committant; & consequenter solum venialiter peccent. Quid Chrysostomus, quid Augustinus, quid Patres omnes tam acriter invehiuntur adversus iurandi consuetudinem? Nam qui ex consuetudine iurant, expressam intentionem iurandi non habent, nihilque de iuramento cogitant. Hanc doctrinam hausit Sporer ex Tamburino, quem in album suorum magistrorum perscribit. Non abs re censeo verba etiam Tamburini isthuc transcribere, ut cautiores reddam lectores huiusmodi Auditorum. Tamburinus itaque *Lib. III. in Decal. cap. 1. §. 3. num. 6.* hæc scribit. *Per quaecumque verba, etiam perspicue Deum continentia, multo magis dubie, emittatur iuramentum, erit omnino, & semper in foro conscientiae ad intentionem iurantis attendendum, si velimus deprehendere, an vere iuramentum sit. Vel enim, quaecumque tandem verba proferantur, intendit quis primo positive invocare Deum, vel secundo positive non invocare, vel tertio [sive quia non advertit, sive quia nescit] præscindit ab eiusmodi invocatione; hoc est, nec intendit, nec non intendit invocare. Partitio videtur adaequata: continet enim contradictoria, & præcisionem ab ipsis. Iam si primum, certo erit iuramentum, ut ex se patet. Si secundum, certo iuramentum non erit, ut fatentur communiter Doctores.... Licet enim ego dicam, Iuro per Deum, si nolim per hæc verba Deum ut testem mei dilli implorare, utique non implorabo, nisi valde materialiter, sicuti si pſtitacus a magistro edocetur eadem verba proferret. Certe in Sicilia ignobiles viri unoquoque verbo Per Dio iurant. Quis autem dicat, eos ignobiles vere iurare, cum nec ipsi aliquando sciant quid significet illud Per Dio? Videtur autem ex sua notione significare per Deum. Denique si tertium, certo item iuramentum non erit, quia non invocat Deum. Cum enim hic abstrahas ab invocatione, clare apparet invocationem non exhibere. Duo hic docet Tamburinus: quorum unum certissime falsum est, nempe quod iurans sine animo iurandi, non iuret: quæ propositio ab Ecclesia damnata est, ut infra videbimus: alterum quod iurans, si non advertat se iurare, seu si præscindat ab invocatione divini testimonii, non iuret; quæ pariter propositio falsa omnino mihi est, & scandali plena. Sed, quod magnopere animadvertere debemus, est, Tamburinum testari, has suas propositiones communiter a Doctorebus edoceri. Laudat namque Layman, qui sane *Lib. IV. tract. III. cap. 1. num. 3.* eas docet. Citat deinde pro se etiam Suarez *Lib. I. de iuram. cap. 1. num. 4.* sed falso: nihil enim ibi habet insignis iste Theologus quod his opinionibus fa-
 veat. Rationem porro allegat Tamburinus ad suas propositiones confirmandas, quæ eadem est ac illa quam ex Sporer modo produximus. Iurant enim Siculi, inquit, unoquoque verbo, *Per Dio*, quod idem sonat ac *per Deum*. Quis autem dicat, eos iurare? Nonne valida ratio? Sed subdit: Ignorant enim, vel non advertunt, quid sit illud *Per Dio*, quidve significet. Qui sunt isti qui hoc ignorant? Christiani? Catholici? Ignorant ergo christiani populi secundum Decalogi præceptum? At, dum sanctissimum Dei nomen pronuntiant, tamquam pſtitaci a magistro do-
 ti,*

ſi, materialiter illud proferunt. Plittaci ergo ſunt Siculi ignobiles circa Dei cognitionem? Quid, quæſo, eos docent Parochi, & magiſtri, dum illis edifierunt? *Non assumes nomen Dei tui in vanum?* Obſolevit ne hoc mandatum in Sicilia? Hæc Tamburini doctrina minus congruit eius patriæ, cuius gens acumine ingenii præſtat; & præterea chriſtianæ profeſſioni nimium probroſa, ac infeſta eſt. Et profeſſo, ſi dum *per Deum* aſſertiones noſtras firmamus, iuramentum non proferimus, hac ſola ratione, quia non advertimus nos iurare; eadem ratione excuſare licebit blaſphemias, convicia, malediſta, & flagitia quæque. Hanc Tamburini doctrinam docent, præter Sporer, & Layman citatos, Felix Potheſtas *Tom. I. part. 11. de 2. præcep. Decal. cap. 11. num. 1553.* Laurentius Piſani in ſuo *Gladio Gedeon. prop. xxv. ſub ſinem*, Leander *traſt. 1. diſp. 111. quæſt. 21.* & alii non pauci.

III. Doctrinam itaque, & opinionem quam ex citatis Auctoribus deſcripſi, tamquam falſam, & improbabilem reiſcio. Ad pleniorẽ tamen quæſiti, & reſponſionis intelligentiam dico, eos qui ſuas aſſertiones confirmant his formulis, *Par Dio que sì, Par Diu sì, Par Deu nò, Per Dio*, quod idem eſt ac dicere *per Deum*, vere iurare; & ſi frequenter his formulis utantur, in conſuetudine iurationis verſari. Si quis vero ira ſubita percitus, vel moleſtia affectus proferret iſtud *Per Deum*, utique non iuraret, quia nihil adfirmaret, vel negaret; ſed nihilominus nomen Dei in vanum aſſumeret; ſicut in vanum illud aſſumunt alii dicentes, *Di Dio, Po far Dio*, nihil adfirmantes, vel negantes.

IV. Quæſt. II. *An qui paſſim nomen Dei aſſumunt in vanum, licet nihil adfirmant, vel negent, peccent mortaliter?* Reſp. Qui in quacumque iræ, tædii, gaudii, alteriusve perturbationis occaſione, nomen Dei uſurpat, proximo periculo iurandi, & peierandi ſeſe committit. Vix enim fieri poteſt ut in omnibus fere animi ſui motibus Dei nomen pronuntiet, & data occaſione adfirmandi aliquid, vel negandi, illud nomen non invocet. Graviter ergo peccare eos aſſero qui Deum continenter nominant, non tantum ob vanam, continuam, & ſcandali plenam Dei invocationem, quantum ob graviſſimum voluntariumque peierandi periculum. Quare Confeſſarius prudens & pius neminem illorum qui paſſim nomen Dei uſurpant, abſolvat, niſi promittant, & periculo factò, reiſſa linguam ſuam cohibeant ab eiufmodi vana, & continua divini nominis aſſumptione. Et quamquam ſub initium divinæ nominationis peccatum grave Confeſſarius non deprehendat, non ob id poenitentem abſolvere debet, quando a divini nominis aſſidua pronuntiatione abſtinere detrectat. Ex oſcitantia ſiquidem plurium Confeſſariorum, & ex quorundam Auctorum nimis laxa doctrina, ſacrilega conſuetudo iurandi non raro proficiſcitur.

V. Quæſt. III. *An maiorem vim habeat hæc formula, Per meam animam, per meam conſcientiam, præ iſta, In mea anima,* in mea conſcientia? Reſp. Nul-

Bb iiij lum

lum discrimen in præfatis formulis, ad vim confirmandi assertiones quod attinet; ego deprehendo : idque communiter sentiunt Auctores . Iurat ergo qui dicit sive *per animam*, sive *in anima mea* : quia anima eximium ac præclarum est Dei opificium, in quo, tamquam in imagine, speciali pacto divina maiestas effulget. Non iurat vero, ut mihi verosimilius videtur, qui dicit sive *per meam*, sive *in mea conscientia* : quia hæc formula dicendi iuxta communem acceptionem reddit hunc sensum, *Hoc quod dico, est quod sentio in mea conscientia, quod mihi suggerit, distatque mea conscientia*. Ita docent magis communiter Auctores, Sotus, Suarez, Ledesma, Fagundez, Lessius, Sanchez, & recentiores fere omnes. Oppositum docent Sylvester, Azorius, Aragonius, & alii. Ideo tutius erit abstinere a simili loquendi formula. Sacrosanctum est iuramentum, idcirco severo lingua custodienda.

VI. Quæst. IV. *An iuret qui dicit*, Iuro per meam conscientiam, vel in mea conscientia? Resp. Negant Sanchez, Ledesma, Leander, & alii. Ego verp cum Soto, Sylvestro, Azorio, aliisque sustineo hominem sic loquentem iurare. Quia illud verbum *iuro* ex sua propria significatione sufficit ad iuramentum, nisi per aliquod additum vocabulum distrahatur a suo significato; puta, si quis diceret, *Iuro per meum nasum, per decem* &c. At, dum quis *per suam conscientiam* iurat, rem prodit gravissimam, atque æstimatione dignam. Siquidem, dum quis absolute quidquam adfirmat *in sua conscientia*, magnam vim addit suæ assertioni. Propria siquidem conscientia in communi acceptione quidpiam habetur permagni momenti. Falsum ergo est quod adversarii obrudunt, scilicet hoc vocabulum, *propria conscientia*, distrahere verbum *iuro* ab eius nativa significatione; quin e contrario illud in proprio significato magis confirmat. Et sane, quod rem conficere videtur, ipsi adversarii fatentur, eum qui pronuntiat talia verba, *in propria conscientia*, reipsa iurare, si expresse iurare vellet. Id namque concedunt Salmanticenses cum aliis *trah.* xvii. *cap.* 11. *punct.* 3. *num.* 28. At qui dicit, *Iuro per meam conscientiam*, expresse iurare vult: ergo iurat: expresse namque adhibet verbum *iuro*, ac testem invocat suam conscientiam. Cedo: cum quis dicit, *Iuro*, qua ratione dicere possumus nos, vel ille ipse qui tali verbo utitur, se non iurare? Licet ergo non iurare censeatur qui solum adfirmat aliquid *in propria conscientia*; dum tamen pronuntiat, *iuro per meam conscientiam*, ipsum cum laudatis gravissimis Theologis, iurare sentiendum est. Similiter, licet dum quis quidquam *in fide sua* adfirmat, non iuret; cum tamen dicit, *Iuro per fidem meam*, eum iurare asserendum est ob rationem iam assignatam.

VII. Quæst. V. *An iuraret qui diceret*, per vitam mei equi, per conservationem huius arboris, aut alterius rei inanimatæ? Resp. Hoc quæsitum sub iisdem

ter-

terminis proponit Leander *tract. 1. disput. 111. quæst. 111.* Respondet autem his verbis: *Ex vi verborum est iuramentum: quia ad illud ea verba ex se sufficiunt; nisi ex circumstantiis appareat ea dici ad evitandum iuramentum verum.* Idipsum docet Suarez *cap. xiii. num. 27.* & Sanchez *num. 36.* Id ego quoque non nego; sed solum addo, potiori iure dicendum, proferre iuramentum eum qui iurat per suam conscientiam; per suam fidem, quam cum dicit, *Iuro per vitam huius equi; huius arboris, vel lapidis,* aut alterius rei inanimatæ.

VIII. Quæst. VI. *An si quis interrogaret hoc modo, Iuras mihi per Deum, rem ita se habere? & interrogatus responderet, Ita res se habet, iuramentum ederet sic respondendo?* Resp. Sanchez *Lib. III. cap. 11. num. 28.* docet hunc non iurare; adfirmat vero illum iurare, si responderet, *Ita*, aut capite dumtaxat annueret. Hoc discrimen commentitium, & inane mihi videtur. Sive enim respondeat interroganti sub iuramento, *Ita res se habet*, sive *ita* absolute, perinde est: quoniam responsio correspondere debet interrogationi, quæ sub iuramento petit responsionem. Quare dum respondet tali interrogationi, vere iurat, omni circuitio: ne sublata, nisi ex circumstantiis colligatur respondentem declinare velle iuramentum.

IX. Quæst. VII. *An iuret qui his expressionibus utitur: Volo dictum meum iuramentum esse: tam certum esto dictum, & promissum meum, ac si foret iuramentum?* Resp. Layman proponit hanc iurandi formulam, quam Germanis familiarem asserit, resolvitque sic loquentem iurare, si intentionem iurandi habeat, & quoties ea verba profert coram iudice exigente iuramentum, ac tandem quando deliberate, & serio verba illa pronuntiat: quoniam iuxta communem existimationem pro iuramento accipiuntur. Addit vero, iuramentum non esse, si intentio desit iurandi: cui subscribit Patritius Sporer *num. 8.* At, quando præfata verba iuxta communem populi intelligentiam pro iuramento accipiuntur, & loquens serio ac deliberate ea profert, intentio interna vim non habet adimendi iis verbis illum significatum quem secundum communem acceptionem habent, ut supra dictum est.

X. Quæst. VIII. *An eiusmodi formula; quas familiares habent Foroiulienſes, Al ſeugnuli si, Seugnuli si, sive Seugneli nõ: Al ſeugnuli ſagri, iust, e potent, præferant veram iuramenti rationem?* Resp. Quisquis Auctor varias iuxta suæ patriæ morem iuramentorum formulas proponit: idcirco consentaneum, opportunumque duxi & ego recensitas nostratum Foroiulienſium peculiaries asſeverandi formulas proponere. Porro quid illa dialectus, *Al ſeugnuli*, sive *ſegnuli*, sive *ſeugnuli*, reipsa præcise significet, a nemine colligere potui. Hoc certum est præfatam formulam apud talem nationem quamdam præferre iuramenti speciem: videtur enim idem sonare ac *per Evangelium*: & quod contineat quempiam re-

ſpectum ad Evangelium, ac Deum ipſum, conſtat ex attributis in ultima formula deſcriptis: *Al ſegnuli ſagri*, iſt, *e potens*: quod ſignificare videtur, *Per Evangelium ſacrum*, iſtum, *& potens*, ſeu *per Deum potentem*: quam formulam verum continere iuramentum, nemo non videt. Nudum autem verbum, *ſegnuli*, ſeu *ſegnuli*, ſuapte natura iuramentum non continet: nec enim abſolute ſignificat, etiam in illo idiomate, *Evangelium*: quoniam ſuo proprio nomine nuncupatur *Vangeli*, aut *VVagneſi*. Quia tamen ſub initium fortasſe pro Evangelio uſurpatum fuit *ſegnuli* (idioma namque illud conſtat quoddam eſſe ex linguis Latina, Hiſpanica, Gallica, Longobardica, aliſque exoticis) idcirco temporis decurſu quedam vocabula ſuam avitam ſignificationem amittunt: quod de præſato verbo *ſegnuli* mihi compertum eſt. Plurium annorum intervallo illud proferre audivi, quin intelligerem quidpiam. Dicendum ergo, quod verbum illud abſolute prolatum ambiguum ſit (quantum mihi in præſata lingua educato conſtare poteſt.) Intentio itaque proferentis attendenda eſt. Exploratum namque habeo, plurimos illud proferre vocabulum, quin quid ſignificet percipiant. Tunc ergo ſolum hæc formula, *Al ſegnuli*, ſeu *ſegnuli ſi*, iuramentum continet: quando qui illam adhibet, iurare ſerio intendit; ſecus, cum ab illis pronuntiat, qui neque iurare in animo habent, neque verbum illud iuramentum continere ſciunt: quia reapse ex ſe iurationem non continet. Curet tamen Confeſſarius ut a tali verbo pro viribus caveant fideles, ſuamque linguam cohibeant.

XI. Quæſt. IX. *An licitum ſit iurare per falſos deos; & an iuramentum per eodem factum a Chriſtianiſ obliget?* Reſp. Iam ex iis quæ dicta ſunt, conſtat, invocantem creaturas quaſque, tamquam inſallibile teſtimonium veritatis, impiam proferre blaſphemiam. Qui ergo iuraret per falſos deos, illorum teſtimonium tamquam manifeſtum veritatis argumentum invocando, peccatum idololatriæ perpetraret: quia attribueret idolis, & creaturis quod ſoli vero Deo competit. Hinc Deus prohibuit Iudæis iuramentum per falſos deos, Exod. xxiii. *Per nomen externorum deorum non iurabitis: neque audietur ex ore veſtro: quemadmodum etiam illis iurare prohibuit Chriſtus in Evangelio, neque per celum, quia thronus Dei eſt; neque per terram, quia ſcabellum eſt pedum eius; neque per Hieroſolymam, quia civitas eſt magni Regis: Matth. v. quoniam propenſi erant Iudæi in idololatriam, & adorationem cæli, & terræ. Nullo itaque modo licitum eſt, per falſos deos ſerio iurare. Et, cum aliquando per iocum dicitur, per Iovem, per Mercurium, iuro Iovis lapidem, non eſt iuramentum: ſed iocofa quædam phraſis; quæ in communi acceptione nihil adfirmat, aut negat: & qui ea utuntur, eſſugere ſive adfirmationem, ſive negationem ſtudeant. Hinc patet ſecunda quæſiti pars. Nam, ſi iuramentum nullum eſt, nulla conſequi ex illo obli-*

liga-

ligatio valet. Solum ex conscientia erronea quis adstringi posset ad implendum promissum. Sic Ethnici per idola iurantes, illosque ut verum numen colentes, vi conscientiae erroneae tenebantur implere iuramenta facta. Similiter, si Christiani aliqui putarent iuramentum factum per falsos deos, verum esse iuramentum, illud observare deberent, donec conscientiam errantem, seu errorem deponerent. Errore tamen excusso, promissio iuramento firmata observanda esset tum a Christianis, tum ab Ethnicis, non vi iuramenti, sed vi fidelitatis humanæ. Quæ omnia communissima sunt.

XII. Quæst. X. *Quid dicendum de sequentibus formulis? Hæc faciat mihi Deus: Hæc addat: Numquam Deus mihi parcat, nec me salvet, nec me defendat: Mala morte obeam: Non vivam usque in crastinum: Malum Pascha super me veniat: ardeam in inferno: Diabolus me ad infernum deportet, si ita non est.* Resp. In primis formulis, in quibus nomen Dei invocatur, dubio procul iuramentum execratorium continetur; quemadmodum & in ceteris aliis, si in confirmationem veritatis formulæ illæ adhibeantur. Quin hæc inter iuramenta execratoria sunt omnium potissima.

XIII. Quæst. XI. *An hæc alia formulæ contineant iuramentum execratorium? Amputentur mihi aures, abscindatur nasus, caput, brachium, si ita non est.* Resp. Absolute, & sermonis rigore spectato, eiusmodi phrasæ vim iuramenti execratorii habere possunt: qua de causa prohibuit Deus Matth. v. *Neque per caput tuum iuraveris.* Attamen, ut communiter proferuntur, iuramentum non continent. Nil siquidem minus intelligunt homines quam iurare, cum vulgo fantur, *Mi siano tagliate le orecchie, il naso, la testa, il braccio, se non è così.* Quas formulas alio modo etiam sæpius proferunt, nempe: *Ci metto, scommetto la testa, le orecchie, il naso, il braccio, se non è così.* Ubi apparet, nullo modo Deum invocari tamquam vindicem, seu, ut tamquam iudex vindictam sumat; sed meram & nudam sponsonem hæc & similia præferre.

Regulæ nonnullæ pro praxi.

XIV. Quamvis ex resolutionibus plurium quæstionum, circa quas hucusque verlati fuimus, colligere quisque possit, quando assertiones iuramento firmentur, nec ne; lubet nihilominus paucas generales regulas exhibere, quibus iuramenta a simplicibus assertionibus discernantur, ut unico quasi intuitu valeat lector quæ latius disputata sunt, conspiciere.

XV. *Regula prima.* Communiter Doctores primum omnium docent, in iuramento, quibuslibet verbis illud concipiatur, attendendam esse mentem, & intentionem iurantjs: quia, inquiunt, licet quis Deum invocet, si tamen intentionem

expressam non habet iurandi, reipsa non iurat. Quam regulam præ ceteris inculcant Sanchez, Sporer, Tamburinus, & alii plures. Hæc regula partim vera; partim falsa est. Utique mens, intentio, & voluntas iurantis attendi debent; sed verum quoque est iurantem teneri suam intentionem, seu mentem & animum conformare ad verba quæ profert. Heinc falsa est, nisi fallor ego, recentiorum plurium regula data, quatenus illi docent, Dei invocationem non esse iuramentum ex defectu intentionis iurantis. Quoniam, dum pronuntiant illud suum, *per Deum*, atque adfirmant *per Deum rem ita se habere*, & advertere adstringuntur ad divinum testimonium, quod invocant; & intentionem verbis divinum testimonium invocantibus aptare tenentur. Quandoquidem, dum prohibemur *nomen Dei in vanum assumere*, simul iubemur summa consideratione, & recogitatione illud usurpare. Quare ipse defectus intentionis, & considerationis, quem recentiores Theologi obtrudunt ad excusandos Christianos, passim *per Deum* suas assertiones confirmantes, peccatum est. Quando ergo formula verborum suapte natura iuramentum exprimit, cuiusmodi est hæc, quæ expresse invocatur divinum testimonium, *Per Deum ita est*, vulgo, *Per Dio sì*, aut *Par diu nò*, *Vestis est mihi Deus*, similesque, iuramentum est; tametsi iurans expressam intentionem non habeat iurandi: quod supra demonstratum est, & infra, dum de consuetudine iurandi sermo erit, fusius ostendetur. An vero qui expresse invocaret divinum testimonium, simulque expresse iurare nollet, reipsa iuraret, infra resolvam. Tunc vero intentio iurandi potissimum necessaria est, cum verba sensum ambiguum, & varium habent: cuiusmodi sunt hæc, *In veritate, vere, per fidem meam*, quæ de veritate, & fide humana, vel divina intelligi possunt secundum diversam iurantis intentionem.

XVI. *Regula secunda.* Ad iuramentum non requiritur verbum *Iuro*; sed satis est divini testimonii invocatio expressa, ut si dicatur, *Per Deum, per Virginem Mariam*. Hoc verbum *Iuro* absolute prolatum sine alio addito stricte acceptum iuramentum constituit; communiter tamen qui iurant, addere solent id per quod iurant. Si verbum addatur indicans non invocari divinum testimonium, & quod illud verbum *Iuro* a sua propria significatione distrahat, iuramentum non editur. Si quid vero addatur denotans Deum in testem vocari, iuramentum efficitur. Interdum, etsi nihil addatur, solum verbum *Iuro* sufficit ad verum iuramentum. Id autem colligendum ex circumstantiis est; ut, si qui iuramentum exigat, dicat, *Iuras mihi per Evangelium? Iuras mihi in forma iuris?* & alter respondeat, *Iuro*.

XVII. *Regula tertia.* Verba quæ duplici in sensu usurpari possunt, ut sunt ista, *Deus videt quæ facio; quod narro, est Evangelium*, & alia similia, quæ *enuntiative*, aut *invocative* proferri possunt, interpretari debemus habito respectu ad illos.

qui

qui eadem pronuntiant . Nam , si vir bene moratus , minimeque iurare solitus , illa proferat (nisi oppositum sit satis apertum) ipsum *enuntiative* , non *invocative* ea protulisse interpretari debemus . Secus dicendum de viris iurando assuetis .

XVIII. *Regula quarta* . In verbis ambiguis , potissimum in iis in quibus non resplendet peculiari modo divina maiestas , attendenda est intentio loquentis , patriæ consuetudo , item aliæ circumstantiæ , & maxime mores proferentis ea verba .

XIX. *Regula ultima* . Ob oculos semper habenda est regula illa divina quam Christus ipse tradidit Matth. v. *Sit autem sermo vester Est est , Non non : quod autem his abundantius est , a malo est* . Hoc memoriæ desigendum est , a malo nempe proficisci vel loquentis , vel audientis animo omne id quod præter simplicem affirmationem *est* , vel negationem *non* additur . Quapropter non modo abstinere debemus a verbis ambiguis , & æquivocis , quæ pro iuramentis accipi , & non accipi possunt ; verum etiam a quibusdam verbis corruptis , ut *per christa* , *per dia* , *per diana* , *per diobacco* , aliisque id genus , quæ , quamquam distrahant verbum *iuro* a sua germana significatione , habent nihilominus cum iuramento quamdam affinitatem , & quamdam iuramenti speciem obliiunt . Abstinendum , inquam , est ab eiusmodi , & similibus corruptis vocabulis , tum propter scandalum quod interdum pusillis ingeritur ; tum propter facilitatem , sive periculum usurpandi vocabula , & veras iuramentorum formulas pro fictitiis ; tum quia Christus Dominus prohibuit assertionibus nostris præter *est est* , *non non* , quicquam addere , subdens a malo esse , seu malum esse , quicquid addatur : *quod autem his abundantius est , a malo est* . Hæc itaque Christi Domini regula ante oculos tuos semper sit . Quam regulam multo ante hominibus tradiderat Ecclesiasticus cap. xxiii. *Indisciplinata loquela non assuescat os tuum : est enim in illa verbum peccati* . Ex his omnibus collige ; quam peius loquantur , graviusque delinquant illi qui non solum vocabulis corruptis utuntur , sed passim exclamantes effutunt vulgo , *Po far Dio* , *Poter* , *o potenza di Dio* , *Servo di Dio* . Isti continenter violant secundum Decalogi præceptum , assumptentes Dei nomen in vanum : & licet non iurent , sed exclament , vel tædio affecti , vel admiratione , seu alia animi perturbatione moti ; nihilominus , ut dictum est , peccant , tum propter scandalum , tum propter vanam Dei nominationem , tum propter facilitatem , sive periculum prolabendi ex continua Dei vana nominatione in consuetudinem iurandi , & peierandi . Quapropter numquam ego istis absolutionem impartio , nisi emendationem promittant , & pro viribus præstent .

CAPUT VII.

Iuramentorum divisiones traduntur : & an omnia iuramenta sint eiusdem speciei, explicatur.

I. *Exposita iuramenti definitione, exhibitisque variis iurandi formulis, reliquum tunc est ut plurimas item iuramentorum divisiones promanus. Ex duplici capite D. Thomas cit. quæst. lxxxix. art. 1. divisionem iuramenti arcessit, videlicet ex parte rei iuratæ, & ex modo iurandi.*

II. Ex parte materiæ, seu rei quæ iuratur, dividitur iuramentum in assertorium, & promissorium. Iuramentum assertorium est quo Deus in confirmationem veritatis vel præsentis, vel præteritæ invocatur. Si dicas, Iuro me illud delictum nudius tertius non commisisse, iuramentum est de re præterita. Si dicas, Iuro me nunc ignorare prorsus illud de quo interrogor, iuramentum est de re præsentis. Hoc iuramentum assertorium fieri potest vel super veritate actionis præsentis, aut præteritæ ipsius iurantis; ut cum quis iurat se illud crimen non commisisse, vel se credere, & profiteri fidem catholicam : aut super noticia actionis præteritæ, vel præsentis, quæ alteram personam spectat; ut cum testes iurant, se scire, vel nescire, Petrum perpetrasse tale delictum. Iuramentum promissorium est illud quo quis rei futuræ promissionem firmat, ut alterum securiorem reddat : v. g. cum quis iuræ, se hanc pecuniam daturum alteri, aut quidpiam aliud facturum. En verba ipsius D. Thomæ. Divinum testimonium quandoque inducitur ad asserendum præsentia, vel præterita; & hoc dicitur iuramentum assertorium : quandoque autem inducitur divinum testimonium ad confirmandum aliquid futurum; & hoc dicitur iuramentum promissorium. Quæ omnia ut clarius intelligas, adverte sequentia. In iuramento assertorio semper id quod primo inspicitur, est noticia præsens rei iuratæ. Quare, sive actio sit præsens, sive sit præterita, veritas iuramento subiecta semper præsens est in mente ipsius iurantis. In iuramento promissorio semper includitur assertorium : quia qui iurat se aliquid facturum, primo Deum in testem vocat veritatis præsentis, se nempe nunc reipsa habere animum, seu voluntatem efficiendi quod promittit; secundo autem Deum invocatur tamquam fideiussorem veritatis futuræ, videlicet quod implebit, & executioni mandabit rem promissam. Nec propterea divisio superflua est. Siquidem, licet promissorium iuramentum includat assertorium, non tamen contra. Cum quis iurat quidquam de futuro ab altero præstandum, puta, Iuro Petrum ingressurum Religionem, est iuramentum non promissorium, sed assertorium : iuro enim me nunc scire, Petrum amplexurum statum religiosum. Qui hoc modo iurat, vehementes, & gravissimas rationes habere debet

bet id testandi : aliter iuramentum temere fieret. Iuramentum promissorium dividi etiam solet in *absolutum*, seu simplex, quo quis absolute iurat se quidquam facturum ; & in *confirmatorium*, quo scilicet confirmatur vel votum Deo factum, vocaturque *votum iuratum* ; vel pactum cum homine initum, & dicitur *pactum iuratum* ; vel promissio facta Deo, & homini simul, ut quando cum iuramento promittis Deo, pecuniam te daturum tali pauperi, qui promissionem tuam acceptat ; & dicitur *votum cum pacto iuratum*. Prævaricator duplicem vel triplicem malitiam contrahit. Nam qui votum iuratum Deo violat, peccat & contra votum, & contra iuramentum, seu duplici peccato adversus religionis virtutem. Qui vero votum non implet Deo factum, & iuramento postea firmatum tum Deo, tum homini, præter duplicem malitiam adversus religionem, violat fidelitatem Deo, & homini debitam, & simul iniustitiæ peccatum adversus hominem promissarium committit.

III. Ex parte modi, seu formulæ pronuntiandi iuramentum, secernitur in *confessorium*, quod fit per simplicem contestationem, seu invocationem divini testimonii, ut cum simpliciter dicitur, *Iuro per Deum ita esse* ; & in *execratorium*, quo invocatur Deus, non tantum ut infallibilis testis veritatis, sed etiam ut vindex falsitatis. Hoc autem iuramentum posterius triplici formula concipi, & proferri valet, Primo, dum quis absolute & expresse sibi malum imprecatur a Deo insigendum : v. g. cum dicit, *Deus me puniat, perdat, damnet, mei obliviscatur in mortis articulo* &c. Formula quæ olim communiter obtinebat, talis erat : *Hæc faciat mihi Deus, & hæc addat*. In iure canonico hæc nunc viget : *Ita me Deus adiuvet, & hæc sancta Evangelia*. Hæc execratio gravissima est : hunc enim sensum reddit, *Deus me non adiuvet, si falsum pronuntio*. Secundo, cum quis iurat imprecando sibi malum a creatura insigendum, Deo sic permittente ; ut cum dicit : *Fulmen me occidat, diabolus me rapiat, terra me deglutiat, morte subita moriar* &c. In his tamen imprecationibus, ut verum sit iuramentum, necesse est iurantem respectum habere ad Deum, illumque invocare ut vindicem talia permittentem. Si enim quis solum imprecaretur sibi malum sine ullo respectu ad Deum, iuramentum non ederet. Tertio modo iurari potest per salutem, & vitam parentum, filiorum, Principis, Cæsaris &c. quorum sensus est : pereat salus, pereat vita filiorum, parentum, Principis, Cæsaris, si ita non est quod dico. Sancti viri cum veteris, tum novi fœderis usi sunt interdum iuramenti execratoriis. Ioseph iuravit hoc modo : *Per salutem Pharaonis non egrediemini hinc* : Gen. xl. vers. 15. D. Paulus iuravit super animam suam : *Testem Deum invoco in animam meam* : II. Cor. 1. Per execrationem David quoque iuravit : *Si reddidi retribuentibus mihi mala, decidam merito ab inimicis meis inanis* : Psal. v. 11. In cuius Psalmi commentario hæc scribit Augustinus. *Iurare videtur per execrationem, quod est gravissimum iurandi*

vandi genus ; cum homo dicit : *Si illud feci, illud patiar*. Illud animadvertendum est, quod dum iuramentum execratorium profertur per salutem, seu vitam aliarum personarum, hæc debent ad iurantem aliquo titulo pertinere ; ut patet in exemplis adductis parentum, Principis, Cæsaris, filiorum, uxorum &c. Quapropter, dum quis dicit, *Sagitta me comburat, nisi verum dixerò*, maledictum non iuramentum profert.

IV. Iterum ex parte formæ iuramentum dividitur in simplex, & solemne. Iuramenta simplicia sunt quæ a privatis hominibus fiunt verbis illis quæ ipsis magis placent. Iuramentum solemne illud est quod fit quodam solemnî ritu, & forma vi iuris, aut consuetudinis præscripta. Ethnici innumeros iurandi ritus habebant, de quibus consule Alexandrum ab Alexandro *Lib.V. genial. cap. x.* Iudæi quoque plures pro iuramenti usu ritus observabant. Celebriores erant manuum elevatio. Gen. xiv. vers. 22. *Levo manum meam ad Dominum Deum excelsum*. Transitus item inter duas vituli occisi, seu cuiuscumque victimæ partes. *Vitulum quem conciderunt in duas partes, & transferunt inter divisiones eius* : Ierem. xxxiv. vers. 18. Sed solemnior erat ritus ponendi manum sub femore illius qui iuramentum exigebat. Hoc ritu Abraham exegit iuramentum a samulo suo seniore : *Pone manum tuam subter femur meum* : Gen. xxiv. vers. 2. Eodem quoque ritu Iacob morti proximus petiit a filio suo Ioseph : *Si inveni gratiam in conspectu tuo, pone manum tuam sub femore meo* : Gen. xlvii. vers. 29. Super hac cæremonia variæ sunt Patrum, & interpretum sententiæ. Aliis omisiss, communior est illa quam refert Hieronymus in Quæstionibus Hebraicis, nimirum illo signo indicatum fuisse, iuramentum præstari in fide Christi, qui tum continebatur in lumbis Abraham, & Iacob, ut Paulus loquitur *Hebr. v. 11*. Et reipsa non legimus hanc cæremoniam adhibitam ab aliis fuisse quam ab Abraham, & Iacob.

V. Nostri pariter temporibus varii ritus præscribuntur pro iuramentis solemnibus tum in iure civili, tum in iure canonico. Communior ritus elucet in contactu rerum sacrarum, ut Evangeliorum, reliquiarum, & etiam sacrosanctæ Eucharistiæ. In foro civili solent tangere sceptrum regium, aut attollere priores digitos. Si varias istius fori solemnitates in iuramento servari solitas scire cupis, consule *Leg. Generaliter §. ultim. cod. de reb. cred.* Olim ritus sollemnis, & communis Christianorum, erat contactus altaris, seu sacræ mensæ, qui ritus etiam in iuramentis privatis servabatur. De hoc iuramento loquitur Chrysostomus homil. xv. ad popul. *Cum super mensam adiuras sacram, & ubi Christus positus est immaculatus, ibi fratrem tuum immolas.... saltem librum istum reverere quem in iuramentum porrigis.*

VI. Iuramentum solemne triplex est, seu triplici modo fieri solet. Primum est *verbale tantum*, quod solis verbis fit, & in ipsis verbis certa quædam forma servatur ;

tur; ut quando iuramentum fit per expressam Dei invocationem, vel etiam sanctissimæ Virginis, aliorumve Sanctorum. Secundum iuramentum *reale tantum* nuncupatur, quod fit simplici contactu Evangeliorum, pectoris, crucis, altaris &c. nullis omnino verbis adhibitis. Tertium iuramentum *mixtum* dicitur, quod & verbis, & contactu rei sacræ fit. Iuramentum itaque solis verbis fieri potest; & dicitur *verbale*: item solo signo exteriori, tactu, gestu, seu nutu, sine verbis (neque enim verba necessaria sunt ad iuramenta) & dicitur *reale*: tandem verbis, & signis simul; & dicitur *mixtum*, vel etiam *corporale*, quia præter verba insuper corporalis actio adhibetur.

VII. Iuramenta solemnia solent etiam esse *iudicialia*, quæ videlicet in iudiciis præstantur: suntque varii, ut ita dicam, generis. Primum iuramentum *iudiciale* illud est quod fit sub initium litis, & vocatur *iuramentum calumniæ*, quo videlicet actor iurare debet se litem movisse, non animo calumniandi, sed ob solam causæ veritatem; & reus similiter iurare debet se existimare iustam habere relutandi rationem. Imperator Iustinianus *leg. 2. cod. de iureiurando prop. calum.* hunc iurandi morem inexit, ut litigantes a calumniola litium prosecutione abduceret. Quod ut validius efficeret, iudicibus omnibus remittendi hoc iuramentum facultatem ademit his verbis loc. laud. §. 4. *Sed quia veremur ne forsitan quidam collusionem aliqua utentes, remittere videantur inter se huiusmodi sacramentum, & ex prædicta dissimulatione nostram sanctionem deludant; sancimus, omnes iudices, licet ex compromisso cognoscant, vigorem suum exercentes (quia non pro commodo privatorum, sed pro communi utilitate præsentem legem posuimus) minime pati tale sacramentum remitti.* Rationem addit §. 8. *Sic enim non lites solum, sed etiam calumniatores minuentur.* Pluribus sæculis viguit hic iuramenti usus; sed nunc in curiis Principum penitus obsolevit, ut Auctores communiter advertunt. Rationem desuetudinis prodit Maranta *de ord. iud. par. vi. tit. de iuramento num. 11.* his verbis: *Unde ego puto quod litigatores nostri temporis potius iurant de calumnia committenda quam vitanda; & ideo melius esset, si ex toto tolleretur a iudicio, causa vitandi tot periuria.* Hoc iuramentum *calumniæ*, quod in exordio litis fit, vocatur iuramentum *credulitatis*, distinctum a iuramento *veritatis*. Hanc distinctionem tradit Iulius Pacis celebris inter utriusque iuris consultos in *Isagogicis ad Lib. II. Cod. tit. 58.* „Tertium preparatorium (inquit) est bona fides, quam lex a litigantibus requirit, ne temere litigent. Quamobrem tam actorem, quam reum de calumnia iurare iubet . . . Nota hoc iusiurandum esse [ut nostri loquuntur] de *credulitate*, non de *veritate*. Non enim iurant litigantes, se bonam causam habere; sed ita se credere.“ Distinctio hæc materialis est. Nam materia proxima iuramenti, etiam credulitatis, est veritas: quia verum est ita se credere, nempe bonam causam habere.

VIII. Secundum iuramentum iudiciale vocatur iuramentum *malitiæ*, quod in progressu litis a iudice partibus datur, quoties sibi bene visum fuerit; quod iuramentum *malitiæ* nunc appellatur etiam *calumniæ*. Usus istius iuramenti malitiæ, quo litigatores iurant se extraordinarias dilationes ad calumniandum non petituros, nec accepturos; etiamnum viget in pluribus foris sæcularibus quoad certos articulos, aut propositiones. Iudex, instante parte, negat, vel concedit hoc iuramentum, prout opportunum esse arbitratur. In foris vero ecclesiasticis frequentissimus est istius iuramenti usus, de quo consulendi sunt Canonistæ.

IX. Tertium iuramentum iudiciale vocatur *suppletorium*, quo inopia probationum suppletur, seu deficientibus probationibus, substituitur iuramentum, tamquam ultimum remedium ad lites, & controversias dirimendas. Finis namque iuramenti est dubiæ veritatis manifestatio. Quare, cum in controversiis veritas per probationes, vel testes deprehendi nequit, Apostolus ipse iuramentum adhibendum assignat ad litem dirimendam. *Omnis controversiæ eorum finis ad confirmationem est iuramentum*: Hebr. vi. Hoc iuramentum in causis civilibus appellatur *suppletorium*; in causis criminalibus nuncupatur *purgatorium*.

X. Quartum iuramentum iudiciale dicitur in *litem*; quod triplex est. Unum dicitur iuramentum *veritatis*, seu *veræ affirmationis*, quia desertur ad probandum valorem, & quantitatem rei amissæ per dolum alterius: v. g. si scrinium cauponi, vel alteri servandum consignasti, & ab eodem tibi restituatur fractis seris, & sigillis sublati, sitque gravis præsumptio de dolo cauponis, seu *confignatarii*; aut si damnum quis passus a fure, probato furto, rei ablatae pretium iuramento testetur. Hoc iuramentum nuncupatur a Iureconsultis *veritatis*. Secundum dicitur iuramentum *affectionis*, quando res tua, culpa alterius deperdita, vel destructa est; quam tu summopere utilem, commodamque reputabas, conceditur tibi iuramento pretium illius rei æstimare: in quo, ne duplum communis exultationis, excedas, prohibitum est. Idcirco iuramentum iudicis definitioni subiectum est. Tertium dicitur iuramentum super *interesse singulari*, & *extra rem*: v. g. nummos tuos deposuisti penes depositarium pro libito tuo tibi restituendos: depositarius sua culpa nummos definito tempore non restituit; quam ob causam damnum tu passus es, & lucri amissionem: permittitur tibi hoc in casu, tuo iuramento interposito, damnum cui fuisti obnoxius, æstimare. *l. Nummis ff. de in litem iurando*. Quod de nummis dictum est, idem dicendum de aliis rebus in quibus damnum, vel iacturam passus fueris ob dolum depositarii.

XI. Tandem iuramentum iudiciale aliud *necessarium*, aliud *voluntarium* nuncupatur. *Necessarium* illud est quod in causa dubia, ob momentorum quæ litem dirimant, inopiam iudex desert, aut ex officio, aut parte instante. *Necessarium* appellatur, tum quia iudex interdum illud deferre cogitur, tum quia sine iusta causâ

caussa a parte, cui indicitur, nequit recusari. Tunc actor iustam declinandi iuramenti causam habet, quando intentionem suam evidenter demonstraverit; reus vero, si causæ oblivionem confiteatur. *Voluntarium* est quod pars parti deservit, & evitari potest. Quando tamen deservitur, iudice approbante, necessarium quodammodo evadit: quoniam ille cui delatum est, iurare debet, nisi iustam habeat recusandi causam; alioquin causa cadit. Ne verborum ignoratio confusionem pariat, hoc inter *deserre* & *referre* discrimen est, quod ille dicitur *deserre* iuramentum qui primus offert. Quando pars illud recusat, & offert adversario, *referre* dicitur.

XII. Disputant in utramque partem Iureconsulti, utrum reo, vel actori in causa dubia deferendum sit iuramentum quod *suppletorium* dicitur. Et, quamquam placita varia sint, communior tamen sententia est, iuramentum reo deferendum esse absolute loquendo, non actori: quia iura promptiora sunt ad absolvendum quam ad condemnandum. Et revera, si actori per iuramentum *suppletorium* causam suam definire liceret, necessitas probationum de medio tolleretur; ac proinde aditus pateret amplissimus falsis criminationibus ac periuriis. Iudicis tamen est personarum contententium, & litis qualitates, ac circumstantias serio perpendere, atque illi parti, sive actori, sive reo, iuramentum deferre cui magis rationes, vel præsumptiones favere perspexerit.

XIII. Illud summopere Auctores graves omnes inculcant, videlicet hoc iuramentum quod *suppletorium* vocant, non nisi in gravissima necessitate esse adhibendum. Antonius Faber *Lib. IV. tit. 1. definit. 1. nota 9. in cod.* absolute improbat hoc iuramentum *suppletorium*, illiusque usum inveteratum errorem appellat. Sed Fabri opinio erronea est: quoniam D. Paulus ad finiendas controversias, necessitate cogente, hoc iuramentum utile esse decernit. Illud solum præ oculis est habendum, ut summa circumspectione, & cautione deferatur ad tollendam periurii occasionem. Hominum enim plurimi, religione contempta, faciles sunt ad peiurandum; nonnulli vero usque ad superstitionem timidi (pauci tamen hi sunt) iurare non audent.

XIV. Similiter docent Auctores, in causis criminalibus, in quibus poena corporalis reo infligenda est, iuramento *suppletorio* locum non esse. Quandoquidem in his causis probationes luce clariores requiruntur: quæ probationes iuramento suppleri nequeunt. *l. Sciant cuncti cod. de probat. 2. quæst. VII.* In actione quoque civili famosa abstinendum communiter tradunt Auctores ab huius iuramenti delatione. Actio famosa ea dicitur quæ cognita infamiam gravem reo infert, ut est fortum clandestinum. Si tamen graves urgeant rationes, deferri potest. Vancspen *III. P. tit. VII. cap. VII. num. 19.* absolute negat actione famosa convento deferendum esse iuramentum, allegatque auctoritatem Gregorii IX. *tit. de iure*

iurando cap. fin. ubi inquit Pontifex: *Nec liceat convento famosa actione referre huiusmodi iuramentum.* Quæ auctoritas clare opponitur assertioni *Van-espenii*. Nam Pontifex prohibet reo iuramentum sibi oblatum *referre*, seu regerere in actorem. Ergo supponit licitum esse aliquando actione famosa convento iuramentum deferre. In hac tamen actione, ut dictum est, sicuti & causis non famosis, sed arduis, cuiusmodi est causa matrimonialis, requiritur plusquam semiplena probatio, quæque exceptioni obnoxia non sit; & maxime præsumptio debet esse contra reum; ut actori minime suspecto iudex deferre iuramentum valeat. In causis autem non famosis, nec arduis, sufficit semiplena probatio, nempe unicus testis, qui non sit obnoxius exceptioni, ut iudex deferre iusiurandum queat. Sed de iuramentis iudicialibus forsitan plusquam satis, cum eorum tractatus ad nostrum non pertineat institutum.

XV. Explicatis variis iuramentorum divisionibus, breviter disquirendum remanet, num hæc iuramenta sint eiusdem, vel diversæ speciei. Promissorium, & assertorium iuramentum diversas constituere species defendit Castropalaus *Tom. III. tract. xiv. disp. 1. punct. 2. num. 7.* In eandem sententiam se valde propensum declarat Suarez *Lib. I. cap. ix. num. 5.* & sane rationes probabiles prodit, ac satis valide argumenta opposita resolvit. Communior sententia est, omnia iuramenta esse eiusdem speciei, sive assertoria sint, sive promissoria, sive imprecatoria, sive execratoria, sive per Deum fiant, sive per creaturas, sive contactu Evangelii, sive quacumque alia solemnitate.

XVI. Rationem validissimam afferunt istius sententiæ patroni. Quoniam notio primaria, & essentialis cuiuscumque iuramenti est invocatio divini testimonii in veritatis confirmationem. Quod autem veritas hæc præsens sit, vel præterita; quod invocatio præfata fiat per simplicem contestationem, aut per execrationem; quod expresse Deum quis nominet, vel tacite, quatenus in creaturis effulget, nullo modo rationem formalem variat iuramenti, cum Deus in testem vocetur. Sola itaque accidentalis, & materialis diversitas est. Et quamvis in iuramento promissorio Deus non solum ut testis veritatis præsentis, sed etiam ut fideiussor veritatis futuræ, seu executionis rei promissæ, & iuramento firmatæ, invocetur; quemadmodum in execratorio invocatur ut testis simul, & ut vindex: nihilominus hæc rationes eiusmodi non sunt quæ inducant specificam inter iuramenta diversitatem ob rationem iam datam: quia ratio formalis, a qua iuramentum suam sortitur naturam, seu notionem essentialem, est invocatio divini testimonii. Quapropter, cum hæc eadem sit in omnibus iuramentis, neque varietur ex variis formulis, quibus iuramenta efferuntur; idcirco iuramenta omnia unius eiusdemque speciei debent existimari.

XVII. Non est quod tempus tetamus in longiore istius controversiæ discussio-

ne. Nam, si intra limites metaphysici ratiocinii consistamus, utraque opinio sua fruatur probabilitate. In genere autem moris unum iuramentum maiorem quamdam præ alio obligationem inducit: quo enim solemnioribus formulis iuramentum concipitur, eo etiam graviore illius violatio malitia inficitur, ut docet Angelicus 2. 2. quæst. xcvi. art. 3. ad 2. *Est gravius peccatum, si quis solemniter iuret per Evangelium, quam si per Deum in communi sermone iuret, tum propter scandalum, tum propter maiorem deliberationem. Quibus æqualiter hinc inde pensatis, gravius est, si quis per Deum iurans periuret, quam si periuret iurans per Evangelium.*

XVIII. Certum itaque est penes omnes, periuria quædam graviorem, saltem intra eandem speciem, prodere malitiam. Sed iuxta alteram opinionem, quæ asserit iuramenta promissoria, & assertoria specie differre, malitia quoque unius periurii specie differt ab alia. Quare secundum hanc sententiam necesse erit explicare in confessione iuramenti speciem. Iuxta primam vero opinionem, si circumstantia malitiæ sit valde aggravans, manifestanda pariter erit, ut suo loco demonstrabitur: quidquid in oppositum dicant plures novi Doctores.

XIX. Non raro iuramenta afficiuntur moralitate alterius linæ, seu generis. Nam, si quis iuraret, *Pereat Deus, si ita non est*, præter iuramenti malitiam esset malitia blasphemiz. Rursus, si iudici superiori, legitime præcipienti iuramentum, veritatem non patefaceres, duplicem contraheres malitiam, alteram periurii, alteram inobedientiæ. Tandem, si in iudicio iurares in damnum alicuius, triplex peccatum perpetrares, videlicet periurii, inobedientiæ, & iniustitiæ.

C A P U T VIII.

Ut iuramentum licitum sit, tres conditiones sunt necessariae, veritas, iustitia, & iudicium. Alias plures iurandi regulas D. Thomas assignat.

I. **I**AM capite 11. huius dissertationis adversus hæreticos demonstratum est, iuramentum actum esse honestum, licitumque, immo virtutis actum, religionis scilicet, sive patriæ, dummodo necessariis stipatum sit conditionibus. Hoc in capite conditiones istas, quæ iuramentum comitari debent, explicandas suscipimus. Sed, antequam seorsum singulas dispiciamus, ex D. Thoma advertendum est, iuramentum non esse absolute appetendum, & frequenter usurpandum. Quare inter ea bona recensetur quæ, necessitate dumtaxat urgente, sunt appetenda; cuiusmodi est medicina, quæ bona est, posita infirmitati cui occurrit. Sic iuramentum ad prospiciendum infirmitati, nimirum incredulo homini, institutum est.

Sicut medicina (inquit Angelicus quæst. lxxxix. art. 5. ad 3.) *est utilis ad sanandum, & tamen quanto est virtuosior, tanto minus nocumentum inducit, si non debite sumatur; ita etiam iuramentum utile quidem est ad confirmationem; tamen quanto est magis venerandum, tanto est magis periculosum, nisi debite inducatur.*

II. Porro ut, iuramentum opportune adhibeatur, tres conditiones illud comitari debent, divina Scriptura sic iubente Ierem. iv. *Iurabis, Vivit Dominus, in veritate, & in iudicio, & in iustitia.* Cur hæc tres conditiones requirantur, rationem assignat S. Thomas loc. cit. art. 3. in corp. *Iuramentum non est bonum, nisi ei qui bene utitur iuramento. Ad bonum autem usum iuramenti duo requiruntur. Primum quidem quod aliquis non leviter, sed ex necessaria causa, & discrete iuret: & quantum ad hoc requiritur iudicium, scilicet discretionis ex parte iurantis. Secundo quantum ad id quod per iuramentum confirmatur, ut scilicet neque sit falsum, neque sit aliquid illicitum: & quantum ad hoc requiritur veritas, per quam aliquis iuramento confirmat quod verum est; & iustitia, per quam confirmat quod licitum est. Iudicio autem caret iuramentum incautum; veritate autem iuramentum mendax; iustitia autem iuramentum iniquum, sive illicitum.*

III. Ex hac angelica doctrina præfatarum conditionum sensus manifesto elucet. In omni itaque iuramento primum necessaria est *veritas*, in cuius confirmationem divinum testimonium invocatur. Hæc *veritas*, seu certitudo *veritatis* considerari potest & ex parte rei iuratæ, & ex parte iurantis. Ex parte rei iuratæ requiritur quod res quæ iuratur, sit vera iuxta communem intelligentiam, & consuetudinem. Sic qui iurat discipulum frequentasse gymnasia, verum iurat, licet aliquando abfuerit: quia sic communiter intelligitur. Certitudo ex parte iurantis in eo sita est quod homo iuramento rem confirmet, qualem in mente habet, seu prout scit, vel arbitratur esse veram. Si rem scit esse certam, non potest eam iurare ut dubiam; & si arbitratur dubiam esse, ut certam eam iurare nequit. In iuramento promissorio duplex veritas importatur: altera præsens, seu dicti; altera futura, seu facti. Prior est qua quis iurat se nunc habere animum implendi quod promittit: posterior in executione futuræ rei promissæ consistit. Sed de hac duplici veritate sensus infra. Secundo requiritur *iustitia*: quæ non est illa peculiaris iustitiæ virtus qua cuique quod suum est tribuitur; sed ea iustitia ad iuramentum necessaria est quæ excludat a materia confirmanda per iuramentum quamcumque rem, dictum, vel factum culpabile, iniquum, & improbum, sive iustitiæ, sive alteri cuique virtuti adversetur. Ille ergo in *iustitia* iurare dicitur qui rem iustam, honestam, licitamque iurat. Tertio necessarium est *iudicium*: quod non accipitur pro *iustitiæ* executione, sed pro prudenti consideratione; & in eo consistit quod homo, antequam iuret, mature, serioque perpendat utilitatem, & necessitatem iurandi. Sicut enim prudentia est omnium virtutum dux,

dux, sive regula; ita potissime iuramentum dirigit. Hæc tertia conditio summopere necessaria est, ut iuramentum licitum sit, & virtutis ædus; priores autem duæ requiruntur, ne sit peccatum. Sub hoc iudicio aliquo modo omnes conditiones ceteræ continentur. De veritate, & iustitia patet: nam sicut hoc iudicium præscribit iurandum esse, attenta rerum utilitate, & necessitate; ita vetat iurare rem falsam, aut vitiosam. Alias quoque conditiones, potissimum *fidelitatem* theologice, qua creditur Deus omnia scire, & *devotionem*, qua ex parte iurantis reverentia Deo debita exhibetur, sub iudicio esse conclusas, docet aperte D. Thomas loc. cit. art. 3. ad 2. *Devotio, & fides, & omnia huiusmodi, quæ exiguntur ad debitum modum iurandi, intelliguntur in iudicio.* De hoc iudicio præclare D. Augustinus serm. xxviii. de verb. Apost. cap. ix. *Quantum ad me pertinet, iuro; sed, quantum mihi videtur, magna necessitate compulsus. Cum videro non mihi credi; nisi faciam; & ei qui mihi non credit, non expedire quod non credis; hac perpensa ratione, & consideratione librata, cum magno timore dico, Coram Deo, aut testis est Deus, aut scit Christus sic esse in animo meo.*

IV. Angelicus non solum tres communes conditiones quæ iuramentum quodcumque comitari debent, explicat; sed insuper eventus persequitur illos in quibus iuramentum a culpa immune est, immo virtutis meritum habet. Sex autem assignat casus huiusmodi. I. quando iuramentum est pacis conclusio. II. necessitas conservandæ propriæ famæ. III. pro pignore fidelitatis. IV. in argumentum obedientiæ superiori præstandæ. V. cum urget necessitas asscurandi rem promissam. VI. ut credibilis reddatur veritas, quæ ut credatur, plurimum refert. Ea verba S. Doctoris lect. iv. in Epist. ad Hebræos cap. vi. *Causæ autem in quibus liceat iurare, hæ sunt. Pro pace firmanda, sicut Laban iuravit Gen. xxx. Secundo pro fama conservanda. Terrio pro fidelitate tenenda, sicut feudatarii iurant dominis. Quarto pro obedientia implenda, si præcipitur a superiore aliquid bonestum. Quinto pro securitate facienda. Sexto pro veritate attestanda. Sic iuravit Apostolus Rom. i. Testis est mihi Deus.*

CAPUT IX.

Quæ veritas requiratur in iuramento assertorio. Defectus cuiusque minimæ veritatis in hoc iuramento peccatum mortale est. Nonnullæ quasiuncula de periurio iuramenti assertorii.

I. **V**eritas est potissima ex conditionibus necessariis ad licitum iuramentum ; ut dictum est. Necesse tamen non est ut hæc veritas sit semper in re ; sed satis est ut iurans bona fide existimet rem de qua iurat , veram esse , licet reipsa aliter se haberet : seu non requiritur veritas metaphysica , sed moralis . Quare veritas non tam sumitur ex ipso obiecto , seu re iurata , quam ex ipso iurantis animo. Accidere namque valet rem falsam te iurare , quin periures ; quando videlicet sincero animo putas esse veram : & contra contingere potest te iurare rem veram , & periurare , eo quod putas esse falsam . Ut omnes difficultates quæ in iuramenti assertorii usu occurrere possunt , clarius resolvam , sequentes quasiunculas cum suis responsionibus exhibebo .

II. Quæst. I. *An qui in re levissima falsum iurat , peccet mortaliter ?* Resp. Angelus , seu Summa Angelica refert Gotfredum docentem in cap. Quod autem periurium in levissima re , esse veniale peccatum : quam opinionem probabilem reputat Angelus verb. *Periurium* , his verbis. *Possent tamen dici , quod mendacius iocosum non sit proprie mendacium , ut in dicto cap. Quod ait . Ideo possent teneri opinio Gotfredi , quod non peccat mortaliter , quia non proprie periurat . Sed opinio Gotfredi , quod non peccat mortaliter , quia non proprie periurat . Sed opinio Theologorum est tutior . Auctor Theologiæ Moralis Iesuitarum , & Henricus a S. Ignatio in prolegomeno 1. cap. 1. hanc eandem sententiam adiudicant Baunio in Sum. pag. 65. edit. xv. ubi eam docet his verbis : Vocare Deum in testem mendacii levis , non est tanta irreverentia propter quam velit , aut possit damnare hominem : quæ propositio est xxiv. inter damnatas ab Innocentio XI. Dominicus Viva in sua Trutina theologica interpretatur , Baunium admittere parvitatem materię in iuramento dumtaxat promissorio. Sit ita. Libenter siquidem & nos sano in sensu , quoad fieri potest , catholicos Scriptores interpretamur. Id quod negotium facessit , est , iisdem omnino verbis esse conceptam propositionem damnatam ab Innocentio XI. quam cum ceteris Theologis ipse P. Viva testatur proscriptam fuisse in sensu iuramenti assertorii , non promissorii . Utcumque res ista se habeat , ratio proscriptæ propositionis evidens est . Quandoquidem periurii malitia suam gravitatem non desumit ex mendacio sive levi , sive gravi , sive iocoso , si-*

ve

ve pernicioso; sed ex irreverentia quæ Deo irrogatur. Porro gravissima irreverentia, & summa iniuria Deo irrogatur, cum in testem falsitatis vocatur, sive materia talis invocationis, seu iuramenti gravissima sit, sive levis. Qui enim Deum in testem falsitatis invocatur, tacite testatur Deum fallere, aut falli posse: atque adeo ex parte sui infallibilem veritatem Deo admittit. Ergo omne periurium est peccatum mortale. Quin addit Angelicus Doctor 2. 2. *quæst. xcvi. art. 3.* ubi statuit omne periurium esse peccatum mortale: addit, inquam, *ad 2.* periurium in re levi gravius ex una parte peccatum esse quam in materia gravi. *Ille qui iocose periurat, non evitat divinam irreverentiam, sed quantum ad aliquid magis auget; & ideo non excusatur a peccato mortali.* Solus defectus considerationis, & deliberationis, seu advertentiæ; a mortali culpa excusare posset; sed in tali causa non esset periurium: quia ad iuramentum necessaria est deliberatio iurandi, modo infra explicando. En verba Angelici. *Ille autem qui ex lapsu linguæ falsum iurat, si quidem advertat se iurare, & falsum esse quod iurat, non excusatur a peccato mortali, sicut nec a Dei contemptu. Si autem hoc non advertat, non videtur habere intentionem iurandi: & ideo a crimine periurii excusatur.* Sic docent omnes Auctores, postquam Innocentius XI. damnavit recensitam propositionem.

III. Quæst. II. *An qui res dubiam ut certam, aut contra, iurat, peccet mortaliter?* Resp. Affirmative respondent omnes Doctores. Quia qui rem dubiam ut certam, aut rem certam ut dubiam iurat, revera mentitur: ergo profert periurium, quod est peccatum mortale. Debes ergo eo modo rem affirmare, vel negare, quo tu prudenter, rebus omnibus perpensis, eam se habere existimas. Si res tibi dubia est, solum subdubitando prodere eam debes; si certa, non dubitando, sed asseveranter eam proferto.

IV. Quæst. III. *An peccet mortaliter qui per hyperbolem aliquid iurat, quod, ut sonat, verum non est?* Resp. Sanchez *Lib. III. in Decal. cap. iv. num. 9.* Tamburinus *Lib. III. in Decal. cap. 11. §. 1. num. 4.* Leander *trakt. 1. disp. vii. quæst. vii.* Bonacina *disp. iv. quæst. 1. punct. 3. num. 6.* negative respondent: eo quod dicere aliquid falsum per hyperbolicam, & figuratam locutionem, non est mendacium, nec peccatum. Laudant pro hac opinione D. Augustinum, & D. Thomam, qui 2. 2. *quæst. cxi. art. 1.* plura sacræ Scripturæ dicta recenset quæ per figuratam significationem exponit. Hoc modo explicatur dictum illud Davidis I. Reg. x. *Ionathas, & Saul aquilis velociore, & leonibus fortiores.* Quod plures sacræ Scripturæ expressiones exponantur per figuratam, & hyperbolicam locutionem, res comperta est. Quod vero homines qui neque Prophetæ sunt, neque Patriarchæ; ut communiter erant illi quos figurato locutos fuisse ex Scriptura habemus, iuramento firmare valeant suas hyperbolicas assertiones, mihi minime probatur. Quia

de causa sobrie & caute usurpanda sunt illa iuramenta quæ obtrudit Tamburinûs loco citato, videlicet, *Iuro Petrum infinitis polleere divitiis, a me infinito amare te diligere, innumerabiles esse tuos amicos* &c. Quoniam in primis certum est hæc iuramenta ut plurimum esse incauta, atque adeo carere iudicio, consequenter illicita. Præterea iuramentum stricti iuris est, atque per modum medicinae concessum: ergo urgente dumtaxat gravi morbo, seu necessitate, adhibendum.

V. Quæst. IV. *An licitum sit iurare rem quam probabiliter tantum iudicas esse veram?* Resp. Hoc quæsitum proponit La Croix *Lib. III. part. 1. cap. 11. dub. 3. quæst. lxx. num. 167.* Respondet vero his verbis, „ Sanchez *Lib. III. cap. 1v. num. 10.* Castropalaus *part. v. num. 2.* alique apud Dianam *part. 1v. tractat. 1v. res. fol. 77.* affirmant: quia iuras hoc quod iudicas verum: ergo non peieras: unde, de quod aliquis audit a viro notabili, & fide digno potest, secundum illos „ AA. affirmare, & extra iudicium iurare esse verum. Quod aliqui apud Dianam extendunt ad iuramentum etiam in iudicio. „ Leander vero *tract. 1. disp. 111. quæst. viii. pag. 46.* ad examen revocans genus probabilitatis necessariæ ad licitum iuramentum, refert Tamburinum exigentem probabilitatem quæ moralem inducat certitudinem. At hoc nimis rigidum reputans, hæc addit: *Sed certe quælibet probabilitas facit moralem certitudinem, ut sæpe diximus cum communi. Unde, ut bene ait Palaus, sufficit, si prudenter; hoc est secundum probabilem rationem, ita esse arbitretur.* Si laxitatem istius doctrinae deprehendere cupis, in memoriam revoces oportet principia probabilitatis, quæ in tota amplitudine Leander adhibet. Ait namque, quancumque probabilitatem parere certitudinem moralem; ac propterea quamlibet opinionem probabilem regulam esse honestæ operationis, atque adeo iuramenti. Quæ sane assertio indefinita, & universum prolata continetur in hac propositione ab Alexandro VII. damnata, quæ est in ordine 3. *Generatim, dum probabilitate sive intrinseca, sive extrinseca, quantumvis tenui, modo a probabilitatis finibus non exeat, conspici aliquid agimus, semper prudenter agimus.* Leander asserit quamlibet probabilitatem, nimirum sive gravem; sive tenuem, gignere moralem certitudinem, quam quisque prudenter sequi potest, tamquam suæ conscientia regulam. Hoc expresse damnavit Ecclesia. Potiori ergo iure diris devovendum est id quod addit Leander, nempe quemquam posse iurare rem esse veram, quam tantum probabilem iudicat. Nonne communiter docent Theologi, Deum iuramento vocari in testem *veritatis*? Secundum vero Leandrum, & quos citat, Sanchez, Dianam, Castropalaum, ipsum invocare poterimus in testem *probabilitatis*. Quomodo iurare possumus esse verum quod non verum, sed probabile nobis tantummodo est? Verum falso, & probabile non falso, sed improbabili opponitur. Cum itaque de eadem re sæpius occurrant contra-

tra-

trariæ rationes probabiles, poterit quisque modo eandem rem adfirmare iuramento, modo eandem iuramento negare. Potest quis secundum Probabilitas ex opinionibus probabilibus quam mavult sequi, & nunc unam amplecti, nunc eandem respuere. Aut saltem poterit eam partem iuramento adfirmandam, vel negandam seligere quæ sibi magis opportunior, rebusque suis accommodatior visa fuerit. Quæ omnia nedum laxitatem produunt, sed horrorem etiam incutiunt. Si Leander cum Auctoribus quos adducit, dixisset, posse aliquem iurare rem quam cognoscit probabilem ut probabilem; utcumque videretur ferendum. Sed, cum asserat nos posse iurare ut verum quod demtaxat probabile existimamus, & præterea: probabilitatem quamcumque inducere moralem certitudinem; id nullo modo admittere possumus. Quapropter nos opinionem Leandri tamquam falsam reicimus. Opinionem vero quam P. La Croix ex Sanchez, aliisque refert, seu improbabilem respuimus: quoniam quæ coniectura tantum probabilis, sicuti loquitur Sanchez, cognoscimus, non possumus affirmare ut vera, sed ut probabilis. Communis namque Theologorum sententia est, materiam iuramenti esse veritatem non absolute spectatam, & ut in re est; sed eo modo quo ab intellectu iurantis percipitur. Ergo, si iurans cognoscit rem ut probabilem, non potest eam iurare ut veram; & si ut veram cognoscit, nequit eam ut probabilem tantum iurare. Quod postea subdunt, ad iuramentum in iudicio præstandum requiri certitudinem moralem, in ceteris vero privatis iuramentis sufficere probabilem, ut ego quidem arbitror, verum commentum est. Eiusdem siquidem rationis est iuramentum privatum, & publicum: & eadem est ratio formalis quæ utrique speciem tribuit; invocatio nempe divini testimonii in veritatis confirmationem. Ergo eadem pro utroque iuramento certitudo necessaria est. Sive in iudicio, sive extra iudicium, qui cognoscit rem ut probabilem, non potest eam iurare ut veram, sed ut probabilem; & contra. Verum utique est, iuxta legum decreta in iudicio non admitti nisi iuramenta earum rerum quarum iurans habet evidentiam, seu non admitti nisi testes *de visu*; proindeque necessariam esse veritatis cognitionem omnino evidenter. Ceterum quacumque positiva lege præcisa, in omni iuramento, si-ve publico, si-ve privato, necessaria est certitudo moralis, quam quæstiuncula sequenti explicabimus. Dum autem quis iuramento confirmat notitiam probabilem quam habet, materia iuramenti non est vel probabilitas, vel dubitatio; sed veritas probabilitatis, & dubitationis: dum enim opinor, vel dubito de re aliqua verum est me opinari, & dubitare: idcirco, cum iuro me vel suspensionem, vel probabilem notitiam habere de re aliqua, veritatem iuro: quia verum reipsa est me talem vel opinionem, vel dubitationem, aut suspensionem habere.

VI. Quæst. V. *Quanam certitudo requiratur, ut quis licite iurare possit?* Resp. Ad clariorem præcedentis quæstioni explicationem, & ad plenioram notitiam illius

cer-

certitudinis quæ requiritur ut quis iurare valeat sine culpa, hanc quæstiunculam dirimendam proposui. Certitudo alia est evidens, ac metaphysica, alia experimentalis, alia moralis, alia probabilis, quæ varios gradus admittit. Plurimi ex recentioribus Theologis, & Casuistæ omnes docent, sufficere notitiam verissimilem, vel probabilem de re aliqua, ut quis iurare valeat. Ita docent præter laudatos num. præced. Salmanticenses *trad. xvii. cap. 11. punct. 5. §. 1. num. 42.* & laudant Candidum, Lessium, Azorium, & alios. Hæc opinio mihi minime probatur, & iuxta adversariorum principia falsa videtur. Nam, si ipsi docent, quamlibet opinionem probabilem parere moralem certitudinem; nosque posse inter duas opiniones de eadem re eligere quam nobis opportuniorem reputamus: consequitur profecto posse nos etiam eandem rem iuramento vel confirmare, vel negare, prout tempus, & rationes nostræ postulaverint: quod quam falsum & erroneum sit, nemo non videt.

VII. Reprobata igitur hac opinione; dicimus primo, utique non requiri semper in iuramento certitudinem, seu notitiam mathematicam, & omnino evidentem, quia hæc in pluribus haberi nequit; sed asserimus necessariam esse certitudinem moralem, quæ omnem prudentem dubitationem excludat. Hæc autem certitudo moralis haudquaquam inducitur per coniecturas, & rationes probabiles, ac verisimiles: quoniam rationes tantum probabiles non auferunt omnem dubitationem: & ipsi adversarii, ut hanc dubitationem tollant, ad propositiones reflexas confugiunt. Necessaria ergo sunt fundamenta gravissima, & rationes quæ nos certos reddant de re circa quam iurare debemus. Hæc nostra sententia clare eruitur ex Catechismo Concilii Tridentini Part. III. de secundo præcept. Decal. sec. 2. *Primum itaque in iureiurando locum veritas habet, nimirum ut quod asseritur, & ipsum verum sit, & qui iurat id ita esse arbitretur, non quidem temere, aut levi coniectura adductus, sed CERTISSIMIS ARGUMENTIS.* Hoc ipsum docet Cardinalis Bellarminus Lib. I. de Sacram. in genere cap. xvi. *Etiamsi habeat probabilem rationem credendi, tamen non habet certitudinem. Potest enim fieri ut putes se credere, & tamen revera non credat. At ad testificandum nomine Dei aliquid requiritur verissima certitudo, nec sufficit probabilis opinio, ut patet in simili de iuramento. Non enim licet iuramento, idest Dei testimonio, uti in re quam opinamur veram; sed solum in re quam certissimi sumus esse veram.* Confirmari hæc sententia potest ex iis quæ scribit D. Ambrosius in Psal. cxviii. *ser. xiv. num. 14. Vox ambulantis in lumine est dicere, Iuravi . . . Nemo bene iurat, nisi qui potest scire quod iurat. Iurare igitur iudicium scientiæ, testimonium conscientiæ est . . . Lux tibi præeat, si iurare disponis; idest, cognitio veritatis præcedat, ut vinculum sacramenti tibi non possit nocere.*

VIII. Verum est etiam adversarios fateri, necessariam esse certitudinem moralem;

lem; sed in hoc deficiunt quod doceant, hanc moralem certitudinem haberi posse per coniecturas dumtaxat verisimiles, & rationes solum probabiles. Licet enim concederemus opinionem probabilem tantam certitudinem parere quæ sufficiat pro regula honestæ operationis; non ob id tamen recte posset inferri tantam gignere certitudinem quæ sufficiat ad iurandum verum esse id quod tantum probabile opinamur. Maior namque certitudo requiritur ad iuramentum quam ad quamcumque opinionem moralem. Ad hanc sola vera probabilitas sufficit, ut regula sit honestæ operationis; At, quando quis iurat quidquam tamquam verum, non satis est quod sit probabile; sed requiritur quod iuranti verum appareat, non per rationes dumtaxat probabiles, sed per principia, seu argumenta gravissima, & certa. Quæ certitudo si desit, & appareant tantum coniecturæ, ac rationes probabiles, tum iurans adfirmare, aut negare debet rem ut probabilem, secus ut veram.

IX. Quæst. VI. *Quæ certitudo requiritur ad iuramentum præstandum in iudicio?*
 Resp. In foro necessaria est notitia certa. Cum quis iurat de facto alterius, necessaria est notitia experimentalis, qualis habetur per visum, quia ibi testes de auditu non admittuntur. Recentes Theologi communiter docent, sufficere unicum testem fide dignum ad iurandum extra iudicium, secus in iudicio. Sic inquirunt Salmanticenses, Sporer, La Croix, & plures alij, quos ipsi citant. Sed dicendum mihi videtur, sive in iudicio, sive extra iudicium, neminem posse iurare rem ut absolute veram, quam solum ab unico teste, etiam fide digno, audiverit; sed debere eam iurare eo modo quo eam scit, nempe vel quia compertam oculis habuit, vel quia narratione ab aliis accepit. Quamvis testis fide dignus fundamentum mihi sit ad prudenter credendum quod narrat; tantæ auctoritatis tamen mihi esse nequit hæc fides, seu credulitas, ut ipsi innixus iurare absolute valeam verum esse quod audivi; sed solum iurare possum illud me audivisse. Cur coram iudice iurare nequimus absolute verum esse quod ab unico teste audivimus? Non alia profecto ratione, nisi quia unus humanus testis certitudinem sufficientem ad iuramentum non inducit. Et quamquam in iudicio agatur de proximi damno; attamen huiusmodi maxima certitudo depositur in iudicio, non tam ad damnum cuiuscumque vitandum, quam ut omnis peierandi occasio tollatur. Hoc est peculiare illud quod circa iuramenta iudicialia dicendum occurrit, nimirum iudices, ut sententiam ferant, talia exigere iuramenta, ut quod adfirmatur, oculorum testimonio innoverit, scilicet iuramenta experimentalis, ut dicitur, certitudinis. Falsum est igitur quod communiter asserunt recentes Theologi, extra iudicium te posse iurare absolute verum esse quod tantum per probabiles rationes, & coniecturas agnoscis; sed sive in iudicio, sive extra, quod ex auditu dumtaxat scis, iurare debes ex auditu te scire; & quod tibi constat ex visu, iurare debes tibi ex visu constare. Cuius

ius ratio est, quia sive in iudicio, sive extra, ratio formalis iuramenti eadem est; nempe invocatio testimonii divini; & eadem reverentia Deo ubique & semper debetur. Hoc vero discrimen est inter iuramenta iudicialia, & privata, quod iudex nihil decernit, nisi testes iurent rem visu compertam; homines vero privati fidem sæpius adhibent, & multa deliberant (potissimum ubi de tertii damno non agitur) iuramentis innixi de rebus auditis. Quare, si mihi iuras te audivisse a viro fide dignissimo, nullique exceptioni obnoxio, factum aliquod, ceu homo privatus tibi fidem integram adhiberem; & prout talis noticia rationes meas, seu negotia spectaret, illa tamquam regula plurium mearum deliberationum uteretur; ceterum ut iudex fidem tibi non haberem, nihilque sancirem tali innixus iuramento.

X. Quæst. VII. *Quæ diligentia requiritur in inquirenda veritate necessaria ad iuramentum?* Resp. Salmanticenses *loc. cit. num. 4.* respondent his verbis. „Non exigitur æqualis diligentia in omni materia ad perscrutandam veritatem rei iuratæ; sed secundum conditionem rei adhibenda est maior, vel minor. In rebus namque quæ maioris ponderis maior est adhibenda cura quam in rebus minoris momenti.“ Hæc regula mihi videtur falsa. Quandoquidem non rei iuratæ natura, sed summa gravitas, & dignitas iuramenti norma esse debet diligentiae quæ necessaria est in inquisitione veritatis, antequam iuretur. Nonne periurium assertorium etiam in re levissima peccatum est mortale? Cur? Quia non ex re iurata, sed ab iniuria divinæ veritati irrogata gravitas periurii repetitur. Ergo, cum iuramentum suapte natura, nullo habito ad rem iuratam respectu, penes omnes gentes sit res summi momenti; ipsum præcedere debet diligentia summa pro veritatis inquisitione. Solum igitur diligentia adhibenda dici potest maior vel minor non in ordine ad rem iuratam, sed ad veritatem ipsam, quæ magis vel minus obvia est & pervia. Quando vero res quæ iuratur, gravis momenti est, quia famam, vel fortunam proximi spectat, maior diligentia, & deliberatio requiritur non vi iuramenti, seu virtutis religionis; sed vi alterius virtutis, iustitiæ, vel caritatis: quia, si iuras falsum adversus proximum tuum in re gravi, præter periurium committis peccatum iniustitiæ. Et hoc sensu dicitur, quod quando res iurata est magni ponderis, etiam ex hoc capite requiritur gravis diligentia, ut præter periurium peccatum quoque iniustitiæ vitetur. Hæc omnia mihi certa videntur, neque negari possunt a recentioribus; quamvis verbis ambiguis contrarium asserant.

XL Quæst. VIII. *An qui notabiliter negligens est in inquirenda veritate rei quam iurat, peccet mortaliter; tametsi contingat rem quam iurat, esse veram?* Resp. Sanchez *Lib. III. in Decal. cap. IV. num. 10.* Leander *traç. 1. disp. VII. quæst. 1.* & apud ipsos Scotus, Caietanus, Richardus, Sotus, Navarrus, & communiter omnes docent, hunc peccare mortaliter: quia iste exponit se periculo peierandi, & in re gravis momenti omittit diligentiam necessariam. Ut autem validius omnia quæ

in

in præcedentibus quæstis dicta sunt, confirmantur; & potissimum illa regula in qua diximus, notitiam probabilem, quæ satis esse potest ad regendos ceteros actus humanos, minime sufficere ad iuramentum edendum, placet doctrinam D. Thomæ in medium afferre. Hæc igitur habet S. Doctor 2.2. quæst. lxxxix. art. 3. ad 3. *In iuramento est periculum magnum, tum propter Dei magnitudinem, cuius testimonium invocatur, tum etiam propter labilitatem linguæ humanæ, cuius verba iuramento confirmantur. Et ideo huiusmodi (nempe veritas, iudicium, & iustitia) magis requiruntur ad iuramentum quam ad alios humanos actus.* Ea itaque probabilis notitia quæ ad alios humanos actus sufficit, ad iuramentum satis minime est.

XII. Quæst. IX. *An, ut scholastici possint licite iurare aliquem socium ad scholas accessisse tempore ab universitate requisito pro cursu conficiendo, sufficiat quod illum viderint communiter scholas frequentasse?* Resp. Tamburinus *Lib. III. cap. 11. §. 1. num. 8.* refert hunc casum ex Hurtado apud Dianam Part. V. traçt. viii. ref. 10. *Scholasticus volens probare recursum, ad quem eget duobus testibus, adhibere potest duos amicos, qui illum non viderunt interesse lectionibus; at satis sibi persuadent illum interfuisse: at non possunt iurare se id vidisse.* Quam decisionem approbat Tamburinus, cui ego accedere minime valeo. Involuta namque est & valde implexa resolutio isthæc. Hi duo amici scholasticum minime viderunt; & nihilosocii iurare possunt, non se illum vidisse, sed absolute illum scholas frequentasse? Cur iurare possunt? Quia sibi satis persuadent illum interfuisse lectionibus? Cur id sibi persuadent? Nullum istius persuasionis momentum adducitur. Quare innui videtur, amicos istos iurare absolute posse, quia vel scholasticus id testatur, vel ipsi libere, & benigne ex quadam in amicum scholasticum propensione persuasi sunt reipsa scholasticum gymnasia frequentasse. Nemo autem non videt, hæc fundamenta ad iuramentum satis minime esse. Si enim præfati amici iurare debent, scholasticum interfuisse lectionibus, necessum est ut vel eundem viderint, vel testes fide dignos habeant id affirmantes. Quod postea communiter docent Auctores, ad hoc iuramentum sine culpa præstandum, non oportere ut iurantes singulis diebus viderint scholasticum scholas adeuntem, verum est. Hæc enim cognitio haberi haud potest. Satis igitur erit eos scire scholasticum communiter audivisse lectiones: quia id, & non plus exigunt universitates. Quamquam ut iuramentum debita cum religione proferatur, iurantes communem, non quotidianam in scholis præsentiam iuramento firmare debent. Evitanda tamen extrema sunt. Quando iuramentum fit ad mentem interrogantis, bona fide comitantibus veritate, iudicio, & iustitia, cavendum a nimia anxietate, & superstitione est, ne dum unum extremum vitare studes, in alterum incidas.

XIII. Quæst. X. *An licitum sit persuadere alicui ut iuret veritatem quam ipse ignorat?* Resp. Certum est apud omnes non licere: quia qui iurat sine certa cognitione, pec-

peccat mortaliter : ergo similiter peccat qui illum ad iurandum hoc modo, nempe sine certa cognitione, inducit. Ad cuius rei claritatem proponi solet hic casus. Petrus mercator, ut probet Paulum sibi debere centum aureos, quos revera debet, & alioquin se eos debere negat, inducit Antonium ad iurandam veritatem istius debiti. Iurat Antonius, se scire Paulum debere Petro centum aureos; cum tamen falsum sit Antonium hanc habere scientiam. Illius ergo iuramentum certe perurinum est. Ad restitutionem tamen non tenetur, eo quod debitum centum aureorum verum supponitur. Et quamvis Petrus mercator producat rationes quæ tibi suadeant, verum esse creditum, non propterea in iudicio iurare potes te id scire; quin neque extra iudicium: sed solum iurare potes te audivisse a Petro, hanc pecuniæ summam illi a Paulo debitam esse.

C A P U T X.

De iustitiæ, & iudicii defectu in iuramento assertorio. Nonnullæ quæstiuncule resolvuntur.

I. **I**AM supra explicatum est quid sint tum iustitia, tum iudicium, necessaria ad quodcumque iuramentum. In præsentia autem id potissimum discutendum suscipimus, utrum, sicuti defectus veritatis in iuramento assertorio semper est peccatum mortale; ita etiam defectus iustitiæ, & iudicii in eodem iuramento mortale peccatum constituat. Atque, ut nonnullas difficultates circa hoc resolvamus, sequentia quæstia proponimus.

II. Quæst. I. *An defectus iustitiæ in iuramento assertorio sit peccatum mortale?*
Resp. Antequam directe respondeo, animadverto, dupliciter aliquem rem iniustam iurare posse. Primo, cum quis rem iniquam veram narrat ob iustam causam; puta, dum ob bonum finem iuramento confirmat peccatum vel a se, vel ab alio commissum. Hoc modo honeste, ac iuste rem iniustam, & iniquam ille iuraret. Secundo, cum rem iniquam ob malum finem manifestat: v. g. si quis revelaret occultum delictum proximi, cuius fama ex tali revelatione graviter læderetur. Hoc pacto ille rem iniquam iniquo modo iuraret, & iuramento uteretur tamquam instrumento ad confirmandam manifestationem iniquam. In primo casu confirmaret veritatem iniquitatis commissæ, iusta causa urgente: in secundo confirmaret iniquam manifestationem delicti, sola malitia impellente.

III. Ad quæsitum Salmanticenses *tract. xvii. cap. 11. punct. 5. §. 1. num. 47.* respondent docendo ex Suarez, Sanchez, Palao, Tamburino, & Leandro, defectum iustitiæ in iuramento assertorio non esse mortale, sed veniale peccatum; nisi iuramentum assumatur ut instrumentum iniquitatis, in quo casu peccatum esset mortale.

tales. Exemplum afferunt. Tu manifestas crimen verum, sed occultum proximi tui, quo illius fama grave damnum perpetitur. Deinde, ut detractorem tuam certior efficias, ipsam iuramento confirmas. Tunc profecto peccas mortaliter, non solum peccato detractiois, sed etiam peccato adversus iustitiam, iuramenti comitem. Si vero tuum peccatum proprium patefacis ob instantiam, & deliberatam oblectationem, simulque iuramento confirmas te peccatum illud commississe; peccas quidem mortaliter peccato complacentiæ, ac non peccas mortaliter adversus iustitiam necessariam iuramento, sed tantum venialiter. Sic differunt Salma-ricenses cum Auctoribus a se citatis. Mihi 'probabilior videtur sententia Soti *Lib. VIII. de iust. & iur. art. 3. col. 2. De secundo autem, Toleti Lib. IV. cap. XXI. num. 10. & 11. Ledefmæ II. Tom. Sum. tract. XI. cap. 11. dub. 4. Aragon. 2. 2. quæst. lxxxix. art. 10.* nimirum defectum iustitiæ in iuramento assertorio esse peccatum mortale, quando iurantis assertio est peccatum mortale; si vero assertio quæ iuramento firmatur, sit solum venialis; veniale quoque erit crimen iuramenti. Ratio videtur manifesta: quia gravissima iniuria Deo infertur, dum illius auctoritas adhibetur ad confirmandam assertionem graviter iniquam. Et, ut adversariorum exemplo utamur, non video disparem rationem cur dicant, non peccare mortaliter adversus iustitiam iuramenti eum qui iuramento confirmat complacentiam mortalem proprii peccati; peccare vero graviter contra eandem iustitiam illum qui infamiam proximi iuramento certior reddit. Quandoquidem, licet ex parte rei iuratae gravius sit crimen diffamare proximum quam delectari propria iniquitate commissa; attamen ex parte modi iurandi, ut dicitur, quoties Deus in testem gravis iniquitatis adducitur, gravis illi irrogatur iniuria. Neque alicuius momenti est adversariorum responsio, nempe, deficiente iustitia, adhuc finem iuramenti subsistere, qui est confirmatio veritatis: qua consistente, non vocatur Deus in testem mendacii, sed iniquitatis. Siquidem concedimus & nos, finem præcipuum iuramenti esse confirmationem veritatis, seu veritatem esse potissimam ex conditionibus ad licitum iuramentum necessariis: & idcirco dicimus omnes, defectum veritatis, etiam in re levissima, mortale peccatum inducere; defectum vero duarum aliarum conditionum in re levi esse dumtaxat peccatum veniale. At hinc inferri minime potest, defectum iustitiæ in materia gravi non esse peccatum mortale. Concludimus itaque, quod, quoties iurans utitur divino testimonio ob malum finem, seu animo culpabili, & pravo ad roborandam manifestationem iniquam, sive proprii, sive alieni peccati mortalis, committat duplex peccatum, unum adversus illam virtutem cui opponitur res narrata, alterum adversus iustitiam iuramenti.

IV. Quæst. II. *An defectus iudicii in iuramento assertorio sit peccatum mortale?* Resp: De iudicio ad iuramentum assertorium requisito supra locuti sumus. Hæc iudicii con-

ditio postulat rationabilem causam iurandi : quoties enim deest ratio, seu causa iurandi, iuramentum iudicio caret, ut dictum est. Sex quoque iurandi causas ex D. Thoma produximus *cap. viii. num. 4.* Nunc addimus, tunc potissimum adesse necessitatem, & causam iurandi, quando hæc duo concurrunt. Primum est, quod veritas alia via probari nequeat, nisi iuramento. Alterum est, quod probatio, seu confirmatio illius veritatis sit necessaria, nempe quod cedat aut in publicam, aut in privatam utilitatem. Gradus præcisus istius necessitatis præscribi nequit. Sex assignavit istius necessitatis casus D. Thomas a nobis supra relatos, præter quos alii etiam occurrere possunt. Necessitas autem ista, quando reapse adsit, vel non adsit, prudentis arbitrio relinquendum est. Regula generalis sit, absque aliqua morali utilitate numquam adesse iurandi necessitas.

V. Ut autem proposito quæsito directe respondeamus; distinctionem præmittamus oportet. Si res quæ iuranda est, sit manifeste vera, & iusta, seu licita, solumque sit defectus iudicii in expendenda necessitate iurandi, absolute loquendo non est nisi culpa venialis. Si vero defectus iudicii sit in inquisitione veritatis, tunc, si negligentia levis est, culpa erit levis; si negligentia gravis, peccatum erit mortale. Responsio patet ex dictis supra.

DISSERTATIO II.

D E

IURAMENTO PROMISSORIO.

QUAE hæcenus disputata sunt, iuramentum in communi, & potissimum assertorium spectant. Illud nunc est reliquum ut de iuramento promissorio sermonem instituam. Istud siquidem suas peculiares habet difficultates: quoniam ultra veritatem præsentis assertionis, secum promissionem in futurum implendam desert. In hac autem disputatione primum omnium eas difficultates discipiam quæ ad veritatem, iudicium, & iustitiam pertinent: deinde obligationis vim, quam iuramentum hoc inducit, exponam.

C A P U T I.

De veritate, & iudicio necessariis in iuramento promissorio. Quæstiuncule non parvi momenti examinantur.

IHugo Grotius *Lib. II. de iur. belli, & pacis cap. XII. §. 21.* negat licitum esse iuramentum promissorium, eo quod rei promissæ incertus sit eventus. Et contra hæc iuramenta adducit textum Evangelii: *Nolite iurare omnino.* Sed Grotius, Auctor aliquin inter heterodoxos gravis, errat, eiusque errorem iam refutarunt vel ipsi hæretici in notis. Quare, hoc misso errore, sententia Catholicorum explicanda est. Concors est igitur Doctorum sententia, omnes tres conditiones, nempe veritatem, iudicium, & iustitiam, necessarias esse in iuramento promissorio, non secus ac in assertorio. Præfatæ quippe conditiones iuramentum absolute acceptum comitari debent, & consequenter quodcumque particulare iuramentum. De iudicio, cuius est iurandi necessitatem examinare, nil occurrit dicendum præter ea quæ in præcedenti dissertatione dicta sunt. Nullum siquidem iuramentum fieri sine rationabili necessitate licite potest. Hæc necessitas modo maior, modo minor est, pro materiæ quæ iuratur, diversitate. Omissio itaque examine istius conditionis, quæ nullam novam affert difficultatem, enucleandam suscipimus veritatem, quæ necessaria est in iuramento promissorio, & quæ peculiaribus difficultatibus est obnoxia.

II. Quæst. I. *An defectus veritatis de presenti in iuramento promissorio semper sit*

De ij *pro.*

peccatum mortale? Resp. Iam dictum est, iuramentum promissorium duplici consistere veritate: altera de presenti, quæ in hoc consistit quod iurans habeat, dum iurat, sincerum animum implendi quod promittit: altera de futuro, quæ in futura executione rei promissæ sita est. Respondetur ergo ad quæsitum, defectum veritatis præsentis in iuramento promissorio esse semper peccatum mortale. Ita omnes. Ratio est evidens: quia iuramentum promissorium ratione veritatis præsentis convenit cum assertorio, ut supra indicatum est. Falsitatis autem attestatio in iuramento assertorio est semper peccatum mortale, etiam in re levissima: ergo etiam in promissorio. Utrobique enim Deus invocatur in testem falsitatis, quod gravissimam ipsius præfert iniuriam. Sive itaque parva res, sive magna, sive licita, sive illicita promittatur, sine veritate de præsentis, hoc est sine animo implendi talem promissionem iuramento confirmatam, semper erit peccatum mortale.

III. Quæst. II. *An defectus secunda veritatis gravis sit iudicandus; seu an qui rem promissam iuramento firmatam in materia gravi non implet, peccet mortaliter?* Resp. Omnes affirmative respondent: quia violatio iuramenti in re gravi, graviter Deum contemnit: & si violatio voti in materia gravi est mortalis, potiori iure id dicendum de violatione iuramenti. Neque difficultas aliqua est de hoc inter Theologos.

IV. Quæst. III. *An peccet mortaliter qui rem promissam iuramento firmatam in materia levi non implet?* Resp. Disputant in utramque partem Theologi acriter conatu. Primum quæ penes omnes certa sunt, præmittam; deinde quid mihi probabilius videtur, exponam. In primis itaque omnes fatentur, peccare mortaliter eum qui promissionem verbalem iuramento confirmat sine animo promittendi, quia sic est periurus, ut dictum est. Omnes pariter adfirmant, peccare mortaliter eum qui intentionem habet promittendi, sed animum implendi non habet, ob eandem rationem: quia in utroque casu mentitur, & peierat. Cum enim quis iurat se assumpturum alicuius obligationis onus, & reipsa defectu intentionis non assumit, mentitur; sicuti qui iurat se quidquam facturum, iurat se propositum habere faciendi. Propositum ergo si non habeat, mentitur, & periurus est. Omnes pariter assentiuntur duplicem dari veritatem in iuramento promissorio: unam de presenti, quæ, ut diximus, sita est in animo promittendi, & implendi rem promissam; alteram de futuro, quæ in executione rei promissæ consistit. Denique omnes concedunt, defectum cuiuscunque veritatis in iuramento esse ex genere suo, & absolute peccatum mortale. In hoc autem vertitur totius controversiæ status, num scilicet detur parvitas materiæ in secunda veritate iuramenti promissorii. Et triplex de hac re reperitur sententia. Prima, quæ negat; altera extrema, quæ adfirmat; tertia media, quæ distinctione utitur. Si res promissa est

inter-

integra, & tota materia iuramenti, aut voti, quamvis sit levis; v. g. si iurasti, vel vovisti te pauperi daturum unum obolum: tunc omisso executionis est peccatum mortale. Si autem materia omissa est partialis; puta, si iurasti te daturum decem solidos, & des dumtaxat octo: tunc omisso est tantum peccatum veniale. At communiter Auctores utriusque extremæ sententiæ reiiciunt hanc tertiam mediam, tamquam inutilem. Nam admissio quod defectus veritatis in materia tota sit mendacium, idem contingit in defectu partis materiæ. Adducere enim Deum in testem mendacii, quocumque modo contingat, semper est peccatum mortale. Relicta ergo hac media opinione, sub examen inducitur, quænam ex duabus extremis sententiis probabilior sit.

V. Dico, cum qui rem præmissam iuramento firmatam non implet, etiamsi materia levis sit, periurium committere, & peccare mortaliter. Ut tamen clarius percipias sensum istius nostræ sententiæ, advertas velim, nos in præsentia non loqui de illis iuramentis quibus matres iuratæ pueris pomum spondent, aut rem levem, quam postea non exhibent; nec de iis quibus viri ingenui, hortante modestia, iurati negant se prægressuros, ut focios honore afficiant, & nihilominus quandoque prægrediuntur. De his, inquam, aut similibus iuramentis nobis minime sermo est. Immo cum Comitolo *Lib. II. quæst. iv.* fatemur, nimis durum fore damnare noxæ mortales matres, aut viros ingenuos: quoniam eiusmodi locutiones aut iuramenta vera non sunt ex defectu sufficientis deliberationis; aut veram excipiunt interpretationem, quam alibi dedimus. Abstinentium tamen ab eiusmodi iuramentis. Loquimur ergo de iuramento serio, & deliberato; quo homines aliquid iurati spondent. Hanc sententiam ideo ut probabiliorē eligimus, quia conceptis verbis eam docent, ut ego arbitror, D. Augustinus, D. Thomas, D. Raymundus, & gravissimi Theologi infra citandi. D. Augustinus *epist. xii.* alias *l. ii.* hæc habet: *Expectationem autem eorum quibus iuratur, quisquis deceperit, non potest non esse periurus.* Clarius D. Thomas *2. 2. quæst. lxxxix. art. 7.* in corp. *Sicut autem iuramentum assertorium, quod est de præterito, vel de præsentī, debet habere veritatem; ita etiam & iuramentum de his quæ sunt fienda a nobis in futurum. Et ideo utrumque iuramentum habet quamdam obligationem; diversimode tamen: quia in iuramento quod est de præterito, vel præsentī, obligatio est non respectu rei quæ iam fuit, vel est, sed respectu ipsius actus iurandi, ut scilicet iuret id quod iam verum est, vel fuit. Sed in iuramento quod præstatur de his quæ sunt fienda a nobis, obligatio cadit e contra super rem quam aliquis iuramento firmavit. Tenetur enim aliquis ut faciat esse verum id quod iuravit; alioquin deest VERITAS iuramento.* Adeo comperta, adeo evidens est D. Thomæ mens, ut nulla eludi tergiversatione valeat; quemadmodum iam iam clarius patebit. D. Raymundus *Lib. I. Sum. tit. de iuram. & periurio pag. 92. col. 2.* hæc habet. *Si tunc quando iura-*

bat, credebatur se non posse solvere, vel credebatur quod posset, sed fatue, quia non habebat causam credendi; tunc in utroque casu peccabat: quia in primo casu decebat veritas in conscientia, in secundo iudicium. Si vero ab initio credebatur se posse solvere, & probabiliter, non peccabat quantum ad hoc; sed postea si fecit posse suum in utroque casu, & non potuit persolvere in termino, non est periurus ex hac causa. Multo magis excusatur, si misit tempore debito, sed casu fuit amissa in via pecunia, ut colligitur ex cap. Querela ext. de iuramento, ex canone Si nulla causi. xxiii. quest. viii. & canone Sicut dist. i. de consec. Si tamen elapso termino posset, & non persolveret, esset PERIURUS. Lapsus enim termini non suffulit obligationem iuramenti, ut colligitur ex cap. Cum dilecti ext. de dolo, & contumacia. Hanc eandem sententiam docet Catechismus Tridentinus P. III. de 2. præcept. num. 23. ubi hoc proponit quæsitum: Qui non servat quod iuravit, aut vovit se facturum, qualiter peccet. Respondet. Eiusdem vero peccati [nempe periurii, de quo numero præcedenti sermo est] reus censendus est qui se aliquid iureiurando facturum promittit; cum tamen aut promissum implere in animo non fuerit, aut si fuit, quod promittit, reipsa non præstat. Gersonius in expositione præceptorum Decalogi de iuramento, & periurio inquit: Quantum ad iuramentum de futuris, persona statim periurat tunc cum habet voluntatem firmam non implendi, vel quia non implet de facto. D. Antoninus II. P. tit. x. cap. vii. de periur. §. 1. In iuramento promissorio si omittit implere quod promittit, propter legitimum impedimentum, excusatur a mortali, secundum Petrum de Taramasia. Idem Bonaven. in III. xxxix. dist. Ergo a contrario non excusatur, cum deest legitimum impedimentum. Lege integrum caput, ubi fusc evincit, omne periurium esse peccatum mortale. Quare locus cavillandi non remanet, illum loqui in gravi, secus in parva materia. Ex his colligitur secundum Augustinum, Thomam, Raymundum, Antoninum, Catechismum Tridentinum, & Gersonium, reum esse periurii qui non implet id quod sub iuramento promittit. Periurium autem semper est peccatum mortale.

VI. Rationibus evincitur nostra sententia. Iuramentum promissorium, prout distinguitur ab assertorio, habet pro materia veritatem futuræ executionis rei promissæ, & iuratæ. Ratione siquidem veritatis de præsentis non distinguitur ab assertorio, ut fatentur adversarii, qui omnes concedunt, iuramentum promissorium duplicem habere veritatem, alteram de præsentis, alteram de futuro. Hæc itaque prima propositio nulli est obnoxia tergiversationi. Sed, cum res iurata, & promissa non impletur, deest hæc veritas propria iuramenti promissorii. Ergo qui iurat, & non implet, periurium committit: ergo peccat mortaliter.

VII. Ratio adducta tota est D. Thomæ, qui conceptis verbis asserit in allata auctoritate, materiam iuramenti promissorii esse executionem futuræ rei promissæ; quemadmodum assertorium habet pro materia veritatem vel de præterito »

vel

vel de præfenti. *Sic autem iuramentum assertorium, quod est de præterito, vel de præfenti, debet habere veritatem; ita etiam & iuramentum de his quæ sunt fienda a nobis in futurum.* Subdit vero Angelicus, deesse veritatem huic iuramento, quoties iurans non implet suo tempore rem iuratam. *Tenetur enim aliquis ut faciat verum esse id quod iuravit: alioquin DEEST VERITAS iuramento.* Si deest veritas iuramento, ergo iurans vocat Deum in testem falsitatis, ergo peierat, ergo peccat mortaliter.

VIII. Confirmantur hæc omnia. Ideo defectus veritatis in iuramento assertorio in materia levissima est semper peccatum mortale, quia Deus adducitur in testem falsitatis. Sed, quoties non impletur res promissa iurata per iuramentum promissorium, Deus adducitur in testem falsitatis. Ergo peccatum est mortale. Nonne iuramentum promissorium est verum iuramentum? Ergo invocatur Deus in confirmationem veritatis: non autem præsentis, quia ex hac parte est assertorium: adducitur ergo in confirmationem veritatis futuræ: ergo, deficiente hac veritate, Deus vocatur in testem falsitatis.

IX. Mirifica sunt responsa quæ ad has evidentes rationes adversarii exhibent. Respondet Cardenas [*& est communis responsio*] *dissert. xvii. art. 2. num. 24.* his verbis: *Licet in eo casu falsum sit quod iurans impleturus sit iuramentum [Deus enim scit non esse implendum] at id non est falsum ex intentione iurantis, cum habeat intentionem implendi. Unde solum est falsum materialiter.* Eandem responsionem describit La Croix. Viden' quo tandem recidunt istorum Theologorum acumina? *Falsum materialiter?* In iuramento assertorio dicimus, Petrum iurare falsum materialiter, quando, prævia debita diligentia, iurat falsum putans esse verum. At si sua culpa verum ignorat, iurat falsum formaliter, licet putet esse verum. Qui rem iuratam non implet, sua culpa non implet. Idque ut certum supponimus. Si enim ex vera impotentia non impleteret, tunc esset falsum materialiter. Sed adversarii omnes loquuntur in hypothesis quod iurans possit, & deliberate nolit exequi quod promisit. Ergo, cum Cardenas, alii que concedant, defectum istius executionis inducere falsitatem, falsitas formalis erit, non materialis: quoniam ex deliberata, & culpabili voluntate ipsius iurantis, nolentis implere promissum, ortum ducit.

X. Confirmatur ultimo nostra sententia. Omnes ad unum adversarii concedunt, peccare mortaliter adversus iuramentum promissorium eum qui in materia gravi non implet quod sub iuramento promisit. Omnes pariter ad unum fatentur, rationem formalem cuiuscumque iuramenti desumi, non a gravitate, vel parvitate rei iuratæ, sed ab invocatione divini testimonii; & ob hanc rationem communiter, præter Castropalaum, aliosque paucos, defendunt, ut supra vidimus, omnia iuramenta esse eiusdem speciei. Tandem omnes adfirmant, iuramentum promissorium

Dd iiij rium

rium semper includere assertorium, quatenus debet habere animum præsentem iurandi, promittendi, & implendi promissum; distingui vero ab assertorio ob hoc quod Deum invocet in confirmationem veritatis futuræ. Hæc omnia certissima sunt penes adversarios. Ex quibus ego hanc colligo validam pro mea sententia probationem. In violatione promissionis iuramento firmatæ, & acceptatæ, duplex committitur peccatum: alterum adversus iustitiam, alterum adversus iuramentum. In controversiam hanc propositionem adversarii non vocant. Sed peccatum quod est contra iuramentum, est contra veritatem: nec enim peccari potest adversus iuramentum, nisi peccando contra veritatem: quia ratio formalis iuramenti est confirmare veritatem sive præsentem, sive futuram, sive præteritam. Ergo quod materia sit gravis, vel levis, non tollit quin defectus veritatis inducat semper peccatum mortale. Materię magnitudo constituit peccatum grave contra iustitiam, vel fidelitatem promissionis; & eiusdem materię parvitas inducit solum peccatum veniale contra eandem promissionem. Sed hæc perperam obtruduntur ad augendam, vel minuendam malitiam iuramenti. Hoc enim suam speciem capit a veritate; efficiturque bonum, vel malum a veritate, vel falsitate. Porro quod hæc veritas, unica iuramenti materia, cadat super rem gravem, vel levem, nil omnino refert ad rationem formalem iuramenti. Quod ratiocinium cum admittant adversarii in iuramento assertorio, admittere quoque debent in iuramento promissorio, eo quod ambo sunt eiusdem speciei.

XL. Hinc inferri posse videtur, contrariam sententiam comprehendere sub hæc propositione damnata: *Vocare Deum in testem mendacii levis, non est tanta irreverentia propter quam velit, aut possit damnare hominem.* Et sane, ut vidimus, adversarii ipsi hanc suam opinionem a fulmine damnationis subducere nesciunt, nisi confugiendo ad mendacium materiale, ad falsitatem materiale, vel ad mendacium contra veritatem futuram. Sed falluntur. Nam hoc solum est discrimen assertorium inter & promissorium iuramentum, ut dictum est sæpius, quod illud præsentem, vel præteritam, hoc futuram veritatem spectat; vel, ut ait Angelicus, illud supra actum iurandi, istud supra rem quæ iuratur, cadit. Porro quod invocatio divini testimonii in confirmationem falsitatis præsentis, aut præteritæ sit peccatum mortale, secus autem in attestationem falsitatis futuræ, hoc est id quod nobis fere monstruosum videtur: potissimum quia tam falsitas præsens, quam futura sunt eiusdem speciei, sicut & iuramentum assertorium, & promissorium. Hanc nostram sententiam sustinent præter Augustinum, Thomam, Raymundum, Catechismum Tridentinum, & Gerfonium, Caietanum in *Sum. verb.* Periurium cap. 111. q. 2. 2. quæst. lxxxix. art. 7. Candidus *disq.* xxvi. art. 10. dub. 3. Filiucius *tract.* xxv. cap. x. quæst. vii. Valentia 2. 2. quæst. vii. disp. vi. punct. 3. con. 3. Toletus in *Sum. Lib. IV. cap. xxi.* Covarruvias *Lib. I. Var. cap. 1. num. 2.* Cordu-

duba in Sum. Hispan. quest. clxxxviii. Philiaricus de officio Sacerd. Tom. I. P. II. Lib. III. cap. 111. Bassæus Tom. I. & Tom. II. verb. iur. Sayrus Lib. I. cap. iv. num. 18. Reginaldus Lib. I. num. 79. Medina in Sum. cap. xiv. §. 4. Lessius de iust. & iur. Lib. II. cap. xlii. dub. 5. num. Bonaciua Tom. II. disp. iv. quest. 1. punct. 14. num. 2. Natalis Alexander Lib. IV. art. 3. regul. 3. Genet tract. de 2. præcep. Decal. cap. 11. quest. 111. Henricus a S. Ignatio Tom. II. Lib. X. P. II. cap. 111. num. 14. Paulus Gabriel Antoine tract. de virt. theol. cap. iv. quest. v. VVigandt tract. x. exam. num. 52.

XII. Obiicies 1. D. Thomas 2. 2. quest. cx. art. 3. ad 5. hæc scribit : *Qui aliquid promittit, si habeat animum faciendi quod promittit, non mentitur : quia non loquitur contra id quod gerit in mente. Si vero non faciat quod promisi, tunc videbitur infideliter agere per hoc quod animum mutat . . . unde & Apostolus non est mentitus, qui non iuravit Corinthibus, quo se iturum esse promiserat.* Mirum est potuisse adversarios hanc obtrudere auctoritatem, ex quest. cx. ubi D. Thomas nec verbum habet de iuramento, depromptam; cum ipse D. Thomas hanc eandem auctoritatem sibi opponat in quest. lxxxix. ubi de iuramento decem habet articulos. Porro art. 7. primo loco citatam auctoritatem sibi obiicit his verbis. *Videtur quod iuramentum non habeat vim obligandi. Inducitur enim iuramentum ad confirmandam veritatem eius quod dicitur. Sed, quando aliquis dicit aliquid de futuro, verum dicit, etiamsi non eveniat quod dicit; sicut Paulus, quamvis non fuerit profectus Corinthum, sicut dixerat, non tamen est mentitus.* Quid ad hoc argumentum respondet Doctor sanctus? En illius verba. *Ad primum ergo dicendum, quod aliud est de simplici verbo, aliud de iuramento, in quo divinum testimonium imploratur : Sufficit enim ad veritatem verbi quod aliquis dicat id quod proponit se facturum : quia hoc iam verum est in sua causa, scilicet in proposito facientis. Sed iuramentum adhiberi non debet nisi in re de qua aliquis firmiter certus est. Et ideo, si iuramentum adhibeatur, propter reverentiam divini testimonii quod invocatur, obligatur homo ut faciat verum esse id quod iuravit, secundum suam possibilitatem, nisi in deteriorem exitum vergat, ut dictum est.* Quid dixit Angelicus? Dixit in corpore articuli, si res iurata non impletur, veritatem iuramento deesse : *alioquin deest veritas iuramento.* Responsio adeo est manifesta, ut non egeat maiore explicatione.

XIII. Obiiciunt 2. PP. Salmanticenses, qui de more referunt aliorum Auctorum rationes. Aliter, inquirunt, philosophandum est in veritate de præfenti iuramenti sive promissorii, sive assertorii, ac in veritate de futuro. Et enim defectus illius veritatis est mendacium, quod nulla honestari ratione potest. At non servare rem promissam sub iuramento, animo implendi facto; non est mendacium, sed infidelitas, quæ admittit parvitatem materiæ. Ergo, quamvis non decur parvitas materiæ in defectu primæ veritatis; poterit

ta.

tamen dari respectu secundæ, cuius defectus non est mendacium, sed infidelitas.

XIV. Ipsorum adversariorum verbis proponere volui hoc unicum eorum argumentum, ut hinc magis pateat contrariæ sententiæ imbecillitas. Respondetur autem, argumentum istud merum esse paralogismum, atque extrema pugnancia continere. Concedunt, executionem rei iuratæ esse veritatem futuram iuramenti promissorii, seu unicam veritatem, prout promissorium est: siquidem ratione veritatis præsentis est assertorium. Deinde subdunt, huic veritati non opponi falsitatem, sed infidelitatem. Cur? Quia veritas isthæc futura est. Et nos dicimus, hæc invicem pugnare: quia veritati cuique, sive præsentis, sive futuræ, sive præteritæ, opponitur falsitas. Quare, semel concesso quod executio rei promissæ sit veritas iuramenti promissorii, perperam subditur, huic veritati non opponi falsitatem, sed infidelitatem. Ideo autem adversariorum argumentatio laborat paralogismo, quia non distinguunt inter rem promissam, seu promissionem simplicem, & iuramentum promissorium. Veritas promissionis, ut peroptime declarat Angelicus Doctor, est in ipso proposito promittentis, non in executione futura rei promissæ. Qua de causa cum quis vero proposito promittit aliquid se daturum, non peccat contra veritatem, quæ revera supponitur in proposito, si non observat quod promissit, sed contra fidelitatem. At, quando hæc res promissa constituitur materia iuramenti, gerit vices veritatis firmatæ per iuramentum: & iuramentum promissorium unice, quatenus tale, cadit super hanc veritatem futuram, ut inquit Angelicus, & concedunt adversarii. Ergo futile est dicere, quod defectus istius veritatis sit infidelitas, non falsitas. Respondemus itaque negando antecedens argumenti facti. Et dicimus, defectum veritatis futuræ in iuramento promissorio constituere periurium; quemadmodum periurium constituit defectus veritatis præsentis, vel præteritæ in iuramento assertorio. Mirum, quod aliquis Casuista non explicuerit relatam propositionem damnatam, dicendo, quod vocare Deum in testem mendacii levis adversus veritatem præsentem sit peccatum mortale periurii; secus si vocetur in testem mendacii levis adversus veritatem præteritam. Et profecto nunquam adversarii assignabunt verum discrimen, cur defectus veritatis præteritæ constituat mendacium *formale*; defectus vero veritatis futuræ constituat mendacium *materiale*, quando defectus istius veritatis promissæ ex sola culpa promittentis proficiatur.

XV. Obiiciunt 3. Qui non implet votum in materia levi, non peccat mortaliter: ergo neque qui non implet iuramentum rei levis. Resp. Negatur consequentia: quia non est gravis iniuria, aut irreverentia in Deum non præstare rem levem promissam, quæ parum ad eius confert honorem. At invocare Deum in testem falsitatis, etiam in re levissima, est gravissima iniuria contra Deum: quia

quia iurans falsum quocumque modo, quantum est ex se, efficit ut Deus testetur falsitatem. Veracitas autem Dei componi nequit cum falsitate cuiusque levisimæ rei. Ergo qui non exequitur rem promissam, iuratamque, negat veracitatem Dei, illamque conatu suo destruit. Falsa igitur est contraria opinio, quam defendunt Soto *Lib. VIII. de iussu. quæst. 1. art. 7.* Suarez *Tom. II. de Relig. Lib. III. cap. xvi.* Sanchez *Lib. III. Sum. cap. xv. num. 23.* Tamburinus *Lib. III. de iuram. cap. 111. §. 3. num. 4.* Petrus Ledesma *Tom. II. tract. xi. cap. 111. dub. 2.* Leander *tract. 1. disp. vii. quæst. xxxiii.* Azorius *Lib. XI. cap. v.* Castropalaus *tract. xiv. disp. 1. punct. 6. num. 8.* Trullench *Lib. II. cap. 1. dub. 6. num. 6.* Cardenas *dissert. xvi. cap. 11. art. 2.* La Croix *Lib. III. part. 1. cap. 11. dub. 5. num. 305.* Salmanticenses *tract. xvi. cap. 11. punct. 5. §. 2. num. 53.* alique apud ipsos, qui etiam pro se referunt Ioannem a S. Thoma 2. 2. *quæst. lxxxviii. disp. xxix. artic. 8.* sed falso: ibi enim Auctor iste sermonem habet de voto, in quo parvitatem materiæ concedit; solumque vocat probabilem opinionem de iuramento, minime eam defendit. Relatis Auctoribus addi potest P. Sporer *tractat. cx1. in 2. præcept. Decal. sect. 4. num. 137.* ubi ait: *In praxi omnino tutum est periurium promissorium ex materie levitate excusari a mortali, & reddi veniale.* Patres omne periurium diris devoverunt, & Augustinus immanem belluam appellat: nemoque eorum distinxit inter periurium promissorium, & assertorium. D. Thomas autem 2. 2. *quæst. xcvi. artic. 3.* resolvit omne periurium esse peccatum mortale. Quare nimis confidenter P. Sporer statuit omnino tutum esse periurium promissorium censerî veniale ex levitate materiæ. Sed de his plusquam satis.

XVI. Quæst. IV. *An peccaret mortaliter qui sub iuramento rem promitteret animo dubio implendi illam?* Resp. Communiter omnes affirmative respondent. Sic ut enim qui rem dubiam iurat ut certam, periurium assertorium committit; ita qui iuramento rem promittit quam executurum se fore vel dubitat, vel non credit, peccat mortaliter promissorio periurio. Nemo igitur iuramento promissiones suas confirmet, nisi certus moraliter sit de futura executione. Nec sufficiunt probabiles coniecturæ, vel rationes; sed fundamenta gravia, & firma, quæ omnem prudentem dubitationem auferant, requiruntur: quidquid in oppositum quidam asserant. Vide quæ dicta sunt de iuramento assertorio.

XVII. Quæst. V. *Quomodo sint interpretanda illa iuramenta quibus communiter homines iurant, se primos non ingressuros per ianuam, non sessuros &c.* Resp. Interpretantur hoc modo, quod iurantes habeant animum firmum implendi quod asserunt, iuxta sensum quem similes expressiones produunt. Sensus autem communis est, quod iurans, quantum ad se attinet, quantum est ex parte sua, nolit prius altero ingredi, sedere &c. Quare, si nimia humanitate socii cogatur pri-

mus

mus ingredi, non evadit falsum iuramentum: quia hæc conditio includitur in ipso iuramento.

C A P U T II.

De iustitia necessaria ad iuramentum promissorium.

I. **I**ustitia, quæ una est ex tribus conditionibus iuramenti in genere considerata, locum potissimum habet in iuramento promissorio. Hæc iustitia præscribit ut sub iuramento promittatur res licita, & honesta. Quare promissio rei illicitæ, & improbæ sub iuramento est ex suo genere peccatum mortale. Communiter Doctores tradunt inspiciendam esse materiæ gravitatem quæ sub iuramento cadit, ut inde colligatur gravitas peccati contra iuramentum. Quibusdam quæstis res tota explicabitur.

II. Quæst. I. *An peccet mortaliter adversus virtutem religionis qui iurat se fornicaturum, seu quodlibet aliud grave delictum perpetraturum?* Resp. Affirmative omnes respondent. Duplex ergo sic iurans committit peccatum: alterum fornicationis, cum animum revera habeat fornicandi; alterum adversus iustitiam iuramenti. Si autem animus adimplendi quod iurat, desit, unicum gravissimum periculum erit adversus veritatem, & iustitiam iuramenti. Ratio evidens est: quia adducere Deum in confirmationem iniquitatis est gravissimam iniuriam Deo irrogare.

III. Quæst. II. *An qui iurat se commissurum aliquod peccatum veniale, peccet mortaliter?* Resp. Communis sententia est negativa: quia non est gravis iniuria in Deum quod vocetur in confirmationem propositi committendi peccatum veniale illius auctoritas. Idque patet ex eo quod sub veniali tantum culpa adstringatur iurans ad omittendam præfati iuramenti executionem. Sic communiter recentiores differunt.

IV. Relatam sententiam, si Auctorem inspicio multitudinem, quos referunt, & sequuntur PP. Salmanticenses tractat. xvii. cap. 11. punct. 5. num. 54. nequeo non asserere probabilem; si vero rationes expendo, probabilius mihi videtur oppositum. Enimvero qui peccatum veniale se commissurum iurat, Deum ad suum propositum roborandum, confirmandumque invocatur. Idcirco siquidem promissio, seu deliberatio aliqua divini testimonii auctoritate munitur, ut firmior, & immobilior evadat. Quid vero Deo iniuriosius, quid infestius, quam illius infinita nominis maiestate abuti, & illius auctoritatem in præsidium devolvere iniquitatis? Confirmatur. Qui iurat sine animo iurandi, graviter peccat. Cur? quia abutitur iuramento. Sed peior abusus est, dum quis iuramento utitur ad confirma-

tio-

tionem iniquitatis. Ergo &c. Accedit quod qui Deum invocatur in testem peccati venialis, eum adducit tamquam fideiussorem illius, & approbatorem: testis enim allegatur ad testandum, ut approbet id quod suo testimonio confirmat. Quid vero scelestius quam Deum inducere ad approbandam iniquitatem, quantumvis minimam? Denique peccatum veniale est assumere nomen Dei in vanum, nempe si iuras absque necessitate, te quidquam facturum licitum, & honestum. Cum vero iuras te peccaturum, solum venialiter peccabis? Si iuras sine animo committendi illud peccatum, peccas mortaliter secundum omnes; si vero iuras cum vero animo illud peccatum perpetrandi, venialiter dumtaxat delinques? Hæc sane nimium dura, ne absurda dicam, videntur. Iuramentum res est sacrosancta, cuius finis est confirmatio veritatis. Qui illud pro sua parte in vinculum iniquitatis convertit, sanctissimum Dei nomen profanat, atque enormem irrogat divinæ veracitati iniuriam.

V. P. Castropalaus fatetur, hæc omnia sibi difficilia videri; non audet tamen a communi recedere sententia: ideo quædam a se excogitata responsa præbet *tract. xiv. disp. 1. punct. 6. num. 10.* Respondet itaque, iurantem non intendere Deum ad approbandam iniquitatem inducere; sed ex vulgari quadam ignorantia credit immutabile fore quidquid sub iuramento promittitur. Concedo & ego, iurantem hanc expressam intentionem inducendi Deum ad approbandam iniquitatem non habere: quoniam, si id expresse intenderet, blasphemus foret in Deum. Sed factum id præstare illum dicimus, eo ipso quod divino utitur testimonio. Secunda vero responsio non est melior præcedenti, nimirum quod iurans non tenetur, nisi sub veniali, evitare peccatum veniale. Verum hoc est; sed sub mortali abstinere debet ab invocatione divini testimonii in confirmationem iniquitatis, etiam minimæ. Deo malitia quæque, quamvis minima, summo opere repugnat. Ergo summa iniuria Deo irrogatur, quoties ad confirmandum propositum perpetrandi quamcumque iniquitatem invocatur.

VI. Quæst. III. *An qui iurat aliquid adversus consilia evangelica se facturum, puta non acceptaturum Prælationem, non ingressurum Religionem, aliaque id genus, peccet mortaliter?* Resp. Communissima sententia est, peccatum solum veniale ab eiusmodi iurante committi. D. Thomas 2. 2. quæst. lxxxix. art. 7. ad 2. docet hunc absolute peccare. *Si quis autem iurat se non facturum aliquid melius bonum, quod tamen facere non tenetur, peccat quidem iurando, inquantum ponit obicem Spiritui sancto, qui est boni propositi inspirator; non tamen peccat iuramentum servando; sed multo melius faciet, si non servet.* Cuius generis peccatum committatur, non resolvit Angelicus; sed dumtaxat peccatum perpetrari absolute statuit. Quod si peccatum est iurare omissionem maioris boni, hinc collige quanto gravius sit peccatum iurare commissionem positivæ iniquitatis, licet
levis.

levis. Prioris generis iuramenta si observas, non peccas, quia absolute ad ingressum in Religionem non adstringeris; peccas vero posterioris generis iuramenta servando. Si tamen quis omitteret executionem alicuius consilii evangelici, ea potissimum ratione quia iuravit talem omissionem; dubio procul mortaliter peccaret: quin error saltem tacitus in fide esset, si crederet iuramentum obligare ad ea omittenda quæ ad evangelicæ perfectionis affectionem conducunt.

C A P U T III.

De materia iuramenti promissorii, quæ obligationem inducit.

I. **Q**UAE hoc in capite dicturi sumus, facilia sunt, & omnibus pervia: idcirco paucis rem omnem expediemus. Duas condiciones exigit materia quæ subiicitur iuramento. Prima, ut licita sit; secunda, ut sit possibilis, & bona.

II. Nomine materiæ licitæ non solum intelliguntur res spirituales, nempe actus pietatis, religionis, fidei, & similia; sed omnia item humana negotia, commercia, fœdera, & contractus, dummodo concurrant tres explicatæ conditiones. Hinc damnatus fuit in Concilio Constantiensi error VVicleffi, negantis licitum esse iuramento confirmare humanos contractus, & civilia commercia. Sed de hoc satis dictum est *differt. prima*.

III. Quoniam materia iuramenti licita esse debet, excluduntur omnes res illicitæ, turpes, & culpabiles. Ratio est manifesta: quia iuramentum non est vinculum iniquitatis, ut iura omnia clamant. Quare iuramentum de committendo peccato veniali nullo modo obligat. Et quamvis in *cap.* Cum contingat *de iure iurando*, statuatur, omne iuramentum servandum esse, nisi vergat in dispendium salutis æternæ; non inde tamen inferre licet, peccatum veniale iuramento firmatum committendum esse: siquidem & illud aliquo modo ianuam vitæ æternæ claudit: nisi enim vel in hoc, vel in futuro sæculo purgetur, nemo vitæ æternæ præmium assequitur. Nullum ergo iuramentum obligat ad servandum id quod sine peccato vel mortali, vel veniali impleri nequit. Quando autem materia iurata partim licita, partim illicita est; illicita omittenda, licita vero servanda.

IV. Non modo licita, sed possibilis, & bona sit oportet promissorii iuramenti materia, ut executionis obligationem pariat. Quare iuramentum de rebus impossibilibus temerarium est, & inane. Peccant itaque qui factum alienum sub iuramento promittunt, eo quod nemo cogere potest alterius voluntatem. Advertendum

dum

dum tamen, quod sæpe homines factum alienum promittentes, proprium iurant : v. g. si iuras! Petrum ducturum esse in sponfam Bertam, vel soluturum Paulo pecuniam, aliaque id genus, iuxta communem sensum non iuras alienum factum, sed proprium; nimirum te operam omnem daturum, ut Petrus matrimonium contrahat, ut debitum solvat. Hinc ICTI docent, iuramento talem inesse virtutem, ut, si eo quo sonat modo impleri nequit, valere eo quo potest modo debeat. Duplici autem modo alienum factum iurari potest. Primo *enuntiative*, ut cum iuras te credere ægrotum suam pristinam recuperaturum esse sanitatem, ælulum crastina die futurum serenum. Secundo sub *promissione*, quo in casu teneris operam, & diligentiam tuam ponere, ut id eveniat, vel fiat, quod promissum. In his iuramentis de factis alienis communiter Auctores docent, iurantem teneri ad diligentiam, & operam præstandam, quando factum quod iuratur, capax est diligentæ; quando tamen non constet iurasse solum enuntiando se id credere: quoniam si constaret iuramentum fuisse dumtaxat enuntiativum, ad nihil teneretur.

V. Dictum est, materiam iuramenti promissorii debere esse licitam, possibilem, & bonam. Hæc ultima particula addita est, ut excludatur materia indifferens: quoniam iuramentum de re indifferenti nullam parit obligationem: tum quia Deus non obligat ad actus otiosos, & vanos, cuiusmodi sunt actus indifferentes; tum quia exercitium actus indifferents absque relatione in finem honestum, semper est peccatum veniale, ut verior docet sententia. Et quamvis secundum alteram opinionem virtuosus non sit actus indifferens in individuo, attamen inutilis est: & hoc sufficit ne sit idonea iuramenti materia.

VI. Si tamen actus indifferens iuretur propter finem honestum, vel proximi utilitatem, iuramentum obligat: quia actus indifferens propter finem honestum factus, evadit actus virtutis. Iuramentum autem de quocumque virtutis actu obligationem inducit. Addo, quando iuramentum fit in proximi utilitatem, servandum esse, tametsi res quæ iuratur, sit indifferens, & dummodo mala in se non sit. Ratio est, quia in hoc casu id quod primo intenditur, non est indifferentia actus; sed utilitas, & commodum ipsius proximi. Quin observantia talis iuramenti evadit actus virtutis: est enim actus fidelitatis, & veracitatis. Præterquamquod, facta promissione, & a proximo acceptata, iam iste acquirit ius quoddam, vi cuius tenetur iurans implere promissum. Hæc omnia comperta sunt, & penes omnes communia. Idem dicendum de iuramento quod pertinet ad ipsum iurantem. V. g. iurasti te minime per hanc viam transiturum, quia talis transitus peccandi tibi occasio est: licet transitus absolute sit actus indifferens, attamen tali circumstantia indutus est actus bonus.

VII. Illud quoque animadversione dignum est, nimirum materiam iuramenti

Deo

Deo facti diversam esse a materia iuramenti quod fit in proximi favorem. Nam iuramentum Deo factum convenit cum voto: qua de causâ illius materia non solum licita, & honesta esse debet; sed etiam talis quæ maius bonum non impediât. Aliter enim cedere in gratiam Dei nequit. Secus dicendum de iuramento facto in gratiam proximi, cui non semper quod est maius bonum, sed sæpe quod minus bonum est, magis placet. Idcirco iuramentum de minori bono factum in favorem proximi obligat.

VIII. Ab hac tamen doctrina excipitur promissio liberalis iuramento firmata contrahendi matrimonium: quia in hac promissione semper includitur hæc conditio, nisi elegero meliorem statum, nempe religiosum, ut communiter docent Doctores in *cap. Ex publico de convers. coniug.* Nec obstat textus in *cap. Commissum de sponsalibus*, ubi videtur statui, eum qui iuramento promiserat se ducturum in matrimonium feminam, non posse ingredi Religionem, nisi matrimonio prius contracto. Nam utique potest eiusmodi iurans matrimonium contrahere cum proposito non consummandi, sed ingrediendi Religionem, ignorante sponsa tale propositum, ut advertit, & docet Suarez *Lib. II. de iuram. cap. XIII. num. 8.* qui modus licitus est, licet in praxi vix consulendus, quia non videtur sponsæ consentaneus. Hac enim via potius ei illuditur. Quod autem Pontifex in laudato capite dicat, tutius esse, religione iuramenti servata, prius contrahere, deinde ad Religionem migrare, eo pertinet quod fortasse in sponsæ commodum, & honorem cedebat talis contractus, licet momentaneus. Observandum vero, Pontificem dixisse tutius, non tutum esse sic facere: quia, ut dixi, tunc forte melius erat talem modum servare. Ceterum, cum in promissione includatur conditio melioris status, sequitur quod iuramentum sortiri debeat naturam actus cui adiungitur. Conditio ergo inclusa in actu promissionis, in ipso quoque iuramento inclusa intelligitur. Quapropter sponsus iurans potest sine consensu sponsæ, & absque matrimonii contractu Religionem ingredi. In praxi tamen ille modus servandus est qui & honori sponsæ congruat, & Religionis ingreditum non impediat. Si ambo servari nequeant, susceptio status religiosi præferri debet; dummodo in Religione amplectenda vigeat revera observantia regularis.

IX. Ultimo loco dubitari potest, an iuramentum quod fit de re illicita, relaxatione indigeat. Sed Doctores communiter docent, nulla opus esse relaxatione. Ubi enim nullum est vinculum, nulla est necessaria relaxatio. At iuramentum, cum non sit vinculum iniquitatis, nullam parit obligationem, quoties est de re illicita. Nec obstat illud quod opponi solet ex *cap. Venerab. xxxiv. de elect. f. Idem etiam*, ubi de quodam regni usurpatore contra iuramentum factum, refertur, illum debuisse Sedem apostolicam consulere: quoniam dubium erat, num iuramentum illud fuisset nec ne de re illicita. Ad alteram oppositionem, quæ fieri

fieri solet ex cap. *Cum quidem* xii. de iureiurando §. *Illi vero*, ubi decernitur; absolvendos esse filios a iuramento non loquendi, vel succurrendi patri & matri; relictis variis solutionibus quas refert Suarez *Lib. II. de iuramento cap. xv. num. 18.* dicimus cum eodem, verbum *absolvo* in illo textu significare declarationem solutionis, seu declarare iuramentum illud nullius fuisse obligationis; minime vero dirimere vinculum obligationis.

C A P U T IV.

Quenam sit iuramenti promissorii obligatio. Comparatur cum obligatione voti. Quæ intentio, seu animus requiratur in iuramento promissorio. Iurare sine animo iurandi semper est peccatum mortale.

L. Gravissima est iuramenti obligatio; quæ, ut ait Angelicus, ab ipsa divina auctoritate ortum ducit. Interponitur siquidem a iurante divinum testimonium in confirmationem veritatis sive præsentis, sive præteritæ, sive futuræ. Quare violatio promissionis iuramento firmatæ est periurium, quod est gravissimum peccatum.

II. In iuramentis Deo factis communiter contingit etiam votum. Quoties confirmas iuramento promissionem Deo factam, adest votum cum iuramento: duæque sunt obligationis vincula, quapropter duo peccata committeret qui illa violaret. Non semper tamen in re futura ad honorem Dei facienda votum reperitur. Si enim nolles expresse promittere, sed solum proponere aliquid te in honorem Dei facturum, & iuramento propositum tuum firmares, vinculo solius iuramenti tenereris. Ex quibus habes, in promissionibus Deo factis, & iuramento firmatis, communiter reperiri votum, & iuramentum; non tamen necessario, & semper: quia, ut ex adducto exemplo constat, iuramentum sine voto reperiri potest. In omnibus autem promissionibus hominibus factis solum iuramentum sine voto adest.

III. Gravissimam esse obligationem iuramenti omnes adfirmant. Pauca solum dicenda sunt de natura istius obligationis. In primis iuramentum promissorium obligat instar privatæ legis, quam iurans sibi imponit, dum vinculo divini testimonii seipsum adstringit. Ex genere suo obligat sub mortali iuxta omnes cum D. Thoma 2. 2. *quæst. xcvi. art. 3.* Hæc obligatio religiosa est, pertinetque ad virtutem religionis. Duæ tamen obligationes distinguendæ sunt in iuramento promissorio: altera quæ ex ipsa promissione valida, & acceptata oritur; quæve ex

iuris dispositione obligatio iustitiæ est : altera propria ipsius iuramenti ; & hæc , ut diximus , ad religionem pertinet . Quare falsa est doctrina Christiani Vvolfsii Lutherani hominis iniquientis de iur. natur. Tom. III. cap. v. §. 903. *Iuramentum non novam producit obligationem aliquid præstandi ei cui iuratur.*

IV. Quæri hic solet , maior ne sit iuramenti , an voti obligatio . Hoc quæsitum proponit ipse D. Thomas *loc. cit. quæst. lxxxix. art. 8.* respondetque , maiorem esse voti obligationem quam iuramenti : quia obligatio voti oritur ex fidelitate quam debemus Deo , ut scilicet ei promissum solvamus ; obligatio vero iuramenti nascitur ex reverentia Deo debita : maius autem est vinculum fidelitatis quam reverentiæ . Et licet votum iuramento confirmetur , non tamen inferitur , maiorem esse iuramenti-obigationem ; sed solum rem mobilem per duas res immobiles magis firmari .

V. Suarez *Lib. II. de iuram. cap. 111.* distinguit hanc comparisonem voti cum iuramento , aitque , si comparatio voti fiat cum iuramento assertorio , maiorem esse iuramenti quam voti obligationem ; si vero voti comparatio fiat cum iuramento promissorio , tunc maiorem esse voti quam iuramenti obligationem . Neque huic doctrinæ contrarium esse D. Thomam dicit , eo quod Angelicus loquatur solum de iuramento promissorio , secus de assertorio . Ratio quam Suarez allegat , valida est : quia obligatio non attribuendi Deo falsum , maior est quam obligatio reddendi Deo vota : quia prior negativa est , *Non assumes nomen Dei tui in vanum* ; posterior affirmativa , *Reddes Domino vota tua* .

VI. Ego vero doctrinam D. Thomæ sic interpretor . Si puræ notiones utriusque obligationis inspiciantur , absolute loquendo maior est obligatio voti quam iuramenti , ob rationem quam D. Thomas assignat , quia scilicet promissio voti Deum directe inspicit ; promissio autem iuramenti non respicit Deum , quia per iuramentum , ut tale , non fit promissio ipsi Deo , neque obligatio contrahitur , sed solum adducitur Deus ut testis promissionis , vel assertionis de aliquo actu futuro . Quare , si hi duo respectus perpendantur , sicuti illos solum in laudato articulo D. Thomas considerat , proculdubio prior validior est quam secundus . Ceterum si obligatio iuramenti consideretur in ordine ad veritatem in iuramento sive assertorio , sive promissorio necessariam , maior esse videtur obligatio iuramenti quam voti . Quod a posteriori sic probari potest . Nam qui iurat falsum , quantum est ex parte sui , facit Deum auctorem mendacii ; quod quam enormis iniuria in Deum sit , ex se patet . Qua de causâ in iuramento , saltem assertorio , iuxta omnes non datur parvitas materiæ ; sed omne periurium assertorium est peccatum mortale . Idem ego probavi contingere in periurio promissorio . Ergo obligatio iuramenti sive assertorii , sive promissorii , per ordinem ad veritatem iuramento subiiciendam , maior est quam obligatio voti . Siquidem adeo certum non est non posse in voto periuri

periri parvitatem materiæ; quin plures concedunt in voto reperiri, secus in iuramento. Neque dicas, in iuramento promissorio hos duos respectus distingui non posse: quoniam, licet in praxi reipsa iuramentum promissorium eo tendat ut obliget iurantem ad executionem rei promissæ, quæ executio est veritas iuramenti promissorii; nil tamen impedit quominus considerari possit promissio iuramenti promissorii absolute, comparata cum promissione voti: immo reipsa Angelicus has duas promissiones per ordinem ad Deum considerat: & quia promissio voti magis directe Deum spectat, idcirco in ratione promissionis fortior est promissio, seu obligatione iuramenti. *Videtur enim*, inquit Angelicus, *Infidelitas subiccti ad dominum esse maxima irreverentia*. Ceterum, si obligatio iuramenti consideretur per respectum ad veritatem subiiciendam ipsi iuramento, ne falsum evadat, neve Deus in testem mendacii invocetur; maior, ut dixi, videtur iuramenti quam voti obligatio. Quod de iuramento assertorio concedunt Suarez, Sanchez, Leander, & alii; licet negent de promissorio: mihi vero utriusque iuramenti eadem ratio videtur. Et quod ad hanc quam explicui opinionem defendendam me impellit, est Ecclesiæ auctoritas, quæ declaravit, parvitatem materiæ non dari in periurio; quod de voto adhuc non fancivit; quamvis a multo tempore invaluerit opinio quæ docet, dari in voto materiæ parvitatem. Et licet plures Auctores explicant declarationem Ecclesiæ de iuramento assertorio, nos tamen conceptis ipsius D. Thomæ verbis supra demonstravimus, nullo modo dari parvitatem materiæ vel in ipso iuramento promissorio. Si cui tamen hæc nostra interpretatio non placeat, meliorem afferat. Nos eam amplectimur, quia opportunam iudicamus ad explicandam D. Thomæ doctrinam: a qua caveas ne umquam recedas, maxime in iis quæ a recta ratione pendent: illius quippe acumen incomparabile est.

VII. Quæst. I. *Quenam intentio, seu animus requiratur ad hoc ut iuramentum promissorium obligationem inducat?* Resp. Iuramentum pendere ab intentione iurantis, adeo ut necessaria sit intentio, seu voluntas iurandi, ut iuramentum obligationem pariat, certum est apud omnes: quia actiones humanæ quæ pariunt obligationem, consensus requirunt voluntatis; qui consensus non datur ab eo qui positive nolit eum dare. Cum itaque iuramentum obligationem inducat dicendi verum de re præsentis, vel præteritis, aut exequendi rem futuram (quæ est veritas iuramenti promissorii) requirit plenum consensum voluntatis, seu intentionem iurandi. An postea necessaria sit voluntas seu intentio expressa, vel implicita, actualis, vel virtualis, infra de consuetudine iurandi dicetur. Hoc ut certum communiter Auctores defendunt, quod, si quis iuraret cum expressa voluntate non iurandi, non esset proprie, & in igne iuramentum; quemadmodum ut certum propugnant omnes, iuramentum exterius prolatum sine intentione iurandi continere irreverentiam divinæ testimoniis, Deoque iniuriam inferre.

VIII. Ut tamen rem hanc clarius percipias, distinguere debes animum iurandi, animum promittendi, animum exequendi promissum, & animum se obligandi. Omnes docent, ut iam vidimus, eum peccare mortaliter qui iurat sine animo promittendi, & implendi promissum. Probabilius quoque est, & mihi certum, eum peccare mortaliter qui iurat sine animo se se obligandi; quidquid in contrarium dicat Valentia. De eo qui iurat sine animo iurandi, inquirendum nunc est.

IX. Quæst. II. *An licitum sit iurare sine animo iurandi?* Resp. Thomas Tamburinus Lib. III. cap. 111. §. 2. num. 1. hæc scribit: *Certum est, iurare sine animo iurandi, sive res sit levis, sive gravis, vel iurare verbis æquivocis, non esse licitum sine causa: licitum esse cum causa, iuxta ea quæ diximus cap. 11. §. 2.* Hæc Tamburini assertio damnata est ab Innocentio XI. in propositione 25. quæ est eiusmodi: *Cum causa licitum est iurare sine animo iurandi, sive res sit levis, sive gravis.* P. Viva in expositione illius propositionis num. 1. contendit, non esse exploratum sensum in quo Tamburinus suam docuerit propositionem: quia, inquit, desideratur locus ad quem Tamburinus lectorem remittit. Verum ad hoc quod attinet, locus habetur in eodem folio. Siquidem Tamburinus ait, licitum esse iurare sine animo iurandi, vel iurare verbis æquivocis cum causa, iuxta ea quæ dixit cap. 11. §. 2. Quid autem dicit hoc loco? En illius verba: *Quæstio est, an liceat iuranti accipere verba in alio sensu ob illo quem ea præferunt. Iuro v. g. per Deum me hac nocte non dormivisse, intelligendo vestitum....* Resp. *licere... At est ne saltem veniale, sic per æquivocationem iurare?* Respond. *Si aliqua subit causa... nullum est peccatum. Si nulla sit causa, veniale erit.* Ille est locus quem reperiri negat P. Viva: & hæc in loco neque de Tyranno, neque de Confessario verbum habet Tamburinus. Hæc obiter dicta sint, non tam ut Tamburinum evincam damnatæ propositionis auctorem (hoc enim nihil neque ad me, neque ad institutum attinet) quam ut lectores admoneam ad ipsum P. Viva caute in expositione damnatarum propositionum legendum. Siquidem, ut probet Tamburinum non docuisse damnatam propositionem, ipse, sin expresse & absolute labitur in sensum damnatæ propositionis, saltem omnino, ut mea præfert opinio, ab eo non recedit. Hæc sunt verba ipsius P. Viva. „ Si enim solum contenderit, Confessarium ne revelet „ sigillum sacramentale, posse, urgente Tyranno, cum iuramento negare peccatum penitentis, aut utendo verbis æquivocis, & sic iurando cum animo iurandi, aut loquendo *materialiter*, atque adeo proferendo verba iuratoria, non ut „ significativa, & ideo sine animo iurandi; non est notandus ut auctor huius „ thesif profligatæ, quippe quæ solum vult licitum esse ex causa aliqua, sive levi, sive gravi, loqui *formaliter*, & iurare absque animo iurandi.“ Quod spectat sacrum Tamburini, patet quid ipse senserit ex iis quæ diximus. Quod pertinet ad do-

doctrinam Patris Viva, ea mihi immunis non videtur omnino a sensu damnatæ propositionis. Quis dicat, illicitum esse iurare sine animo iurandi *formaliter*, & sine gravi causâ; licitum vero iurare sine animo iurandi *materialiter*, & cum gravi causâ? Hinc enim amplius suppeteret modus eludendi omnes propositiones damnatas. Iuramentum Confessarii ad tegendum sigillum alio prorsus modo Patres, & antiqui Theologi explicant. De hoc fusius infra. Ex doctrina Patris Viva clare insertur, licitum esse iurare sine animo iurandi *materialiter* cum gravi causâ; illicitum vero iurare sine animo iurandi *formaliter* ex quacumque causâ, sive levi, sive gravi. Inquit namque, ideo esse damnatam propositionem, quia *solum vult licitum esse ex causa aliqua, sive levi, sive gravi, loqui formaliter, & iurare absque animo iurandi*. Ergo ex causâ solum gravi, aut gravissima licitum erit iurare sine animo iurandi. Id legitime consequitur ex doctrina P. Viva. Eiusmodi interpretationem repugnare doctrinæ Ecclesiæ nemo non videt, ut ego quidem sentio. His suis commentis P. Dominicus Viva non raro eludit, & ad nihilum redigit propositiones damnatas.

X. Ratio autem damnatæ propositionis evidens est. Quia qui iurat sine animo iurandi, sive verum iuret, sive falsum, sive in re gravi, sive in re levi, semper committit mendacium. Qui enim dicit, *Iuro*, & reipsa animo interno non vult iurare, mentitur. Mendacium vero numquam est licitum. Accedit mendacium istud sacrilegum esse, eo quod divini nominis usurpatione abutatur. Tandem iurare sine animo iurandi in magnum societatis humanæ damnum vergit.

XI. Quæst. III. *An qui iurat falsum in materia gravi sine animo iurandi, peccet mortaliter?* Resp. Affirmative respondent omnes: quoniam externa invocatio divini nominis in confirmationem falsitatis, & apud homines magnum parit scandalum, & divinæ veritati gravissimam iniuriam irrogat. Quemadmodum enim qui thus idolo adoleret sine animo adolendi, reus foret idololatricæ; & qui verba blasphemici sine animo blasphemandi proferret, peccaret mortaliter peccato blasphemiciæ exterioris: sic eadem, aut pari ratione graviter peccabit qui ad confirmandum falsum, divinum testimonium exterius invocabit sine animo illud invocandi.

XII. Quæst. IV. *An qui iurat falsum in materia levi sine animo iurandi, peccet mortaliter?* Resp. P. Viva *loc. cit. num. 6.* videtur defendere, tamquam probabilem, opinionem docentem non esse peccatum mortale iurare falsum in materia levi sine animo iurandi; rationesque allegat pro hac opinione. Potissimam quam affert, petit a paritate iuramenti promissorii, & voti, quorum transgressio in materia levi non est peccatum mortale, sed veniale. Idem igitur dicendum concludit de iuramento exteriori sine animo interno iurandi. Neque hanc rationem, quam fuscè explicat, resolvit; solum refert Verricelli, qui oppositum docet, & iux-

ta plurium collectorum morem, lectori facultatem relinquit alterutram eligendi sententiam. Falsum esse principium cui Viva innititur, nos iam demonstravimus cap. 1. *quest. 111.* quo etiam admissio, non inferitur conclusio quam Viva deducit.

XIII. Propterea dico, certum esse quod iurare falsum sine animo iurandi, etiam in materia levi, sit peccatum mortale: tum quia gravitas profanationis divini nominis non tam desumitur a gravitate materiæ, in cuius confirmationem invocatur, quam ab infinita dignitate, & maiestate divini testimonii, & increatæ veritatis; tum quia, sicut in idololatria, & blasphemia parvitas materiæ non datur, ita neque in iuramento sive promissorio, sive assertorio. Accedit quod quæstio maxime de iuramento assertorio loquitur, seu de iuramento absolute sumpto, immo, ut advertit Suarez *Lib. III. cap. xvii. num. 1.* fictio tantummodo locum habet in iuramento assertorio: quoniam fictio sive intentionis, sive verborum committitur solum dum iuramentum concipitur, & profertur. Patet autem, periurium absolute sumptum, etiam in materia levi, esse peccatum mortale. Et quia sententia ista a nemine, quem viderim ego, in dubium revocatur, nisi a P. Viva; ideo a longiori probatione abstineo.

XIV. Quæst. V. *An qui iurat verum sine animo iurandi, peccet mortaliter?* Resp. Caietanus 2. 2. *quest. lxxxix. art. 7. dub. penul.* Covarruvias 1. *Part. §. 5. num. 3.* Armilla *ver. Periur.* Filguera in *exp. propos. damnat.* sustinent partem adfirmantem, quia est illusio divini nominis, & deceptio contraria fini primario iuramenti. Suarez *Lib. III. cap. xvii. num. 6.* nimis rigidam reputat hanc opinionem, simul tamen probabilem esse definit. Nihilominus contrariam ut probabiliorē defendit, cui accedunt Cardenas *differ. xviii. in propos. damnat. cap. 11.* Castropalaus *disp. 1. punct. 8.* Bonacina *disput. iv. quest. 1. punct. 7.* Lessius *Lib. II. de iust. & iur. cap. xlii. dub. 8. num. 42.* Sanchez *Lib. III. cap. vi. Viva in prop. damnat. num. 7.* La Croix *Lib. III. part. 1. dub. 14. num. 277.* qui omnes docent, iurare verum sine animo iurandi in materia levi esse tantum peccatum veniale, dummodo non fiat iuramentum in iudicio, in contractu, aut in simili circumstantia, in qua proximus pati possit aliquod detrimentum. Ratio istorum Doctorum est, quia mendacium quod quis committit, dum verum iurat sine animo iurandi, neque Deo, neque homini est iniuriosum: non Deo, cum in confirmationem veritatis exterius invocetur; non homini, quia pro certo ponitur hoc iuramento confirmandum non esse vel contractum, vel quidquam in quo homo perferre possit aliquod grave damnum: & licet proximus decipiatur, quia hoc iuramentum supponitur fieri in humano commercio; deceptio tamen non est gravis, quia grave damnum non inferit. Hæ sunt rationes istius sententiæ.

XV. Advertendum est, plures ex citatis Auctoribus recensitam sententiam docuisse, antequam, propositio damnaretur ab Innocentio XI. Qui vero post damnatam propositionem.

tionem scripserunt, contendunt, idcirco illam damnatam fuisse, quia in ea asseritur, licitum esse iurare sine animo iurandi, & ex quacumque causa, sive levi, sive gravi. Ceterum ipsi docent semper esse illicitum iurare sine animo iurandi, potissimum ex quacumque causa: ideo se servare dicunt sensum damnatæ propositionis.

XVI. Prima sententia Caietani, Armillæ, aliorumque vera est. Quin satis probabile est contrariam opinionem in propositione damnata contineri. Et revera si semel admittamus, in nostra esse facultate demere verbis significationem formalem, seu quam verba præferunt secundum omnium intelligentiam, & substituere materiale, idest nihil significantem (perinde ac si diceremus *Blittri*, inquit P. Viva) totum humanum commercium corrumpat necesse est. Verum de hoc in sequentibus. Nunc rationem prodimus cur nobis vera appareat sententia quæ sustinet, peccare mortaliter eum qui iurat verum sine animo iurandi. Et primo opus non est utin memoriam revocem, iuramentum tantæ esse penes omnes gentes dignitatis, & venerationis, ut nonnisi urgente causâ adhiberi debeat. Omnes docent, usum iuramenti, etiam in confirmationem veritatis facti, & absque ulla deceptione esse peccatum veniale defectu iudicii: vocaturque a D. Thoma iuramentum incautum. Certum pariter est iurantem sine animo iurandi committere mendacium: idque concedunt contrariæ sententiæ patroni. Extra disputationem est, iurantem sine animo iurandi, duo peccata venialia, & in hoc genere, seu linea gravia committere. Deinde certum est, præter hæc duo gravia peccata venialia, intervenire abusum iuramenti, quia mendacium ipsum sacro iuramenti velamine obducitur. Quamquam enim non invocetur divinum testimonium in confirmationem mendacii interni, sed illius veritatis quam iurans confirmare intendit; attamen in ipso iuramenti abusu mendacium committitur, & sub iuramento mendacium obtegitur. Demum quis negare audebit, iurantem sine animo iurandi, non illudere divino testimonio, & iniuriam divinæ veritati inferre, dum sub illius invocationis patrocinio mendax animus occultatur? Ut autem sæpius dixi, gravitas malitiæ in abusu iuramenti non sumitur a gravitate rei super quam iuramentum cadit; sed ab infinita dignitate illius nominis quod in testem adducitur. Verum, quia quæstio ista tota fere speculatrix est, & nimium a praxi remota; ideo longius eam discutere nolo. Quæ enim occurrere causâ potest ut quis verum iuret, & simul animum non habeat iurandi? Id sane præstare nequit, nisi stupidus.

XVII. Quæst. VI. *An qui deliberate iurat sine animo iurandi, verum proferat iuramentum?* Resp. Communiter Auctores docent, verum non adesse iuramentum ex defectu intentionis necessariæ ad iuramentum: & nemo hoc in dubium revocat. Sed ad maiorem eorum quæ dicta sunt, claritatem lubet propositam quæstio-

Ee iiij nem

nem brevissime discutere. Ut igitur quod ipse sentio, paucis exponam, dico, eum qui serio, & deliberate invocat divinum testimonium in confirmationem veritatis, dicendo, *Per Deum ita est*, verum proferre iuramentum, & vere iurare, quamquam animum habeat non iurandi. Ad hoc moveor, quia non pendent ab hominis voluntate verborum significatus, & effectus. Ergo posito quod homo semel velit deliberate, & serio Deum invocare in confirmationem veritatis, nequit amplius interno animo efficere ut invocatio illa non sit iuramentum. Atque ut clarius rem omnem percipias, animadvertas oportet, in homine sic iurante duas reperiri intentiones invicem contrarias, & pugnantes. Prima intentio & deliberatio est, qua reipsa iurans invocat Deum in testimonium, & externum iuramentum profert. Secunda, qua non vult iurare. Hæ duæ deliberatæ intentiones mutuo se collidunt, & una alteri prævalet. Quænam vero? Revera prior, quia hæc efficax est, effectumque parit, nempe externam iurationem. Secunda intentio inefficax est, & velleitas quædam, non voluntas efficax. Hinc manifeste consequitur, iuramentum istud externum esse verum iuramentum, eo quod a deliberata voluntate procedit.

XVIII. Obiicies. Iuramentum pendet ab intentione iurantis; at qui iurat sine animo iurandi, non habet intentionem iurandi: ergo reipsa verum non profert iuramentum, sed externum dumtaxat sonitum iuramenti. Resp. Idcirco proposui hanc objectionem, ut evidentius eluceat sententia nostra. Primam itaque propositionem concedimus, secundam negamus, seu claritatis gratia distinguimus: qui iurat sine animo iurandi, non habet intentionem efficacem iurandi, nego; inefficacem, concedo. Ea intentio dicitur efficax quæ parit reipsa effectum. Prima intentio, qua quis serio, & deliberate invocat divinum testimonium in confirmationem veritatis, dicendo, *Per Deum ita est*, efficax est: producit enim suum effectum, nimirum externam divini testimonii invocationem. Secunda intentio, qua iurans statuit se nolle iurare, languida est, & inefficax, a priori collisa, & subacta. Quandoquidem in mutuo conflictu iurandi, & non iurandi viciet prior intentio, vi cuius iuramentum prolatum est, seu Deus in testem vocatus; & exterius iuramentum omnibus apparuit, & audientes pro iuramento illud susceperunt, & denique ipse iurans videri voluit hominibus quos alloquebatur, verum iuramentum protulisse. Secunda interna intentio vim non habet impediendi significationem quam producit illa verba, *Per Deum ita est*, eo modo quo secunda intentio qua mercator nollet proicere merces in mare, non impedit intentionem primam qua reipsa easdem proicit. Sunt ergo duæ intentiones ambæ internæ. Sed prima dici potest externâ, quia effectum exterius producit, nempe invocationem divini testimonii; secunda dicitur mere interna, quia nihil ad extra parit. Vellet utique impedire ne illa invocatio externa esset verum iuramentum; at id præstare nequit: quia eo ipso quod

quod prima intentio prævaleat proferendi serio & deliberate illa verba, quæ verum iuramentum continent, non potest amplius voluntas iis verbis adimere propriam significationem.

XIX. Quæst. VII. *An qui ex inconsideratione falsum iurat, sit reus periiurii, & peccet mortaliter?* Resp. Sæpius homines inopinato iurant rem aliquam, quam non advertunt, utrum sit vera, vel falsa. Si ex lapsu linguæ, idest sine advertentia, id accadat, fundamentum adest interpretandi hunc hominem non habuisse intentionem invocandi Deum in testem. Si autem quis advertat, & iuret, peccat mortaliter. Ita respondet D. Thomas 2. 2. quæst. xcvi. art. 3. ad 2. *Ille qui ex lapsu linguæ falsum iurat, si quidem advertat se iurare, & falsum esse quod iurat, non excusatur a peccato mortali, sicut nec a Dei contemptu; si autem hoc non advertat, non videtur habere intentionem iurandi, & ideo a crimine periiurii excusatur.* Summopere consideranda sunt illa Angelici verba *ex lapsu linguæ*: id enim dicitur ex lapsu linguæ proferri quod præter intentionem proferatur. Quamobrem interpretatur Angelicus, eum non habere intentionem iurandi qui ex lapsu linguæ, idest præter intentionem, profert verba quæ iuramentum continent. Iuramentum ergo ab intentione pendet, quatenus homo debet scire, & advertere se proferre verba quæ iuramentum efferunt: & dum advertit, scit verba quæ profert, vim habere invocandi divinum testimonium; immo dum advertit eiusmodi verbis reipsa se invocare Deum in testem, & nihilominus ea verba deliberate profert, tunc iurat, etiamsi intentionem non habeat, immo si intentionem etiam contrariam haberet non iurandi. Distinguenda insuper est hæc Angelici phrasis, *ex lapsu linguæ*, a prava consuetudine, de qua infra. Qui enim iurare solet, habitumque iurandi contraxit, quamvis non advertat se iurare, dum iuramentum profert, non dicitur iurare ex lapsu linguæ, sed ex pessimo habitu. Illi possunt dumtaxat dici iurare ex lapsu linguæ qui nullo modo iurare solent, nisi necessitate cogente. Isti, inquam, quandoque ex lapsu linguæ proferre possunt verba quæ iuramentum contineant, quin intentionem habeant iurandi, seu quin intentionem habeant proferendi illam divini testimonii invocationem.

XX. Quæst. VIII. *An qui iurat sine animo se obligandi, reipsa obligetur?* Resp. Sylvester verb. Iur. 4. quæst. vii. Azorius I. Part. Lib. XI. quæst. 11. Bonacina II. Tom. disput. 1v. quæst. 1. punct. 6. num. 3. Sanchez Lib. III. Sum. cap. x. num. 8. Castropalaus tract. xiv. disput. 11. punct. 2. num. 6. negantem descendunt opinionem, eo quod qui iurat sine animo se obligandi, revera non iurat: quia, cum obligatio pertineat ad essentiam iuramenti, vel sit quidquam iuramenti essentiam consequens, qui non vult hanc obligationem, neque vult ipsum iuramentum. Porro, si verum iuramentum non sit, nulla obligatio erit exequendi quæ sub iuramento promissum fuerit.

XXI. Contrariam sententiam defendunt Caietanus 2. 2. *quæst.* lxxxix. *artic.* 7. Sotus *Lib. VIII. quæst.* 1. *artic.* 1. Becanus *quæst.* xv. Aragonius 2. 2. *quæst.* lxxxix. *art.* 7. Sayrus in *Clav. Reg. Lib. III. cap.* vi. *num.* 8. Valentia 2. 2. *disp.* vi. *quæst.* vii. *punct.* 4. Lessius *de iustit. Lib. II. cap.* xlii. *dub.* 8. *numer.* 38. Suarez *Lib. II. cap.* vii. & plures alii. Hæc sententia probabilior, & mihi vera videtur. Ratio pervia est. Quia iuramentum, ut adversarii ipsi fatentur, includit obligationem vel ut quid ad essentiam ipsius iuramenti pertinens, vel ut quid eandem essentiam consequens. Ergo qui deliberate vult iuramentum, eadem voluntate etiam id velle debet quod necessario ipsum iuramentum consequitur. Præpostera argumentatio qua adversarii utuntur, nulla est. Siquidem posterior intentio, quæ inefficax est, nequit priorem destruere. Quoniam prior intentio reipsa habet suum effectum, nempe iuramentum prolatum. Ergo ex his duabus intentionibus prima prævalet, & secunda succumbit. Res de se patet. Consule ea quæ dicta sunt *quæst.* vi.

DISSERTATIO III.

D E

I U R A M E N T O

doloſo, æquivoco, & amphibologico: de reſtrictionibus mentalibus, & mendacio.

P R A E L O Q U I U M.

Difficillimam, ſi qua eſt in univerſa Theologia, quæſtionem verſandam ſuſcipio, quamque viribus meis imparem ſentio. Siquidem pluries vadam tentanti turbulentior ſemper aqua evadit. In animo erat conſuetis veſtigiiſ inſiſtere, & ea dumtaxat explicare quæ communiter Theologi de iuramento doloſo, æquivoco, amphibologico, & reſtrictionibus mentalibus tractant: & reiſpâ, hac mihi præſtituta methodo, tractationem ſerme ad dimidium ulque perduxeram. At, cum ad explanationem amphibologiarum, reſtrictionum mentalium, & æquivocationum acceſſi, extemplo inter Scyllam, & Carybdim, ac ſcopulis undique circumdatum me intellexi. Enim vero eam locutionem quam aliqui Theologi reſtrictionem pure mentalem vocant, alii reſtrictionem non mere mentalem nuncupant; & ille ſermo qui mihi mendax, recentiorum pluribus tantum amphibologicus eſt. Hæc autem omnium ſcopulorum, & difficultatum origo: quia cum non poſſit rectæ diſputationi locus eſſe, niſi id pateat de quo eſt diſputandum; certas & claras notiones æquivocationum, amphibologiarum, & mentalium reſtrictionum præſtinare minime poſſumus, attentis recentiorum diſtinctionibus, effugiis, & theſis, quæ rem hanc maxime implicatam efficiunt. Has ambages ut evitarem, curſum inceptum abrumpere, telamque redordiri, atque retexere decrevi: idque conſiliū cepi, ut primum omnium de mendacio ſermonem inſtituam. Illud namque commodi mihi peracta controverſiæ tractatio attulit, ut deprehenderim, nihil a recentioribus Theologis pro licito amphibologiarum uſu efferri quod prius ab antiquis tum Philoſophis, tum Patribus aliquibus uſurpatum non fuerit in mendaciorum patrocinium. Nec aliud diſcrimen mihi utrumque fundamenta perpendenti occurrit, niſi quod antiqui eas locutiones quas recentiorum Theologorum non pauci amphibologicas, æquivocas, & materiales vocant, ingenua ſinceritate mendacia appellaverint. Quod ut evincam, atque adi-

aditum mihi ad quæstiones de *iuramento dolo*so resolvendas aperiã, historicam de mendacii diffidiis inter antiquos tum Philosophos, tum Patres, narrationem præmittere, operæ pretium existimavi. Quin ad id præstandum occasionem præbet bellum quod annos ab hinc duodecim inter plures Italiæ nostræ litteratos viros ardet super mendaciorum, amphibologiarumque controversiis. Huic acri certamini ensam dedit P. Carolus Ambrosius Cataneus, qui *Tom. I.* suarum lectionum, quas Mediolani e suggestu ad populum habuit, typisque evulgavit, *lectione* xlv. novam excogitavit rationem occultandi veritatem, quories illius manifestatio damnum quodpiam grave inferat. Ait quippe, Christianos minime sollicitos esse debere, neque ingenium torquere, ut artificiosa verborum collocatione, & dispositione sermonem amphibologicum, sive æquivocum compingant; sed animos illis addit, ut fronte aperta, & invicto pectore, omni seposito furo, *perneget se habere rem, vel se scire veritatem*, quam si patefacerent, gravi subiicerentur damno. Quoniam, inquit, illud *rotundum Nego* in eiusmodi eventibus ex humanæ Reipublicæ lege suam amittit significationem, nilque plus significat quam istud nomen *Blitri*. Hanc falsissimam doctrinam impugnandam suscepit P. Ioseph Augustinus Orsi acuti, & profundi ingenii vir, exquisitæque eruditione præditus, & cui in scribendi vel difficillimas quæstiones facilitate, atque elegantia parem vidi neminem. In præfens sacræ Congregationis Indicis Secretarius post multa edita volumina, doctrina & eruditione insignia, Historiam scribit ecclesiasticam universali eruditorum plausu exceptam. Doctissimus itaque vir DISSERTATIONEM DOGMATICO-MORALEM edidit, quæ diurni belli initium fuit. Ea siquidem plures sibi peperit adversarios, plures etiam commilitones, qui omnes invicem collato pede calamum acuerunt, præla defatigarunt, pluribusque editis voluminibus Italiam universam implere. Quam bene *URSIO* alea in hoc litterario confictu cesserit, quanta argumentorum copia, quanta cuiusque generis eruditione, quanta stili elegantia, quantaque eloquentia suam oraverit causam, mea non interest patefacere: quoniam libri eius loquuntur, eiusque summam referunt doctrinam. Id unum fateor, me non parum in hac salebrosa controversia ex eius eruditissimis operibus profecisse, & quedam quæ ad historicam mendaciorum notitiam conferunt, ab illo mutuatum fuisse. Verum, ne plus iusto lectorem in limine detineam, ad rem accedo.

C A P U T I.

Platonis, Origenis, Hilarii, Ioannis Chrysostomi, Cassiani, Ioannis Climaci, & Martini Dumienfis errores de mendacii licito in extrema necessitate usu recensentur.

I. **A** Deo manifesta est mendaciorum pravitas, atque pernicies, ut neminem sapientum reperire liceat qui homines mendaces, tanquam humanæ societati infestos, non proscripserit. Diffidium dumtaxat fuit inter antiquos cum Philosophos, tum Patres, utrum ad occultandam veritatem summi momenti, cuius manifestatio in damnum publici boni cederet, mendacia adhibenda licite forent. Plato omnium Philosophorum facile Princeps in suis decem *de Republica*, sive *de iusto Dialogis* pluribus in locis docet, urgente gravissima causâ, mendacio occultandam esse veritatem. Pauca ex multis isthuc transcribam iuxta versionem Ioannis Sozomeni. *Libro, seu Dialogo II. sub finem hæc scribit. Itaque verum mendacium, quod in eo errore animi male de re aliqua opinantis consistit, non modo a diis, sed ab hominibus etiam odio habetur; mendacium autem illud quod verbis exprimitur, eo tantum casu utile est, & odio minima dignum videtur, si contra hostes eo utamur; & cum iis etiam qui amici dicuntur, quando vel furore, vel alio quopiam dementie genere correpti, malum aliquod efficere aggrediuntur; quo eos ab operatione avertamus, quasi utile remedium assumentes.* Libro III. paulo post initium, mendacii usum privatis civibus adimit, magistratibus vero, & medicis concedit. *Si enim recte paullo ante, & vere dictum fuit, apud deos nullum esse mendacio locum, hominibus autem medela loco, quippe utile, usurpandum; patet huiusmodi rem medicis concedendam; a ceteris autem qui artem eam non profiteantur, adimendam; ut porro Principibus civitatis, si quibus aliis, mentiri liceat, vel hostium, vel civium causa ad utilitatem civitatis, ceteris vero omnibus a mendacio omnino abstinendum erit.* Similia habet *Lib. V.* aliisque in locis. Hunc errorem a Timæo Locrensi, & Sophocle Platonem hausisse ferunt. Plurimos habuit sectatores, non solum ex Ethnicis, sed etiam ex veri Dei cultoribus, qui mendaciorum usum licitum propugnarunt.

II. Primus qui ex catholicis Doctoribus de mendacio minus caute scripsit, fuit Clemens Alexandrinus, qui *Lib. VII. Stromatum* nonnulla habet quæ mendacio favore videntur.

III. Clemens Alexandrinus discipulum habuit Origenem, qui non suboscure; ut eius Magister, sed aperte mendacio patrocinatus est. Illius verba refert D.

Hie-

Hieronymus *Lib. I. adversus Rufinum*, transcripta ex *Lib. VI. Stromatum*, ubi hæc habet. *Non debemus dicere, Quis est proximus meus? Sed considerare, quomodo Philosophus cante dixerit, Deo indecens, & inutile esse mendacium; hominibus interdum utile: & quod, ne pro dispensatione quidem, putandus sit Deus aliquando mentiri. Sin autem commodum audientis exegerit, verbis loquitur ambiguus, & per enigmata, quæ vult, profert; ut & veritatis apud eum dignitas conservetur, & quod novum esse poterat, si nudum proferretur in vulgus, quodam tectum velamine proferatur. Homo autem, cui incumbit necessitas mentiendi, diligenter attendat, ut sic utatur interdum mendacio, quo modo condimento, atque medicamine, ut servet mensuram eius, ne excedat terminos quibus usa est Iudith contra Holophernem, & vicis eum prudenti simulatione verborum. Imiteur Esther, quæ Artaxerxis sententiam, diu tacita gentis veritate, correxit: & in primis Patriarcham Iacob, quem legimus benedictiones patris artificii impetrasse mendacio. Ex quo perspicuum est quod nisi ita mentiti fuerimus, ut magnum nobis ex hoc aliquid queratur bonum, indicandi sumus quasi inimici eius qui ait: Ego sum veritas.*

IV. Origenem secutus est Hilarius in suis commentariis in Psal. xiv. Est enim; inquit, necessarium mendacium plerumque, & nonnumquam falsitas utilis est, quum aut percussuro de latente mentionur, aut testimonium pro periclitante frustramur, aut fallimus de difficultate curationis egrotum, & oportet secundum Apostoli doctrinam, sermonem nostrum sale esse conditum. Idcirco nunc Spiritus sanctus falsitatis affectum mendacii conditionibus temperavit, dicens: Qui non egit dolum in lingua sua, nec fecit proximo suo malum: ut crimen mendacii incommodo haberetur alieno. Commentaria in hunc Psalmum D. Hilarii esse, defendunt post multas variasque considerationes eruditissimi Editores Benedictini in annotationibus quas huic Psalmo præmitunt. Errandi D. Hilario occasio fuit Origenes, cuius Psalmos e Græco in Latinum transtulit.

V. D. Ioannes Chrysostomus, non secus ac Hilarius, opinionem Origenis haud obscure amplexatus esse videtur *Tom. II. hom. vii. de penit.* ubi mulierem Raab commendat ob mendacium, quo exploratores persecutorum furori subtraxit, his verbis. *Digna igitur omni laude Raab Ecclesiæ imago. Nam cum a Rege missi sunt qui exploratores perquirerent, dicunt ei: Si ingressi sunt ad te viri? Respondit eis: Etiam ingressi sunt. Primo veritatem ædificat, atque ita mendacium inducit. Numquam enim mendacium per se creditur, nisi veritatem prius ostendere occupaverit. Ideo qui modo ad persuadendum apto mentiuntur, primo vera dicunt, atque ea quæ apud omnes in confesso sunt; ac deinde mendacia & dubia inducunt. Ingressi sunt ad te exploratores? Respondet etiam. Si enim a principio dixisset non, ad scrutinium provocasset eos qui advenerant. Sed & ingressi sunt inquit, & egressi sunt hac via: persequimini, & comprehendetis eos. O pulchrum mendacium!*

cium ! O pulchrum dolum divina non prodentem , sed pietatem euſodientem ! Plura alia quæ adducere poſſem , prætereo . Neque vitio mihi quicquam vertat , quod ab hoc nævo ſanctum Eccleſiæ Doctorem celeberrimum immunem non aſſeram . Quoniam , ut id præſtem , nulla imbecillitati meæ via patet ; eorumque plaudo eruditioni , & acumini qui ab hac leui macula Chryſoſtomi doctrinam intaminatam vincere ſibi blandiuntur . Illud tamen iſti advertant , aquam cribro colligere , dum ideo oſtendere conantur Chryſoſtomum non patrocinari mendacio , quia pluribus in locis mendacium improbat ex inſtituto , & data opera proſtigat . Quandoquidem omnes ad unum Scriptores absolute mendacium deteſtantur , omnique argumentorum genere euſdem malitiam evincunt . In hoc quæſtio vertitur , num urgente neceſſitate evitandi aliquod graviffimum malum , ut hominum mortem ; licitum mendacium ſit . Adſeruat Chryſoſtomus , ut ego quidem arbitror . Qui poſitum demonſtraverit , magnus mihi erit Apollo .

VI. Diſcipulus D. Ioannis Chryſoſtomi fuit Ioannes Caſſianus , qui ſive a præceptore ſuo , ſive ab Origene hunc ebiberit errorem , ardentius ceteris omnibus ſuis antecceſſoribus illum propugnavit . Non obiter , ſed quindecim capitibus fuſo calamo controverſiam tractat in *collatione* XVII. Ex pluribus pauca delibabo . Cap. XVII. *Itaque taliter de mendacio ſentiendum , atque ita eo utendum eſt , quaſi natura ei inſit elibari : quod , ſi imminente exitiali morbo ſumptum fuerit , ſit ſalubre ; cæterum abſque ſummi discriminis neceſſitate perceptum præſentis exitii eſt . Ita namque etiam ſanctos ac probatiſſimos Deo viros veniabiliter legimus uſos fuiſſe mendacio , ſicut Raab &c. . . . Quando igitur aliquod grave imminet de veritatis confeſſione diſcrimen , tunc mendaciorum ſunt recipienda perſugia .* Cap. XIX. Plura tum ex veteri , tum ex novo teſtamento auctoritates , & exempla depromit in mendaciorum commendationem . Et cap. XX. *Quibus , inquit , eruditus exemplis beatus quoque Apoſtolus Iacobus , omneſque illius Eccleſiæ primitivæ præcipui Principes , Apoſtolum Paulum ad ſimulationis ſigmenta deſcendere pro imbecillitate infirmantium coherantur Tunc enim neceſſario , ac veniabiliter acquieſcitur mendacii detrimento , quando maius , ut diximus , imminet de veritatis confeſſione diſpendium , & utilitas quæ nobis de veritate confertur , compenſare illa quæ generanda ſunt damna , non prævalet .* Cap. XXI. Plura teſtimonia proferet ex ipſo Evangelio , quibus contendit mendacii uſum non licitum modo , ſed etiam neceſſarium . Cap. XXII. XXIII. & XXIV. exempla allegat plurium ſanctorum Monachorum , & Abbatum , qui mentiti ſunt , eo quod exilimarint ſublimioris virtutis eſſe , tegere continentiam humili mendacio quam patefacere ſuperbo veritatis indicio . Cap. XXV. Iterum fuſius innumera ſanctorum Patriarcharum geſta ex pluribus Scripturarum libris collecta recenſet , ut validius de licito , & neceſſario mendaciorum uſu , ſeu medicamine , opinionem confirmer . *Impoſſibile ,* ait ,

ait, nobis est breviter universa percurrere. Quis enim enumerare sufficiat omnes propemodum Patriarchas, Sanctosque innumerabiles, alios pro vita tutamine, alios pro benedictionis desiderio, alios pro alicuius occultatione mysterii, alios pro zelo Dei, alios pro examinatione veritatis, patrocinium, ut ita dixerim, assumpsisse mendacii? Hæc pauca perstrinxisse sufficiat, ut compertum fiat, Cassianum omnia argumenta quæ recentiores Theologi pro licito æquivocorum usu obrudunt, produxisse ad ostendendum pluribus in eventibus necessario, honesteque adhibenda esse mendacia.

VII. Duos alios, ne prolixior sim, Auctores recenseo ex illis qui mendacio sunt patrocinati. Ioannes Climacus gradu duodecimo scalæ suæ hæc scribit. Ubi nos ab omni mentiendi vanitate liberos senserimus, tum demum, loco & usu exigente, non sine timore tamen, quandoque licebit caute mendacium subicere. Martinus Dumienfis *Lib. quatuor virtut. card. cap. 14.* ait: Quod si aliquando coarctatus uti mendacio, utere, non ad falsi, sed ad veri custodiam: & si contigerit fidelitatem mendacio redimi, non mentieris, sed potius excusaberis: quia ubi honesta causa est, iustus secreta non prodit: tacenda enim tacet, loquenda loquitur.

VIII. Plures alios Auctores mendacio faventes referre possem. Sed, ne nimia prolixitas fastidium lectori pariat, finem huic capiti imponam verbis divi Augustini, qui testatur, suo tempore communem fuisse sententiam quæ docebat licitum esse mentiri pro hominum salute. Hæc enim habet quæst. LXXIII. in Levit. Pene omnibus videtur quod, ubi nemo læditur, pro salute mentiendum est.

IX. Heine calumniandi, & decipiendi imperitos ansam arripient heterodoxi, nullius scilicet Patres esse auctoritatis. Sed audax impostura pluries iam profligata est. Nam quod aliquis sanctorum Patrum interdum in aliqua perdifficili controversia, quæ illorum tempore nondum pro dignitate discussa erat, lapsus sit, nemo est qui eat inficias. At propterea ne inferendum, parvi faciendo esse Patres, dum unanimi consensu aliquam defendunt doctrinam? Verum hæc obiter. Alibi de hoc fusior sermo,

CAPUT II.

Recensentur Auctores qui ante, vel circa Augustini tempora mendacio bellum indixerunt. Post Augustinum Catholicorum nemo favit mendacio.

I. Aristoteles, Platonis discipulus, magistri de mendacio errorem reiecit *Lib. IV. Ethic. cap. vii.* ubi scribit, mendacium suapte natura pravam esse, detestandumque; veritatem bonam, laudeque dignam. Sed, missis Ethnicis, christianæ professionis Doctores in medium afferam.

II. Primus omnium chorum ducet Lactantius, qui *Lib. VI. divinarum institutionum* aperte mendacium insectatur his verbis. *Cetera quæ observare cultor Dei debet, facilia sunt, illis virtutibus comprehensæ, ut non mentiatur unquam decipiendi, aut nocendi causa. Est enim nefas eum qui veritati studet, in aliqua re esse fallacem, atque ab ipsa quam sequitur veritate discedere. In hac iustitiæ, virtutumque omnium via nullus mendacio locus est. Itaque viatorem illum verum ac iustum non decet illud Lucilianum:*

*Homini amico, & familiari non est
mentiri meum:*

sed etiam inimico, atque ignoto existimabit non esse mentiri suum: nec aliquando committet ut lingua interpret animi a sensu, & cogitatione discordet. Non inficior, isthic Lactantium absolute non loqui de controversia illa potissima, utrum scilicet pro hominum vita servanda, vel summi momenti secretis occultandis liceat mentiri. Ceterum simul assero, Lactantium ea ponere principia quæ cuiusque officiosi mendacii usum proscribunt, damnantque. Cum enim statuat, neque amico, neque inimico mentiendum, cum subdat, numquam permittendum ut lingua animi interpret a mentis cogitatione discordet, ac denique in hac iustitiæ via numquam esse mendacium locum; omnem sane excludit eventum in quo licitum mendacium sit.

III. Similia docent Eusebius Cæsariensis, D. Basilii in *Regulis brevioribus*, D. Prospero Libro contra Cassianum, ubi cap. ix. *Tu nos subdis, inquit, duobus, & geminas, sicut intelligis, pravitates dividendo damnas, miscendo iustificas. Hac lege, hac regula poteris prædicare, quod tam errent qui dicunt semper esse fallendum, quam qui definiunt numquam esse fallendum. Sed, ut in neutro peccetur, utrumque sectandum: quia nec semper declinanda falsitas, nec semper negligenda fides veritas. Fallit te prorsus opinio tua: de duobus malis unum fieri bonum non potest.* Duos Cassiani errores hic refellit D. Prosper: alterum, quod bonorum operum

initia quandoque gratiæ, quandoque naturæ adiudicaret; alterum; quod interdum falsitate, interdum veritate utendum doceret.

IV. Ferrandus Ecclesiæ Carthaginensis Diaconus in oratione ad Comitum Reginem hæc habet. *Sit saltem sermo vester, Est est, non non: & sive iuramento intercedente, sive cessante, nitamur in veritate certissimi permanere. Divina namque est veritas. Unde multum veraciter Filius Dei dixit: Ego sum veritas. Et sicut de caritate recordamur Ioannem dixisse: Qui manet in caritate, in Deo manet, & Deus in illo: ita similiter si velimus dicere, non mentimur: Qui manet in veritate, in Deo manet, & Deus in illo manet. Præponamus igitur veritatem cunctis utilitatibus temporalibus, & tunc rite inveniemur humanis divina præponere.*

V. Divus Gregorius Magnus Lib. XVIII. Moral. cap. 111. *Omne mendacium iniquitas est, & omnis iniquitas mendacium: quia profecto ab æquitate discrepat quidquid a veritate discordat. . . Summopere cavendum est omne mendacium; quamvis nonnumquam sit aliquid mendacii generis culpæ levioris, si quisquam præstando mentiat. Sed, quia scriptum est: Os quod mentitur, occidit animam: Perdes omnes qui loquuntur mendacium: hoc quoque mendacii generis perfecti viri summopere fugiunt, ut nec vita cuiuslibet per eorum fallaciam defendatur, ne suæ animæ noceant, dum præstare vitam carni nituntur alienæ. . . Nonnulli vero ex obstrictum fallacia conantur offerere, hoc mendacii generis non esse peccatum, maxime quod, illis mentientibus, scriptum est, quia ædificavit illis. Dominus domos: in qua magis recompensatione cognoscitur quid mendacii culpa mereatur. Nam benignitatis eorum merces, quæ eis in æterna potuit vita retribui, pro admixta culpa mendacii in terrenam est recompensationem declinata, ut in vita sua, quam mentiendo tueri voluerunt, ea quæ fecerunt bona reciperent, & ulterius quod expectarent mercedis suæ præmium non haberent. Nam, si subtiliter perpendamur, amore præsentis vitæ mentitæ sunt, non intentione mercedis. Parcendo quippe conatæ sunt infantium vitam regere, mentiendo suam.*

VI. Tres alios indicabo: quia posteriores omnes Scriptores mendacia omnia detestati sunt. Ansbertus Lib. IX. in Apocalypsim explicans illa verba, *Et omnibus mendacibus pars illorum erit in stagno ardenti*, relatis auctoritatibus Gregorii, & Augustini contra mendacium, sic concludit. *Unum sane firmiter debemus retinere, nullum mendacii generis inultum manere, quod hic relaxatum non fuerit penitentia, vel quolibet opere pietatis. Sanctus Gregorius VII. Lib. IX. epist. 11. ad Alphonsum Regem Hispaniarum ait: Non ignorat prudentia tua mentiri peccatum esse, si & de verbo otioso in districto examine exigenda est ratio. Sed ne mendacium quidem quod sit pia intentione pro pace, a culpa penitus immune esse probari potest. Hæc idcirco prælibavimus, ut cum in ceteris illud peccatum esse non dubitave-*

ris,

vis, in Sacerdotibus quasi sacrilegium concilias. Alexander III. Scriptura sacra prohibet pro alterius vita mentiri: cap. Super eo Extra de usur.

C A P U T III.

Compendiaria narratio eorum omnium quæ S. Augustinus scribit in Libro de mendacio.

I. **U**T iam capite superiore indicavimus, ante tempora D. Augustini plures Auctores usum mendacii in extrema necessitate pro vita hominum servanda, aut pro alio gravi damno propulsando, licitum propugnabant. Cassianus præ ceteris nullum non movit lapidem, ut hanc opinionem Scripturarum auctoritate muniret. D. Augustinus e contrario inter impugnatores mendacii palmam omnibus præripuit. Omnia adversariorum argumenta, paradoxa, & sophismata sibi opponit; quin ipse eas omnes obiectiones excogitavit, eos omnes eventus, seu casus sibi proponit quos summo suo ingenio iudicavit mendacio posse favere, ut nihil intactum, nihil indissolutum prætermitteret. Et, quoniam eos omnes casus ventilat quos recentiores tractant Theologi, easdemque omnes difficultates versat; idcirco operæ pretium existimavi, tanti Patris disputationem ob lectorum oculos referre, ut hinc colligere valeant, quantum Augustini doctrina a recentiorum inventis distet. Hunc de mendacio Librum scripsit Augustinus anno circiter 395. ut observant Patres Benedictini. Omnia ergo quæ in hoc Libro continentur, ea qua potero brevitate in compendium redacta isthuc transcribam. Proæmium præfati Libri his verbis incipit.

II. *Magna quæstio est de mendacio, quæ nos in ipsis quotidianis actibus nostris sæpe conturbat; ne aut temere accusemus mendacium quod non est mendacium, aut arbitremur aliquando esse mentiendum honesto quodam, & officioso, ac misericordii mendacio. Porro (cap. 1.) exposito controversiæ statu, exclusisque (cap. 11.) a præfenti quæstione verbis iocosis, quorum significatio omnibus patet; illud (cap. 11.) animadvertit, nec semper mentiri eum qui falsum enuntiat, nec semper a mendacio esse immunem qui verum profert. Quippe haud est mendacii reus qui falsum proferens, reputat esse verum. Contra, mendax habetur qui verum dicit existimatam falsum. Quapropter ille mentitur qui aliud habet in animo, & aliud verbis, vel quibuslibet significationibus enuntiat. Cap. 14. quærit, an ille qui mentitur, debeat habere fallendi animum; ubi alias versat difficultates. Cap. 5. id quod totius Libri caput est, tractandum assumit, utrum scilicet aliquando mentiri expediat. Qui id defendunt, opponunt exempla Saræ, Iacob, & obstetricum Aegyptiarum. Addunt incommoda gravissima quæ interdum manifestationem ali-*

Ff ij cuius

cuius veritatis consequuntur; ut mors illius qui nonnisi mendacio liberari potest; & ægroti afflictio, si veritas quæ ei displicet, illi manifestetur. E contrario qui mendacium in omni eventu illicitum existimant, validius argumentantur divinis verbis innixi: atque ad exempla quæ ex veteri testamento afferuntur, respondent, antiquos Patres non esse mentitos, quoniam plura figurate prædicebant. Quod si eorum quispiam qui bona intentione mentiri fuerunt, laudatus reperitur, non absolute, sed comparate ad eos commendatur qui fallendi animo mentiuntur. In Libris postea novi testamenti, si quasdam ipsius Redemptoris figuratas locutiones excipias, nulla similia reperiuntur exempla, quæ ad imitationem provocent mentiendi. *Simulatio autem Petri, & Barnabæ non solum non commendata, verum etiam reprehensa, atque correpta est.* Ab istius simulationis culpa immunem ostendit Paulum, cum Timotheum circumcidit; ubi plura in Pauli defensionem affert.

III. Incommoda porro quæ ex veritatis revelatione consequi opponunt, (*cap. vi.*) nihili faciunt mendaciorum impugnatores. Quoniam animum ad divinam intendentes Scripturam, quæ minatur, *Os quod mentitur, occidit animam*, ordinis perversionem reputant, propriam animam spiritualiter perimere, ut alter corporaliter vivat. Neque ad hoc caritas urget, quæ, sicuti nosmetipsos, non plusquam nosmetipsos, proximum diligere iubet. Quod si a recto ordine recedit qui mortem oppetit temporalem pro alterius corporali vita; quanto magis sanæ doctrinæ regulam excedit qui æternam suam vitam pro alterius temporali amittit? Isti vero qui stomachantur, & indignantur, si nolit aliquis mendacio perimere animam suam, ut aliquis senescat in carne: quid, si etiam furto nostro, quid, si adulterio liberari posset aliquis de morte? Ideo ne surandum est, aut mæchandum? Quid, si laqueum ferat homo, & stuprum petat, confirmans quod sibi colum ligabit, nisi ei concedatur quod petit; numquid assentiendum erit? Quod si absurdum, & nefarium est; cur animam suam quisquam mendacio corrumpat, ut alter vivat in corpore? Proinde non est in ista quæstione attendendum, nisi utrum snapte natura iniquum sit mendacium. Quod cum iam supra ostensum sit; idem erit quærere, utrum pro alterius salute mentiri aliquis debeat, ac si quæreretur, utrum pro alterius salute iniquus esse aliquis debeat. Quod si respicit animæ salus, quæ non potest nisi æquitate servari; quamve non solum alterius, sed etiam nostræ saluti temporali præferre debemus: quis revocare in dubium poterit, numquam omnino mentiendum esse?

IV. Quoniam vero (*cap. vii.*) corporis castitas ipsa vita pretiosior est, quæri potest, an homo licite mendacio uti valeat, quo pudicitiz iacturam vitet; ut si stuprator irruat, qui possit mendacio devitari. Facile respondetur, nullam esse pudicitiam corporis, nisi ab integritate animi pendeat, qua disrupta, cadat necesse est,

est, etiamsi intacta videatur. Nullo modo igitur animus se mendacio corrumpit pro corpore suo, quod scit manere incorruptum, si ab ipso animo incorruptio non recedat. Quod enim violenter, non præcedente libidine, patitur corpus, vexatio potius quam corruptio nominandum est. Aut, si omnis vexatio corruptio est, non omnis corruptio turpis est; sed illa quam libido procuraverit, aut cui libido consenserit. Quanto autem animus præstantior corpore est, tanto sceleratius corrumpitur. Ibi ergo servari potest pudicitia, ubi nulla nisi voluntaria potest esse corruptio. Certe enim, si stuprator corpus invaserit, cui nec vi contrairi possit, nec ullo consilio, vel mendacio devitari, necesse est fateamur, aliena libidine pudicitiam non violari. Quapropter, quoniam nemo dubitat, meliorem esse animum corpore, integritati corporis integritas animi anteponenda est, quæ in æternum servari potest. Quis autem dixerit, integrum esse mentientis animum? Etenim libido quoque ipsa recte definitur appetitus animi quo æternis bonis quælibet temporalia præponuntur. Nemo itaque potest convincere, aliquando esse mentiendum, nisi qui potuerit ostendere, æternum aliquod bonum obtineri posse mendacio. Sed cum tanto quisque ab æternitate discedat, quanto a veritate discordat; qui autem mentitur, a veritate discedit: absurdissimum est dicere, discedendo inde posse ad boni aliquid quempiam pervenire. Aut, si est aliquod bonum æternum quod non complectatur veritas, non erit verum; & ideo nec bonum, quia falsum. Sicut autem animus corpori, ita etiam veritas ipsi animo præponenda est; ut eam non solum magis quam corpus, sed etiam magis quam seipsum appetat animus. Si autem Lot, cum ita iustus esset, ut Angelos etiam hospites suscipere mereretur, stuprandas filias Sodomitis obtulit, ut seminarum potius ab eis corpora quam virorum corrumperentur; quanto diligentius, atque constantius animi castitas in veritate servanda est; cum verius ipse corpori suo quam corpus virile corpori femineo præferatur?

V. Hinc colligere quisque valet, nec intentione æternæ salutis assequendæ mentiendum esse; quin subdit (*cap. VIII.*) æternæ salutis ianuam occludi, si mendacio aditus aperiat. Primum enim salutis fundamentum fides est. Hæc sane vacillat, si semel concedatur, sicutum esse viros bonos mentiri. Quomodo enim credendum est ei qui putat aliquando esse mentiendum? Nam & tunc mentiri valet, cum præcipit ut sibi credatur. Unde enim sciri potest, utrum & tunc habeat aliquam causam; sicut ipse putat, officiosi mendacii, existimans falsa narratione hominem territum posse a libidine cohiberi; atque hoc modo etiam spiritalibus se consulere mentiendo arbitretur. Quamobrem aut non est credendum bonis; aut credendum est eis quos credimus debere aliquando mentiri; aut non est credendum, bonos aliquando mentiri. Horum trium primum perniciosum est, & secundum stultum. Restat ergo ut nunquam mentiantur boni.

VI. Sic ista questione (*cap. ix.*) ex utraque parte considerata, atque tractata, non tamen facile screnda sententia est; sed adhuc diligenter audiendi qui dicunt, nullum esse tam male factum quod non in devitatione peioris faciendum sit: pertinere autem ad facta hominum, non solum quiddid faciunt, sed quiddid etiam cum consensione patiuntur. Unde, si extitit causa ut eligeret vir christianus thurificare idolis, ne consentiret stupro, quod persecutor ei, nisi faceret, minabatur; recte videntur querere, cur non etiam mentiretur, ut tantam illam turpitudinem devitaret. Ipsam enim consensionem, qua stuprum pati mallet quam thurificare idolis, non passionem dicunt esse, sed factum: quod ne faceret, elegit thurificare. Respondet, quod si talis consensio pro facto habenda sit, homicidæ sunt etiam qui occidi maluerant quam falsum testimonium dicere. Itaque consensum non est dicendus, quoties non approbamus quod faciant; quin, quantum in nobis est, prohibemus ne faciant. Erravit proinde ille qui, ut impediret ne alii in suum corpus peccarent, thus adolevit idolis. Sed reponunt: Quomodo non facis cum eis; si hoc illi non facerent, si tu illud fecisses? Respondet Augustinus, hoc modo nos frangere ianuam cum effractoribus, qui, si eam non clauderemus, illi non frangerent. Pressius questionem proponit, & dirimit. Debit ne igitur stuprum potius perpeti quam thurificare? Si queris quid debuerit, neutrum debuit. Si enim dixero, aliquid horum debuisse, aliquid horum approbabo; cum improbem utrumque. Sed si queritur, quid horum potius debuit evitare, qui utrumque non potuit; sed alterutrum potuit; respondebo, suum peccatum potius quam alienum. Quin levius suum quam grave alienum vitandum illi est. Denique questionis nodum in hoc vertere concludit, num scilicet mendacium desinat esse peccatum, cum quis eo utitur, ut pudicitiam corporalem custodiat.

VII. Si sermo sit de mendaciis perniciosis, quæ alienam famam lædunt, respondet Augustinus (*cap. x.*) numquam nos licite posse alterius nomen obscurare, ut impediamus sive proprii, sive alieni corporis stuprum. Quemadmodum nec ob eiusmodi mala, vel graviora alia declinanda, licet aliquando in religionis negotio mentiri. Immo nec ideo in doctrina religionis mentiendum est, ut ad eam ipsam facilius quisquam perducatur. Fracta enim, vel leviter diminuta auctoritate veritatis, omnia dubia remanebunt: quæ, nisi vera credantur, teneri certa non possunt.

VIII. Quo firmiter constituto, de ceteris mendaciis securus disputatur. Itaque (*cap. xi.*) omnia mendacia quæ iniuste aliquem lædunt, removenda sunt, quemadmodum & illa quæ, quamvis non obstant alteri, nulli tamen profunt, & obstant illis ipsis qui mentuntur. Denique vitanda sunt etiam mendacia illa quæ locosa appellantur, quibus idcirco mentientes utuntur, ut placeant hominibus, amoenioremque efficiant hominum conversationem.

IX. Iſtis generibus ſine ulla dubitatione damnatis, ſermo [cap. XII.] recurrit de mendacijs officioſis, quæ nemini nocent, & alicui proſunt. De hoc mendaciorum genere tota eſt controverſia, utrum ſcilicet hæc mendacia illi noceant qui ea proſert, ut alteri proſit; & an nocumentum quod patitur mentiens, compenſetur bono quod mendacium conſequitur. Reſpondet, numquam mendacium licitum eſſe, etiamſi nulli noceat, & alicui proſit: alioquin licitum foret ſurripere diviti, ſuperfluis copiis redundanti, tritici modium donandum pauperi, qui magnum experiretur commodum, cum nullum ſentiret dives detrimentum: liceret quoque tunc falſum teſtimonium dicere ad occultandum pauperis furtum. Quo quid dici poteſt perversius? Sed quia reponi poſſet, idcirco hoc mendacium illicitum eſſe, quia eo peccatum alienum obtegitur; propterea conſequenter quæritur, an liceat mentiri, quando mendacium nulli nocet, alicui prodeſt, nullumque occultat peccatum. Reſpondet. Si propterea non peccamus mentiendo, quia nullius peccatum tegentes & nulli obſumus, & alicui proſumus, quid agimus de ipſo peccato mendacii? Ubi enim poſitum eſt, Ne furtum feceris, ibi poſitum eſt, Ne falſum teſtimonium dixeris. An occultare peccatum non licet, & facere peccatum licet? An fortasſe falſum teſtimonium non eſt, niſi quando quiſque ita mentitur, ut aut crimen conſingat in aliquem, aut alicuius crimen occultet, aut quoquo modo quemquam in iudicio premat? Si ita eſt, quid ergo, ſi ad Chriſtianum conſugiat homicida, aut videat quo conſugit, & de hac re interrogetur ab eo qui ad ſupplicium quærit hominem hominis interficentem? Mentendum ne eſt? An mentiri ad tegendum alienum peccatum malum eſt, mentiri autem ad tegendum peccatorem non eſt malum? Quid, ſi ad iudicem ductus, de ipſo loco ubi ſe ille occultat, interrogeris? Dicturus es: Aut non ibi eſt ubi ſcis eum eſſe; aut non novi, & non vidi quod noſti, & vidisti? Dicturus ergo es falſum teſtimonium, & occiſurus animam tuam, ne occidatur homicida? Quid, ſi de iuſto, atque innocente, ubi lateat, ſciens a iudice interrogeris, qui tamen ad mortem a maiore poteſtate iuſſus eſt rapi, & ille qui interrogat, executor ſit legis, non conditor? An ideo non erit falſum teſtimonium, quia pro innocente mentiris, quia non iudex, ſed executor interrogat? Quid, ſi ipſe conditor legis interroget, aut quilibet iudex iniquus ad ſupplicium quærens innocentem? Quid facies? Falſus teſtis, an proditor eris? An inter crimen falſi teſtimonii, & proditiſis dubius remanebis? Quanto ergo fortius, quanto excellentius dices, *Nec prodam, nec mentiar*. Fecit hoc Epiſcopus quondam Tagaſtenſis Eccleſiæ Firmus nomine, firmior voluntate. Quidni faciemus idem & nos tum coram iudice, tum extra iudicium, ut impleamus quod ſcriptum eſt: *Falſum teſtimonium non dices*: illudque ſupplicium vitemus: *Perdes omnes qui loquuntur mendacium*. Aliquando vero quæritur a nobis, non ubi ſit, ſed utrum ſit, an non ſit in illo loco occultatus

innocens? Ubi si esse scimus, tacendo eum prodimus; vel etiam si testemur, nequaquam nos esse dicturos, utrum ibi sit, an non sit, pariter prodimus, ac si digito illum ostenderemus. In hoc ergo articulo sic respondere debes: *Scio ubi sit; sed numquam monstrabo, nec mentiar.* Hæc sola responsio valet alio mentem quaesitoris distrahere, & ab eo loco in quo innocens occultatus iacet, avertere. Tunc vero, quid quid toleraveris, ne eum prodas, non solum non culpabile, sed etiam laudabile iudicabitur.

X. Ex his quæ hæcenus dicta sunt, patet, inquit Augustinus (*cap. xiv.*) octo esse mendaciorum genera. De septem iam satis dictum fuit. Reliquum nunc est ut de octavo, & ultimo genere verba faciamus. Hoc autem mendacium est, cum mentimur, ut ab aliena vi corporis pudicitiam tueamur. Antequam vero sententiam dicat in hoc mendacii genus, severiore examine testimonia Scripturarum quæ mendacia damnant, suscipit enucleanda. Quod maturum, severumque examen incipit a *cap. xv.* illudque perducit usque ad *cap. xix.* Varias expendit interpretationes, quibus utriusque sententiæ defensores divinarum Scripturarum textus propriæ accommodabant opinioni. Ex quibus omnibus summo studio perpenis illud colligit, neminem posse ex divinis Scripturis ostendere, aliquid reperiri mendacium quod aut amandum, aut non odio habendum sit. *Sed interdum faciendum est quod oderis* (*cap. xviii.*) *ut quod amplius detestandum est, devertetur.* *Sed in hoc errant homines quod subdunt pretiosa visioribus.* Cum enim concesseris admitendum esse aliquid malum, ne aliud gravius admittatur; non ex regula veritatis, sed ex sua quisque cupiditate, atque consuetudine metitur malum, & id putat gravius quod ipse amplius exhorrescit, non quod amplius revera fugiendum est. Hoc totum ab amoris perversitate gignitur vitium. Cum enim duæ sint vitæ nostræ: una sempiterna, quæ divinitus promittitur; altera temporalis, in qua nunc sumus: cum quisque istam temporalem amplius diligere cæperit quam illam sempiternam, propter hanc quam diligit, putat omnia esse facienda; nec ulla æstimat graviora peccata quam quæ huic vitæ faciunt iniuriam, & vel ei commoditatis aliquid inique, & illicite auferunt, aut eam penitus illata morte adimunt. Itaque fures, & raptores, & contumeliosos, & tortores, atque interfectores magis oderunt quam lascivos, ebriosos, luxuriosos, si nulli molesti sunt. Sed his omnibus oppositæ sunt regulæ quas nobis servandas veritas præscribit. Hæc docet nos fortiter, prudenterque tolerare alienæ peccata, quæ bona corporis nobis adimunt: nam illi soli qui auferunt, peccant, & a vita æterna impediuntur; minime vero peccant ii qui damna patiuntur. Quæ autem sanctitatis, religionisque causa servantur, cum violare iniuriosi voluerint, etiam peccatis minoribus, non tamen iniuriis aliorum, si conditio proponitur, & facultas datur, retinenda sunt. Et tunc iam illa desunt esse peccata quæ propter graviora vitanda suscipiuntur.

XI. Porro hæc sunt (*cap. xix.*) quæ sanctitatis causa conservari debent, pudicitia corporis, castitas animi, veritas doctrinæ. Corporis pudicitia sine nostro libero consensu non violatur. Quidquid enim nobis invitis, maiore vi prævalente, contingit in nostro corpore, nulla impudicitia est; & permittendi potest esse aliqua ratio, consentiendi autem nulla. Animi vero castitas est in sincera delectatione, quæ non corrumpitur, nisi cum amamus, atque appetimus quod amandum, & appetendum non esse veritas docet. Custodienda est ergo sincera dilectio Dei, & proximi: in hac quippe castitas animi sanctificatur. Veritas autem doctrinæ, religionis, atque pietatis non nisi mendacio violatur. Summopere igitur doctrinæ veritas a mendacio custodienda est, ut si castitas animi fuerit violata, habeat unde reparetur: quoniam, corrupta auctoritate doctrinæ, nullus aut cursus, aut recursus esse ad castitatem animi potest.

XII. Animi castitas sermonis sinceritate custoditur: quæ etsi minus violetur, cum quis mentitur, ut pudicitiam corporis custodiat; violatur tamen, & id violatur quod in castitate, & sanctitate animi servandum est. Unde cogimur, non opinione hominum, quæ plerumque in errore est, sed ipsa, quæ omnibus supereminet, atque una invictissima est, veritate præferre pudicitia corporis animi sinceritatem, fidem, seu veracem sermonem. Castitas animi amor est ordinatus, non subdus maiora minoribus. Minus est enim quidquid in corpore quam quidquid in animo violari potest. Cum quis corpori tuo vim infert; vides, non tuam, sed alienam irrumpere libidinem. Cave tamen ne consentiendo sis particeps: quia pudicitia corporalis non corrumpitur, nisi violetur in animo, quo non consentiente, nullo modo corrumpitur pudicitia corporalis, quidquid fuerit in corpore aliena libidine perpetratum. Quamobrem quod in nobis est, utrumque sanctis moribus, & conversatione muniendum est, atque sapiendum, ne aliunde violetur. Quando autem utrumque non potest, sed alterutrum periculo iacturæ subiacet; nemo non videt, anteponendam esse pudicitia corporali animi castitatem; & in peccatis magis propriam quam alienam culpam vitandam.

XIII. *Ehuc itaque (cap. xxi.) discussis omnibus, nihil aliud illa testimonia Scripturarum monere, nisi numquam esse omnino mentiendum. Quandoquidem nec ulla exempla mendaciorum imitatione digna in moribus, falsisque Sanctorum invenientur, quod ad eas attinet Scripturas quæ ad nullam figuratam significationem referuntur, sicuti sunt res gestæ in Actibus Apostolorum. Nam Domini omnia in Evangelio quæ imperitioribus mendacia videntur, figuratæ significationes sunt. Numquam igitur mentiendum: quoniam ex octo mendaciorum generibus, quæ supra recensita sunt, nec unum licitum est. Quisquis autem esse aliquod genus mendacii quod peccatum non sit, putaverit, decipiet seipsum turpiter, cum honestum se deceptorem arbitretur aliorum.*

CAPUT IV.

Compendium Libri contra mendacium, quem D. Augustinus scripsit ad Consensum.

I. IN votis erat quasdam animadversiones compendiarie narrationi superioris Libri de mendacio adiacere; sed meliore consilio deliberavi, nullo interposito diverticulo, utriusque Libri veluti imaginem quamdam adumbrare, ut lectores unico quasi intuitu mentem D. Augustini explorare valeant. Deinde ad utrumque Librum paucas adiciam observationes. Et, antequam ad rem accedo, inquirere lubet, cur D. Augustinus Librum capite superiore in compendium redactum, de mendacio inscripserit; hunc vero, quem in presentia transcribendum suscipio, titulo contra mendacium donaverit. Diversae inscriptionis rationem ipsemet Augustinus. prodit Lib. I. Retract. cap. ult. *Propterea illius inscriptio est contra mendacium, istius autem de mendacio, quoniam per illum tota oppugnatio est aperta mendacii; istius autem magna pars in inquisitionis disputatione versatur.* Ut enim penitus exhaureret controversiam, in priori Libro de mendacio quodammodo problematice disputavit: adversariorum rationes, non obiter, sed ex professo in medium attulit, atque in pleno lumine collocavit: responsa quoque exhibuit: & quaecumque mendacia illicita demonstravit. In presenti vero Libro contra mendacium cominus rem est aggressus, atque conferta manu mendacia omnia profigare suscepit. Hunc edendi Librum occasionem Augustino suppeditarunt Priscillianistae, quorum perniciosior erat error, licitum homini esse mendaciis, immo & periuriis propriae religionis professionem abscondere. Hinc extrinsecus Catholicorum simulantes religionem, cum Catholicis commercia inibant, securiusque sub tali larva bellum evangelicae veritati indicebant. Et quoniam difficillimum erat lupos istos, ovium pelibus contextos, ab ovili Christi propellere; Catholicorum quidam minus prudentes, ut clavum clavo repellerent, Priscillianistas se se effingebant, quo eorumdem impia dogmata facilius deprehenderent. Hos errores ut profigaret Augustinus, Librum edidit contra mendacium.

II. Et in primis statuit (cap. 1.) neque mendacia mendaciis, neque latrocinia latrocinis, nec adulteria adulteriis exterminanda esse. Priscillianistarum est hæc [cap. 11.] impia opinio, quæ sanctos Martyres exhonorat; immo vero aufert omnino sancta martyria. Mendaciorum multa genera sunt, quæ quidem omnia [cap. 111.] universaliter odisse debemus; cum nullum reperire liceat quod veritati oppositum non sit, sicuti luci tenebrae, pietati iniquitas, & sanitati infirmitas. Hac semel admissa mentiendi opinione, omnis humana societas de medio tollitur.

Si

Si enim suspicentur Priscillianistæ catholica dogmata nos mendaciter loqui, ut nescio quid aliud occultemus quod verum putamus: certe talia suspicanti disburus es: *Hoc tunc ideo feci, ut caperem te. Sed quid respondebis dicenti? Unde igitur scio, utrum etiam nunc id facias, ne capiaris a me?* Sed nunc adverte, quod tolerabilius Priscillianistæ (cap. v.) in nostra comparatione mentiantur. Nam Priscillianista sic loquitur, quia ita credit. Catholicus autem non ita credit, quamvis sic loquatur. Ille ergo blasphematur nesciens, iste sciens. Numquam igitur [cap. vi.] in religionis negotio mentiendum. Nam, si licita forent mendacia, animo illuminandi hæreticos dicta [cap. vii.] possent quoque casta esse adulteria eodem animo perpetrata. Interest quidem plurimum, qua causa, quo fine, qua intentione quid fiat; sed ea quæ constat esse peccata, nullo bonæ causæ obtentu, nullo quasi bono fine, nulla veluti bona intentione facienda sunt. Bona intentio diminueret [cap. viii.] quidem interdum potest peccati malitiam; minime vero efficere quia sit peccatum quod suapte natura peccatum est.

III. Verum, quod fatendum est, ita humanos animos *quadam compensativa peccata perturbant, ut etiam putentur* [cap. ix.] *debere laudari, ac potius recte facta dicantur.* Quis enim dubitet grande esse peccatum, si pater prostituat filias suas fornicationibus impiorum? Et tamen extitit causa qua hoc Lot debere se facere existimavit. Quid hic dicemus? Si hanc aperimus viam, & commitemus minora, ne alii maiora perpetrent; lato limite, immo nullo limite cuncta flagitia regnabunt. Sed hic error tunc potissimum [cap. x.] prævalet, cum de mendaciis agitur. Siquidem peccata non esse illa mendacia existimant quæ pro alterius utilitate proferuntur: idque Scripturarum exemplis demonstrare contendunt. Quæ tamen (cap. xi.) aut mendacia non sunt, aut sunt mysteria; vel, si mendacia, minime sunt imitatione digna. Nam, si Prophetarum, & Patriarcharum dicta, siue facta (cap. xii.) ad eas res referantur propter quas significandas ita facta, vel dicta sunt, reperiuntur significationes esse veraces. Sunt quædam huiusmodi etiam Salvatoris in Evangelio, quia & ipse Dominus Prophetarum Propheta esse dignatus est. Cuius plurima dicta [cap. xiii.] figuratam habent significationem. Qui vero dicit (cap. xiv.) iusta esse aliqua mendacia, iusta pariter asserere debet aliqua peccata. Quo [cap. xv.] quid absurdius dici potest? Ea enim quæ contra legem sunt, iusta esse non possunt. Dictum est autem: *Lex tua veritas.* Id ergo quod est contra veritatem, iustum esse non potest. Quis autem dubitet, contra veritatem esse mendacium omne? Nec exemplum obstrictum Aegyptiarum, vel Raab prodicis mendacii defensoribus [cap. xvi.] Quoniam non iniquitas linguæ mendacis, sed affectus misericordis animi compensationem meruit temporalem.

IV. Sed dicit aliquis: Ergo ne obstetrices illæ, atque Raab (cap. xvii.) melius fecissent, si nullam misericordiam præstitissent nolendo mentiri? Immo vero illæ
mu.

mulieres Hebrææ, si filiæ fuissent cælestis Hierusalem, nec mentitæ fuissent, & ministeria de occidendis parvulis liberrime recusassent. At, inquires, ipsæ mortuæ fuissent. At vide quid inde consecutum fuisset. Regnum æternum obtinuisset, idest mercedem incomparabiliter ampliorem quam domus illæ quas sibi fecerunt. Sed quid dicendum de muliere Hierichuntina? Nonne, si quærentes cives non fessellisset mentiendo, verum dicendo latentes hospites prodidisset? An potuisset interrogantibus dicere: *Scio ubi sint; sed Deum timeo, non eos prodo?* Potuisset hæc dicere, si iam fuisset vera Israelitis, in qua dolus non esset; quod futura erat per misericordiam Dei transiens ad civitatem Dei. Verum illi hoc audito, inquires, illam peremissent, & domum scrutati fuissent. Sed numquid consequens futurum fuisset ut illos etiam quos diligenter occultaverat, invenissent? Prospexerat enim cautissima mulier, & ibi eos posuerat ubi latere potuissent, etiam si sibi mentienti creditum non fuisset. Ita & illa, si tamen a suis civibus fuisset occisa, pro misericordiæ opere vitam istam finiendam, pretiosa in conspectu Domini morte finisset; & erga illos eius beneficium inane non fuisset. Sed inquires: Quid, si ad illum locum ubi eos occultaverat, ii a quibus quærebantur, perscrutando omnia pervenissent? Isto modo dici potest: Quid, si mulieri vilissimæ, atque turpissimæ, non solum mentienti, verum etiam peieranti, credere noluisset? Nempe etiam sic consecutura fuissent quæ timendo mentita est. Et ubi ponimus voluntatem, ac potestatem Dei? A quo enim custoditi post mulieris mendacium sunt, ab eo potuissent, etsi illa mentita non fuisset, utique custodiri. Nisi forte obliiti sumus, hoc fuisse in Sodomis factum, ubi masculi in masculos nefanda libidine accensi, nec ostium domus, in qua erant quos quærebant, invenire potuerunt: quoniam vir iustus in causâ omnino simillima pro suis hospitibus mentiri noluit, quos Angelos esse nesciebat. Et certe potuisset talia respondere quærentibus, qualia in Hiericho mulier illa respondit. Sed homo iustus noluit pro corporibus hospitum animam suam maculari mendacio, pro quibus voluit corpora filiarum ab alienæ libidinis iniquitate vim perpeti.

V. Admonet tamen S. Doctor, non esse Lot dignum imitatione in eo quod filias stuprandas obtulit Sodomitis. Unde constat quod non omnia quæ a sanctis, vel iustis viris legimus facta, transferre debeamus in mores. [cap. ix. istius Libri.] Faciat ergo (persequitur Augustinus cap. xvii.) homo etiam pro temporali hominum salute quod potest. Cum autem ad hunc articulum ventum fuerit, ut tali saluti consulere, nisi peccando, non possit; iam se existimet non habere quod faciat, quando id reliquum esse perspexerit quod non recte faciat.

VI. Verum, quia homines sumus, & inter homines vivimus, fateorque me „ nondum esse in eorum numero quos compensativa peccata (cap. xviii.) non „ turbant, sæpe me in rebus humanis vincit sensus humanus, nec resistere va-

„ leo,

leo, cum mihi dicitur : Ecce gravi morbo periclitatur ægrotus, cuius iam vires ferre non possint, si ei mortuus unicus, & carissimus filius nuntiatur : si a te quærit, an vivat, quem vitam finisse tu nosti, quid respondebis, quando, quidquid aliud dixeris præter unum de tribus, *Aut mortuus est, aut vivit, aut nescio*, nihil aliud credit ille quam mortuum : quod te intelligit timere dicere, & nolle mentiri ? Tantumdem valet, etiamsi omni modo tacueris. Ex illis autem tribus duo falsa sunt, *vivit*, & *nescio* : nec abs te dici possunt, nisi mentiendo. Illud autem unum verum, idest mortuum esse, si dixeris, & perturbati hominis mors fuerit subsecuta, abs te occisus clamabitur. Et quis ferat homines exaggerantes, quantum sit mali salubre mendacium devitari, & homicidam deligere veritatem ? (seu præferre veritatem homicidam mendacio quod vitam confert.) *Moveor his oppositis vehementer, sed mirum, si etiam sapienter*. Cum enim proposuero ante qualescumque oculos cordis mei intelligibilem illius pulchritudinem de cuius ore nihil falsi procedit ; quamvis ubi radians magis magisque clarescit veritas, ibi palpitans mea reverberatur infirmitas ; tamen sic amore tanti decoris accendor, ut cuncta quæ inde me revocant, humana contemnā. Sed multum est ut iste intantum perseveret affectus, ne in tentatione desit effectus. Nec me movet contemplantem luminosum bonum, in quo mendacii tenebræ nullæ sunt, quod nobis mentiri nolentibus, & hominibus vero audito morientibus, homicida dicitur veritas. Numquid enim si stuprum expectat impudica, & te non consentiente, sævo amore perturbata moriatur, homicida erit & castitas ? An vero, quia legimus : *Christi bonus odor sumus in omni loco, & in iis qui salvi sunt, & in iis qui pereunt : aliis quidem odor vitæ in vitam, aliis autem odor mortis in mortem* : etiam odorem Christi pronuntiabimus homicidam ? Sed quia homines sumus, & nos in huiusmodi questionibus, & contradictionibus plerumque superat, aut fatigat sensus humanus, ideo mox & ille subiecit : *Et ad hæc quis idoneus ?* (I. Cor. 11. vers. 15.) Huc accedit, ubi miserabilis ejulandum est, quod si concesserimus pro salute illius ægri de vita filii eius fuisse mentiendum, ita paulatim, minutatimque succrescit hoc malum, & brevibus accessibus ad tantum acervum mendaciorum sceleratorum sensim subintrando perducitur, ut numquam possit penitus inveniri, ubi tantæ pesti per minima additamenta in immensum convalescenti possit obstiti. Unde providentissime scriptum est : *Qui modica spernit, paulatim decedit*. Quid quod vitæ huius tales amatores, ut cam non dubitent præponere veritati, ne homo moriatur ; immo ut homo quandoque moriturus, aliquanto serius moriatur, non tantum mentiri, sed etiam peierare nos volunt, ut videlicet, ne aliquanto citius transeat vana salus hominis, nomen Dei nostri accipiamus in vanum ? Et sunt in eis docti, qui etiam regulas figant, sineque

con-

„constituant, quando debeat, quando non debeat peierari. O ubi estis fontes la-
 „crymarum? Et quid facimus? Quo ibimus? Ubi nos occurrabimus ab ira veri-
 „tatis, si non solum negligimus cavere mendacia, sed audemus insuper docere per-
 „iuria? Viderint enim insuper assertores, defensoresque mendacii, quale genus, vel
 „qualia genera mentiendi eos iustificare delectet. Saltem in Dei cultu concedant non
 „esse mentiendum, saltem se se a periuriis, blasphemiiisque contineant. Saltem ubi
 „Dei nomen, ubi Deus testis, ubi Dei sacramentum interponitur, ubi de divina
 „religione sermo promitur, siue conferitur, nemo mentiatur, nemo laudet, nemo
 „doceat, & præcipiat, nemo iustum dicat esse mendacium. De ceteris mendacio-
 „rum generibus eligat sibi quod putat esse mitissimum, atque innocentissimum
 „mentiendi genus, cui placet esse mentiendum. Hoc scio, quod etiam qui do-
 „cet oportere mentiri, verum docere se vult videri. Nam, si falsum est quod
 „docet, quis falsæ velit studere doctrinæ, ubi & fallit docens, & fallitur di-
 „scens? Si autem, ut aliquem possit invenire discipulum, docere se asserit ve-
 „rum, cum doceat esse mentiendum: quomodo erit ullum ex veritate menda-
 „cium, Ioanne Apostolo reclamante: *Omne mendacium non est ex veritate?*

VII. „Non est ergo verum (cap. xix.) aliquando esse mentiendum; & quod
 „non est verum, nemini est omnino suadendum. Sed agit partes suas infirmi-
 „tas, & causam vincibilem faventibus turbis se habere proclamat: ubi contra-
 „dicit, & dicit: Quomodo apud homines, qui proculdubio si falluntur, avertuntur
 „a pernicie vel aliena, vel sua, periclitantibus subvenitur hominibus, si nos
 „humanus ad mentiendum non inclinet affectus? Si patienter me audiat turba
 „mortalitatis, turba infirmitatis, respondebo aliquid pro negotio veritatis. Cer-
 „te pia, vera, sancta castitas nonnisi ex veritate est: & quisquis adversus eam
 „facit, profecto adversus veritatem facit. Cur ergo, etsi non possit aliter peri-
 „clitantibus subveniri, non committo stuprum, quod ideo est contrarium verita-
 „ti, quia contrarium est castitati; & ut periclitanti subveniatur, loquor menda-
 „cium, quod ipsi apertissime est contrarium veritati? Quid apud nos tantum
 „promeruit castitas, & offendit veritas? Cum omnis ex veritate sit castitas, &
 „sit non corporis, sed mentis castitas, veritasque in mente habitet, sicut & cor-
 „poris castitas. . . Sed perfectorum est, ait aliquis, solidus cibus. Multa enim
 „secundum veniam relaxantur infirmitati, quamvis sincerissimæ nequaquam pla-
 „ceant veritati. Dicat hoc quisquis non metuit quæ consequentia metuenda
 „sunt, si fuerint aliquo modo aliqua permissa mendacia. Nullo modo tamen in-
 „tantum sunt permittenda conscendere, ut ad periuria, blasphemiasque perveniant.
 „Nec aliquam causam prorsus oportet obtendi, cur debeat peierari, vel, quod est
 „execrabilius, cur Deus debeat blasphemari. Non enim, quia per mendacium blas-
 „phematur, ideo non blasphematur. Potest quippe hoc modo dici non peierari,

„quia

„ quia per mendacium peieratur . . . Quisquis itaque dicit pro periclitantis homi-
 „ nis salute temporali, vel vita esse mentiendum, nimis ipse ab itinere exorbitat
 „ aeternae salutis, & vitae, si dicit in ea causa etiam iurandum per Deum.

VIII. „ Sed aliquando (*cap. xx.*) nobis ipsius quoque salutis aeternae periculum
 „ opponitur, quod nostro mendacio, si aliter non potest, depellendum esse cla-
 „ matur. Veluti, si quisquam baptizandus in potestate sit impiorum, atque infi-
 „ delium constitutus, ad quem perveniri non possit, ut lavacro regenerationis ab-
 „ luat, nisi deceptis mentiendo custodibus. Ab hoc invidiosissimo clamore, quo
 „ cogimur . . . pro aeterna hominis salute mentiri, quo confugiam, nisi ad te
 „ veritas? Et mihi abs te proponitur castitas. Cur enim, si custodes isti, ut nos
 „ ad baptizandum hominem admittant, stupro illi possunt, non facimus contra-
 „ ria castitati, & si mendacio decipi possunt, facimus contraria veritati, cum
 „ proculdubio nulli esset fideliter amabilis castitas, si non eam praeciperet veri-
 „ tas? Proinde, ut perveniat ad hominem baptizandum, fallantur mentiendo
 „ custodes, si hoc iubet veritas. Sed quomodo iubeat veritas, ut homo baptize-
 „ tur, esse mentiendum, si non iubet castitas, ut homo baptizetur, esse mœchan-
 „ dum? Cur autem hoc non iubet castitas, nisi quia hoc non docet veritas? Si
 „ ergo, nisi quod veritas docet, facere non debemus; cum veritas doceat nec
 „ propter hominem baptizandum facere quod contrarium est castitati; quomodo
 „ nos docebit facere propter baptizandum hominem quod ipsi est contrarium ve-
 „ ritati? Sed sicut oculi ad intuendum solem parum firmi, ea tamen quæ a so-
 „ le illustrantur, libenter intuentur; sic animæ iam valentes delectari pulchritu-
 „ dine castitatis, non tamen omnino per se ipsam considerare veritatem, unde
 „ lucet castitas, possunt: ut cum ventum fuerit ad aliquid faciendum quod ad-
 „ versum est veritati, ita refugiant, & exhorreant, quemadmodum refugiant,
 „ & exhorrent, si faciendum aliquid proponatur quod adversum est castitati. Il-
 „ le autem filius qui verbum suscipiens a perditione longe aberit, & nihil falsi
 „ ex eius ore procedit, tam sibi clausum deputat, si ad subveniendum homini
 „ per mendacium, quam si per stuprum transire cogatur. Et Pater exaudit oran-
 „ tem, ut valeat sine mendacio subvenire, cui vult Pater ipse, cuius inscrutabi-
 „ lia sunt iudicia, subveniri. Talis ergo filius ita observat a mendacio, sicut a
 „ peccato. Nam & mendacii nomen aliquando pro peccati nomine ponitur.

IX. „ Aut ergo cavenda mendacia (*cap. xxi. & ult.*) recte agendo, aut con-
 „ fitenda sunt pœnitendo: non autem cum abundant infelicitate vivendo, augen-
 „ da sunt & docendo. Sed eligat qui hoc putat, unde subveniat periclitanti ho-
 „ mini ad quamlibet salutem, qualiacumque mendacia, dum tamen & apud ta-
 „ les obtineamus, nulla causa nos ad peierandum, & blasphemandum oportere
 „ perducere. Ista saltem scelera vel ampliora stupris, vel certe non minora iudice-

mus. Namque cogitandum est sæpissime, homines, de quarum adulterio suspicantur, ad iusiurandum provocare coniuges suas : quod utique non facerent, nisi crederent, etiam illas quæ non timuerunt perpetrare adulterium, timere posse periculum. Quia & revera nonnullæ impudicæ; quæ non timuerunt. Illi cito concubitu viros fallere, eisdem viris quos sefellerant, timuerunt Deum testem fallaciter adhibere. . . . Et si tantum sibi usurpat infirmitas, ut ei aliquid venialiter permittatur quod improbat veritas; tamen, ut inconcussæ teneas, & defendas in divina religione numquam omnino esse mentiendum : latentes vero, sicut nec adulteros per adulteria, nec homicidas per homicidia, nec maleficos per maleficia; ita nec mendaces per mendacia, nec blasphemos per blasphemias esse quærendos, secundum ea quæ tam multa in hoc volumine disputavimus, ut vix ad eum terminum quem loco isto fiximus, veniremus. "

C A P U T V.

Quam opportuna sit Augustiniana doctrina ad controversiam de iuramento dolofo dirimendam, ex sequentibus propositionibus palam fiet.

I. **U**T quisque percipere facillime valeat, quam opportune controversiæ difficillimæ de iuramento dolofo præmiserim Augustinianam adversus mendacium doctrinam, lubet in antecessum quasdam propositiones generales exponere, quæ veluti confectaria ex D. Augustini doctrina colliguntur. Has propositiones simplici narratione ob oculos ponam : quoniam infra, cum recentiorum doctrinam explicuero, de eisdem sermo recurrit.

P R I M A P R O P O S I T I O.

II. Omnes difficultates quas recentiores versant, omnesque casus praxim spectantes in materia æquivocationum, & restrictionum mentalium, D. Augustinus in Libris de mendacio, & contra mendacium sub examen inducit. Siquidem sub initium disputationis testatur se velle sermonem instituere de iis locutionibus mendacibus quæ in quotidianis sermonibus multum animum conturbant : duoque suæ tractationis momenta prodit : alterum, ne quis perperam mendacii damnet id quod mendacium non est ; alterum, ne licitum aliquando habeatur mendacium. Magna quæstio est de mendacio, quæ nos in ipsis quotidianis actibus nostris sæpe conturbat : ne aut temere accusemus mendacium quod non est mendacium ; aut arbitre-

mur aliquando esse mentiendum bonesto quodam, & officioso, ac misericordii mendacio. Lib. de mend. cap. 1.

SECUNDA PROPOSITIO.

III. Cardio disputationis Augustinianæ in duobus recensitis Libris potissimum in eo vertitur, ut rationes præbeantur pro veritatis occultatione in negotiis summi momenti, ut pro tuenda vita, pudicitia, & sigillis custodiendis. Augustinus autem nulla suo divino ingenio reperire remedia potuit præter hæc quæ sequuntur. Primum est *silentium*: inquit namque Lib. cont. mend. cap. x. *Plerumque enim vera non mentiendo occultamus, sed tacendo*. Alterum est *aperta*, & *invi-
sa significatio*, qua quis protestatur, se scire veritatem, sed nolle eam prodere. *Scio ubi sunt; sed Deum timeo, non eos prodo. Nec prodam, nec mentiar*. Nullam aliam viam occultandi veritatem agnovit Augustinus. Non restrictiones internas, non materiales locutiones, non verborum amphibolias, non alia iuniorum inventa.

TERTIA PROPOSITIO.

IV. Evidens est, recentiorum plurium doctrinam de mendacio fuisse Augustino, ceterisque tum antecessoribus, tum posterioribus Patribus, & ipsis mendacii defensoribus, omnino ignotam. Immo tamquam falsam illam improbarunt, eo quod definierint, nos occultare non posse veritatem, nisi vel silentio, vel mendacio, vel aperta significatione nolendi eam prodere.

QUARTA PROPOSITIO.

V. Nullum, ut ego quidem existimo, inter Cassianum, aliosque mendaciorum antiquos defensores, & recentes quosdam Theologos in controversia hac reperitur discrimen, nisi quod antiqui mendacium vocabant mendacium in extrema, aut gravissima necessitate dictum, nimirum ad occultandam veritatem in rebus summi momenti, ut ad tuendam corporis pudicitiam, vitam, alienamque æternam salutem procurandam, idque licitum asseriebant: contra recentes plures aiunt, mendacium in his eventibus, immo in rebus longe minutoribus, non esse mendacium; sed dictum amphibologicum, aut æquivocum, aut restrictionem; quæ olim dicebatur mere mentalis, nunc externa nuncupatur; vel denique locutionem nihil significantem.

QUINTA PROPOSITIO.

VI. Omnia argumenta quæ recentiores afferunt in favorem restrictionum mentalium, potissimum ea quæ ex sacra Scriptura repetunt, Cassianus cum ceteris Patribus suæ sententiæ patronis produxit ad ostendenda licita mendacia.

SEXTA PROPOSITIO.

VII. Deterioris conditionis est opinio plurium recentiorum quam antiquorum qui mendacia licita defendebant: quoniam isti mendacia officiosa adhibenda esse dicebant, tamquam extrema remedia ad evadendam mortem, ad tuendam alterius vitam, ad procurandam æternam salutem proximi; recentiores vero qui propugnant restrictiones omnino mentales, quas mendacia esse iam definitum est, docent, homines posse eisdem uti, quoties id utile esse cognoverint ad salutem corporis, honorem, & res familiares tuendas.

SEPTIMA PROPOSITIO.

VIII. Aliqui recentiores qui scripserunt post damnatam ab Ecclesia opinionem restrictionum mentalium, laxius scripserunt, ut ego quidem arbitror, salvo semper meliore iudicio, quam antiqui, & moderni alii restrictionum mentalium patroni. Siquidem ultimi recentiores quidam, omisiss restrictionibus mentalibus, quia proscriptis, docent, homines minime opus habere his restrictionibus; immo non debere eos mentem defatigare, & torquere in venandis verbis ambiguis, vel in æquivocorum verborum collocatione, vel in aptandis mentis restrictionibus ipsis verbis, ut vult Sanchez, de quo infra. Ab his, inquam, incommodis præfati ultimi recentiores liberant fideles, docentque eos debere ad tuendum, non vitam, non pudicitiam, sed res suas familiares, in frontem importuni interrogatoris vibrare *rotundum nego*; nimirum debere absolute, & sine incommodo restrictionis, aut æquivocationis, eos negare se habere mercem, cuius pretium emptor numquam soluturus quærit: quoniam tunc verba nihil significant, & homo loquitur tamquam psittacus.

OCTAVA PROPOSITIO.

IX. Quod in doctrina quorundam recentiorum summo opere deplorandum videtur, illud est quod non modo adfirmant, non esse mendacia, quæ antiquis mendacia

dacia sunt; verum etiam doceant, locutiones quas ipsi materiales vocant, licite posse iuramento confirmari.

C A P U T VI.

Historica narratio doctrinæ quam recentiores plures excogitarunt ad occultandam veritatem. Recensentur restrictiones pure mentales, non pure materiales, equivocationes, amphiboliæ, & locutiones materiales.

I. **P**ostquam D. Augustinus suis Libris ex professo mendacia impugnavit, omnes christianæ professionis Doctores Augustino accesserunt, & mendacia detestati sunt. Superfluum duco Patrum, & Doctorum cuiusque sæculi censum texere: quoniam nemo unus nunc dubitat, quin Patres post Augustinum, & Theologi catholici omnes mendacia peccati damnent, & in quocumque eventu, ut illicita remedia ad occultandam veritatem, reiciant. At, quia occultatio veritatis frequentissime necessaria est, tum ad custodienda secreta, tum ad innocentiam, pudicitiam, vitamque corporis, aliaque domestica bona tuenda; idcirco omnes ingenii vires exercuerunt Doctores, ut remedia huic fini assequendo necessaria præberent. Augustinus suo prope divino ingenio non alia nobis media, quibus veritatem in mente nostra occultam custodiremus, reliquit, nisi hæc, *Silentium, Scio, sed nec prodam, nec mentiar*. Sequentes Patres nihil aliud excogitarunt. D. Thomas, sicuti in ceteris, ita in hac materia Augustinianam doctrinam adoptavit. Scriptores nobis viciniore, S. Raymundus, S. Antoninus, Caietanus, Sylvester, Soto, Navarrus, Angelus, alique, verborum æquivocorum, eorum tamen quæ suapte natura sensum externum duplicem habent, invexerunt usum, quem tamen prius aliqui indicaverant. Tandem decimo sexto cadente, & decimo septimo incunte sæculo, cum morum Theologia acrius fusiisque in scholis & academiis tractari cœpit, restrictionum mentalium inventum prodijt: & brevi intervallo temporis adeo invaluit, ut non Casuiste modo, verum etiam Theologi qui prima implebant subfellia, easdem mentales restrictiones ad veritatem custodiendam licitas propugnarent. Ut ergo lectores exquisitam habeant notitiam doctrinæ quam eiusmodi Theologi tradiderunt, eam isthuc transcribam propriis ipsorum Auctorum verbis expressam. Si enim in compendium Augustini doctrinam contra mendacium redactam ob oculos posui, quo comperta esset illius temporis controversia, congruum est ut istorum quoque Theologorum sensa promamus. Petro. ceteros inter recentiores Theologos, qui latius, simulque laxius con-

Gg ij tro-

troverſiam hanc pertractarunt, ſunt Sanchez, & Tamburinus. Iſtorum ergo doctrinæ ſynopſim perſtringam.

II. Sanchez *Lib. III. in Decal. cap. vi. num. 15.* „ Poſſunt abſque mendacio verba uſurpari, licet ex ſua ſignificatione non ſint ambigua, nec eum verum ſenſum admittant ex ſe, nec ex circumſtantiis occurrentibus; ſed tamen verum ſenſum reddant ex aliquo mente proferentis retento, quodcumque illud ſit; ut „ *Si quis* (hic incipit propoſitio damnata ab Innocentio XI.) *vel ſolus, vel coram aliis, ſive interrogatus, ſive propria ſponte, ſive recreationis cauſa, ſive quocumque alio ſine iuret ſe non feciſſe aliquid quod revera fecit, intelligendo intra ſe aliquid aliud quod non fecit, vel aliam viam,* (Sanchez habet *aliam diem*: & hæc eſt vera lectio: mendum ſiquidem irrepiſit in propoſitionem damnatam) *vel quodvis aliud additum verum; revera non mentitur, nec eſt periurus.* (Hucusque propoſitio damnata.) Sed tantum [perſequitur Sanchez] non dicit veritatem determinatam, quam audientes concipiunt, & verba in ſe ſignificant, ſed aliam veritatem diſparatam.“ Plures ſunt opinionis patronos recenſet, nimirum Navarrum, Valentiam, Salonem, Toletum, Manuelem, Philiarcum, Suarez, Leonardum. Probat vero ſuam ſententiam auctoritate Chriſti Domini, qui *Joan. vii. dixit: Non aſcendam ad diem feſtum:* „ & tamen (inquit Sanchez) ſtatim aſcendit: quæ tamen oratio vera fuit ex addito mente Chriſti retento, ſcilicet, *non aſcendam, manifeſte*: quem ſenſum ea verba ex ſe non faciebant.“ Plura alia argumenta tum ex Scriptura, tum a ratione petita promit, quæ miſſa facio, ut alias ſuæ doctrinæ regulas deſcribere perſequar.

III. Eodem capite num. 19. hæc habet. *Cauſa vero utendi his amphibologiis eſt; quoties id neceſſarium, aut utile eſt ad ſalutem corporis, bonorem, res familiares tuendas, vel ad quemlibet alium virtutis alium, ita ut veritatis occultatio cenſeatur tunc expediens, & ſtudioſa.* Hæc eſt propoſitio xxvii. ab Innocentio XI. damnata. Addit vero num. 22. ſub finem, cauſam utendi his amphibologiis eſſe poſſe iocum, ſeu recreationem. Verum, inquit, ſi iuramentum adeſſet, eſſet manifeſta culpa. *At ſola eſſet venialis.*

IV. Idem num. 24. *Poteſt teſtis prædiſtis equivocationibus uti, etiamſi alias iuridice rogetur, quotieſcumque tenetur ob aliquam cauſam ferre teſtimonium, ut quia notabile damnum ipſi ſequetur &c. Quia cum ea cauſa excuſante non teneatur, vero dicit ſe nescire, non vidiffe, non audiviſſe, intelligendo, ita ut dicere teneatur.*

V. Idem num. 29. hæc ſcribit. „ Quando taxa alicuius rei eſt iniuſta, ſi pluriſ vendens, aut defraudans in pondere, & menſura, ita ut ſibi ſatiſfaciat pro pretii iniuſtitia, & reddat correfpondentes merces pretio dato, poteſt hic rogatus a iudice, an pluriſ vendiderit, vel defecerit in pondere, & menſura, id negare, aſſerereque ſe pretio taxato vendidiſſe, & integre pondus, & menſuram

„ tra-

tradidisse, intelligendo hæc : *ita ut pluris vendens, aut deficiens in pondere, & mensura deliquerit*. Quippe absque delicto utrumque fecit. Atque ita vere dicit, se integre tradidisse, nempe quatenus tenebatur eo pretio accepto, nec excessisse delinquendo. *Atque ad hoc satis est opinionem esse probabilem, eam taxam non obligare.* Non modo restrictiones mentales, seu mendacia hic docentur; verum etiam Reipublicæ regimen penitus convellitur. Si opinio probabilis satis est ut subditi valeant Principatus sanctiones contemnere, aliasque quas ipsi probabiliter iustiores existimant, substituere; actum sane est de Republica.

VI. Idem num. 31. hæc scribit. „ Quinto deducitur, eum cui licitum est aliqua bona abscondere, eo quod illis ad vitam sustentandam egeat, ne a creditoribus capiantur, & sic cogatur mendicare, posse rogatum a iudice iurare se nulla bona abscondita habere (atque idem possunt iurare id scientes, dummodo ipsis constet, licite eum abscondere ad hunc finem) intelligendo locum : *non habere bona abscondita quæ iudici manifestare teneatur.* ” Sermo est non de extrema, sed gravi necessitate. Vult siquidem, debitorem posse retinere bona creditoris, ne cogatur mendicare, & insuper iurare se ea non retinuisse. Quid validius ad fraudes invehendas omnes, & debitorum solutionem eludendam?

VII. Idem num. 32. „ Sexto deducitur, quoties quispiam a cuiusvis debiti obligatione liber est, posse rogatum a iudice de illo id negare, intelligendo intra se : *ita ut debeat* : quia respondet ad debitam iudicis mentem. Qua ratione optime Covarruvias, Cepola, & Azorius docent eum qui nummos mutuo acceptos solvit, posse a iudice rogatum de mutuo, iurare se illud non accepisse, intelligendo : *ita ut teneatur solvere.* Idem docent Suarez, Paraldus. *Atque idem dicendum est, si quacumque alia ex causa ab eo mutuo solvendo liber esset.* Atque idem credo, si tunc non tenetur solvere, eo quod terminus ad quem mutuum datum fuit, non est impletus, vel præ paupertate excusatur debitor a tunc solvendo.

VIII. Idem num. 36. „ Nono deducitur, creditorem virtute instrumenti publici exigentem coram iudice debitum, vulgo *executando por la deuda*, posse iure iurando asserere quantitatem in eo instrumento contentam esse sibi debitam prout iure debetur; etsi pars illius summæ debitæ soluta sibi sit; si tantundem pecuniæ, quantumdem solutum est, sit alia via sibi debitum; de quo nullum est instrumentum publicum, virtute cuius exigatur. . . . dummodo tamen præiudicium non contingat alterius creditoris.

IX. Idem num. 37. „ Decimo deducitur, si per iniuriam extorqueatur promissio iurata alicuius pecuniæ dandæ, licere iuranti uti hac æquivocatione : *Iuro tibi me numeraturum pecuniam*, intelligendo ut ille casus tibi regatur a verbo *iuro*; itaut sensus sit: *Tibi iuro fore ut numerem pecuniam, siue tibi, siue alteri*: quod ea oratio patiatur utrumque sensum.

X. Idem num. 38., Sed an liceat tunc iurare, retinendo mente hanc conditionem : *iuro me daturum, si tibi secreto iuramento sum debitor ?* Aliqui negant, ducti, quod ea verba hanc amphibologiam non patiantur in communi hominum sensu. Caietanus, Aragon, Soto. At retenta nostra sententia, numero decimo quinto tradita, dicendum est, id licere. Quia nihil refert verba eam amphibologiam non pati, & cogit necessitas ea uti. Porro numero decimo quinto citato docet : *Cur ergo erit mendacium uti verbis ex se non ambiguis, si ex conditione in mente retenta verum sensum efficiunt ? . . . Hoc est utilissimum ad tegenda multa qua tegero opus est, nec regi absque mendacio possent, nisi modus hic esset licitus. Quia verba ex se ambigua non passim inveniuntur.*

XI. Idem num. 39., Undecimo deducitur, coactum aliquam accipere in sponsam quam ducere non tenetur, posse iurare se accepturum, intelligendo intra se : *si teneor, vel si postea placuerit mihi.*

XII. Idem num. 40., Decimo tertio adulteram rogatam a marito, an adulterium admiserit, posse iurare se non fregisse matrimonium . . . Similiter potest iurare se non fecisse, intelligendo intra se, *ut tibi revelem.*

XIII. Idem num. 43., Decimo quinto deducitur, cum a quo mutua pecunia petitur, quam revera habet, posse iurando affirmare se eam non habere, intelligendo intra se, *ut mutuo det, quando non tenetur mutuare.* Ita Navarrus, Philiaecus, Sayro . . . At contrarium tenent Corduba, Lopez, Henriquez. At credo priorem sententiam esse veriolem, quo ad hoc ut ille non sit periurus : quia in suo sensu verum dicit; cum sensus sit : Non habeo, ut tibi mutuare velim. Quare ad veritatem huius iuramenti nihil refert, utrum ille teneatur mutuare, nec ne. Et ita non oportet addere illam limitationem, quam predicti Doctores addunt, quando non tenetur mutuare.

XIV. Idem num. 44., Ultimo deducitur, pœnitentem temere rogatum, an hoc, vel illud peccatum factus sit, posse iurare se non confessum, intelligendo, *ita ut teneatur illi explicare.*

XV. Ut plenior recentioris Theologiæ notitia habeatur, lubet pauca adicere ex Tamburino, qui præ ceteris antiquæ doctrinæ regulas temperavit, atque humanitati accommodavit. Libro itaque II. in explic. Decal. cap. 11. §. 2. num. 1. hæc docet., Quæstio est, an liceat iuranti accipere verba in alio sensu ab illo quem ea præferunt. Iuro v. g. per Deum, me hac nocte non dormivisse, intelligendo, vestitum : me non habere pecuniam, intelligendo, quam tibi elargiri velim : uxorem, vel maritum matrimonii leges non fregisse, intelligendo manifeste : non deberi a me tibi centum, intelligendo, ita ut ea non possim mihi compensare cum aliis centum, quæ tu mihi debes &c.

Resp. Licere, ut iidem docent (nempe Lessius, Castropalaus, Rebellus, Bo-

na-

„nacina) & docetur passim, præscindendo tamen a damno quod doloso hoc iuramento iniuste facerem; etiam si quis non sit rogatus iurare, sed se offerat.“

XVI. Idem ibi *num. 4.* „Quando verba nullo modo ex se patiuntur talem equivocationem, seu mentis restrictionem; licet ne aliud intelligere solum ex mea mera voluntate? Iaro v. g. me non dormivisse, intelligendo me non comedissem. Quo pacto materialiter solum dico me dormivisse, non significative.“

„Resp. Sanchez negat licere, quia non est in cuiusvis arbitrio significationem verborum imponere. Verum hæc ratio me non potest avellere a probabilitate, quod liceat.“

XVII. Martinus Bonacina fere omnes propositiones quas ex Sanchez regulamus, exscripsit, & laxitatem clarius docuit. Unam & alteram isthic transcribam. Itaque *Tom. II. disp. 14. quest. 1. punct. 12. num. 5.* hæc habet. „Quinto eum qui habet iustam causam celandi aliqua bona, ne capiantur a creditoribus, quæ sibi necessaria sunt ad vitæ sustentationem, & sine quibus cogeretur mendicare, posse negare se occultasse, intelligendo, quæ non posset occultare, vel quæ teneatur manifestare. Idem respondere possent testes scientes ipsum licite occultasse: tum quia hæc responsio non est contraria intentioni interrogantis, sed potius est ipsius menti conformis: tum quia adest iusta causa utendi restrictione, vel amphibologia.“

XVIII. Idem Bonacina *ibidem.* „Sexto adulteram, quæ petitur a marito, an sit adulterata, posse negative respondere, intelligendo, ut teneatur illi revelare.“

XIX. Idem Bonacina *ibid. num. 8.* „Hinc colligi potest venditores, qui, cum non possent alia via pretium iustum ab emptore obtinere, iurant rem tanti sibi stetitisse alio sensu quam emptor participat, non solum ad liquidum non teneri præcise ratione iuramenti, ut patet ex primo quæsito; verum neque videri mortaliter peccare, si non afferant damnum notabile parti, nec intendant eo pacto decipere, aut obtinere aliquid super iustum, aut extorquere pretium rigorosum, quo nolisset emptor emere.“

C A P U T VII.

*Summus Pontifex Innocentius XI. principia præfatarum propositionum damnavit. Posteriores Theologi nova excogitarunt inventa, quibus veritatem occultarent. Istorum doctrinæ variæ, variorumque principiorum sy-
nopsis texitur.*

I. **A**Ntequam ultra provehor, illud declarare convenit, propositiones quas præcedenti capite descripsi ex Sanchez, Tamburino, & Bonacina, non esse dumtaxat istorum Doctorum partus; quin, ut colligere ex Libris licet, non modo Casuistas, & Summistas, sed insignes etiam Theologos cuiusque fere ordinis & status easdem docuisse, Suarez, Valentiam, Castropalaum, Dianam, Vincentium Ferre, Candidum, Leandrum, Moyam, Trullenchum, Conradum, Hurtadum, Philiarum, Filiucium, Dicastillum: & ne longior sim, satis mihi sit dicere id quod testatur Lumbier apud Cardenas in *propof. damnat. diff. xix. cap. 1. num. 5.* nimirum plusquam quinquaginta Doctores sustinuisse sententiam damnatam de restrictionibus mentalibus, & consequenter recensitas propositiones, quæ omnes, tamquam ex fonte, ex doctrina restrictionum mentalium damnata profisciscuntur. Quod idcirco potissimum dictum volo, tum ne invidiam conflasse videar tribus præfatis Auctoribus, tum ut exactior sit historica narratio. Quod autem Gabriel Daniel in suis colloquiis Cleandri, & Eudoxi asserit sub finem dissertationis de mentis restrictionibus, recensitas propositiones, aliasque quas Innocentius XI. damnavit, ipsum damnasse *sicut iacent, hoc est acceptas ut earum verba sonant; non ut sunt in Auctorum, unde excerptæ sunt, Libris*, idem omnino est quod dicunt Iansenistæ de quinque propositionibus: quas *ut iacent* damnant; sed eas in sensu damnato non reperiri in Iansenio, contumaciter falsoque contendunt.

II. Damnata itaque a sanctissimo Pontifice Innocentio XI. anno 1679. doctrina restrictionum mentalium, ad alia pro veritatis occultatione invenienda remedia mentem homines intenderunt. Adeo namque invaluerat restrictionum mentalium usus, ut iam inde tum quando censura Romanæ Ecclesiæ in præfatam doctrinam prodiiit, Fideles turbati, scrupulis angī, dubitationibus concuti cœperint. Alii Confessarios, alii Theologos adibant, consilium petituri super secreto tegendo. Theologi ad incitas redacti, quo sese verterent, ignorabant. Nullum siquidem evadendi mendacium aliud illis per fugium innotuerat præter mentales restrictio-

nes :

nes : quibus damnatis, de secreto custodiendo animos despondebant. D. Augustini, aliorumque Patrum doctrina, quæ iubet nec prodere veritatem, nec mentiri, sed aut silentio, aut virtute fortitudinis, aperta fronte custodire, nimis alpera, & iugum humanas vires excedens illis videbatur. Præterquamquod illius temporis Theologi plures, neglecto studio Patrum, eorumdem auctoritatem parvi faciebant, atque humanum ratiocinium, suæque ætatis Theologos, & Casuistas, ac Summistas pro morum regula habebant.

III. Hinc damnatam restrictionum mentalium doctrinam variis interpretamentis delinire, atque variis distinctionibus de censura purgare cœperunt. Quandoquidem primum omnium duplex mentalium restrictionum genus distinxerunt : alterum restrictionis *pure mentalis* ; alterum restrictionis *non pure mentalis*. Primum damnatum a Pontifice, secundum licitum adfirmabant. Porro hæc distinctio dissidii inter eos occasio fuit. Nam ea locutio quæ tibi restrictio omnino interna, & *pure mentalis* est, alteri restrictio externa, & *non pure mentalis* videtur. V. g. Si a Petro, inquit Salmanticenses *tract. xvii. cap. 1. punct. 8. num. 106.* plures pecunias habente, mutuo petas earum aliquid, & ille respondeat, *Non habeo pecunias*, adiungendo mentaliter *ad tibi dandum* ; hæc locutio non amphibologica, aiunt illi, sed restrictio mentalis est dicenda. Alii autem Theologi restrictionem mentalem non internam, sed externam, seu non pure mentalem, volunt esse dictam locutionem ; quando mutuarius restituere mutuum non solet, ut solutionem ultra definitum tempus prorogat, & mutuans damnum patitur : tunc enim, inquit, ex circumstantia exteriori restrictio præfata non est pure mentalis, sed externa, adeoque licita ; de qua suo loco.

IV. Præter mentales restrictiones alia quoque remedia excogitarunt novi Theologi, quibus occultare, saltem obfæ naris hominibus, veritatem possent. Hæc autem sunt verba amphibologica, & æquivoca. Quæ pariter duplicis sunt generis. Alia quæ secundum communem intelligentiam, & acceptionem duplicem habent sensum, & utrumque æqualiter produunt, ut in hac apparet locutione : *Mio se AEacida Romanos vincere posse* : quæ locutio duplicem sensum excipit : nimirum vel quod AEacides Romanos vincere valeat, & hic in præfata verborum collocatione videtur obuius ; vel quod Romani AEacida vincere possint. Alia sunt verba quæ similiter duplicem sensum habent : unum communem & proprium ; alterum minus proprium : ut si dicas, *Sebastianus est bonus vir*, in communem acceptione significatur quod sit virtute præditus ; in sensu minus proprio, quod sit simplex, seu obtusæ mentis. His locutionibus æquivocis, & amphibologicis veritatem occultari posse, iusta urgente causâ, communiter tradunt recentiores Theologi ; nec dissentiunt omnino antiqui, ut infra explicabimus. Huiusmodi amen locutiones amphibologicæ non immerito restrictiones vocantur non omnino

men-

mentales, sed aliquo externo signo, seu verbo aliquantulum obscuro, intelligibili tamen, externæ constitutæ.

V. Tandem Theologi non pauci, missis restrictionibus mentalibus utriusque generis, & locutionibus amphibologicis, seu æquivocis, aliam inierunt viam. Siquidem experientia didicere, nec semper in repentinis potissimum eventibus verba ambigua, & æquivoca præsto esse; nec frequenter satis esse ad veritatem tegendam; nec omnes homines eadem esse peripicacia, & acumine præditos, ut valeant tali artificio verba disponere, quæ sensum amphibologicum constituent. Hinc alium modum occultandi secreta excogitarunt. Dicunt in primis, veritates alias esse communicabiles, alias incommunicabiles; & ex circumstantiis colligi, utrum verba accipiendi sint, spectata scientia communicabili, aut incommunicabili. Ut quando Confessarius interrogatur, an aliquid sciat de peccato pœnitentis, & ipse respondet se nihil scire; ex circumstantiis denotatur, eum nihil scire scientia communicabili, seu extrasacramentali: & quando interrogatur a tyranno, an aliquid sciat ut Confessarius; pariter, inquirunt, potest respondere, se nihil scire, quia etiam in hac circumstantia apparet verba proferri relate ad scientiam extrasacramentalem, respectu cuius revera nihil scit. Qui tamen hac incedunt via, non omnino renuntiant mentalibus restrictionibus; sed restrictionem mentis admittunt, circumstantia externa intelligibilem factam. Solum differunt in hoc quod nolint necessario requiri aliquod verbum in ipsa locutione quod sensum obscurum, quem in mente loquens retinet, & occultat, prodat; sed solum colligendum volunt sensum obscurum, & internum ex circumstantia vel temporis, vel loquentis.

VI. Ultimo denique alii Theologi e medio penitus sustulerunt restrictiones mentales tum internas, tum externas, tum amphibologias, tum æquivocationes, ob rationes indicatas, quod scilicet vel non semper occurrunt verba ambigua, vel non sufficiunt, quoties homines acutos alloquimur, vel quod simplices capaces non sunt efficiendi sermonem amphibologicum, & æquivocum. Quapropter inventum procederunt omnibus sane ex recensitis validius ad occultandam veritatem. Docent itaque, nos posse usurpare verba *suppositione*, ut ipsi ajunt, *materiali*; seu in nostra potestate esse verba efferre *materialiter*, quin nihil significant, quoties veritas occultanda ex iusta causa est. Quare Petrus interrogatus, an commiserit delictum, vel sciat ab aliquo illud perpetratum fuisse, potest absolute, & sine verborum æquivocatione respondere, *se non commississe, se nescire quemquam illud perpetrasse*; quamvis commiserit, vel sciat a quo commissum fuerit: quia eiusmodi verba, *nescio, non feci*, nihil significant, ac si prolata essent a pſittaco. Tamburinus *Lib. II. in Decal. cap. 21. §. 2. num. 6.* sibi opponit auctoritatem Cardinalis Pallavicini his verbis. „ At hoc modo loqueris contra pactum quod in constitutione lingue
„ inter homines tacite initum fuit, ut significative proferrentur verba, non vero

„ fo-

„ solum materialiter. Lege Sfortiam Pallavicinum in sua Theologia *Lib. III. disp. 11.*
 „ num. 17. Respondeo, huiusmodi pactum nimis speculative ab ingeniosissimo ex-
 „ cogitatum esse. Addo, esto, assuisse conventionem, ut per illas voces possent
 „ aperire homines conceptus suos; at contendo numquam assuisse pactum, quomi-
 „ nus iidem possent (*quando vellet*) *illas materialiter efferre*. Certe sic efferunt
 „ infantes, sic adulti, quando incipiunt discere linguas externas, sic scriptores, &
 „ typographi, quando exscribunt, vel imprimunt verba alterius linguæ. *Cur non*
 „ *ergo in aliis occasionebus, quando homini libuerit?* “ Verba usurpari posse *materialiter*,
 „ seu nihil significantia, in humana & seria locutione ad tegendam verita-
 „ tem, docuit etiam Caramuel in *Haploste art. 2. conclus. 1. num. 14. pag. 17.* apud
 „ Cardenas *dissert. XIX. cap. IV. num. 52.* quam tamen opinionem non approbat ipse,
 „ quod viderit non approbari a Censoribus Romanis.

VII. Clarius hanc doctrinam de vocibus, seu verbis nihil significantibus, tradunt
 alii recentiores Scriptores. P. Claudius La Croix *Lib. VI. part. 11. cap. 111. dub. 1.*
 „ num. 1986. §. 4. attribuit hanc opinionem *Tannero*, & *Stoz* his verbis. „ Alium mo-
 „ dum suggerunt *Tannerus*, & *Stoz*, ut Confessarius, si aliter non possit salvare
 „ sigillum, utatur vocibus pure materialiter, tamquam sonis non significativis,
 „ volendo per illas nihil significare. Ratio autem cur voces in illis circumstantiis
 „ non sint significantes, hæc est, quia vis significativa vocum est voluntas illo-
 „ rum qui eas instituerunt ad hoc, vel illud significandum. Atqui instituentes
 „ non voluerunt, nec velle potuerunt, ut tales voces essent significantes in casu
 „ quo per illas revelaretur sigillum: id enim velle foret impium, nec Dei, vel
 „ Reipublicæ approbatio potest accedere, quæ tamen debet accedere, ut sit obli-
 „ gatio utendi vocibus, sicuti institutæ sunt. Ergo voces in his circumstantiis non
 „ sunt significantes. Quod autem interrogans excipiat illas ut significantes, &
 „ fallatur, sibi impoet: iniuste enim interrogat. “ Neque approbat, neque im-
 „ probat hunc dicendi modum P. La Croix; sed de more aliorum Doctorum opi-
 „ nionem varias colligit, ut lectores eam seligere valeant quæ sibi magis arri-
 „ deat.

VIII. De suo tamen regulam omnibus exhibet sigillo ligatis, qua facilius va-
 leant illud custodire. Inquit ergo num. 1987. „ Quando Confessarius ita iniuste in-
 „ terrogatur de re sigillo clausa, & non potest aliter tegere quam simpliciter di-
 „ cendo, se nihil scire; non est opus ut signate cogitet de uno, vel altero ex
 „ relatis modis respondendi absque mendacio; sed sufficit, si animum habeat non
 „ mentiendi, & respondere velit in eo sensu in quo iuxta Ecclesiæ, & Doctorum
 „ mentem cum veritate sic loqui potest: certum enim est debere hic esse aliquem
 „ modum licitum salvandi sigillum, nec occurrit magis congruus quam unus ex
 „ his. Et quod dictum est de Confessario, valet de omni alio obligato ad sigil-
 „ lum.

lum. *Extra autem hos, similesque casus gravissimos foret mendacium sic uti vocibus.* "

IX. Hanc doctrinam, cuius usum P. La Croix concedit ut licitum dumtaxat pro sigilli custodia, & similibus gravissimis casibus, ut pro tuenda aut vita, aut pudicitia, qui gravissimi casus dicuntur, P. Carolus Ambrosius Cattaneus extendit ad casus non solum graves, sed ad quodcumque notabile incommodum declinandum. Casus ad quos hanc descriptam doctrinam dilatat, isthuc transcribam ex vernacula lingua latine redditos. Inquit ergo *Tom. I. l. 1. xlv.* „ Ad tabernam tuam „ e. g. venit improbus debitor, quem iustitiae legibus subiicere nequaquam vales: „ querit, an talis generis pannum habeas. Hæc interrogatio, circumstantiis inspectis, „ hunc prodit sensum: Haberes ne talem pannum mihi vendendum? Tu respon- „ dere libere potes: *Ilum non habeo*: quia intelligitur, & debet intelligi, istum „ non habeo improbo debitori vendendum. „ Aliam casum proponit his verbis. „ Alter venit qui nec palmum terræ possidet, rogatque, haberes ne centum seu- „ ta. Tu plurimis abundas. Respondes: *Illa non habeo*. Est ne mendacium istud? „ Minime gentium. Ex circumstantiis responsio isthæc vera est. Quoniam interro- „ gatio significat, utrum habeas centum scuta mutuo danda? Tu vero illis qui „ nonnisi periculose solvendo sunt, nec solidum habes mutuo impartendum. „

X. His, aliisque similibus casibus resolutis, variisque exemplis adductis, fusius explicat doctrinam quam indicat laudatus P. La Croix: & in antecessum suos auditores monet, hanc suam doctrinam satis esse ad omnes convellendas difficultates. Inquit ergo, non semper occurrere verba duplicis potestatis, & æquivoca, maxime in eventibus repentinis. Quid, inquit, si sicarius cavadium ingressus, patrem tuum occisurus, querit, an domi sit? Num tu veluti excantatus ad explicanda ambigua verba, aut ad aptandam locutionem æquivocam intendere mentem astringeris; aut sub criterium inducere, num restrictio sit pure mentalis, an secus; aut formulam verborum ex aliquo libro memoriæ traditam recitare debes, ut e laqueo hoc liber evadas? In his, & similibus casibus iam descriptis, quando alia non patet via, nec verbum *Nescio* sufficit, regeras in frontem impudentis Interrogatoris *rotundum & audax NON*: quandoquidem *Non* istud omniæ hominum menti conforme est. Homines enim verborum domini sunt. Ea haudquam in damnum Reipublicæ, & in latronum, sicariorumque favorem instigant. Ne multa: *Non* illud in præfatis circumstantiis quacumque caret significatione ex consensu totius humanæ Reipublicæ, quæ statuit, in similibus eventibus verba nihil significare, ad eum plane modum quo nummus cui Principis iussu ademptus sit valor, nihili sit. *Quando itaque audis mendacium officiosum licite proferri non posse, neque ut ab incendio integram civitatem subducas; scias oportet, neque quod eundem finem licitum esse furtum unius solidi, aut unius filii serici. At,*
quem-

quemadmodum in tali eventu furtum non esset furtum [quod sic inter homines convenit ob publicum bonum fit] eadem ratione mendacium non foret mendacium: quoniam humana Respublica non minus verborum quam rerum dominio potitur. Hactenus Cattaneus, qui aliis exemplis suam confirmat doctrinam.

C A P U T VIII.

Comparatio doctrinæ quorundam recentiorum cum doctrina & Cassiani, cui in extrema necessitate licita erant mendacia, & Augustini in omni eventu mendacia damnantis. Casus iidem ab Augustino, & recentibus propositi, & contraria doctrina resoluti.

I. EX antiquis qui mendacio sunt patrocinati, unum referam Cassianum, qui præ omnibus aliis mendaciorum causam propugnavit, fufusque eam pertractavit. Univerfa autem Cassiani, aliorumque Patrum doctrina his limitibus concluditur: nempe quod in extrema necessitate, puta ad vitam propriam, vel proximi tuendam, usus mendacii licitus fit, ut usus ellebori licitus est in extremis morbis. Proponit casum de muliere Raab, & ait mendacium illius fuisse dignum venia. En illius verba ex coll. xvi. cap. xvi. *Taliter de mendacio sentientium, atque ita eo utendum est, quasi ei natura inest ellebori... Ita namque etiam sanctos ac probatissimos Dei viros veniabiliter legimus usos fuisse mendacio, sicut Raab.* Cassianus manifeste non asserit, illud mendacium absolute fuisse licitum, sed veniabiliter prolatum fuisse; seu mendacium illud dignum fuisse venia, quod ob finem bonum tuendæ vitæ trium hominum dictum fuerit. Quare Cassianus absolute non docuit, vel in ipsis extremis eventibus mendacium esse innocens omnino, & amittere mendacii naturam, ac reatum; sed de duobus malis minus esse eligendum, & dignum esse venia qui mendacio officioso utitur, ut damnum compenset maius, seu vitet, quod ex manifestatione veritatis consequeretur. Sic mentem suam conceptis verbis declarat Cassianus cap. xx. *Tunc enim necessario, ac veniabiliter acquiescit mendacii detrimento, quando maius, ut diximus, imminet de veritatis confessione dispendium; & utilitas quæ nobis de veritate confertur, compensare illa quæ generanda sunt damna non prævalet.* Hæc doctrina Cassiani multum commovit vel ipsum Augustinum, qui eam appellat *de peccatis compensativis*.

II. Eundem casum, inter alios plures, de muliere Raab, & Hebræis obstetricibus sibi proponit Augustinus *Libro contr. mend. cap. xv.* illum in omnem partem versat, improbatque Cassiani doctrinam, & resolvit, Raab, ac Hebræas obstetrices men-

mentitas fuisse, & in eis remuneratam non fallaciam mentiendi, sed affectum miserendi. Quid porro respondere debuisset Raab, docet his verbis: *Scio ubi sum; sed Deum timeo, non eos prodo*. Omnia deinde quæ adversus hanc responsionem obiici possunt, & quod nimirum mulier perempta fuisset, & quod cives sui, audito hoc responso, domum universam fuissent scrutati, & innocentes tandem inventos morti tradidissent, resolvit, atque in adversarios regerit. *Verum illi, hoc audito, inquit, illam perimerent, domum scrutarentur. Sed numquid consequens erat ut illos etiam quos diligenter occultaverat, invenirent? Prospexerat enim cautissima mulier, & ibi eos posuerat ubi latere potuissent, etiam si ei mentienti creditum non fuisset. Ita & illa, si tamen a suis civibus esset occisa, pro misericordia opere, vitam istam finiendam, pretiosa in conspectu Domini morte finisset, & erga illos eius beneficium inane non fuisset. Sed inquit: Quid si & ad illum locum ubi eos occultaverat, ii a quibus quærebantur, perscrutando omnia, pervenissent? Isto modo dici potest: Quid si mulieri vilissima, atque turpissima non solum mentienti, verum etiam peieranti credere nolissent? Nempe etiam tunc consecutura fuerant quæ timendo mentita est. Et ubi ponimus voluntatem, & potestatem Dei? An forte non poterat & illam, nec civibus suis mentientem, nec homines Dei prodentem, & illos suos ab omni pernicie custodire? A quo enim & post mulieris mendacium custoditi sunt, ab eo potuerunt, etsi illa mentita non esset, utique custodiri.*

III. Similem prorsus casum sibi proponunt etiam recentiores. Theologi antiquiores cum Augustino, inter quos potissimum tenet locum D. Thomas, respondent mulierem mentitam fuisse, omnesque mentiri qui in simili eventu cum Raab negaret hospites, ad mortem etiam quæsitos, extare in propria domo, quando reipsa ibi commorantur. Recentiores autem plurimi cum Cassiano in eo, quod totius controversiæ caput est, conveniunt. Cassianus namque docet, Raab dignam fuisse veniam, quod negaverit hospites in domo sua reperiri: recentiores pariter adfirmant, nos posse, & debere sicario quærenti ad mortem hospitem extantem in domo nostra, negare hospitem eiusmodi penes nos commorari, seu reperiri. Dissentunt vero a Cassiano, quod ille *negationem veritatis* in Raab mendacium vocet *veniam* prolatum, seu veniam dignum; recentes vero præfatam *negationem veritatis* nolint esse mendacium; variasque assignant rationes. Alii namque distinguunt duplicem veritatem, duplicemque cognitionem: alteram revelabilem, alteram non revelabilem; seu unam communicabilem, alteram incommunicabilem. Volunt proinde veritatem illam, ex cuius manifestatione sequitur mors innocentis, esse incommunicabilem, seu non revelabilem; & propterea negationem illi respondentem esse veram. Alii docent, in simili casu verba nihil significare ex tacito Reipublicæ consensu; seu mendacium non esse mendacium, quemadmodum furtum in extrema necessitate, non est furtum.

IV. Alium sibi casum proponit Augustinus *cap. xviii. cont. mend.* de patre ægroto, qui, si intelligeret mortuum esse suum unicum, carissimumque filium, ipse quoque fato concederet. *Si a te quarit, an vivas, quem vitam fuisse tu nosti; quid respondebis, quando, quidquid aliud dixeris præter unum de tribus, aut mortuus est, aut vivit, aut nescio, nihil aliud credit ille quam mortuum; quod te intelligit timere dicere, & nolle mentiri? Tantumdam valet, etiam si omni modo taceris. Ex illis autem tribus duo falsa sunt, vivit, & nescio; nec abs te dici possunt, nisi mentiendo. Illud autem unum verum, idest mortuum esse, si dixeris, & perturbati hominis mors fuerit subsecuta, abs te occisus clamabitur.* Integram responsum Augustini supra *cap. xi. num. 6.* descripsimus, quam, ne actum agamus, ibi legito. Casum ita restringit Augustinus, ut neque æquivocationi, neque silentio, neque tergiversationi locus pateat. Immo, quidquid dixeris præter unum ex his tribus, *mortuus est, vivit, nescio*, ægrotus pater colligit filii mortem; Si veritatem fateris dicendo, *Mortuus est*, moritur quoque pater; si dixeris, *Vivit*, aut *nescio*, mentiris. Manifestandam tamen mortem, seu veritatem concludit, pluribusque evincit Augustinus; quamvis mors patris secutura sit.

V. Contra omnino sentiunt recentiorum plurimi. Volunt siquidem, te posse dicere, *Vivit*, aut *nescio*, ne mors sequatur ægroti. Quoniam in his extremis, in quibus veritatis manifestatio gravissimum producit damnum, quando æquivoco formone tegi non potest, occultandam docent manifesta negatione, quæ vel nihil significat, vel negat veritatem incommunicabilem, ut indicavimus, & infra fusius explicabitur.

VI. Augustinus sub finem Libri contra mendacium nempe *cap. xxi.* quod ultimum est, casum exhibet, qui & tunc occurrebat, & nunc non-rarissime contingit, de uxore adultera provocata, atque coacta a marito, ut iurciurando adulterii suspicionem amoliat. Adeo firmum & constans erat in fidelium illius temporis animis, non posse coniugem sine periurio negare adulterium, quod reipsa perpetrasset, ut iuramentum maritus exigeret, tamquam evidens innocentie argumentum. Si enim credidissent, aut suspicati fuissent, eas posse licite negare, & iuramento confirmare negationem commissi adulterii; numquam eas ad iurandum inducere consuevissent. *Namque cogitandum est, sapissimo homines, de quarum adulterio suspicantur, ad iniurandum provocare coniuges suas: quod utique non facerent, nisi crederent etiam illas quæ non timuerunt perpetrare adulterium, timere posse periurium. Quia & revera nonnullæ impudicæ, quæ non timuerunt illicito concubitu viros fallere, eisdem viris quos fefellerant, timuerunt Deum testem fallaciter adhibere.*

VII. Hunc eundem casum sibi proponunt recentiores, & plurimi respondent, licite adulteram negare posse se adulterium commisisse, quod reipsa commisit, suavi-

suamque negationem firmare sacro iureiurando. Sanchez *Lib. III. in Decal. cap. vi. num. 40.* „Decimo tertio adultera rogata a marito, an adulterium admisit, potest esse iurare se non fregisse matrimonium... Similiter potest iurare, se non fecisse, se, intelligendo intra se, ut tibi revelem.“ Castropalaus *trad. xiv. disp. 1. punct. 7.* „Decimo tertio mulier quæ adulterium commisit, poterit sub iuramento negare commississe, subintelligendo, ut manifestare teneatur.“ Idem docent Sayrus, Bonacina, & omnes defensores restrictionis *pure mentalis*. Igitur, si viri illi qui tempore D. Augustini vivebant, hac nostra tempestate in vivis forent, falso sibi persuaderent uxores suas non fore peieraturas: quoniam non modo adulteræ, sed Theologi ipsi docent, periurium in his circumstantiis esse tantum materiale, ac proinde licitum. Est ne eiusmodi doctrina conformis menti, & doctrinæ Augustini, qui conceptis verbis oppositum docet? Heinc colligat Francolinus, quo fundamento *Lib. II. pref. Eccl. benig. disp. vii. num. 33.* adeo intrepide in hæc verba prorumpat. *Intelligis iam, ut opinor, prodesse mihi exemplum quod attulisti, eoque magis confirmari quod ostendere conatus sum: recentiores nostros Casuistas non ex genio suo scribere, & respondere, sed ex doctrina Patrum, ubi Patres præverere; ex doctrina non contraria Patribus, ubi Patres non præverere; sed quam ipsi Patres traderent, si hac ætate docerent: si videlicet Casuistam agerent in scholis, & non sacrum in templis Concionatorem, ut egerunt plerumque, cum de moribus agerent; & ideo minus distincte locuti sunt quam cum de fide scripsere.* Dubio procul, si Patres desinere esse Patres, atque in Casuistarum plurium mentes & animos transformarentur, istorum plurium laxitates docerent. Francolinus subdit, se laudare tantummodo probatissimos recentiores, non illos quorum luxuriantem in opinando licentiam sapientissime damnarunt Alexander VII. & Innocentius XI. in suis decretis. Sed, ut alibi ostendemus, inter probatissimos omnique laude dignissimos eos profecto habet quorum propositiones præfati Pontifices improbarunt. Et sane non Francolino modo, sed etiam mihi probatissimi sunt plures ex iis qui restrictiones *pure mentales* licitas docuerunt. Distinctionem vero quam Auctor iste collocat inter Patres docentes in scholis & Patres a suggestu in templis concionantes, sapientissimus Pater Elizalda ait, esse potissimam præsentis, non benignitatis, quæ indivulsa est a caritate Christi, sed laxitatis originem. Quin addit Elizalda, hanc distinctionem characterem esse Phariseorum, qui e. suggestu in templis veram doctrinam prædicabant: quapropter dixit Christus: *Quæ dicunt, facite*: in privatis vero scholis falsas & erroneas opiniones evulgabant; & propterea dixit idemmet Christus: *Cavete a doctrinis Phariseorum.* Verum de hac eruditissima, nostræque ætati peropportuna interpretatione Patris Elizaldæ fusius suo loco dicturi sumus. Quæ omnia eo solum dicta volumus, ut obiter indicemus, Francolinum suam distinctione Patrum auctoritatem elevare: hanc ipsam quippe P. Francolini distinctionem

exco-

excogitarunt Lutherani, & Calvinistæ, ut in nihilum redigerent Patrum auctoritatem. Vellem ut P. Francolinus aliquod documentum attulisset, quo evinceret, Patres cautius, seu magis distincte, cum de fide quam cum de moribus scriberent; locutos fuisse. Minori forte zelo inveci sunt contra peccata quæ cum fide, quam contra peccata quæ cum moribus pugnant? An non æque errat qui morum, ac qui fidei doctrinam adulterat? Distinctio itaque laudata P. Francolini, ut mitissime loquar, falsa est, & Patribus Ecclesiæ quammaxime iniuriosa. Si enim minus distincte locuti sunt de moribus ac de fide; ex hac universali regula inferitur, vix posse quidquam certi ex Patribus in morum materia colligi, quia minus distincte locuti sunt iuxta Francolinum. Sed suo loco ostendemus, tum in morum, tum in fidei controversiis distincte, & enucleate locutos fuisse sanctos Ecclesiæ Patres; quamvis neque opiniones omnes quas recentes Casuistæ in morum materia excogitarunt, neque errores omnes quos hæretici adversus fidei dogmata procuderunt expresse refutati in Patribus reperiantur. Sed doctrina generalis invenitur in eorum operibus, qua tum morum, tum fidei regulas Evangelio contrarias reiiciamus. Verum, ut dixi, de hoc fusius alibi.

VIII. Plurimos alios casus subnectere possem, qui ab Augustino in hac materia resolvuntur, opposita prorsus doctrina ab ea qua eisdem casus resolvunt plures recentiores Theologi, qui non multum recedere videntur ab antiquis mendaciorum defensoribus. Quin, ut mihi videtur, salvo meliori iudicio, istorum quidam mendacia quæ vocant materialia, iuramento firmari posse defendunt; & in iis eventibus adhibenda in quibus qui mendacia defendebant, eadem minime usurpabant. Nam Cassianus cum ceteris solum ad tuendam vitam, pudicitiam, aut quid simile, veniabiliter licitum esse mendacii usum dicebat; secus ad tuendas res domesticas, merces, honorem, pro quibus conservandis licita docent Casuistæ nostri mendacia materialia, quæ antiquis formalia erant. Ex his paucis apparet veras esse propositiones *quartam*, & *sentam* descriptas supra cap. III.

C A P U T IX.

Doctrina recentiorum de restrictionibus pure mentalibus falsa est, & iure ab Ecclesia damnata.

I. **H**Actenus Historici personam gessimus, nunc autem, quæ improbanda, quæ deligenda sunt ex iis quæ descripsimus, clare, distincteque demonstramus oportet. Antequam vero quidquam in hac difficillima questione illius quod nobis probabilius videtur, statuamus, primo quæ nobis certo falsa sunt, vel

apparent, impugnabimus; deinde sententia nostra promemus. A confutatione itaque restrictionum pure mentalium ordimur.

II. Restrictio pure mentalis, ut dictum fuit, tunc est, quando verba & absolute considerata, & omnibus circumstantiis inspectis, constituunt orationem exterius falsam, & in mente loquentis aliquid subintelligitur, quo fit vera ipsi loquenti; nullo tamen signo externo audiens deprehendere potest id quod in mente loquentis restringitur, ut si quis dicat, *Petrus est mortuus*, intelligendo intra mentem suam *civiliter*.

III. Omnes Doctores catholici post damnatam propositionem ab Innocentio XI. damnant usum restrictionum mentalium; quamvis ante præfatam damnationem Casuistæ communiter, & insignes etiam Theologi aliqui eundem propugnarent ut licitum. Momentis autem evincitur, restrictiones pure mentales esse mera mendacia. Atque in primis auctoritate D. Augustini id ostenditur. Inquit enim Lib. de mend. cap. xvii. *Nam de falso testimonio, quod in decem præceptis legis positum est, nullo modo contendere potest, dilectionem veritatis in corde servandam, & proferendum falsum ad eum apud quem dicitur testimonium. Cum enim Deo tantum dicitur, tunc tantum in corde veritas amplectenda est. Cum autem homini dicitur, etiam ore corporis verum proferendum est: quia homo non est cordis inspector*. Damnata itaque Augustinus restrictionem veritatis intra mentis latibula, dum homines alloquimur, vultque istis ore corporis veritatem manifestandam esse.

IV. Auctoritati accedit ratio perspicua. Restrictio mentalis omnino interna, quam descripsimus, est verum mendacium: quoniam mendacium nihil aliud est quam locutio oris, menti loquentis dissimilis. Sed locutio sub restrictione mentali prolata, est omnino dissimilis menti loquentis. Est ergo mendacium. Probatur minor propositio. Verba usurpata sub restrictione mentali, nec absolute, nec inspectis circumstantiis produunt exterius conceptum internum ipsius loquentis: quod patet exemplis quibus utuntur talium restrictionum patroni. Dum cum Tamburino dicis, *Iuro per Deum me hac nocte non dormivisse, intelligendo vestitum*, propositio absoluta, *non dormivi*, ante restrictionem mentalem falsa est. Ergo etiam post restrictionem mentalem. Quippe hæc restrictio mentalis nec vocem, nec rem significatam per vocem mutat: seu propositio, *non dormivi*, eadem est in se & ante, & post restrictionem mentalem. Ergo, si ante restrictionem mentis falsum est te non dormivisse, falsum quoque erit post eandem restrictionem. Quod autem hæc restrictio nec rem significatam per voces significantes valeat mutare, res est manifesta. Confirmatur alio exemplo quo uti solent. Qui dicit, *Non comedi carnes*, intelligendo *humanas*, vi illius exterioris propositionis negat absolute, & universè omnem cuiusque carnis comestionem. At internus conceptus

loquentis non est universalis negans cuiuscumque carnis comestionem; sed restringitur ad solas carnes humanas excludendas. Ergo locutio externa difformis est menti loquentis, & consequenter mendax.

V. Tandem confirmatur ex eo quod eadem absurda, eadem incommoda restrictionem pure mentalem ac ipsum mendacium consequantur. Duo maxima & extrema mala ex mendacio proficisci, animadvertit D. Augustinus: quorum primum fidei nostræ fundamentum potissimum suffodit. Si mendacium namque aliquando liceret, iam & Deus, & Prophetæ, & Evangelistæ illo uti potuissent, ac doctrinam tradere mendaciis involutam: quo admissio tota subverteretur Ecclesia. Nec aliqua ratio assignari potest cur hominibus, secus Deo, & Prophetis licita mendacia sint. Quapropter mendaciorum antiqui patroni idcirco mentiri in extrema necessitate licere docebant, quia in Scripturis sanctis Patriarchas, Prophetasque mentitos quandoque fuisse absque culpa autumabant. Porro quod idem omnino incommodum ex restrictione pure mentali oriatur, res clara est. Nam, semel admissio quod locutio, velo restrictionis mentalis tecta, licita sit, nihil vetat quominus eadem scriptis consignetur. Qua ratione possemus suspicari, & timere, ne plura reperirentur in sacra Scriptura, vera tantum secundum restrictionem mentalem nobis incognita; falsa vero secundum sensum quem verba sua natura produunt. Ubique dubitandi locus occurreret, num Scriptor sacer verborum artificio usus fuerit: & sic periret certitudo fidei divinæ, vacillarent omnia religionis nostræ fundamenta. Alterum, & præcipuum incommodum quod mendacium parit, est destructio humanæ societatis, quæ in mutua internorum conceptuum communicatione sita est. Verba autem instituta sunt ad manifestandos conceptus mentis internos. Quare, sicut ex hypothesi quod mendacium aliquando liceret, humanum commercium corrueret, fides inter homines prorsus periret, quia semper adest dubitandi ratio, num loquens mendacio uteretur, an veritatem proferret; ita quoque, admissio licito usu restrictionum mentalium, Societas abrumperetur humana: quoniam licitum cuique esset adfirmare, & iurare quæcumque vellet, quamvis falsa secundum sensum præferunt verba: eo vel maxime quod iuxta doctrinam Tamburini, & aliorum, quam exhibuimus supra cap. vi. num. 16. tamen verba nullo modo patiantur talem equivocationem, seu mentis restrictionem, licet aliud intelligere ex mera mea voluntate. Iuro v. g. me non dormivisse, intelligendo me non comedis. Vide integram assertionem loco citato. Nemo autem non perspicit, ex istarum restrictionum genere, æque ac ex mendacio, sequi ruinam commercii, & societatis reciproce humani generis. Verum de hoc infra.

VI. Obiicies 1. Licita est locutio æquivoca, quia continet aliquem sensum verum, quamvis ita obscurum, ut audiens illum deprehendere facile nequeat: atque adeo permittitur licite eius deceptio, ut occultetur veritas, quæ si manife-

Hh ij sta-

staretur, magnum pareret malum. Sed etiam restrictio pure mentalis habet sensum verum in mente loquentis, quamquam obscurum respectu audientis. Ergo restrictio pure mentalis immunis erit a mendacio, quemadmodum locutio æquivoca externa. Resp. Disparitas manifesta est. Verba locutionis æquivocæ, seu amphibologicæ externæ produnt reipsa sensum vel absolute, vel ex circumstantiis intelligibilem ab audiente, si advertat. Restrictio vero pure mentalis claudit sensum intra loquentis mentem, quem audiens percipere neque vi verborum, neque ullo externo signo valet.

VII. Obiicies 2. Nemo tenetur adæquate mentis suæ conceptus manifestare; sed quisque potest unum conceptum manifestare, alterum occultare. Quapropter verba externa sunt conformia menti loquentis, qui ea restringit iuxta sensum suum internum. Resp. Utique verum est, neminem teneri omnes suos conceptus internos proferre; sed posse unum revelare, alterum celare. Quoties tamen vult aliquem suum internum conceptum prodere, necesse est ut verba adhibeat quæ illum suum conceptum reipsa manifestent, & exprimant. V. g. qui exterius profert hanc propositionem, *Non comedi carnes*, & in mente intelligit *humanas*: cædo, verba hæc, *Non comedi carnes*, quem conceptum internum significant? Hercle non alium nisi universalem negationem cuiuscunque carnis, sive hominis, sive animalis. Porro conceptus iste universalis, negans comestionem cuiusque carnis, sive hominis, sive animalis, nec unum genus potius quam aliud negans, non est in mente loquentis. Ergo verba difformia sunt ipsius menti. Conceptus namque in mente loquentis restringitur ad carnes humanas; & verba externa nullo modo exprimunt carnes humanas potius quam animalis. Ergo verba externa sunt difformia conceptui interno. Ergo locutio mendax est.

VIII. Obiicies 3. Falsum est ex restrictionibus mentalibus infirmari certitudinem fidei nostræ: quia hæc innititur revelationibus divinis excludentibus amphiboliam: Deus siquidem testatur se sincere loqui, & Ecclesiæ suæ auctoritatem donare, quæ sensum verum discernere valeat absque ullo erroris periculo. Resp. Admisso licito usu restrictionis mentalis, quæ opponuntur, falsa sunt. Nam posito quod dubitare nos possimus, usus ne fuerit Deus restrictionibus mentalibus in manifestatione legis suæ, ambigendi quoque locus remanet, an in revelationibus reflexis, quibus testatur, se vera pandere, & sincere loqui, adhibeat præfatas restrictiones: quod negare nequeunt adversarii, docentes, posse eum qui semel licite usus est æquivocatione in locutione directa, eandem adhibere in responsionibus omnibus reflexis usque in infinitum. V. g. reus qui, non servato iuris ordine, interrogatus a iudice respondere valet *se nescire crimen*, subintelligendo *ad revelandum*, potest quoque, si iudex urgeat, ut absque ambiguitate, & æquivocatione, seu restrictione mentali loquatur, respondere, & iurare se absque ulla æqui-

æquivocatione loqui, restringendo in mente, *qua mihi usi non liceat*: & si millies interrogetur, millies negare potest, & adfirmare se candide, & sincere loqui, ut expresse docet P. Castropalaus, cuius doctrinam descripsi *disfr. 1. cap. 1v.* Qua doctrina admissa, evidens est vacillare religionis nostræ fundamenta, & societatem humanam penitus interire.

IX. Obiiciunt 4. plurima sacræ Scripturæ testimonia, quibus præfatas restrictiones mentales defendere conantur. Sed eiusmodi textus infra examini subiiciemus: quoniam iisdem quoque abutuntur ii qui amphibolias, quas vocant externas, defendunt sine ullo delectu; & eadem ipsa testimonia opponebant mendaciorum patroni. Quapropter singillatim infra omnia sub examen iuducemus.

C A P U T X.

Refellitur, tamquam omnino improbabilis & falsa, opinio quæ asserit, verba ex communi Reipublicæ humanæ consensu nihil significare, cum adhibentur ad occultandam veritatem quæ manifestari nequit absque gravi damno.

I. **Q**uamquam difficillima sit quam versamus controversia de mendacio, eique affinis restrictionibus mentis, & locutionibus æquivocis; quædam tamen quæ recentiores aliqui excogitarunt, a viris doctis reputantur evidenter falsa. Damnata doctrina restrictionum mentalium, laxior excogitata fuit via, simulque faciliior occultandi veritatem. Afferunt namque, humanam Rempublicam in quibuldam casibus ademisse verbis suam significationem, ut supra *cap. v.* explicuimus. Hanc doctrinam indicavit *Tamburinus*: eam clarius ex *Tannero*, & *Stoz* retulit, & approbavit *P. La Croix*: & fusius tandem, ac e suggestu promulgavit, & typis edidit *P. Cattaneus*. Hanc opinionem labefactavit perdoctus *Augustinus Orsi*, qui integram dissertationem, exquisita eruditione, & doctrina referatam, edidit adversus Cattanei opinionem, duasque alias adversus eiusdem Cattanei defensores; quorum unus maxime, nempe Auctor *Allegationis*, longius ipso Cattaneo a vero recessit, ut laudatus *Orsius* in *caussa veritatis* evidenter ostendit. Hanc itaque opinionem *Cattanei*, *P. La Croix*, *Stoz*, *Tanneri*, tamquam evidenter falsam, demonstrandam assumimus.

II. Et in primis falsitas istius opinionis ex eo constat quod omnibus tum antiquis, tum recentibus incognita semper fuerit *lex ista*, qua asseritur, humanam Rempublicam ademisse verbis suam significationem in extrema necessitate occultandæ.

tandi veritatem. Quod occulta fuerit antiquis omnibus *hec lex*, ex iis quæ dicta sunt, constat. Nam Patres omnes hanc de occultanda veritate pro tuenda vita; pudicitia, & fama, controversiam ex professio versarunt, potissimum Augustinus; & nemo unus istius meminit legis: ignota ergo illis erat. Altum quoque silentium de hac lege apud omnes Scriptores posteriorum temporum, si citatos, quibus Cattaneus addit Cardinalem Pallavicinum, excipias. Quid tam incredibile? Quid communi sensui tam adversum? Lex ab universa humana Republica condita, ipsam universam humanam Rempublicam latet? Nam ante quinque vel sex laudatos Scriptores, nemo legis huius mentionem fecit; quamvis eadem ac nunc necessitas urgeret illam nominandi, & adhibendi. Quid? Si quis diceret, universam Rempublicam Venetam legem universali tacito consensu conditam rogasse, qua declaravit, licitum esse cuique civi in gravi necessitate constituto numeros fictitios in commercio impendere posse: simulque fateretur a sui fundatione neminem umquam hac lege usum fuisse, neque illius meminisse? Nonne ridiculum maxime, stultumque se se exhiberet similis fictitiæ legis promulgator? Non minus sane commentitia, & plane chimærica dicenda est lex illa quam ab universo hominum genere conditam tacito consensu effingit Cattaneus; cum a creatione mundi usque ad quinque recensitos Scriptores nemo unus istius meminerit legis. Quid ad hæc? An fortasse quod argumentum istud negans est? Quoniam, si Scriptores silentio hanc legem prætereunt, eam non improbant. Utique eam non improbant: quia monstruosa commenta, quæ post tot sæcula conficta sunt; damnare non poterant: sed eam reiiciunt eo modo quo reiici id potest quod reipsa non erat. Cuiusque fere sæculi Scriptores, tum ethnici, tum christiani, populos docuerunt modum quo occultare in extremis eventibus veritatem possent. Platonici assignaverunt mendacium. Platonici plures acceperunt Christiani. Tandem universa Christianorum Respublica mendaciaut illicita semper damnavit. Nihil intentatum reliquerunt insigniores istius Reipublicæ Doctores, & gubernatores, ut viam aperirent occultandi veritatem; & non aliud invenerunt, nisi silentium, aut propriæ vitæ sacrificium. Augustinus, omnesque Patres, & Doctores Ecclesiæ post ipsum docent, debuisse Raab mortem potius oppetere quam negare hospites esse in domo sua; permittendam mortem ægroti potius quam negare filium illius esse mortuum; amittendam corporis pudicitiam, quam servari non potest, nisi dicendo, *Marius adest*, quando reipsa absens est. Alterutrum ergo necessario dicendum est, aut ignorantem Augustinum, ignorantes ceteros Doctores posteriores omnes, & ipsam Ecclesiam fuisse; aut crudeles, & inhumanos, si omisissent docere populum præfatæ legis usum. Quid opus habuisset Augustinus duos integros Libros edere contra mendacia? Sed veritati manifestæ tenebras offunderem, si ultra producerem sargumentationem istam. Ad alia ergo properamus.

III. Hactenus ergo demonstratum est, præfatam legem commentitiam esse, & in sola quinque vel sex Scriptorum mente repositam, eo quod universo humano generi incognita semper fuerit. In præsentia vero evidentissimis rationibus ostenditur, non potuisse Rempubicam hominum, etiamsi voluisset, verbis adimere significationem; eaque reddere in serio, & communi sermone, tamquam materiales sonos, nihil significantes. Quod ut evincam manifestius, principia quibus sacri Doctores utuntur, ut explicent mendacii pravitatem, præmittam oportet. Augustinus autem pluribus in locis probat omne mendacium esse peccatum: quia verba eo pertinent ut interna animi sensa prodant. Quoties ergo homo verba adhibet non ad communicandum id quod in animo habet, usum pervertit verborum. Hæc sunt Augustini verba in *Enchirid. cap. xxi.* „ Porro autem omne mendacium „ ideo dicendum est esse peccatum, quia homo, non solum quando scit ipse quod „ verum est; sed etiam, si quando errat, aut fallitur, sicut homo, hoc debet „ loqui quod animo gerit, sive illud verum sit, sive putetur, & non sit. Omnis „ autem qui mentitur, contra id quod animo sentit, loquitur voluntate fallendi. „ Et utique verba propterea sunt instituta, non per quæ homines se invicem fallant, „ sed per quæ in alterius quisque notitiam cogitationes suas perferat. Verbis ergo ut „ ad fallaciam, non ad quod instituta sunt, peccatum est. Nec ideo illud mendacium „ putandum est non esse peccatum, quia possumus aliquando alicui prodesse mentiendo: „ possumus enim & furando, si pauper, cui palam datur, sentit commodum, & di- „ ves, cui clam tollitur, non sentit incommodum. Nec ideo tale furtum quisquam di- „ xerit non esse peccatum. Paucioribus verbis totam Augustini doctrinam nobis exhibet D. Thomas 2. 2. quæst. cx. art. 2. *Mendacium est malum ex genere, est enim aliud cadens super indebitam materiam. Cum enim voces naturaliter sint signa intellectu, innaturale est, & indebitum, quod aliquis voce significet id quod non habet in mente.*

IV. Ut hæc Augustini, & Thomæ doctrina clarius percipiatur, omni æquivocatione submota, advertendum est, quod, dum Angelicus dicit, verba esse signa naturaliter conceptuum animi, non excludit, sive non negat eadem verba esse signa, ut aiunt, ad placitum. Siquidem verba sunt signa ad placitum, quatenus a Dei, vel ab hominum voluntate pendet quod hoc potius significant quam aliud. Minime autem ab hominum voluntate pendet quod hæc verba sint signa secretorum cordis. Homines in prima institutione poterant ex arbitrio eandem vocem una potius quam alia significatione donare. At efficere numquam poterunt, aut possunt ut voces, quacumque fruuntur significatione, non sint signa repræsentantia conceptus mentis. Ne multa: quod verba hanc præ alia significationem habeant, institutionis humanæ est; quod revelent cordis arcana, a natura habent. Respublica humana vocum significationes mutare posset; sed quod

Ilh liij signa

signa sint quæ internos animi sensus in communi sermone prodant, eis adimere humana Respublica nequit. Quibus præmissis, evidens demonstratio formatur adversus opinionem quæ statuit in aliqua gravi necessitate verba nihil significare.

V. Homo a naturæ Auctore habet facultatem loquendi, seu, ut aiunt, quod sit discursivus: cuius facultatis munus est revelare interiores mentis conceptus. At facultatem hanc exercere homo nequit, nisi instrumento corporeo verborum, eo quod spiritu, & corpore compacta illius natura sit. Anima corpore spoliata seipsa conceptus suos prodit: corpori agglutinata istius organis eget, ut in publicum edat partus suos. Hanc doctrinam præter Augustinum, Thomam, ceterosque Patres, tradit vel ipse Marcus Tullius *Orat. pro A. Cecina prope medium*, ubi declarat, verba instituta esse ut voluntatem corporis velo contextam revelent: *Sermo bercule & familiaris, & quotidianus non cohererebit, si verba inter nos aucupabimur . . . Voluntas, quæ si, tacitis nobis, intelligi posset, verbis omnino non uteretur: quia non potest, verba reperta sunt, non quæ impedirent, sed quæ indicarent voluntatem.* Hoc principium nulli cavillationi obnoxium est. Atqui hominum Reipublicæ minime licet aut privare facultatem aliquam eo sine quem ei natura indidit, vel eidem contrarium præstare. Ergo, cum finis facultatis loquendi in homine sit manifestare animi secreta mediis verbis, nulla hominum voluntas potest adimere facultati loquendi vim manifestandi interna secreta, cum hanc vim a natura habeat. Quid? Valet ne universa humana Respublica in aliquo casu eripere hominibus facultatem loquendi? Valet ne huic facultati adimere aliquo in casu vim prodendi interna secreta? Ergo neque valet adimere verbis significationem. Si enim verba non significarent, homo non posset suos conceptus revelare, quia sine verbis revelare eosdem nequit. Igitur si Respublica hominem facultate loquendi privare nequit, neque facultati loquendi adimere potest vim manifestandi internos conceptus; legitima illatione consequitur neque verba spoliare posse sua significatione. Quandoquidem verba sua significatione destituta nequeunt in humana locutione esse signa manifestantia interiores mentis sensus. Hæc siquidem tria, nimirum quod homo potiatur facultate loquendi, quod finis istius locutionis sit revelatio secretorum cordis, & postremo quod verba data, natura homini sint, quibus hanc suam facultatem exerceat loquendi, & prodendi sua secreta, ita sunt invicem connexa, ut qui in unum non dominatur, neque in aliud. Potest utique homo aut loqui, aut filere, prout sibi expediens visum fuerit. At, facta positione quod loqui velit, aut respondere cogatur, iuxta naturæ leges verbis utatur necesse est, quæ pandant plus aut minus clare internos suos conceptus. Aliter finem a natura præstitutum perverteret. Idque exemplis confirmari potest. Natura homini potestatem comedendi dedit in eum finem ut

naturam conservet. Potest homo comedere, aut non comedere. At, si semel comedat, nequit ob alium quam conservandæ naturæ finem comedere. Et ii quæ ob solam voluptatem, & delectationem comedunt, peccant, pervertuntque naturæ finem. Quemadmodum autem hominum Respublica nequit facultatem comedendi hoc suo fine privare, aut eidem finem contrarium præstitui; ita nequit humanas voces suo fine, qui est manifestare mentis secreta, privare, aut finem contrarium eidem affigere.

C A P U T XI.

Refellitur responsio Tamburini, cuius assertio laxior omnino videtur ipsa propositione damnata de restrictionibus mentis.

T Thomas Tamburinus *Lib. II. in Decal. cap. xi. §. 2. num. 6. pag. 81.* illum perdoctum Cardinalem Pallavicinum, quem Cattaneus laudat in favorem suæ opinionis, allegat pro contraria sententia, negante verba efferi posse tantum materialiter. Obiicit itaque sibi Tamburinus auctoritatem Pallavicini his verbis. „ At hoc modo loqueris contra pactum Reipub. quod in constitutione linguæ „ inter homines tacite initum fuit, ut significative proferrentur verba, non vero „ solum *materialiter*. Lege Sfortiam Pallavicinum in sua Theologia *Lib. III. d. 2. num. 17.* apud Tancredum.

„ Respondeo, eiusmodi pactum nimis speculative ab ingeniosissimo excogitatum „ esse. Addo, esto assuiffe conventionem ut per illas voces possent aperire homi- „ nes conceptus suos; at contendo numquam assuiffe pactum quominus iidem „ possent (*quando vellet*) illas *materialiter* efferre. Certe sic efferunt infantes, sic „ adulti, quando incipiunt discere linguas *exteras*, sic & scriptores, & typogra- „ phi quando exscribunt, vel imprimunt verba alterius linguæ. *Cur ergo non in „ aliis occasionibus, quando homini liberis?* “ Hactenus Tamburinus.

II. Auctores qui ante Innocentium XI. defendebant restrictiones mentales in locutione, cuius verba restrictionem pure mentalem patiuntur, laxitatem opinionis temperabant, hoc addito. Docebant siquidem, neminem posse uti præfatis restrictionibus, nisi causâ tuendi propriam, vel alterius vitam, honorem, res domesticas, vel quid simile. Eorum doctrina de restrictione pure mentali duplici fuco obtegebatur, nimirum quod usus restrictionis mentalis tunc solum esset licitus, quando & verba sermonis talem restrictionem mere internam patiuntur, & quando causa rationalis adhibendi præfatas restrictiones in communi sermone. Nihilominus tamen minus opipio isthæc proscripta est.

III. Tamburinus, eiusmodi linimentis spretis, in primis contra Sanchez, ut vidimus supra, statuit loco citato *num. 4.* te posse ad libitum restringere in mentemque sensum, licet verba talem restrictionem non patiantur. Hic est primus laxitatis gradus, quem propositioni damnatæ Tamburinus addit. Verum quod postea subdit, posse hominem *ad libitum* verba *efferre materialiter*, nempe omni significatione spoliata, cuiusque laxitatis limites prætergreditur, horroremque ingerit. Tam mendaciorum, quam restrictionum mentalium defensores, tantummodo necessitate gravissima, vel gravi iuxta paucos, de quibus infra, urgente, licitum usum propugnabant; Tamburinus vero, nullo servato limite, decernit, quandoque homini liberit, licere ei adhibere *verba materialia*, seu *mendacia materialia*, quod re ipsa idem est. Excipit solum casum in quo talis locutio materialis damnum inferret proximo, quod esset mendacium perniciosum: de quo nemo Christianorum umquam dubitavit.

IV. Sed Tamburini rationes commeditemur. Pueri efferunt has voces materialiter, adulti addiscentes linguas exoticas, typographi verba alterius lingue imprimentes. Addunt alii, idem dicendum de iis qui recitant aliorum verba, quin ad eorum mentem sese conforment; uti patet in Propheta David referente illa verba: *Dixit insipiens in corde suo: Non est Deus*. Confirmant vero hæc omnia hoc pacto. Verba accipi possunt ut verba, & ut sonus materialis. Si verba ut verba accipiantur, nemo eis in alium finem uti valet, nisi ad significandos mentales conceptus; si vero voces accipiantur secundum merum sonum, materiale, tunc quisque uti poterit eisdem, non ad exprimendos animi interiores sensus, sed ad occultandam veritatem. Sic ratiocinantur alii. Sed Tamburinus, missis his dissimulaculis, contendit, neque auctorem naturæ, neque Rempublicam humanam aliquod onus imposuisse efferendi verba *significative*; & gratis concessa affuisse inter homines conventionem proferendi verba ut *significantia*; *At contendo*, inquit, *numquam affuisse pactum quominus iidem possent (quando vellet) illas materialiter efferre*.

V. Ut ab ultimis Tamburini verbis auspicemur, prout mihi videtur, hæc doctrina continet manifestum errorem. Nulla lex præcipit ut verba sint signa representantia animi sensa? Nullum pactum, nulla lex iubet usurpanda esse verba ad quidquam significandum? Ad libitum homo verba usurpare valet in communi, serioque sermone, quin nihil significet? Crederem quod si hæc Tamburini doctrina ad tribunal Ecclesiæ deferretur, non evaderet a censura immunis. Eam sane damnaverunt Cicero, Augustinus, & Thomas in recitatis capite præcedenti auctoritatibus, iterumque eam convellit Augustinus Lib. I. de doctr. christ. cap. 11. *Sunt autem alia signa, quorum omnis usus in significando est, sicuti sunt verba. Nemo enim utitur verbis, nisi aliquid significandi gratia*. Si hanc Augustini auctoritatem in exa-

men.

men revocasset Tamburinus, eam ut falsam dubio procul reieciisset. Nemo utitur verbis, nisi quidquam significandi gratia? Nonne, reposuisset Tamburinus, pueri, nonne typographi, nonne addiscentes linguas exteras verba usurpant, quin nihil significant? Falsa est ergo Augustini doctrina. Sic argutatus fuisset Tamburinus: cuius nos doctrinam ut apertissime falsam improbamus, & Augustinianam amplectimur.

VI. Ut autem Tamburini, & aliorum Scriptorum obiectionem nullo negotio convellamus, illud est animadvertendum, quod est tamen cuiusque pervium, nimirum nobis nunc sermonem esse de verbis usurpatis in communi, serioque sermone, in quo interna cordis secreta invicem revelantur. Quid futilius opponi potest quam id quod obiicit Tamburinus de pueris, ac de typographis imprimentibus verba alterius linguae? Cur non adiecit, plittacos non modo verba, sed periodos proferre; picas quoque voces ipsas quas edunt homines, emittere? Quid de aliis brutis dicemus, qui voces edunt, quæ indicant, manifestantque interiores sensus? Vocem latratus emitit canis, & admonet domum invadi, vel famem qua laborat, ostendit. Rugit leo, & indicat iræ suæ ardorem. Quis tamen dixerit, bruta ista loqui? Idem de pueris, de adultis discantibus linguas exteras, qui edunt voces, nec tamen loquuntur: sermo siquidem est de pueris nondum lumine rationis præditis. Et adulti, dum discunt linguas exteras, quatenus discunt, non usurpant voces ut instrumenta locutionis, in qua proximo manifestanda sint secreta. Mirum sane est nenias adeo pueriles, & commenta adeo inepta obrudi potuisse a viris qui theologicam scientiam profitebantur. Quæstio siquidem est de verbis usurpatis in sermone humano, in locutionibus quibus homines invicem per modum interrogationis, & responsionis mutuo sibi secreta pandunt. Paucis: quæstio est de sermone hominis ut homo est, distinctus a brutis, & ab Angelis. Prout brutis superior est, ratiocinatur, atque secreta sua aliis communicat; quatenus inferior Angelis, instrumentis indiget corporeis, quibus modo sensibili cogitationes suas aliis manifestet. Quibus positis, quis obtrudere ausit posse in communi sermone usurpari a nobis verba ut sunt sonus materialis, & tamquam nihil significantia? Secus vero dicendum, si accipiantur verba ut verba? Hæc distinctio applicata communi, seriæque locutioni, adeo inutilis est, & puerilis, ut pudeat eam longius impugnare. Concludamus ergo, sententiam Tamburini, & eorum qui eidem adhærent, longe laxiorem esse quam ipsam propositionem damnatam de restrictionibus mentalis, ob rationes supra adductas.

CAPUT XII.

Opinio P. Cattanei, & P. La Croix, aliorumque paucorum, qui comparant mendacium furto in extrema necessitate commisso, non videtur consentanea doctrina Ecclesiæ.

1. **A**Nte omnia proponenda est Cattanei sententia propriis ipsius verbis. Sic ergo scribit Tom. I. Lect. sac. lec. xlv. *E però, quando udite, che non può dirsi una bugia officiosa, nè pure a fine di salvar dall'incendio una intera città sappiate, che nè pure per un tal fine è lecito fare un latrocinio di un mezzo soldo, e nè pur di un sol filo di seta. Ma siccome in un tal caso ciò non sarebbe più latrocinio (essendosi così convenuto tra gli huomini per il pubblico bene) così quella per la stessa ragione cesserebbe d'essere bugia; essendo la università di tutti gli huomini non meno padrona dispositiva di tutte le cose che del significato delle parole da essa istituite a beneficio del mondo. E si avverta, che ciò deve specialmente intendersi, quando alcuno è interrogato, essendo contro ogni regola di onestà, che in tali casi la medesima onestà sia obbligata a servire di ministra alla scelleratezza. Quæ latine sic reddo.*
„ Et propterea, cum audis mendacium officiosum proferri licite haud posse, nec
„ in eum finem ut ab incendio integram subducas civitatem; scias oportet, neque
„ ob eundem finem licitum esse furtum dimidii unius solidi, aut unius fili ferici.
„ At, quemadmodum tali in casu furtum non esset furtum (quod sic inter homi-
„ nes conventum ob publicum bonum sit) eadem ratione mendacium non foret
„ mendacium. Quoniam humani generis universitas, non minus omnium rerum
„ quam verborum dominio potitur. Animadvertendum autem, hoc præcipue in-
„ telligendum esse, quando quis interrogatur; cum omnibus honestatis regulis ad-
„ versetur ut in similibus casibus ipsamet honestas inservire sceleri debeat. “
Hæc est sententia Cattanei, quam supra cap. v. fusius exscripsimus. Primum omnium
observanda sunt ultima verba, nimirum quod hæc doctrina potissimum intelligenda
est in responsionibus coactis, quæ interrogatori iniuncto exhibendæ sunt. Si præci-
pue in his casibus intelligenda venit relata doctrina, inferitur quod absolute possit
aliis quoque casibus applicari, sicut reipsa eam applicat Cattaneus.

II. Magis caute loquitur P. La Croix; fatetur tamen & ipse mendacium in gravissimis casibus non esse mendacium; esse vero cessante gravissima causa. Hæc sunt verba P. La Croix: *Extra autem hos, similesque casus gravissimos foret menda-*
cium

cium sic uti vocibus. Vide supra cap. v. num. 7. ubi integram opinionem La Croix retulimus.

III. Iuxta ergo istorum Theologorum doctrinam eadem ipsa locutio nunc est mendacium, nunc non est mendacium: illud ipsum Non modo negat, modo non negat, seu nihil significat. Hæc P. Cattanei opinio triplici ex capite repugnare videtur doctrinæ Ecclesiæ. In primis in hoc repugnat eidem quod furto mendacium comparat. Ecclesia docet, neque pro vita servanda licitum esse mendacium. *Sacra Scriptura prohibet, pro alterius vita mentiri*: cap. Super eo. Extr. de usuris. Ubi autem vel in aliquo canone, vel Concilio, vel Patre, aut Theologo antiquo habemus, veritum esse furtum pro vita servanda? Solus Auctor iste cum aliis paucissimis eodem modo de furto ac de mendacio loquitur. Si eadem esset utriusque, furti, & mendacii, ratio; cur numquam Patres declararunt esse mentiendum in extremis eventibus, sicuti declararunt urgente necessitate furtum licitum esse? Ut prolixitatem vitem, missis aliis Patribus, solum D. Thomam, qui ceterorum Patrum voce loquitur, producam in medium. De furto hæc scribit Angelicus 2. 2. quæst. lxxv. Quærit art. 7. *utrum liceat alicui furari propter necessitatem*. Cui quæsito sic respondet. *Dicendum, quod ea quæ sunt iuris humani, non possunt derogare iuri naturali, vel iuri divino. Secundum autem naturalem ordinem ex divina providentia institutum res inferiores sunt ordinatæ ad hoc quod ex his subveniatur hominum necessitati. Et ideo per rerum divisionem, & appropriationem ex iure humano procedentem non impeditur quin hominis necessitati sit subveniendum ex huiusmodi rebus. Et ideo res quas aliqui superabundanter habent, ex naturali iure debentur pauperum sustentationi. Unde Ambrosius dicit, & habetur in Decretis dist. xlvii. Esurientium panis est quem tu detines.*

IV. In eadem 2. 2. quæst. cx. art. 3. quærit, *utrum omne mendacium sit peccatum* seu utrum liceat aliquando mentiri. Atque sex sibi obijcit argumenta, quæ videntur ostendere, licitum quandoque esse mendacium. Sibi opponit diversitatem Evangelistarum in scribendo, mendacia obstetricum, amphibologias Abraham, & Iacob, homicidium vitandum, aliaque id genus. Deinde sic respondet. *Dicendum, quod id quod est secundum se malum ex genere, nullo modo potest esse bonum, & licitum: quia ad hoc quod aliquid sit bonum, requiritur quod omnia recte concurrant.... Mendacium autem est malum ex genere: est enim actus cadens super indebitam materiam. Cum enim voces naturaliter sint signa intellectuum, innaturale est & indebitum, quod aliquis voce significet id quod non habet in mente. Memoriam commendanda sunt hæc ultima verba, quæ opportuna erunt ad eludenda quædam sophismata quæ sub angelicæ doctrinæ colore opponunt adversarii. Utique Angelicus cum omnibus Patribus, & Theologis docet, occultandam in pluribus casibus esse veritatem sub aliqua dissimulatione, nempe silentio, seu ad alia convertendo ser.*

fermonem; numquam tamen licet occultare veritatem, iuxta Angelicum, media voce quæ aliud significet quam id quod loquens in mente habet.

V. D. Thomas ergo conceptis verbis docet, licitum esse aliquando furari. Cur? Quia, inquit loco laudato in argumento Sed contra, *in necessitate sunt omnia communia*. Cur sunt omnia communia in necessitate? Quia suapte natura aliquando fuerunt communia; & iure solum humano divisio inuenta est. Quoniam vero quæ sunt humani iuris, ut est bonorum partitio, non possunt iis quæ iuris sunt naturalis, derogare; ideo divisio bonorum non abstulit primum ius naturale, quo homines potiuntur in bona temporalia, necessaria ad propriam vitam servandam. *Hac enim conditione, hoc onere, hoc pacto* Respublica humani generis bona temporalia divisit, ut in extrema necessitate omnia remanerent communia. Quibus abundantem portionem impartit, iisdem onus imposuit succurrendi pauperibus. Et quia legem istam, seu pactum Respublica humani generis tacito consensu edidit, & Deus ipse supremus rerum dominus, qui omnia creavit, ut hominum sustentationi inservirent, bonorum divisioni tale debitum adiecit; omnes præstatam legem, & pactum agnoscunt, nemo unus illud ignorat. Nonne Scriptura sancta, nonne Patres, nonne Theologi, nonne vel ipsi rustici *hanc*, ut ita dicam, *pen-sionem* bonorum partitioni adiectam percallent, prædicant, & data occasione, executioni demandant?

VI. Porro, si Respublica humana eandem exceptionem adiecisset debito manifestandi veritatem quam apposuit rerum divisioni, ut scilicet licitum foret mentiri, necessitate urgente, quemadmodum licitum est furari in simili casu; numquid Patres omnes tale privilegium, ad conservandam vitam, pudicitiam, & interdum animam ipsam necessarium, siluissent? Sed quid dico, siluissent? An ne reipsa oppositum docuissent? Augustinus, & Angelicus cum ceteris omnibus proponunt sibi, utrum liceat aliquando ad evitandum homicidium mentiri. *Minus malum* (sibi obiicit 4. loco Angelicus ubi supra) *est eligendum, ut vitetur maius malum . . . Sed minus nocuum est quod aliquis generet falsam opinionem in animo alicuius quam quod aliquis occidat, vel occidatur. Ergo licite potest homo mentiri, ut unum præservet ab homicidio, & alium præservet a morte*. Maior necessitas vix potest contingere. Est ipsemet casus quem proponit Cattaneus cum aliis. Quid responderet Angelicus? *Ad quartum dicendum, quod mendacium non solum habet rationem peccati ex damno quod inferitur proximo, sed ex sua inordinatione, ut dictum est* (in corp.) *Non licet autem aliqua illicita inordinatione uti ad impediendum nocuum, & defensus aliorum; sicut non licet furari ad hoc quod homo elemosinam faciat, nisi forte in casu necessitatis, in quo omnia sunt communia. Et ideo non est licitum mendacium dicere ad hoc quod aliquis alium a quocunque periculo liberet. Licet tamen veritatem occultare prudenter sub aliqua dissimulatione, ut Augustinus dicit*

dicat in Lib. de mendacio. Concedit itaque Angelicus nos posse furari in casu necessitatis; negat expresse, nos posse mentiri in eodem necessitatis casu. Ergo secundum Thomam, Augustinum, ceterosque Patres falsa est *P. Cattanei*, & *P. La-Croix* opinio, quæ eodem modo de furto, ac de mendacio loquitur. Concedit utique Angelicus nos posse sub dissimulatione occultare prudenter veritatem; mentiri vero numquam. An hic hircere valeant, sane non video.

VII. Fortasse reponent, non esse licitum mendacium formale, quod improbat Angelicus cum Augustino; licere vero mendacium materiale. At hoc non est nisi verborum illusio. Quoniam, cum Patres negent in extremo casu vitandæ mortis nos posse mentiri, decernunt mendacium in hoc casu esse formale, & non posse nuncupari materiale. Et ut omne evadendi periculum occludam, concedis ne me posse, si velim, mentiri in casu necessitatis? Id sane negare nequis. Sicarius domum meam ingreditur gladio districto occisurus patrem meum. Me interrogat, an domi sit. Ego paratus sum mentiri officiose, ut vitam patris servem. Quæro, quæ verba proferre debeo, ut apertum mendacium committam? Non sane alia, nisi hæc, *Non est domi*. *P. Cattaneus* dicit, quod hoc sit mendacium materiale. Quid addi debet, ut fiat formale? Ut habeam animum occultandi veritatem, & iuvandi proximum? At iste est cuiusque mendacii officiosi finis. Quid ergo requiritur? Ut animum non intendam in pactum a Republica humana conditum, quo declaravit verba tunc nihil significare? At, si hoc adesset re ipsa pactum, liceret mentiri, sicut licet furari. Sed Patres docent licitum furtum, & illicitum mendacium. Ergo chimæricum est pactum assertum.

VIII. Ne autem gratis dixisse videamur, omnes Patres cum *D. Thoma* docere, licitum esse furtum in casu necessitatis, secus mendacium, lubet quæ dicta sunt, universa Patrum doctrina confirmare. *Valentiniani*, *Marcionitæ*, *Manichæi* apud *Tertullianum Lib. IV. adversus hæres. cap. xlix.* & *Augustinum Lib. II. contra Marcionem cap. xx.* furti damnabant populum Israeliticum, quod *Ægyptios* spoliassent auro, & argento, ut habetur *Exod. cap. xii. vers. 35. Perierunt ab Ægyptiis vascula argentea, & aurea, vestimenta plurimam. Dominus autem dedit gratiam populo eorum Ægyptiis, ut commodarent eis, & spoliaverunt Ægyptios.* Quod furtum Deus non punivit, sed adprobavit. Opponunt *Origenes*, *Cassianus*, alique plures apud eundem *Augustinum*, obstrictes *Ægyptias* mentitas fuisse, Deumque remunerasse eiusmodi mendacia, Ergo inferebant, mendacia licita esse gravi urgente causa.

IX. Quid respondent Patres? Unanimes consensione dicunt, Hebræos nullum commississe furtum; eo quod, ait *D. Thomas, filii Israel tulerunt spolia Ægyptiorum ex præcepto Domini hoc decernentis.* Cum enim Deus dominio in omnia a se effecta polleat, potest pro arbitrio eadem, cuicumque voluerit, impertiri. Eam-

dem

dem omnino responſionem exhibent Patres omnes. Ad aliud vero exemplum ex eadem Scriptura depromptum, quid reponunt? Omnes ad unum fatentur, & obſtrictes, & Raab Hierichuntinam mentitas fuiſſe. Unum laudaſſe ſufficiat Auguſtinum, qui *Lib. contra mend. cap. xv.* hæc ſcribit. *Sed quod ſcriptum eſt bene Deum feciſſe cum Hebræis obſtricticibus, & Raab Hierichuntina meretrice, non ideo factum eſt, quia mentita ſunt, ſed quia in homines Dei miſericordes fuerunt. Non eſt itaque in eis remunerata fallacia, ſed benevolentia; benignitas mentis, non iniquitas mentientis.*

X. Obvia hic fuiſſet Cattanei, aliorumque reſponſio, nimirum neque Hebræos furum, neque mulieres præfatas mendacium perpetraviſſe, *quoniam*, ut inquit Auſtor iſte, *humani generis univerſitas non minus omnium rerum quam verborum dominio potiſur.* Cur itaque oppoſita omnino via inceſſere Patres, Iſraeliticos viros de furti labe purgantes, & mulieres mendacii damnantes? Non ſane ob aliam rationem, niſi quia, ut ait Angelicus, mendacium eſt malum ex genere ſuo, eo quod pervertat ordinem naturæ, quæ verba inſtituit, ut eſſent ſigna eorum quæ in mente gerimus; rerum autem diviſio iure humano inveſta fuit, hac conditione, & pacto, ut in neceſſitate omnia, ut primum, remanerent communia. Quid ad hæc? An argumentum negativum eſt? An Patres non improbant reiſſa commentitiam hanc Reipublicæ legem, ſpoliantem verba quacumque ſignificatione; cum doceant, mendacium in extrema neceſſitate prolatum eſſe peccatum, quia ex natura ſua malum eſt, & quia verborum eſſentia in communi, ſeriatque locutione tota ſita in ſignificatione eſt?

XI. Recenſita opinio ſecundo loco repugnat doctrinæ Eccleſiæ, ut mihi videtur, apertiffime, ſalvo ſemper meliori iudicio: eo quod laxior ſit ipſa doctrina reſtrictionum mentalium ab Eccleſia proſcripta. Siquidem in reſtrictionibus mentalibus torquendum eſt ingenium, vexanda eſt mens, ut ſenſum internum, quem verba patiantur, loquens excogitet. Et ramen hæc doctrina proſcripta eſt. P. Cattaneus vero, ut ab hac mentis moleſtia homines liberaret, animos eis addidit, ut abſolute ſine ulla reſtrictione, ſine ullo incommodo regerant in frontem iniuſti interrogatoris *rotundum NON*: & eo erunt magis innocentes, quo apertius, audaciusque *non* illud iaculabuntur in vultum aggreſſientis ſinceritatem hominis.

XII. Tertiò tandem loco hæc opinio doctrinæ Eccleſiæ repugnat, quod non ſolum in extrema neceſſitate, ſed ad quodcumque etiam notabile incommodum evitandum, doceat verba deſtitui propria ſignificatione. Quare non ſolam improbanda eſt, quia ſtatuit licitum eſſe mentiri, ſicuti licitum eſt furari in extrema neceſſitate; verum etiam ultra progreditur: docet enim licitum eſſe mentiri ad quodlibet grave incommodum declinandum. Quare ex doctrina ipſius P. Cattanei

eius

eius opinio videtur non solum proscripta in propositionibus 26. & 27. damnatis ab Innocentio XI. sed etiam in propositione 36. eiusdem Pontificis, quæ est eiusmodi : *Permissum est furari non solum in extrema necessitate, sed etiam in gravi*. P. Cattaneus docet, Rempubliam humani generis eandem legem edidisse respectu furti, & verborum. Sed iuxta Ecclesiæ doctrinam furtum amittit malitiam furti, evaditque materiale, seu non est furtum, in sola extrema necessitate. Ergo, admissa opinione Cattanei de lege Reipublicæ respectu verborum, hæc verba amittent suam significationem in sola extrema necessitate, sicuti furtum. Atqui P. Cattaneus suam legem commentitiā de verbis nihil significantibus extendit ad casus non solum extremos, sed graves, & fere leves. Hac enim sua doctrina excusat mercatorem, negantem se habere pannum, quem habet, ne aliquot illius panni ulnas emptori periculose solutionis vendat; excusat alterum negantem se habere nummos, quibus abundat, ne centum mutuo det mutuuario, de quo dubitat, an sit solvendo. Verum utique est quod eiusmodi casus prius alia via, nempe restrictionis, quam ipse non pure mentalem appellat, a mendacio purgat. At quia non omnes apti sunt ad eiusmodi amphibologias efformandas; ideo, ut viam omnibus perviam, & facilem aperiat, adiicit legem Reipublicæ privantem verba quacumque significatione. Et, quamvis [ne quidquam dissimulem] sub finem lectionis citatæ admoveat, cavendum esse ne, sicut impotens bonorum cupiditas effingit necessitatem ubi non est; sic quoque idem contingat in verborum usu: eiusmodi tamen medicamina, & linimenta nil prosunt vulneri, quod inflatum iam est veritati: eo vel maxime quod & casus ab ipso Autore propositi nullam produunt extremam necessitatem; & tandem ipse claudit suam lectionem his verbis: *Hæc dixisse sufficiat pro praxi casuum qui in dies occurrunt*. Casus autem sicarii quærentis patremfamilias ad necem, quotidianus non est. Sed de hoc iterum infra.

XIII. Obiicies. Falsum est hominem debere semper verba conformare ad sensus internos mentis suæ: quia sapius id vetat iustitia, & caritas, quæ præcipiunt custodienda secreta summi momenti: idque evincitur auctoritate D. Thomæ, qui 2. 2. quæst. cix. art. 3. docet ex solius convenientiæ debito obstringi ad veritatis manifestationem: *Non enim hæc virtus attendit debitum legale, quod attendit iustitia; sed potius debitum morale, inquantum scilicet ex bonestate unus homo alter debet veritatis manifestationem*. Hunc textum obiicit Anonymus quidam in allegatione pro defensione P. Cattanei adversus P. Orsi, qui non modo hunc allegatorem, sed alios quoque adversarios validissime confutavit, & felicissime præ omnibus, quos ego legerim, hanc versavit, &, quoad fieri potest, exhaustit controversiam.

XIV. In relatione textus quem Anonymus obiicit ex D. Thomæ, bona fides de-
Tom. III. I i fide-

sideratur. Textus laudatus inutilis est. In verbis relatis D. Thomas loquitur de debito manifestandi veritatem, quam sæpe possumus, & sæpissime debemus occultare, dum scilicet illius manifestatio damnum parit. Hoc vero sublato, ex debito honestatis, quia homo est animal sociabile, tenetur communicare aliis veritatem. Numquam dixit Angelicus, quod, si homo loqui velit, & suos internos conceptus revelare, non debeat verba aptare mentis conceptibus; sed oppositum immo docet loco ipso, unde Anonymus decerpit truncatum textum, quem ego integrum transcribam. *Virtus autem veritatis convenit quidem cum iustitia in duobus. Uno quidem modo in hoc quod est ad alterum . . . Alio modo inquantum iustitia æqualitatem quamdam in rebus constituit: & hoc etiam facit virtus veritatis: adæquat enim signa rebus existentibus circa ipsum. Deficit autem a propria ratione iustitiæ quantum ad rationem debiti. Non enim hæc virtus attendit debitum legale. Vides quam diversum sensum reddit integer Angelici textus ab eo quem effecerunt decerpta ab Anonymo verba. Et hi sunt qui clamant a nobis minus sincere afferri Casuistarum verba, quæ horrorem ingerunt laxitatis. Comparat Angelicus veritatem iustitiæ. Dicit primo veritatem cum iustitia convenire in duobus: in respectu ad alterum, & in constituenda æqualitate inter verba, & res existentes intra mentem hominis, quæ mediis verbis manifestantur. Subdit deinde veritatem differre a iustitia, quatenus hæc cogit hominem reddere id quod ex iustitia debet, illumque debito legali devincit; virtus autem veritatis non imponit debitum legale manifestandi semper sua secreta, sed solum debitum morale, quatenus societas, & commercium humanum, aut aliæ rationes exigere solent.*

XV. Plura alia obiici solent, sed infra illa resolvemus. Adicere dumtaxat iuvat, P. Dominicum Viva in commentariis ad propositiones 26. & 27. proscriptas ab Innocentio XI. recensere hanc opinionem de materiali significatione verborum, eamque assignare Soto, qui nec remote eam indicat, Valentiz, Sanchez, & Pallavicino. Ipse tamen eam a mendacio non excusat: ait namque num. 13. *Verum, quidquid sit de hac opinione, quæ forte mendacium non declinat, satis est illam innuisse. Nihilominus eam ut probabilem alibi admittit: quia, quidquid a tribus, vel quatuor excogitatur, ut probabile suscipitur.*

CAPUT XIII.

Communis plurium recentiorum opinio, quæ restrictiones non pure mentales defendit beneficio notitiæ communicabilis, & incommunicabilis, utilis, & non utilis ad dicendum, sub examen inducitur. Non differt a sententia Auctorum propugnantium restrictiones pure mentales.

I. **S**ola thematis propositio vereor ne adversus me lectorem commoveat. Quidquam siquidem elati supercilii proderet fortasse aliquibus videbitur quod ego velim sub criterium revocare communem recentiorum sententiam. Quid? An, si tibi non probabitur communis opinio, audebis eam impugnare? Numquid tu unus contra omnes? Absit. Immo, quia conscius meæ exiguitatis, adhærere volo firmis columnis omnium Patrum, & Doctorum, quos posuit Deus regere Ecclesiam suam, quique mendacia impugnarunt. Non ob id tamen despicio recentiores, quos magni facio, & veneror; sed plurium opiniones non mihi probantur, quia proscriptæ sunt ab Ecclesia, vel in eisdem continentur, ut palam fiet. Antequam ultra progredior, illud considerandum lectori obiiicio, quod omnes fere eos casus quos mendaciorum patroni defendebant, impugnabatque Augustinus cum ceteris Patribus, defendunt pariter Auctores restrictionis *pure mentalis*, postquam Ecclesia declaravit mendacium numquam licere. Damnatis deinde mendaciis, & restrictionibus *pure mentalibus*, plurimi recentiores, qui scripserunt post decreta Alexandri VII. & Innocentii XI. sub titulo restrictionum *non pure mentalium* omnes fere casus propugnant quos defendebant Auctores propositionum damnatarum. Quod si lector, ut certus evadat, periculum facere illius rei velit, conferat quæ scribunt Salmanticenses, alique plurimi ab iisdem citati *trakt. xvii. cap. 11. §. 6. num. 139. & seq.* cum iis quæ *Lib. III. cap. vi. num. 15. & seq.* scribit Sanchez, qui certissime in terminis, ut dicitur, docet propositiones damnatas de restrictionibus mentalibus; cuius tamen opinio communis tunc erat. Infra casus aliquos referemus. Nemo ergo me vel ut minus in recentiores obsequentem, vel ut singularitatis avidum traducat; sed animo præiudiciis vacuo, & æquo iure expendat quæ sum dicturus.

II. Ut clare ostendamus sententiam plurium recentiorum in materia restrictionum, quas ipsi *non pure mentales* vocant, nihil reipsa differre ab opinione restrictionum *pure mentalium*, primum omnium promenda sunt utriusque opinion-

li ij prin-

principia. Ut autem prolixitatem, quoad licet, vitem, *P. Leander*, qui inter Ca-
 sultas in citandis Auctoribus, & referendis eorum opinionibus diligentiam, & sin-
 ceritatem sibi vendicat singularem, exponit doctrinam de restrictionibus mentali-
 bus *tract. 1. de iuram. disp. xlv. s. 2. quest. 1x.* „ Dicendum, quod mentalis am-
 „ phibologia sit, & detur tunc quando exteriora verba præcise sumpta non ha-
 „ bent significationem propriam, & completam, in qua verum sensum efficiant :
 „ quia distrahuntur a propria significatione per aliquam restrictionem, non voce
 „ prolatam, sed interius conceptam, ut si quis voce dicat : *Non comedi talem*
 „ *rem*, & interius subintelligat, *hodie*, vel, *ut tibi dicam*. Sic Suarez *Lib. III.*
 „ *cap. x. num. 1.* Sanchez *Lib. III. cap. vi. num. 15.* & omnes. „ Omnes, inquit
 Leander, restringunt sensum internum media scientia incommunicabili. Idem do-
 cet Castropalaus *tract. xrv. disp. 1. punct. 7. num. 3.* „ Rogatus de delicto, quod
 „ saltem sub opinione probabili non teneris manifestare, vel ex eo quod non iu-
 „ ridice rogaris, vel ex eo quod grave nocumentum ex manifestatione provenit,
 „ negare poteris fecisse, subintelligendo *in carcere*, vel *ad dicendum*. „ Sine con-
 troversia itaque Auctores restrictionis *pure mentalis* defendebant suam sententiam
 beneficio scientiæ *communicabilis*, & *incommunicabilis*.

III. Conferenda nunc sunt principia eorum qui scripserunt post damnatas restri-
 ctiones *pure mentales*. Porro communiter plurimi recentiores, cum; amplius de-
 fendere nequeant *restrictiones pure mentales*, has restrictiones appellare cœperunt
non pure mentales, seu externas, nihil tamen ipsis exterius addentes præter so-
 lam appellationem : quas enim priores Auctores restrictiones internas, & *pure*
mentales vocabant, posteriores easdem restrictiones externas, & *non pure men-*
tales appellant : quod demonstratur referendo istorum principia, quibus defendunt
 has restrictiones, & maxime rationem illam vi cuius externas, & *non pure men-*
tales præfatas restrictiones esse propugnant. Dicunt ergo, has restrictiones exter-
 nas fieri beneficio scientiæ, seu notitiæ *communicabilis*, & *incommunicabilis* in spe-
 dis circumstantiis in quibus respondens suam profert propositionem. Adverte ta-
 men, has circumstantias oretenus ab eis appellari externas : nam non aliud in-
 telligunt nomine circumstantiarum huiusmodi quam causas sufficientes ad hone-
 standas restrictiones mentis; ac si Auctores ante Innocentium XI. docuissent li-
 citum usum restrictionum mentalium sine iusta & urgenti causa; quod nemo,
 quem sciam, absolute docuit. Sed age, Auctorum principia in medium af-
 ferto.

IV. P. Dominicus Viva in commentariis in propositiones 26. & 27. damna-
 tas ab Innocentio XI. *num. 3.* hæc scribit. *Ad restrictionem istam non pure men-*
talem *reducitur usus duplicis scientiæ, videlicet communicabilis, & incommunicabi-*
lis, quatenus ex circumstantiis apparet verba sumenda esse spectata tantum scientia

le-

loquentis communicabilis; ut quando Confessarius interrogatur, an aliquid sciat de peccato penitentis. Ut principio duplicis scientiæ, *communicabilis*, & *incommunicabilis*, aliquid fuci Auctor prætenderet, statim exemplum Confessarii in medium profert. Quia enim respectu Confessarii usus duplicis scientiæ locum fortassis habere potest, eo quod reipsa Confessarius duplicem personam gerit; facile principium illud verosimile redditur lectoribus minus peritis. Ut autem falsitas illius doctrinæ appareat, advertendum est, quod P. Viva doceat, non solum Confessarium, quem non temere ob oculos lectoris sistit, sed omnes homines, gravi causa urgente, usum duplicis scientiæ adhibere licite posse. Et in hac amplitudine dico, principium illud, seu doctrinam præfatam vi iusti ratiocinii esse aperte falsam, & ab Ecclesia damnatam: nihil quippe differt a doctrina restrictionis *pure mentalis*.

V. Et inprimis, quod P. Viva hanc doctrinam duplicis scientiæ omnibus exhibeat, res est manifestissima: & ne gratis a nobis dici videatur, eius verba transcribenda sunt. Itaque num. 13. relata sententia eorum qui docent, verba quandoque usurpari posse *materialiter*, seu ut nihil significantia, eaque, ut mendacii suspecta, reiecta, sic concludit. *Verum, quidquid sit de hac opinione, quæ forte mendacium non declinat, satis sit illam innuisse; cum per usum duplicis scientiæ possit tam sigillum sacramentale quam naturale facili negotio ab omnibus custodiri.* Iam habes amplificatum usum duplicis scientiæ ad custodiam sigilli naturalis. Verum, si universam amplitudinem comprehendere cupis, lege quæ numero immediate sequenti superaddit, quemque integrum transcribo.

VI. *Ad ultimam. Rustici, qui ignorant opportunas adhibere æquivocationes, debent advertere, num prævaleat bono publico occultatio veritatis, an sincera illius confessio, ne proximus decipiatur. Certe quando veritatis occultatio confert ad tuendam salutem, honorem, res familiares, aut ad quemlibet alium virtutis alium; tunc licita est æquivocatio: maior tamen causa requiritur ad superaddendum iuramentum locutioni ambigæ. Quando tamen non occurrit commoda æquivocatio, aut RESTRICTIO EXTERNA, si causa sit gravis, rustici possunt usu DUPLICIS SCIENTIÆ FACILE OBVIØ veritatem occultare, non animo decipiendi, sed solum permittendo deceptionem.*

VII. Rogo lectorem meum ut hanc doctrinam serio animo expendere velit: res enim summi momenti est. Ut autem clarius Auctoris mentem penetrare valeas, scias oportet, recensitam doctrinam esse responsum quam P. Viva exhibet argumento sibi obiecto ab Auctoribus defendentibus *restrictiones pure mentales*. Quare, ut melius sensum responsionis teneas, argumentum ipsum ob oculos ponendum est verbis ipsius P. Viva, qui illud sibi obicit num. 7. *Quarto, quia passim occurrunt casus in quibus non est licitum veritatem aperire, aut aperiri non potest sine magno incommodo, unde expediens, & studiosa est veritatis occultatio: ergo de-*

bet ad id dari via quedam, omnibus obvia, etiam rusticis. Via autem æquivocationis, aut restrictionis non pure mentalis non est facile obvia, & subest omnibus perplexitatibus, & periculis incidendi in mendacium, ut veritas occultanda manifestetur. Contra vero recursus ad restrictionem pure mentalem est obviuus, nec continet animum mentiendi.

VIII. Vim argumenti persensit P. Viva, nempe viam æquivocationis, & restrictionis realis, & externæ non esse omnibus, & semper perviam, maxime rusticis, & minus acutis hominibus. Ideo recurrit ad duplicem scientiam, communicabilem, & incommunicabilem, seu ad restrictionem pure mentalem. *Quandotamen*, inquit, *non occurrit commoda æquivocatio, aut restrictio externa, si causa sit gravis, rustici possunt usu duplicis scientiæ facile obvio veritatem occultare*. Quod paucioribus verbis dici potest: Si commoda non occurrit restrictio externa, utere interna. Nam usus scientiæ communicabilis, & incommunicabilis nil aliud significat, nisi, *Nescio ad dicendum, quia illud scio scientia incommunicabili; & scio ad dicendum, quia scio scientia, seu notitia communicabili*. Idem omnino, & nil amplius dicunt Auctores restrictionis pure mentalis. Et nota, quod ipse P. Viva scribit: *Quando non occurrit restrictio externa*. Quid tum? Adhibenda est interna.

IX. In morum controversiis dirimendis duo extrema vitanda sunt. Abstinendum est a censura in aliorum opiniones: cavendum ne nimius timor displicendi hominibus veritatis iacturam inducat. Non ergo, ut censoriam virgam in perdoctum, mihiq; debito obsequio colendum P. Vivam exerceam, sed ut veritatem summi momenti a Vanis commentis vindicem, dico, hanc P. Viva sententiam esse, ut mihi videtur, ipsam propositionem proscriptam. Res est, ut mea præfert opinio, evidentissima absque ulla explicatione. Restrictio pure interna est damnata. P. Viva docet restrictionem pure internam. Ergo &c. Probo minorem. P. Viva docet: Quando commoda restrictio externa non occurrit, tum adhibendum est aliquid quo facilius occultari possit veritas. Sed nihil omnino aliud occurrere valet post restrictionem externam, nisi restrictio interna: quia nihil inter externum & internum medium est. Ergo, dum statuit quod, ubi externa restrictio non occurrit, confugiendum sit ad usum duplicis scientiæ; iam vi ipsius argumentationis fatetur ipse P. Viva usum istum duplicis scientiæ faciliorem esse, & consequenter internum. Quoniam, dum quis dicit, *Quando non occurrit restrictio externa*, excludit omnia media quæ reddunt restrictionem externam. Pluribus namque modis, ut suo loco dicetur, restrictio effici potest externa. Ergo, cum absolute quis dicit, *Quando non occurrit externa restrictio*, recurrendum est ad id quod est facilius, vi eiusmodi ratiocinii infert, recurrendum esse ad restrictionem internam: quia sola restrictio interna facilius est externa, & rusticis etiam obvia.

X. Patet ergo vi ipsius argumentationis qua utitur P. Viva, eius opinio-

nem

nem contineri in damnata propositione, seu esse ipsam propositionem proscriptam.

XI. Quæ dicta sunt, confirmantur ipsa terminorum explicatione. Nam usus notitiæ communicabilis, & incommunicabilis est mere internus. Quid umquam aliud intellexerunt Auctores restrictionis mere mentalis, quando dixerunt, *Nescio ad dicendum*, seu nescio scientia communicabili, sive scientia utili ad dicendum? Quid, inquam, aliud intellexerunt, nisi restrictionem pure mentalem? Usus itaque scientiæ incommunicabilis, & communicabilis ad puram putamque restrictionem mentalem reducitur.

XII. Respondebis fortasse, ita rem se habere, si hæc omnia absolute, & a circumstantiis seiuncta accipiantur; secus vero, si considerentur circumstantiis illigata, atque circumscripta. Usus scientiæ communicabilis, & incommunicabilis internus est absolute spectatus; exterius autem fit ratione circumstantiarum quæ in praxi occurrunt. Hic est ultimus receptus, ad quem confugiant: & istud sophisma est potissima errandi causa. Quænam sunt istæ circumstantiæ, quarum vi usus internus scientiæ incommunicabilis evadat externus? Assigna ergo principium illud respectu omnium indiscriminatum hominum, quod externum constituit usum notitiæ incommunicabilis. Neque enim nunc sermo est de persona quapiam particulari, ut de Confessario, de secretario Principis, aut de alia simili; sed de hominibus, de rusticis, qui nullo charactere, nulla dignitate distinguuntur. Casus enim Confessarii, secretarii, iudicis, qui duplicis personæ munus gerunt, infra singillatim dispiciemus. Controversia ergo est de hominibus nulla peculiari circumstantia personam afficiente distinctis. Responde itaque: quænam sunt hæc circumstantiæ quæ ab interiori mentis sinu extrahant conceptus internos? Non sane aliæ sunt quam causæ quas omnes Auctores assignant, ut restrictiones *pure* internas, tamquam licitas, defendant. Quando periculum est propriæ salutis, honoris, rerumque familiarium, hæc sunt circumstantiæ vi quarum notitia veritatis fit incommunicabilis. Et quia notitia isthæc hic & nunc, attento periculo amittendi vitam, aut honorem, aut res familiares, quæ circumstantiæ externæ sunt, fit non utilis, immo noxia ad manifestationem; ideo usus scientiæ incommunicabilis externus evadit, & restrictio nuncupatur non *pure* interna. Ita ratiocinatur P. Viva, & cum eo alii recentiores plurimi.

XIII. Iam quisque ratione præditus evidenter percipit, aut nullas dari restrictiones mentales, aut, si quæ dantur, eas prorsus esse quas defendit P. Viva. Expende propositionem damnatam extractam ex P. Sanchez: expende ea quæ dicit Sanchez loco laudato, ubi reperies: *Causa utendi iis amphibologiis est, quoties id necessarium, aut utile est ad salutem corporis, honorem, rei familiaris tuendas, vel ad quemlibet alium virtutis ætium; ita ut veritatis occultatione tunc expediens, & studiosa*. Hæc est propositio proscripta P. Sanchez.

Neque quisquam ex tot Doctoribus, qui defendebant restrictiones pure mentales; docuit, licitum esse uti restrictionibus præfatis absque iusta causa. Nemo quoque eorum dixit, quod hæ causæ propter quas licitum assererebatur dictum usum, redderent restrictiones præfatas externas. Quid plura? Causæ istæ recensentur in propositione damnata. Ergo dicendum, vel quod propositio damnata non sit damnata; vel quod causæ recensitæ in eadem propositione damnata nullo modo externas reddant restrictiones mentis, quæ absolute internæ sunt. Ex alia parte P. Viva nullam aliam circumstantiam respectu rusticorum hominum assignat præter laudatas causas. Si enim quærat, cur notitia, seu scientia sit incommunicabilis; respondet, quia est occulta, quia eius manifestatio inducit aut vitæ, aut honoris, aut rerum temporalium iacturam. Ergo eius doctrina reipsa in propositione proscripta continetur.

XIV. P. Claudius La Croix conceptis verbis confirmat ea quæ diximus, nempe causas defendendi vitam, honorem &c. esse circumstantias quæ restrictionem pure mentalem constituunt non pure mentalem. Inquit enim: Si causæ sint gravissimæ, tunc restrictio non erit pure mentalis; si vero causæ non sint graves, restrictio erit pure mentalis. En illius verba Lib.III. part. 1. cap. 11. dub. 4. num. 289. §. 7. *Quando non sunt valde graves causæ ita restringendi, si fiat restrictio, præsertim ex parte solius respondentis, communiter erit pure mentalis, adeoque illicita. P. g. pater interrogat filium, Fuisse ne in popina? Non licet filio dicere, Non fui, subintelligendo, ut tibi constet, ut fateri debeam. Ratio est, quia ubi non sunt graviores causæ restringendi, interrogatio censetur fieri absolute secundum verba tantum; & sic habet commune iudicium hominum: nam interrogans habet ius interrogandi, neque est supra humanam infirmitatem tum respondere secundum verba præcise: ergo hæ circumstantiæ non sunt tales, ut possint censerī simul verbis constituere orationem manifestativam alicuius quod in mente reservatur: ergo est restrictio pure mentalis.* Hæc doctrina paucis verbis significat, quando est periculum perdendi vitam, aut quid simile, restrictio mentalis est licita, quia non est restrictio pure mentalis: manifestatio enim veritatis cum periculo vitæ est supra humanam infirmitatem; ideo tunc restrictio pure mentalis non est pure mentalis. Cur? quia tunc præsumere ego debeo quod tu non me interroges, ut tibi revelem crimen occultum. Lepida sane doctrina. Sed audi quæ præcedenti num. 288. scribit. *Si me interroges, an occiderim Caium, respondeo, Non occidi: & licet occiderim, non mentior, nec pecco: quia in circumstantiis illis in quibus crimen est plane occultum, quod si fatear, periculum vitæ meæ, non debeo præsumere, nisi aliunde mihi constet, quod me interroges, an crimen commiserim absolute, quia non habes ius ad me ita absolute interrogandum; neque in illis circumstantiis teneor id quod nequidem semiplene est probatum, revelare tibi cum certa iactura vitæ meæ, quamvis tu etiam esses iudex meus: ad*

hoc

hoc enim me obligare esset nimis durum, & superans humanam imbecillitatem, ut plurimi docent cum Cardenas. Integrum hunc locum exscripsi, non quod omnia quæ in eo dicuntur, improbem (quia approbo & ego, reum non teneri ad revelandum crimen quod est occultum, & nec semiplene probatum) sed ut confirmem quod proposui, nempe Auctores istos docere periculum perdendi vitam esse causam quæ valet restrictionem pure mentalem reddere non pure mentalem: quod est idem ac dicere, restrictionem pure mentalem licitam esse, quoties imminet vitæ discrimen; seu mendacium esse licitum gravi urgente causa. Restrictio enim pure interna mendacium est.

XV. Hanc suam doctrinam explicat, & inculcat P. Claudius La-Croix *Lib. VI. part. II. cap. III. num. 1937.* ubi, relatis pluribus modis custodiendi sigillum, sive sacramentale, sive naturale, concludit, extra similes gravissimos casus amphibologias esse mendacia. *Et quod, inquit, dictum est de Confessario, valet de omni alio obligato ad sigillum. Extra hos autem, similesque casus gravissimos foret mendacium sic uti vocibus. Porro, quando veritas celari potest modo minus suspecto de mendacio, hic adhiberi debet, & tum prius utendum extremo medio, quando necessitas urget.* Etiam Cassianus docebat, mendacium adhibendum esse per modum ellebori in extrema necessitate. Fatetur ergo P. La-Croix conceptissimis verbis, licere in extrema necessitate custodiendi sigillum, non solum sacramentale, sed etiam naturale aliisque similibus casibus, uti locutione talibus vocibus compacta, quæ extra hos gravissimos casus foret mendacium. Quod sane idem omnino est ac dicere, mendacium in extrema necessitate non esse mendacium, seu in extrema necessitate mendacium esse licitum: quæ est Cassiani, aliorumque doctrina ab Ecclesia proscripta. Unum tamen fateor, P. La-Croix cautius scribere pluribus aliis recentioribus. Defendit enim in solis extremis casibus restrictiones mentales. Sed etiam magis sincere fatetur, eandem locutionem in extrema necessitate non esse, extra vero necessitatis casum, esse mendacium: quod prorsus significat, in extrema necessitate mendacium licitum esse, secus necessitate sublata.

C A P U T XIV.

Causæ cur recentiores plurimi reipsa defendant restrictiones pure mentales proscriptas. P. Sanchez improbat in antecessum posteriorum Casuistarum sententiam. Periculosiores sunt plurium recentiorum opiniones de restrictionibus iuramento firmatis, quam antiquorum doctrina de mendacii licito usu. D. Augustini invectivæ adversus restrictiones iuramento confirmatas.

I. **P**rima & potissima causâ cur plurimi recentiores Casuistæ defendant restrictiones pure mentales proscriptas ab Ecclesia, est nimius, & impotens amor erga Auctores qui restrictiones pure mentales docuerunt. Priusquam tamen ultro progredior, testor me neminem carpere velle, tamquam minus obsequentem erga Sedem apostolicam. Fateor omnes voce, &, ut ipsi credunt, reipsa de-testari restrictiones pure mentales in sensu ab Ecclesia damnato. Eo ergo pertinent quæ dicturus sum, ut evincam, recentiores præfatos eodem ipso tempore quo damnant restrictiones pure mentales, easdem approbare, prout mihi videtur, salvo meliore iudicio, & debito obsequio erga eosdem Auctores. Quas excusationes sæpissime, & forte ad aliquorum usque fastidium, præmittimus, quia tempore infelicissimo scribimus, quo libera, & sincera explicatio veritatis vitio vertitur calumniandi, vel propria commoda promovendi, quod semper absit; maxime vero in causâ in qua de æterna aut vita, aut morte agitur. Sed ad rem.

II. Potissima itaque deceptionis causâ hæc est, quod posteriores Scriptores doceant, Pontifices summos, Alexandrum VII. & Innocentium XI. damnasæ propositiones, ut *lacent*, non autem ut sunt in Auctoribus qui illas docuerunt. Volunt enim præfatas propositiones a delatoribus earumdem fuisse adulteratas; vel, prout reperiuntur in Auctoribus, ex quibus decerpæ fuere, suis linimentis esse temperatas. Ita communiter docent P. Viva, P. Cardenas, P. La Croix, P. Sporer *traß. 111. in Decal. cap. 1. sec. 2. num. 112. pag. 218.* Certum autem & manifestissimum est, propositiones damnatas de restrictionibus mentalibus doceri a P. Sanchez *Lib. III. in Decal. cap. vi. num. 15, & 19. & seq.* in eodem obvio sensu in quo sunt damnatæ absque ullo linimento, vel fuco. Nihilofecius, ut innui, Scriptores recentiores contendunt, non fuisse damnatas, ut sunt in Sanchez, & in aliis Auctoribus. Audiamus P. Viva in commentariis ad illas propositiones num. 1. *Utraque propositio a plurimis primi subfellii DD. videbatur doceri apud Dian. P. II. traß. xv.*

resol. 25. & P. III. trañ. vi. ref. 3. & apud Sanchez Lib. III. cap. vi. num. 15. & 19. & non nemo ad quinquaginta DD. laudat pro utraque propositione. Verum, si attente mens plerorumque istorum cum eodem Sanchez inspicatur, & si advertatur ad casus in quibus docent has amphibologias licere, & eorum fundamenta, liquido apparebit eos nolle licitas esse restrictiones pure mentales, quas Pontifex ut mendacia damnat, sed solum restrictiones non pure mentales, aut equivocationes, & ad summum locutionem materialem.

III. Huic fallaci doctrinæ innixi Iansenistæ plurimos abhinc annos vexant, turbantque Ecclesiam. Et ipsi damnant oretenus quinque propositiones absolute ut iacent; sed eas reperiri in IANSENIO, illumque eas docuisse in sensu damnato, perfracte negant. Si tanto æstu, & fervore hoc vasrum Iansenistarum effugium diris devovet P. Viva, & omnes vere improbamus; cur ad illud confugit, ut Sanchez cum aliis Casuistis defendat? Qui negat damnatas propositiones de restrictionibus mentalibus in terminis usque ad unicam syllabam reperiri in Sanchez, solem in meridie lucere incipiat. Quid ex hac doctrina Patris Viva profluit? Summum extremumque malum. Nam, dum negat damnatas propositiones reperiri in Sanchez, defendit doctrinam Patris Sanchez esse immunem ab omni censura. Hinc insertur, Pontificem reipsa nihil damnaſſe: quia restrictiones pure mentales, prout eas Sanchez cum ceteris Theologis docet, non sunt damnatæ. Quæro, cur tam sollicita est Ecclesia, ut evincat quinque famosas propositiones reperiri in Iansenio, & in sensu Iansenii esse damnatas? Prima fronte parum referre videtur quod in Iansenio sint, & quod damnatæ quoque sint, ut reperiuntur in præfato Iansenii Libro, dummodo, ut iacent, ab omnibus tamquam damnatæ reiciantur. Verum, licet primo aspectu ita appareat, si tamen res penitus inspicatur, mortiferum sub hoc colore latere venenum comperiemus. Quia, cum reipsa præfatæ propositiones reperiantur in Libro Iansenii, si non essent damnatæ, prout sunt in eodem Libro, & in sensu quem præferunt in illo Libro; sectatores Iansenii posſent libere eas docere, defendere, & prædicare. Et, si eis opponeretur, quod sint damnatæ, reponerent, esse damnatas, ut iacent, non in sensu Iansenii, & se eas defendere in Iansenii sensu, non ut iacent. Et sic frustranea esset pontificia constitutio, nihilque damnaſſent Pontifices summi, & exitialis doctrinæ pestis brevi universam inficeret Ecclesiam.

IV. Hæc omnia sequuntur damna ex doctrina Patris Viva, & aliorum defendentium propositiones Casuistarum non esse damnatas, prout reperiuntur in P. Sanchez, in P. Tamburino, in P. Escobario, in P. Baunio, in P. Castropalao, in P. La Cruz: quoniam, cum ex una parte certissimum sit propositiones damnatas doceri ab eiusmodi Doctoribus, & cum ex alia parte commentatores doceant, non esse damnatas in sensu quo sunt in istorum Libris; inde est quod & Casuistæ

il-

libere exscribant restrictiones pure mentales, licet eas appellent non pure mentales, & casus omnes qui reguntur doctrina propositionum damnatarum, defendant. Ceterum, quia facti controversiam nunc versamus, quæ non ita facile cavillis eludi potest; lubet eam in ultimo certitudinis gradu constituere, etiamsi subire debeam prolixitatis notam. Quæro itaque a P. Viva, an Theologi aliqui docuerint aliquando restrictiones pure mentales, & alias propositiones damnatas. Negare id non audebit. Neque enim Pontifices damnarunt propositiones quas defendunt Turcæ, Indi, Iapponenses; sed quas propugnabant Theologi catholici. Fuerunt igitur damnatæ illæ restrictiones pure mentales, quas Theologi catholici docuerunt. At Theologorum nemo apertius illas docuit ipso Sanchez, Tamburino, aliisque a quorum Libris extractæ fuerunt. Doctrina igitur istorum Theologorum in hac materia improbanda est. Verum, missa argumentatione, ut palam omnibus fiat, evidenter falsum esse quod scribit P. Viva, doctrina unius ex citatis Auctoribus isthuc transcribenda est.

V. P. Thomas Sanchez *Lib. III. in Decal. cap. vi. num. 12.* proponit quæstionem de restrictionibus non pure mentalibus, & pure mentalibus his verbis. „ Posterior „ difficultas est, quando sit periculum, aut illicitum amphibologia aliqua uti iuramento ad significandum aliquod verum iuxta mentem iurantis, at iuxta diversum sensum ab eo quem audientes excipiunt. Qua in re quidam Doctores „ sentiunt, id carere mendacio, & consequenter ex causa iusta licitum esse, quoties verba quæ usurpantur, sunt ex significatione sua, & communi audientium „ usu, aut saltem sapientium usu ambigua, & proinde utrumque sensum recipientia; secus, quando talia non sunt, sed in sensum verum *detorquentur ex solo aliquo addito* mente iurantis concepto: id enim dicunt semper esse mendacium, & consequenter periurium mortale in quovis eventu. Ducuntur, quod „ nisi id sit mentiri &c.“ Refert argumenta illorum qui defendunt restrictiones pure mentales esse mendacia; deinde proponit regulam primam pro verbis ambiguis, de quibus nulla est difficultas; ideo, illa missa, exscribo secundam.

VI. „ Secunda regula sit. Possunt quoque absque mendacio usurpari, etsi verba „ ex sua significatione ambigua non sint, nec eum sensum habeant, si revera, „ attentis circumstantiis loci, temporis, & personæ, ac modi interrogandi, verba „ eum sensum faciant iuxta interrogantis intentionem, quam respondens concipit. Constat exemplis &c.“ En restrictiones non pure mentales, quando nempe verba, licet ambigua non sint absolute accepta, ex circumstantiis tamen loci, temporis, & personæ sensum suscipiunt, & constituunt restrictionem externam. In regula autem sequenti quæ est in ordine tertia, restrictiones pure mentales docet suscipi. Et ex hac tertia regula sub *num. 15.* posita decerpta est propositio damnata xxvi. Hæc ergo exscribenda est.

VII. Tertia regula est. Possunt quoque absque mendacio ea verba usurpari, etiam si ex sua significatione non sint ambigua, *nec cum sensum verum admittant ex se, nec ex circumstantiis occurrentibus*; sed tantum verum sensum reddant ex aliquo addito mente proferentis *scilicet*, quodcumque illud sit. Ut (incipit propositio damnata) *si quis, vel solus, vel coram aliis, sive interrogatus, sive propria sponte, sive recreationis gratia, sive quocumque alio fine iuret se non fecisse aliquid quod revera fecit, intelligendo intra se aliquid aliud, quod non fecit, vel aliam viam ab ea in qua fecit, vel quodvis aliud additum verum; revera non mentitur, nec est periurus.* hic definit damnata propositio.

VIII. Quis est tam fractus frontis, ut negare audeat, propositionem damnatam contineri in Sanchez? Aut quis obtrudere potest, illam propositionem in Libro Sanchez prodere alium sensum; cum nec verbum ibi reperiatur quo ab errore purgari illius doctrina queat? Quin principium adeo falsum propositioni damnatæ præmittit Sanchez, ut quamlibet interpretationem excludat. Statuit enim verba usurpari posse, etiam si non sint ambigua, nec sensum verum admittant ex se, *nec ex circumstantiis occurrentibus*; sed tantum verum sensum reddant ex aliquo addito mente proferentis *scilicet*, quodcumque illud sit. Hoc principio præiuncto exemplum promittit, quod est ipsa propositio damnata, *Ut si quis, vel solus &c.* Volvat nunc, revolvatque P. Viva totam Sanchez disputationem: & si vel unicum verbum invenerit quod revera temperet errorem damnatæ doctrinæ, tunc & ego a censura Sanchezii doctrinam liberabo. Quare laudanda est sinceritas P. Cardenas, qui *differt. xix. cap. 1.* ingenue fatetur, Sanchez docuisse opinionem de restrictione mentis cum aliis pluribus. Non tamen probo, quod postea idem Cardenas utatur doctrina Sanchez in explicandis præfatis restrictionibus. Quapropter caute legendus est, ut infra ex P. La Croix admonebimus.

IX. Tantum vero abest ut propositio damnata ab Innocentio XI. *ut iacet* differat aliquo modo a doctrina P. Sanchez, quin clarius & apertius in eiusdem opere agnoscitur error. Ex iis namque quæ antecedunt propositionem damnatam, evidentissime constat, ibi sermonem esse de pura putaque restrictione mentali; itaut nulli interpretationi, vel violentiæ locus pateat. Ex iis vero quæ propositionem præfatam consequuntur, evidenter quoque colligitur, ipsum Sanchez defendere suas restrictiones pure mentales, non obiter, sed ex professo, & lato calamo: eas namque rationes, seu verius paradoxa in medium afferit, ut damnatam doctrinam defendat, quæ si admittantur, actum prorsus est de humana societate. In primis adducit varia ex sacræ Scripturæ Libris petita momenta, quæ Cassianus adhibuit, ut propugnaret mendacia. Deinde suas rationes promittit, quarum aliquas isthuc transcribam. *Tertio, inquit, probatur. Quis cum mentiri sit contra mentem ire, verba externa mere materialiter se habent ad mendacii rationem, ac*
nihil

nihil profusum refert, siue vera, siue falsa in se sint; sed sola preferentis mens attendenda est Est ne fortasse temperamentum istud, quo error damnatæ doctrinæ corrigitur? Quoties ergo loquens intentionem non habet mentiendi, hoc sufficit, ne mentiat; siue vera, siue falsa sint verba quibus suos exprimit conceptus? Hæc doctrina si admittatur; quid in Scriptura, quid in Patribus, quid in pactis, in fœderibus, in commerciis habebimus certi? Hac ipsa ratione non ita pridem propugnabatur, licitum esse thus adolere, sacrificia offerre, victimas litare, templa, & altaria erigere idolis. Sed quæ sequuntur, recensamus Rursus confirmatur: quia verba illa externa, quatenus a iurante proficiuntur, non significant quod alii percipiunt, sed quod ipse vult; quamvis non adequate id significant, sed inadæquate, utpote quæ non significant, & exprimunt quiddam iurans in mente habet. Quarto, quia si quis alta voce, ita ut perciperetur ab adstantibus, diceret aliquid quod ita ut sonat, esset falsum, & continuans submissa voce 'ab aliis non perceptibili, diceret additum, quo id redderetur verum, non mentiretur; cum tota propositio ore prolata vera sit, & ad veritatem, mendaciumve nil conferret totam, aut solam illius partem ab aliis percipi. Ergo idem est, si additum illud SOLA MENTE retineatur. Numquid hæc ratio temperat, moderatur laxitatem doctrinæ damnatæ? Nonne solidum est illud principium de voce submissa ab aliis non perceptibili, quo utitur ad licitum defendendum usum illius restrictionis quæ in sola mente claudit additum illud quo propositio redditur vera? . . . Quinto, quia licet verbis ex se ambiguis uti absque mendacio, quamvis iuxta expressam interrogationem, & æternam responsum cum sensum verba non admittant, & expresse omnem amphibologiam excludant, concipiendo alium sensum mente, ut ex fere omnium mente dicemus num. ult. Cur ergo mendacium erit uti verbis ex se non ambiguis, si ex conditione in mente retenta verum sensum efficiunt? Sexto, quia mendacium non tantum est, quando verbis exprimere quis intendit quod non habet in mente, sed etiam falsis ipsis, ut docet D. Thomas 2. 2. quæst. xi. art. 1. At non mentitur qui aliquo facto, v. g. dirigendo gressus versum aliquam partem, ad quam ire non intendit, non vult significare se animum illuc eundi habere, etsi videntes id concipiant, sed tantum vult occultare animum suum alio eundi, ut docet D. Th. eo artic. 1. ad 4. Similiter ergo non mentitur qui verbis qualibuscunque non intendit aliquid significare quod non est, sed tantum occultare aliquam veritatem audientibus, intendendo dicere, quod est verum secundum suum sensum.

X. Hæ sunt rationes quibus suam opinionem de restrictionibus pure mentalibus Sanchez evincere contendit. Est ne in harum aliqua quidquam quod mitiget sensum propositionis damnatæ? Aliqua omisi brevitatis gratia; sed fidem meam oppugno, me nec verbum omisisse quod temperare valeat, aut mitigare proscriptam laxitatem. Non est nunc opportunum ostendere, quam immerito, & per-

sum-

summam iniuriam in suæ opinionis confirmationem laudet D. Thomam; cuius verba, quæ loco citato habet, sufficit exscribere. *Ad quartum dicendum, quod sicut aliquis verbo mentitur, quando significat quod non est, non autem quando tacet quod est, quod aliquando licet; ita etiam simulatio est, quando aliquis per exteriora signa factorum, vel rerum significat aliquid quod non est; non autem, si aliquis prætermittit significare quod est.*

XI. Neque pariter sermonem producam, ut oppugnem has Sanchezii rationes, quia iam supra id præstiti. Eas nunc recensui ob id dumtaxat, ut ostenderem, hunc Auctorem revera docuisse propositiones proscriptas ab Ecclesia, easque probasse rationibus quæ non modo non mitigant, sed augent errorem proscriptum. Si enim sufficit intentio loquentis ad tollendam malitiam mendacii; si verba externa mere materialiter se habent ad mendacii rationem, ac nihil prorsus refert, si verba, siue falsa in se sint, ut contendit ille; nemo profecto, nisi nimio, & impotenti partium studio præoccupatus sit, excusare audebit doctrinam istius Auctoris ab Ecclesiæ censura.

XII. Possem amplius confirmare quæ dixi, transcribendo responsa quæ exhibet P. Sanchez ad rationes quibus Caietanus, Sotus, & alii Theologi plurimi improbanæ restrictiones pure mentales; sed ea brevitatis gratia prætermitto. Liber Sanchez omnibus patet. Quisque periculum facere valet, si quid ego minus sinistre exposui. Pauca solum verba transcribo ex responsione ad primam rationem Caietani, Soti, & aliorum, qui ex restrictionibus pure mentalibus inferebant innumera absurda, & destructionem humani commercii. Inquit ergo Sanchez loco citato: *Cessant ea absurda quæ utique sequerentur, si diceremus illis verbis indifferenter uti licere. Immo hoc est utilissimum ad tegenda multa quæ tegere opus est, nec regi absque mendacio possent, nisi modus hic esset licitus. Quia verba ex se ambigua non passim inveniantur.* Responsio quoque ad tertium argumentum confirmat id quod proposui. *Ad tertium negandum est non consonare es menti: quippe mens non intendit dicere quod verba exterius sonant, sed ea in sensu vere mente concepto proferre.*

XIII. En quam manifeste ipsemet P. Sanchez confutat suos adversarios. Cande faterur ille amphibolia exteriori plura regi non posse. Quare, nisi modus restrictionis pure mentalis licitus sit, multa regi nequeunt absque mendacio. Cur? Quia verba ex se ambigua non passim inveniantur; quod verissimum est. Addi potest, quod verba ambigua sæpissime audientes reiiciunt, quive tot interrogationibus urgent respondentem, ut æquivocationi externæ locus minime relinquatur. Quare concludit P. Sanchez admittendum esse usum restrictionis mere mentalis; nec timendum de mendacio: quia mens non intendit dicere quod verba exterius sonant, sed iuxta sensum intra mentem retentum. Causas vero sufficientes adhibendi eiusmodi restrictiones assignat loco citato num. 19. his verbis. *Causa vero iusta uten-*

utendi his amphibologiis est, quoties id necessarium, aut utile est ad salutem corporis, honorem, res familiares tuendas; vel ad quemlibet alium virtutis adum, ita ut veritatis occultatio censeatur tunc expediens, ac studiosa. Hæc est ipsamet, sine ullius syllabæ varietate, propositio 27. damnata ab Innocentio XI.

XIV. Ex quibus omnibus clarissime colliguntur duo. Primum, *P. Sanchezium* docere propositiones prout sunt ab Ecclesia damnatæ. Quia Ecclesia damnat has propositiones in eo obvio quem præferunt sensu. At in hoc eodem obvio quem ex se præferunt sensu eas docet Sanchez: non enim aliquid in tota illa disputatione habet quo corrigat præfatam doctrinam; quin rationes quas promit ad propugnandas dictas propositiones, maiorem redolent laxitatem. Nemo itaque, nisi qui in meridie cæcuires velit, obtrudere iure valet, easdem propositiones esse damnatas prout iacent; non vero prout sunt in Auctoribus e quibus fuerunt decerpæ; quemadmodum scribit P. Gabriel Daniel in addito ad suam dissertationem de restrictione mentali, & confirmat P. Viva, & alii. Secundum est, ipsum *P. Sanchez* confutasse adversarios: quoniam, ait, restrictiones externæ, seu verba ambigua, & ab externo signo determinabilia, non semper occurrunt; ideo recurrendum est ad restrictionem mere internam: & ipse P. Viva hac utitur doctrina, ut vidimus, pro rusticis, seu hominibus ingenii minus acuti. *Quando tamen non occurrit commoda æquivocatio, aut restrictio externa, si causa sit gravis, rustici possunt usu duplicis scientiæ facile obvio veritatem occultare.* Viden? Quando rustici, & consequenter artifices, & communiter homines, nesciunt efformare æquivocationem, aut externam restrictionem; isti omnes utantur restrictione illa obvia cuique rudi, nempe duplicis scientiæ, seu *nescio ad dicendum, nescio ut manifestabile*: quod paucioribus verbis dici poterat: quando non occurrit æquivocatio, aut restrictio externa, utere interna. Idque magis patebit, si advertatur, P. Viva excludere omnem externam restrictionem: nam excludit æquivocationem, *quando non occurrit commoda æquivocatio*: reiicit quoque restrictionem anteriorem, quæ aut per verba ex se ambigua, aut per verba ex signo, vel circumstantia exteriori determinata, prodant sensum internum. Exclusis autem his omnibus exterioribus locutionibus, confugit ad usum notitiæ internæ incommunicabilis, & communicabilis, id est ad restrictionem internam, cum externam ut insufficientem jam rejecerit. Sed omnis restrictio mere interna est proscripta. Ergo &c.

XV. Obiicies. Quo pertinet tantum studii, ut *P. Sanchez* auctor probetur propositionum damnatarum? Id non aliud indicare videtur nisi vel similitatem, vel voluntatem detrahendi viro de Theologia optime merito. Nihil siquidem refert quod hic, vel ille Auctor docuerit sententias proscriptas, dummodo doctrina damnata reiiciatur. Resp. Hæc obiici posse a quibusdam minus in theologica facultate peritis, nullus ambigo. Verum ab illis quæto, cur tam sollicita Ecclesia sit,

ut

ut ostendat, quinque propositiones reperiri in IANSENIO, & in sensu IANSENII esse damnatas? Non sane ob aliam rationem, nisi quia, semel admissio non esse proscriptam doctrinam prout reperitur in Libro ex quo decerpta est, proscriptio Ecclesie frustranea esset, nihilque damnaasset: quoniam Iansenii affectus detestarentur, sicut reipsa se detestari asserunt, quinque propositiones proscriptas *ut iacent*; sed effutirent semper, sicut effutiant, illas non contineri in *Iansenio*, saltem eo in sensu quo proscriptæ sunt: & hac via possent impune infectam Iansenii doctrinam mentibus instillare. Quod effugium sapienter Romana Sedes occlusit, ut fidelibus suis damnatam doctrinam caveret. Porro, si in Iansenistis omnes detestamur hanc subdolum incedendi viam; cur in simili causa in aliis pariter improbanda non erit? Quod duæ propositiones, nempe 26. & 27. proscriptæ ab Innocentio XI. reperiantur in Libro *P. Sanchez*, evidentissime demonstratum est. Et nescio, an aliquod factum simile, de quo adhuc iuridice non constat, possit evidentius probari. Quo posito, iam responsio patet, me, non animo detrahendi *P. Sanchez*, sed desiderio liberandi fideles a periculo amplectendi proscriptam doctrinam, ostendisse in Libro *P. Sanchez* damnatas reperiri propositiones. *P. Sanchez* summo obsequio, ceu virum in Theologia, ac sacris Canonibus apprime versatum, suspicio, & pietate, morumque probitate ornatum veneror; sed subdo, in hoc innocenter errasse; subdo non errasse solum, sed errasse cum plurimis aliis & doctis, & gravissimis Theologis. Erravit defendens opinionem quæ, sin communior, satis communis erat. Nihil ergo fama, & decus tanti Theologi decrevit, quod docuerit opinionem quam ipse reputavit probabilem, & forte veram, quamve alii Theologi propugnabant. In id ergo curæ nostræ incumbunt, ut fideles a doctrina damnata avocemus: quoniam, si lectores, interpretationibus *P. Viva*, *Danielis*, & aliorum decepti, in praxim redcant quæ docet *P. Sanchez* de restrictionibus mentalibus; certissime, ut ego quidem arbitror, amplectuntur doctrinam ab Ecclesia proscriptam: quia certissimum est dictas propositiones damnatas in prefato Libro doceri absque ulla correctione. Et, quam verum id quod asserimus, sit, patet ex ipso *P. Viva*, qui, ut defendat propositiones proscriptas non reperiri in sensu proscriptionis in *P. Sanchez*, & aliis Auctoribus plerisque ab eodem *P. Sanchez* citatis, reipsa, ut probavimus, docet doctrinam restrictionum pure mentalium.

XVI. Id demum quod nos coegit plus iusto sermonem producere, est maxima causæ quam versamus gravitas. Si duos Libros integros exaravit Augustinus, ut controversiam de solo mendacio officioso, quod limites peccati venialis non excedebat, pro dignitate tractaret; non erit certe damnanda in nobis prolixitas, qui non solius mendacii, sed periurii gravissimi; non mendacii solius ob vitam proximi, aut propriam, aut salutem æternam obtinendam prolati, sed mendacii, &

perjurii perpetrati ob honorem, ob res familiares, merces scilicet marcescibiles custodiendas, causam gravissimam agimus. Quamobrem cum Augustino dicerem : Si questio mihi esset de solo officio mendacio, haudquaquam tam longum produxissem sermonem; maxime, si iuxta Cassiani limites, in extremo tantum casu vitam tuendi humanam mendacio uterentur homines: non quod vel in tali eventu mendacium adprobem. *Verum* (inquit Augustinus Lib. cont. Mend. cap. ix.) *quod fatendum est, ita humanos animos quedam compensativa peccata perturbant, ut etiam putentur debere laudari, ac potius recte facta dicuntur.* Quare dicerem adversariis: Si pro humana servanda vita, si pro conferendo sacro baptismate infideli animam agenti, restrictiones vultis adhibere mentales; eas, tametsi invitus, præterirem forte, aut non tam vehementer commoverer. At, cum in præsentia causam agamus de mendacio iuramento firmato, omnis postulat ratio ut non verbis, non prolixitati parcamus, quo periuria, quoad fieri potest, fugienda suadeamus. Dicam itaque cum Augustino laud. Lib. cap. xxi. *Aut ergo cavenda mendacia recte agendo, aut confitenda sunt penitendo; non autem, cum abundent infeliciter vivendo, augenda sunt & docendo. Sed eligat qui hoc putat, unde subveniat periclitanti homini ad quamlibet salutem qualiacumque mendacia; dum tamen & apud tales obtineamus nulla causa nos ad peierandum, & blasphemandum oportere perducere. Ista saltem scelera vel ampliora stupris, vel certe non minora iudicemus.*

XVII. Finem huic capiti impono aliis D. Augustini verbis, quæ mirum in modum quadrant in hæc nostra infelicissima tempora, quibus non mores ad leges, sed leges ad mores inflectuntur. Non modo periuria perpetrantur; sed, inquit Augustinus laudato Libro cap. xviii. *sunt in eis docti, qui etiam regulas figunt, finesque constitunt, quando debeat, & quando non debeat peierari. O ubi estis fontes lacrymarum? Et quid faciemus? Quo ibimus? Ubi nos occubabimus ab ira veritatis, si non solum negligimus cavere, sed audemus insuper docere periuria? Viderint enim insuper assertores, defensoresque mendacii, quale genus, vel qualia genera mentiendi eos iustificare debeat. Saltem in Dei cultu concedant non esse mentiendum, saltem sese a periuriis, blasphemisque contineant, saltem ubi Dei nomen, ubi Deus testis est, ubi Dei sacramentum interponitur, ubi de divina religione sermo promitur, hoc conferitur, nemo mentiatur, nemo laudet, nemo doceat, & præcipiat.*

C A P U T XV.

Aliæ causæ cur recentiores plurimi reipsa doceant restrictiones pure mentales, & consequenter mendacia. Refellitur explicatio qua P. La Croix interpretatur propositiones damnatas. Eius iudicium in P. Cardenas approbatur, atque in alios extenditur Auctores.

I. SECUNDA CAUSSA cur recentiores plurimi in errorem nolentes incidant restrictionis *pure mentalis*, & consequenter in mendacia, inde ortum ducit quod rerum ordinem pervertant, vilia pretiosis, & corporalia spiritualibus anteponentes. Hæc duo simul copulare etiam cum veritatis dispendio contendunt: custodiam secretorum naturalium, sacramentalis confessionis, aliarumque veritatum occultarum, quas caritas, prudentia, iustitia, & fidelitas celari iubent; & proprii corporis conservationem quam sartam tectam tueri volunt. Iura humanæ vitæ servandæ, & veritatis occultandæ illæsa consistent per illos oportet. Si autem alterutrum perire debeat; pereat veritas, & vita consistat. Si maritus, pugione districto, uxorem adulteram aggreditur, ut, iuramento dato, constiteatur adulterium perpetratum; neget se adulterium perpetrasse, atque negationem iuramento confirmet, ut vitam servet. Causam istam optime explicat Augustinus Lib. cont. mend. cap. XVII. *Quid quod vitæ huius tales amatores, ut eam non dubitent præponere veritati, ne homo moriatur, immo ut homo quandoque moriturus aliquanto serius moriatur; non tantum mentiri, sed etiam peierare nos volunt, ut videlicet, ne aliquanto citius transseat vana salus hominis, nomen Dei nostri accipiamus in vanum? Et sunt in eis docti, qui etiam regulas figant, sineque constituant, quando debeat, quando non debeat peierari.*

II. Porro ut hæc duo servant, paradoxon obtrudunt, omnium dolosissimum. Opponunt namque, consequi aliqua præcepta esse impossibilia, quæ est *hæresis Ianseniana*; nisi dicamus, licitum esse usum restrictionis mentalis, qua veritatem occultemus. Nam præceptum custodiendi sigillum urget: taceri non licet, quoniam ipsum silentium veritatem proderet. Ut loquamur ergo necesse est. Dicendum igitur, vel quod præceptum custodiendi sigillum sit impossibile; vel quod verba in tali eventu suam amittant significationem; vel quod relate ad scientiam incommunicabilem verba aliquem verum sensum contineant non manifestabilem. Ne multa: necesse est ut aliquis modus occultandi veritatem licitus sit. Hoc paradoxon fundatur in ordinis rerum perversione: siquidem istius doctrinæ Theologi pretiosa vilibus postponunt, noluntque sanguinis effusione sigillum obtegere, ut

Patres docent post Augustinum; sed verborum dumtaxat fallacia. Dicunt, istud esse iugum gravissimum humanam superans fragilitatem.

III. Hoc paradoxon ipsum, quo rerum ordo turbatur, sibi obicit Augustinus, illudque convellit Lib. cont. mend. cap. xviii. *In hoc errant homines quod subdant pretiosa vilioribus. Cum enim concesseris admittendum esse aliquod malum, ne aliud gravius admittatur; non ex regula veritatis, sed ex sua quisque cupiditate, atque consuetudine metitur malum, & id putat gravius quod ipse amplius exhorrescit; non quod amplius revera fugiendum est. Hoc totum ab amoris perversitate gignitur vitium. Cum enim due sint vite nostra: una sempiterna, quæ divinitus promittitur; altera temporalis, in qua nunc sumus: cum quisque istam temporalem amplius diligere cœperit quam illam sempiternam; propter hanc, quam diligit, putat omnium esse faciendam: nec ulla æstimat graviora peccata quam quæ huic vitæ faciunt iniuriam, & vel ei commoditatis aliquid inique, vel illicitè auferunt, aut eam penitus illata morte adimunt. Pluribus rationibus refellit Augustinus præfatum paradoxon, adducitque sibi exemplum mulieris Hierichuntinæ, quæ mentita fuit, ut vitam & suam, & hospitem servaret. Ostendit autem Augustinus, quod mulier illa, si vera fuisset Israelitis, debuisset sanguinis effusione & hospites, & veritatem custodire. Lib. cont. mend. cap. xvii. *An non posset interrogantibus dicere: Scio ubi sint; sed Deum timeo, non eos prodo. Posset hoc quidem dicere, si iam esset vera Israelitis, in qua dolus non esset, quod futura erat per misericordiam De transiens ad civitatem Dei. Verum illi hoc audio, inquit, illam perimerent, dum scrutarentur. . . Si tamen a suis civibus esset occisa pro misericordiæ opere, vitam istam finiendam pretiosa in conspectu Domini morte finisset, & erga illos eius beneficium inane non fuisset.**

IV. D. Augustinus nullo negotio elidit obiectum sophisma. Sigillum custodiendum docet, & sanguinem profundendum vult potius quam aut mentiendum, aut innocentes prodendos. Revolve omnes recentiorum Probabilistarum libros hoc de argumento, & vix unum reperies docentem mortem subeundam, sanguinem effundendum esse, ut evitetur periculum mendacii officiosi, excepta iustitiæ, & religionis materia. Quæ, ait Augustinus, huic vitæ mortali nocere possunt, summo opere horrent: vitam ipsam nimis pretiosam faciunt. Ex quo principio sequitur, eos obicere ut impossibilia illa præcepta quæ aliquando observari nequeunt; nisi cum periculo vitæ: de quibus infra.

V. Tertia causa deceptionis est, quod unicum, & peculiarem Confessarii casum permisceant cum alijs casibus. Porro, simul atque de æquivocationibus, & restrictione mentali sermonem instituunt, casum Confessarii, vel Principis Secretarii opponunt. Custodia sigilli confessionis iuris naturalis, divini, & humani est. Debitum conservandi hocce sigillum cuicumque alteri debito præc. Hinc homi-

nes christianæ professionis erga istius sigilli custodiam maxima præoccupatione ; alioquin iusta, præventi sunt. Qua de causâ facillime credunt, & absque debito examine excipiunt quidquid pro istius sigilli custodia in libris legunt. Hoc igitur Confessarii exemplo mens humana persuasa, ad credendum usum duplicis scientiæ communicabilis, & incommunicabilis, aut usum materialem verborum licitum esse, iam veluti quodam pondere pressa inclinât ; immo in errorem incidit, quo iudicet, omnibus indiscriminatim hominibus pro occultanda veritate licere iis uti loquendi formulis quas pro custodiendo sigillo Confessarii usurpant.

VI. Plura, immo innumera, proferre possem documenta, quibus hanc quam insinuavi erroris causam munirem. Unum aut alterum referam. P. *Gabriel Daniel*, qui communem Theologorum sensum exhibet in sua de restrictione mentali *disser.* part. 1. num. 1. hæc habet. *Quod de Confessario dico, transferas licet ad res alias, sive de arcano gravi agatur, sive de iudice, qui iuxta iuris leges, & formulas non interrogaret, vel absque auctoritate, & legitima potestate. Eademque ratione de sexcentis questionibus ad mores spectantibus iudicandum.* Alii Auctores expressius id docent ; quin ampliori potestate, & privilegio donant rudes homines, ignorantes artificium amphibolarum. Statuunt namque pro istis satis esse ut veritatem occultare intendant iuxta unum ex tot modis quos Theologi adinvenerunt pro veritatis occultatione. Sic *Filiucius* tract. xxv. cap. xi. num. 323. *Pro rudibus qui nesciunt in particulari concipere amphibologiam, satis est, si habeant intentionem affirmandi, vel negandi in sensu qui contineat reapse veritatem, ad quod necesse est ut saltem in universale sciant se posse negare in aliquo vero sensu, Videntur?* Inventus est tandem verus sensus non solum occultandi, sed etiam negandi veritatem. Idem docent P. *Viva*, *Castropalaus*, & communiter recentiores pluri. Porro infra ostendemus, casum Confessarii absolute esse peculiarem. Plura vel de ipso Confessario, quæ a mendacio purgari nequeunt, docent. Perperam ex Confessarii paritate colligunt, quosque homines posse usurpare usum duplicis scientiæ, communicabilis, & incommunicabilis.

VII. Ultima tandem causâ cur recentiores in hac quæstione decipiantur, est falsissima explicatio qua interpretantur propositiones damnatas : quæ vana interpretatio ortum ducit ex prima, quam explicuimus capite præcedenti, causâ. Nolunt, ut vidimus, has propositiones esse damnatas prout sunt in Auctoribus, sed ut iacent : & ideo excogitarunt aliquem sensum extraordinarium, in quo illas damnatas fuisse propugnant. Dicunt itaque damnatas esse propositiones 26. & 27. hoc in sensu, videlicet si quis restrictionibus *pure mentalibus* utatur ad quemcumque finem, sine ullo delectu, seu ob quamcumque necessitatem, vel utilitatem. Sic P. *La-Croix* *Lib. III. par. 1. cap. 11. dub. 4. §. 11. num. 294.* „ Cum

„propositio (inquit) 27. damnata dicat, *Causa sufficiens utendi his amphibologiis*, hoc ipso quod dicat *his amphibologiis*, sufficienter significat quod per amphibologias prohibitas intelligantur restrictiones illæ pure mentales de quibus „habebat propositio 26. immediate damnata: *additque hæc damnatio, non esse licitum illis uti ob quamcumque necessitatem, vel utilitatem.*“ His ultimis verbis Auctor iste indicat, nos non debere uti his amphibologiis ob quamcumque necessitatem, vel utilitatem, nimirum sive gravem, sive levem; seu, clarioribus verbis, prohibitum esse illas restrictiones usurpare, qualibet data occasione, & extracalum gravissimæ, & extremæ necessitatis. Et, quamvis verba, quibus P. La-Croix suam exprimit interpretationem, sint subobscura; attamen hunc esse eius germanum sensum, colligitur ex eius doctrina, qua statuit, causas graves efficere ut restrictio non sit *pure mentalis*, & contra, causas leves reddere amphibologiam *pure mentalem*. Hoc iam demonstratum est. Lege quæ docet *ibidem* §. 7. num. 209. ubi ait: „Quando non sunt valde graves causæ ita restringendi, si fiat restrictio . . . erit *pure mentalis*.“ Lege quæ scribit *Lib. VI. num. 1687.* „Extra „hos autem similesque gravissimos casus foret mendacium sic uti vocibus.“ Con-
sule quæ dixi *cap. x. & cap. v.*

VIII. Hanc interpretationem, a P. La-Croix paucis, & subobscuris verbis traditam, apertius docent alii. Pluribus omisiss, describam interpretationem quam non ita pridem dedit Auctor Allegationis editæ in defensionem Patris Cattanei adversus sæpius laudatum P. Orsi. Ille autem ita scribit §. 27. „Tropo mal si „appone chi pensa, essere state generalmente dannate, come cose scandalose; „tutte le locuzioni ambigue, gli equivoci, le restrizioni, perchè tali cose si no- „minano nelle proposizioni 26. 27. e 28. dalla santa memoria d'Innocenzo XI. „meritamente pros critte. Al qual pensiero sembra in più luoghi aderire il P. Or- „si senza riflettere, che posto ciò dovrebbe riputar condannati anche i suoi equi- „voci di seconda spezie, che non sono eccettuati per privilegio. *Che però lo scan-* „*dalo di quelle proposizioni consiste nel dare tali cose per licite, come suol dirsi,* „*a tutto passo, cioè a dire, per qualunque fine, a titolo di qualunque utilità, ed* „*anche in occasione che la verità vien cercata con tutta giustizia, come ogni uno* „*può comprendere dal senso naturale ed ovvio delle stesse proposizioni, ancora sen-* „*za grande studio su di que Theologi che ne han fatto esame diligentissimo.*“ Quæ sic latine verto. „Valde aberrat qui existimat, generatim damnatas fuisse, tam- „quam scandalosas, omnes locutiones ambiguas, æquivocationes, restrictiones- „que, quoniam hæ nominantur in propositionibus 26. 27. 28. a sanctæ memo- „riæ Innocentio XI. merito pros critptas. Huic sententiæ accedere videretur P. Or- „si, quin recogitet, hoc admissio, debere reputari damnatas etiam suas æqui- „vocationes secundi generis, quæ privilegio non sunt exceptæ. *Quare scanda-*
„*lu*

„ *lum illarum propositionum eo pertinet, ut frequentissimum, & assiduum earum-*
 „ *dem usum suadeamus, nimirum ob quemlibet finem, & cuiusque utilitatis titulo,*
 „ *atque vel in ipso casu quo veritas iuste quærat: quemadmodum quisque ex*
 „ *nativo, & obvio earundem propositionum sensu colligere potest. Neque ad id*
 „ *opus est ut eos Theologos consulat qui accuratissimo propositiones illas examini*
 „ *subiccerunt.* “

IX. Plura hic animadversione digna sunt. Primum quod Auctores isti nolint esse damnatas propositiones, ut sunt in Auctoribus, e quibus abstractæ fuerunt. Et ex hoc impotenti affectu erga Auctores illarum propositionum prodierunt tot absurda commenta. Quæso, ne pigeat, quæ citatus Anonymus ex P. La-Croix, aliisque commentatur, serio expendere.

X. Porro, ut quam exitialis sit illius interpretatio, clare percipiatur, attendamus oportet quid reipsa Pontifex damnaverit in prælati propositionibus. Certum est Pontificem damnavisse restrictiones mentales in eisdem propositionibus recensitas, *tamquam mendacia*, & iuramentum illis additum, tamquam periurium. Id evidentiissime colligitur ex ipsa propositione 26. in qua dicitur, quod utens restrictione mentali, *revera non mentitur, nec est periurus*. Hæc assertio dampnata est. Ergo verissima est eius opposita, nempe, qui utitur amphibolia pure mentali, *revera mentitur, & est periurus*. Adeo id evidens est, ut vel ipse P. Viva in commentariis ad easdem propositiones illud adfirmet conceptis verbis num. 1. *In utraque hac thesi usus restrictionis pure mentalis damnatur a Pontifice, ita ut quocumque fine, & qualibet ex causa illicite fiat, non secus ac mendacium in quocumque casu illicitum est; immo declaratur, hanc amphibologiam, seu restrictionem pure mentalem esse revera mendacium, & iuramentum illi additum esse periurium*. Idem conceptis verbis docet P. Cardenas diss. XIX. cap. III. num. 28. *Ex censura Innocentii XI. lata in eam propositionem 26. clare constat eas restrictiones mentales esse mendacia, ut patet ex illis verbis, Nec mentitur, neque est periurus: quorum verborum assertio damnatur ut scandalosa. Et consequenter propositio contradictoria asserenda est Magistro Romanæ Cathedræ, nempe quod qui utitur ea restrictione mentali, & sub ea iurat, mentitur, & est periurus*.

XI. Ex hoc solo principio evidentiissime patet, Auctorem Anonymum, defensori P. Cattanei, docere, mendacia quandoque esse licita: quod ceteroquin ipse non concedit. Nam ille docet, prohibitum dumtaxat esse usum assiduum (*a tutto passo*) restrictionum, seu amphibologiarum damnatarum. Sed hæc amphiboliæ damnatæ sunt ut mendacia. Ergo Auctor iste docet, damnatum esse solummodo assiduum mendaciorum usum, ob quemcumque finem, & utilitatem; secus usum rarum, & urgente gravissima causa. Ergo docet aliquando mendacia licita esse. Hæc illatio necessario sequitur ex illius doctrina: & adeo evidens, ac manifesta

mitari debent. Huic iudicio La-Croix subscribo; & addo plurimos recentiores, quos inter P. Viva in propositionum damnatarum commentariis, cautissime legendos esse. Item caute legendum admoneo P. Patritium Sporer, qui contra pium sincerumque monitum P. La-Croix lectoribus proponit P. Cardenas tamquam magistrum, & interpretem propositionum damnatarum. En verba Sporer tract. 111. in Decalog. cap. 1. sect. 3. resol. 1. num. 106. pag. 216. *Alios casus difficultiores in praxi lege apud famosum P. Io. de Cardenas Societatis Iesu in Crisi theologica Colon. impress. 1692. diss. xix. cap. vi. hic satis liberalem, & dihas propositiones fuse explicantem. P. La Croix caute legendum Cardenas admonet; P. Sporer suscipiendum, ut magistrum famosum, suadet. Illius in hac materia laxitatem vocitat liberalitatem, quam se sequi gloriatur loc. cit. num. 100. Nihilominus, inquit, in re maxime practica, & Confessariis scitu summe necessaria (salva reverentia sanctæ Sedis) audeo tibi quod audet Io. de Cardenas in Crisi theol. hic diss. xix. & alii moderni Doctores præfatas propositiones, prout iacent, nimis laxas explicantes. Et, quod peius est, non solum Sporer colligit ea quæ scribit, ex Cardenas, & aliis, qui vixerunt post Innocentium XI sed ex P. Sanchez, Lessio, Tamburino, & aliis, qui restrictiones damnatas docuerunt ante dictum Pontificem. Nec tantum P. Sporer, sed etiam plurimi recentes eadem via incedunt, & iisdem principiis omnino utuntur ac utebantur Auctores ante Innocentium XI. Dicunt, se relicere propositiones proscriptas, ut sonant, ut iacent; verum reipsa easdem docent, vocibus tantum variatis. Quare plurimos recentiores, & eos maxime qui minori, in conspectu maioris, probabilitati adhærent, caute legendos esse, iterum suadeo in hac materia, ut mendacia, & periuria vitentur. Nam ex his quæ hucusque dicta sunt, evidenter constat, eo pertinere sententias plurimum recentiorum, ut ostendant non esse mendacia ea quæ mendacia antiqui vocabant, & quæ revera sunt; ut vel ex ipso Caramuel sequenti capite dicemus. Id tamen innocentissime præstiterunt, quemadmodum sentire nos convenit; sicuti innocentem errarunt qui docuerunt restrictiones pure mentales.*

CAPUT XVI.

P. Didacus de la Fuente Hurtado propugnat restrictiones PURÆ mentales esse licitas ex causa honesta, etiam postquam INNOCENTIUS XI. has restrictiones damnavit. P. Carolus Antonius Casnedi docet restrictiones PURÆ mentales non esse damnatas.

I. **N**eminem inter Probabilistas legere licuit qui tam aperte restrictiones pure mentales damnatas ab Ecclesia propugnet, ut *P. Didacus de la Fuente Hurtado*. Contra *P. Carolus Antonius Casnedi* non defendit restrictiones pure mentales ut licitas, sed aliud paradoxon docet, nempe non esse ab Ecclesia damnatas. Ne consueta puerili impostura clamitent Probabilistarum aliqui, nos minus sinceros esse in recensendis iuniorum laxis opinionationibus, verba Hurtadi, & Casnedi transcribo.

II. *P. Didacus de la Fuente Hurtado* in sua *Theologia Reformata* diff. xv. cap. v. in ipso capitis titulo hæc discutienda proponit. *Qua ratione RESTRICTIO PURE MENTALIS adhibita ex causa idonea excusari possit a mendacio?* Cui propositioni continuo respondet. „Rationem excusationis attigimus num. 26. inde petitam quod ex terminis vocabulis, ac mentalibus una oratio construi potest in „se vera; quamvis voces componentes ipsam falsæ sint, si absque ullo addito, „tam interno, quam externo, & ad modum orationis integræ a loquente proferrantur.“ Nec veretur Auctor iste SS. Gregorium, & Thomam iu tanti erroris patrocinium allegare.

III. Post adductam S. Gregorii auctoritatem sic pergit num. 42. *Unde sic a priori disputatione. Sola falsa significatio verborum non sufficit ad mendacium absque intentione fallendi, ut ex recepta illius definitione patet. Sed in nostro casu loquens falsam verbi significationem non profert cum intentione fallendi: nam si hoc faceret, proculdubio mentiretur: sed solum cum intentione proferendi quamdam sui conceptus partem, & occultandi aliam, quam absque præiudicio manifestare non potest. Ergo revera non mentitur coram Deo, qui eius intentionem novit, etsi hominibus qui illam ignorant, aliud videatur.* Si hæc vera sunt, nemo in mundo mendax, illis exceptis qui, nulla urgente causa, mendaciis sunt assueti. Quisque mentitur, ut veritatem, cuius manifestatio damnum parit, occultet. Loquens in hoc casu falsam non profert significationem cum intentione fallendi? Cur falsam profert significationem, nisi ut audientem fallat? Intentio fallendi in mendacio non alia est nisi illa qua falsa verborum significatione occultatur interrogatori veritas. Cedo: cur falsa verborum significatione utitur loquens? Ut interrogator nequeat

queat

queat veritatem assequi. Ergo eum fallit, decipitque loquens, qui hanc deceptionem postea dirigit ad veritatis occultationem. Cuiusque mendacii finis est occultatio veritatis, media falsa verborum significatione, qua deceptus interrogatus nequit veritatem percipere. Explicat suam doctrinam P. Hurtado ibidem num. 43.

IV. Explicatur. Qui iusta necessitate coactus dicit cum restrictione mentali se non fecisse quod fecit, non profert ea verba cum intentione negandi factum secundum se, & absolute, nec cum intentione affirmandi se habere intra mentem iudicium absolute negativum talis facti, aut persuadendi alteri se illud habere, sed solum cum intentione occultandi veritatem facti, negando ipsum, non utcumque, sed cum addito restringente, ac verificante negationem eius. Ergo revera non loquitur, prout opus est ad mendacium cum intentione fallendi. Quippe vox illa, Non feci, quantum est de se præcisè indifferens est ad negandum cum addito, & absque illo: nec mendax censeri potest, nisi constat absque ullo addito prolatam esse. Atqui id non constat præcisè ex prolatione illius: nam aliqui illo qui fecit alia die id de quo loquitur, & proinde dicit veraciter, Non feci heri, mentiretur statim, ac dicit, Non feci: neque ulterius esset spectandum, an quidquam aliud adiciat, quo sua verba restringantur, & ita verificentur. Deinde nec constat ex eo quod additum sit occultum: nam quod est occultum aliis, non est occultum loquenti: & id sufficit ut ipse intendere possit loqui in isto sensu, & non in alio. Ergo, si restrictio verificans sit publica, seu PRORSUS OCCULTA, semper aberit intentio fallendi.

V. Te admonet, se loqui de restrictione prorsus occulta mentali. Quia licet sit prorsus occulta audientibus, non est tamen occulta loquenti. Est ne, mi Pater, aliquod mendacium occultum loquenti illud? Nec est quod opponas. Qui manifeste negat se fecisse id quod fecit, negatio verbalis non cadit supra id quod in mente retinet, sed præcisè supra illud quod voce, ac verbis expresserat. Sed hoc modo non expresserat, nisi factum absolute, non factum externum. Ergo factum absolute negat; quod est proculdubio falsum. Nam licet in mente addat vocabulum istud *beri*, illud non restringit orationem prolatam; cum non sit pars, modificatio, aut complementum eius. Siquidem illud *beri* subsistit omnino intra mentem. Ergo nequit restringere orationem externam.

VI. Ad hæc respondet his verbis num. 45. *Suadent ista; sed non plane persuadent . . . quia sacramenta etiam collocantur in genere signi sensibilis: nihilominus ex rebus sensibilibus; & insensibilibus adæquate componuntur, ut Eucharistia ex speciebus visibilibus, & Christi corpore, quod nullo sensu ibidem potest percipi . . . Tum ulterius MISSA non est unum per meram aggregationem, ut lapides in acervo, sed totum quoddam artificiose compositum . . . & tamen non solum constat ex vocibus intelligibilibus prolati, sed ex orationibus partim vocalibus, partim mentalibus, partim alta voce prolati, & partim DICTIS SECRETE.*

VII. Infanirem ipse, si hæc refellerem. Rescripsi, ut *palam* omnibus sit; quæ mens humana excogitare valet ad eludenda manifestissima Ecclesiæ oracula. Quo autem evidenter pateat, doctrinam istius Theologi damnatam ab Ecclesia esse; sub oculis revoca propositionem damnatam 26. *Si quis, vel solus, vel coram aliis, sive interrogatus, sive propria sponte, sive recreationis causa, sive quocumque alio fine iuret se non fecisse aliquid quod revera fecit, intelligendo intra se aliquid aliud quod non fecit, vel aliam viam ab ea in qua fecit, vel quodvis aliud additum verum, revera non mentitur, nec est perjurus.*

VIII. Quid ad hæc P. de la Fuente Hurtado? Respondet cap. VIII. num. 73. *Scopus Pontificis non fuit damnare opiniones communi Doctorum calculo post diligens examen ab antiquo receptas, tamquam probabiles, securasque in praxi.* Quid intelligit communi Doctorum calculo ab antiquo receptas? In nullo Auctore, nisi in P. Sanchez, adducta propositio damnata reperitur. Quæro, an Pontifices damnarint propositiones quas docuerunt Theologi Europæi, aut Theologi Iaponenses, Sineses, Persæ, Aegyptii. Etiam Iansenistæ clamitant, non damnassee Ecclesiam propositiones quas docuit Iansenius. Et tamen vi ratiocinii, & critices severæ non minus evidens est in P. Sanchez, & ceteris Casuistis reperiri propositiones damnatas ab Alexandro VII. & Innocentio XI. ac reperiantur quinque propositiones damnatæ ab Innocentio X. in Iansenio. Ansam ergo porrigit P. de la Fuente Hurtado Iansenistis imitandi ipsum in eludendis pontificiis decretis.

IX. Ut paucis rem expediam, P. de la Fuente non modo docet licita mendacia (restrictiones enim *pure* mentales, ipso P. Viva iudice, sunt putida mendacia) sed has restrictiones *pure* mentales aperte asserit doceri a S. Augustino, a S. Thoma, a S. Gregorio. Lege eum *loc. cit. cap. vi. num. 57. pag. 306.* Defensores mendaciorum docebant, eadem licita esse ad tuendam vitam, pudicitiam, ad evitandam alterius mortem; P. de la Fuente Hurtado docet diss. XVI. cap. II. num. II. *satis esse necessitatem* assimilem ei quæ sufficit, & desideratur ad iurandum honeste, & absque peccato veritatem exploratam. Quæ ergo causa sufficit ad iurandum, sat est ad mentiendum. Si plura cupis, lege ipsum, & peiora invenies.

X. P. Carolus Antonius Casnedi *Tom. V. disp. IX. sec. 4.* quærit, *Num PURA restrictio sit ab Innocentio XI. damnata?* Respondet vero num. 75. his verbis. „Ce-
„lebris inter alios modos non mentiendi, simulque non dicendi verum, est PU-
„RA restrictio, negando absolute per verba, simulque limitando per mentis ad-
„ditum ipsam vocalem negationem. Stetere pro licito restrictiois PURÆ usu
„magni nominis Theologi, inter quos P. Suarez, P. Sanchez, P. Lessius, P. Di-
„castill. P. Moya, P. Raynaudus.“ Post pauca hæc adiecit num. 80. *Id seqq.*

XI. „Operæ pretium est modo ostendere quod hæc Doctorum de PURA men-
„tis restrictione sententia non coincadat cum 26. damnata. Nam de eius licentia,

„ aut

aut non licentia §. sequenti. Dico igitur hanc de *PURA mentis restrictione* sententiam non esse ab Innocentio XI. damnatam. Ita expresse P. de la FUENTE, qui solide probat non esse damnatam, quin insuper vult adhuc hodie licitam, quoties instat gravis necessitas; quam tamen secundam partem ego non approbo. . . . Ostendo igitur conclusionem primo. Quia Papa damnat de perjurio, & mendacio restrictionem limitatam clausulis in 26. damnata adiectis. Sed nemo Doctorum, quos citavi, & citare possum, si attente legantur, & multo minus ego admitto restrictionem adiunctis clausulis in 26. contentis. Ergo nec ego, nec illi, admitto damnatam. Ergo opinio de *PURA restrictione*, libera ab omnibus circumstantiis in 26. damnata adiectis, non est damnata. . . . Ostendo secundo. Quia æquali iure dici potest damnata restrictio non pura, seu sensibilis, ac dicitur damnata *PURA restrictio*. . . . *Miseræ sane* (concludit num. 91.) *famosorum conditio Doctorum*; si vel transcriptis ex alio, non lectis in fonte, vel lectis, non tamen intellectis, iisdem a superficialibus lectoribus assuantur opiniones quas non tantum non docent, sed detestantur."

XII. Hæc rescribere volui, ut Iansenistis ora obstruerem. Clamant isti, in P. Thoma Sanchez ambas damnatas propositiones 26. & 27. evidentius reperiri quam quinque propositiones damnatæ reperiantur in Iansenio. Et, si auctoritas Ecclesiæ (quæ tamen cuique rationis momento prævalet) seiungatur, & sola ratiocinii humani critice factum decidatur, certum est citatas duas propositiones omnibus clausulis, nec unâ dempta, vestitas reperiri in P. Thoma Sanchez luculentius quam quinque reperiantur in Iansenio. In utroque re ipsa extant. In Iansenio quinque reperiri, declaravit Ecclesia. Quod in Sanchez reperiantur ambæ duæ dampnatæ, ut iacent, definiunt oculi. Neque in P. Sanchez quidquam præcedit, aut sequitur, quod errorem, & laxitatem propositionum temperet. Sciant ergo Iansenistæ, hallucinationem esse P. Calsnedi, & P. de la Fuente, qui negare parati sunt lucere in meridie solem. Quare fatemur nos, Ecclesiam damnavisse propositiones quæ excerptæ fuerunt ex libris Casuistarum, non illas quas nemo docuit. Dicat P. Carolus Antonius Calsnedi, nos esse *lectores superficiales*. Esto. Sint Auctores propositionum damnatarum *famosiores Doctores*. Hæc omnia P. Calsnedi donamus. Interim dico, hoc eius prædicum studium scandalum maximum, & Iansenistis potissimum, & ceteris omnibus ingenerare. Abrumpere scriptionem volui, ut post vices centum adhuc alia vice P. Sanchez legerem. Et factum reperi, sicut alias, evidentissimum. Quare imponit lectoribus P. Calsnedi, & fide publica evidenter abutitur, dum negat in P. Sanchez damnatas reperiri ambas propositiones. Inveniat P. Calsnedi vel unum alium Auctorem, qui laudatas propositiones clarius, & prius quam P. Thomas Sanchez docuerit. Nec unum inveniet. Consistas ergo pro-

propositiones damnavit Ecclesia. Nam istorum Probabilistarum iudicio non reperiuntur in Auctoribus, unde dicuntur excerptæ. Nullibi ergo sunt.

XIII. En, lector christiane, nostrorum temporum calamitas. Laxæ & scandali plenæ cuduntur propositiones. Si ab Ecclesia non damnantur, Probabilistæ clamant: Non est proscripta opinio: Auctores *famosiores* illam docent: ergo probabilis. Si Ecclesia illam damnat, vocem extollunt: Quid? Ecclesia non damnat propositiones quas *famosiores Doctores* propugnant. Incredibilia hæc videntur. At res facti est manifesta. Heinc consequitur, fideles plures doctrinis ab Ecclesia proscriptis dirigi. Quoniam, licet *P. Casuisti* usum non defendat restrictionis *pure mentalis*; hunc tamen usum defendit *P. de la Fuente* ut licitum: atque adeo licita mendacia, licita periuria propugnantur, sola verborum circuitione adiecta, qua dicunt, mendacia non esse mendacia, periurium non esse periurium. Etiam in propositione *P. Sanchez* dicitur, non mentiri, non peierare eum qui mentali restrictione utitur. At Pontifex, damnando eam propositionem, declaravit in eadem mendacium, & periurium reperiri. Quibus commentis eludunt has duas propositiones, iisdem obscurant, & in nihilum redigunt alias, ut doctrinam semel defensam immunem asserant ab omnibus censuris. Plura dicenda forent, quæ prætereo. Te dumtaxat admoceo ut ab eiusmodi Auctoribus tibi caveas.

C A P U T XVII.

Quæ vera nobis videtur, sententia proponitur. Licita est amphibolia quæ aut vi verborum, aut vi circumstantiarum duplicem patitur sensum, utrumque ab auditore intelligibilem. Non omnes veritates possunt semper amphiboliis occultari. Error recentiorum plurimum hac de re manifestantur. Variæ regulæ pro plena questionis intelligentia, & pro praxi assignantur.

I. **F**acillimum fuit aliorum opiniones refellere; sed difficillimum est limites definire certos, intra quos amphibolia cohibeatur. Omnes improbare amphibolias, omnesque adprobare, æque ferme periculosum est. Hic ergo labor, hoc opus est, ut extrema vitentur tum mendacii, tum violationis fidei datæ, & ut amphiboliz externæ a restrictionibus mere mentalibus secernantur. Inter innumeros Auctores qui hoc de argumento scripserunt, paucissimi sunt qui rem acu attingerint. Nam defensores restrictionum mentalium, *Sanchez, Sancius, Tamburinus,*

Lef-

Lessus, & etiam defensores plurimi restrictionum quas non pure mentales vocant, eas licitas in omnibus fere vitæ civilis actionibus, in quibus aliqua causa occultandæ veritatis occurrat, propugnant; ut cuilibet eisdem legenti patebit. Alii extrema opposita via incedunt: omnem siquidem usum amphibolarum damnant: inter æquivoca verba, seu æquivocam locutionem, & restrictionem mentis, sive internam sive externam, nihil distinguunt; sed omnia in unum permiscunt, & confusionem maximam lectoribus pariunt. Utriusque nos sententiæ extrema devitabimus. Atque ut sententiæ quam reputamus veram, viam sternamus, quæ penes omnes certa sunt, præmittamus oportet.

II. Primo extra controversiam est restrictiones mentis quæ & absolute, & circumstantiis inspectis, intra mentem sistunt, nulloque modo ab audiente percipi queunt, fuisse ab Ecclesia proscriptas tamquam mendacia. Et, licet quidam scribant, esse prohibitum usum earundem dumtaxat *a tuto passo*, idest continuum; id tamen ceu falsum omnino, & proscriptum reprobamus.

III. Secundo certum est aliquam locutionem esse falsam secundum se, veramque fieri ex circumstantiis interrogationis. Puta, si Confessarius roget Titium consistentem peccata sua, an fornicationem, furtum, aliaque peccata perpetraverit; & iste respondeat se nequaquam illa peccata commisisse; vera responsio est, licet aliquando illa commiserit, & confessus eadem fuerit. Quia ex circumstantia confessionis externæ, & realis, in qua sola peccata commissa, & nondum confessi, panduntur, iuxta communem intelligentiam interrogatio est de his solis peccatis. Quare Titius respondens se eadem peccata non commisisse post ultimam confessionem, ad mentem respondet Confessarii. Similiter, si Petrus interrogatus a servo, sollicitè per vicos & plateas dominum suum requirente, an illum viderit, respondeat, se non vidisse; quamvis heri, alioque tempore milles illum viderit; vera est responsio: quia ex circumstantia externa sollicitæ, & anxie inquisitionis patet eius interrogationem esse de visione sui domini hic & nunc, ita ut ex responsioneprehendere queat ubi nunc reperitur. Et, si Petrus responderet famulo, se heri vidisse dominum illius, famulus sibi illud existimaret. Hæc autem vera sunt iuxta communem omnium intelligentiam, ac proinde licita. Porro in hoc errant recentiores plurimi, quod ex his peculiaribus casibus inferunt regulam universalem, ut iam iam explicabimus.

IV. Amphibologica locutio ea est quæ varios patitur sensus, quamque qui loquitur, aliter intelligit ac intelligendam prospiciat ab illo qui audit; ea tamen intelligi ab eodem potest; vel certe valet alter advertere esse ambiguum orationem; adeoque aliis interrogationibus urgere potest respondentem ad prodendam veritatem. V. g. quando Abraham dixit, Saram sororem esse suam: si Pharaos advertisset ad illud verbum, *soror*, intellexisset esse verbum æquivocum, aliaque esse

esse sorores ex patre, alias ex fratre, vel nepote; & hac via incedere potuisset ad cogendum Abrahamum ut veritatem manifestaret, si manifestabilis fuisset absque peccato.

V. Tandem certum est nunquam licitum esse uti amphibolia sine iusta causa (id omnes fatentur) quando loquens utitur oratione amphibologica in sensu quem non percipiendum confidit ab audiente. Si enim utatur amphibolia in eo sensu quem credit, & prospicit intelligendum ab audiente; tunc non est proprie amphibolia, quia qui ad mentem, & iuxta intentionem interrogantis loquitur, & respondet: candide, & sincere loquitur, nullaque esse de peccato suspicio potest. His præmissis, quæ nobis videtur vera sententia proponitur.

VI. *Licitum est locutione amphibologica, seu æquivocatione, qua aut vi verborum, aut ratione circumstantiarum, iuxta communem intelligentiam, plures excipit sensus intelligibiles ab audiente, veritatem occultare; sed non semper hæc amphibolia occurrat, neque semper sufficit ad occultandam veritatem, potissimum dum interrogans urget ut sine æquivocatione loquamur: propterea alia via occultanda sunt secreta quæ absque peccato revelari nequeunt.*

VII. Hæc nostra sententia duplici constat membro. Primum nihil peculiare continet, nec video ab aliquo negari posse. Constat enim & exemplis allatis, & pluribus ex ipsa Scriptura adducendis, licitam esse illam æquivocationem quæ sensus plures patitur ab audiente aut vi verborum, aut circumstantiarum ratione intelligibiles: quia re ipsa talis locutio habet hos varios sensus, iuxta communem hominum intelligentiam; quamquam non semper quilibet audiens advertat ad sensum quem loquens intendit: quod contingit ex eiusdem audientis oscitantia, aut hebetudine. Quando autem vel crimen, vel secretum, vel quodpiam aliud factum, occultandum ex iustitia, aut caritate, excipiat locutionem amphibologicam, seu verba æquivoca, non potest a nobis definiri, neque certa regula præscribi. Sed quisque in praxi consulere suam conscientiam debet, ad veritatis regulas respiciendo. Ita docet Sotus Lib. de tegen. sec. memb. 111. quæst. 111. concl. 7. *Interim tamen, si percurratur quis, quibus amphibologiis poterit se miser tueri, non possumus illas sagillatim colligere; sed pro sua quisque peritia, & prudentia illas poterit excogitare.*

VIII. Secundum sententiæ nostræ membrum punctum præcipuum; ac quasi dixerim, unicum præsentis quæstionis spectat, atque declarat. Illud adversatur communi doctrinæ recentiorum, qui, ut diximus supra, quia copulare volunt semper & custodiam sigilli, & conservationem vitæ, volunt quoque semper, & pro quacumque veritatis alicuius momenti occultatione, adesse amphibologicas locutiones, quibus veritas occultetur. Neque enim ipsi ex natura ipsius peculiæ facti, quod re ipsa æquivocationem suscipit, inferunt licitè adhiberi posse amphiboliam exteriori;

rem; sed absolute statuunt, quodcumque factum, seu crimen, & quamcumque veritatem non manifestabilem admittere æquivocationes externas, hoc ipso quod veritas non debeat manifestari, & communicari. Nos contra dicimus, aliqua facta sua natura admittere æquivocationem, seu verba duplicis potestatis, aut sub talibus circumstantiis interrogationes aliquando fieri quæ plures sensus habere possunt: & tunc affirmamus licitum esse, iusta urgente causa, occultare veritatem beneficio locutionis amphibologicæ, ab audiente, si advertat, intelligibilis. Exempla rem manifestabunt. Abraham amphibolia occultare potuit licite matrimonium: quia revera Sara soror illius non ex matre, sed ex patre erat: quæ consanguinitas apud Hebræos sufficiebat ad sororis veram appellationem. Quod si tali consanguinitatis vinculo iuncti non fuissent, minime tali amphibolia celare matrimonium potuisset. Christus dixit: *Ego autem non ascendam ad diem festum istum*: quia revera erant plures dies festi, & primus celebrior erat atque solemnior, ad quem invitabatur Christus: qui sincere respondit ad illam solemnem festivitatem se non ascendere, quia nondum tempus suum advenerat; tacuit vero suum ascensum occultum post alios dies faciendum, quando tempus suum impletum iam esset. Dum Sacerdos qui simul est Confessor, interrogatur, an sciat homicidium, aut aliud delictum perpetratum; sincere & vere respondet se illud ignorare, quamvis illud in confessione audierit: quia iuxta communem intelligentiam omnium Christianorum non interrogatur ut Confessor, sed ut ceteri homines. Hæc omnia paucioribus verbis explicat P. Dominicus Soto, qui, ut mea præfert opinio, præ omnibus Theologis controversiam hanc feliciter versavit, & ad Ecclesiæ mentem proximis sua doctrina hac in materia accessit. Inquit ergo de teg. sec. memb. 111. quæst. 111. concl. 7. *Si verba non occurrunt, quibus per æquivocationem, usu hominum receptam, citra mendacium celari possit crimen; mori debet, antequam mentiatur.... Dicitur Sanctorum eo tendunt, ut prohibeant responsa per verba quæ nullum possunt facere verum sensum, secundum significationem usu receptam: quippe quæ non possent a mendacio ulla ratione excusari.*

IX. Clarius explicatur discrimen quod nostram inter & recentiorum opinionem intercedit. Recentiores, ut vidimus, non ex facti natura, neque ex circumstantiis revera extrinsecus advenientibus, quæ veritatem ipsam, ut sic dicam, afficiant, sed ex causis, seu damno quod manifestationem veritatis consequitur, inferunt, restrictiones non esse pure mentales. Exempla rem manifestabunt. Uxor adultera vitam amittit, si adulterium marito, pugione distracto illam impetenti, fateatur. Dicunt ipsi, mulierem adulteram uti posse amphibolia, aut duplici scientia communicabili, & incommunicabili, aut verbis nihil significantibus, ut mortem evadat. Nostra sententia cum D. Augustino oppositum asserit. Causæ enim quæ obligant ad celandam veritatem, omnino disparatæ sunt ab ipsa locutione; adeoque perperam adducuntur,

tamquam circumstantiæ externæ, vi quarum sensus in mente retentus fiat exterior. Si hoc namque verum esset, nullæ forent restrictiones pure mentales; quoniam Auctores illarum nonnisi ob graves causas illas propugnabant; & tamen nemo illorum dixit, quod causæ istæ constituant illas restrictiones exteriores. Hoc inventum excogitarunt Scriptores (quod magnopere advertendum est) post propositiones damnatas. Ut enim declinarent pontificias censuras, restrictiones mere mentales, non mere mentales, sed exteriores appellare cœperunt. Et si ab illis quæras, cur appellentur exteriores; respondent, quia hic & nunc manifestatio veritatis infert grave damnum, violat vel iustitiam, vel caritatem. Facile autem illis est hanc, ceteroquin falsam, doctrinam fuco linire. Quia, ut explicando nostram sententiam adnotavimus, revera dantur aliquæ restrictiones externæ, non ob causas occultandi veritatem; sed quæ ipsam afficiunt locutionem, & factum quod sub locutione cadit: ut patet in Confessario, cuius personalis dignitas circumstantia vere externa est, quæve determinat locutionem; & in responsione Abrahami, & Christi Domini non ascendenti ad solemnitatem primi diei. Et hæc est fere unica occasio errandi recentioribus, qui ex uno casu peculiari, puta Confessarii, cui similis non datur, inferunt regulam universalem, qua statuunt, omnes veritates summi momenti, omniaque secreta occultanda esse amphibologico sermone, nulla facta consideratione, utrum factum, seu crimen occultandum excipiat nec ne sermonem amphibologicum, suppeditetque vocabula æquivoca; ut matrimonium occultandum suppeditavit Abrahamo verbum æquivocum *fororis*. Sed unice considerant confessoria mala quæ manifestatio veritatis parit; & ex hoc principio inferunt, restrictiones non esse pure mentales. Quod eodem recidit ac si dicerent, in gravi, vel extrema necessitate mendacia non esse mendacia, restrictiones pure mentales non esse pure mentales. Quemadmodum siquidem antiqui defensores mendaciorum excusabant locutionem Raab negantis reperiri hospites in domo sua, & filii negantis patrem extare domi, & adulteræ negantis adulterium se commississe, ob mortem vitandam; sic isti eandem omnino locutionem absque exteriori addito excusant: cum hoc tamen discrimine, quod antiqui in mendaciorum defensione sinceri erant, mendacia appellantes mendacia, sed venia digna, quia ob necessitatem prolata; isti vero volunt, necessitatem efficere ut illa locutio non sit mendacium, sed amphibolia externa, eo quod interdum revera dantur locationes amphibolicæ, ut exemplis productis constat. Placet quæ dicta sunt confirmare auctoritate celeberrimi *Caramellis*, qui Theol. fund. Tom. II. num. 505. pag. mihi 182. *Est mihi*, inquit, *innata aversio contra restrictiones mentales. Si enim continentur intra terminos pietatis, & sinceritatis, necessaria non sunt. Nam omnia quæ ipsæ præstare possunt, præstabunt significantes circumstantiæ. Quod si tales dicantur, ut etiam ibi admittenda sint, ubi desunt circumstantiæ significantes, [ignoscant mihi eandem*

auſores, & propugnatores] tollunt humanam ſocietatem, & ſecuritatem, & tamquam peſtifera dammandæ ſunt. Quoniam ſemel admiſſa aperiunt omni mendaciò, omni periurio viam. Et tota differentia in eo erit ut quod veri vocabatur mendacium, naturam, & malitiam non mutet, ſed nomen, ita ut hodie iubeatur Reſtrictio mentalis nominari: quod eſt virus condire ſaccharo, & ſcelus ſpecie virtutis colorare. Adeo hæc perſpicua ſunt, adeo luculenta, ut nulla cavillatione implicari valeant. Caramuel ipſe, qui in laxanda evangelica, & naturali lege palmam ceteris præripuit, haud potuit tam manifeſtæ veritati oculos claudere. Quæ olim mendacia, poſt reſtrictiones pure mentales; & quæ olim reſtrictiones pure mentales, iam reſtrictiones externæ appellantur.

X. Ex iis quæ diximus, variæ pro praxi eliciuntur regulæ. Prima eſt. Si factum quod ſub ſermone cadit, non admittit ſuapte natura verba æquivoca, quæ iuxta communem intelligentiam varios excipiant ſenſus, abſolute ab audiente intelligibiles; nullo modo licitum eſt reſpondenti ex neceſſitate occultandæ veritatis uti his locutionibus, *Nefcio illud factum, ut manifeſtabile; Non feci, ſubintelligendo, ut tibi illud revelem; vel Nefcio illud, ſubintelligendo ſcientia communicabili; non habeo pecunias, ſubintelligendo ad tibi dandas.* Hæc omnes locutiones, quæ univerſaliter adhibendas ſtatuunt Probabiliſtæ ad occultandam veritatem, quæ revelata grave incommodum pareret, ſunt abſolute reſtrictiones pure mentales ab Eccleſia damnatæ, ſeu ſunt pura putaque mendacia.

XI. *Secunda regula.* Aliquando factum ſupra quod cadit interrogatio, admittit locutionem amphibologicam, vel quia perſona reſpondens gerit munus duplicis perſonæ, ut Confeſſarius, ſecretarius Principis &c. de quibus infra, quæ ſunt circumſtantiæ revera externæ; vel quia conditio peculiaris illius facti ſubminiſtrat reſponſioni verbum æquivocum: & tunc licita eſt, gravi cauſa impellente, amphibolia.

XII. *Tertia regula.* Locutiones amphibologicæ, licet interdum ſatis ſint ad occultandam aliquam veritatem interrogatoribus obtuſis, aut iis quorum parum refert eam ſcire; sæpe tamen ineptæ ſunt ad occultandam veritatem magni momenti interrogatoribus vaſtris, & verſipellis, qui æquivocationem deprehendere valent, atque reſpondentem ad incitas reſigere, ut præciſe reſpondeat. Quid ergo tum agendum? Infra declarabo.

XIII. *Quarta regula.* Quando ſagax interrogator æquivocam, ſeu amphibologicam reſponſionem deprehendit, urgetque reſpondente mut præciſe, & candide reſpondeat, ut omittat amphibolias, & reſtrictiones omnes, non poteſt reſpondens uti amphibolia reflexa uſque in infinitum, ut docent recentiores plurimi; ſed debet repellere iniuſum interrogatorem modo infra explicando.

XIV. *Quinta regula.* Ex præcedenti regula clariffime conſtat, recentiores præſa-

tos restrictiones pure mentales, & consequenter mendacia docere. Tantum siquidem abest ut eorum locutio amphibologica externa sit; quin ita interna est, ut audiens nullo excogitabili modo possit vi talis locutionis deprehendere sensum loquentis. Hic enim ita restringit, & claudit intra mentem sensum suum, ut iuret se nulla uti æquivocatione; quemadmodum docent communiter recentes Probabilistæ cum Sanchez *Lib. III. cap. vi. num. 45.*

XV. *Sexta regula.* Quando quis utitur amphibolia in sensu quem confidit non perceptum iri ab audiente, quem tamen perciperet, si adverteret; non intendit illius deceptionem, sed occultationem veritatis, quam custodire tenetur; deceptionem vero audientis solum permittit.

XVI. *Septima regula.* Ut omnes causas necessarias ad licitum usum amphiboliæ externæ perfectas habeas, eas ad quatuor capita redactas ob oculos pono. Prima, quod iusta, & gravissima causa urgeat. Secunda, quod respondens non teneatur ex iustitia, aut religione, aut obedientia veritatem nude patefacere; sed ius habeat illam celandi. Tertia, quod veritatis occultatio ita proficit loquenti, ut nulli noceat. Quarta, quod verba vi sua, aut vi circumstantiarum referant sensum loquentis, intelligibilem ab audiente, si advertere velit.

XVII. *Octava regula.* Ex hucusque dictis patet non esse quæstionem de nomine, dum rationes impugnantur quibus recentes defendunt amphibologicas locutiones. Nam, si admittatur, verba privari significatione ex Reipublicæ consensu; aut licitum esse usum notitiæ communicabilis, & incommunicabilis, qualibet gravi urgente causa, respectu omnium personarum, & factorum; iam statuitur regula generalis, ob grave malum vitandum semper licitum esse veritatem celare media amphibolia, sive res quæ narratur, aut occultatur, excipiat, sive non excipiat æquivocationem. Quod eodem recidit ac si dicatur, mendacia licita esse, causa gravi urgente. Hoc vero assero ab Ecclesia damnatum fuisse. Igitur ibi tantum amphibolias admittimus ubi revera aut circumstantia vere externa personæ, aut factum ipsum verba æquivoca subministret, ipsamque locutionem ingrediatur; & amphibolia insuper talis sit, ut valeat ab acuto auditore deprehendi. Hoc autem non ita frequenter occurrit. Id solum potius de nomine est, num restrictiones mentis, quas plures etiam post Innocentium XI. defendunt, debeant aut mendacia, aut mentales restrictiones appellari. Nam restrictiones mentis ob gravissimas causas vitæ, honoris, rerum familiarium servandarum, ut mendacia, damnavit Pontifex summus. Videant ergo quomodo censuram pontificiam evadere queant illi qui scribunt, restrictiones mentis esse prohibitas in quotidiano usu (*a tutto passo*) non ob graves causas.

XVIII. *Nonæ regula.* Quoniam hæc quæstio pluribus circumstantiis est subiecta, non potest statui regula generalis, & præcisa, quæ omnibus casibus valeat accommodari.

Nos certe conati sumus & sententiam recentiorum suo in lumine collocare, & quæstionis statum exponere, & regulas, quoad fieri potuit, præcisas præscribere. Nihilominus adhuc multa declaranda supersunt, quæ sigillatim explicabimus disquisitione sequenti, in qua plurimos casus resolvemus ad hanc materiam attinentes.

C A P U T XVIII.

Sacra Scripturæ textus quos antiqui pro tuendis mendaciis, & recentes pro defendendis mentis restrictionibus opponunt, exponuntur.

I. OMnes Scripturæ textus quos antiqui in mendaciorum favorem producebant, afferunt quoque recentiores, ut mentales propugnent restrictiones. Qui scripserunt ante Innocentium XI. eosdem omnino textus pro restrictionibus *pure* mentalibus allegabant quos nunc pro restrictionibus *non pure* mentalibus laudant postremi Scriptores; quod satis esse deberet ad demonstrandum, ex præfatis textibus nihil neque in mendaciorum, neque in restrictionum mentalium favorem elici posse. Plurimos Scripturæ textus refert Caramuel in Libro qui inscribitur *Hapoteles*. Eos tantum nos recensebimus qui negotium facessere possunt.

II. Obiiciunt itaque I. Abraham *Gen. xii. & xx.* vocavit Saram sororem suam: *Soror mea est*: quæ tamen erat illius uxor. II. Idem Abraham cum ad montem pergeret, ut immolaret, sicut mandatum acceperat a Deo, filium suum Isaac, dixit ad pueros suos *Gen. xxii. Expectate hic cum asino: ego, & puer illic usque propterantes, postquam adaverimus, revertemur ad vos*. III. Mentitus quoque videtur Iacob, cum se Esau simulavit, ut paternam assequeretur benedictionem *Gen. xxv. 17. Ego sum primogenitus tuus Esau*. IV. Mentitæ sunt obstetrices Aegyptiæ, dum Pharaoni conquerenti, quod Hebræorum mares, ut ipse iusserat, non interfecissent, responderunt: *Non sunt Hebrææ, sicut Aegyptiæ mulieres: ipsæ enim obstetricandi habent scientiam, & priusquam veniamus ad eas, pariunt. Bene ergo fecit Deus obstetricibus...* & quia timerunt obstetrices Deum, edificavit eis domos. *Exod. i. V.* Mentitus videtur Angelus Tobiam alloquens his verbis: *Ego sum Azarias, Anania magni filius*. *Tob. v.*

III. Antequam ad singula respondeamus, cum D. Augustino advertimus, plurima in sacra Scriptura haberi quæ mendacia absolute videntur; attamen, ut inquit Augustinus, mendacia non sunt, sed mysteria; aut, si mendacia, imitanda minime sunt. En verba D. Augustini *Lib. cont. mend. cap. xv.* adversus Priscillianistas. *Ad te igitur pertinet, scellam detestabilem cum refellis, sic accipienda monstrare ista*

testimonia Scripturarum, ut vel doceas non esse quæ putantur mendacia, si eo modo intelligantur quo intelligenda sunt; vel imitanda non esse quæ manifestum est esse mendacia... Ad ostendenda ergo, quæ putantur in Scripturis esse mendacia, non ea esse quæ putantur, si recte intelligantur, non tibi parum adversus istos valere videntur quod non de apostolicis, sed de propheticiis litteris inveniunt velut exempla mentiendi. Illa enim quæ nominatim commemorant, ubi fit unusquisque mentitus, in iis libris leguntur in quibus non solum dicta, verum etiam facta multa figurata conscripta sunt, quia figurate gesta sunt. Hæc Augustini doctrina satis esset ad solvendas omnes difficultates quæ ex S. Scriptura opponi solent. Nihilominus tamen in maiorem veritatis confirmationem ad singula responsum dabimus.

IV. Resp. Ad primum respondet D. Augustinus *Lib. cont. mend. cap. x.* his verbis. Qui asserunt, aliquando esse mentiendum, non convenienter commemorant Abraham hoc fecisse de Sara, quam sororem suam dixit. Non enim dixit, Non est uxor mea; sed dixit, Soror mea est: quod erat revera tam propinqua genere, ut soror non mendaciter diceretur. Quod & postea iam sibi ab illo qui abduxerat, ea reddita, confirmavit, respondens illi, & dicens: Est vere soror mea de patre, non de matre, hoc est de paterno genere, non de materno. Aliquid vero veri tacuit, non falsi aliquid dixit, quando tacuit uxorem, dixit sororem. Hoc & filius eius fecit Isaac. Nam & ipsum novimus propinquam suam coniugem fuisse sortitum. Non est ergo mendacium, quum silendo absconditur verum, sed quum loquendo promitur falsum.

V. Ad secundum respondet idem Augustinus, nequaquam Abraham mentitum fuisse, sed prophetasse: certissime namque sperabat Deum, qui paullo ante illi dixerat, In Isaac vocabitur tibi semen, eundem Isaac mortuum suscitaturum, ut ipse D. Paulus declarat ad Heb. xi. Fide obtulit Abraham Isaac, cum tentaretur, & unigenitum offerrebat, qui susceperat repromissiones: ad quem dictum est: Quia in Isaac vocabitur tibi semen: arbitraris quia & a mortuis suscitare potens est Deus. Quam interpretationem declarat Augustinus *Lib. VI. de Civ. Dei cap. xxxii.* Non dubitavit quod sibi reddi poterat immolatus qui dari potuit non speratus.

VI. Ad tertium idem Augustinus respondet *Lib. cont. mend. cap. x.* Iacob, quod matre fecit auctore, ut patrem fallere videretur, si disingenter, & fideliter attendatur, non est mendacium, sed mysterium: quæ si mendacia dixerimus, omnes etiam parabole, ac figuræ significandarum quarumcunque verum, quæ non ad proprietatem accipiendæ sunt, sed in eis aliud ex alio intelligendum, dicuntur esse mendacia: quod absit omnino. Nam qui hoc putat, tropicis etiam tam multis locutionibus omnibus potest hanc importare calumniam; ita ut hæc ipsa quæ appellatur metaphora, hoc est de re propria ad rem non propriam verbi alicuius usurpata translatio, possit ista ratione mendacium nuncupari. Cum enim dicimus fluviare segetes, geminare vites, fervidam juventutem, nivem caniciem; proculdubio fluviis, gemmas, florem, nivem, quia in

bis

his rebus non invenimus in quas hæc verba aliunde transfusimus, ab istis mendacia putabuntur. . . Si autem non est mendacium, quando ad intelligentiam veritatis aliud ex alio significantia referuntur; profecto non solum id quod fecit, aut dicit Iacob patri, ut benediceretur, sed neque illud quod Ioseph velut illudendis locutus est fratribus, nec quod David simulavit insaniam, nec cetera huiusmodi, mendacia iudicanda sunt; sed locutiones, actionesque prophetice, ad ea quæ vera sunt, intelligenda referendæ: quæ propterea figuratis velut amittibus obteguntur, ut sensum pie querentis exerceant, & ne nuda, ac prompta vilescant. Item Lib. de Civ. Dei XVI. cap. xxxvii. Quis est in ista benedictione percipiendæ doli hominis sine dolo? Quis est doli simplicis, quæ filio non mentientis, nisi profundum mysterium veritatis? Multi tum ex antiquis, tum ex recentibus Scriptoribus docent, Iacob fuisse mentitum; sed simul docent, qui catholici sunt, mendacium illud non esse imitandum.

VII. Ad quartum respondet Augustinus Lib. cont. mend. cap. xv. *Sed quod scriptum est bene Deum fecisse cum Aegyptiis obstetricibus, & Raab Hierichuntina meretrice, non ideo factum est, quia mentitæ sunt, sed quia in homines Dei misericordiae fuerunt. Non est itaque in eis remunerata fallacia, sed benevolentia; benignitas mentis, non iniquitas mentientis.*

VIII. Ad quintum respondeo, Angelum Raphaelem hominis personam representasse, & humano more locutum fuisse: neque enim Tobias, eum alloquens Angelum, sed hominem reputabat. *Ignorans quod Angelus Dei esset, salutavit eum.* Tob. v. vers. 6. Consequenter Raphael Tobiae seniori interroganti: *Indica mihi de qua domo, aut de qua tribu es tu:* respondit: *Ego sum Azarias Anania magni filius.* Quoniam, sicut personam præferebat humanam, ita quoque & stirpem Israëliticam, & genus paternum ex illustri prosapia magni Azariae absque mendacio referebat. Ananiae autem potius quam alterius filium se dixit, quia Ananias hebraice est, ut inquit Sanctes Pagninus, *donum, & miseratio, & glorificatio Dei.* Porro omnes Angeli sunt filii Dei. Ideo, more humano loquens patrem allegavit, qui simul & Tobiae innotesceret, & caelestem suam originem clauderet. Quare eius locutio fuit, ut cum Augustino loquamur, *non mendaciam, sed mysterium.* Quemadmodum enim Confessarius & hominis, & Dei personam gerit; sic & Angelus qui Dei legatione fungitur sub specie hominis. Et sicut Confessarius sine mendacio quædam proferre potest ut homo, & quædam ut Dei minister; sic & Angelus in humano commercio more humano loqui potest sine mendacio. Plurimos alios Scripturæ textus, quos expendit Augustinus, missos facio. Nam si quis etiam obfirmate contenderet, aliquem ex sanctis Patriarchis mentitum fuisse; non ob id quidquam concluderet adversus nostram, & communem Catholicorum sententiam: quoniam tunc mendacium reiiceremus, tamquam imitatione indignum. Labet transcribere verba Augustini ex Lib. cont. mend. cap. ix. *Unde con-*

Est quod non omnia quæ a sanctis vel iustis viris legimus facta, transferre debeamus in mores; sed etiam hinc discere quam late pateat, & quousque pervenias quod Apostolus ait Galat. vi. Fratres, etsi præoccupatus fuerit homo in aliquo delicto, vos, qui spirituales estis, instruite huiusmodi in spiritu lenitatis, intendens te ipsum, ne & tu tenteris. . . In omnibus autem actibus nostris maxime etiam bonos turbant compensativa peccata, ita ut nec peccata existimentur, si habeant tales causas propter quas fiunt, & in quibus videntur peccari potius, si non fiunt.

C A P U T XIX.

Aliqui textus evangelici adducuntur, qui afferri solent in favorem restrictionum mentalium, & explicantur.

LON modo ex veteri testamento, sed etiam ex Evangelio aliqui obiciuntur textus in favorem restrictionum mentalium. Tres celebriores referam. Primus habetur Ioan. vii. vers. 8. *Vos ascendite ad diem festum hunc, ego autem non ascendo ad diem festum istum: quia meum tempus nondum impletum est. Hac cum dixisset, ipse mansit in Galilæa. Ut autem ascenderunt fratres eius, tunc & ipse ascendit ad diem festum, non manifeste, sed quasi in occulto.* Alium textum opponunt ex Matth. xxiv. & Marc. xiii. vers. 32. *De die autem illo, vel hora nemo scit, neque Angelus in cælo, neque Filius, nisi Pater.* Alium denique ex Luca cap. xxiv. vers. 28. *Et ipsa se sinxit longius ire.*

II. Antequam ad singulos textus responsum præbeam, cum D. Augustino animadverto, Christum Dominum plurima in Evangelio figurate, & sub parabolarum tegumentis locutum fuisse. Quæ vero imperitis mendacia videntur, mysteria sunt, figuratæque locutiones. Sed Augustinum audiamus Lib. de mend. cap. xxi. *Elicet itaque, discussis omnibus, nihil aliud illa testimonia Scripturarum monere, nisi numquam esse omnino mentiendum. Quandoquidem nec ulla exempla mendaciorum imitatione digna in moribus, falsisque Sanctorum inveniuntur, quod ad eas attinet Scripturas quæ ad nullam figuratam significationem referuntur, sicut sunt res gestæ in Actibus Apostolorum. NAM DOMINI OMNIA IN EVANGELIO, QUÆ IMPERITIORIBUS MENDACIA VIDENTUR, FIGURATÆ SIGNIFICATIONES SUNT.*

III. Nonne omnes fatemur, Scripturæ textus plures excipere sensus, quorum alii clariores, alii obscuriores sunt, alii spirituales, alii litterales? Hinc est quod Deus, ut confusionem tolleret, statuit Ecclesiam suam esse supremum indicem, nulli errori obnoxium, qui decernat, definiatque legitimum, & genuinum sensum

a fal-

a falso. Quia vero extra hanc unicam Ecclesiam quisque sibi ius usurpat interpretandi Scripturas, quisque etiam propriam profitetur religionem, inter quos nullus ordo, nulla unitas, nulla Ecclesia, sed confusio, & maxima perturbatio. Porro, si in nostris sermonibus licitum foret sacros Scriptores imitari in usu figurarum, troporum, & allegiarum, humanum commercium abrumperetur; omniaque confusa, & perturbata evaderent; & Respublica humana eligere supremum iudicem, seu interpretem nostrarum locutionum deberet; sicuti Deus pro Scripturæ sanctæ interpretatione designavit Ecclesiam. Verum, ut his incommodis occurreret, nobis in suo Evangelio formam locutionis in responsionibus adhibendam præscripsit his verbis: *Sit sermo vester: Est est, non non*. His præmissis, ad singulos textus respondeo.

IV. Primus qui opponitur textus nullam præfert difficultatem, si integer consideretur. Nec opus est ut ad textum græcum recurramus, in quo, loco *Non legitur, Nondum ascendo*, ut observat Iansenius Gandavensis in sua *Concord. cap. lxxiii.* & Erasmus ipse fatetur, exemplaria a se visa pro *non habere nondum*. Sed his non indigemus: quia sensus illius narrationis clarus, & obvius est. Siquidem Christus sciebat, tempus passionis suæ nondum advenisse; prævidebatque fratres suos, seu consanguineos evulgaturos eius iter in Iudæam, si illud illis manifestasset; ac proinde Iudæos ipsum ad mortem quaesituros. Hæc omnia ex textu prævio patent. *Dixerunt autem ad eum fratres eius: Transi hinc, & vade in Iudæam, ut & discipuli tui videant opera tua.* Quid primum respondit Christus? *Tempus meum nondum advenit*: vers. 7. Porro addit vers. 8. *Vos ascendite ad diem festum hunc: ego autem non* [vel secundum græcum textum, qui primæ responsioni optime cohæret, *nondum*] *ascendo ad diem festum istum*. Dixit ergo Christus, *Non ascendo*, ut occultaretur; addidit *istum*, ne mentiretur. Hæc interpretatio tota est Augustini serm. clxxiii. nov. edit. num. 7. *Hoc ergo ne illi prævenirent, & eum venturum esse nuntiarent, & præpararentur insidie*, *Non ascendo, inquit, ad diem festum istum. Dixit, Non ascendo, ut occultaretur; addidit istum, ne mentiretur. Aliquid intulit, aliquid distulit; nihil tamen falsi dixit.*

V. Hæc interpretatio adhuc clarior evadet, si & rationem quam Christus allegat, & verba quibus suum iter in Hierusalem narrat, consideraverimus. Porro hæc est ratio cur Christus non ascendit. *Quia meum tempus, inquit, nondum advenit*. Ecce quomodo ex verbis ipsius Christi manifeste colligitur, ipsum non negasse absolute, se profecturum in Hierusalem; sed solum dixisse, se cum suis fratribus, & publico stipatum comitatu, nolle ascendere. Bis siquidem repetit, tempus suum *nondum* advenisse, seu *nondum* impletum esse: & relate ad hanc responsionis formam intelliguntur alia verba, *non ascendo*: quia nondum venit hora mea. Nonne ex hac responsione quilibet prudens colligit: Ergo ascendet, cum

ipse iudicabit tempus suum advenisse? Hæc omnia, non vi alicuius restrictionis internæ, sed vi verborum manifesta sunt. Atque confirmantur, si advertamus festum Scenopægiæ, de quo nunc est sermo, pluribus diebus constasse, quarum prima solemnior erat. Negavit ergo Christus ad primam, vel secundam diem, ad quam ibant eius fratres, se ascensurum: & ideo dixit, *Nondum advenit* &c. Ascendit autem postea, nempe tertia, aut quarta die, *non manifeste, sed quasi in occulto*: quæ verba non eum sensum produnt, ut Christus in mente retinuerit illud *manifeste*; & quod illius responsio vera sit, attenta eiusmodi restrictione mentali, sicuti contendebant olim Auctores restrictionum *pure* mentalium, & nunc contendunt Auctores restrictionum earundem, quas tamen *non pure* mentales ortenus aliqui vocant. Hæc falsissima interpretatio opponi ad summum posset, si eadem ipsa die ascendisset in templum Christus; aut nisi verbis externis declarasset se reipsa non ascensurum ad festum illud ad quod fratres sui ascendeabant. Immo, inquit Augustinus, non temere dixit, *Vos ascendite ad hunc*, ego non ascendendo *ad istum*; sed addidit *istum*, ne mentiretur, indicans quod mentitus fuisset, si adverbium illud *manifeste* in mente retinisset, nihil exterius addendo: & propterea addidit *istum*, ne mentiretur. Hæc omnia iterum evidenter confirmat Augustinus *trad. xxviii. in Ioannem*. „*Non ad hunc*, idest ad quem vos vultis, primum, vel secundum diem. Ascendit autem postea, ut Evangelium loquitur, „*mediato die festo*, idest quum iam illius diei festi *tot dies præterissent* quam remansissent. Ipsam enim festivitatem, quantum intelligendum est, diebus pluribus celebrabant. “ Hæc est unica, & germana interpretatio, quæ naturaliter ex sensu literali profluit. Quoniam Christus respondit iuxta mentem petentium, qui poscebant ut ascenderet secum palam. *Transi hinc, & vade in Iudeam, ut & discipuli tui videant opera tua quæ facis*. Nemo quippe in occulto quid facis, & quæris ipse palam esse. Si hæc facis, manifesta te ipsum mundo. In sensu ergo interrogantium respondit Christus se non ascendere: sicuti si dixissent, *Veni nobiscum*; & ipse respondisset, *Nolo venire*.

VI. Ad secundum textum, qui difficilior est, multiplex est Patrum responsio; nulla tamen favet restrictionibus mentalibus. In primis D. Ambrosius *Lib. V. de fide cap. vii.* cum pluribus aliis dubitavit, num illa particula *neque Filius* ad textum pertineat, an ab Arianis subdole addita sit. Textus enim evangelicus Matthæi sic habet: *De die autem illa, & hora nemo scit; neque Angeli calorum, nisi solus Pater*. Hieronymus vero in hunc locum Matthæi scribit suo tempore in quibusdam latinis codicibus eisdem Matthæi additam fuisse particulam *neque Filius*; quæ tamen in græcis, & maxime Adamantii, & Picrii, exemplaribus non habebatur. Sed, inquit Hieronymus, *quia in nonnullis legitur, differendum videtur . . . Igitur quia probavimus non ignorare Filium consummationis diem, causa*

red-

reddenda est cur ignorare dicatur . . . Post resurrectionem interrogatus ab Apostolis de die, manifestus respondit: Non est vestrum scire tempora, vel momenta, quæ Pater posuit in sua potestate. Quando dicit, Non est vestrum scire, ostendit quod ipse sciat; sed non expedit nosse Apostolis . . . denique & consequens Evangelii sermo idipsum cogit intelligi. Dicens quoque Patrem solum nosse, in Patre comprehendit & Filium. Omnis enim Pater Filii nomen est.

VII. P. Dominicus Soto in IV. Sentent. dist. xlii. quæst. ix. art. 2. de laudato textu scribens inquit: Nihilominus nosas esset, & hæc dubitare, ut quidam hæsitant, illam apud Marcum vocem exisere, propterea quod non sit apud Mattheum. Et post Concilium Tridentinum nemo Catholicorum hac de re quæstionem movet. Soto loco laudato comparat Christum Confessario: sicut enim Confessarius multa scit ut Dei minister, quæ ignorat ut homo est in humano commercio; ita & Christus, ut legatus Patris æterni, multa habebat sub sigillo quæ, prout magistrum exercebat Apostolorum, se nescire dicebat.

VIII. D. Augustinus pluribus in locis explicat laudatum textum. Ennar. in Psalm. vi. Ubi erit ergo quod nec Filius hoc novit? Quod utique ideo dictum est, quia per Filium homines hoc non discunt, non quod apud se ipse non noverit, sed secundum illam locutionem, Tentat vos Dominus Deus vester, ut sciat: Deuter. xlii. idest scire faciat vos: & Exurge Domine; idest, fac nos exurgere. Cum ergo ita dicatur nescire Filium hunc diem, non quod nesciat, sed quod nescire eos faciat quibus hoc non expedit scire, idest non eis hoc ostendat &c. Similia scribit Augustinus Lib. I. de Trinit. cap. xii. Hoc enim nescit quod nescientes facit; idest quod non ita sciebat, ut tunc discipulis indicaret; sicut dictum est ad Abraham: Nunc cognovi quod timeas Deum: Gen. xxi. idest nunc feci ut cognosceres: quia & ipse sibi in illa tentatione probatus innotuit. Nam & illud utique dicturus erat discipulis tempore opportuno: de quo futuro, tamquam præterito, loquens ait: Iam non dicam vos servos, sed amicos. Servus enim nescit voluntatem Domini sui. Vos autem dixi amicos, quia omnia quæcumque audiavi a Patre meo, nota feci vobis. Ioan. xv. Quod nondum fecerat; sed quia certo falluus erat, quasi iam fecisset, locutus est: ipsi enim ait: Multa vobis habeo dicere, sed non potestis illa portare modo: Ioan. xvi. Inter quæ intelligitur & de die, & hora.

IX. Si omnia quæ in Evangelio a Christo dicta referuntur, litteraliter explicare velimus, multa & pugnancia, & mendacia imperitis apparebunt; sed peritis mysteria sunt, & prophetiæ locutiones. Christus, inquit Augustinus, non raro pro futuro præteritum, & contra, usurpat. Numquid & nobis licita erit eiusmodi locutio? Sæpe etiam Deus verbum scio usurpat pro approbatione, & nescio pro reprobatione, ut docet Augustinus Lib. lxxxi. quæstionum, quæst. lx. Sic

ut scire Deus dicitur, etiam cum scientem facit, sicut scriptum est: Tentat vos Dominus Deus vester, ut sciat si diligatis eum. Non enim sic dictum est hoc, quasi nesciat Deus; sed ut ipsi sciant, quantum in Domini dilectione profecerint; quod nisi tentationibus, quæ accidunt, non plene ab hominibus agnoscitur. Et ipsum tentat pro eo positum est quod tentari finit. Sic & cum dicitur nescire, aut pro eo dicitur quod non approbat, idest in disciplina, & doctrina sua non agnoscit, sicut dictum est, Nescio vos; aut pro eo, quod utiliter nescientes facit, id quod scire inutile est. Ideo bene accipitur id quod dictum est, solum scire Patrem, sic dictum esse, quia facit Filium scire: & quod dictum est, nescire Filium, sic dictum esse, quia facit nescire homines, idest non prodit eis quod inutiliter scirent.

X. Alii Patres, ut Cyrillus Lib. IX. *Thesaur. cap. iv.* & Lib. II. *de fide ad Regin.* Athanasius *serm. iv. contra Arianos*, Origenes *hom. xxx. in Matth.* Gregorius Nazianzenus *orat. xxxvi. num. 60.* citatum locum interpretantur de Christo secundum humanitatem: non quod Christus ut homo diem illum ignoraverit; sed quod illum diem vi humanitatis nescierit, quamvis illum scientia infusa sciverit. Huic interpretationi accedit quoque S. Basilii *epist. 1. ad Amphiloc.* Damascenus *Lib. III. de fide cap. xxxi.* Quare, dum aliqui Patres dicunt, Verbum nescire illum diem ut hominem, bene vero ut Deum, intelligendi sunt, dixisse Christum, ut hominem, idest ex conditione naturæ humanæ, seu vi, & merito ipsius humanæ naturæ illum diem ignorasse; licet scientia infusa ut homo etiam diem illum manifestum habuerit. Hæretici Agnoitæ, quos refert Gregorius *Lib. VIII. regif. epist. xlii.* Christo ut homini ignorantiam tribuebant: quem errorem omnes Catholici damnant.

XI. D. Thomas *III. Par. quæst. x. art. 2. ad 1.* confutata interpretatione Arianorum, & Eunomianorum, alias Patrum interpretationes recenset. Origenes loco citato textum exponit de Christo secundum corpus eius, quod est Ecclesia. Alii interpretantur de filio adoptivo, non naturali. Sic enim inquit Angelicus. *Origenes tamen hoc exponit de Christo secundum corpus eius, quod est Ecclesia, quæ hoc tempus ignorat. Quidam autem dicunt, hoc esse intelligendum de filio Dei adoptivo, non naturali.*

XII. Chrysostomus *hom. 111. de Trinit.* Epiphanius in *Ancorato*, & D. Bernardus *Lib. de gradibus humilitatis*, exponunt, Christum locutum fuisse de scientia practica, quæ executionem secum desert: & quia nondum iudicium universale exercuerat, ideo dixit, se practice nescire illum diem.

XIII. Omnes istas varias interpretationes recensere congruum duxi, ut hinc lector colligat, quam infirmum sit argumentum illud quod ex laudato textu obiciunt defensores restrictionum mentalium. Nam iuxta omnes Patres figurata lo-

cu-

cutione ibi Christus usus est ; quamvis variis modis eam explicent locutionem . Expositionem Augustini , quæ præ aliis detorqueri posset in favorem restrictionis mentalis , ex dictis constat non modo non favere , sed aperte easdem restrictiones oppugnare . Et in primis , si laudatus textus faveret restrictionibus mentis , sane faveret restrictionibus *pure* mentalibus : & reipsa istarum Auctores textum illum ut sibi faventem afferebant . Hæc namque locutio absolute prolata , *Nescio hunc diem* , retento in mente hoc addito , *ad dicendum* , est restrictio pure mentalis ; nisi aliqua circumstantia exterior , quæ afficiat , & moderetur ipsam locutionem , illam restrictionem exteriorem constituat . Finis autem utilitatis , vel incommodi est quid omnino disparatum ab ipsa locutione . Hæc siquidem utilitas , vel inutilitas communicandi scientiam , vel necessitas occultandæ veritatis est quid universale respectu cuiusque locutionis , qua veritas obtegitur : & , cum variz sint locutiones , quibus veritas occultatur , non potest dictus finis extrinsecus unam præ alia ad peculiarem determinare significationem .

XIV. Secundo verba laudata Christi Domini nullo modo detorqueri possunt ad defensionem restrictionum mentalium quas homines in civili commercio adhibere illicite solent . Nam ea locutio quæ in Christi ore vera est , in hominibus falsa esse potest ; sicuti illa responsio quæ ore Confessarii prolata vera est , ore alterius hominis falsa evadit . Quia sicuti Confessarius hominis , & Dei personam gerit ; & in civili commercio loquitur ut homo , non ut Dei minister , qua de re infra : ita sublimiori modo Christus Dominus , & divinæ legationis , & populorum magistri officia exercebat , Deus & homo , legatus æterni Patris & generis humani Doctor reipsa erat . Ratione harum dignitatum plura proferre poterat ut vera , quæ in privato homine essent falsa . Plura proferebat ad mentem interrogantium , quæ illi nota erat . Plures esse potuerunt circumstantiæ ipsam responsonem afficientes , quæ responsonem illam discipulis petentibus intelligibilem reddere potuerunt . Quæ omnia nobis cum sint ignota ; & cum nullus homo Christi dignitates varias , & infinitas possideat : consequitur , nullum hominem arrogare sibi posse omnes formulas loquendi quibus Christus utebatur ; quemadmodum nec Confessarii locutiones omnes ceteri homines licite adhibere valent .

XV. Tandem concludo cum D. Augustino Lib. de mend. cap. xxi. *Domini omnia in Evangelio , quæ imperitioribus mendacia videntur , figuratæ significationes sunt* . Quare iure ac merito Clerus Gallicanus anno 1790. damnavit sequentem propositionem : *Patriarchæ , Propheta , Angeli , ipse Christus equivocationibus , sive amphibologiis , & restrictionibus usi sunt* . Hanc , inquam , propositionem his censuris perstrinxerunt doctissimi illi Patres . *Hæc propositio scandalosa est , temeraria ; mystice , prophetice , parabolice , sive æconomice ad insinuandam alterius veritatem dicta , vel tacita cum vulgaribus gestis confundit : Sanctorum alicui*

librio vertit : ipsi etiam Angelis iniuriosa : erga Christum contumeliosa, & impia.

XVI. Impia sane est præfata propositio : quia peccatum Christo Domino tribuit. Omnes namque Doctores, vel ipsi restrictionum defensores, fatentur peccatum esse uti restrictionibus mentis, seu amphiboliis absque necessitate. Porro nulla necessitas excogitari in Christo potest quæ illum ad violandam sinceritatem adegerit ; cum innumeris modis potuisset sua infinita sapientia & celare quæ celanda erant, & manifestare manifestanda. Reliquum ergo est ut Prophetarum, & potissimum Christi Domini, responsa, & oracula, tamquam mysteria, & figuratas locutiones, profundo obsequio veneremur ; & illam formulam in locutionibus nostris adhibeamus quam ille nobis præscripsit : *Sit sermo vester, Est est, non non.*

XVII. Ad ultimum respondet Augustinus Lib. cont. mendac. cap. xiii. *Hinc est etiam illud quod commemorasti, eos dicere, Dominum Iesum, postquam resurrexit, ambulasse in itinere cum duobus discipulis, & propinquantibus eis castello, quoniam ibant, illum longius se ire finxisse. Ubi Evangelista dicens, Ipse autem se finxit longius ire, etiam ipsum verbum posuit quo mendaces nimium delectantur, ut impune mentiantur, quasi mendacium sit omne quod fingitur ; cum veraciter aliud ex alio significandi gratia tam multa fingantur. Si ergo nihil aliud significasset Iesus in eo quod longius ire se finxit, merito iudicaretur esse mendacium. Porro autem, si bene intelligatur, & ad id quod voluit significare, referatur, invenitur esse mysterium. En quomodo semper Augustinus, ut gesta, & dicta Redemptoris nostri a mendacio, vel amphibolia immunia ostendat, ad mysteria, seu ad mysticas, figuratasque significationes confugit. Hæc dixi, subdit Augustinus, propter id quod scriptum est de Iesu . . . ne quisquam ex hoc verbo, sicut Priscillianistæ, licitum volens habere mendacium, insuper etiam Christum contendat fuisse mentitum. Porro hunc textum evangelicum, aliosque relatos, quos in mendaciorum præsidium Priscillianistæ detorquebant, recentiores non pauci in restrictionum mentalium favorem insistent, nullumque mihi videtur, ut sæpius dixi, discrimen aliud, nisi quod eandem locutionem ob eundem finem prolatam, antiqui mendaciorum defensores (exceptis Priscillianistis, qui etiam in religionis negotio mentiebantur) mendacium appellabant ; recentiores vero restrictionem alii pure mentalem, alii non pure mentalem vocant. Sed de his plusquam satis.*

CAPUT XX.

Aliquæ obiectiones tum a ratione, tum ab exemplis, & doctrina Sanctorum, potissimum S. Raymundi, & ex opere Annibaldi vulgo adscripto D. Thomæ petita, resolvuntur.

I. **P**AUCAS tantum obiectiones hic proponam: quoniam dissertatione sequenti, in qua omnes casus quos proponere Auctores restrictionum mentalium solent, versabimur, etiam plurimas difficultates quæ occurrere possunt, explicaturi sumus. Hic aliqua dumtaxat prælibabimus, quæ principia universalia spectant, quæve adversus ea quæ capitibus præcedentibus docuimus, opponi solent.

II. Obiicies 1. Restrictiones *pure* mentales ideo damnatæ fuerunt, quia non ob solam, & præcisam necessitatem illarum Auctores illas ut licitas defendebant; sed etiam ob utilitatem. Qui ergo illas in solo necessitatis extremæ, & gravis eventu adhibuerit, non erit censuris pontificiis obnoxius. Resp. Restrictiones *pure* mentales sunt prohibitæ ab Ecclesia, ut vera, putidaque mendacia. Mendacia etiam in extremæ necessitatis casu sunt vetita, ut omnes docent. Ergo etiam restrictiones *pure* mentales. Utilitas, aut necessitas non constituunt locutionem veram, aut falsam seu mendacem; sed eam veram, aut falsam supponunt. Hæ sunt argumentationes PP. de la Fuente Hurtado, Casnedi, & aliorum.

III. Obiicies 2. Nisi admittamus restrictiones mentales licitas in gravi necessitate, aliqua Dei præcepta evadunt impossibilia: quandoquidem mentiri semper est peccatum: violatio sigilli sacramentalis semper est peccatum. Cum immanis tyrannus ad sigilli violationem cogit, quid tum agendum? Si dicatur, alterutrum necesse esse, nempe aut mentiri, aut revelare sigillum; iam conceditur, aliquid Dei præceptum esse impossibile: quæ hæresis est ab Ecclesia damnata. Remanet itaque via evadendi transgressionem utriusque præcepti, quæ alia esse nequit, nisi via restrictionum mentalium: sive hæc restrictio fiat usu verborum nihil significantium; sive usu duplicis scientiæ, communicabilis, & incommunicabilis.

IV. Respondetur, obiectionem hanc esse purum putumque sophisma. Quid respondere debeat Confessarius tyranno, infra explicabimus. Nunc breviter dicimus, numquam aliquod Dei præceptum observatu esse impossibile; sicuti numquam præceptum, sive naturale, sive divinum, iubet nos custodire sigillum medio aliquo illicito, puta mendacio, seu restrictione mentali; sed solum præceptum obstringit ad illius occultationem vel silentio, vel iniusti interrogatoris repulso; etiam si vita

cum

cum morte commutanda esset. At, quia adversarii vitam veritati præferunt, ideo nesciunt utriusque præcepti observantiam conciliare: quod Augustinus mendaciorum Auctoribus improperat Lib. de mend. cap. xx. *Si quisquam proponeret sibi sic amandam veritatem, non tantum quæ in contemplando est, sed etiam in vero enuntiando, quod in suo quoque genere verum est, & non aliter proferendam ore corporis sententiam quam in animo concepta, atque conspecta est; ut fidei veridicam pulchritudinem non solum auro, & argento, & gemmis, & amaranis prædiis, sed & ipsi universe temporali vitæ, omnique corporis bono præponeret: nescio, utrum sapienter a quoquam errare diceretur. Et, si hoc suis omnibus talibus rebus recte anteferet, plurisque penderet; recte etiam temporalibus rebus aliorum hominum, quos innocentia, benevolentiaque sua servare, atque adjuvare deberet. Plurima hic habet*

Augustinus quæ ad nostrum propositum pertinent, quæque missa facio brevitatis gratia. Id solum addimus cum eodem Augustino, quod si, postquam ea omnia quæ licita sunt, adhibuit homo, quibus secretum custodiret, contingeret veritatem quoquo modo manifestari absque culpa ipsius hominis; tunc minime violaretur præceptum sigilli, ad cuius occultationem nemo obligatur nisi mediis licitis, & honestis. Nec enim mendacia dicenda sunt, ut sigilla occultentur. Nec necessitas occultandi sigilli tollit quin quod absolute mendacium est, in tali eventu mendacium sit, quidquid adversarii dicant. Denique cum Augustino subdimus, tales contingere eventus posse in quibus, omni adhibita diligentia pro veritatis occultatione, nil aliud supersit nisi confugium ad divinam providentiam. Legatur integrum caput xvi. Lib. cont. mend. ubi, postquam ostendit, debuisse mulierem Hierichuntinam respondere, *Scio ubi sint; sed Deum timeo, non eos prodo*, ad divinæ providentiæ asylum se se recipit. *Et ubi ponimur, inquit, voluntatem, & potestatem Dei? An forte non poterat & illam, nec civibus suis mentientem, nec homines Dei prodentem, & illos suos ab omni pernicie custodire?*

V. Obiicies 3. Nemo tenetur ad manifestandos omnes suos mentis conceptus; sed potest occultare unum, alium revelare. Resp. Iam supra hæc obiectio soluta fuit. Liberum homini est suos conceptus inadæquate prodere, sed debet uti verbis quæ reipsa disjunctim, & separatim unum præ alio conceptum referant. Si enim verbis utatur quæ universe omnes conceptus negent, non potest tunc conceptum unum præ alio occultare: puta, si dicis, *Non comedi carnes*, hæc verba universe negant quarumcumque carniū comestionem. Non potes ergo absque mendacio in mente retinere conceptum carnis humanæ, quando comedisti carnes sive bovinas, sive vitulinas &c. quia præfata verba non restringuntur ad negandam comestionem carnis sive humanæ, sive animalis.

VI. Obiicies 4. S. Raymundus de Pennafort in sua Summa Lib. I. tit. x. de mendacio, & adul. proponit sibi hunc casum. *Solet dubitari, quid agendum sit ei a quo*

quo queritur aliquis occidendus, quem ipse scit in domo sua latitare, vel etiam in alio loco. Nam videtur ille perplexus. Si manifestat eum, timet crimen perditionis, & homicidii, cui videbitur dedisse causam, ostendendo personam; timet etiam peccatum illorum qui occidunt eum; & sic gravius morientur in anima: quod etiam timet in latitante, si forte est in mortali, & moriatur impunitus. Si vero non manifestat, formidat ipsum mendacium; super quo videtur nullum posse adhibere remedium.

VII. Resp. D. Raymundum quodammodo turbasse peccata quæ Augustinus vocat *compensativa*, ex hoc textu manifeste apparet. Tres siquidem vias aperit & occultandi innocentem quæsitum ad mortem, & vitandi mendacium. Ego credo, inquit, salvo meliori iudicio, quod talis debet esse processus: Primo debet tacere. Si autem silentium ipsum proderet latentem; tunc transferat se in aliam materiam, quasi interrogando eum de aliquo facto, vel simile. Quod si neque hoc satis sit, utatur verbo æquivoco: Vel respondeat verbum aliquod æquivocum, ut puta, Non est hic, idest non comedit hic, vel simile aliquod. Verbis æquivocis licitum esse uti ad eludendam malitiam iniusti interrogatoris in causa summæ necessitatis, fatetur & ipse sanctus Raymundus. Debent tamen hæc verba æquivoca duplicem habere sensum iuxta communem intelligentiam, quemadmodum habet verbum est in lingua latina. Qui ergo alio idiomate loquuntur, oportet ut adhibeant verbum quod similiter duplici significatione fruatur in communi existimatione. Ultimo tandem concludit Raymundus. Vel dic simpliciter, quod debet negare, & asserere eum non esse ibi. Si tamen sua conscientia distat sibi, quod ita debeat dicere; tunc non dicet contra conscientiam, immo sequetur eam, & nullo modo peccabit: nec contradicit in aliquo istis Augustinus, quia hic non mentietur, idest non ibit contra mentem. Hæc ultima Raymundi responsio, non absoluta, sed hypothetica est. Dicit enim, quod, admissa hypothese, in qua quis iudicat se obligatum esse ad negandum, in domo sua extare hominem quæsitum ad necem, tunc non peccabit. Cur? Quia, si conscientie suæ dictamen repræsentet, imparetque illi, in tali eventu dicendam esse falsitatem seu mendacium pro salvanda hominis vita, & anima simul, nullo modo peccat, quia sequitur regulam conscientie suæ. In talibus enim circumstantiis dari posse ignorantiam invincibilem malitiæ talis mendacii in aliquo homine, concedere videtur Raymundus. Licet enim mendacii absolute accepti nulla detur ignorantia innocens; nihilominus, quando mendacium talibus gravissimis circumstantiis implicatur, videlicet cum profertur pro salvanda hominis anima, vitæque simul; non est adeo evidens, neminem posse invincibiliter reputare licitum mendacium. Perpendenda sunt illa ultima Raymundi verba: Quia hic non mentietur, idest non ibit contra mentem. Mentem hic sumit Raymundus pro conscientia, ut animadvertit etiam Ioannes de

de Friburgo in commentariis ad hunc locum. Quando ergo dicitur, *Mentiri est contra mentem ire*, hic mens sumitur pro scientia, seu notitia in mente extante: cui notitiæ & cognitioni mendacium formaliter acceptum adversatur. Ceterum, si conscientia iudicet, dicendum esse mendacium pro hominis vita; tunc mendacium istud non erit contra mentem, sumptam pro conscientia; licet sit contra mentem, acceptam pro scientia, seu notitia, quæ in mente reperitur. Illud autem mendacium est contra mentem acceptam tum pro scientia, tum pro conscientia, quod, non animo occultandi veritatem, sed libidine fallendi sit, inquit Augustinus Lib. de mend. cap. xiv. *Quartum, quod fit sola mentiendi, fallendique libidine, quod merum mendacium est. . . . Sextum genus, quod & nulli obest, & prodest alicui; velut si quispiam pecuniam alicuius iniuste tollendam, sciens ubi sit, nescire se mentiatur, quocumque interrogante. Septimum, quod nulli obest, & prodest alicui; velut si nolens hominem ad mortem questum prodere, mentiatur, non solum iustum atque innocentem, sed & reum, quia christiana disciplina fit ut neque de cuiusquam correctione desperetur, neque cuiquam penitendi aditus intercludatur. De quibus duobus generibus, quæ solent habere magnam controversiam, satis tractavimus, & quid nobis placeret, ostendimus, ut suscipiendis incommoditatibus, quæ hominibus, & fortiter tolerantur, hæc quoque genera devitentur a fortibus, & fidelibus, & veracibus viris, ac feminis. Augustinus ergo statuit, fortes, fidelesque viros neque pro hominis salute, sive temporali, sive æterna, mentiri umquam debere. Raymundus vero asserit, quod, si homo reperiatur tam imbecillis, cui eius conscientia suadeat, in hac difficillima controversia licitum esse proferre mendacium, tunc non peccabit, nec mentietur libidine fallendi, nec ibit contra mentem, idest conscientiam. Hæc est germana Raymundi mens.*

VIII. Obiicies 4. Annibaldus in III. Sent. dist. xii. art. 3. ad 2. *Dicendum, quod mendacem orationem proferre potuit (Christus) materialiter; non tamen significative; & ideo mendax esse non potuit.* Ut responsio hæc intelligatur, referenda est obiectio. *Si dixero, quod non novi &c. Ioan. vii. Sed hoc dicere potuit. Ergo mendax esse potuit.* Clare nunc colligitur, Annibaldum non aliud docere, nisi quod Christus potuit narrare mendacem locutionem Iudæorum, seu proferre mendacium materialiter, non significative, seu adfirmanter; eo modo quo nos cum Psalmista canimus: *Dixit insipiens in corde suo: Non est Deus*: quæ sane verba materialiter, seu historice a nobis enuntiantur. Id clarius evadet, si integer evangelicus textus, quem in obiectione Auctor indicat, transcribatur. *Et, si dixero, quia non scio eum, ero similis vobis mendax. Sed scio eum, & sermonem eius servo.* Nonne hinc evidentissime patet, historice tantum, seu materialiter protulisse Christum præfata verba, *Si dixero &c.*? Porro aliud longe diversum est adhibere verba ad exprimendos proprios conceptus materialiter, seu spoliata omni significatione;

quod

quod absque mendacio fieri nequit, In primo casu, qui illa profert, non iis utitur, ut suos conceptus promat, sed ut aliena sensa narret. Qui vero verba usurpat, ut sua secreta aliis communicet, iam ordinem pervertit naturæ, sicuti suo loco probavimus, nisi ut signa repræsentantia sensus internos illa adhiberet.

FINIS TOMI TERTII.

cita non est. *ibid.* n. 14. Possunt illæ tamen ab infidelibus comparari soluto pretio. *ibid.* Exponens videndas sacras reliquias principaliter ut inde largiores eleemosynæ offerantur, graviter peccat. *ibid.* & p. 26. n. 5. & seq. Reliquiarum fures eas extrahentes a quibusvis sacris locis, puniuntur poena excommunicationis. *ibid.* n. 17. Ceteros agnos venerari licet. p. 27. n. 18. Eos coloribus minoque depingentes excommunicantur. *ibid.* n. 19. Pro eorum materia pretium accipere licet. *ibid.* Etiam a laicis devote tangi, & osculari possunt. *ibid.* Vestibus sacerdotibus, vasis sacris, & templis venerari debetur. p. 28. n. 20. Calices consecrati non possunt a laicis, nisi Religiosorum Ordinum privilegia habentium, tangi citra veniale. *ibid.* n. 21. Eorumdem Ordinum laicis licet quoque corporalia & purificatoria tangere, dum sacritiæ inserviunt. p. 29. n. 22. Res sacræ usquehunc retinent suam formam, in usus profanos converti nequeunt. *ibid.* n. 23. Laxa de vestimentis sacris P. Dicalitello sententia reicitur. *ibid.* n. 24. Illæ etiam post formam deperditam in profanos usus converti nequeunt. p. 30. n. 25. Vasa sacra postquam fracta sunt, vendi possunt, si in iis nihil nisi auri argenteque communis materia appareat. *ibid.* n. 26. Res profanæ ad debitam formam redactæ in usum sacrum converti possunt. p. 31. n. 27.

Aequivocatio. *V. Mendacium.*

Amphibologia. *V. Mendacium.*

Annibaldus in opere vulgo adscripto D. Thomæ nullo modo favet mendacio. p. 546. n. 8.

Astrologia iudiciaria qua quis futura contingentia ex stellarum motu, plantarum aspectu &c. terræ sterilitatem, hominum morbos &c. divinat ut probabiliter secuturos, non est superstitiosa. p. 47. n. 2. Genethliaca, electio-num, & imaginum fabricatarum superstitiosa est, & vetita a Sixto V. p. 48. n. 3. Futura libera hariolari, licet non certo, sed tantum probabiliter, superstitiosum est. *ibid.* n. 4. Pre-

dictio tantum coniecturalis non est a superstitione immunis. *ibid.* n. 5. & *seqq.* Astrologi licite prædicere nequeunt ex signo nativitatæ temperamentum, inclinationem, & corporis proprietates. p. 50. n. 8. & seq. Qui consulunt Astrologos, ut sibi occultum aliquod delictum revelent, gravissime peccant. p. 51. n. 10. Licitum est petere ut aquæ subterraneæ, non tamen ut thesauri, vel cadavera sub sarcophagis latentia a divinatoribus manifestentur. *ibid.* n. 11. Astrologi, seu divinatores ea prædicentes quæ naturalem cognitionem effugiant, restituere tenentur pretium pro divinatione acceptum. *ibid.* n. 12. Laxa & monstrosa P. Sanchez doctrina refertur, & improbat. *ibid.* n. 13. & seq. V. Divinatio.

S. Augustinus mira naturæ portenta recenset. p. 70. n. 5.

B

Bauni (P. Stephanus) male docet vocare Deum in testem mendacii levis esse peccatum solum leve. p. 408. n. 2. Damnatur hæc propositio ab Innocentio XI. *ibid.*

BENEDICTUS XIV. laudatur ob immortale suum Opus de Beatificatione & Canonizatione servorum Dei. p. 15. n. 11.

Blasphemia est derogatio divinæ bonitatis vel affingendo Deo quod non habet, nec habere potest, vel ab eo id removendo quo carere nequit. p. 29. n. 1. Ea tripliciter divinæ bonitati derogari potest. *ibid.* n. 2. Alia est hæreticalis, alia simplex. p. 100. n. 3. Alia est in Deum, alia in Sanctos. *ibid.* n. 4. Quæ est in Deum, probabilis specie differt ab ea quæ est in Sanctos. *ibid.* n. 5. & seq. In Confessione explicandum est, fueritne ea in Deum, in Virginem, vel in Sanctos. p. 101. n. 7. Ea ex genere suo est peccatum mortale. *ibid.* n. 1. & seq. Blasphemia perfecta scelus est omnium maximum. p. 102. n. 3. & seq. Peccant qui ex inveterata consuetudine, & pravo habitu

bitu blasphemant. p. 103. n. 4. & seq. Tamburini laxissima opinio improbatur. *ibid.* Rens est blasphemiae quae habitu per poenitentiam non retractato verba blasphemia profert etiam inconsiderate. *ibid.* & p. 104. n. 7. & seqq. Blasphemia ex ioco prolata est peccatum mortale. *ibid.* n. 10. & seq. Leandri laxitas impoentis D. Thomae, & Navarro improbatur. p. 105. n. 12. Referuntur variae blasphemandi formulae in Deum, & Sanctos, *ibid.* & p. 106. n. 1. & seq. Blasphemiae sunt hae locutiones: *Non credo Deum, Nego Deum, Crucem, Evangelia, Sacramenta, si ita non est.* *ibid.* n. 3. Dicere, *Perdat Deus, si ita non est,* blasphemia est. *ibid.* Non tamen dicere: *Per vitam Dei sic est: Vivit Deus.* *ibid.* Probabilius blasphemia est dicere: *Hoc est ita verum sicut Evangelium, sicut Christus natus est ex Virgine.* p. 107. n. 3. Blasphemiae haereticales sunt istae: *Per corpus Dei Patris: Per eius barbam: Per alas Spiritus sancti.* *ibid.* Qui falsum iurat, non est blasphemus. *ibid.* n. 4. Qui eodem impetu iracundiae identidem advertens plures profert blasphemias, multiplex peccatum committit. *ibid.* n. 5. Lex vetus, ius civile, & canonicum plures in blasphemos poenas constituunt. *ibid.* n. 1. Qui blasphemantes audit, eos ad iudicem deferre debet. p. 108. n. 2. Blasphemiae simplices, nisi ab aliquo Episcopo reservatae, possunt a simplici Confessario absolvi. *ibid.* n. 3. Sicut etiam blasphemia solum exterius haeretica, a Confessario Regulari p. 109. n. 6. Blasphemis gravissimam poenitentiam iniungere debet Confessarius ex decreto Concilii Lateranensis. *ibid.* num. 7. Laxitas Probabilistarum recentiorum aientium decretum illud obsolevisse, improbatur. *ibid.* Consuetudinarii blasphemis differenda est absolutio, donec remedia impleverint a Confessario praecipta. *ibid.* & p. 110. num. 6. Leandri, & recentium Probabilistarum laxitas improbatur. *ibid.* Poenitentiae iisdem a P. Comitolo

rectae impositae laudantur. *ibid.* num. 7. Bonacina laxas docet propositiones de mendacio. p. 471. n. 17.

C

- Cabala. V. Divinatio.
 Caramuel scite, atque optimis de causis restrictiones mentales avertatur. p. 330. n. 9.
 Cardenas (P. Ioannes de) caute est legendus in iis quae habet de nonnullis ab Innoc. XI. damnatis propositionibus. p. 520. n. 12.
 Cainedi (P. Carolus Antonius) propugnat restrictiones pure mentales non esse damnatas. p. 524. & seqq. n. 10. & seqq. Favet Iansenitis. p. 525. num. 12.
 Castropalaus (P. Ferdinandus) male defendit valere votum in gratiarum actionem emissum ob rem iniustam. p. 161. n. 27. Impugnatur, simulque ostenditur male ab eo pro se allegari Suarez. p. 162. n. 28. & seqq. Laxe excusat a mortali eum qui post votum abstinendi a vino tantum vini non bibit, quantum homo temperatus bibere solet in uno prandio. p. 227. n. 4. Laxas docet propositiones de iuramento. p. 380. n. 7. & p. 410. n. 5.
 Casuistae. Horum clamor quo buccinant minus sincere suorum sociorum verba referri quae horrorem ingerunt laxitatis, in eosdem regeritur. p. 497. & seq. n. 14. V. Propositiones damnatae. Propositiones laxae.
 Cattaneus (P. Ambrosius) doctrinam amplectitur de locutionibus materialibus. p. 476. n. 9. & seq. Hanc sufficere ait ad omnes difficultates convellendas. *ibid.* Sed improbabilem & falsam esse ostenditur. p. 485. & seqq. n. 1. & seqq. Eius opinio comparans mendacium furto in extrema necessitate commissio, adversatur doctrinae Ecclesiae. p. 492. & seqq. n. 1. & seqq. Male defenditur a ioco Anonymi, textu D. Thomae obruncato. p. 497. & seqq. n. 13. & seq. Sicut & falsis interpretationibus damnatarum propositionum.
 Mm ij num.

num. p. 318. & *seqq.* num. 2. & *seq.*
 Celladei. V. Elizalde.
 Cerei Agni. V. Adoratio.
 Certitudo moralis omnem prudentem
 dubitationem excludere debet. p. 412.
n. 7. Male ea certitudo a Casuistis Pro-
 babilistis explicatur. p. 410. n. 5. &
p. 412. n. 8.
 Cicero causas assignat cur dormientes
 divinent. p. 63. n. 12.
 Clerus Gallicanus propositionem damna-
 vit, qua asserbatur Patriarchas, Pro-
 phetas, Angelos, ipsumque Christum
 æquivocationibus, sive amphibologiis,
 & restrictionibus usos fuisse. p. 341.
n. 15.
 Columbiæ (P. de la) pietas laudatur.
p. 174. n. 57.
 Comitatus (P. Paulus) recte pruden-
 terque blasphemis consuetudinariis pœ-
 nitentias iniungebat. p. 110. n. 7.
 Commutatio voti est unius substitutio
 pro alio. p. 344. n. 1. Qui possunt dis-
 pensare, possunt etiam vota commu-
 tare. *ibid.* n. 2. Vovens votum ne in
 evidenter quidem melius propria au-
 thoritate commutare potest. p. 346. &
seqq. n. 9. & *seqq.* Respondetur obie-
 ctis. *ibid.* Qui in minus, sive in æ-
 quale bonum suum votum propria
 auctoritate commutaret, peccaret mor-
 taliter. p. 350. n. 16. Vovens unam
 ingredi Religionem, non potest pro-
 pria auctoritate aliam æque bonam
 intrare. *ibid.* n. 17. In rebus quæ u-
 su consumuntur, non potest una pro
 alia voto promissa sublitari, nisi sit
 intra eandem speciem. p. 351. n. 18.
 Multo minus loquendo de rebus quæ
 usu non consumuntur. *ibid.* Vovens
 tradere filium determinatum Religio-
 ni, non potest alium propria auctori-
 tate sublitare. *ibid.* n. 19. Nec lai-
 cus, nec Clericus coniugatus capax
 est irridictionis commutandi vota, ni-
 si ex Papæ dispensatione. *ibid.* n. 20.
 Vota probabilius commutanda sunt in
 æqualem moraliter materiam. p. 352.
n. 3. & *seq.* Laxa Sporer sententia
 improbat. p. 353. n. 9. Cum dubia
 est æqualitas, locum habet commu-
 tatio. p. 354. n. 6. Commutatio in ma-

teriam minorem, & absque debita æ-
 qualitate, non vacat culpa mortali.
ibid. n. 7. Commutatio in evidenter
 melius facta a Prælato potestate præ-
 dito nullam causam requirit. *ibid.*
n. 9. Sicut etiam in evidenter æquale,
 & simul probabiliter melius. *ibid.* n. 10.
 Eam facere non potest Prælatus in
 rem æqualem, nisi cum aliqua cau-
 sa. *ibid.* n. 11. Si commutatio fiat
 virtute iubilæi, bullæ cruciatæ, aut
 alterius pontificii privilegii, satis est
 absque causa executio operum in eo
 præscriptorum. p. 355. n. 12. Ut com-
 mutatio fiat in æquale bonum sola
 voventis petitio non sufficit. *ibid.*
n. 13. Sed requiritur quod adsit causa
 saltem levis. *ibid.* n. 14. Alias com-
 mutatio licet valida, esset tamen il-
 licita. *ibid.* n. 15. Si vero fiat in mi-
 nus bonum absque rationabili causa,
 nulla est. p. 356. n. 18. & *seq.* Multo
 magis si fiat propria auctoritate. p. 357.
n. 20. Commutans votum in minus,
 aut æquale bonum absque rationabili
 causa, solum venialiter peccat, nisi
 notabilis sit diminutio rei voto subro-
 gatæ. *ibid.* n. 21. Qui sic tamen sibi
 ipsi votum commutaret, peccaret mor-
 taliter. *ibid.* Cum commutatio appa-
 ret illegitima, utpote manifeste in
 rem minorem, præsumendum non est
 commutationem dispensationi permix-
 tam esse. *ibid.* n. 22. Amplior est com-
 mutatio in iubilæo quam in bulla
 Cruciatæ. p. 358. n. 1. Vota castitatis
 & religionis excepta tum in ea bul-
 la, tum in iubilæo, sunt vota perfe-
 cta & absoluta. *ibid.* n. 2. Commu-
 tatio tam intra, quam extra Confes-
 sionem fieri potest. p. 359. n. 3. Non
 tamen in minus. *ibid.* num. 4. Com-
 mutari non possunt vota Religionis,
 & castitatis vi iubilæi, aut bullæ
 etiam necessitate urgente. *ibid.* n. 5.
 Sicut nec votum & iuramentum erogandi elemosynam Ecclesiæ, aut pau-
 peri determinato post illius accepta-
 tionem. *ibid.* n. 6. Qui semel lucra-
 tus est iubilæum, potest post illud
 commutationem votorum obtinere.
p. 360. n. 7. Commutatio initio iubi-

læi

læi obtemperant; consistit etiam omnis subinde ex negligentia operibus iniunctis. *ibid.* n. 8. Peccat tamen mortaliter ea culpabiliter omittens. *ibid.* Confessarius postulat tempore iubilæi vota commutare renuens sine iusta causa peccat. *p. 361. n. 9.* Commutato voto in aliam materiam non extinguitur, sed mutatur prior obligatio. *ibid.* n. 1. Facta voti commutatione non teneretur vovens exequi priorem materiam, si materia substituta facta sit impossibilis. *ibid.* n. 2. Ad illud tamen tenetur etiam elapso tempore definito, si possit impleri. *ibid.* Post commutationem factam in melius, & acceptatam non potest vovens ad pristinam redire materiam. *p. 362. n. 6.* Idem est post commutationem factam in rem æqualem. *p. 364. n. 7.* In voti commutatione sola materia voto promissa spectanda est; sed in dispensatione etiam vinculum promissionis. *p. 365. n. 2.* Explicatur. *ibid.* Maior aut minor materię dignitas & ab excellentia virtutis cuius est fructus, & a circumstantiis est inspicienda. *ibid.* n. 3. Explicatur. *ibid.* In quolibet voto inspiciendus est potissimum finis, qualitas, & dignitas. *p. 366. n. 4.* Exequendi voti difficultas etiam ex eo consideranda est quod difficultas huiusmodi meritum auget. *ibid.* n. 5. Explicatur. *ibid.* Licet congruum sit, non est tamen necesse ut votum personale in personale, & reale in reale commutetur. *p. 367. n. 6.* In votorum conditionalium commutatione considerandum est quam contingens sit eventus conditionis, dum illa in absoluta sunt commutanda. *ibid.* n. 7. Explicatur. *ibid.* In quolibet votorum commutatione semper spectanda vovens fragilitas, cavendumque est ne nimis gravetur, aut peccandi periculo expositus maneat. *p. 368. n. 8.* Explicatur, & exemplificatur. *ibid.* & n. 9. In peregrinatione considerandum, utrum iter pedestre sit, nec ne. *ibid.* n. 10. Modus commutandi votum ingrediendi Religionem Dominicanam assignatur ex Me-

dina. *ibid.* n. 11. Sicut non ineundi matrimonium, & sacerdotii suscipiendi. *p. 369. n. 12. & seq.*

D

Daniel (P. Gabriel) male contendit Innocentium XI. damnasse propositiones ut iacent, non ut sunt in Auctorum, unde excerptæ sunt, libris. *p. 472. n. 1.* Hoc pacto sævet doctrinæ Iansenistarum de quinque propositionibus. *ibid.* Dicastillus (P. Ioannes) laxè docet sacris vestimentis uti licere intra Ecclesiam pro comædiis honestis. *p. 29. & seq. n. 24.*

Dispensatio in voto ab Ecclesia concedi potest. *p. 313. n. 1.* Huiusmodi facultas residet penes Ecclesiæ Prælatos. *p. 314. n. 3.* Et est spiritualis, & iurisdictionis, non ordinis. *ibid.* n. 4. Est ablatio vinculi voti, facta nomine Dei ab habente iurisdictionem spiritualem in foro externo ex rationabili causa. *ibid.* n. 5. Recte huiusmodi ablatio explicatur a D. Thoma. *ibid.* n. 7. Qui dispensare potest, probabilius potest & commutare. *p. 315. n. 9.* Potestas hæc delegari potest omnibus Sacerdotibus & Clericis tonsura initiat, dummodo coniugati non sint. *p. 316. n. 2.* Non tamen coniugatis, nisi ab ipso summo Pontifice delegetur. *ibid.* Recententur ii quibus iure ordinario potestas hæc competit. *ibid.* n. 3. Vota edita a communitate ob causam dispensari possunt ab Episcopo: successores vero communitatis vi voti non tenentur, sed præcepto Episcopi, qui eos dispensare potest. *ibid.* n. 4. Qui valet dispensationem a voto concedere, hoc privilegium sibi probabilius applicare nequit, sed pro ea debet ad suos superiores recurrere. *p. 317. n. 6.* Prælati Regulares dispensare valent in subditorum votis, emissis cum licentia Prælatorum maiorum. *p. 318. n. 2.* Sicut & cum suis Novitiis. *ibid.* n. 3. Non tamen cum suis subditis in voto transeundi ad arctiorem Religionem, si sint in laxiori, idest collapsa a regulari disciplina

in

in substantialibus. *ibid.* n. 4. & p. 319. n. 5. Neque in votis solemnibus, & quæ statum propriæ Religionis afficiunt. *ibid.* n. 6. Privilegia multa, quæ a multis allegantur ad probandam facultatem Regularium dispensandi in omnibus votis secularium non reservatis summo Pontifici, non subsistunt. p. 320. & seqq. n. 2. & seqq. Recensentur, & impugnantur. *ibid.* Falsa est omnino sententia huiusmodi privilegia Regularibus concedens. p. 325. & seqq. n. 16. & seqq. Ostenditur. *ibid.* Fallo quoque Salmanticenses docent posse Regulares dispensare in quibuscumque votis cum Religiosis etiam alterius Ordinis vi privilegiorum Eugenii IV. & Sixti IV. p. 327. n. 24. Quinque tantum sunt vota Pontifici reservata; nempe vota, perpetuæ castitatis & Religionis, & triplicis peregrinationis, Hierosolymitanæ, Romanæ, & Compostellanæ. p. 328. n. 1. & seqq. Solvuntur obiecta ex D. Thoma deprompta. p. 329. n. 4. & seqq. Iuramenta de his Deo facta, æque ac vota probabilis Pontifici reservantur. p. 330. n. 6. Episcopi & Prælati habentes iurisdictionem quasi episcopalem necessitate urgente valent in quinque præfatis votis dispensare. *ibid.* n. 7. Declaratur. *ibid.* Male Salmanticenses, & Croufers idem privilegium Prælati omnibus adscribunt. *ibid.* n. 8. In casibus in quibus Episcopi dispensare possunt, non debet dispensatio excedere necessitatis limites. p. 331. n. 9. Possunt illi ut supra dispensare, etiam si Legatus aut Nuncius pontificius esset in provincia, nisi isti speciale super dictis votis a Pontifice delegatam potestatem haberent. *ibid.* n. 10. Votorum reservatio strictè est interpretanda. *ibid.* n. 11. Utque vota sint reservata, debent esse absoluta, certa, expressa, & perfecta. *ibid.* Non essent Pontifici reservata vota ad quæ quis intenderet se obligare tantum sub veniali. *ibid.* n. 12. Aut si essent edita ex metu etiam levi. p. 332. n. 13. Si dubium sit aliquod huiusmodi votum, vel eius reservatio, iudicandum est

pro non reservatione. *ibid.* n. 14. Votum non contrahendi matrimonium non est reservatum. *ibid.* n. 15. Potest Episcopus vi consuetudinis facultatem concedere petendi debitum coniugale ei qui voto castitatis devotus matrimonium contraxit. *ibid.* n. 16. Votum castitatis coniugalis non est reservatum. *ibid.* n. 17. Neque votum Religionis non approbatæ. p. 333. n. 18. Vota triplicis peregrinationis tunc sunt reservata quando edita fuerint ob devotionem non absolute, sed erga præfata loca. *ibid.* n. 19. Reservatum quoque est emissum cum aliqua circumstantia votum, quod ea omissa integrum manet. *ibid.* n. 20. Votum disiunctivum re integra manente non est reservatum. *ibid.* n. 21. Secus selecta postmodum a vovente parte reservata. *ibid.* Votum ingrediendi Religionem, si pater obierit, reservatum est. p. 334. n. 22. Vota vere conditionalia etiam pœnaliter impleta conditione sunt reservata. p. 335. n. 24. Pium opus in quod commutatur votum reservatum, non est reservatum. p. 336. n. 25. Quando ex aliquo capite prædicta vota non sunt reservata, possunt ea Prælati Regulares commutare. *ibid.* n. 26. Qui recipit facultatem per bullam, aut iubilæum dispensandi, aut commutandi omnia vota, non potest relaxare etiam reservata, nisi super his facultas exprimitur. *ibid.* n. 27. Ad validam licitamque dispensationem causa rationabilis necessaria est. *ibid.* n. 1. & p. 337. & seqq. n. 2. & seqq. In dubio de existentia causæ dispensandi, Prælati dispensare nequit. p. 338. n. 6. Si causa sit certa, & dubium sit an sufficiens, satius erit votum commutare. *ibid.* Dispensatio data bona fide tam ex parte postulantis, quam ex parte concedentis ob causam postea deprehenfam falsam ac nullam, probabilis nulla est. p. 339. n. 8. Ut dispensatio legitime impertiat, tria requiruntur; ut nempe liceat secundum æquitatem; ut deceat secundum honestatem; ut expediat secundum utilitatem. p. 340. n. 9. Ex causis peculiaribus occurrentibus Episcopus dispensa-

re valet. *p. 341. n. 10. Recensetur, ibid.* Sola imperfecta deliberatio voventis causa sufficiens non est ad dispensationem ei concedendam. *p. 341. n. 11.* Etiam si oriatur ex timore mortis, naufragii, alteriusve gravis periculi. *p. 342. n. 12.* Gravis difficultas exequendi votum non prævia ante votum sufficit pro concedenda illius dispensatione. *ibid. n. 13.* Si autem prævia fuerit, regulariter non sufficit. *ibid. & p. 343. n. 14.* In dubio negativo de voto emisso iusta est causa dispensandi; non tamen si adsint rationes probabiliores pro voto. *ibid. n. 15.* Ob boni communis incrementum, aut damnum eiusdem vitandum, dispensatio concedi potest. *ibid. n. 16.* Raro causa adæquata occurrit dispensandi absolute in voto.

p. 344. n. 17.

Divinatio quid sit exponitur, illiusque species indicantur. *p. 41. n. 1. & seq.* Dæmones ea futura prædicere possunt quæ a causis naturalibus omnino pendunt. *ibid. n. 3.* Multipliciter dæmones divinos suos docent. *p. 42. n. 4.* Divinatores interdum expresse, interdum tacito pacto dæmonum opem invocant. *ibid. & p. 43. n. 5. & seqq.* Explicatur. *ibid.* Divinatio cum pacto expresse cum dæmone non differt morali specie ab ea quæ tacito pacto peragitur. *p. 44. n. 11.* Ob aggravantem tamen circumstantiam, & quia hoc peccatum alia communiter comitatur, explicanda est in confessione. *ibid. & p. 45. n. 12.* Ea mortale crimen est, si cum pacto expresse, si cum tacito. *p. 46. n. 13.* Qui ioci causa impræseculi cabala utuntur, graviter peccant. *ibid.* Divinatio naturalis per alia, etsi plerumque vana, tamen licita est. *p. 47. n. 1.* Per somnia a Deo immissa licet divinare futura. *p. 54. n. 4.* Ea finine a Deo, vel a dæmone immissa, difficile est cognoscere. *ibid.* Prudenti Confessario sunt manifestanda. *ibid.* Naturalium somniorum observatio licita est. *ibid. n. 5.* Grave scelus est ex somniis futura libera divinare. *ibid. n. 6.* Qui somniorum occasione mores suos, & negotia prudenter

moderatur, non peccat. *p. 55. n. 7.* Explicatur. *ibid.* Etiam si somnia eventibus comprobentur, observanda non sunt. *ibid. n. 8.* Ex cantu, volatu, motuque avium licet portendere futura, quæ a causis naturalibus pendent. *p. 56. n. 3.* Non vero contingentia libera. *p. 57. n. 3.* Neque futura ex vocibus humanis casu prolatis, aut ex aliis fortuitis eventis. *ibid. n. 4.* Physiognomia naturalis licita est. *ibid. & p. 58. n. 5.* Sed ex physiognomia astrologica futura contingentia libera divinare superstitiosum est. *ibid.* Agyptios, vulgo Cingaros, serio consulentes, ut ex manuum ostensione bonam, aut malam sortem sibi annuntient, letaliter peccant. *p. 58. n. 6.* Divinatio quæ fit sortium usu, alia est divinatoria, alia consultioria, alia divinatoria. *p. 58. & seq. n. 1.* Explicatur. *ibid.* Sortes divinatoriæ licitæ sunt. *p. 59. n. 2.* In electione ad dignitates sæculares uti licet sortibus divinatoriis. *ibid. n. 3.* Non tamen in electione ad ecclesiastica beneficia. *ibid. & p. 60. n. 4.* Electio ad eadem beneficia sortitione peracta illicita est, non tamen nulla. *ibid. n. 5.* Licita est sortitio ad dirimendas lites super rebus, & beneficiis ecclesiasticis, si fiat auctoritate publica, secus si privata. *ibid. & p. 61. n. 6. & seq.* Sortitio consultioria, in qua effectus expectatur a dæmone, superstitiosa est. *p. 62. n. 8.* Licita vero, quando cognitio eventus futuri imploratur a Deo. *ibid. n. 9.* Quatuor conditiones ad hoc requiritæ recensentur. *ibid.* Divinatio quæ fit usu duellorum, ferri candentis, & aquæ ferventis, illicita est. *ibid. n. 11.* Dormientes præ vigilantibus divinant. *p. 63. n. 12.* Assignantur causæ. *ibid.* Fatui, & stupidi facilius divinant quam sana mente præditi. *ibid. n. 13.* Assignantur causæ. *ibid.* Homines morti proximi futura divinant. *p. 64. n. 14.* Sicut ex S. Augustino febri ardenti furentes. *ibid. n. 15.* Ars notoria, observantia sanitarum, sicut & furorum eventuum illicita est. *p. 55. & seqq. n. 1. & seqq.* Explicatur, & ostenditur. *ibid. V. Astrologia.*

El-

E

Elizalde (P. Michael, vulgo Celladei) distinctionem Casuistarum inter doctrinam Patrum docentium in scholis, & eam qua concionantur in templis, ait esse potissimam præsentis laxitatis originem. *p. 480. n. 7.*

F

Fascinato. *V. Magia.*

Francolinus (P. Balthassar) falso scribit nostros Casuistas scribere ex doctrina Patrum, ubi Patres prævivere, & ex doctrina non contraria Patribus, ubi Patres non prævivere. *p. 479. & seq. n. 7.* Distinctionem quam collocat inter Patres docentes in scholis, & eosdem e suggestu concionantes, est laxitatis origo. *ibid.* Ea distinctio Patrum auctoritatem elevat, favetque Lutheranis, & Calvinistis. *ibid.*

Fuenie Hurtado (P. Didacus de la) propugnat restrictiones pure mentales etiam post illarum damnationem. *p. 522. & seqq.* Relertur, & improbat eus doctrina. *ibid.* Ansam porrigit Iansenistis eludendi pontificia decreta. *p. 524. n. 8.* Temere doctrinam restrictionum pure mentalium SS. Augustino, Thomæ, & Gregorio attribuit. *ibid. n. 9.*

G

Gobat (P. Georgius) laxam de voto propositionem docet. *p. 170. n. 47.*

Grotius (Hugo) male contendit licitum non esse iuramentum promissorium. *p. 419. n. 1.*

H

Heres an teneatur ad vota testatoris solvenda. *V. Potum.*

Hesseli (Ioannes) Lovaniensis male contendit minime licere maleficii signa destruere. *p. 80. n. 2.*

I

Idololatria est peculiaris superstitionis species, & grave flagitium. *p. 18. & seqq. n. 1. & seqq.*

Imagines sacræ. *V. Adoratio.*

Irritatio voti est eiusdem ablati ab eo qui potestate dominante pollet, facta. *p. 287. n. 1.* Irritatio huiusmodi ut valida sit, requiritur aliqua causa. *ibid. n. 3.* Ut vero licita sit, duplex est intentia, utraque vera in suo sensu. *ibid. & p. 288. n. 4. & seq.* Facultas irritandi vota probabilius est iuris naturalis. *p. 289. n. 7. & seq.* Summus Pontifex non potest irritare quæcumque vota, quæ potest pater, tutor, prælatus, atque dominus. *p. 290. n. 10.* Episcopi irritare valent vota Monialium sibi subiectarum, non tamen non subiectarum, nec Regularium exemptorum, nec Clericorum non suorum, multoque minus laicorum. *p. 291. n. 11.* Illi tantum directe vota irritare possunt qui habent potestatem dominativam in personis sibi subditis. *ibid. n. 12.* Exemplificatur. *ibid.* Ut prudenter agat, tenetur superior vota irritanda in specie cognoscere. *ibid. n. 13.* Potest ea irritare, etiam subditiis repugnantibus. *ibid. n. 14.* Etiam vota interna Regularium, quæ regimen nullo modo perturbant, nec Religionis observantiam, irritari possunt a Prælati earundem. *p. 292. & seq. n. 3.* Respondetur obiectis. *p. 293. n. 4.* Excipiuntur ea vota quæ statum constituunt, & votum transeundi ad arctiorem Religionem. *p. 294. n. 5.* Enumerantur Prælati subditorum Regularium vota irritare valentes. *ibid. n. 6.* Nec Legati a latere, nec Congregationes Cardinalium vota Religiosorum irritare valent. *ibid. n. 7.* Præsentibus Prælati primarius, secundarii ius non habent vota irritandi. *ibid. n. 8.* Abbates, seu Prioris suarum Monialium vota irritare possunt. *p. 295. n. 9.* Novitorum vota Prælati Regulares irritare nequeunt. *ibid. n. 10.* Parentes irritare possunt vota filiorum impuberum. *p. 297. n. 2.* Non

ta-

tamen vota personalia filiorum qui pubertatem sunt assecuti, si ea domesticæ gubernationi non officiant; secus potest. *ibid.* n. 3. Vota a filiis pupillis edita, & ab ipsis confirmata in pubertate irritari non possunt, nisi ut supra. p. 298. n. 4. Vota impuberum semel confirmata a patre, probabilius non possunt ab eo deinceps irritari. *ibid.* n. 6. Vota emissâ a filiis spuris & illegitimis, possunt irritari a patre, nisi sub tutore, aut curatore sint constituti. p. 299. n. 7. Vota realia filiorum puberum possunt irritari a patre. *ibid.* n. 8. Non tamen si ea vota sint de bonis castrensibus. *ibid.* n. 9. Aut de adventitiis, quorum illi habeant administrationem. p. 300. n. 10. Sicut neque votum eundi Romam, si eo ire necesse sit pro obtinenda absolutione ab excommunicatione. *ibid.* n. 11. Tutores, & Curatores impuberum, & minorum vota, quemadmodum patres, irritare possunt. *ibid.* n. 13. Curator datus maiori ob culpam prodigalitatâ, eiusdem vota realia irritare potest. p. 301. n. 15. Mater præsentem, vel viventem marito filiorum vota irritare nequit. p. 302. n. 19. Et neque eo mortuo aut procul distante, si avus, tutor, aut curator existat filiorum. *ibid.* n. 20. Potest illa tamen his omnibus deficientibus. p. 303. n. 21. Non tamen vota realia filiorum puberum. *ibid.* n. 22. Deficientibus parentibus avus & avia ea vota irritare possunt quæ potest mater. *ibid.* n. 23. Magistri discipulorum, domini servorum, heri famulorum vota personalia in impubertate emissâ irritare nequeunt. p. 304. n. 25. Maritus probabilius ea solum vota uxoris matrimonio contracto emissâ irritare potest quæ matrimonium, filiorum educationem, bonorum administrationem, & familiæ regimen spectant. *ibid.* n. 1. & p. 305. & seq. n. 2. & seqq. Non potest vota, & iuramenta uxoris de operibus præceptis irritare. p. 307. n. 7. Nec probabilius potest irritare votum non petendi debitum absque suo consensu ab uxore editum. *ibid.* n. 8. Nec votum castitatis quod uxor ex illius

Tam. III.

consensu emisit. *ibid.* n. 9. Aut quod uterque mutuo consensu edit. *ibid.* n. 10. Etiam si subinde rei coniugali sacrilegum navaverit operam. *ibid.* n. 11. Secus esset, si licentiam tantum sibi mutuo concederent coniuges ad votendum non explicato genere voti. p. 308. n. 12. Quando uterque coniux mutuo consensu Religionem vovet, non potest alter tantum, aut uterque consensu mutuo votum illud irritare. *ibid.* n. 13. Vota quæ uxor ante contractum matrimonium emisit, implenda tamen matrimonio iuncto, maritus irritare nequit, sed solum suspendere, quatenus officio maritali sint incommoda. *ibid.* n. 14. Vota quæ implenda post dissolutum matrimonium uxor edit, probabilius maritus irritare non potest. *ibid.* n. 15. Uxor ea vota mariti irritare potest quæ iuri matrimoniali repugnant. p. 309. n. 16. Votum emissum a marito non petendi debitum uxor irritare non potest. *ibid.* n. 17. Plerumque, & fere semper illicitum foret tale votum. *ibid.* n. 18. Potest uxor irritare votum quod maritus emisit ferendi habitum Eremitæ, vel alicuius Religionis. p. 310. n. 19. Non tamen votum erogandi amplas elemosynas, & prolixas preces fundendi. *ibid.* n. 20. Votum crebra ieiunia peragendi quæ maritum debito reddendo inhabilem facerent, irritare potest. *ibid.* Sicut etiam votum longæ peregrinationis. *ibid.* n. 21. Non tamen irritare potest vota mariti ante matrimonium emissâ, sed solum suspendere. p. 311. n. 22. Domini famulorum vota irritare nequeunt, sed solum suspendere, quatenus ea debitum sibi servitium impediunt. p. 312. n. 1. Si famuli sint vere servi, vota debitum sibi servitium impediunt irritare domini possunt; secus non. *ibid.* n. 4. Non tamen vota castitatis, & huiusmodi. *ibid.* n. 6. Idem dicendum de filiisfamilias qui servos habent cum bona spectantia ad peculium castrense. p. 313. n. 7.

Iuramentum tamquam illicitum damnant plures hæretici. p. 375. n. 1. Idem

N n que

que Scripturæ, & rationi innixi. p. 374. n. 2. Sed veritas fidei est non omne iuramentum prohibitum, vel illicitum esse Christianis. *ibid.* n. 3. & *seq.* Respondetur argumentis hæreticorum. p. 375. & *seq.* n. 4. & *seqq.* Iuramentum est invocatio divini nominis ad fidem faciendam, aut promissionem firmandam. p. 383. n. 1. Explicatur. *ibid.* n. 3. & *seqq.* Varie iurandi formulæ ad tres classes reducuntur. p. 384. n. 7. Explicantur, & exemplis pluribus earum vis detegitur. p. 385. & *seqq.* n. 8. & *seqq.* Varii modi dicendi idem sonantes ac *Per Deum* recensentur; & præcipue contra Spores, & Tamburinum vere iuramenta esse ostenditur. p. 389. & *seqq.* n. 1. & *seqq.* Qui passim nomen Dei assumunt in vanum, licet nihil asserunt, vel negent, graviter peccant. p. 391. n. 4. Hæ formulæ, *Per animam meam, In anima mea*, iuramentum important, non vero istæ, *Per meam conscientiam, In mea conscientia*. p. 391. n. 5. Iurat qui dicit: *Iuro per meam conscientiam*. p. 392. n. 6. Sicut & qui dicit: *Iuro per vitam huius equi*, aut per conservationem rei inanimatæ. *ibid.* n. 7. Sic interrogatus: *Iuras mihi per Deum rem ita se habere*; iurat, si respondeat: *Ita res se habet*. p. 393. n. 8. Iurat qui utitur expressionibus iuxta communem estimationem pro iuramento acceptis. *ibid.* n. 9. In re ambigua intentio proferentis attendenda est. *ibid.* n. 20. Iurare per falsos deos non licet; nec obligat tale iuramentum. p. 394. n. 11. Recensentur nonnullæ formulæ iuramentum execratorum continentes. p. 395. n. 12. Expendendæ illæ sunt ut communiter proferuntur. *ibid.* n. 13. In iuramento attendenda est mens & intentio iurantis. *ibid.* n. 15. Sed si formula verborum suapte natura iuramentum exprimat, iuramentum est, etiam deficiente intentione iurandi. *ibid.* Ad iuramentum non requiritur verbum *iuro*, sed satis est divini testimoniū invocatio expressa. p. 396. n. 16. Verba quæ in duplici sensu usurpari possunt, interpretanda sunt habito re-

specu ad illos qui ea pronuntiant: *ibid.* n. 17. Ita quoque verba ambigua; sicut etiam ex circumstantiis interpretanda sunt. p. 397. n. 18. Explicatur divina illa regula: *Sic autem sermo vester Est est, Non non &c.* *ibid.* n. 19. Iuramentorum divisio petenda est ex parte rei iuratæ, & ex modo iurandi. p. 398. n. 1. Ex parte materiæ dividitur iuramentum in assertorium & promissorium. *ibid.* n. 2. Assertorium est quo Deus in confirmationem veritatis vel præsentis, vel præteritæ invocatur. *ibid.* Promissorium est quo quis rei futuræ promissionem firmat, ut alterum securiorem reddat. *ibid.* Explicatur utrumque. *ibid.* Promissorium dividitur in absolutum, & in confirmatorium, quod etiam vocatur votum iuratum. *ibid.* Qui votum Deo iuratum violat, peccat & contra votum, & contra iuramentum. *ibid.* Ex parte modi iurandi dividitur iuramentum in contestatorium, & execratorium. p. 399. n. 3. Explicatur exemplis. *ibid.* Iuramentum aliud simplex est, aliud solemne. p. 400. n. 4. Referuntur plures ritus Iudeorum pro iuramenti usu. *ibid.* Varii ritus pro iuramentis solemnibus præscribuntur in iure civili, & canonico. *ibid.* n. 5. Solumne iuramentum aliud est verbale, quod fit solis verbis, aliud iudiciale, quod in iudiciis præstat. *ibid.* n. 6. & p. 401. n. 7. Iudiciale aliud est calumniæ. *ibid.* n. 7. Aliud malitiæ. p. 402. n. 8. Aliud suppletorium. *ibid.* Aliud in litem, aliud necessarium, aliud voluntarium. *ibid.* n. 9. & *seqq.* Suppletorium reo, non auctori in causa dubia deferendum est. p. 403. n. 12. Et quidem non nisi in gravissima necessitate. *ibid.* n. 13. Suppletorio iuramento locus non est in criminalibus, in quibus poena corporalis reo est infligenda. *ibid.* n. 14. Iuramenta prædicta sunt omnia eiusdem speciei. p. 404. n. 16. Non raro tamen etiam aliam malitiam continent, ut blasphemiam &c. *ibid.* n. 19. Ut licitum sit iuramentum tres condiciones requiruntur; veritas nempe, iustitia, & iudicium.

p. 405. & seqq. n. 1. & seqq. Explicatur. *ibid.* Sex casus assignantur, in quibus iuramentum non solum a culpa est immune, sed etiam habet virtutis meritum. p. 407. n. 4. Veritas in iuramento assertorio requisita non est necesse ut talis sit in re, sed sufficit ut talis existimetur. p. 408. n. 1. In re levissima falsum iurans peccat mortaliter. *ibid.* n. 2. Opposita propositio P. Bauni damnatur ab Innocentio XI. *ibid.* Qui rem dubiam ut certam, aut contra iurat, peccat mortaliter. p. 409. n. 3. Qui per hyperbolem aliquid iurat, quod, ut sonat, verum non est, illicite iurat. *ibid.* n. 4. Non est licitum iurare rem quam probabiliter tantum iudicas esse veram. p. 410. & seq. n. 5. Laxe Leandri, Sanchez, & aliorum sententiæ improbantur. *ibid.* Ut quis licite iurare possit, necessaria est certitudo moralis, quæ omnem prudentem dubitationem excludit. p. 412. n. 7. Male a Casuistis certitudo moralis explicatur. *ibid.* n. 8. Nemo sive in iudicio, sive extra potest iurare rem ut absolute veram, quam audivit solum ab unico teste fide digno. p. 413. n. 9. Norma diligentis requisitæ in inquirenda veritate necessaria ad iuramentum, esse non debet rei iuratæ natura, sed summa gravitas, & dignitas iuramenti. p. 414. n. 10. Qui notabiliter negligens est in inquirenda veritate rei quam iurat, peccat mortaliter, etsi contingat eam esse veram. *ibid.* n. 11. Ut Scholastici licite iurare possint aliquem socium ad scholas accessisse tempore requisito ab universitate, satis est illos scire eum communiter audivisse lectiones. p. 415. n. 12. Implexa Tamburini ex Hurrado doctrina improbat. *ibid.* Non licet persuadere alicui, ut iuret veritatem quam ipse ignorat. *ibid.* n. 13. Defectus iustitiæ in iuramento assertorio probabilis est peccatum mortale, quando iurantis assertio peccatum mortale est; secus non. p. 416. n. 3. Defectus vero iudicii leve, si sit solum in expendenda necessitate iurandi. p. 418. n. 5. Si vero sit in in-

quisitione veritatis, gravis erit, vel levis, pro ut gravis, vel levis fuerit negligentia. *ibid.* Iuramentum promissorium licitum non esse male contendit Grotius. p. 419. n. 1. Etiam in eo requiritur veritas, iudicium, & iustitia. *ibid.* In iuramento promissorio defectus veritatis præsentis semper est peccatum mortale. *ibid.* n. 2. Qui rem promissam iuramento firmatam in materia gravi non implet, peccat mortaliter. p. 420. n. 3. Idem etiam est, etiamsi materia sit levis. p. 421. & seqq. n. 5. & seqq. Defectus executionis talis iuramenti inducit falsitatem non materiale, sed formalem. p. 423. n. 9. Respondetur adversariis obiectis. p. 425. & seq. n. 12. & seqq. Qui sub iuramento rem promitteret animo dubio illam implendi, peccat mortaliter. p. 427. n. 16. Iuramenta quibus communiter homines iurant aliquid se facturos, vel non, interpretanda sunt iuxta communem sensum, in quo accipiuntur. *ibid.* n. 17. Qui iurat se fornicaturum, vel aliquid grave delictum patraturum, peccat mortaliter contra religionem. p. 428. n. 2. Probabilis quoque sic peccat, si delictum sit leve. *ibid.* n. 4. & seq. Qui iurat aliquid se facturum contra consilia evangelica, solum peccat venialiter. p. 429. n. 6. Materia iuramenti debet esse licita, possibilis, & bona. p. 430. n. 1. Explicatur. *ibid.* n. 2. & seqq. Si materia iurata indifferens iuret propter finem honestum, vel proximi utilitatem, iuramentum obligat. p. 431. n. 6. In promissione liberali, & iurata contrahendi matrimonium, semper includitur conditio, *nisi meliorem statum elegero*. p. 432. n. 8. Iuramentum de re illicita relaxatione non indiget. *ibid.* n. 9. Respondetur duobus obiectis ex iure canonico petitis. *ibid.* Absolute loquendo maior est obligatio voti quam iuramenti. p. 434. n. 6. Non est licitum iurare sine animo iurandi. p. 436. & seq. n. 9. & seq. Improbat. doctrina P. Tamburini cen doctrina damnata; & eiusdem explicatio, quam exhibet P. Vi-

sunt, libris, male asserit P. Gabriel Daniel. *ibid.* Post damnatas restrictiones mentales plures recentiores ad distinctionem confugerunt restrictionum pure, & non pure mentalium, sicut & ad verba amphibologica, & æquivoca. *p. 473. n. 3. & seq.* Explicatur. *ibid.* Alii non pauci ad scientiam communicabilem, & incommunicabilem. *p. 474. n. 5.* Alii tandem ad locutiones materialiter adhibitæ, cum intentione nempe nihil significandi. *ibid. n. 6.* Explicatur doctrina P. Tanneri, & P. Sroz. *p. 475. n. 7.* Et doctrina P. La Croix, præsertim respectu Confessarii interrogati de re quam habet sub sigillo. *ibid. n. 8.* Hanc doctrinam P. Ambrosius Cattaneus extendit ad casus non solum graves, sed ad quodcumque notabile incommodum declinandum. *p. 476. n. 9. & seq.* Doctrina tamen eorum recentiorum eadem est ac doctrina Cassiani volentis in extrema necessitate licita esse mendacia. *p. 477. n. 1. & seqq.* Adversaturque doctrinæ D. Angulini in omni eventu mendacia damnantis. *ibid.* Ostenditur facta collatione casuum ab eodem Angulino, & recentioribus propositorum, & contraria doctrina resolutorum. *ibid.* Doctrina recentiorum de restrictionibus pure mentalibus falsa est, & iure ab Ecclesia damnata. *p. 481. & seqq. n. 1. & seqq.* Respondetur obiectionibus. *p. 483. & seq. n. 6. & seqq.* Improbabile & falsum est verba ex communi Reipublicæ lege nihil significare, si adhibeantur ad occultandam veritatem quæ sine gravidamno manifestari nequit. *p. 483. & seqq. n. 1. & seqq.* Lex ista fuit incognita omnibus antiquis. *ibid. n. 2.* Opinio Tamburini aientis hominem ad libitum posse proferre verba materialiter, laxior est ipsa propositione damnata de restrictionibus mentalibus. *p. 489. & seqq. n. 1. & seqq.* Opinio P. Cattanei, & P. La Croix, aliorumque comparantium mendacium furto in extrema necessitate commissum, adversatur doctrinæ Ecclesiæ. *p. 492. & seqq. n. 1. & seqq.* Com-

munis plurimum recentiorum opinio; quæ restrictiones non pure mentales defendit beneficio notitiæ communicabilis, & incommunicabilis, utilis, & non utilis ad dicendum, sub examen inducitur. *p. 499. & seqq. n. 1. & seqq.* Ostenditur eam non differre a sententia propugnantium restrictiones pure mentales. *ibid.* Impugnatur quæ de ea edisserit P. Viva. *ibid.* Eiusdem doctrina recidit in propositionem damnatam. *p. 502. & seq. n. 9. & seqq.* Recensentur causæ, cur recentiores plurimi reipsa defendant restrictiones pure mentales proscriptas. *p. 506. & seq. n. 1. & seq.* Referuntur doctrinæ P. Sanchez, & improbantur una cum vindictis quas de eo exhibet P. Viva. *ibid. & p. 508. & seqq. n. 5. & seqq.* Recentiores plurimi reipsa docent restrictiones mentales, quia male vitam veritati anteposunt. *p. 515. n. 1.* Reiecto ut illicito usu restrictionis mentalis, male inferunt aliqua Dei præcepta esse impossibilia. *ibid. n. 2.* Ostenditur S. Angulini doctrina. *p. 516. n. 3. & seq. Male unicus & peculiaris Confessariis casus cum aliis casibus confunditur. ibid. n. 5. & seq.* Falsum est damnatas propositiones doctrinæ non esse ut sunt in Auctoribus. *p. 517. n. 7.* Prædictis propositionibus perperam sensus extraordinarii affinguntur, in quibus contenditur illas damnatas fuisse. *ibid. & p. 518. & seqq. n. 8. & seqq.* Referuntur, & improbantur sensus iidem attributi a P. La Croix, & Anonymo defensore P. Cattanei. *ibid.* P. Moya, P. Cardenas, Sporer, alique plurimi recentiores ob id caute legendi sunt. *p. 520. & seq. n. 12.* Restrictiones pure mentales neque ex causa honestæ sunt, sed sunt pure mendacia. *p. 522. & seqq. n. 1. & seqq.* Illas, post damnatas ab Innoc. XI. propositiones, propugnat P. Didacus de la Fuente Hurtado, & P. Casedi docet non esse damnatas. *ibid.* Referuntur horum doctrinæ, & improbantur. *ibid.* Amphibologia quæ aut vi verborum, aut circumstantiarum duplicem patitur sensum, utrumque ab auditore intel-

religibilem, non est mendacium, sed licita est. p. 526. & seqq. n. 1. & seqq. Non semper hæc amphibologia occurrit, aut sufficit ad occultandam veritatem, potissimum interrogante urgente, ut sine æquivocatione loquamur. p. 528. & seqq. n. 8. & seqq. Alia proinde via occultanda sunt secreta quæ absque peccato revelari nequeunt. *ibid.* Assignantur novem regulæ observandæ. p. 531. & seqq. n. 10. & seqq. Exponuntur Scripturæ textus, quos antiqui pro tuendis mendaciis, & recentiores pro defendendis mentis restrictionibus opponunt. p. 533. & seqq. n. 1. & seqq. Perperam in favorem restrictionum mentalium asseruntur aliqui textus evangelici. p. 536. & seqq. n. 1. & seqq. Ostenditur illorum omnium explicatione. *ibid.* Itemque solutione objectionum tum a ratione, tum ab exemplis, & doctrina Sanctorum petitarum. p. 543. & seqq. n. 1. & seqq.

Molinos (Michael) duos de voto errores docuit, damnatos subinde ab Innocentio XI. p. 115. n. 1.

Moya (P. Matthæus) qui sub larva Amadæi Guimenii laxas opiniones primum vulgavit, eas deinde sub splendido probabilitatis colore recudit. p. 145 n. 30. Inani distinctione contendit, non semper voventem virginitatem teneri ad castitatem. p. 234. n. 22. Laxam docet propositionem de iuramento. p. 380. n. 10. Caute esse legendum bene monet P. La Croix. p. 520. *num.* 12.

O

Opinio. V. Propositiones damnatæ. Propositiones laxæ.

Orsi (P. Ioseph Augustini) opera laudantur. p. 444. & p. 497. n. 13.

P

Probabilistæ, sive Ecclesia damnet, sive non damnet propositiones laxas, & scandali plenas, effugia habent, quibus illas tueantur. p. 526. n. 13.

Probabilitas quælibet non facit certitudinem morale, ut male contendit Leander. p. 410. n. 5. Non sufficit probabilitas ad iurandum. *ibid.*

Propositiones damnatæ in hoc opere contentæ. De consuetudinario. p. 110. n. 6. De voto. p. 115. n. 1. De iuramento. p. 373. n. 1. & p. 377. n. 1. & p. 408. n. 2. & p. 410. n. 5. & p. 436. n. 9.

Propositiones laxæ in hoc opere contentæ de voto. p. 116. & seqq. n. 2. & seqq. De his, & aliis laxis propositionibus. V. Bauny. Bonacina. Cafnedi. Cattanei. Castropalaus. Daniel. Dicaillus. Francolinus. Fuente Hurtado. Gobat. La Croix. Leander. Marin. Martinez de Prado. Moya. Sanchez. Sporer. Tamberinus. Torrecilla. Vvsa.

Puente (P. de la) votum numquam peccandi venialiter deliberate fuit ex speciali ductu Spiritus sancti. p. 174. *num.* 57.

R

S. Raymundus de Pennafort in sua Summa non favet mendacio. p. 545. n. 7. Verba hæc, *Ire contra mentem*, sumuntur ab eo pro his aliis, *Ire contra conscientiam*. *ibid.*

Religio, seu religiosus status quem quis profitetur, res est laudabilis, meriti-que plena. p. 251. n. 1. Eam vovens omnem adhibere debet diligentiam ut eam ingrediatur. *ibid.* n. 2. Sic vovens, si speret voti sui manifestationem in eam recipiendum esse, illud Prælati manifestare tenetur. *ibid.* Explicatur hoc votum: *Promitto me ingressurum Religionem, nisi aliter Deus de me statuerit.* p. 253. n. 1. Et hoc aliud: *Povo me ingressurum hanc Religionem, si quam intravero.* *ibid.* n. 2. Votum quo quis nullam personam sibi obstaculo futuram vovet, quominus Religionem ingrediatur, validum est. p. 254. n. 3. An teneatur ad Religionis ingressum qui votum emisit volendi Religionis ingressum, pendet ab intentione voventis. *ibid.* n. 4. Votum moriendi in Religione voto Religionis æquivalet. p. 255. n. 5. Votum vitæ eremiticæ, & lo-

va. *ibid.* Qui iurat falsum in *mate-*
ria gravi sine animo iurandi, peccat
mortaliter. *p. 437. n. 11.* Sicut & in
materia levi. *ibid. n. 12. & seq.* Ma-
le oppositum ceu probabile defendere
videtur P. Viva. *ibid.* Qui iurat ve-
rum sine animo iurandi, peccat mor-
taliter, etiamsi iuret in materia levi.
p. 439. n. 16. Qui deliberate iurat ex
gr. *Per Deum ita est*, verum profert
iuramentum, etiamsi animum habeat
non iurandi. *ibid. n. 17.* Satisfit obie-
cto. *p. 440. n. 18.* Qui falsum iurat
ex lapsu linguæ, non est reus periuri-
ii, nec peccat mortaliter; secus si ex
pravo habitu. *p. 441. n. 19.* Qui iurat
sine animo se obligandi, probabilis
reipia obligatur. *p. 442. n. 21.*

L

La Croix (P. Claudius) laxam docet
propositionem de voto. *p. 117. n. 8.*
Et alias laxas de eodem. *p. 170. &*
seq. n. 47. & seqq. Laxe docet omit-
tentem integrum Rosarium voto pro-
missum solum leviter peccare. *p. 183.*
n. 13. Laxe docet voventem abstinen-
tiam a vino ad vitandam ebrietatem,
posse fumere alios quoscumque potus
aptos ad inebriandum. *p. 226. n. 3.*
Eius, & P. Cattanei doctrina compa-
rans mendacium furto in extrema ne-
cessitate commissio, adversatur doctri-
næ Ecclesiæ. *p. 492. & seqq. n. 1. &*
seqq. Eius doctrina de restrictionibus
mentalibus in eam recidit quæ docet
periculum perdendi vitam esse caus-
sam quæ valet restrictionem pure
mentalem reddere non pure menta-
lem. *p. 504. n. 14.* Et in eam quæ
docet mendacium in gravi necessitate
non esse mendacium, adeoque licere.
p. 505. n. 15. Eius interpretatio de da-
mnatis amphibologiis refertur, & im-
probatur. *p. 517. & seq. n. 7. & seqq.*
Eius scribendi methodus viam aperit
nimirum laxitati. *p. 520. n. 12.*

Leander a SS. Sacramento laxissime docet
blasphemantem ex inveterata consue-
tutine non peccare. *p. 103. n. 6.*
Alia eiusdem de hoc horrenda laxi-

tas. *ibid. n. 7.* Male in suæ laxitatis
præsidium patronum sibi advocat S.
Augustinum. *ibid. n. 8.* Alia eiusdem la-
xitas quam falso Navarro, & D. Thomæ
imponit, improbat. *p. 105. n. 12.* Lau-
dat Amadæum Guimenium, laxitatis
erroribus, imposturisque plenum.
p. 107. n. 5. Alia eiusdem, & recen-
tium Probabilistarum laxitas de statim
absolvendis blasphemis consuetudina-
riis improbat. *p. 109. & seq. n. 6.*
Alia eiusdem laxæ propositiones de
voto. *p. 116. & seq. n. 3. & 5. &*
p. 136. & seq. n. 17. & seqq. Et de iu-
ramento. *p. 379. & seq. n. 3. & 8. &*
p. 410. n. 5.

M

Magia naturalis quæ mira quædam, &
insolita sunt, licita est. *pag. 68.*
n. 1. & seq. Naturalis, & superstitio-
sa tribus signis secerni potest. *p. 69.*
n. 3. Recensentur. *ibid.* In dubio an
effectus procedat a causa naturali,
vel arte superfluitosa, abstinendum est
ab eo procurandum. *ibid. & p. 70. n. 4.*
& *seq.* Aquivocatio Salmanticensium
D. Thomæ doctrinam quæstioni ma-
le aptantium deregat. *ibid.* Saluta-
tores, sic nuncupati, qui non virtute
naturalis, sed gratia gratis a Deo da-
ta morbos sanant, probabilis est non
dari. *p. 71. & seq. n. 6. & seqq.* Plu-
ribus signis eorum superstitio dignosci
potest. *p. 73. n. 10.* Recensentur. *ibid.*
Entelmus invocativus licitus est, non
autem constitutivus. *ibid. n. 11.* Ex-
plicatur uterque. *ibid.* Fascinatio alia
est vulgaris, alia physica, seu natu-
ralis. *p. 74. n. 12.* Dari naturalem pro-
babilis est. *ibid. n. 14.* Vulgaris su-
perstitiosa est. *p. 75. n. 15.*

Maleficium aliud veneficium est, aliud
amatorium. *p. 76. n. 1.* Ad hæc ex-
pellenda Ecclesia remedia proponit.
p. 77. n. 2. Remedia proposita a Phi-
losophis adversus amatoria vana sunt,
& superstitiosis plena. *ibid.* Utilis ta-
men est naturalium remedium usus.
ibid. Dissolutionem maleficis petere
non licet a malefico, licet parato ad

id præstandum. *ibid.* n. 3. Satisfit obiectis. *p. 78. u. 4.* Licitum est petere a malefico ut maleficium auferat, si constat id illum posse mediis licitis. *ibid. & p. 79. n. 5. & seqq.* Maleficii signa destruere licet. *p. 80. u. 8.* Opposita Hæsseli sententia Improbatur. *ibid.* n. 9. Maleficus qui dæmoni chirographum proprio sanguine subscriptum tradidit, non tenetur illum redimere, ut veram poenitentiam peragat. *p. 81. u. 10.* Pecunie siue veræ, siue adulteratæ sint, arte dæmonis conquisitæ, omnino sunt prociendæ. *ibid.* Maleficæ mulieres, aliæ lamizæ, aliæ sagæ, aliæ striges vocantur. *p. 81. n. 1.* Explicatur. *ibid.* Femine præ viris pluribus de causis maleficiis sunt dicitæ. *ibid.* n. 2. Recensentur hæ causæ. *ibid.* Dux rationes assignantur, cur vetulæ præ iunioribus feminis præstigiis maleficonique dent operam, *p. 83. u. 3.* Solida ratio, cur Deus permittat ut lamizæ, seu striges infantibus & iuvenibus potius quam adultis noceant. *ibid. u. 4.* Striges reapte de loco ad locum ope dæmonis transferri possunt. *ibid. & p. 84. n. 5.* Raro id accidit. *ibid.* Raro quoque mulieribus in his fides est adhibenda. *ibid. u. 6.* Lutherus & sequaces male Catholicos arguunt, quod nonnullis huiusmodi translationibus fidem adhibeant. *p. 85. u. 7.* Eis non favet Concilium Ancyranum. *ibid.* Mulieres sagæ, seu viri nequaquam a dæmone in selem, mustelam, leporem, aliasque bestias mutari possunt. *ibid. & p. 86. u. 8. & seq.* Ab eo solum immutari possunt sensus videntium, & sagarum. *ibid. u. 10.* Non possunt dæmones inanis clausis introducere sagas in domos, & cubacula dilectorum. *ibid. u. 11.* Assignatur locus, in quo conventus sagarum cum dæmonibus celebratur, quidque in huiusmodi conventiculis peragant. *ibid. u. 12.* Commixtio dæmonum cum mulieribus reipia accidit. *p. 87. & seq. u. 13.* Opponi solita ad adversariis diluuntur. *p. 88. u. 14.* Humanæ & divinæ leges puniendos maleficos statuunt. *p. 89.*

n. 1. Reipia excommunicantur a iure. *ibid. n. 2.* Inquisitoribus sunt denuntiandi. *ibid.*

Marin (P. Ioannes) laxam docet propositionem de voto. *p. 117. n. 7.* Laxe docet votentem virginitem non teneri ad castitatem. *p. 234. n. 22.*

Martinez de Prado [Ioannes] laxam docet propositionem de voto. *p. 116.*

n. 4. Et aliam. *p. 153. n. 11. & seq.*

Mendacium licitum esse urgente gravissima causa docuerunt Plato, & nonnulli Ecclesiæ Patres. *p. 445. & seqq. n. 1. & seqq.* Referuntur eorum testimonium. *ibid.* Chrysostomus ab hoc errore immunis non fuit. *p. 446. u. 5.* Huiusmodi sententia tempore S. Augustini communis fuit. *p. 448. n. 8.* Male hinc probatur ab hæreticis Patres nullius esse auctoritatis. *ibid. n. 9.* Ante, vel circa tempora Augustini plures Auctores mendacio bellum indixerunt. *p. 449. & seq. n. 1. & seqq.* Recensentur. *ibid.* Quæ de mendacio S. Augustinus scribit, omnia compendiose narratur. *p. 451. & seqq. n. 1. & seqq.* Compendiose item narratur omnia quæ idem S. Doctor scripsit ad Consentium contra mendacium. *p. 458. & seqq. n. 1. & seqq.* In eo libro mendacia omnia ex professo profligantur. *ibid.* Augustiniana doctrina opportunissima est ad controversiam de iuramento idolo dirimendam adversus plurium recentiorum doctrinam in materia æquivocationum, & restrictionum mentalium. *p. 464. & seqq. n. 1. & seqq.* Illorum doctrina aut eadem est, aut prior ea quam improbavit D. Augustinus. *ibid.* Historice narratur doctrina plurium recentiorum ad occultandam veritatem excogitata. *p. 467. n. 1.* Exhibetur synopsis huius doctrinæ, variis Thomæ Sanchez, & Tamburini laxis propositionibus contentæ. *p. 463. & seqq. n. 2. & seqq.* Principia prætatarum propositionum damnavit Innocentius XI. damnatis restrictionibus mentalibus. *p. 472. n. 1.* Eum Pontificem damnasse solum propositiones, ut iacent, non ut sunt in Auctorum, unde excerptæ sunt

sunt, libris, male asserit P. Gabriel Daniel. *ibid.* Post damnatas restrictiones mentales plures recentiores ad distinctionem confugerunt restrictionum pure, & non pure mentalium, sicut & ad verba amphibologica, & æquivoca. p. 473. n. 3. & *seq.* Explicatur. *ibid.* Alii non pauci ad scientiam communicabilem, & incommunicabilem. p. 474. n. 5. Alii tandem ad locutiones materialiter adhibitæ, cum intentione nempe nihil significandi. *ibid.* n. 6. Explicatur doctrina P. Tanneri, & P. Stoz. p. 475. n. 7. Et doctrina P. La Croix, præsertim respectu Confessarii interrogati de re quam habet sub sigillo. *ibid.* n. 8. Hanc doctrinam P. Ambrosius Cattaneus extendit ad casus non solum graves, sed ad quodcumque notabile incommodum declinandum. p. 476. n. 9. & *seq.* Doctrina tamen eorum recentiorum eadem est ac doctrina Cassiani volentis in extrema necessitate licita esse mendacia. p. 477. n. 1. & *seqq.* Adversaturque doctrinæ D. Augustini in omni eventu mendacia damnantis. *ibid.* Ostenditur facta collatione casuum ab eodem Augustino, & recentioribus propositorum, & contraria doctrina resolutorum. *ibid.* Doctrina recentiorum de restrictionibus pure mentalibus falsa est, & iure ab Ecclesia damnata. p. 481. & *seqq.* n. 1. & *seqq.* Respondetur obiectis. p. 483. & *seq.* n. 6. & *seqq.* Improbabile & falsum est verba ex communi Reipublicæ lege nihil significare, si adhibeantur ad occultandam veritatem quæ sine gravidamno manifestari nequit. p. 485. & *seqq.* n. 1. & *seqq.* Lex ista fuit incognita omnibus antiquis. *ibid.* n. 2. Opinio Tamburini aientis hominem ad libitum posse proferre verba materialiter, laxior est ipsa propositione damnata de restrictionibus mentalibus. p. 489. & *seqq.* n. 1. & *seqq.* Opinio P. Cattanei, & P. La Croix, aliorumque comparantium inendacium furto in extrema necessitate commissio, adversatur doctrinæ Ecclesiæ. p. 492. & *seqq.* n. 1. & *seqq.* Com-

munis plurium recentiorum opinio; quæ restrictiones non pure mentales defendit beneficio notitiæ communicabilis, & incommunicabilis, utilis, & non utilis ad dicendum, sub examen inducitur. p. 499. & *seqq.* n. 1. & *seqq.* Ostenditur eam non differre a sententia propugnantium restrictiones pure mentales. *ibid.* Impugnantur quæ de ea edisserit P. Viva. *ibid.* Eiusdem doctrina recidit in propositionem damnatam. p. 502. & *seqq.* n. 9. & *seqq.* Recensentur causæ, cur recentiores plurimi reipsa defendant restrictiones pure mentales proscriptas. p. 506. & *seqq.* n. 1. & *seqq.* Referuntur doctrinæ P. Sanchez, & improbantur una cum vindiciis quas de eo exhibet P. Viva. *ibid.* & p. 508. & *seqq.* n. 5. & *seqq.* Recentiores plurimi reipsa docent restrictiones mentales, quia male vitam veritatis anreponunt. p. 515. n. 1. Reiecto ut illicito usu restrictionis mentalis, male inferunt aliqua Dei præcepta esse impossibilia. *ibid.* n. 2. Ostenditur S. Augustini doctrina. p. 516. n. 3. & *seqq.* Male unicus & peculiaris Confessariis casus cum aliis casibus confunditur. *ibid.* n. 5. & *seqq.* Falsum est damnatas propositiones damnatas non esse ut sunt in Auditoribus. p. 517. n. 7. Prædictis propositionibus perperam sensus extraordinarii affinguntur, in quibus contenditur illas damnatas fuisse. *ibid.* & p. 518. & *seqq.* n. 8. & *seqq.* Referuntur, & improbantur sensus iidem attributi a P. La Croix, & Anonymo defensore P. Cattanei. *ibid.* P. Moya, P. Cardenas, Spores, alique plurimi recentiores ob id eam legendi sunt. p. 520. & *seqq.* n. 1. Restrictiones pure mentales neque ex causa honestæ sunt, sed sunt pura mendacia. p. 522. & *seqq.* n. 1. & *seqq.* Illas, post damnatas ab Innoc. XI. propositiones, propugnat P. Didacus de la Fuente Hurtado, & P. Cafnedi docet non esse damnatas. *ibid.* Referuntur horum doctrinæ, & improbantur. *ibid.* Amphibologia quæ aut vi verborum, aut circumstantiarum duplicem patitur sensum, utrumque ab auditore intel-

restituibilem, non est mendacium, sed licita est. p. 526. & *segg.* n. 1. & *segg.* Non semper hæc amphibologia occurrit, aut sufficit ad occultandam veritatem, potissimum interrogante urgente, ut sine equivocatione loquamur. p. 528. & *segg.* n. 8. & *segg.* Alia proinde via occultanda sunt secreta quæ absque peccato revelari nequeunt. *ibid.* Assignantur novem regulæ observandæ. p. 531. & *segg.* n. 10. & *segg.* Exponuntur Scripturæ textus, quos antiqui pro tuendis mendaciis, & recentiores pro defendendis mentis restrictionibus opponunt. p. 533. & *segg.* n. 1. & *segg.* Perperam in favorem restrictionum mentalium asseruntur aliqui textus evangelici. p. 536. & *segg.* n. 1. & *segg.* Ostenditur illorum omnium explicatione. *ibid.* Itemque solutione obiectionum tum a ratione, tum ab exemplis, & doctrina Sanctorum petitarum. p. 543. & *segg.* n. 1. & *segg.*

Molinos (Michael) duos de voto errores docuit, damnatos subinde ab Innocentio XI. p. 515. n. 1.

Moya (P. Marthæus) qui sub larva Amadæi Guimenii laxas opiniones primum divulgavit, eas deinde sub splendido probabilitatis colore recudit. p. 145 n. 30. Inani distinctione contendit, non semper voventem virginitatem teneri ad castitatem. p. 234. n. 22. Laxam docet propositionem de iuramento. p. 380. n. 10. Cautè esse legendum bene monet P. La Croix. p. 520. num. 12.

O

Opinio. V. Propositiones damnatæ. Propositiones laxæ.

Orsi (P. Ioseph Augustini) opera laudantur. p. 444. & p. 497. n. 13.

P

Probabilistæ, sive Ecclesia damnet, sive non damnet propositiones laxas, & scandali plenas, effugia habent, quibus illas tueantur. p. 526. n. 13.

Probabilitas qualibet non facit certitudinem morale, ut male contendit Leander. p. 410. n. 5. Non sufficit probabilitas ad iurandum. *ibid.*

Propositiones damnatæ in hoc opere contentæ. De consuetudinario. p. 110. n. 6. De voto. p. 115. n. 1. De iuramento. p. 373. n. 1. & p. 377. n. 1. & p. 408. n. 2. & p. 410. n. 5. & p. 436. n. 9.

Propositiones laxæ in hoc opere contentæ de voto. p. 116. & *segg.* n. 2. & *segg.* De his, & aliis laxis propositionibus. V. Baum. Bonacina. Casnedi. Cattanei. Castropalaus. Daniel. Dicastillus. Francolinus. Fuente Hurtado. Gobat. La Croix. Leander. Marin. Martinez de Prado. Moya. Sanchez. Sporer. Tamberlinus. Torrecilla. Viva.

Puente (P. de la) votum nunquam peccandi venialiter deliberate fuit ex speciali ductu Spiritus sancti. p. 174. num. 57.

R

S. Raymundus de Pennafort in sua Summa non favet mendacio. p. 545. n. 7. Verba hæc, *Ire contra mentem*, sumuntur ab eo pro his aliis, *Ire contra conscientiam*. *ibid.*

Religio, seu religiosus status quem quis proficitur, res est laudabilis, meriti-que plena. p. 251. n. 1. Eam vovens omnem adhibere debet diligentiam ut eam ingrediatur. *ibid.* n. 2. Sic vovens, si speret voti sui manifestatione in eam recipiendum esse, illud Prælato manifestare tenetur. *ibid.* Explicatur hoc votum: *Promitto me ingressurum Religionem, nisi aliter Deus de me statuerit.* p. 253. n. 1. Et hoc aliud: *Vovco me ingressurum hanc Religionem, si quam intravero.* *ibid.* n. 2. Votum quo quis nullam personam sibi obstaculo futuram vovet, quominus Religionem ingrediatur, validum est. p. 254. n. 3. An teneatur ad Religionis ingressum qui votum emisit volendi Religionis ingressum, pendet ab intentione voventis. *ibid.* n. 4. Votum moriendi in Religionem voto Religionis æquivalet. p. 255. n. 5. Votum vitæ eremiticæ, & lo-

solitariae obligationem inducit. *ibid.* n. 6. Religionem absolute vovens, votum non implet, si assumat habitum Equitum D. Iacobi, Calatravæ, Alcantaræ, & Monteæ, & D. Iohannis. *ibid.* n. 1. & p. 256. n. 2. Impleret per ingressum in Religionem Clericorum ordinum militarium. *ibid.* n. 3. Non impleret, si ingrederetur Religionem relaxatam. *ibid.* n. 4. Religio relaxata est quæ in substantialibus deficit. *ibid.* n. 5. Explicatur. *ibid.* & p. 257. n. 6. & seq. Vovens ingredi Religionem strictiorem non satisfacit laxiorem ingrediendo. *ibid.* n. 8. Nec licite in laxiori perseverare potest, si in hac fuerit professus. p. 258. n. 9. Nulla Religio in substantialibus collapsa privilegium habet recipiendi eos qui voverunt strictiorem. p. 259. n. 10. Assignatur quid præstare debeat qui indefinite Religionem vovit. *ibid.* n. 11. Qui vovens ingredi hunc determinate Conventum repulsam ferat, tenetur alia adire Cœnobium, nisi speciali ratione motus fuerit ad sic vovendum. p. 260. n. 12. In perpetuum repulsus, si a Religione de novo invitetur, probabilis liber est a voto. p. 261. n. 14. Non est ab eo liber, si facta petitione Religio quærat tempus ad deliberandum. *ibid.* Voto ligatus eadem facilitate ac non ligatus repellendi potest a regula: Prælati. *ibid.* n. 15. Qui vovit Religionem, ut in ea Clericus esset, liber est a voto, si Religio nolit eum admittere nisi ut laicum. *ibid.* n. 16. Spurius, qui ignorans constitutionem Sixti V. qua spurii a gradibus & dignitatibus repelluntur, vovit Religionem, videtur ad votum teneri cognita constitutione. p. 262. n. 17. Qui vovit Religionem in statu sacerdotali, tenetur grammaticam addicere, ut in eam admittatur. *ibid.* n. 18. Qui voto Religionis emissio contrahit matrimonium, adhuc potest & debet abstinere per bimestre a petendo & reddendo debito, & Religionem ingredi. *ibid.* n. 19. Consummato matrimonio reddere & petere potest. *ibid.* Si tale votum subsequatur matrimonium, potest reddere, & pe-

tere. *ibid.* Votum Religionis non impletur susceptione Episcopatus. p. 264. n. 20. Voto non satisfacit intrans Religionem animo exeundi. *ibid.* n. 2. Etiam si simul intraret cum proposito Deum orandi, ut illius cor immutaret. p. 265. n. 3. Votum eam ingrediendi, & statim ab ea exeundi nullum est. *ibid.* n. 4. Vovens eam ingredi cum libertate a iure Novitius concessa, facta experientia egredi valet. *ibid.* Non tamen satisfacit voto, si factio experimento absque ulla causa egrediatur. p. 266. n. 5. & seq. Recensentur iustæ causæ a Religione resiliendi. p. 267. n. 7. Qui ultra Religionem vovet quoque in ea perseverantiam, non potest ab ea egredi nisi ob evidentem impotentiam ad proficendum, aut ob suam a Religione expulsionem. *ibid.* n. 8. Si tamen secus egrediatur, non tenetur ad castitatem in sæculo servandam, nisi hanc quoque simul, & principaliter vovisset. p. 268. n. 9. Vovens Religionis ingressum tenetur, quamprimum commode potest, eam ingredi. *ibid.* n. 1. Si data opportunitate id differat ultra dimidium anni, peccat mortaliter. p. 269. n. 2. Si hoc votum præfinito sibi tempore implere nequeat, idque prævideat, non tenetur prævenire illud tempus. *ibid.* n. 3. Nisi tempus definitum latitudinem excipiat. p. 270. n. 4. Si excurrat tempus designatum, adhuc eo elapso tenetur. *ibid.* n. 5. Secus esset de voto ieiunandi diei affixo. *ibid.* Si finis voti Religionis fuerit tota, & unica causa eam vovendi, eo cessante, non teneris voto; secus teneris. p. 271. n. 6. Idem est de conditione sub qua votum fuit emissum. *ibid.* Qui sponte impedimenta apponit, ne eveniat conditio, sub qua Religionem vovit, non eximitur ab implendo voto. *ibid.* & p. 272. n. 7. & seq. Vota Religiosorum emissæ sine Prælati licentia de materia honesta, quæ nec iurisdictionem, nec Religionem perturbant, valida sunt. p. 273. & seq. n. 4. Secus si essent de rebus si-ve a Regula, si-ve a Superiorum præcepto

cepto vetitis. p. 277. n. 5. Votum editum a Prælati Regularium elargiendi eleemosynam, validum est. *ibid.* n. 6. Valida tamen non sunt vota subditorum Regularium edita sine licentia Prælatorum elargiendi in eleemosynam quidquam de bonis ipsis ad usum concessis. p. 278. n. 7. & *seq.* Religiosus professione emissâ liber non evadit a voti vinculo ob ius quod acquirit ad regiam coronam. p. 286. n. 11. *V. Irritatio voti.*

Reliquiæ Sanctorum. *V. Aderatio.*
Reservatio votorum. *V. Dispensatio in voto.*

Restrictiones mentales. *V. Mendacium.*

S

Sacrilegium est rei sacræ violatio. p. 95. n. 1. Triplex est, aliud quo persona sacrâ, aliud quo locus sacer, aliud quo res sacræ violantur. *ibid.* n. 2. Partitio hæc ex D. Thoma est in species infimas, sive atomas. p. 96. n. 3. Recensentur sacrilegia, quæ violatione personarum sacrarum continentur. *ibid.* n. 4. Item ea quæ continentur violatione loci sacri. *ibid.* n. 5. Qui extra locum sacrum habet voluntatem occidendi in loco sacro, contrahit malitiam sacrilegii. p. 97. n. 6. Non vero qui in loco sacro deliberat ex gr. fornicari in loco non sacro. *ibid.* Res sacræ in quatuor gradus dividuntur. *ibid.* n. 7. Abuti verbis sacræ Scripturæ sacrilegium est. p. 98. n. 8. Decretum Tridentini in hunc abusum refertur. *ibid.* Etiam omissione sacrilegium patrit potest. *ibid.* n. 9. Explicatur exemplis. *ibid.* Omissio receptionis, vel administrationis sacramentorum tempore debito probabilis non est sacrilega. *ibid.* n. 10. Sacrilegium ex genere suo letale est. p. 99. n. 11. Ob materiæ parvitatem, aut ob inconsiderantiam leve esse potest. *ibid.* n. 11. Pœnæ in sacrilegos constitutæ aliæ sunt pecuniariæ, aliæ spirituales. *ibid.* n. 12.

Salmanticenses dubio de honestate actionis male aliam D. Thomæ doctrinam

Tom. III.

adaptant. p. 69. & *seq.* n. 4. Male S. Antoninum, & Sylvestrum allegant. p. 129. n. 2.

Sanchez (P. Thomas) laxè & monstruose docet pro divinatione receptum non esse restituendum, modo divinas usus sit arte diaboli. p. 51. n. 13. & *seq.* Laxe docet iurari posse ut vera quæ cognoscimus coniectura tantum probabili. p. 410. & *seq.* n. 5. Docet multas propositiones laxas, & nonnullas damnatas de æquivocationibus, & restrictionibus mentalibus. p. 463. & *seqq.* n. 2. & *seqq.* Recensentur. *ibid.* & p. 509. & *seqq.* n. 9. & *seqq.* Iusta de causa P. Sanchez auctor esse probatur propositionum 27. & 28. damnatarum ab Innocentio XI. p. 512. & *seq.* n. 15. & *seq.*

Somnia. Horum varia genera, & quatuor causæ. p. 53. n. 1. & *seq.* *V. Divinatio.*

Sortes. *V. Divinatio.*

Sporer (P. Patritius) laxam docet propositionem de voto. p. 116. n. 2. Et aliam de observatione voti. p. 135. n. 2. Item aliam. p. 183. n. 13. Laxe excusat a mortali voventem abstinentiam a vino, nisi tantum vini bibat, quantum homo temperatus bibere solet in uno prandio. p. 227. n. 4. In hoc sibi expresse contradicit. *ibid.* Laxam docet propositionem de commutatione voti. p. 353. n. 5. Et de iuramento. p. 378. & *seqq.* n. 1. 11. & 15. Et aliam. p. 389. n. 2. Cautè est legendus ob damnatas quas in aliis laudat, & ab illis excipit doctrinas. p. 521. n. 12.

Status Religiosus. *V. Religio.*

Superstitio quid sit, eiusque divisio exponitur. p. 32. & *seq.* n. 1. & *seqq.* Ex modo indebito colendi Deum est peccatum grave. p. 34. n. 5. Profana & turpia divino officio immiscere peccatum grave est : leve vero, si tantum vana. *ibid.* n. 6. Gravier peccat falsas reliquias adorandas proponens, aut falsa miracula prædicans. *ibid.* n. 7. Ieiunans die dominico eo tantum fine ut carnem, sensusque cohibeat, non peccat. *ibid.* n. 8. Referuntur plures obvi casus in quibus latitât superstitio.

Q o

tio. p. 35. & seqq. n. 1. & seqq. V. Di-
vinatio.

T

Tamburinus laxè docet præceptum ado-
randi Deum per se & directè num-
quam obligare. p. 4. n. 6. Laxissime docet
blasphemantem ex inveterata con-
suetudine non peccare. p. 103. n. 5. &
seq. Laxe docet omittentem integrum
Rosarium voto promissum peccare so-
lum leviter. p. 183. n. 13. Ei familia-
ris est defectus diligentiae in referen-
dis Auctorum sententiis. p. 342. n. 12.
Laxas docet propositiones de iuramen-
to. p. 379. & seqq. n. 2. 4. & 14. Et
aliam. p. 390. n. 2. Et aliam ex Hur-
tado. p. 415. n. 12. Et aliam damna-
tam de iurante sine animo iurandi.
p. 436. n. 9. Et alias laxas pariter de
iuramento. p. 470. & seq. n. 15. & seq.
Laxe docet hominem ad libitum pos-
se proferre verba materialiter, nempe
spoliata omni significatione. p. 489.
n. 1. Hac doctrina laxior est damnata
de restrictionibus mentalibus. *ibid.* n. 2.
& seqq.

Tentatio Dei est experimentum inor-
dinatum alicuius divinæ perfectionis
verbis, vel factis. p. 9. n. 1. Alia est
expressa, alia tacita. *ibid.* n. 2. Ex ge-
nere suo peccatum grave est. p. 92.
n. 3. Tentare Deum, etiam cum ma-
teria levis est, probabilius est morta-
le. *ibid.* n. 4. Tentat Deum qui pro-
batione ferri candentis, aut aquæ fer-
ventis suam innocentiam manifestare
contendit. p. 93. n. 5. Respondetur ex-
emplis adduci solitis. *ibid.* Qui, ut
hæreticam convertat, miraculum a
Deo patrandum in confirmationem ve-
ritatis catholicæ offert, tentat Deum.
p. 94. n. 6. Tentatio Dei expressa, &
tacita non sunt duo peccata distincta.
ibid. n. 7. In confessione aperiendum
est fuerint expressa, vel tacita ten-
tatio Dei. *ibid.*

Torrecilla laxas docet propositiones de
iuramento. p. 382. & seq. num. 24. &
seqq.

V

VVicleffus male asserit iuramenta illi-
cita esse quæ sunt ad corroborandos
humanos contractus, & commercia ci-
vilia. p. 373. n. 1. Damnatur hæc pro-
positio in Concilio Constantensi. *ibid.*
Viva (P. Dominicus) laxas docet pro-
positiones de iuramento. p. 381. & seq.
n. 16. & 23. Male Tamburino abiudi-
cat propositionem damnatam de iu-
rante sine animo iurandi. p. 436. n. 9.
Cautè legendus est in expositione da-
mnatarum propositionum. *ibid.* Non
recedit a sensu propositionis 25. da-
mnatæ ab Innocentio XI. *ibid.* Iura-
re falsum in materia levi sine animo
iurandi, male ut probabiliter licitum
defendere videtur. p. 437. n. 12. Re-
strictionem non pure mentalem de-
scendit usu duplicis scientiæ communi-
cabilis, & incommunicabilis. p. 500.
n. 4. Extenditque ad omnes homines
gravi causa urgente. p. 502. & seq.
n. 5. & seqq. Et ad rusticos, quando
commoda non occurrit restrictio ex-
terna. *ibid.* Doctrina huiusmodi reci-
dit in ipsam propositionem proscrit-
ptam. p. 502. n. 9. Male contendit pro-
positiones damnatas de restrictionibus
mentalibus damnatas esse solum in ear-
um obvio sensu, non vero ut sunt in
earum Auctoribus. p. 506. n. 2. Hæc do-
ctrina favet Iansenismo, & falsa esse
ostenditur. p. 507. & seqq. n. 3. & seqq.
Eiusdem commentaria in propositiones
damnatas caute sunt legenda. p. 520.
& seq. n. 12.

VVolffius (Christianus) Lutheranus male
negat iuramentum novam producere ob-
ligationem præstandi aliquid ei cui iu-
ratur. p. 433. & seq. n. 3.

Vorum damnarunt Lamperiani, VViclef-
sus, Lutherus, & Calvinus. p. 112.
n. 1. Vorum abstinendi a vino non ideo
a nobis fit, quasi aliquid sanctimo-
niæ vino subfit, ut calumniatur Cal-
vinus. *ibid.* n. 2. Alia Calvini de vo-
to deliria referuntur, & in eundem
intorquentur. p. 113. n. 3. & seq. Vo-
rum tam ad tempus definitum, quam
in perpetuum rectè emitti potest. p.

114. n. 5. Ostenditur ex Scripturis, & rationibus contra Calvinum, & Lutherum. p. 114. num. 5. Propositiones damnatæ, & nonnullæ laxæ de voto recensentur. p. 115. & seqq. n. 1. & seqq. Votum est deliberata promissio facta Deo de re meliori. p. 118. n. 2. *ibid.* & n. seqq. Ad votum necessaria est plena perfectæque deliberatio. p. 119. n. 5. Si hæc adsint, vota etiam repentina impleri debent. *ibid.* n. 6. Qui præcipitanter votum magni momenti edit, peccat venialiter. p. 120. n. 7. & seq. Impugnatur Salmanticenses. *ibid.* Votum deliberate, licet præcipitanter, editum valet. *ibid.* Ad nullum votum, licet in materia levissima, sufficit semiplena deliberatio. pag. 121. num. 9. Ad votum sufficit deliberatio, seu libertas virtualis. *ibid.* numer. 10. Propositum, etsi firmum, votum non est, nullamque inducit obligationem. pag. 122. num. 1. Sæpe Patres votum pro proposito usurpant. *ibid.* In promissione voti natura sita est. pag. 123. num. 1. Explicatur quomodo differat a proposito. *ibid.* Diversimode propositum votantis considerari potest. *ibid.* n. 13. Qui votet animo votendi, & se obligandi, tenetur voto, licet simul voluntatem habeat non exequendi promissum. p. 124. n. 15. Idem est, licet simul non haberet animum se obligandi. p. 125. n. 18. Vota in Sanctorum honorem facta valida sunt. p. 126. & seqq. n. 1. & seq. Explicatur, simulque Erasmus, Lutherus, & Calvinus impugnantur. *ibid.* Vota quæ Sanctis nuncupamus, proprie soli Deo sunt. p. 128. n. 6. Ea omnia quæ lege divina, seu ecclesiastica præcipiuntur, possunt esse materia voti. p. 129. n. 2. & seq. Promissio quæ sit in baptismatis susceptione renuntiandi diabolo, & pompis eius, non est votum nisi in amplo sensu. p. 130. n. 4. Ut votum sit de meliori bono, sufficit quod tale sit comparate ad contrariam omissionem eiusdem voti. *ibid.* n. 5. Quæ consiliis evangelicis opposita sunt, non sunt apta votorum ma-

teria. p. 131. n. 6. In aliquibus circumstantiis opus quod absolute loquendo opponitur iisdem, reipsa non opponitur. *ibid.* Votum contrahendi matrimonium, per se loquendo validum non est. p. 132. n. 7. Explicatur. *ibid.* Qui concupiscentiæ stimulis agitur votet matrimonium ut fornicationes, aliosque libidinis actus viret, probabilius valide non votet. *ibid.* & p. 133. n. 8. & seqq. Solvuntur contrariæ sententiæ argumenta. p. 134. n. 11. Coniugatus impeditus a petitione debiti ob votum (sicut ob incestum, aut cognationem spiritualem) non potest debitum petere, etiam si vehementibus carnis stimulis agitur, ne in gravia peccata luxuriæ labatur. p. 135. n. 12. & seq. Impugnatur opposita Sporer laxa sententia, sicut & alia eiusdem fere similis. *ibid.* & p. 136. n. 15. & seq. Vota castitatis, religionis, vel non nubendi ab iis emissis quibus salubrius est ob incontinentiam matrimonium inire, valida sunt, & obligant etiam post supervenientes libidinis vexationes. *ibid.* & p. 137. & seqq. n. 17. & seqq. Opposita Leandri, Moyæ, & P. La Croix aliorumque sententia excutitur, & impugnatur. *ibid.* Libidinis vexationes aliis mediis præter matrimonium vinci optime possunt. *ibid.* Votum de non votendo invalidum est. p. 146. n. 32. Votum non petendi dispensationem, commutationem, aut irrationem validum est; non obligat tamen, quando eas petere utilis est animæ. p. 147. n. 34. Votentes non petere commutationem, an possint petere dispensationem, aut irrationem, ex intentione votantis est colligendum. p. 148. n. 35. Res indifferentes non sunt voti materia. p. 149. n. 1. Votum alicuius rei cuius executio peccatum est, invalidum est. *ibid.* & p. 150. & seqq. Obiecto ex voto lephæ petito, sicut & aliis obiectis respondetur. *ibid.* Votum agitandi tauros in honorem alicuius Sancti, validum non est. p. 153. n. 11. & seqq. Opposita Martinez de Prado improbabilis, & falsa sententia reiicitur. *ibid.* Vo-

tum

tum mulierum non peccandi capillos tali, aut tali die, sicut & similia vota invalida sunt. p. 154. n. 14. Validum est votum nocturnarum vigiliarum; non tamen illud non ingrediendi mare. *ibid.* n. 15. Votum editum propter finem pravam, seu ob finis pravi consecutionem, semper malum, & irritum est. p. 156. & *seq.* n. 18. & *seqq.* Sori doctrina explicatur. p. 157. n. 23. Votum offerendi Deo munus bonum pro effectu futuro conditioni turpi annexo, invalidum est. p. 159. & *seq.* n. 25. Votum pro actu turpiam facto in gratiarum actionem Deo nuncuparum invalidum est. p. 160. n. 26. Sicut etiam votum factum in gratiarum actionem ob victoriam ex bello iniusto, & ob lucrum ex ludo iniusto. p. 161. n. 27. & *seqq.* Refellitur laxa sententia Castropalai, male pro se Suarez citantis. *ibid.* Valet votum factum pro filio ex concubina suscepto, sicut & pro incolunitate ex duello reportata. p. 163. n. 31. Sicut etiam votum puniendi proprium flagitium. *ibid.* n. 32. Et etiam votum ob finem indifferentem, si tamen in gratiarum actionem Deo fiat. *ibid.* n. 33. Nullum est votum ob finem assequendi res temporales, si vovens in illis sistat. *ibid.* n. 34. Valet, si dirigatur ad consequenda bona temporalia a Dei liberalitate, ut communiter fit. *ibid.* Vovens Deo quod malum est, modo graviter, modo leviter peccat. p. 164. n. 35. Votum faciens peccandi mortaliter etiam sine animo illud implendi, peccat mortaliter. *ibid.* n. 36. Voti materia non solum physice, sed etiam moraliter possibilis esse debet. p. 165. n. 37. Votum partim de re possibili, partim impossibili, valet in parte possibili, nisi vovens intenderit utriusque coniunctionem. *ibid.* n. 38. Votum de re dividua impleri debet in parte quæ impleri potest. *ibid.* Qui vovet ædificare Ecclesiam, nec potest totam, tenetur partem, nisi pars inorilis sit: aut si hoc, tenetur in alia Ecclesia ædificare capellam, sive quid aliud in Dei cultum. p. 166. & *seq.*

n. 40. & *seq.* Responderetur obiectioni Salmanticensium. p. 167. n. 42. Votum de materia partim bona, partim mala, impleri debet in parte bona, nisi aliter vovens intenderit. p. 168. n. 43. Edens disjunctive votum, cuius una pars apta, altera inepta est, in praxi duplex votum edit, alterum validum, alterum irritum. *ibid.* n. 44. Votum eundi Romam nudum, obligat ad eius substantiam, licet non ad modum. p. 169. n. 45. Votum non ludendi validum est. *ibid.* n. 46. Votum non ludendi excludit etiam lulum moderatum, & lulum etiam factum per alium. p. 170. n. 47. & *seqq.* Opposita Gobat, La Croix & aliorum laxa sententia impugnatur. *ibid.* Valet votum numquam peccandi mortaliter, non tamen vitandi collective omnia venialia. p. 171. n. 50. In praxi voventes vitare omnia mortalia, & venialia, id intelligunt quoad permiserit humana fragilitas. *ibid.* num. 51. Votum de vitandis omnibus peccatis divisive aut mortalibus, aut venialibus nullum est. p. 172. num. 52. Votum vitandi aliquod genus peccati venialis validum est. *ibid.* n. 53. Non tamen vitandi omnia peccata venialia etiam divisive. *ibid.* n. 54. Rationes oppositæ sententiæ referuntur. p. 173. n. 55. Et refelluntur. *ibid.* n. 56. Votum S. Theresiæ numquam peccandi venialiter, fuit ex instinctu divino. p. 174. n. 57. Sicut etiam votum P. de la Colombier, & P. Ludovici da Ponte. *ibid.* Votum matris filiam innuptam gravidam agnoscentis, promittentisque B. Virgini 1000. nummos, si ea ob infamiam vitandam ante partum moriatur, impium est. *ibid.* n. 58. Votum filiæ non alium ducendi in matrimonium, nisi illi nubat a quo compressa fuit, cuique ante commixtionem corporum matrimonium promiserat, validum est. *ibid.* Votum dividitur in absolutum, conditionatum, & pœnale. p. 175. n. 1. Referuntur nonnullæ conditiones votis apponi solitæ. *ibid.* n. 3. Hoc votum Promitto ingredi Religionem, si frater maior na-

tu habuerit filios, non est conditionatum, ut volunt Salmanticenses, sed absolutum. *ibid.* & p. 176. n. 4. Votum dividitur in solemne, & simplex, necessarium, commune, particulare, reale, & perpetuum. p. 177. num. 5. & seqq. Aliud est reservatum, aliud non, aliud expressum, aliud implicitum, aliud publicum, & aliud occultum. p. 178. n. 10. Votum obligationem inducere veritas fidei est: p. 179. n. 1. Voti obligatio pertinet ad virtutem fidelitatis, seu religionis, non vero ad illam virtutem ad quam attinet materia promissa. p. 180. & seq. n. 2. & seqq. Ostenditur, & satisfit obiecto. *ibid.* Maioris meriti est opus aliquod voti lege sibi exequendum sumere, quam sine voto. p. 182. n. 8. & seqq. Voti obligatio suapte natura gravis est. p. 183. n. 12. Omittens implere partem levem materiei promissæ voto, venialiter peccat. *ibid.* n. 13. Non esset levis materia integrum Rosarium omittere, ut laxè docent La Croix, Tamburinus, & Sporer. *ibid.* Transgressio voti cuius tota materia, quæ sit absolute parva, omititur, solum venialis est. p. 185. n. 15. & seq. In praxi tamen, ratione præsertim finium votantis, vix accidit absque mortali. *ibid.* Vovens non potest se graviter obligare in materia levi. p. 186. n. 17. Et probabilius neque leviter in materia gravi. *ibid.* & p. 187. n. 18. & seq. Reselluntur rationes oppositæ. *ibid.* & p. 188. & seqq. n. 20. & seqq. Votum vitandi peccatum veniale obligat sub mortali. p. 190. n. 25. Qui eodem die violat plura vota in materia levi, peccat mortaliter. p. 190. & seqq. n. 26. & seqq. Oppositæ P. La Croix, & Castropalai laxæ sententiæ reselluntur. *ibid.* Qui vovit recitare per plures annos quotidie unum *Pater*, & *Ave*, peccat mortaliter, si per plures annos quotidie omitat talem precem. p. 193. & seq. n. 31. & seq. Assignatur, quando reipsa votum diem afficiat, vel non. p. 194. n. 32. Vota parentum, filios non obligant. p. 195. n. 2. Vo-

vens non tenetur, nec potest implere per alium votum suum personale, quod ipse implere nequit. p. 196. n. 3. Vovens factus sua culpa impotens ad observandum votum personale, non tenetur per alium implere. *ibid.* n. 5. Sicut neque qui ante votum certus erat fore ut nunquam posset implere. p. 197. n. 6. Vota realia impleri possunt per alium, etiam inscio, non tamen invito vovente. p. 197. n. 7. Vovens factus pauper, non tenetur ab amicis pecunias petere, ut votum impleat. p. 198. n. 8. Qui rem promissam dat alteri, omittenti subinde rem acceptam offerre cui debet, voto satisfacit, si omnem moralem diligentiam adhibuerit, ut eam viro probò daret. *ibid.* n. 9. Votum mixtum, constans ex personali & reali, non quatenus personale, sed quatenus reale, impleri potest per alium. p. 199. n. 10. Factus impotens absque culpa ad votum solvendum, non tenetur adhibere compensationem. *ibid.* n. 11. Heredes non tenentur ad vota personalia testatorum. *ibid.* n. 12. Heres tenetur ad solvenda vota personalia defuncti, posito quod testator id ei præcipiat, si sit heres voluntarius, non tamen si necessarius. *ibid.* n. 13. Uterque heres cogi potest sub pœna privationis hereditatis, & excommunicationis ad solvenda vota realia testatoris. p. 200. n. 14. Ea vota solvenda sunt, etiam non imposito heredi hoc onere a testatore; vel hoc nolente heredem suum ad illa obligare. p. 201. n. 15. Non tamen ante aditam hereditatem, neque in foro interno ultra vires hereditatis, licet ad id heres ob omissionem inventarium condemnatur a iudice. *ibid.* n. 26. Duplex est lex præsumptioni innixa. p. 202. n. 17. Omissio tamen inventarii debuit esse absque culpa apta iniustitiam parere. p. 203. n. 18. Heres cum detrimento suæ legitimæ non tenetur solvere vota realia, nec ulla debita testatoris. *ibid.* n. 20. Heres si non potest per se, potest, & debet per alium vota realia testatoris imple-

plere. *p. 204. n. 21.* Ea commutari non possunt a Confessario. *ibid.* Monasterium constitutum heres per professionem vovens, tenetur ad vota realia vovens professi. *p. 205. n. 24.* Item, quando vovens ante professionem voluit ut ea implerentur a Monasterio herede relicto. *ibid. n. 25.* Prius vota realia quam legata solvenda sunt. *p. 206. n. 26.* Vota maioris momenti præferenda sunt aliis, si hereditas omnibus solvendis sit impar. *p. 207. n. 27.* Si vota sint plura, & non constet quodnam prius emissum fuerit, heres eligere potest quæ magis sibi placuerint. *ibid. n. 28.* Si plures sint heredes, quisque testatoris vota solvere tenetur, quatenus est heres. *p. 208. n. 29.* Donatarius in rigore non tenetur vota donantis exequi. *ibid. n. 30.* Ea tamen exequi debet ex religione. *ibid.* Legatarius tenetur implere vota realia legantis. *p. 209. n. 31.* Princeps, seu fiscus vota realia vovens solvere tenetur. *p. 210. n. 32.* Vovens, quamprimum commodode potest, votum implere debet. *ibid. n. 33.* Explicatur. *p. 211. n. 3. & seq.* Votum non impletum tempore designato, implere teneris, nisi tempori illigatum fuerit. *ibid. n. 5.* Traditur regula cognoscendi, quandonam sic fuerit illigatum. *p. 212. n. 6.* In dubio, utrum fuerit sic illigatum, adhuc elapso tempore implendum est. *p. 213. n. 7.* In votis realibus tempus ponitur ad sollicitandam voti executionem. *ibid. n. 8.* Vovens non tenetur prævenire tempus designatum. *ibid. n. 9.* Explicatur. *ibid.* Qui sua malitia rem Deo voto promissam subtrahit, vix est absolendus nisi cum debito tantumdem substituendi, si possit. *ibid.* Vovens tenetur implere votum de cuius emissionem dubitat. *p. 216. n. 4.* Reicitur opposita responsio de dubio practico, & speculativo. *p. 217. n. 6.* Non obstat regula: *Actio est conditio possidentis.* *ibid. n. 7.* Reicitur laxitas Salimanticensium liberantium ab implendo voto etiam dubitantem qui magis in favorem voti propendat.

ibid. n. 8. & seq. Certus de voto, dubiusque de executione, tenetur ad executionem. *p. 228. num. 10.* Dubitans an voto promiserit quinquaginta, an centum, tenetur ad centum. *p. 219. n. 12.* Qui vovit dare Ecclesiæ calicem, dubitat vero an argenteum, aureum, aut alterius materię, dare debet argenteum, aut aureum, excluso ære, aut cupro. *p. 219. n. 13.* Qui vovit se non accessurum ad feminam, dubitat vero de accessu fornicario, an coniugali, tenetur solum abstinere a fornicario. *p. 210. n. 14.* Qui dubitat utrum votum emisit ante septennium, tenetur votum servare. *ibid. n. 15.* Sicut tenetur qui certus de promissione, dubitat an habuerit animum se obligandi. *ibid. n. 16.* Qui votum metu extortum emisit, in dubio præsumi debet habuisse intentionem se obligandi. *ibid. n. 17.* Teneturque servare votum, etsi dubitet an in præfato casu usus fuerit amphibologia, aut mentis restrictione. *p. 221. n. 18.* Dubitans an votum in somno, aut ebrietate emisit, præsumere debet emisisse tempore sanæ mentis. *ibid. n. 19.* Iratus, vel perturbatus emittens votum, etsi sedata ira ipsum voti pœnituerit, adhuc voto tenetur. *p. 222. n. 20.* Sicut etiam tenetur dum quis dubitat materiam voti esse inhonestam, vel malam. *ibid. n. 21.* Si non constet de intentione vovens votum interpretandum est in benigniorem partem. *p. 223. n. 2.* Explicatur. *ibid.* Votum indefinitum tum quoad quantitatem, tum quoad qualitatem validum est. *p. 224. n. 3. & seq.* Votum restringendum est iuxta naturam actus, vel contractus supra quem cadit. *ibid. n. 5.* Votum obligat, sicut & iuramentum, dum res promissæ in eodem statu permanent. *p. 225. n. 6.* Votum, aut iuramentum cedens in alterius detrimentum, restringendum est, ut alteri damnum non inferat. *ibid. n. 7.* Qui vovit abstinere a vino, ut se privaret tali delectatione, non tenetur abstinere a cervisia; tenetur tamen, si id voverit ad vitandam ebrietatem. *p. 226. n. 3.*

n. 3. Laxa P. La Croix sententia im-
probatur. *ibid.* Vovens abſtinentiam a
vino ob finem temperantiæ, ut pec-
cet mortaliter non eſt neceſſe ut tan-
tum vini bibat, quantum homo tem-
peratus ſolet in uno prandio. *p. 227.*
n. 4. & ſeq. Laxa Caſtopalæ, & Spo-
rer ſibi expreſſe contradicentis ſenten-
tia refertur. *ibid.* Sicut & La Croix.
ibid. n. 5. Impugnatur horum ſenten-
tia. *p. 228. n. 6.* In eo voto datur par-
vitas materiæ, cuius limites assignare
periculolum eſt. *ibid.* n. 7. Qui vovit
ieiunare, tenetur abſtinere a lacticiis,
ſaltem in quadageſima. *p. 229. n. 9.*
Vovens ieiunare nullo præſinito die-
rum numero, ſatisfacit voto ieiunan-
do unico die. *p. 230. n. 10.* Qui vovit
plura ieiunia, præſumendum eſt ea vo-
viſſe ultra numerum binarium. *ibid.*
n. 11. Qui vovit ieiunare per menſem
integrum, probabilius non tenetur iei-
unare diebus dominicis. *ibid.* n. 12. Si
quis voveret ieiunare die dominico ad
domandam carnem ſuam, & concu-
piſcentiam, valet votum. *ibid.* n. 13.
Qui vovit ieiunium in pane & aqua,
votum violat ſemel bibendo vinum.
p. 231. n. 14. Eo ſic violato, non pot-
eſt iterum ac ſæpius vinum bibere per
diem ieiunii. *ibid.* Qui vovit ut ſu-
pra, non poteſt comedere paſtillos vul-
go maccharones, & vermicellos. *ibid.*
n. 15. Qui vovit ut ſupra, nec poteſt
votum ſervare, illud frangat, minus
tamen ac poteſt. *p. 232. n. 16.* Qui
vovit ieiunare omnibus ſextis feriis,
aut ſabbatis per annum, tenetur et-
iam ieiunare, quando his diebus ſe-
ſtum recurrit Nativitatis Domini. *ibid.*
n. 17. Qui facit duo voia contraria,
ſervare debet quod melius, gratiusque
Deo eſt. *p. 233. n. 18.* Qui vovit reci-
tare Roſarium, ſatisfacit, ſi recitat ter-
tiam illius partem, niſi aliud conſlet
de eius intentione. *ibid.* n. 19. Non
tamen ſatisfacit illud tantum menta-
liter recitando. *ibid.* Qui vovit audi-
re Miſſam quotidie, ſatisfacit diebus
ſacris unam audiendo. *ibid.* n. 20. Puel-
la quæ vovit virginatatem, tenetur
eam ſervare poſt perpetratum primum

actum turpem, niſi expreſſe intende-
rit hunc tantum vitare. *p. 234. n. 21.*
Vovens virginatatem tenetur ad caſti-
tatem, quidquid laxè dicant P. Ma-
rin, & P. Moya. *ibid.* n. 22. Qui vo-
vit peregrinationem abſolute, ſatisfa-
cit peregrinatione equeſtri. *p. 235. n. 23.*
Etiamſi mercede conductus, vel timo-
re coactus, aut alterius negotii cauſa
peregrinationem ſuſcipiat. *ibid.* n. 24.
Qui vovit Religionem, aut ſuſcipe-
re ſacros ordines, vi talis voti non
tenetur ad caſtitatem. *ibid.* n. 25. Qui
vovit eleemolyſm non determinan-
do quantitatem, quantitas metiri debet
ex circumſtantiis. *p. 236. n. 26.* Qui
vovit vinum pro Miſſis celebrandis,
tenetur dare vinum qualitatibus ſaltem
mediocriter bonæ. *ibid.* n. 27. Qui vi-
num ex ſuis vaſis argenteis, vel ſer-
vis, vel animalibus Deo vovit, pot-
eſt eligere quod ipſe maluerit. *ibid.*
n. 28. Si unica ex his rebus ante im-
pletionem voti ſuperſit, danda eſt ea
quæ ſuperſit. *ibid.* & *p. 237. n. 29. & 30.*
Si promiſeris rem determinatam uni
ex duabus Eccleſiis, ignores vero cui
promiſeris, dare potes cui malueris.
ibid. n. 31. Turius tamen erit rem pro
rata dubii utrique Eccleſiæ dividere.
ibid. n. 32. Error circa ſubſtantiam vo-
ti reddit votum invalidum. *p. 238. n. 2.*
Si voviſti quamdam Religionem, exi-
ſtitans in ea carnum cibum licitum
eſſe, cum reapse non eſt, adhuc te-
neris illam, aut ſaltem aliam ingre-
di. *ibid.* & *p. 239. n. 3.* Error circa fi-
nem voti reddit votum invalidum.
ibid. n. 4. Intellige ſi ſit circa finem
intrinsicum, non autem voto extrin-
ſecum, aut circa cauſam occasiona-
lem voti. *ibid.* & *p. 240. n. 5.* Assigna-
tur regula ad dignolcendum utrum
circumſtantiæ ſpectent nec ne ad ſub-
ſtantiam voti. *ibid.* n. 6. Si, an ſic ſpec-
tent, omnibus inſpectis ſit dubium,
ſtandum eſt pro voto. *ibid.* n. 7. Vo-
tum metu extortum ſive ab intrinſe-
co, ſeu ab extrinſeco etiam ad vo-
tum extorquendum illato, validum eſt.
p. 241. & ſeq. n. 8. & ſeq. Et quidem
etiam iure eccleſiaſtico, excepto voto

solemni . p. 242. & seq. n. 10. & seq. Assignantur conditiones generales voti absoluti, & particulares votum efficiences conditionatum . p. 244. n. 2. Non semper particula si votum efficit conditionatum . *ibid.* n. 3. Conditio turpis contra substantiam voti, illud irritat . p. 245. n. 5. Votum sub conditione obligat tota ea impleta . p. 246. num. 6. Voto emissio adiungi nequit ulla conditio . *ibid.* Ut votum obliget satis est eius conditiones impleri æquivalenter . *ibid.* n. 7. & seq. Impediens sui voti conditionem a se non pendentem, peccat contra votum . p. 247. n. 9. Vovens expectare tenetur talis conditionis eventum; nec eum vi, dolo, aut precibus impedire potest . *ibid.* Quod si impedit, adhuc voto tenetur . p. 248. & seq. n. 10. & seq. Votum pœnale validum est . p. 249. n. 12. Transgressio voti pœnalis ex invincibili ignorantia culpa vacat; nec ob eam ulla subeunda est pœna . p. 250. n. 13. Mortale peccatum committens contra votum non obligatur ad pœnam, si invincibiliter, secus si vincibiliter voti sit immemor . *ibid.* n. 14. Si quis absolvitur a voto duplici pœnali, absolvitur quoque a pœna, quam nondum incurrit . *ibid.* n. 15. Secus si iam eam incurrerit . *ibid.* n. 16. In petitione dispensationis explicandum est utrumque votum . *ibid.* Qui vovit vitare ex. gr. ludum sub tali pœna, ludendo eam incurrit semel tantum . p. 251. n. 17. Votum edi non potest ni-

si a ratione prædito, & de iis quæ cadunt sub dominio voventis . p. 274. n. 1. & seq. Ecclesia potest ferre leges quibus aliquæ personæ ad vovendum inhabiles reddantur . p. 279. n. 9. Episcopi vovere non possunt abdicationem Episcopatus, vel ingressum Religionis, summo Pontifice inconsulto . *ibid.* n. 10. Nec eo pariter inconsulto peregrinationem ultra tempus quo possunt a suis Ecclesiis abesse . p. 280. n. 11. Parochi, vel beneficiati residentie vinculo adstricti Religionem vovere possunt, eamque ingredi Episcopo inconsulto . p. 281. n. 12. Deus vovere non potest . *ibid.* n. 13. Christus Dominus, & Angeli viatores vota edere potuerunt . *ibid.* Votum cessat obligare, cessante tota causa proxima movente . p. 282. n. 2. Causa finalis movens alia est proxima, alia remota; & proxima alia est motiva, alia impulsiva . *ibid.* n. 3. Cessat votum cessante causa finali movente proxima ob culpam voventis . p. 283. n. 4. Sed videtur æquivalenter voto satisfacienda . *ibid.* Voti vinculum solvitur notabili rerum mutatione . p. 285. n. 5. Explicatur quæ mutatio dicenda sit notabilis . *ibid.* n. 6. Voti vinculum probabilius non tollit rei promissæ mutatio, quam si vovens tempore voti editi cognovisset, a voto abstinuisset . p. 285. n. 8. *V. Commutatio voti. Dispensatio in voto. Irritatio voti. Religio, seu Religiosus status.*

F I N I S.

005646040



